

I III 51 C

S. LAURENTII A BRUNDUSIO

ORD. FF. MIN. CAPUCCINORUM

OPERA OMNIA



S. LAURENTIUS A BRUNDUSIO
VIVENS AC PRAEDICANS A PETRO LABRUZZI DEPICTUS
SUB AN. M.DC.X

Tela cm. 55 $\frac{1}{2}$ x 42 $\frac{1}{2}$ in choro FF. Min. Cap.

Florentiae (Montughi) existens.

Lorenzo da Brindisi, Saint

S. LAURENTII A BRUNDUSIO

ORDINIS FF. MIN. S. FRANCISCI CAPUCCINORUM


OPERA OMNIA

A PATRIBUS MIN. CAPUCCINIS PROV. VENETAE

E TEXTU ORIGINALI NUNC PRIMUM IN LUCEM EDITA NOTISQUE ILLUSTRATA

VOLUMEN I

MARIALE



BQ 7074

L 38

PATAVII

EX OFFICINA TYPOGRAPHICA SEMINARI

MCMXXVIII

26829

Fr. MELCHIOR A BENISA

TOTIUS ORDINIS FF. MIN. S. FRANCISCI CAPUCCINORUM MINISTRI GENERALIS (l. i.)

Praesentium virtute annuimus ut editio operum omnium Sancti Laurentii a Brundusio O. Min. Cap., a Patribus Provinciae Nostrae Venetae iuxta textum originalem elaborata et adnotationibus illustrata, servatis ceteris de iure servandis, publici iuris fieri possit.

*Datum Romae ex Curia Nostra generali,
die 30 Ianuarii 1928*

Fr. MELCHIOR A BENISA

(L. S.)

Min. G. lis Cap.

Cum olim a SS. Rituum Congregatione revisa et approbata fuerint S. Laurentii Brundusini opera, non est quod de illis meam proferam sententiam. Solum igitur de ratione servata in eis edendis testimonium mihi reddendum est: quam plene probans, PP. Editoribus plundo, qui pro virili ad improbum laborem accincti, felici cum successu, praesentem « Marialis » S. Laurentii editionem omnibus numeris absolutam curaverunt.

Assisi, 24 februarii 1928

F. EDUARDUS ALENCONIENSIS
Ord. Min. Cap. ex Def. Gen.

Attente perlegi Sancti Laurentii Brundusini « Mariale » cura Confratrum Provinciae Venetiarum typis vulgandum. Nihil in praeclaro hoc opere inveni a mente Ecclesiae alienum, quinimmo omnia fidel et morum dogmatibus consona.

Friburgi Helvetiorum pridie cal. Mart. 1928

P. HILARINUS A LUCERNA
Ord. Min. Cap. Def. Prov. et Custos Gen.

Nihil obstat

Patavii, die XVII Februaril, MCMXXVIII

Can.^{ous} Doct. OLIVUS LUISETTO

Cens. Eccl.

Imprimatur

Patavii, die XVIII Februaril, MCMXXVIII

Can.^{ous} Doct. PRIMUS CARMIGNOTO

Vicarius Generallis

PIO XI PONT. MAX.

OPERA OMNIA

S. LAURENTII A BRUNDUSIO

ORD. MIN. CAP.

S. SEDIS ET ECCLESIAE IURUM

STRENUI VINDICIS

NUNC PRIMUM IN LUCEM EDITA

ERGA SUPREMAM APOSTOLATUS CATHEDRAM

EADEM FIDE EODEMQUE STUDIO FERVENTES

PATRES MIN. CAPUCCINI PROV. VENETAЕ

HUMILLIME DICANT

A. M.CM.XXVIII

PRAEFATIO IN EDITIONEM UNIVERSAM

DE VITA S. LAURENTII.

S. Laurentius ex illustri familia veneta¹ Brundusii in Italia meridionali natus est die 22 Iulii anno 1559. Adhuc puer in cathedrali brundusina suggestum ascendens frequentem populum in sui admirationem attraxit. Circa duodecimum aetatis annum, patre e vivis sublato, Venetias profectus, scholam clericorum cathedralis S. Marci frequentavit. Inter Minores Capuccinos Provinciae Venetae anno 1575 cooptatus in coenobio veronensi novitiatum peregit, ac brevi virtutum omnium laude floruit. Studiorum causa Patavium missus, in philosophicis et theologicis disciplinis expedite perfecteque addiscendis ipsi magistro admirationi fuit. Adhuc in Diaconatus ordine constituto praedicationis officium a Ministro Generali concreditum est.

Sacerdotio auctus et lector theologiae renuntiatus, universam doctrinam sacram maxime Divinam Scripturam sic profunde hausit, ut scientia ipsius infusa potius quam acquisita videretur. Hoc tempore mirabile plane Commentarium in Genesim, forte etiam in Ezechielem prophetam Expositionem composuit. Plures linguas, graecam nempe, chaldaicam, syriacam, germanicam, gallicam, hispanicam praeter latinam et italicam didicit, quas data occasione in verbi Dei praedicatione et in

1) De cognomine et nobilitate familiae S. Laurentii non una est biographorum opinio; nos quod certum est hic posuimus, alibi de hac re profundius acturi.

controversiis adhibuit.² Hebraicam vero linguam tam probe scivit, ut Hebrei eum audientes unanimiter suae gentis esse existimarent.³ Haec linguarum peritia Laurentii tam mira videbatur, ut glossolaliae donum assecutus esse diceretur.⁴

Concionator celeberrimus, vim et zelum Pauli Apostoli in dicendo ostendit. Praecipuas Italiae civitates concursans, perditos audientium mores refecit, nutantium fidem firmavit, pluraque opera concionatoria: Quadragesimalia, Adventus, Domini-calia, Mariale, Sanctorale, aliosque diversi generis sermones conscripsit. Conversioni Iudaeorum Clementis VIII iussu destinatus, eorum plurimos Evangelii sectatores effect.

Pluries Guardianus, Minister Provincialis Tuscensis, Venetae, Helvetiae, Genuensis Provinciarum, Definitor et tandem Minister Generalis disciplinam et studia praesertim sapientissimis datis litteris et exhortationibus promovit, necnon Minorum Capuccinorum Ordinem defendit et per omnem pene Europam diffudit. Visitator et Commissarius Generalis in Provinciis Coloniensi et Pragensi multa monasteria erexit et lutheranam haeresim exemplo, verbo et scriptis strenue oppugnat, eo successu ut tanquam praesidium catholicae fidei in Germania meridionali conclamatus sit. Celeberrimae sane extiterunt disputationes, quas Pragae cum Laysero habuit, contra quem duo ponderosa volumina exaravit.

Delegatus spiritualis in bello contra Turcas ducum et militum animos verbo et fortitudine ita accedit, ut omnium sententia Albae Realis victoria ei fuerit tributa. Ad christianaे religionis quam maxime utile foedus ineundum a Romano Pontifice et a Germaniae imperatore ad Philippum III Hispaniarum regem missus, omnium plausu et gaudio missionem susceptam feliciter implevit. Pauli V iussu ad Germaniae et Bavariae reges et apud italicos principes legationibus functus, sub-

2) S. Laurentium linguam graecam, hebraicam, chaldaicam, syriacam calluisse clare appareat ex operibus manuscriptis, abhinc edendis. Linguam germanicam vero iam ab anno 1602 bene loquebatur ex testimonio Fr. Ruphini Prov. Helvet., qui eodem anno novitus erat Uraniae. En eius verba: « Er hat ziemlich gut deutsch geredet ». Cf. St. Fidelis- Glöcklein vol. I, pag. 171-172. Idem referunt plures Processus et omnes fere biographi, quos infra citabimus; quif etiam adiungunt ipsum bene locutum esse alias linguas, gallicam nempe, hispanicam, slavicam et albanensem. At de his fusius alibi.

3) Cf. Compendium vitae, virtutum et miraculorum B. Laurentii a Brundusio ex tabulario S. Rituum Congregationis, Romae 1881, pag. 6. — P. Emmanuel Neapolitanus in libello a P. Bonaventura a Sorrento edito: Il Cappuccino S. Lorenzo da Brindisi ai cospetto di Napoli e dei Napoletani, pag. 13. S. Agnello di Sorrento 1881, et omnes biographi.

4) Cf. Compendium vitae etc. pag. 6 et alli plurimi.

versam pacem restituit. Minister pacis ab eodem Pontifice ad regem Hispaniarum missus et Ulissiponem profectus, in ea civitate laboribus fractus ac plenus meritis occubuit die 22 Iulii anno 1619. « Ad eius obitum tota prope Europa ingemuit. Certe rex Hispaniarum catholicus non minus se de eius morte quam sui parentis dolere testatus est. Luxit eandem Summus orbis christiani Pater et Pontifex Paulus V; luxere purpurati Romae Patres et Ecclesiae Principes Cardinales ».⁵ Defuncti funera in omnibus fere Europae civitatibus ingenti populorum concursu celebrata fuere. Virtutibus et miraculis clarum Pius VI anno 1783 inter Beatos, Leo vero XIII anno 1881 inter Sanctos adnumeravit.⁶

DE OPERIBUS S. LAURENTII.

Quamvis S. Laurentius omnem fere vitam tot tantisque oneribus magisterii, gubernii et ministerii insumpserit, momenta nihilominus negotiis libera, more magnorum, lectioni et scriptioi consecravit. Hinc « opera multa, devota, gravia et sapientissima »⁷ nobis reliquit.

5) Raderus S. I. Bavaria Pia, pag. 168. Monachii 1628.

6) De vita S. Laurentii cf. Annales Provinciae Venetae Ord. Min. Cap. B, B. anno 1591-1653 ms. passim. — Relaciones rerum notabilium Provinciae Venetae ms. vol. 3, passim. — Summaria Processuum Beatificationis. Positiones de Virtutibus, etc., Romae anno 1756. — Marcellinus de Pise, Annales Min. Cap. t. 3, anno 1619, pag. 298-350. — De Cerreto, Annales Minorum t. XXIV, pag. 58 et sqq., t. XXV, pag. 73 et sqq. — Commentariolum S. Laurentii de rebus Austriae et Boihemiae edit. a R.mo P. Eduardo ab Alencorio Ord. Min. Cap. una cum documentis ineditis, Romae apud Curiam Generalitatem, Collegio S. Lorenzo da Brindisi, via Boncompagni, anno 1910. — Documenta inedita de secunda legatione S. Laurentii in Hispania, edita a P. Fredegando ab Antuerpia Ord. Min. Cap., Analecta Ord. Min. Cap. anno 1919, vol. XXXV, pag. 220 et sqq.; anno 1920, vol. XXXVI, pag. 138 et sqq. — P. Angelus Maria De Rossi a Voltaggio Ord. Min. Cap., Vita del Servo di Dio P. Lorenzo da Brindisi, Roma, Bernabò 1710. — P. Bonaventura a Coccaglio Ord. Min. Cap., Vita del B. Lorenzo da Brindisi, Venezia, Simone Occhi 1783. — Gabling, Laurentius von Brindisi, Guenzburg 1783. — P. Franciscus de Ajofrin Ord. Min. Cap., Vida, Virtutes y milagros del B. Lorenzo de Brindis, Madrid, Joachin Ibarra 1784. — La Vie du Bienheureux Laurent de Brindes, par un Académicien des Arcades de Rome, Avignon 1784. — F. Erhardus a Radkersburg Min. Gen. Ord. Min. Cap., Vita del B. Lorenzo da Brindisi, seconda edizione, Venezia, Simone Occhi 1785. — P. Rochus a Cesinale Ord. Min. Cap., Storia delle Missioni dei Cappuccini T. I, pag. 317 et sqq., Parigi, Lethellieux. — P. Bonaventura a Sorrento Ord. Min. Cap., Il Cappuccino S. Lorenzo da Brindisi al cospetto di Napoli e dei Napoletani. Memorie Storiche, S. Agnello di Sorrento 1881. — P. Laurentius ab Aosta Ord. Min. Cap., Vita di S. Lorenzo da Brindisi (translatio ex lingua gallica), Roma, Poliglotta 1881. — F. Antonius Brennan Ord. Min. Cap., Life of S. Lawrence of Brindisi apostle and diplomat, R. Et. T. Washbourne L. T. D., Paternoster Row, London, 1911. — P. Athanasius Eisler Ord. Min. Cap., Apostel, Feldherr und Diplomat, Wien Kapuzinerkloster 1926. — Pastor Ludovicus, Geschichte der Päpste vol. XI, pag. 281-82; vol. XII, pag. 200, Freiburg im Breisgau, Herder 1927. — Plures alii. Documenta tamen nova iam a nobis inventa sunt, quae suo tempore publici iuris fient.

7) P. Bernardus a Bononia, Bibliotheca Scriptorum Ord. Min. S. Franc. Cap. pag. 167, Venetiis, Colletti 1747.

Maior pars operum a Superioribus Provinciae Venetae, instante forsan processu Beatificationis, in unum conlecta et ad Em. Cardinalem Pico Mirandolinum, Causae Relatorem, anno 1725 missa,⁸ per S. Rituum Congregationem revisa est.⁹ Haec quidem opera in Archivo nostro Venetiarum custodiuntur,¹⁰ exceptis sex litteris familiaribus ad D. Franciscum Ceratto missis. Reliqua S. Laurentii scripta alia in aliis archivis, bibliothecis, reliquiariis asservantur.

En elenchus operum, quae manuscripta nobis innotuerunt:

- 1.^o Explanatio in Genesim [idest, in tredecim priora capita Geneseos] vol. in oct. 22×16 pag. 538. (P. 6. Fasc. 1); latine.¹¹
- 2.^o Dissertationes adversus Lutherum et Layserum latine, hebraice et graece exaratae, vol. in parv. folio 34×22 pag. 760. (P. 6. fasc. 2); latine.
- 3.^o [Dissertationes] adversus Lutherum et Layserum dogmaticae exaratae et responsio ad libellum Layseri, vol. in parv. fol. 34×22 pag. 660. (P. 6. fasc. 3); latine.
- 4.^o Mariale, Sermones de Virgine Deipara, in parv. fol. 30×20 pag. 264. (P. 5. fasc. 2); latine.
- 5.^o Quadragesimale, in parv. fol. 34×24 pag. 526; desinit feria V Dominicæ 3^æ (P. 5 fasc. 11); latine.
- 6.^o Quadragesimale, in parv. fol. 34×24 pag. 340; incipit feria VI Dominicæ 3^æ (P. 5 fasc. 10); latine.
- 7.^o Quadragesimale, in parv. fol. 30×21 pag. 324. (P. 5. fasc. 12); latine.

8) Cf. Nota opusculorum per Ven. Servum Dei P. Laurentium a Brundusio Ord. Min. Cap. exaratorum, etc. Haec nota invenitur in Arch. Cap. Prov. Venetae A. C. P. 6. adnexa ad «Copia del Processo formato in Venezia». Tempore processus inclusa in arca lignea Romam cum operibus S. Laurentii a Rev.mo Patriarcha Venetiarum missa est.

9) In regestis decretorum S. Rituum Congr. anno 1734.

10) Nescimus præcise quando haec opera Provinciae Venetae restituta sint. P. Bernardus a Bononia (l. c.) dicit quod suo tempore (anno 1747) Romae servabantur. Idem affirmat (an. 1784) Franciscus de Ajofrin op. c. pag. 84; forsan repetit ea quae Bernardus a Bononia retulerat. Nunc una cum Biblia latina (ed. Antuerpiae, Plantini 1574) a S. Laurentio adhibita aliisque rebus ad ipsum pertinentibus custodiuntur in armario separato.

11) Tituli assignantur prout manuscripti extant in dorso vel in I folio codicum. His titulis semper adiunguntur verba «Manu propria» (S. Laurentii), vel «Manu propria eiusdem» quae certe ab aliis post an. 1734 scripta sunt. Verba signo [...] inclusa ad claritatem adiecimus; ea vero quae signo (...) clausimus in sigillo codici impresso inveniuntur, et significant miscellanea et fasciculum. Dimensiones codicum indicatae externae sunt. In citandis postea codicibus numero arabico titulis praeposito utemur. Descriptionem vero completam uniuscuiusque codicis ad introductionem specialem amandamus.

- 8.^o Adventus, in parv. fol. 34 × 24 pag. 204. (P. 5 fasc. 8); latine.
- 9.^o Adventus, in parv. fol. 32 × 22 pag. 160. (P. 5 fasc. 9); italice.
- 10.^o Dominicale, in parv. fol. 34 × 24 pag. 178. (P. 5 fasc. 4); latine.
- 11.^o Dominicale, in parv. fol. 33 × 22 pag. 160. (P. 5 fasc. 5); latine.
- 12.^o Dominicale, in parv. fol. 29 × 20 pag. 120. (P. 5 fasc. 6); latine.
- 13.^o Sanctorale, in parv. fol. 34 × 24 pag. 198. (P. 5 fasc. 1); latine.
- 14.^o Silva Isagogica in conciones adventus, in parv. fol. 32 × 22 pag. 65. (P. 5 fasc. 7); latine.
- 15.^o Conciones Annuales super Evangelia, in parv. fol. 29 × 22 pag. 164. (P. 5 fasc. 3); italice.¹²
- 16.^o Quadragesimale et Adventus, in parv. fol. 32 × 22 pag. 476; latine.¹³
- 17.^o Conciones (aliquae), in parv. fol. 81 × 22 pag. 100; italice.¹⁴
- 18.^o De rebus Austriae et Boihemiae commentariolum; italice.¹⁵
- 19.^o Sermo de B. P. Francisco; italice.¹⁶
- 20.^o Accedunt Epistolae quadraginta, quarum una ad Prof. Marcum Antonium Bonciarium, latine;¹⁷ undeviginti ad P. Rhemigium Guardianum Monachii; duae ad Guardianum Augustae; duae ad P. Damianum a Venetiis, aliae duae ad Patrem ignotum, italice;¹⁸ octo de negotiis suarum legationum, italice;¹⁹ una ad P. Mathiam a Salò, italice;²⁰ una ad Maximilianum Ba-

12) Opera adhuc recensita revisa fuere a S. Rituum Congr. et in arch. nostro Venetiarum servantur. Ne scimus quare Bernardus a Bononia omittat Mariale N. 4 et Quadragesimale N. 7.

13) Codex asservatur Brundusii in bibliotheca archiepiscopali De Leo. Primus de eo loquitur Can. Paschalis Camassa in opusculo «Brindisini Illustri», ed. 1909 pag. 30. Optime eum recensuit P. Bernardinus Sderci a Gaiole Ord. Fr. Min., primum in ephemerede «La Verna» Aprile-Maggio 1913 num. 11-12, deinde in opusculo «Intorno ad un autografo di Sermoni di S. Lorenzo da Brindisi con un saggio dei medesimi», ubi invicte etiam vindicat authenticitatem autographi. Hic codex a nobis transcriptus et revisus est.

14) Hae conciones in Archivo Provinciali Min. Capuccinorum Vindobonae servatae a P. Albino a Thüringerberg Ministro Provinciali Provinciae Vindobonensis nobis benigne missae sunt.

15) Ms. servatur Bergomi in Archivo Min. Capuccinorum. Editum est a P. Eduardo Alenconensi. Cf. supra nota 6. Recensetur a Sbaralea in «Supplementum et castigatio ad Scriptores trium Ordinum S. P. Fr.» vol. 2, pag. 166, col. 1-2.

16) Sermo invenitur Venetiis in reliquiario Ecclesiae S. Thomae (S. Tomà).

17) Cf. Analecta Ord. Min. Cap. vol. 13, pag. 254. Reportata fuit ab ephemerede «L' Eco di S. Francesco», an. 1897, num. 12.

18) Hae litterae servantur in reliquiario Conventus Min. Capuccinorum Oenipontani.

19) P. Eduardus ab Alenconio op. cit. pp. 40, 41, 42, 44, 51, 53.

20) Id. ibid. pag. 15, nota 2.

variae Ducem, italice;²¹ tres ad Em. Dom. Cardinalem M. Borghese; ²²
una ad D. Petrum Toletanum, italice; ²³

21.^o Ordinationes pro Fratribus Provinciae Helveticae, italice. ²⁴

Haec opera genuina et integra esse, ipsius S. Laurentii manu conscripta
indubie constat non modo testimoniis extrinsecis,²⁵ quae abunde sufficerent, verum
etiam criteriis intrinsecis. Enimvero, si pauca excipias eorum quae sub nn. 20, 21
recensuimus, omnia examini rigoroso et improbo subiecta comparavimus cum
manuscriptis ad ipsum certo spectantibus, ut sunt ea quae a S. Rituum Congre-
gatione recognita et revisa fuerunt. Omnia idem stylus et character, idem lo-
quendi usus, idem concipiendi et loquendi modus, eadem generatim breviandi
ratio; correctiones hinc inde, additiones, notae marginales eadem manu semper
appositae; omnia demum religiose ut reliquiae servata.

At praeterea alia quaedam opera nondum a nobis detecta S. Laurentio tri-
buuntur. Et quidem :

- 1.^o Sex Epistolae familiares ad Franciscum Ceratto (italice), quae memorantur in
elencho operum a S. Rituum Congregatione revisorum. ²⁶
- 2.^o Epistolae quatuor quas S. Laurentius, dum esset Minister Generalis, misit ad
universos Religionis fratres pro perfecta seraphicae Regulae observantia.
- 3.^o Expositio in Ezechiele prophetam.
- 4.^o Tractatus de modo concionandi, in quo assignantur multae regulae neoprae-
dicatoribus necessariae.

Quae numeris 2-4 recensentur, S. Laurentio adscribuntur tum in utraque Bi-
bliotheca Scriptorum Ord. S. Francisci Capuccinorum,²⁷ tum ab aliis auctoribus
iam laudatis. ²⁸

21) Cf. Bonaventura a Sorrento op. cit. p. 28, nota 16.

22) Extant in Bibliotheca Vaticana - Barberini - Latine 7054 - Germania - Diversi LXXXIV-10.

23) Franc. de Ajofrin op. cit. pag. 371-372.

24) Archivum Prov. Helv., Lucernae, sign. 4 y, 5. Hae ordinationes aliena manu scriptae a S. Laurentio
tantum subsignatae sunt.

25) Cf. supra dicta praesertim in notis 8-18. Ceterum amplior documentatio praeftationi speciali reservatur.

26) Regesta S. Rituum Congreg. an. 1734. Hae litterae ubi nunc extent, nondum comperire potuimus.

27) Cf. Dionysius Genuensis, Bibliotheca Scriptorum Ord. Min. S. Fr. Cap., editio altera, Genuae 1691,
Franchelli pag. 318-21; Bernardus a Bononia op. cit. P. Dionysius fatetur ea se vidisse.

28) Sbaralea op. cit. l. c.; P. Franciscus de Ajofrin op. cit. l. c.; P. Laurentius ab Aosta op. cit. l. c., qui
adiungit etiam dimensionem in 4; illum forsitan sequitur Fr. Antonius Brennan op. cit. l. c.

Existimant nonnulli²⁹⁾ S. Laurentium vel solum vel una cum aliis auctoribus compilasse etiam opus quod dicitur « Direttorio di Diritto », ex quo prodierit « Modus procedendi » pro Ord. FF. Min. S. Francisci Capuccinorum.

Coniiciendum quoque videtur S. Laurentium earum, quae a Summis Pontificibus, Imperatoribus et Principibus ei concredite erant, legationum relationes scripto exarasse. Insuper constat multas eius epistolas, imo vel opera quoque maiora diversis locis, Ecclesiis et viris illustribus a Superioribus donata fuisse.³⁰⁾ Unde spes nobis affulget inveniendi plura S. Laurentii scripta adhuc ignota.

Lingua qua usus est S. Laurentius in suis operibus, si pauca excipias, est latina et quidem facilis, elegantis et classicae formae, praesertim in scriptis polemicas et sermonibus; unde nescimus quomodo plerique³¹⁾ eum lingua italica multa scripsisse affirment.

Ceterum de S. Laurentii vita, scientia, operibus aliisque quae ad eum spectant quaestionibus in fine tandem editionis nostrae disputabimus, tum quia documentis iamiam collectis alia plura ex archivis nondum inspectis adiicere speramus, tum quia completa demum editione synthesim omnium rerum veriorem et perfectiorem efformare poterimus. Sufficiat igitur hoc loco ea de ratione editionis huius ponere, ex quibus benevolus lector methodum a nobis adhibitam plene perspiciat.

DE RATIONE ET METHODO EDITIONIS.

TENTAMINA PRIORA. — Cum opera S. Laurentii, praecipua saltem, magni sint ponderis, mirum videtur ea omnia fere inedita et pene ignota in archivis et bibliothecis mansisse. Rationes tamen dolendi istius fati non est cur hic investigemus,

29) Cf. A Cesinale op. cit. vol. I, pag. 327, nota 4. Ceterum prima dispositio a S. Laurentio qua Ministro Generali universo Ordini data tractat de observando « Modus procedendi ». Cf. Annales Prov. Venetae B. B. 1602, f. 26, ms.

30) Exemplum typicum habes in « Quadragesimale » brundusino, quod prius ad Fr. Simonem tridentinum pertinebat, postea ad bibliothecam Cap. Tridenti transiit, demum a Provinciali Provinciae Venetae dono datum est Exc.mo D. Francisco Disultaut.

31) Sbaralea op. cit. l. c.; etiam P. Laurentius ab Aosta op. cit. pag. 311 dicit unum Quadragesimale italice scriptum esse. P. Antonius Brennan op. cit. appendice I, exceptis dissertationibus adversus Lutherum et Layserum, alia omnia italice scripta recenset!

cum iam dudum eas indicaverint Patres Bernardus a Bononia, ³² Franciscus de Ajofrin ³³ et Eduardus ab Alenconio. ³⁴

Ipsum S. Laurentium duo saltem volumina adversus Lutherum et Layserum prelo destinasse suo loco ostendetur. A publicatione tamen destitit ne Laysero mortuo insultare videretur. ³⁵ Ignoramus an alia opera publici iuris facere intenderit. Decursu tandem temporis eorundem editionem multi meditati, ³⁶ quidam fere aggressi sunt; ³⁷ ast difficultatibus omnis generis pressi, ab incepto destiterunt. Hactenus, quod quidem nos comperimus, haec tantummodo in lucem prodierunt:

- 1.^o Commentariolum de Rebus Austriae et Boihemiae. ³⁸
- 2.^o Sermo primus ex « Mariale »: *Signum magnum*, etc. ³⁹
- 3.^o Sermo ex « Quadragesimale » brundusino feriae II. infra Dominicam II. ⁴⁰
- 4.^o Sermo ex « Dominicale » Dominicae in Albis. ⁴¹
- 5.^o Epistolae octo de negotiis suarum legationum et epistola ad P. Mathiam a Salò. ⁴²
- 6.^o Epistola ad Prof. Marcum Antonium Bonciarium. ⁴³
- 7.^o Epistola ad D. Petrum Toletanum, quam P. Franciscus de Ajofrin non quidem italice edidit, sed hispanice vertit. ⁴⁴

32) Op. cit. « Lectori » pag. 8.

33) Op. cit. pag. 85.

34) Bibliotheca Mariana Ord. Min. Cap., Dissertatio de Prima Bibliotheca Scriptorum Ord. Min. Cap., Romae 1920, pag. 94, col. 2.

35) Cf. Commentariolum etc. pag. 21.

36) Cf. Franciscus de Ajofrin op. cit. pag. 85; Bonaventura a Sorrento op. cit. pag. 77; Laurentius ab Aosta op. cit. pag. 310; Bernardinus Sderci op. cit. pag. 7; alii plurimi.

37) In Archivo nostro extant aliquae transcriptiones, ex Mariali praesertim, quae typis destinatae erant. P. Franciscus de Beneyac circa annum 1880 eo fine nostrum Archivum invisit. Sic itidem P. Hilarius a Lucerna anno 1897, qui alii laboribus pressus ab intento recessit. Anno vero 1916, bello ingruente, Rev.mus P. Seraphinus ab Utino Min. Prov. opera edenda commisit D. Iosepho Perugi, qui aliqua passim transcriptis; at ea occasione vel ipsa manuscripta amitti periclitabantur; transcripta etiam tot scatent erroribus, ut nullo proorsus auxilio nobis sint.

38) Edidit P. Eduardus ab Alenconio, optime. Cf. supra nota 6.

39) Editus est in ephemeride « Eco di S. Francesco » vol. VIII (1880) pag. 276-283, bene.

40) Editus a Bern. Sderci op. cit.

41) Editus in ephemeride « Italia Francescana » fasc. I, an. 1926, p. 39, ex transcriptione Iosephi Perugi. Cf. nota 37.

42) Editae a P. Eduardo ab Alenconio. Cf. nota 17.

43) Cf. supra notae 19, 20.

44) Op. cit. pag. 371-72. Tempore auctoris servabatur ab Exc.mo D. Iosepho Alvares de Toledo.

8.^o Ordinationes pro fratribus Provinciae Helveticae, quarum versionem germanicam, antiquissimam utique, P. Anastasius ab Illgau publicavit.⁴⁵

EDITIO NOSTRA. – Quod eheu alii nondum perfecerunt, nos divino auxilio fretos perfecturos esse speramus. A pluribus iam annis consilio edendorum operum mentibus nostris obversante, ad opus ingens nos accinximus praeparare studiis paleographicis. Anno 1926 cum Capitulum FF. Min. Capuccinorum generale Romae celebrandum instaret, optimam nactus occasionem propositum operum edendorum P. Provincialis Venetiarum aperuit R.^{mo} P. Iosepho Antonio Ministro Generali Ordinis. Cum is summo plausu propositum approbaret, opusculum illustrativum⁴⁶ parandum curavimus, quod Patribus Capitularibus congressuris speciminis gratia offerremus. Omnibus usque ad unum applaudentibus ac maxime cohortante neo-electo Ministro Generali R.^{mo} P. Melchiore a Benisa⁴⁷ in nostra Veneta Provincia constitutum est Collegium Patrum, qui huic ponderoso operi sese devoverent. Idem vero Minister Generalis Revisores designavit doctissimos viros Reverendissimos Patres Eduardum ab Alenconio et Hilarinum a Lucerna, quorum auctoritas omnibus nota est. Nunc demum, post duos fere annos acris sane laboris primum volumen laetantes in lucem proferimus.

45) In ephemeride St. Fidelis-Glöcklein, Lucernae 1909, p. 162-165. Exemplar originale italicum, de quo iam diximus, servatur in Archivo Provinciae Helveticae.

46) Titulus fasciculi sonat: Editio operum S. Laurentii a Brundusio, pro manuscripto, Patavii, Typis Seminarii 1926, cum tribus tabulis photographicis.

47) Cf. Analecta Ord. Min. Cap. an. 1626, vol. XLII, pag. 197, colum. 2.

INTRODUCTIO IN PRIMUM VOLUMEN

DE S. LAURENTII ERGA B. VIRGINEM MARIAM PIETATE.

Editionem operum S. Laurentii a « *Mariale* » exordimur, ut eam Matri Virgini commendemus, erga quam Auctor tenera pietate affectus erat. Quam quidem pietatem comprobant praeclarissima vitae et operum documenta. Cum a Deipara plura eaque maxima beneficia, omnem nimirum scientiam suam, donum praesertim linguae hebraicae,¹ imo vitam ipsam² accepisse fateretur, singularis et ardentissimus eius cultor extitit. Quanta reverentia quantoque amore eam prosecutus sit vix exprimi potest. Mariae nomen semper in corde et ore habuit. Mente saepius in ea contemplanda rapiebatur, atque de ea cogitans vel loquens nihil eorum quae circa se evenirent percipiebat.³ Iter faciens Virginis praeconia, praeter cetera, Petrarchae illam in Deiparam laudem⁴ concinere, maiora difficilioraque negotia eius patrocinio commendare, ab eaque felicem repetere exitum solebat. Officium Deiparae quotidie recitandi, Missamque de ea ex indulto celebrandi mos illi constans fuit.⁵ Nunquam fere ad populum concionabatur quin de Virgine loqueretur; in sermone vero tanto rapiebatur ardore, ut nec ipsa usque ad sanguinem vellicatio a fervoris impetu

1) Cf. Fr. Ruphinus a Baden Argoviae in « *Erzählungen* » ed. in *ephemeride St. Fidelis-Glöcklein*. Lucernae an. 1909-1916, vol. I, pag. 183 seq.

2) Cf. *Summarium Processus* pag. 100; P. Rochus a Cesinale op. cit. pag. 325.

3) Cf. *Annales Prov. Venetae* ms. an. 1613-1650, vol. III, pag. 59. — *Processo di Venezia* ms. an. 1625 in *Arch. Prov. Venetae* pag. 3.

4) Cf. *Annales Prov. Venetae* ibid.

5) Cf. *Annales Prov. Venetae* et *Processo di Venezia* loc. cit.

distraheret.⁶ Ad Hebreos concionem habiturus ante eius imaginem sic ferventer orabat, ut uberrimus lacrimarum fons non tantum genas sed etiam eius vestem velut imbre irrigaret.⁷ Fratres et populum benedicens sanctissimo nomini Iesu nomen Virginis adiiciebat, litterasque principibus etiam inscriptas plerumque his vel similibus verbis absolvebat: « Nos cum prole pia benedicit Virgo Maria ».⁸ In tenerima demum Deiparae invocatione animam Deo reddidit.⁹

Ceterum S. Laurentii erga B. Virginem pietatis nullum clarius argumentum quam « *Mariale* » hoc quod edendum suscepimus. Cuius quidem respectu inspicendum est quantum, quid et quomodo scripserit.

Quoad primum, indicem sermonum enumerantes recensemus in Visionem S. Ioannis sermones septem, super *Missus est* sexdecim, in Salutationem Angelicam decem, in Canticum Virginis item decem, super *Beatus venter* quinque, super *Fundamenta eius* sex, super *Salve Regina* sex, in Conceptionem Immaculatam undecim, in Purificationem sex, in Visitationem duos, in Festum S. Mariae ad Nives duos et in Assumptionem tres: omnes universi octoginta quatuor. Haud facile putamus tam copiosam sermonum collectionem in B. Virginem inveniri posse.

Quoad secundum, summaria sermonum percurrentes inveniemus omnia quae de Virgine dici possunt vel pertractasse S. Laurentium profunde vel attigisse. Incipiendo enim e sublimi illa consideratione silentii Scripturarum de Virgine¹⁰ omnem Deiparae vitam externam et internam, privatam publicamque gradatim percurrit, ut ascendat ad supremam laudem in coelesti Sion, ubi eam ad Christi dexteram collocat, imaginem naturalem, vivam, perfectam sanctitatis et bonitatis Dei « qui tale tantumque opus super omnia eius opera mirabilia mirabilissimum potuitque voluntue efficere et ad totius humani generis utilitatem efformare ».¹¹ Unde quamvis « *Mariale* » in forma tractatus compositum non sit, excellenter tamen omnia continent quae de Virgine praedicantur.

Quoad tertium, sermones hos perlegens quisque facile intelliget magis partem

6) Cf. P. Bonaventura a Sorrento op. cit. loc. cit.

7) Cf. Fr. Ruphinus a Baden op. cit. loc. cit. Raderus op. cit. pag. 166-168.

8) Ex epistolis supra recensitis.

9) De S. Laurentii devotione erga Virginem conferantur biographi.

10) Cf. pag. 8, 30, 590, 591 huius vol.

11) Cf. pag. 594. huius vol.

doctrinalem pertractari et mentem potius quam corda pelli; ita ut si vitam S. Laurentii canticum cordis erga Virginem, *Mariale* hoc canticum mentis appellaveris. Lingua tamen, quam in scribendo adhibuit, non impediit ne in concionando animi fervorem practicasque conclusiones aptius et vividius expresserit;¹² etenim doctrina ipsa conceptusque sublimes non ex mente tantum verum etiam ex eius corde prodierunt. Quemadmodum Ioannes, qui supra pectus Domini recubuit,¹³ a Sacratissimo corde Iesu arcana Verbi hausit et patefecit;¹⁴ sic S. Laurentius magnitudinem Deiparae contemplans omnem eius pulcritudinem, gratiam et gloriam eruit. Nonnunquam vero fervore ex subiecta materia erumpente tene-rissimis verbis Deiparam salutat et invocat;¹⁵ centum fere nominibus ad eam honorandam utitur eique plusquam octoginta figurae accommodat ex textu hebraico praesertim desumptas.¹⁶

Non omnes hi sermones eiusdem sunt valoris; nonnullae in eis ideae et Scripturae textus saepius repetuntur, vel prolixius exponuntur, cum S. Auctor eos non eodem tempore scripserit neque prelo omnes destinaverit. Quae tamen affirmat solide semper probat; conceptus ubique sunt elevati et cognitio Scripturarum extraordinaria ostenditur. Iure merito demum concludere audemus S. Laurentium hoc opere Deiparae Virgini monumentum suae pietatis aere perennius exegisse.

DE MARIALIS CODICIBUS ET DIVISIONE.

Hoc volumen complectitur « *Mariale* » proprie dictum et alios quosdam sermones de B. Virgine aliunde tractos. « *Mariale* » proprie dictum continetur in codice sub N. 4 in elenco operum¹⁷ recensito. Constat 132 foliis, idest 264 paginis, quarum 40 hinc inde in textu albae sunt; magnitudine externa 30 × 20, interna descripta 27 × 15; charta est phylacea subflavii coloris; scriptura parva, plerumque densis-

12) Cf. *Bernardinus a Gaiole* op. cit. pag. 7.

13) Cf. *Io. 21, 20.*

14) Cf. *Brev. Rom. in festo S. Ioan. 2 resp. ad 1 Noct.*

15) Cf. ex. gr. *Sermo IV super Missus est* pag. 102, *Sermo I in Salutationem Angelicam* pag. 170-173, *Sermo II in Assumptionem* pag. 591.

16) Cf. *Index verborum et rerum notabilium verbo « Maria » nomina, figurae.*

17) Cf. *Praef. in ed. univ.* pag. XII.

sima cum frequentibus et aliquando arbitrariis abbreviationibus. Quae in margine hinc inde adiiciuntur a manu Auctoris provenire indubium est. Codicis charta membranacea religati inscribitur pars dorsalis alia quidem manu: « *Mariale Adm. Rev. P. Laurentii a Brundusio concionat. Cap. m^o, manu propria* ». Tempus quo « *Mariale* » scriptum sit definire haud possumus; inter prima tamen Auctoris opera reponendum videtur.

In hoc « *Mariale* » proprie dicto prostant sermones quinquagintanovem cum exordio uno, nempe: tractatus I, sermones septem in Visionem S. Ioannis Evangelistae, fol. 1-20; (citantur hic folia manuscripti); tractatus III, sermones decem in Salutationem Angelicam, fol. 50-74; tractatus IV, sermones decem in Canticum Virginis Deiparae, fol. 84-98; tractatus V, sermones quinque super *Beatus Venter*, fol. 99-106; tractatus VI, sermones sex super *Fundamenta eius*, fol. 108-128; tractatus VII, sermones sex super *Salve Regina*, fol. 76-82. Insuper sermones octo tractatus II super *Missus est*, idest IV, fol. 129; V, fol. 130; VII, fol. 45; VIII, fol. 43 44a; XII, fol. 45; XIII, fol. 46-49; XV, fol. 44b; XVI, fol. 131; sermones tres in Conceptionem Immaculatam: I, fol. 24-27; VII, fol. 30-32; IX, fol. 28-29; sermones tres in Purificationem: I, fol. 35-37; IV, 38-39a; V, fol. 39b; sermo S. Mariae ad Nives II, fol. 132; tandem exordium ad calcem I sermonis in Assumptionem impressum, fol. 40.

Sermones alii vigintiquinque cum uno exordio huic volumini inserti desumuntur ex aliis S. Laurentii operibus, nempe:

Ex « *Quadragesimale* » sub N. 5 recensito, sermones tres in Purificationem: idest II, fol. 1-2; III, fol. 3-4; VI, fol. 5.

Ex « *Quadragesimale* » sub N. 6 recensito, sermones sex tractatus I super *Missus est*: I, fol. 160; II, fol. 159; III, fol. 156; VI, fol. 158; XI, fol. 157; XIV, fol. 155.

Ex « *Quadragesimale* » brundusino sub n. 16 recensito, sermones duo tractatus II super *Missus est*, IX, fol. 186b-187; X, fol. 187b-190a.

Ex « *Adventus* » sub N. 8 recensito, sermones quinque in Immaculatam Conceptionem, II, fol. 44-45; V, fol. 46-47a; VI, fol. 47a-48b; X, fol. 48b; XI, fol. 49.

Ex « *Sanctorale* » sub N. 13 recensito, sermones duo in Visitationem: I, fol. 64-65; II, fol. 57; in Festum S. Mariae ad Nives: sermo I, fol. 66-68a; in Assumptionem sermones tres: I, fol. 75-78; II, fol. 79; III, fol. 80 et exordium unum, fol. 78b.

Ex « Silva Isagogica » sub N. 14 recensito, sermones tres in Conceptionem Immaculatam, III. fol. 27-28; IV, fol. 31-32; VIII, fol. 29-30.

Codices manuscripti e quibus desumpsimus hos viginti quinque sermones, loco suo describentur.

Complexive ergo in hoc volumine continentur sermones 84 et exordia duo.

Volumen divisimus in duas partes. In prima parte ordine iam indicato posuimus sermones qui pertractant atque exponunt certas quasdam pericopas scripturisticas vel liturgicas; in parte secunda sermones in praecipua Festa Deiparae Virginis iuxta annum ecclesiasticum dispositos. Ordinem sermonum in codicibus servatum invertimus, ut prospectus historicus et logicus servarentur. Singulis tractatibus pericopen quae ab Auctore exponitur integrum retulimus, et cuilibet sermoni synopsim generalem adiecimus. Textus vero in capite sermonum positi Auctoris sunt.

DE METHODO EDITIONIS.

TEXTUS. – Omni studio curavimus ut textus originalis fideliter omnino exhibetur; hunc in finem exemplar transcriptum a duobus Patribus separatis revisum, dein prelo subiectum denuo cum originali collatum est. Ita sane perfectam conformitatem nos adeptos esse censemus. Aliqua menda, lapsui utique calamis tribuenda, correximus, in calce vero transcriptis verbis ut sunt in manuscripto; ea quae desiderabantur et claritati textus vel necessaria vel utilia existimavimus signis graphicis quadratis [...] inclusimus. Verba Sacrae Scripturae hebraica et graeca latinis litteris conscripta eorumque latinas translationes necnon operum laudatorum titulos distinximus typis cursivis; verba Sanctorum Patrum aliorumque Scriptorum inter virgulas graphicas « . . . » posuimus. Nomina Auctorum et verba quae ab Auctore postea explicantur et qua divisionalia consideranda sunt charactere spatiose discrevimus. Hebraica verba litteris hebraicis scripta uti sunt in originali reliquimus cum signis vel sine signis vocalibus.¹⁸ Itidem verba hebraica latinis litteris transcripta intacta reliquimus, licet Auctor non sibi semper constans fuerit.¹⁹ Sane diversae in hac

18) Quattuor tantum vicibus posuimus puncta vocalia, cf. pag. 44.

19) Ex. gr. litt. *w* transcritbit aliquando *s* tantum: salom, iesuhah, pag. 369; aliquando *sc*: *isc*, pag. 373; aliquando *sch*: *scham* pag. 372; litt. *c* aliquando *c*: *col*; aliquando *ch*: *bach*, p. 378; et sic pro *m* et *y*, cf. speciatim tractatus VI super *Fundamenta eius*.

re sunt doctorum opiniones.²⁰ Eodem modo usi sumus pro graecis verbis; notandum vero S. Laurentium ad pronunciationem quod spectat reuklinianae scholae adhaesisse.²¹ Attamen differentias cum textu si quae adessent subnotavimus, hanc provinciam profundiori studio reservantes. Ad orthographiam quod attinet, Forcellini-Perin²² ut plurimum secuti sumus. Ceterum pauca tantum verba antiquam graphiam praeseferunt in manuscripto.²³

INTERPUNCTIO. — Cum S. Laurentius cursim absque interruptione quasi semper scripserit, et periodos fere nunquam punctis distinxerit, interpunctio nobis incumbebat. Partes praecipuas numeris romanis, alias minoris momenti interruptione lineae divisimus. In aliis interpunctionis signis communem methodum observavimus.

ADNOTATIONES. — Ad sensum Auctoris clarius exhibendum, notas marginales adiecimus ita sese excipientes ut quasi breviarium sermonis efficiant. Locos Sacrae Scripturae, Patrum aliorumque Auctorum in calce adnotavimus numeris continuis pro unoquoque sermone. Quoad verba Scripturae pro textu latino Gramatica²⁴ et Hetzenauer,²⁵ pro textu graeco Hetzenauer,²⁶ Kittel²⁷ pro hebraico consuluimus. Patres et Scriptores Ecclesiasticos secundum editionem Migne ita citavimus ut litterae P. L. « Patres Latini », P. G. « Patres Graeci » legenda sint, et prior numerus semper tomum, secundus vero columnam, aut ubi adsit, numerum crassiorem a Migne textui insertum significet; S. Ephraem Syrum, a Migne non editum, secundum editionem J. Assemani tradimus.²⁸ Discrepantias cum textu Scripturae, Patrum et Auctorum, si quae adessent, adnotavimus.²⁹ Alias etiam notas apposuimus,

20) Cf. Grammaticae hebraicae Schilling, Vosen, Scerbo, Gismondi S. I., Valente M. I., Grammatica della lingua ebraica senza segni massoretici. Torino S. E. I. 1923.

21) Cf. p. 350, 356 et alibi pluries.

22) Lexicon totius latinitatis, Furlanetto, Corradini, Perin curantibus. Patavii, Typis Seminarii. — Onomasticon totius latinitatis Perin. Patavii, Typis Seminarii 1913-26.

23) Ex gr.: charus, charitas, author, Moises, choriphoeus, Apocalipsis, et alia.

24) Bibliorum Sacrorum iuxta Vulgatam Clementinam nova editio. Mediolani, Ghirlanda 1922.

25) Biblia Sacra secundum Vulgatam Clementinam. Ratisbonae, Fr. Pustet 1922.

26) Novum Testamentum graece, editio 2. Oeniponte Wagneriana 1904. Pro V. T. consuluimus F. Vigouroux, La Sainte Bible Polyglotte. Paris.

27) Biblia hebraica Lipsiae Hinrichs. Consuluimus etiam Vigouroux op. c.

28) Venetiis, Gerardi 1755-56.

29) Nemo miretur si multae sint variantes praesertim in citationibus scripturalibus, cum Auctor evidenter ex memoria saepissime citaverit.

quas oportunas iudicavimus ad sensum magis enucleandum vel ad facta historica constabilienda, parcissimas tamen ne textum nimis gravaremus. Modum citandi modernum secuti sumus. Indices duos adiecimus, unum synthetico-analyticum sermonum, alium nominum et rerum notabilium. In hoc altero indice confiendo verba et nomina ut plurimum relate ad Deiparam Virginem respeximus. Sic uno velut prospectu habentur omnia quae de Matre Dei in volumine continentur.

Quantum laboris in praeparanda perficiendaque editione consumpserimus, omnes qui huiuscemodi studiis incumbunt facile perspicient. Undique difficultates nobis obfuerunt. Textus originalis, licet bene generatim conservatus, saepius lectu difficillimus est. Interpunctio, divisio, notae marginales, cum, ut diximus, textus sine punctis plerumque densissime scriptus sit, analysim minutissimam, assiduum intentamque exegerunt. Citationes quoque inveniendae opem operamque multam postularunt, cum S. Laurentius ex memoria saepissime auctorem tantum vel opus, aliquando neutrum indicaverit. Tandem in componendis et corrigendis foliis typicis plurimum insudavimus. Omnem profecto curam adhibuimus ut editionem, quantum fieri possit, perfectam exhiberemus; perfectionem vero nos attigisse sperare non audemus. Doctiorum igitur iudicio opus nostrum subiicimus, pergrato animo eorum animadversiones accipere parati.

Confratribus nostris et amicis hanc editionem operum « Scriptorum nostrorum gloriosi Antesignani » offerimus ob memoriam quarti exeuntis saeculi a Reformatione Ordinis Min. Capuccinorum.

Remanet ut lectissimas gratias rependamus omnibus qui nobis auxilio quoquo modo fuerunt, maxime vero Rev.mis Patribus Eduardo ab Alenconio et Hilarino a Lucerna, qui non tam revisores quam consiliarii et colaboratores fuerunt; nec non paeclarissimo Domino Directori Typographicae Officinae Seminarii Patavini, qui editioni absolute edendae et illustrandae totis viribus adlaboravit.

Venetis ex Conventu SS. Redemptoris calendis martii anno 1928.

PATRES EDITORES

PRIMA PARS

DE LAUDIBUS ET INVOCATIONE VIRGINIS DEIPARAE

SERMONES

1. – In Visionem S. Ioannis Evangelistae.
 2. – Super: *Missus est.*
 3. – In Salutationem Angelicam.
 4. – In Canticum Virginis Deiparae.
 5. – Super: *Beatus venter.*
 6. – Super: *Fundamenta eius.*
 7. – Super: *Salve Regina.*
-

1.

IN VISIONEM S. IOANNIS EVANGELISTAE

SERMONES SEPTEM

IN SABBATIS QUADRAGESIMAE

«*Et signum magnum apparuit in coelo: mulier amicta sole, et luna
sub pedibus eius, et in capite eius corona stellarum duodecim.*

Et in utero habens, clamabat parturiens, et cruciabatur ut pariat....

*Et peperit filium masculum, qui recturus erat omnes gentes in
virga ferrea; et raptus est filius eius ad Deum et ad thronum eius».*
Apc 12, 1-5.

Savaria Cinct. be heretibz singular specimen.

SERMO PRIMUS

Sabbato Cinerum

DE ADMIRABILITATE VIRGINIS DEIPARAE EX VERBIS VISIONIS:

Signum magnum apparuit

*Signum magnum apparuit in coelo; mulier
amicta sole, et luna sub pedibus eius etc.*¹

I. Cum Ioannes Apostolus et Evangelista, dilectus Christi discipulus et Sanctissimae Virginis Deiparae post Christi crucem singularis filius, in Patmos insula relegatus pro Christi fide multa pateretur, ibidem etiam multis a Deo consolatus fuit coelestibus ac divinis revelationibus. Nam, ut ille ait: *Sicut abundant passiones Christi in nobis, ita et per Christum
abundat consolatio nostra;*² nam: *Secundum numerum dolorum meorum
in corde meo, consolationes tuae laetificaverunt animam meam.*^{2a}

Christus multis
apparitionibus
Ioannem
consolatur.

Singulari studio Ioannes qui supra pectus Domini in coena recubuit,³ et Mariae optimam partem elegerat quae non auferetur ab eo,⁴ intentus fuit semper, post Christi Domini ascensionem in coelum, divinis contemplationibus, sed tempore tribulationis multo impensius divinis rebus operam dabat; hic enim sanctorum mos fuit. Quare cum Ioannes tunc temporis «ardentiori flamma succensus raperetur in Deum, et seraphicis quibusdam ardoribus sursum ageretur, coepit etiam divinae contemplationis dulcedine abundantius solito multoque copiosius superfundi, coelestiumque immisionum cumulatius dona sentire».⁵

Ioannes semper
contempla-
tionibus
intentus, sed
praesertim tem-
pore
tribulationis.

1) Apc 12, 1. 2) 2 Cor 1, 5. 2a) Ps 93, 19. Vulg. habet: *Multitudinem, loc.: Numerum.*
3) Cf. Io 21, 20. 4) Lc 10, 42. 5) Ex S. Bonaventura, *Leg. I. S. Franc.* cp. 13.

Quare, sicut *Deus Pater misericordiarum, et Deus totius consolationis, qui consolatur nos in omni tribulatione nostra*⁶ consolatus illum fuit, sicut olim Iacob patriarcham visione scalae coelestis,⁷ Moysem divina appariione in rubo ardenti,⁸ tres pueros in fornace ardenti angelica consolatione et coelesti refrigerio,⁹ et sicut Paulum, consolationis ergo, rapuit in tertium coelum in ipsum paradisum, et coelestis gloriae visione modo ineffabili recreavit;¹⁰ ita Ioannem multis modis consolatus fuit. Saepe, rese-
Ioannes
multis modis
consolatus.
 rato coelo, ostendit ei sicut Stephano gloriam paradisi, gloriam Christi, gloriam Dei.¹¹ Saepe illum visione et locutione Angelorum laetum reddidit, et gaudio magno perfudit. Saepe de coelorum sublimi Salvator dulcissimus ei apparuit. Saepe etiam visione Paternae gloriae dignatus est. O felicem Ioannem, ter quaterque beatum, munere divinae caritatis! Quia diligebat eum Iesus.¹²

B. Virgo post
assumptionem
Ioannem
apparitionibus
consolatur.

II. Unum deesse poterat Ioanni. Diligebat ipse super omnia Christum, pleno affectu, vere ex animo, ex totis praecordiis, sicut dilectissima sponsa amantissimum sponsum. Propterea visione Christi tanto gaudio perfundebatur. Sed quis nesciat quod Virginem etiam Deiparam, Sanctissimam Christi Matrem, summa pietate colebat, summa prosequebatur caritate tanquam dulcissimam et amantissimam matrem? Sciebat enim quod ab ipsa similiter tanquam filius carissimus diligebar post Christum. Nam et Matri Christus de Ioanne dixerat: *Ecce filius tuus, et Ioanni de Matre: Ecce mater tua. Et accepit, inquit, eam discipulus in sua:*¹³ accepit in propria.

Affectus
Ioannis erga
matrem Mariam
adiuic in terris
degentem.

Quid, queso, proprii Ioannes habebat in mundo, qui ut Christum sequeretur, omnia reliquerat, patrem etiam et matrem, imo et animam suam? Quomodo in propria accepit Virginem, Christi Matrem, qui, relicitis omnibus, proprii nihil possedit? Sed affectus ostenditur. Accepit eam tanquam rem supra modum carissimam, tanquam inaestimabiles divitias, infinitumque thesaurum. Illam existimabat thesaurum suum, omnes divitias suas, omnia bona sua. Sic Ioannes Virginem Matrem magno, ineffabili, inaestimabili prosequebatur affectu.

At vero non multis annis post Christi Domini ascensionem in coelum,

6) Cf. 2 Cor 1, 3-4.

10) Cf. 2 Cor 12, 2-4.

7) Cf. Gn 28, 12-16.

11) Act 7, 55.

8) Cf. Ex 3, 2-5.

12) Cf. Io 19, 26.

9) Cf. Dn 3, 49-50.

13) Io 19, 26-27.

Maria quoque ad coelestia regna assumpta a Christo fuit, ut regina assisteret a dextris Summi Imperatoris *in vestito deaurato circumdata varietate.*¹⁴ Nam, quintodecimo fere anno post Christum, Virgo Deipara in coelum assumpta fuit. Ioannes autem usque ad Traiani tempora vixit. Et cum a Domitiano, « horrendae crudelitatis monstro »,¹⁵ in Patmos insula relegatus fuit, iam Virgo Sanctissima in paradisum translata, ipsum superstitem in hac lacrimarum valle ad ecclesiae utilitatem, ita Christo disponente, reliquerat.

Sciens Ioannes Virginem in coelum assumptam et supra omnes angelicos ordines ad Christi dexteram exaltatam, non poterat non gaudere et exultare spiritu. Sed talis tantaeque Virginis conversatione dulcique solatio et divina consolatione privatus, non poterat non tristari et non suam dolere sortem. Perspectum id erat Virgini et optime notum. An putamus oblitam ipsam fuisse Ioannis? Quomodo oblivisci eius potuit, quem, Christi loco, maternis fuit visceribus tenere prosecuta? Oblitus fuit pincerna Pharaonis innocentis Ioseph in carcere,¹⁶ ut ingratius. Maria sic oblivisci minime potuit. Quare iuvat credere quod saepe Virgo Sanctissima loanem de sublimi coelorum inviseret, eumque consolaretur tanquam mater carissima unicum et dilectissimum filium simulque amantissimum.

Post
Assumptionem
Mariae
Ioannes exultat
et dolet.

III. Singularem autem quamdam apparitionem Virginis monumentis aeternis consignare voluisse visus est mihi Ioannes, dum ait: *Signum magnum apparuit in coelo: mulier amicta sole, et luna sub pedibus eius, et in capite eius corona stellarum duodecim.*

Singulare
apparitione
Maria in Patmos
Ioannem
consolatur.

De Virgine Deipara hic loquitur Ioannes, ut Epiphanius,¹⁷ Bernardus,¹⁸ Rupertus,¹⁹ aliqui Patres sensere. Hoc ipsum Ioannes insinuasse, imo luce clarius visus est demonstrasse, dum ait quod: *Peperit Filium qui raptus est ad Deum et ad thronum eius, qui recturus est gentes in virga ferrea.*²⁰ Quibus verbis Christum procul dubio describit, Regem regum et Dominum dominantium,²¹ Unigenitum Dei et Virginis Deiparae Filium. Apparuit ergo Ioanni Virgo Deipara, Mater Christi, Dei Sponsa, coelorum

14) Ps 44, 10.

15) Tertul. *Apol.* ep. 5. (P. L. 1, 293).

16) Cf. Gn 40, 23.

17) Cf. *Contra Haer.* 78. (P. G. 42, 1043), et *Orat. De Laudibus Deip.* Apocrypha. (P. G. 43, 494).

18) Cf. *Sermo In Dom inf. Oct. Assumpt.* circa princip. (P. L. 183, 1007).. 19) Cf. *In Apoc.* p. 12, (P. L. 169, 441). 20) Apc 12, 5. 21) Ibid. 19, 16.

Regina, Domina Angelorum, coelesti gloria amicta, divinisque splendoribus irradiata, mirabili cum maiestate: *Signum magnum apparuit in caelo.*

Quid hac
apparitione
significetur.

Coelesti autem hac apparitione ostendere voluit Dominus Ioanni, qualem quantumque thesaurum ipsius fidei commendaverat in terra, in qua videntur repositi omnes thesauri divitiarum et gloriae empyrei coeli. Ostendere voluit per Ioannem Catholicae universalis Ecclesiae, omnibus Christi fidelibus, qualis et quanta sit magnitudo et gloria Virginis Beatissimae in paradyso coram Angelis et Electis Dei; ne putaremus spretam ipsam fuisse a Deo, eo quod Spiritus Sanctus sacro quodam silentio eam in Divinis Litteris honoravit.

Pauca
in Scriptura
dicuntur
de B. V.

Quare Moyses
sileat de
Angelorum
natura et de
paradisi gloria.

Quare Spir. S.
sileat de Virgine.

Silentio
honorantur Deus
et Maria.

IV. Mire enim sobria et parca est Divina Scriptura in Virgine, sicut in Angelorum natura et gloria supramundani paradisi, de quibus in sua cosmogonia Moyses nec sermonem instituit, nec ipsam quidem ipsorum creationem attigit; cum de visibili mundi conditione, de terrestri paradyso, de hominis formatione, Divino Spiritu afflatus, multa protulerit, multaque Dei et hominum opera, historica plane sobrietate et veritate, monumentis aeternis consignarit. Num contempsit Moyses Angelorum et coelestis Ierusalem, cuius conditor et artifex Deus est, conditionem? Quare ergo praetermisit? Sed prudens abstinuit, quoniam quae dicenda erant, supra modum humanae mentis et rationis captum nostrique ingenii vires excedeant.

Sic de Virgine Deipara, inquit Epiphanius in *Panario, haeres.* 78: « Siluit Scriptura propter miraculi excellentiam, et ne in stuporem perduceret hominum mentem ». ²² Hanc ob causam nihil dicit Divina Scriptura de parentibus Virginis, de conceptione et ortu, ut agit in Ioanne; nihil de aetate, vita, moribus, instituto, nec de morte ipsius quidquam loquitur. Sed ex insperato eam introduxit, instar magni illius sacerdotis Dei Melchisedech, regis Salem, ²³ de quo Paulus ait quod fuit *sine patre, sine matre, sine genealogia, neque initium dierum habens neque finem* ^{23a} eo quod de his nihil reperiatur in Sacra Pagina litteris exaratum. Sic divina quadam cum maiestate introductum fuit sacerdotium, tanquam coeleste quid et divinum, non humanum aut de terra exortum.

Et sicut de Deo ait Regius Vates quod silentio laudatur: *Te decet hymnus Deus in Sion;* ²⁴ hebr.: *Tibi silentium, laus, Deus, in Sion;* quia

22) N. 11. (P. G. 42, 1043).

23) Gn 14, 18.

23a) Hebr 7, 1-3.

24) Ps 61, 1.

non possumus quidquam de Deo digne loqui, sed cum silentio mirari praestat divina, quam frigide et insulse fari; sic Spiritus Sanctus, cuius afflatus *locuti sunt sancti Dei homines*,²⁵ sacro hoc silentio honorare voluit Deiparam, et hoc tantum proferre quod digna fuit quae Deo desponsaretur, Deique Unigenitum Filium conciperet pareretque.

Sic divina quadam cum maiestate introducta in orbem est Virgo Sanc-tissima: *Missus est Angelus Gabriel a Deo.... ad Virginem.... et ingressus ad Virginem Angelus dixit ei: Ave, gratia plena, Dominus tecum.*²⁶ Sic utique: *Signum magnum apparuit in coelo;* apparuit ex insperato, coelitus divinitusque apparuit, Dei manu et arte formata. Sicut prima illa viventium mater Eva primo homini de terra, Adamo, efformata simillima fuit;²⁷ ita Maria secundo homini de coelo, Christo, coelestis utique mulier. Hinc ait *quod signum magnum apparuit in coelo.*

V. Hac coelesti visione voluit Deus orthodoxae^{27a} Ecclesiae utcumque divina Mariae magnalia demonstrare ac reserare fidelibus quae latebant in Virgine, ut sciant omnes qualis et quanta sit gloria Virginis ex iis quae de ea scripta sunt.

Duo sunt, ut summatim dicam, quae de Virgine divinitus nobis sunt tradita: quod Sponsa Dei extiterit et Mater Christi; sicut de Eva quod fuerit coniux Adami et hominum genitrix. Sic utique in hac visione duo haec humanis praesentata sunt mentibus: quod Sponsa sit Dei, Regina coeli, Sponsa Summi Regis, et quod Christum Unigenitum Filium Dei verumque Deum conceperit pepereritque. Sed duo haec qualis quantaque gloria comitatur! Amictus ostendit, thronus et corona: *Mulier amicta sole, et luna sub pedibus eius, et in capite eius corona stellarum duodecim.* O mirabilem visionem!

Saepe legimus apparuisse Deum ipsum sanctis et Deo dignis Patriarchis et Prophetis ad manifestandam illis gloriam suam, sed nunquam in tali tantaque gloria et maiestate. Apparuit Abrahamo in coelo in medio siderum.²⁸ Apparuit Iacob in summitate scalae coelestis, ministrantibus Angelis.²⁹ Apparuit Moysi in rubo ardenti.³⁰ Apparuit Isaiae super solium excelsum et elevatum, cantantibus Seraphim divinum trisagium.³¹ Apparuit

Divina Mariae
magnalia in hac
visione
demonstrare
voluit Deus.

Apparitiones
Del.

25) 2 Petr 1, 21.
28) Cf. Gn 12, 7.

26) Lc 1, 26-28.
29) Cf. Gn 28, 12-13.

27) Gn 2, 7.
30) Cf. Ex 3, 2.

27a) Ms: *Orthodox.*
31) Cf. Is 6, 1-3.

Ieremiae cum virga vigilante;³² Ezechieli in curru gloriae triumphali;³³ Danieli in maiestate iudicis.³⁴ Sed nullibi amictum hunc, thronum et coronam legimus.

*Apparitiones
Christi.*

Ostendit gloriam suam Christus electis Apostolis in monte sancto, quando *transfiguratus est ante eos, et resplenduit facies eius sicut sol, vestimenta autem eius facta sunt alba sicut nix.*³⁵ Sed non totus instar solis resplenduit, nec stellis coronatus, aut supra lunam exaltatus apparuit. Alias saepe, ut in *Apocalypsi* legimus, visus fuit Ioanni Christus in gloria, splendenti facie instar solis; sed nunc in medio septem candelabrorum aureorum et stellarum;³⁶ nunc iride coronatus;³⁷ nunc multis coronis redimitus;³⁸ nunquam tamen tanta cum gloria.

*Apparitio Mariæ
maiori
cum gloria.*

Quid est hoc? Num gloria Virginis in coelo maior est gloria Christi? gloria Dei? Minime gentium. Sed sicut in principum et regum mundi huius curiis usu venire solet, ut regina, in nuptiis et publicis solemnitatibus, splendidioribus multoque ditionibus indumentis, auro gemmisque pretiosissimis multo ornatior ac, ut ita dicam, multo gloriosior appareat quam ipse rex aut princeps regis filius, pro status sexusque decentia; ita maiori gloria circumamicta in coelo Maria apparuit, quam unquam Deus aut Christus apparuerit.

*Signum
significat
miraculum.*

VI. Nec mirum. Cum enim Christus in mundo magna signorum et miraculorum gloria claruerit, Apostolos suos et maxime Petrum, vicarium suum et Apostolorum coryphaeum, non minori sed maiori voluit gloria miraculorum coruscare: Qui in me credunt, et haec facient, et maiora horum facient.³⁹ Sic Matrem, sua mirabiliori voluit gloria apparere: *Signum magnum apparuit in coelo.* Vere magnum signum: magnum, augustum divinumque miraculum! Hoc enim est signum magnum: miraculum. Sicut: *Pete tibi signum a Domino Deo tuo,*⁴⁰ idest, *miraculum. Magister, volumus a te signum videre:*⁴¹ sic Moyses multa signa in Aegypto edidisse scribitur:⁴² sic Ezechias signum ab Isaia petiit:⁴³ sic de Ioanne scriptum est quod *nullum signum fecit.*⁴⁴ Igitur signum magnum, miraculum intelligitur.

32) Cf. Jer 1, 11. 33) Cf. Ez 10, 8. 34) Cf. Dn 7, 10. 35) Mt 17, 2. 36) Cf. Apc 1, 13-16.

37) Cf. Ibid. 4, 2-3. 38) Cf. Ibid. 4-10. 39) Cf. Io 14, 12. 40) Is 7, 11. 41) Mt 12, 38.

42) Cf. Ex 7, 8 et 12, 36. 43) Cf. Is 38, 22. 44) Io 10, 41.

Et hoc primum est Deiparae Virginis encomium, quod ipsa magnum miraculum mundo extitit. Divus Ignatius, *Epistola prima ad Ioannem*, Deiparam appellat « coeleste prodigium et sacratissimum spectaculum ». ⁴⁵ Beatus Ephraem Syrus, libro *De Laudibus Virginis*, ipsam dicit « praestantissimum orbis terrae miraculum et Sanctorum coronam ». ⁴⁶ Ioannes Chrysostomus, in sermone *De Nativitate*, Virginem inquit revera magna fuisse miraculum. ⁴⁷ Epiphanius similiter, in suo quodam sermone, ait: « Stupendum est miraculum in coelis, mulier amicta sole. Stupendum est miraculum in coelis, mulier gestans lucem in ulnis. Stupendum est miraculum in coelis, alter thronus cherubicus. Stupendum miraculum, thalamus Virginis habens Filium Dei ». ⁴⁸

Mirabilis fuit scala visa Iacob in somnis, unde ait: *Vere Dominus est in loco isto... Pavensque: Quam terribilis est... locus iste! Non est hic aliud nisi domus Dei et porta coeli;* ⁴⁹ sed Virginem designabat veram domum Dei. Mirabilis rubus Moysis ardens: *Ibo et videbo visionem hanc magnam, quare non comburatur rubus;* ⁵⁰ sed Virginem praemonstrabat, « habentem gaudia matris cum virginitatis honore ». ⁵¹ Mirabilis virga Aaron, quae miraculo floruit fronduitque et fructus edidit; ⁵² sed Virginis huius typus fuit: *Egredietur virga de radice Iesse.* ⁵³ *Exsurget virga ex Israel.* ^{53a} Mirabilis arca testamenti quae tot miracula operata fuit; ⁵⁴ sed quid nisi Virginis hieroglyphicum extitit? Mirabile templum Domini, de quo ait: *Sanctum est templum tuum, mirabile in aequitate;* ⁵⁵ sed Maria verum Dei templum, in qua omnis plenitudo Divinitatis inhabitavit. ⁵⁶ Mirabilis domus Salomonis quae reginam Sabam in stuporem deduxit; ⁵⁷ sed haec vera domus veri Salomonis Christi, regis pacifici, extitit: *Ecce plus quam Salomon hic.* ⁵⁸ O magnum miraculum! Quem coelum et coeli coelorum capere non poterant, suo gremio contulit! ⁵⁹ *Novum faciet Dominus super terram, femina circumdabit virum.* ⁶⁰ *Dominus dabit ipse vobis signum:* *Ecce Virgo concipiet et pariet filium,* ⁶¹ Emmanuel, Deum hominem, perfectum Deum, perfectum hominem. *Quis audivit unquam tale? et quis vidit huic simile?* ^{61a}

Sancti Patres
vocant Mariam
magnum
miraculum.

Mirabiles
figurae V. T.
respiciebant
Mariam ipsis
mirabiliorum.

45) P. G. 5, 944. Apocrypha. 46) Potius Serm. t. 1, pag. 569. 47) Cf. *In Nativ. Christi*, circa principium. (P. G. 56, 388). Ad sensum. 48) *De Laud. Virginis*, circa medium. (P. G. 43, 493). 49) Gn 28, 12-17. 50) Ex 3, 3. 51) C. Sedulius, *Carm. Pasch. vr.* 65. (P. L. 19, 203). 52) Nm 17, 8. 53) Is 11, 1. 53a) Nm 24, 17. Vulg. habet: *Consurget et de.* 54) Cf. 1 Rg 5, 8-10 et 6, 19-21. 55) Ps 64, 5-6. 56) Cf. Col 2, 9. 57) Cf. 3 Rg 10, 4-7. 58) Mt 12, 42. 59) Cf. *Offic. Parvum B. V. 1 Resp. in Noct.* 60) Jer 31, 22. Vulg. habet: *Creavit, loc.: Faciet.* 61) Is 7, 14. 61a) Is 66, 8.

Christus
est miraculum.

Christus etiam in Sacris Litteris miraculum appellatur: *Vocabitur nomen eius admirabilis*,⁶² hebr. *miraculum*. Sic etiam legimus: *Scitote quoniam mirificavit Dominus Sanctum suum*.⁶³ Non vacat autem mysterio, quod singulariter Christus miraculum dicitur. Nam omnia opera Dei, maxime in creatione, iustificatione et glorificatione, miracula appellari possunt. Unde ait: *Mirabilia opera tua et anima mea cognoscat nimis*.⁶⁴ Et alibi: *Qui facit miracilia magna solus... fecit coelos in intellectu... fundavit terram super aquas... fecit luminaria magna*.⁶⁵ Sed Christus homo, inter omnia opera Dei, est, sicut sol inter astra, augustissimum Dei miraculum. Hinc Angelus ille qui, in persona Christi, parentibus Samsonis apparuit, mirabilis,⁶⁶ sive miraculum, aut etiam faciens miraculum appellabatur. Et, Ps. 88, ubi legimus: *Confiteantur coeli miracilia tua, Domine*,⁶⁷ hebr. est: *Laudent coeli miraculum tuum, Domine, et veritatem tuam*. Quis autem nesciat, quod Christus est veritas Dei?

Ergo et Virgo
Christo
simillima.

Cum igitur Christus sit augustissimum Dei miraculum, de quo etiam Isaia, 25 hebr.: *Laudabo nomen tuum quia fecisti miraculum*⁶⁸; non potest Maria non magnum esse miraculum, cum sit Christo simillima, sicut luna plena soli. Quare sicut in coelo Deus ab initio *duo posuit luminaria magna*;⁶⁹ ita in paradyso duo magna miracula, Christum et Mariam. Hinc legimus Angelos mirantes Christum: *Quis est iste rex gloriae? Quis est iste rex gloriae?*⁷⁰ *Quis est iste qui venit de Edom, tinctis vestibus de Bosra, iste formosus in stola sua, gradiens in multitudine fortitudinis suae?*⁷¹ Similiter legimus mirantes Mariam: *Quae est ista quae ascendit de deserto deliciis affluens?*⁷² Et iterum: *Quae est ista quae ascendit per desertum sicut virgula fumi ex aromatibus myrrae et thuris et universi pulveris pigmentarii?*⁷³ Adhuc etiam: *Quae est ista quae progreditur quasi aurora consurgens, pulchra ut luna, electa ut sol, terribilis ut castrorum acies ordinata?*⁷⁴ Ter mirantur, quoniam Maria sicut Christus, triplex miraculum est, naturae, gratiae et gloriae. Sicut igitur magnum Angelis miraculum Christus, ita et Maria; magnum miraculum Christus, magnum miraculum Maria, Mater Christi: *Signum magnum apparuit in coelo.*

62) Is 9, 6.

63) Ps 4, 4.

64) Ps 138, 14. Vulg. habet: *Cognoscit.*

65) Ps 135, 4-7.

66) Idt 13, 18.

67) Vr. 6. Vulg. habet: *Confitebuntur*, loc.: *Confiteantur*.

68) Is 25, 1.

69) Gn 1, 16.

70) Ps 23, 8-10.

71) Is 63, 1-2.

72) Ct 8, 5.

74) Ibid. 6, 9.

73) Ibid. 3, 6.

VII. Miraculum dicimus supernaturale divinumque opus excedens naturae vires, quod non nisi divina manus operari potest; nam: *Non erit impossibile apud Deum omne verbum.*⁷⁵ Sed quae vis unquam naturae elementorum, aut coelorum, imo hominum, aut Angelorum efficere potuisse, ut mulier humili loco nata, virtute et merito super omnes creaturas exaltata, Angelos etiam vinceret puritate, Seraphim caritate, Deo copularetur, Deumque ipsum utero conciperet, et mundo pareret, virgo incorrupta, simul mater et virgo!

Quid sit
miraculum.
In omnibus
miraculum,
Maria,
praesertim
sanctitatem.

Omne opus novum, insolitum, rarum quod intuentes rapit in magnam admirationem et stuporem, miraculum dicere solemus. Sed Maria quam novum, quam rarum, quam insolitum opus omnipotentiae Dei! *Quia fecit mihi magna qui potens est, et sanctum nomen eius.*⁷⁶ Moyses descendens de monte, splendenti facie, veluti miraculum fuit Hebraeis.⁷⁷ Quale miraculum esset nobis Maria, si una cum Ioanne videre eam liceret in coelesti gloria!

Sed fuit etiam miraculum virtutis et sanctitatis plane superhumanae, superangelicae, vere divinae, Maria in mundo. Excellentissimum quemque in quavis arte et professione, cuius actiones et opera magnopere solent mirari homines, mirabilem dicimus, miraculum in natura. Maria autem excellentissima fuit in arte et professione virtutis et sanctitatis. Nam per templum virtutis ingressa est templum honoris et gloriae apud Deum et Angelos sanctos in coelo. Hinc Archangelus Gabriel, summus Angelorum princeps, virtutem Mariae admirans, magna cum reverentia eam salutavit, dicens: *Ave, gratia plena, Dominus tecum.*⁷⁸ Quid est quod gratia plenam dixit, nisi quia Angelis multo pleniorum conspexit? O miraculum sanctitatis!

Maria
excellentissima
in professione
virtutis.

In omnibus quidem miraculum magnum Maria fuit, quia miraculo concepta ex parentibus sterilibus senibusque, sicut Isaac,⁷⁹ sicut Ioannes,⁸⁰ praenunciata etiam per Angelum ipsius conceptione sicut et illorum,⁸¹ necnon et Samsonis;⁸² miraculo nata fuit, sicut nativitatem Ioannis multi supra quam dici possit mirati fuerunt;⁸³ miraculum in corpore: *Pulcherrima mulierum;*⁸⁴ miraculum in anima: sanctissima animarum;⁸⁵ miraculum in vita, superhumana, superangelica, plusquam seraphica; mirabilis in morte,

Maria miraculum
conceptione,
nativitate,
corpore, anima,
in vita, in morte,
post mortem.

75) Lc 1, 37. 76) Lc 1, 49. 77) Cf. Ex 34, 30-35. 78) Lc 1, 28. 79) Cf. Gn 21, 2.
80) Cf. Lc 1, 36. 81) Cf. Gn 17, 16 et 18, 10. Lc 1, 13. 82) Cf. Idt 13, 3.
83) Cf. Lc 1, 57-67. 84) Cf 1, 7 et alibi. 85) Cf. Lc 1, 28: *Benedicta tu in
mulieribus. Ex aliis locis parallelis.*

nam, si: *Pretiosa in conspectu Domini mors sanctorum eius*,⁸⁶ unde saepe Deus multis miraculis honorat atque illustrat mortem sanctorum suorum; quam pretiosa censenda est extitisse eius mors Sanctissimae Matris ipsius? Tandem miraculum magnum post mortem, cum a dilectissimo Filio suo, destructore mortis et vitae auctore, veluti a levi somno excitata, in coelum, immortali gloria donata, comitantibus Angelis assumpta fuit, et ad dexteram Maiestatis tanquam altissima Regina, Dei Sponsa et Christi vera Mater mirabiliter collocata. Sic utique: *Signum magnum apparuit in coelo*.

*Maria miraculum
sanctitatis.*

Sed singulariter miraculum virtutis et sanctitatis, Maria. Sanctus quidam Doctor aiebat quod « tria sibi miracula magna videbantur: Deus et Homo, hoc primum: Mater et Virgo, hoc secundum: fides et cor humanum, hoc tertium ».⁸⁷ Nam propterea Christus, visa fide Centurionis, miratus fuit.⁸⁸ In Maria autem fides perfecta fuit: *Beata quae credidisti, quoniam perficiuntur ea quae dicta sunt tibi a Domino*.⁸⁹ Tunc autem vere magnum miraculum est fides et cor humanum, cum fides viva, non sicut corpus sine spiritu, cum per dilectionem et caritatem operatur.⁹⁰ Fides Mariae viva fuit; hinc statim ut Angelo fidem praestitit, *abiit in montana cum festinatione in civitatem Iuda*,⁹¹ ad visitandam cognatam suam Elisabeth. O mirabilem fidem, caritatem, humilitatem! *Unde hoc mihi ut veniat Mater Domini mei ad me?*^{91a} Divini honores non mutarunt Virginis Beatissimae mores.

*Maria miraculum
misericordiae.*

VIII. Sic nunc quoque mirabili humilitate et caritate praedita est erga nos, ut subveniat necessitatibus, nostrasque relevet miseras, misericordiarum Mater, divinarum fons gratiarum, mare, pelagus immensum caritatis et clementiae. Erga omnes namque fideles Christi materna affecta est caritate, omnes et singulos prosequitur maternis visceribus; quoniam in Ioanne quisquis fidelium ei commendatus fuit a Christo in cruce, dum ait ad eam: *Mulier, ecce filius tuus*.⁹² Sicut autem per Isaiam dicitur, quod non potest mulier oblivisci infantem suum ut non recordetur filii uteri sui,⁹³ ita de Virgine Beatissima sentiendum nobis est.

Hinc autem sole amicta visa est, ut sciamus, quod sicut sol, unus cum

86) Ps 115, 5. 87) Cf. S. Bern. *Serm. III, in Vigil. Nativit. Domini*, n. 7. (P. L. 183, 763).
 88) Mt 8, 10. 89) Lc 1, 45. 90) Gal 5, 6. 91) Lc 1, 89. 91a) Lc 1, 43. 92) Io 19, 26.
 93) Is 49, 15. Vulg. habet: *Misereatur filio*, loc.: *Recordetur filii*.

sit, omnes tamen et singulos homines illuminat foveatque suo calore ac si pro singulis hominibus a Deo conditus fuisset, non enim *est qui se abscondat a calore eius*; ⁹⁴ sic Virgo Deipara omnium et singulorum mater est, ita communis omnibus ut singulis mater sit propria. Et sicut sol ab omnibus et singulis hominibus totus videtur, ita ut quilibet hominum oculis percipiat integrum solis imaginem; ita fidelium quisquis, si vere ex animo Virgini se totum devoveat, integra poterit eius caritate frui ac si unicus esset filius. Hanc enim ob causam singulariter ei Christus locutus est dicens: *Mulier, ecce filius tuus.*

Maria omnium
et singulorum
mater.

IX. Signum magnum, augustum miraculum existimatur a multis Lazari suscitionem extitisse, coronam miraculorum Christi, et propterea Christus dixerit: *Infirmitas haec non est ad mortem, sed pro gloria Dei, ut glorificetur Filius Dei per eam.* ⁹⁵ Ipse autem Salvator suam resurrectionem visus fuit signum et miraculum omnium maximum fecisse, cum Iudeis, signa potentibus, ait: *Signum non dabitur ei nisi signum Ionae prophetae.* ⁹⁶ Signum utique de coelo magnum et omnino mirabile, ut illi petebant; nam resurrexit in ea maiestate et gloria, in qua transfiguratus apparuit, cum *resplenduit facies eius sicut sol.* ⁹⁷ Sed si magnum miraculum Christus post mortem in gloria, ecce Maria post mortem gloriosissima, *amicta sole et luna sub pedibus eius, et in capite eius corona multarum stellarum.*

Maria miraculum
post mortem.

Signum magnum! Mirabile valde est ornamentum coeli; unde Regius Vates: *Quoniam video coelos tuos opera digitorum tuorum, lunam et stellas quae tu fundasti.* ⁹⁸ Videbo, idest, contemplabor, mirabor. Et Sapientia ait de sole: *Vas admirabile, opus Excelsi.* ⁹⁹ Sed nunquam videtur totum simul. Nam in die quidem sol videtur, non autem stellae; in nocte autem stellae quidem apparent, sed sol sub occasu latet; et luna, cum sub sole est illaque coniuncta, omnino nos latet, minime conspicua est. Hic autem et sol videtur et simul luna sub eo splendida cernitur, simulque fulgidissimae stellae micant in coelo. Omne utique coeli ornamentum Deus, creator omnium, in Maria posuit.

Omne coeli
ornamentum
in Maria.

Quam ergo mirabilis est!

94) Ps 18, 7. 95) Io 11, 4. 96) Mt 12, 39. 97) Mt 17, 2. 98) Ps 8, 4. 99) Eccle 43, 2.

SERMO SECUNDUS

Sabbato Dominicae Primae Quadragesimae

DE NOBILITATE VIRGINIS DEIPARAE EX VERBIS VISIONIS: *Apparuit in coelo*

*Signum magnum apparuit in coelo: mulier
amicta sole, et luna sub pedibus eius.*¹

I. Plena quidem est, fratres, universa Scriptura sacrosanctis theophaniis, divinis apparitionibus, nam: *Ego, inquit, sum Deus qui apparui Abraham, Isaac et Iacob, in Deo omnipotente,* dixit idem Deus Moysi apparens.² Et in Numeris 12: *Si quis fuerit... propheta... in visione apparebo ei.*³ Sed nulla mihi visa est illustrior divina hac apparitione Virginis ad Ioannem. Haec enim illustrissima supra modum est, splendidissima, luminosissima, gloriosissima est: *Mulier amicta sole, et luna sub pedibus eius.*

Virgo Deipara
omni coeli luce
circumfusa conspicitur, ut ipsius
altissima nobilitas
demonstretur.

Quis dubitet hic multa latere divina mysteria? Visum fuit aliquando patriarchae Ioseph, dilectissimo filio sanctissimi Iacob, visum, inquam, fuit in somnis adorari se a sole et luna et stellis.⁴ Quae quidem visio portendebat ac praemonstrabat fore ut esset Ioseph magnus princeps, toto orbe clarissimus et illustrissimus, ut exitus ipse comprobavit, et luce clarius ostendit.⁵ Haec igitur in Virgine ostendunt ipsam totius universi serenissimam altissimamque Reginam, sicut ipsa de seipsa, Divino Spiritu afflata, praedixit et vaticinata fuit: *Ecce... beatam me dicent omnes generationes, quia fecit mihi magna qui potens est.*^{5a}

1) Apc 12, 1.

2) Ex 6, 2-3.

3) Nm 12, 6.

4) Cf. Gn 37, 9.

5) Cf. Gn 41, 40-44.

5a) Lc 1, 48-49.

Sic Regina coeli ostenditur Maria: *Astitit regina a dextris tuis in vestitu deaurato, circumdata varietate.*⁶ Bone Deus, quam mira varietate, quam miro ornatul Ornari solent reginae argento, auro, gemmisque pretiosis; Maria autem non auro, non argento, non gemmis, sed sole, luna et stellis, coelesti auro, coelesti argento, coelestibus gemmis. Nam sol aurum coeli est, luna argentum, stellae pretiosi lapilli, fulgentes gemmae. Sic templum Salomonis totum auro purissimo splendebat.⁷ Sic arca testamenti tota erat intus et foris deaurata, in medio Cherubim posita, et aurea corona redimita,⁸ ad designandam coelestem hanc Reginam.

Non semel autem tantummodo legimus Virginem coelestibus hisce luminibus ornatam. Nam de ea quoque Salomon ait: *Quae est ista quae progreditur quasi aurora consurgens?* Id est, stella matutina, omnium pulcherrima et splendidissima: *Pulcra ut luna, electa ut sol.*⁹ Et Deus de Christi throno, id est, de Virgine, quae thronus est Salomonis, mirabili opere ex ebore auroque totus effectus: *Thronus, inquit, eius, sicut sol in conspectu meo, et sicut luna perfecta in aeternum, et testis in celo fidelis,*¹⁰ id est, stella aurorae quae solis ortum praedicit et fidelissime testatur. Ut ostenderet Deus, quod mulier ista mirabilis non erat terrena, sicut primus homo Adam primaque mulier ex eo formata,¹¹ sed tota coelestis, sicut secundus homo Christus,¹² imo coelum ipsum, sedes et thronus Dei, coelesti ornatu eam decoravit. Quis enim nescit quod sol, luna et stellae ornamenta sunt coeli?

Maria
coelestis mulier.

Perspicuum autem omnibus est, lucem esse ingenuae nobilitatis symbolum. Hinc enim ignobiles homines obscuri appellantur, et degere in tenebris dicuntur. E contra vero nobiles, clari et illustres; nobiliores, praeclari et praeillustres sive perillustres; nobilissimi autem, viri clarissimi, praeclarissimi, longe clarissimi et illustrissimi dicuntur. Hinc Deus terram, elementum omnium infimum et vilissimum, obscuram condidit et tenebriacosam.¹³ Ignem vero, nobilissimum elementum, cuius natura coelum constare existimavit antiquitas, luce splendida decoravit. Hinc Hebraeis homo ignobilis *ben adam* dicitur, ab humo ignobili; vir autem nobilis, *ben isc*, ab igne suapte natura splendido lucidoque.

Cum igitur lux symbolum sit nobilitatis ingenuae, unde etiam reges

6) Ps 44, 10.

7) Cf. 3 Rg 6, 20 sqq.

8) Cf. Ex 25, 11-22.

9) Ct 6, 9.

10) Ps 88, 36.

11) Cf. Gn 2, 7, 21.

12) Cf. 1 Cor 15, 47.

13) Cf. Gn 1, 2.

et summi principes serenissimi appellantur a claro serenoque coelo, quid est quod Virgo Sanctissima, tali tantaque luce circumfusa coelo conspicitur, nisi quod ipsius altissima divinissima nobilitas illustrissimo hoc tantae lucis hieroglyphico declaratur? Bone Deus! Quis hominum aut etiam Angelorum verbis assequi pro dignitate poterit divinam gloriosae Virginis nobilitatem? *Signum magnum apparuit in coelo, mulier amicta sole.*

II. Quodnam coelum istud est, in quo divina haec mulier tam clara, tam fulgida, tam gloria conspecta est? Coelum aliquando altissimam divini Numinis naturam designat, unde Lucifer: *Ascendam in coelum, similis ero Altissimo.*¹⁴ Aliquando hunc mundum. Sic enim Deus posuit luminaria in firmamento coeli, ad illuminandum hunc mundum.¹⁵ Aliquando Ecclesiam. Sic enim coelum novum¹⁶ legimus, novam, post veterem synagogam, Ecclesiam. Tandem aliquando paradisum gloriae magni Dei, unde Christus *Dominus, assumptus... in coelum, sedet a dextris Dei.*^{16a} Apparuit autem Virgo Deipara in coelo Divinitatis, in archetypo universorum exemplari per mysterium aeternae praedestinationis et electionis ante tempora saecularia; in coelo mundi huius, quando lucis huius usuram accepit, mundo exorta ex stirpe et progenie David;¹⁷ in coelo Ecclesiae per fidem et gratiam divinitus ei infusam, Angelorum more sanctificata, Deique templum constituta; tandem in coelo paradisi post vitae huius incolatum in coelestem Ierusalem per Christum assumpta, et ad aethereum thalamum translata, in aeternum est gloria et honore coronata ac super omnia Dei opera constituta.

Virgo Deipara
nobilissima
quadruplici no-
bilitate.

III. Sed quam nobilis apparuit Maria in coelo divinae Mentis! *Signum magnum apparuit in coelo, mulier amicta sole*, quo nihil lucidius, nihil vel cogitari splendidius potest a mortalibus. Non solum enim ad gratiam et gloriam cum sanctis Angelis et Electis Dei praedestinata electaque fuit et ad primum supremumque gradum tum gratiae tum gloriae post Christum, sed ad maternitatem Dei, ut vere esset *Theotocos*, vera Genitrix et Mater naturalis Unigeniti Filii Dei, veri et summi Dei. Qualis hic honor! Qualis dignitas! Qualis gloria! Quid excogitari potest dignius, sublimius, gloriosius? Sic apparuit in coelo illo altissimo mulier amicta sole, et in utero

Deipara Virgo
nobilissima in
coelo divinae
Mentis, pra-
destinatione.

14) Is 14, 13-14. Vulg. habet: *In coelum condescendam.* 15) Cf. Gn 1, 14-15 16) Cf. Apc 21, 1.
16a) Mc 16, 19. 17) Cf. Lc 1, 27.

Maria praede-
stinata
Mater Dei.

habens Unigenitum Filium Dei; praedestinata Mater Christi; praedestinata una cum Christo primogenito omnis creaturae, ante omnem creaturam.¹⁸ Nam Christus praedestinatus fuit Filius Mariae, simulque Maria Mater Christi. Haec lux solaris est dignitas maternitatis ad quam electa fuit. Lumen luna splendidius locusque luna superior excellentia gratiae, et corona stellarum honor singularis gloriae. Nam ad tria haec praedestinata fuit. O vere nobilissimam praedestinationem, electionem supra modum mirabilem, supra modum gloriosam!

Virgo Deipara
nobilissima in
coelo mundi
huius prosapia,
corporis pulcri-
tudine 'et animi
nobilitate.

IV. In coelo etiam mundi huius apparuit splendidissima nobilitatis luce conspicua, clarissimis ac nobilissimis orta natalibus, ex stirpe et pro-sapia serenissimi regis David.¹⁹ Est autem nobilitas alia quidem naturae, qua aurum argento nobilior est, coelum elementis, sol astris, homo animalibus, Angeli hominibus, Deus Angelis. Est item in mundo nobilitas sanguinis, quae civilis et politica nobilitas est ex antiquatis divitiis, vel ex illustri claraque progenie veluti eorum qui ex regibus et principibus clarisque heroibus ortum genusque ducunt. Est adhuc nobilitas ex gratia et favore vel privilegio summorum principum. Sic enim Pharaeo Iosephum nobilitavit,²⁰ Nabuchodonosor Danielem,²¹ Assuerus Esther²² et Mardochaeum;²³ sic Deus ipse Abrahamum,²⁴ Moysem,²⁵ Davidem²⁶ insigni nobilitate donavit. Tandem est nobilitas virtutibus acquisita. Hi nanque litteris, alii armis, alii optimis moribus et vitae sanctitate heroicisque virtutibus clarissimam nobilitatem sunt consecuti. Hac enim methodo et via virtutum, inquam, Patriarchae, Prophetae, Apostoli et apostolici viri, Christi veri sectatores et imitatores, clarissimam adepti sunt magni nominis celebritatem.

Maria
corpo nobilis.

Maria autem modis hisce omnibus mundo nobilissima fuit. Natura quidem. Quoniam mulier, quae post hominem, divina arte, nobilissimis ac mundissimis Dei manibus formata fuit, non ex terra ut homo,²⁷ sed ex carne et ossibus hominis: *Haec nunc caro de carne mea et os ex ossibus meis; haec vocabitur virago, quia de viro sumpta est,*²⁸ ex nobilissima formata materia. Nobilissimo etiam loco. Nam in paradiso, nobilissima arte, a nobilissimo artifice Deo, omnium architecto et conditore. Et prop-

18) Cf. Col 1, 15, 17.

19) Cf. Lc 1, 27.

20) Gn 41, 40 sqq.

21) Cf. Dn 2, 46-48.

22) Cf. Est 2, 17.

23) Cf. Est 6, 10.

24) Cf. Gn 12, 1-3.

25) Cf. Ex 3, 10.

26) Cf. 1 Rg 16, 12-13.

27) Cf. Gn 2, 7.

28) Cf. Gn 2, 22-23.

terea existimo hic Deiparam appellatam esse mulierem, ut alluderetur ad illam primam mulierem et ad oraculum illud: *Inimicitias ponam inter te et mulierem... ipsa conteret caput tuum.*²⁹ Nam contra coelestem hanc mulierem vidit Ioannes stantem antiquum serpentem infernalemque draconem paratum ad devorandum Filium eius.³⁰ Nobilissima etiam sanguine et genere, orta ex benedicto Abrahae semine, ex nobilissima tribu Iuda, simulque ex tribu levitica et sacerdotali, ex filiabus Aaron summi sacerdotis ex materna linea; ex paterna vero, « clara ex stirpe David »,³¹ regis optimi, potentissimi, simul et pientissimi, summa erga Deum religione et pietate praediti. Omni ergo ex parte, nobilissima genere fuit Virgo Beata.

Quid autem censendum est de naturali animi et spiritus nobilitate? Si Deus suapte natura spiritus cum sit, carne et sanguine nobilissimam eam esse voluit, quanto magis mente et spiritu in anima, quae divina imagine et similitudine insignita naturaliter est? Fuit igitur Virgo nobilissima anima et animo, nobilissimo corpore, nobilissima etiam complexione donata atque dotata; complexione, quam dicunt naturales, ad pondus, quae complexionum omnium nobilissima optimaque censemur, ex qua venustissima ac elegantissima pulcherrimaque corporis forma figuraque consurgit. Hinc Virgo in *Canticis pulcherrima mulierum*³² appellatur: pulcherrima utique et corpore et spiritu.

Nobilissima adhuc naturalibus virtutibus, elegantissimis moribus, studio ingenioque, iudicio, prudentia, industria, animi fortitudine optime instructa, per omnem modum erat, qualem sapientissimus Salomon fortē mulierem vel fortis mulieris ideam in *Proverbii* describit.³³ Sic Maria vera erat perfectaque ac plane divina virtutum omnium idea formaque exemplaris. Tandem Summi Regis Altissimique Imperatoris Dei gratia supra quam dici vel cogitari possit nobilitata. Quid Ruth commemorem aut Bethsabee, matrem Salomonis, aut reginam Esther? Nobilitatae quidem illae fuerunt nobilium virorum coniugio, haec autem non humano sed divino, quoniam invenit gratiam apud Deum;³⁴ ita ut, divino copulata coniugio, Unigenitum Filium Dei divina virtute conciperet, ipsiusque vera et naturalis Mater effecta, illibata virginitate, magno miraculo Deum hominemque in lucem ederet.

Maria
spiritu nobilis.

Maria naturali-
bus virtutibus
nobilis.

Maria singulari-
bus favori
nobilis.

29) Cf. Gn 3, 15.

30) Cf. Apc 12, 4.

31) *Brev. Rom.* Offic. in Nativit. B. M. V. 1 An-

tiph. ad Laudes.

32) Ct 5, 17.

33) Cf. Prv 31, 10 sqq.

34) Cf. Lc 1, 30.

*Virgo Deipara
nobilissima in
coelo Ecclesiae,
gratia.*

*Maria nobilis
qua nonquam
servit peccatis.*

V. In coelo item Ecclesiae fulgidissima divinae nobilitatis luce circumfusa apparuit: *Mulier amicta sole, et luna sub pedibus eius.* Tria dicit, sicut et Angelus ad eam: *Ave, gratia plena, Dominus tecum, benedicta tu in mulieribus.*³⁵ Supra omnes mulieres: en luna sub pedibus eius. Dominus tecum: en amicta sole, nam Deus sol est iustitiae, qui *lucem habitat inaccessibilem.*³⁶ Sed gratia plena, corona sanctitatis hominum et Angelorum. Sed quoniam gratia peccatis vitiisque opponitur, sicut lux tenebris, peccataque non secus ac tenebras lux eliminat, forte triplex hoc lucis symbolum triplicem gratiam contra triplex peccatum, originale, mortale, veniale designat.

Caput quis nesciat designare principium? Maria autem multis astris caput coronatur, sicut alibi legimus: *Fundamenta eius in montibus sanctis, sive in montibus sanctitatis.*³⁷ Et sicut de templo Domini ait Divina Scriptura, 3 Regum 7, habuisse fundamenta ex lapidibus pretiosis;³⁸ et fundamenta civitatis illius, quam de coelo descendenter vidit Ioannes,³⁹ erant omni lapide pretioso ornata, idem mysterium est caput habere stellis divinarum gratiarum et virtutum coronatum. Quoniam vero in universa sanctissimae vitae linea et tela gratia semper plena fuit, nullamque penitus maculam peccati unquam contraxit, lunae plenae et soli, in quo nulla est penitus macula, comparatur. Hinc ait: *Tota pulcra es, amica mea, et macula non est in te.*⁴⁰ Haec est autem vera ingenuaque nobilitas, nonquam servisse daemoni qui princeps mundi huius dicitur⁴¹ rectorque te nebrarum;⁴² nonquam subiacuisse peccato, nam: *Qui facit peccatum, servus est peccati.*⁴³

*Maria nobilis
qua princeps
post Christum,
in gratia.*

Nec tantum ab omni prorsus peccati macula immunis fuit, sed omni virtutis et gratiae plenitudine abundavit; ditior ipsa virtute et gratia, quam sol perpetuae lucis inexhausta perennique copia. Sicut autem sol splendidissimae lucis abundantia nobilissimus princeps omnium coelestium luminum, ita Maria princeps post Christum Sanctorum Sanctarumque omnium, caput ornatum semper habuit stellis coelestium meditationum, maxime vero mysteriorum fidei. Lunam totius mundanae gloriae et felicitatis ex alto contempsit atque calcavit ex perfecta in Deum caritate; mundana omnia ut stercora atque quisquiliis arbitrata propter Christum, propter Deum.⁴⁴ Tanti

35) Lc 1, 28.

36) 1 Tim 6, 16. Vulg. habet: *Inhabitat.*

37) Ps 86, 1. *In montibus sancti-*

tatis ex heb.

38) Cf. Vr 9-13.

39) Cf. Apc 21, 2.

40) Ct 4, 7.

41) Cf. Io 12, 31.

42) Cf. Eph 6, 12.

43) Io 8, 34.

44) Cf. Phil 3, 8.

enim faciebat Deum, ut illius comparatione mundum et mundana omnia flocci ac nihili penderet. Sole autem semper amicta fuit perfectissimae virtutis, perfectissimae gratiae, perfectissimae ac divinissimae sanctitatis.

VI. Tandem in coelo gloriae, in empyreo, in paradiſo nobilissima ac gloriosissima supra omnem humanam existimationem apparuit, gloria et honore coronata, princeps Sanctorum, Regina Angelorum, corona Beatorum omnium, coeli Domina, Imperatrix universi, publica solemnique pompa, in coelo vera Dei Sponsa et Christi Regis regum Genitrix et naturalis Mater declarata. Sicut enim rex Assuerus cum adamasset Esther supra omnes mulieres ob ipsius indicibilem gratiam et pulcritudinem, posuit diadema regni super caput eius, eamque reginam coronavit, veramque sponsam suam declaravit;⁴⁵ ita Deus summus, *Rex regum et Dominus dominantium*^{45a} cum Maria egit in paradiſo, sic eam gloriosissimam Reginam ostendit ac declaravit. Hoc igitur est: *Signum magnum apparuit in coelo, mulier amicta sole et luna sub pedibus eius, et in capite eius corona stellarum duodecim.*

Corona, insigne regum et reginarum est. In coelo autem coronata conspicitur, ut Regina coeli cognoscatur. Et quoniam in perpetuum coronata est, et in aeterna saecula cum Deo et Christo regnatura est sine fine, propterea ipsius corona ex incorruptibilis stellis aeternisque luminibus coeli compacta et coagmentata divinitus est. O nobilissimam coeli Reginam, o stuporem, o prodigium, o miraculum! Talis et tanta regina est Virgo Deipara, ut regnum et imperium ipsius nil minus sit regno Dei, imperio Christi. Ut sicut Christus, gloria et honore in coelo coronatus, constitutus est super omnia opera Dei, omniaque subiecta sunt pedibus eius,⁴⁶ ita prorsus et Maria, assistens et regnans ad Christi dexteram supra solium excelsum et elevatum: excelsum super homines, elevatum supra Angelos; simile throno Divinae gloriae. Sic igitur mirabili hoc hieroglyphico et talis ac tantae lucis symbolo, ostenditur Mariae summa altissimaque nobilitas plane superhumana, superangelica, divina.

VII. Nec mirum, fratres; nam cum Deus suapte natura nobilissimus sit, cuius solius est omnis honor, ut Paulus ait: *Regi saeculorum immortali et invisiibili, soli Deo honor et gloria in saecula,*⁴⁷ nobilissimam voluit

Virgo Deipara
nobilissima in
coelo paradisi,
gloria.

Maria nobilis
quia a Deo
in coelo regina
coronata.

Haec nobilitas
exigitur in Vir-
gine quia ipsa
est Sponsa
et Mater Dei.

45) Cf. Est 2, 17. 45a) 1 Tim 6, 15; Apc 17, 14. 46) Cf. Hebr 2, 6-8. 47) 1 Tim 1, 17.

habere sponsam. Et cum Christus, Patri consubstantialis, coaeternus et coaequalis, ingenua nobilitate sicut et Deitate nihilo minor sit Patre, nobilissimam habere voluit matrem.

Deus nobilitatis
cupidus.

Amicus est nobilitatis nobilissimus Deus, eiusque valde cupidus. Hinc nobilissimam coeli habitationem elegit, Angelos, spiritus nobilissimos, servos ministrosque habere voluit: *Millia millium ministrabant ei.*⁴⁸ In Lucae Evangelio *nobilis homo* Christus appellatur, cap. 19.⁴⁹ Pro sanctuario suo Deus nonnisi nobilia quaeque et pretiosa requisivit: aurum, argentum, purpuram, coccinum, hyacinthum et pelles pretiosas.⁵⁰ Arcam nonnisi ex lignis nobilissimis et auro optimo fieri sibi mandavit.⁵¹ Templum ex pretiosis marmoribus, lignis Libani et auro.⁵² Et de Christo, sub persona Salomonis, legimus quod *ferculum fecit sibi...de lignis Libani: columnas eius fecit argenteas, reclinatorium aureum, ascensum purpureum,*⁵³ quo designatur, quod Electorum Ecclesia nonnisi ex nobilissima virtutum materia construenda erat.

Deus non magni
facit mundi
nobilitatem,
maximi vero
nobilitatem vir-
tutis.

Maria nobilis
Deo, sed
mundo habe-
tur ignobilis
sicut Christus
et Sancti.

VIII. Sed non mundi nobilitatem magni facit Deus; de mundo potius elegit ignobiles. Nam mundi nobilitas, basis videtur esse et fomentum superbiae quam odit Deus. Nobilitatem virtutis et spiritus maximi facit; haec enim vera est apud Deum nobilitas, nam *spiritus est Deus.*⁵⁴ Sic Beatissima Virgo, cum spiritu nobilissima esset, mundo ob paupertatem habebatur ignobilis et Maria dicebatur fabri uxor.⁵⁵ Veram autem ipsius nobilitatem, Deus, qui spirituum ponderator est et omnia virtute spiritus metitur, cunctis praetulit mundi huius principibus et reginis. Christus ipse, Unigenitus Filius Dei, mundo haberi ignobilis voluit et *fabri filius* vocari.⁵⁶ Mundanam nanque nobilitatem ex alto contempsit ac nihili pendit; spiritus autem nobilitatem quam maximi fecit. Sic omnes veri servi Dei, humillimi cum sint corde, Christo et Mariae similes, mundo habentur ignobiles, cum tamen apud Deum revera nobilissimi sint, in Dei filios adoptati, fratres⁵⁷ et coheredes Christi⁵⁸ constituti: *Quotquot autem receperunt eum, dedit eis potestatem filios Dei fieri... qui non ex sanguinibus... sed ex Deo nati sunt.*⁵⁹ *Qualem caritatem dedit nobis Pater, ut filii Dei nominemur et simus.*⁶⁰ Sic nunc filii Dei sumus. *Cum autem apparuerit, similes ei erimus, quoniam videbimus eum sicuti est.*⁶¹ Non est conspicua oculis

48) Dn 7, 10. 49) Vr. 12. 50) Cf. Ex 25, 1-9. 51) Cf. ibid. 25, 10-27. 52) Cf. 3 Rg 6, 1-37.

53) Ct 3, 9-10. 54) Io 4, 24. 55) Cf. Mc 6, 3. 56) Mt 13, 55. 57) Hebr 2, 11.

58) Rom 8, 17. 59) Io 1, 12-13. 60) I Io 3, 1. 61) I Io 3, 2.

hominum nobilitas servorum Dei; in coelo erit manifesta. Non fuit gloria Maria in terra in oculis hominum, nunc in coelo gloria, imo gloriissima est in oculis Angelorum: *Apparuit in coelo, mulier amicta sole.* O beatos qui vere fuerint spiritu nobiles, Mariae et Christo similes et conformes! Nam electos suos *praedestinavit* Deus fieri *conformes imagini Filii sui.*⁶² Utinam, fratres, [sicut] natura alta petimus, ita verae nobilitatis veri simus appetitores et aequi aestimatores! Vera enim nobilitas in virtute consistit et libertate a sordibus vitiorum et peccati ac satanae servitute

IX. De topo albo dicunt naturales quod adeo puritatis et candoris amator est naturalisque munditiae, ut mori potius velit quam pollui.^{62a} Sic debet quisque nostrum, pro sua virili,⁶³ ab omni indignitate abstinere. Talis fuit Ioseph patriarcha; multa pati potius elegit, et mortem etiam ipsam subire, quam in Deum peccare.⁶⁴ Sic tres hebraei adolescentes incendium potius babylonicae fornacis elegerunt, quam peccatum in Deum admittere, ut impius Nabuchodonosor imperabat. Sciebant quod Deo oportet obedire magis quam hominibus.⁶⁵ O veram animi nobilitatem! *Notum sit tibi, rex,* dixerunt potentissimo Chaldaeorum imperatori, quod *deos tuos non colimus, et statuam auream quam erexisti non adoramus.*⁶⁶ Hi vere nobiles ex semine regio procreatios se ostenderunt, leones de tribu Iuda. Sic agendum est contra satanam mala suadentem, sicut et Christus egit in deserto tentatus ab eo: *Vade, satana, scriptum est...: Dominum Deum tuum, etc.*⁶⁷ Quod si satanas Christum tentare ausus fuit, an putamus quod Virginem ipsam temptationibus minime sit aggressus? Tentavit utique, sicut et Christum, sed victus ab ea fuit semper, sicut et a Christo. Quoniam Virgo Sanctissima ingenua quadam ac plane divina animi nobilitate, tanquam indignissimum quid et sordidissimum, abhorrebat omne peccatum, stomachabatur omnes vitiorum sordes et immundicias, aemula semper divinae puritatis et sanctitatis. Et quoniam optimam partem elegerat,⁶⁸ uni huic studio iugiter incumbebat: *Dominum Deum tuum adorabis et illi soli servies.*⁶⁹ Dei nanque vera perfectaque servitus summum est nobilitatis genus. Haec Angelorum ac beatorum Spirituum summa nobilitas est.

Exhortatio ad
puritatem
et nobilitatem.

Christus et
Maria tentati
a satana sed
frustra.

62) Rom 8, 29. Vulg. habet: *Conformes fieri imaginis.* 62a) Ms.: *Pollerl.* 63) Subintelligitur *parte vel portione.* Vide Forcellinum in hac voce. Est modus dicendi satis frequens in operibus S. Laurentii. 64) Cf. Gn 39, 7-12. 65) Cf. Act 5, 29. 66) Dn 3, 18. 67) Mt 4, 3-11.

68) Cf. Lc 10, 42. 69) Mt 4, 10.

SERMO TERTIUS

Sabbato Secundae Dominicae Quadragesimae

DE INAESTIMABILIBUS THESAURIS VIRGINIS DEIPARAE

EX VERBIS VISIONIS: *Amicta sole*

*Signum magnum apparuit in coelo, mulier
amicta sole, et luna sub pedibus eius.¹*

I. In mirabili hac apparitione revelasse mihi visus est Deus coelestem quendam divinumque thesaurum.

Proprium [est] enim regum et principum ingentes habere vel congregare thesauros. Unde Iob sanctus aiebat: *Requiescerem... cum principibus qui possident aurum, et replent domos suas argento.*² Sic Salomon regum omnium felicissimus et fortunatissimus in domo sua thesauros prope infinitos reposuit.³ Deus autem Summus Rex regum est.⁴ Saepe autem in Sacris Litteris legimus thesauros domus Domini.⁵ En Maria coelestis ac divinus thesaurus. Coagmentantur thesauri ex auro, argento et lapidibus pretiosis. Ecce aurum, argentum et lapides pretiosi: *Mulier amicta sole et luna sub pedibus eius, et in capite eius corona stellarum duodecim.* In Maria omnes divitiae coeli una congregatae simulque collectae videntur. Magnus et plane infinitus [thesaurus] perennis lucis et aethereorum aeternorumque luminum ostenditur Maria.

Virgo Deipara
bonorum
omnium coele-
stis thesaurus.

In Maria omnes
divitiae coeli.

1) Apc 12, 1. 2) Iob 6, 13-15. 3) Cf. 3 Rg 7, 1-12. 4) Cf. 1 Tim 6, 15; Apc 19, 16.
5) 3 Rg 14, 26; 15, 15 sqq.

Maria thesaurus
bonitatis
thesaurus.

II. Sed contemplerum, quaeso, divinum hunc coelestium bonorum thesaurum. Lucis thesaurus monstratur esse Maria. Lucem autem bonitatis symbolum esse novimus: *Vidit Deus lucem quod esset bona.*⁶ Qui dicunt *malum bonum, et bonum malum, ponentes tenebras in lucem, et lucem in tenebras.*⁷ Hinc Deus in symbolica theologia lux appellatur: *Deus lux est, et tenebrae in eo non sunt ulla;*⁸ quoniam summe bonus, summum bonum, summa bonitas: *Ostendam tibi omne bonum.*⁹ Maria thesaurus lucis ostenditur, quia ipsa magnus est bonorum Dei thesaurus: magnus thesaurus virtutum et coelestium Spiritus Sancti donorum; magnus thesaurus meritorum et spiritualium divitiarum, thesaurus gratiae, thesaurus gloriae, thesaurus ipsiusmet Divinitatis. Nam in ipsa *complacuit omnem plenitudinem inhabitare;*¹⁰ ipsa namque infinitae Divinitatis templum extitit singulare, dignumque aeterni Numinis habitaculum sacrosanctum. Quod si fideles omnes dixit Paulus sanctum Dei templum esse, quanto magis Maria? *Vos... estis templum Dei vivi.*¹¹ *Templum Dei sanctum est, quod estis vos.*¹² Corpora vestra *templum sunt Spiritus Sancti;*¹³ sed singulariter Maria. Ipsa vera *Bethel, domus Dei... et porta coeli,*¹⁴ quia ipsa *scala,*¹⁵ per quam Deus de sublimi coelorum descendit in terram pro mundi salute. De ea singulariter dici potest: *Vere Dominus est in loco isto.*¹⁶ Sic locus et thesaurus Divinitatis Maria. Ipsa igitur coelestium divinorumque bonorum thesaurus.

Maria domus
Dei

Quare ostenditur divino hoc spectaculo quod expediret magis mundo sine sole, luna et stellis esse, quam sine Maria; quod multo utilior mundo est Maria, quam sol, luna et stellae firmamenti. Quis autem nescit quod sol, luna et stellae coeli in causa sunt bonorum omnium, quae natura in mundo generantur? Sine coelestis nanque luminis beneficio, nihil penitus in terra vel in mari generatur, boni nihil producitur. Quare sol, luna et stellae veluti thesauri sunt bonorum, quae in inferiori hoc mundo procreantur. Sic Maria thesaurus est omnium bonorum Dei.

Maria utilior
mundo quam
sol, luna et
stellae.

III. Sed adhuc thesaurus ipsa quoque divinae Sapientiae. Nam lux sapientiae etiam hieroglyphicum est. Hanc ob causam Christus Dei sa-

6) Gn 1, 4. 7) Is 5, 20. 8) 1 Io 1, 5. 9) Ex 33, 19. 10) Cf. Col 1, 19.
11) 2 Cor 6, 16. 12) 1 Cor 3, 17. 13) 1 Cor 6, 19. 14) Gn 28, 17. 15) Gn 28, 12.
16) Gn 28, 16.

pientia et virtus: ¹⁷ *In quo sunt omnes thesauri sapientiae et scientiae Dei,* ¹⁸ *lux mundi appellatur.* ¹⁹ Hanc ob causam Salomon ait: *Lex lux, et mandatum lucerna.* ²⁰ Et pater ipsius [David]: *Praeceptum Domini lucidum illuminans oculos, idest: Sapientiam praestant parvulis.* ²¹ Et alibi: *Lucerna pedibus meis verbum tuum et lumen semitis meis.* ²² Maria igitur, coelestium luminum thesaurus, quid est nisi thesaurus sapientiae et omnium scientiarum Dei?

Apud Platonicos per lunam naturale intellectus et mentis humanae lumen designatur; per solem vero supernaturale divinitus infusum sanctis mentibus. Maria autem omni tum naturali tum supernaturali lumine ditata copiosissime fuit. Duodecim autem stellae in capite quid designant nisi splendidissimam cognitionem rerum omnium perfectissimamque scientiam? Imo perfectissimas scientias rerum omnium naturalium, supernaturalium et divinarum. Habet perfectissimam cognitionem naturae divinae, naturae angelicae, naturae coelestis, naturae elementalis; cognitionem mixtorum inanimorum, plantarum, animalium et hominum; cognitionem mysteriorum omnium Ecclesiae Christi et synagogae satanae, gloriae paradisi et poenarum inferni. Videlicet duodecim splendidissimas stellas.

IV. Sed videamus, quaeso, quidnam sit quod singulariter sole amicta dicitur, quidnam est solare hoc indumentum, quid significat: *Mulier amicta sole*, idest, lucidissima ac solis instar fulgidissima mihi Deipara Virgo apparuit. Mirabile dictu! Maria nunc divinitus obumbrata legitur, nunc divina luce splendidissime circumfusa: *Spiritus Sanctus superveniet in te, et virtus Altissimi obumbrabit tibi;* ²³ nunc autem sole amicta appareat. Et quidem mirum est quomodo obumbrasse eam dicitur Deus, qui lux est infinita lucemque inaccessibilem habitat, ²⁴ nisi per umbram divinam protectionem intelligamus: *Sub umbra alarum tuarum protege me.* ²⁵

Et quidem verba illa Angeli ad Virginem divinum significant complexum; quod Deus ipse Altissimus futurus esset maritus ipsius, non homo quisquam, ad Christum concipiendum: *Spiritus Sanctus superveniet in te, et virtus Altissimi obumbrabit tibi,* ²⁶ sicut maritus uxori in actu casti

Virgo Deipara
scientiae ipsius
Dei, imo visionis
immediateae Di-
vinae Essentiae
thesaurus.

17) 1 Cor 1, 24. 18) Col 2, 3. 19) Io 8, 12. 20) Prv 6, 23. Vulg. habet: *Quia man-
datum lucerna est, et lex lux.* 21) Ps 18, 8-9. 22) Ps. 118, 105. 23) Lc 1, 35.
24) Cf. 1 Tim 6, 16. 25) Ps 16, 8. 26) Lc 1, 35.

sanctique matrimonii: *Ideoque... quod nascetur ex te Sanctum, vocabitur Filius Dei.*²⁷ Quare obumbrare ibi est maritum agere. Deus, inquit, Altissimus vir et maritus tuus erit, qui virginitatem tuam fecundabit quidem, sed minime violabit: obumbrabit tibi, operiet te, sicut: *Nubes lucida obumbravit eos,*²⁸ operuit eos.

Nec tamen umbra haec mysterio vacat. Deus enim, in Scripturis, in luce et in caligine dicitur habitare. Supra montem Sinai in igne et in caligine descendit; intus ignis erat lucidissimus, foris obscura et tenebrosa caligo.²⁹ In dedicatione templi descendit Deus in igne de coelo et in caligine densaque nebula.³⁰ Deus sibi quidem et Beatis in coelo lux est splendidissima, mundo autem caligo et nebula, quae ipsum etiam lucidissimum solem in meridie tegit, et ab oculis nostris abscondit; quoniam incomprehensibilis nobis est natura divina, lux inaccessibilis, et: *Scrutator... maiestatis opprimetur a gloria.*³¹

Obumbravit Deus in hoc mundo Mariam sicut et Christum; oculis mortaliū divinam ipsius gloriam non manifestavit, sed potius abscondit. Quid, si Christus semper visus fuisset hominibus, sicut in transfiguratione visus fuit Apostolis in gloria et maiestate?³² *Si... cognovissent, nunquam Dominum gloriae crucifixissent.*³³ Quid si Maria sic visa fuisset mortalium oculis in terra, sicut nunc Ioanni conspecta fuit in coelo, solari luce amicta? Quis ad tale tantumque miraculum non obstupuisset? Quis non tanquam divinum numen adorasset? Sed obumbravit eam Deus in terra, ut multo magis glorificaret in coelo; sicut et Christum quem post humilitatem exaltavit, et *donavit illi nomen, quod est super omne nomen.*³⁴ In coelo Deus exaltavit et glorificavit Christum, similiter et Mariam: *Apparuit in coelo, mulier amicta sole.* In terra voluit ut gratia, virtutibus, meritis plena esset, ut in coelo plena et superplena gloria in aeternum esset. In terra obumbravit eam ita ut ipsimet etiam Virgini altissimi status sui gloria minime esset pro dignitate conspicua. Et sicut Moyses claritatem et gloriam vultus sui ignorabat,³⁵ ita et Virgo magnitudinem dignitatis et gloriae suae ex profundissima mentis humilitate ignoravit. Hinc enim, in Dei sponsam et matrem Christi electa, ancillam se dicit;³⁶ et: *Quia, inquit, respexit humilitatem ancillae suae.*^{36a} O miram obumbrationem!

27) Ibid. 28) Mt 17, 5. 29) Cf. Ex 19, 16 et 24, 16-17. 30) Cf. 3 Rg 8, 10; 2 Par 5, 13.
31) Prv 25, 27. 32) Cf. Mc 9, 1-6; Lc 9, 28. 33) Cf. 1 Cor 2, 8.
34) Phil 2, 8-9. 35) Cf. Ex 34, 29. 36) Lc 1, 38. 36a) Lc 1, 48.

Sol oriens super terram non obumbrat eam, sed lumine magno illustrat. Deus autem cum Maria egit sicut ipse etiam sol. Natura cum sit candidissimus ac splendidissimus, nimio tamen aspectu suo, radiorum suorum claritate, humanis corporibus non candorem inducit, sed potius profundam ac, ut ita dicam, corvinam nigredinem atrumque colorem, sicut in Aethiopibus cernimus.

Ita aiebat Sponsa in *Canticis*, nigram se esse, *quia*, inquit, *decoloravit me sol.*³⁷ Sic Maria divinae lucis claritate obumbrata fuit, quoniam Deum semper pree oculis habens, divinamque ipsius magnitudinem et infinitam maiestatem agnoscens, de seipsa humillime sentiebat, Deique comparatione, umbram se esse ac nihili existimabat. Sicut enim qui oculis in lucidissimam solis spheraem fixis, candidissimam illam ac splendidissimam lucem fuerit contemplatus, aversis postea inde oculis, nonnisi umbras et tenebras videre sibi videtur; sic, Dei comparatione, creata omnia umbrae ac tenebrae sunt. Ioannes, cum in Evangelii sui initio aeternam Divinitatis lucem contemplatus fuisset: *In principio erat Verbum et Verbum erat apud Deum et Deus erat Verbum*; haec lux est: *In ipso vita erat et vita erat lux hominum;*³⁸ post lucem hanc nonnisi tenebras reperit: *Lux in tenebris lucet, et tenebrae eam non comprehendunt, quia mundus eum non cognovit.*³⁹ Quare mundum ipsum tenebras appellat. Talem se reputabat Maria ex perpetua Divinitatis contemplatione ac forte etiam visione.

Si enim Moysi⁴⁰ et Paulo⁴¹ datum fuit in praesenti vita Deum videre, quanto magis de Virgine Deipara existimare hoc dignum est, quod in Verbi incarnatione vel Christi gloriosa resurrectione aut etiam ascensione, datum ei sit puro mentis oculo Deum videre? An non multo puriores oculos, quibus incircumscripum lumen videtur, et Moyse et Paulo et ipsis etiam Angelis, coelestibus beatisque spiritibus habuit Maria? Digna fuit Maria ut aeternum Dei Verbum conciperet, gestaret in utero, pareret mundo, lactaret uberibus, vera matris in eum officia exerceret; digna autem minime fuerit ut *eum sicuti est*⁴² aliquando videret? Digna ut acciperet a Deo infinitum thesaurum, non autem ut videret aspectum eius frueretur? Si cui Sanctorum datum est in praesenti saeculo Deum videre, ego Deiparae Virginis, ob infinitam Matris dignitatem paremque sanctitatem et puritatem,

Maria ex visione
Dei tanta luce
obumbrata fuit,
ut, preefer
Deum, nonnisi
tenebras videre
sibi videretur.

Moyses et Paulus
in hac vita,
visione imme-
diata divinae es-
sentiae donati.

Ita a fortiori
Maria.

37) Cf 1, 4-5. 38) Io 1, 1. 4. 39) Io 1, 5. 10. 40) Cf. Nm 12, 7-8; Ex 19, 3; 24, 10.
41) Cf. 2 Cor. 12, 1-4. Cf. D. Thomam, 2^a 2^{as}, q. 175, art. 3. 42) 1 Io 3, 2.

datum esse non dubito, et ad hoc ipsam allusisse cum, Sancto Spiritu afflata repletaque, ait: *Exultavit spiritus meus in Deo salutari meo, et: Quia fecit mihi magna qui potens est.*⁴³ Sed si in hoc obumbrata fuit, et, ut ita dicam, miraculo tenebantur oculi eius ne Christum sicuti est agnoscerent, nunc in coelo summopere glorificata est, nulla in ea apparet umbra, sed *mulier amicta sole*. Non inquit: Mulier illuminata aut illustrata sole; nam cum in coelo sol positus sit a Deo tanquam fons perennis luminis ad illuminandum mundum, coelum vestit claritate, lunam et stellas aeternis splendoribus luminibusque nunquam deficientibus; Maria autem non illustrata dicitur a sole, sed amicta sole. De Deo legimus: *Amictus lumine sicut vestimento.*⁴⁴ Sic Maria luce amicta dicitur, at non qualicumque, sed solari, splendidissima, omnium maxima et excellentissima. Nec mirum, cum legamus quod *fulgebunt iusti sicut sol in regno Patris eorum.*⁴⁵ Sed Maria in coelo inter innumeros soles claritate et gloria singulari, sicut sol inter astra, fulgebit: *Mulier amicta sole.*

Virgo Deipara
possessione
ipsius Dei
tanquam dilec-
tissimi Sponsi
atque dilectissimi
Filli, thesaurus.

V. Sed in hac locutionis phrasi existimo nonnullum latere mysterium. Non enim ait: Mulier resplendens sicut sol, quemadmodum de Christo in transfiguratione legimus, sed amicta, opera, vestita sole. Quomodo enim Maria solem induit tanquam vestimentum? De Ecclesia inquit Paulus, quod [per] Baptismi sacramentum Christo induita est: *Quicumque in Christo baptizati estis, Christum induistis.*⁴⁶ Et saepe utitur Paulus hac phrasi et modo dicendi: *Induimini Dominum nostrum Iesum Christum.*⁴⁷ *Induite novum hominem qui secundum Deum creatus est in iustitia et sanctitate veritatis.*⁴⁸ *Expoliantes vos veterem hominem, induite novum, ... qui renovatur in agnitionem secundum imaginem eius, qui creavit illum.*⁴⁹ Sed non propterea phrasis haec Pauli manifesta est, cum potius Ecclesia vestis sit Christi inconsutilis, cum de fidelibus per Isaiam dicatur ei: *Iis*

43) Lc 1, 47-49. Sententiam quam hic cl. Auctor tenet communis est. Inter veteres, theologi qui eam tenuere et plus minusve aperte docuere, praecipui sunt: B. Bernardus, *Serm. in Dominica infra Oct. Assumpt. B. M. V. n. 3.* (P. L. 183, 1007). Rupertus Ab. *Liber in Cant.* (P. L. 168, 394). B. Albertus M. apud D. Antoninum, Part. 4, titul. 15, cap. 17. D. Bernardinus Senens., Tom. 4, Serm. 37, p. 3. Suarez, Part. 3, disput. 19, sect. 4, et alii. Inter recentes, claris. Joseph Perin in suo *Onomast.* sub nomine *Maria*, ita scribit: «Mariam habuisse scientiam beatif. modo non permanente sed, ut aiunt, transeunte infinitabitur nemo». Cf. etiam Zamoro O. M. Cap. in lib. *De Perfectione Deiparae* Lib. 2, cp. 36. 44) Ps 104, 3. 45) Mt 13, 43.

46) Gal 3, 27. 47) Rom 13, 14. 48) Eph 4, 24. 49) Col 3, 9-10.

*omnibus sicut vestimento, sive ornamento, vestieris et circumdabis eos tibi sicut sponsa.*⁵⁰ Alibi Paulus, ut seipsum forte declararet, ait: *Induamur arma lucis, sicut in die honeste ambulemus;*⁵¹ et alibi: *Induite vos armaturam Dei... et induite loricam iustitiae;*⁵² alibi etiam: *Induti loricam fidei et caritatis et galeam spei salutis;*⁵³ tandem alibi: *Induite sicut electi Dei sancti et dilecti viscera misericordiae, benignitatem, humilitatem, modestiam, patientiam.*⁵⁴ Hoc est autem quod Paulus ait: monet ut Christi virtutes vitamque sanctissimam imitemur, moresque et personam Christi induamus, eique adeo similes efficiamur, ac si Christi ipsius personam in nobis assumere utcunque possemus. Hinc alibi ait: *Primus homo de terra terrenus, secundus homo de coelo coelestis; sicut portavimus imaginem terreni, ita portemus et imaginem coelestis.*⁵⁵ Hoc igitur inquit Paulus Christum induere: Christum perfecte imitari.

Induere est
perfecte imitari.

Sed induere in Sacris Litteris, pharsi hebraica, saepe abundare et copiose possidere significat. Nam *Psalmo 64* ubi legimus: *Induli sunt arietes ovium, et valles abundabunt frumento,*⁵⁶ hebr. est: *Induentur campi ovinus, et valles operientur frumento,* idest, abundabunt. Similiter *Proverb. 31: Omnes domestici eius induti sunt duplicibus,*⁵⁷ hebr.: *Omnis domus eius induta est duplicibus,* idest, abundat copiosa suppellestili. Sic Iob: *Induta est caro mea putredine*⁵⁸ sive vermbus, idest, abundat. Sic ait: *Induit maledictionem sicut vestimentum.*⁵⁹ *Sacerdotes eius induant iustitiam...; et sacerdotes eius induam salutari;* et: *Inimicos eius induam confusione.*⁶⁰ Multaque alia. Ait igitur: *Mulier amicta sole,* idest, luce solari copiosissime abundans, eam perfectissime et abundantissime possidens.

Item Induere est
abundare et
copiose possi-
dere.

Quis autem nescit quod per solem in Sacris Litteris nunc Deus, nunc Christus, nunc etiam perfecta felicitas et beatitudo designatur? *Omne datum optimum et omne donum perfectum desursum est, descendens a Patre luminum.*⁶¹ Sic Deus appellatus est sol. Et rex David: *Chi scemesc umaghen Adonai: Sol et scutum Dominus Deus.*⁶² Christus etiam sol: *Vobis timentibus nomen meum orietur sol iustitiae;*⁶³ sic in transfiguratione; sic vultu splendido solis instar apparuit Ioanni.⁶⁴ Gloriam etiam designat: *Thronus eius sicut sol in conspectu meo.*⁶⁵ *Qui diligunt te sicut sol in*

Deus, Christus,
perfecta felicitas,
in S. L.,
sol appellata.

50) Is 49, 18. 51) Rom 13, 12. 52) Eph 6, 11-14. 53) 1 Tess 5, 8. 54) Col 3, 12.
55) 1 Cor 14, 47-49. 56) Vr 14. 57) Vr. 21. 58) Iob 7, 5. 59) Ps 108, 17.
60) Ps 131, 9-16-18. 61) Iac 1, 17. 62) Ps 83, 12. 63) Mal 4, 2. Vulg. habet: *Et
orietur vobis timentibus, etc.* 64) Cf. Apc 1, 16. 65) Ps 88, 38.

ortu suo splendet, ita rutilent.^{65a} Sic de mundana felicitate legimus apud Ieremiam 15: *Occidit ei sol cum adhuc esset dies;*⁶⁶ et Amos 8: *Occidet sol in meridie, et tenebrescere faciam terram in die luminis.*⁶⁷

Maria, sole
amicta, quia
perfecte possidet
Deum
ut Sponsum.

Maria ergo sole amicta dicitur quia Deum perfecte possidet tanquam dilectissimum sponsum. Nam maritus operimentum uxoris dicitur in Sacris Litteris, non solum quia eam operit maritali congressu, sed etiam quia eam honoremque ipsius protegit atque defendit. Hinc mos erat antiquitus ut, cum quis mulierem in uxorem ducere vellet, expanderet pallium suum super eam, ut in libro *Ruth* legimus: *Expande pallium tuum super ancillam tuam, quia propinquus es,*⁶⁸ idest, ducas me in uxorem, quia tu teneris suscitare semen viri mei defuncti. Hinc ubi in *Exodo* 21 legimus: *Non habebit potestatem dominus vendendi ancillam suam populo alieno, si spreverit eam,*⁶⁹ hebr. est: *Bebigdo bah, si operuerit eam;* nam *beghed, vestimentum* significat. Similiter *Malachiae* 2: *Testificatus est Dominus inter te et uxorem pubertatis tuae, quam tu despexisti;*⁷⁰ hebr.: *Quam tu operuisti*, vel, sicut vestimentum texisti. Maria igitur amicta sole dicitur, idest, Deo, qui sol est sempiternae gloriae, matrimonio coniuncta est, Deum sponsum et maritum habet. Sic etiam Christus Ecclesiae vestimentum dicitur. Haec summa est gloria Mariae, quod vera sit Dei summi Sponsa, sicut summa gloria fuit olim Esther Assuero, regi potentissimo, matrimonio copulari; eam enim ob causam regina coronata fuit.⁷¹

Maria, sole
amicta, quia
perfecte possidet
Deum ut Filium.

Christum etiam Maria perfectissime possidet tanquam unicum, dilectissimum et optimum filium. Quomodo autem poterat Virgo non solari luce splendidissime fulgere, cum Christum, solem infinitae lucis, haberet in utero? Si Deus intra vas ingens crystalli solem reponeret, an non purissimum illud vas solari luce vestiretur? Sic enim sol purissimam coeli substantiam, quae ipsum circumscribit ac circumcingit lucidissimis radiis suis vestit, atque decorat. Sicut lumen, intra crystallum ardens, ipsum crystallum lumine suo circumquaque amicit, sic Virgo coelestis amicta sole iustitiae et gloriae, Christo, est. Indicatur igitur divino hoc ostento, quod Virgo Sanctissima ut sponsa et mater summe particeps est gloriae Christi et Dei, ita ut nec maior participatio aut communicatio excogitari possit.

Virgo Delpara
perfectae gloriae
et felicitatis
thesaurus.

VI. Adhuc autem, qualis et quanta sit ipsius gloria. Nam in Sacris Litteris sol omnium luminarium coeli maximum est non tantum lucis splendoris, sed etiam magnitudinis.

65a) Idc 5, 31. 66) Vr. 9. 67) Vr. 9. 68) 3, 9. 69) Vr. 8. 70) Vr. 14. 71) Est 2, 17.

dore^{71a} ac virtutis magnitudine, verum etiam mole, ut certissimis astronomorum et perspectissimorum demonstrationibus scitum perspectumque est. Ex ipsa nanque umbra terrae, qua fit lunare deliquum, manifeste ostenditur sol multo maior universo terrarum orbe. Talis et tanta est solis corporis magnitudo! Qualis igitur magnitudo Mariae quae sole amicta est sicut vestimento?

Praeterea solaris lux perpetua est, non decrescit unquam aut crescit sicut luna; semper eadem est. Sic Mariae gloria non magna solum, verum etiam aeterna est. Aliud quoque mirabili hoc hieroglyphico indicari mihi videtur. Nam solaris lux non modo magna ac pene infinita aeternaque est, sed si cum reliquis coeli luminibus conferatur, et singula et omnia simul universim posita longissime antecellit, ac pene innumeris partibus superat. Sic et Maria Beatorum omnium gloriam in coelo altissime transcedit. Ideo *Mulier* dicitur *amicta sole*.

VII. Non pervenit autem ad tales tantamque gloriam Maria nisi per gratiam, per viam virtutis et sanctitatis. Hoc nanque indicavit Christus cum mulieri dicenti: *Beatus venter qui te portavit, et ubera quae suxisti*, respondit: *Quinimo beati qui audiunt verbum Dei, et custodiunt illud*; ⁷² hanc, inquit, ob causam Mater mea principio quidem beata est, quia verbum Dei audivit et custodivit. Sic Archangelus Gabriel eam dixit gratia plenam et benedictam inter mulieres, ⁷³ idest, sanctarum omnium animarum sanctissimam. Legimus in Scripturis Sacris divinae huius mulieris multas virtutes et dona Spiritus Sancti, legimus fidem, humilitatem, caritatem, gratiam, benedictionem, Spiritus Sancti plenitudinem; legimus et beatitudinem.

Sed dantur virtutum gradus in Sanctis; est alius alio sanctior, alias alio perfectior, alias alio Deo carior Christoque similius. Quis igitur gradus fuit virtutum, sanctitatis, ^{73a} perfectionis Mariae? Summus utique atque supremus, qualis est gradus et perfectio lucis solaris: *Apparuit in coelo, ... mulier amicta sole*. Talis fuit ipsius virtus, fides, humilitas, virginitas, caritas, gratia, Spiritus Sancti plenitudo. *Mulier amicta sole*; non ait: Amicta luna. Non amicta, quia luna extrinsecus quidem splendet cum plena est, et veluti nocturnus sol splendet in coelo; intrinsecus autem opaca et obscura est; non enim habet naturalem lucem ut ignis, sed adventitiam ut nubes

Mariae
gloria magna

aeterna

altissima

Virgo Delpara
summae ac per-
fectae sanctitatis
thesaurus.

Virtutes Mariae.

Virtutes Mariae
non extrinsecae
tantum sed et
intrinsecae.

^{71a)} Ms.: *Splendoris.*

⁷²⁾ Lc 11, 27-28.

⁷³⁾ Lc 1, 28.

^{73a)} Ms.: *Sanctitatis*

radiis solis illustrata. Lux etiam imperfecta esse potest, sicut primigenia illa lux in mundi exordio imperfectum agebat diem, imperfectum emittebat splendorem.⁷⁴ Propterea Deus ad illuminandum diem solem condidit et in firmamento collocavit.⁷⁵ Quare sol et naturalem intrinsecus lucem habet, et perfectissimam summeque splendidam. Maria igitur non luna aut luce amicta dicitur sed sole, quia ipsius sanctitas non extrinseca tantum fuit in oculis hominum, sed et intrinseca in oculis Dei; sicut arca testamenti interiorius et exteriorius deaurata, sed auro purissimo, optimo.⁷⁶ Sic Mariae sanctitas omnisque virtus perfectissima fuit.

*Virgo Delpara
omnium
hominum salutis
thesaurus.*

*Maria omnium
salus.*

*Maria salus
etiam peccato-
rum qui eam
colunt.*

VIII. Sed, bone Deus, quam utilis nobis haec *mulier amicta sole!* Utilior mundo Maria quam sol. « Tolle, inquit devotissimus Bernardus, *De Virginis Nativitate*, « tolle solare corpus quod illuminat mundum, ubi dies? Tolle Mariam, quid nisi caligo involvens et umbra mortis ac densissimae tenebrae relinquuntur? ».⁷⁷ Etiam astrologi ponunt in coelo solem in virgine utilissimum mundo ac iucundissimum post leonis canisque, coelestium monstruorum, ardore, afferentem^{77a} refrigeria temporum et suavissimos autumni fructus. Solem et lunam et stellas inquit Moyses creata fuisse a Deo positaque in coelo in ministerium cunctis gentibus.⁷⁸ Mariam autem sole amictam et stellis coronatam in coelo supra lunam collocavit ad summam utilitatem et salutem omnium hominum. Hunc solem suum Deus oriri facit super bonos et malos.⁷⁹ Nam per Mariam multi etiam peccatores tandem iustificati salvantur, ni velint omnino cum daemonibus et angelis satanae [esse] impoenitentes. Ab his nanque Virgo sanctissima oculos suae pietatis avertit, sicut sol in Aegypto cum Hebraeos, Dei fideles, clarissima luce perfunderet, Aegyptios reprobos in densissimis tenebris relinquebat, retrahens ab eis radios lucis suae.⁸⁰ Multis quidem peccatoribus, qui pio in eam devotionis affectu feruntur, eamque pro sua virili venerantur, causa salutis est, sicut arca testamenti extitit Abiataro sacerdoti, cui rex Salomon ait: *Vir mortis es tu, sed non interficiam te, quia portasti arcam Domini Dei.*⁸¹ Peccatoribus autem impiis atque blasphemis in causam perditionis, sicut illamet arca testamenti fuit Ozae, quoniam irreverenter eam tetigit;

74) Cf. Gn 1, 3.

B. M. V. n. 6. (P. L. 183, 1014).

79) Cf. Mt 5, 45.

75) Cf. Gn 1, 14-18.

76) Cf. Ex 25, 1-18.

80) Cf. Ex 10, 21-23.

76) Cf. Ex 25, 1-18.

77a) Ms.: *Afferens.*

77) *Serm. in Nativit.*

78) Cf. Gn 1, 14-15.

81) 3 Rg 2, 26.

quare a Deo percussus male perit.⁸² Vae impiis peccatoribus in malum, qui nec Deum timent, nec Virginem venerantur, sed potius impie ac scelestissime per summam iniuriam blasphemant. Hi enim sicut Oza, divina ultiōne perciti, in aeternum peribunt, quoniam arcā testamenti Domini immunde tetigerunt. Ipsa enim Maria viva et vera arca Divinitatis est, quae etiam Ioanni in coelo visa fuit quando etiam divinum hoc signum mirabiliter ei apparuit: *Apertum est, inquit, templum Dei in coelo, et visa est arca testamenti eius in templo eius;*⁸³ et statim subiungit: *Signum apparuit in coelo, mulier amicta sole.* Arca utique Divinitatis, quoniam in utero habebat Unigenitum Filium Dei, Verbum aeterni Patris, verum Deum.

82) Cf. 2 Rg 6, 6-7.

83) Apc 11, 19.

SERMO QUARTUS

Sabbato Dominicae Tertiae Quadragesimae

DE EXALTATIONE VIRGINIS DEIPARAE SUPRA OMNEM CREATURAM, EX VERBIS:

Et luna sub pedibus eius

*Signum magnum apparuit in coelo, mulier
amicata sole et luna sub pedibus eius, etc.* ¹

I. Dum Virginem Beatissimam altiori qua possum mente et spiritu contemplor in coelo, sicut Ioanni apparuit, videre mihi videor egisse Deum sicut olim egisse potentissimum maximumque Chaldaeorum regem et totius orientis imperatorem Nabuchodonosorem Sacrae Litterae referunt. Is enim cum potentissimus esset, simulque ditissimus, ad ostentandam universo orbi potentiam suam immensosque divitiarum thesauros, statuam fecit auream mirandae magnitudinis. Nam sexaginta cubitorum^{1a} altitudinis eam esse voluit sex cubitorum latitudinis; eam, mirabili opere arteque dedalica fabrefactam, erexit in campo Dura provinciae Babylonis, ut a cunctis gentibus, imperio suo subiectis, adoraretur in solemni dedicationis die.² Non fuit haec statua similis illi quam in somniis vidit mundanae hieroglyphicum monarchiae. Nam illa caput tantum aureum habebat, postea vero pectus brachiaque argentea, ventrem et crura aenea, tibias ferreas et tandem pedes fictiles ferreosque.³ Haec autem tota ex auro facta fuit.

Ita, inquam, agere voluisse visus mihi est Deus. En statua tota aurea:

Analytica com-
paratio statuae,
imaginis Nabu-
chodonosor, cum
hac statua coe-
lesti, imagine
Regis regum,
Dei.

1) Apc 12, 1. 1a) Ms.: *Cubitorum* bis habet. 2) Cf. Dn 3, 1-8. 3) Cf. Dn 2, 31-35.

Statuarum ima-
gines, artifices

Mulier amicta sole. Coelesti utique auro non terreno, sicut Deus coelorum rex est. Fuit statua illa simulacrum et imago regis Nabuchodonosor; haec autem Summi Regis regum, Dei. A quo artifice statua illa fabrefacta fuerit Scriptura non meminit; huius autem artifex et conditor ipse Deus suis eam manibus plasmavit, sicut in universi primordiis Evam.⁴ Illa in campo Dura collocata fuit, ut a cunctis gentibus adoraretur; haec autem in coelo posita est, ab omnibus tum Angelis tum hominibus summa post Deum religione colenda et adoranda.

magnitudo

Mirabilis plane fuit statuae illius magnitudo, nam fere aequavit magnitudine colossum solis Rodi, qui inter orbis miracula computatur. Illius enim altitudo, si Plinio⁵ credimus, septuaginta cubitorum communium; huius vero altitudo sexaginta quidem, sed babyloniorum cubitorum, qui, teste Herodoto,⁶ tribus digitis maiores erant vulgaribus et communibus. Quare altitudo huius statuae ad sexagesimum septimum vulgarem cubitum ascendebat. Valore autem et pretio longissime colossum illum superabat. Non enim ut ille ex aere, sed ex auro tota effecta erat.

ornamentum

Sed magnitudinem coelestis huius simulacri et Divinitatis ipsius imaginis quis non miretur cum amicta sit sole sicut vestimento? Statuae illius nullum legimus ornamentum; hanc vero divinitus ornatam astrisque coronatam conspicimus. Sunt stellae in firmamento magnum coeli mundique ornamentum; Maria autem divinum et singulare ornamentum coeli empyrei, totius paradisi. Nihil enim sub Deo videtur in coelis pulcrius, mirabilius, divinius Maria amicta sole et stellis coronata.

basis

Tandem non refert Scriptura Divina supra quam basim statua illa mirabilis fuerit situata, firmaque fundamento stabilita. Sed divini huius simulacri basis minime praetermittitur. *Mulier*, inquit, *amicta sole*: ecce simulacrum; *et luna sub pedibus eius*: ecce basis. Aureum simulacrum super basim argenteam collocatum est. Sed sicut simulacrum factum est ex auro coelesti ita et basis ex coelesti argento: *Et luna sub pedibus eius*. Sic, ut in *Exodo* legimus, mandavit Deus, ut divinum ipsius tabernaculum super bases argenteas fundaretur; fecitque Beseleel, Divino Spiritu afflatus, omnes bases sacrosancti illius Divinitatis delubri ex argento.⁷ Maria autem tabernaculum illud est de quo Regius Vates ait: *Sanctificavit tabernaculum*

4) Cf. Gn 2, 22.

5) Plin. *Hist. Nat.* lib. 34, cp. 7. Edit. an. 1535, Basileae.

lib. 1 *Hist.* cp. 178. Edit. an. 1542, Lugduni.

6) Herodot.

7) Ex 26, 32; et Ex 31, 2-3.

[*suum*] *Altissimus.*⁸ Salomon etiam ferculi sui columnas fecit argenteas ad illud sustentandum,⁹ domum illam designans quam Sapientia aedificavit sibi, et propterea excidit columnas septem,¹⁰ supra quas divinum illud aedificium fundaret. Sic igitur Deus supra basim argenteam dignissime et honorificentissime auream hanc suam statuam collocavit.

Gravem iram et indignationem regis incurserunt qui statuam illam ad regis imperium adorare noluerunt, et in ardentissimam fornacem vivi injecti fuerunt, manibus pedibusque ligatis.¹¹ Sic in horrendum Dei iudicium incident quicumque sacratissimam hanc totius Divinitatis imaginem venerari et ut par est adorare contempserint. In aeternum namque ignem infernalemque fornacem vivi mittentur cum satana et angelis eius apostaticis, inimicis Dei rebellibus ac desertoribus. Neque erit Deus qui eos salvare possit inde, sicut ex babylonicae fornaci incendio per Angelum suum Deus salvavit tres iuvenes hebraeos, qui, divinae religionis et pietatis intuitu, statuam illam cultu idololatrico adorare noluerunt.¹² Nam, qui divinum hoc simulacrum sanctissimamque Deitatis imaginem adorari mandat, non homo est, sed verus et summus Deus; nec eam adorare cultus idololatricus, ut impii mentiuntur haeretici, sed Dei Sponsam et Christi veram Genitricem et naturalem Matrem venerari, dignisque et meritis honoribus adorare summa religio, summa pietas est; sicut cum divinae Maiestatis intuitu arcam Domini pie venerabantur et adorabant templumque veri Dei summa veneratione dignum existimabant. Et: *Si quis... templum Dei violaverit*, ut Paulus ait, *disperdet illum Deus*,¹³ quanto magis qui Sponsam, qui Matrem Dei contempserit et inhonoraverit? Et quidem satis mirari non possum quam magnam reverentiam exigebat Deus ab Hebreis erga arcam testamenti. Nam sub mortis interminatione mandavit, ne quis eam vel contingere, vel proprius accedere, vel, curiositate aliqua permotus, aspicere eam auderet.¹⁴ Sic legimus quod multa millia Betsamitarum occidit, quoniam arcam Domini de terra Philisthaeorum revertentem introspicere ausi fuere, divini mandati vel immemores vel ignari.¹⁵ Sic a nobis Deus magnam omnino reverentiam ac venerationem exigit erga sacrosanctissimam hanc Divinitatis arcam.

adoratio.

Arca Domini
veneranda.

Ita Maria.

8) Ps 45, 4.

9) Cf. Ct 3, 9-10.

10) Cf. Prv 9, 1.

11) Cf. Dn 3, 12-23.

12) Cf. Dn 3, 49-50. 13) 1 Cor 3, 17.

14) Cf. Jos 3, 4.

15) Cf. 1 Rg 6, 19.



Per lunam,
exaltatio Virginis
Delparae supra
omnem creatu-
ram figuratur.

Deus est sol.

Luna, omne
quod sub Deo
est.

Luna sub
pedibus Mariae,
creaturae omnes
sub eius im-
perio.

Maria mons
super omnes
sua dignitate.

II. Sed tempus iam postulare videtur ut inquiramus quidnam sit quod lunam sub pedibus habet vel tanquam basim vel tanquam scabellum pedum ipsius: *Mulier amicta sole, et luna sub pedibus eius.* Non ambigo quod sicut per solem, ita etiam per lunam mystice multa designantur. Est autem sol in Sacris Litteris Dei et Christi singularis imago, sicut Isaias 60 ait: *Non erit tibi amplius sol ad lucendum per diem, nec splendor luna illuminabit te, sed erit tibi Dominus in lucem sempiternam et Deus tuus in gloriam tuam.* Non occidet ultra sol tuus, et luna tua non minuetur, quia erit tibi Dominus in lucem sempiternam.¹⁶ Et Ioannes in Apocalypsi de coelesti Ierusalem ait: *Civitas non eget sole aut luna ut luceant ei, nam claritas Dei illuminavit eam, et lucerna eius est Agnus.*¹⁷ Si igitur per solem Deus, quid per lunam nisi omne quod sub Deo est significare potest? Sicut luna soli subiecta est, ita mundus totus, universalis natura, sancta Dei Ecclesia, ipsa est supramundana paradisi civitas, subiecta Deo est. Et sicut luna a sole omnem^{17a} accipit splendorem, pulcritudinem, decorum, gloriam quam habet, ita mundus, natura, Ecclesia, paradisus, bonum omne a Deo: *Omne datum optimum et omne donum perfectum desursum est, descendens a Patre luminum.*¹⁸ *Quid... habes, homo, quod non accepisti?*¹⁹ Ita Angelo, ita cuivis creaturae dici iure potest: *Omnia enim per ipsum facta sunt.*²⁰

Cum igitur luna omne quod sub Deo est symbolice designet, quid luna sub Mariae pedibus reprezentat nisi omnem sub Deo creaturam Mariae pedibus esse subiectam? Ut sicut de Christo legimus: *Gloria et honore coronasti eum, et constituisti eum super opera manum tuarum: omnia subiecisti sub pedibus eius;*²¹ ita quoque de Maria intelligamus. Divino igitur hoc mysterio mirabilis exaltatio Virginis supra omnem creaturam figuratur. Hinc Isaias de ea vaticinans ait: *Erit in novissimis diebus praeparatus mons domus Domini in vertice montium:*²² idest, mons erit altissimus super omnes montes. Nam sicut Gregorius ait: «Beatissima semper Virgo Maria Dei Genitrix mons fuit, quae omnem electae creaturae altitudinem electionis sua dignitate transcendent. An non mons sublimis Maria, quae, ut ad conceptionem aeterni Verbi pertingeret, meritorum verticem supra omnes Angelorum choros usque ad solium Deitatis erexit? Huius enim

16) Is 60, 19-20.
19) 1 Cor 4, 7.

17) Apc 21, 23.
20) Io 1, 3.

17a) Ms.: *Omnies.*

21) Ps 8, 6-7. Hebr 2, 7.

18) Iac 1, 17.
22) Is 2, 2.

montis praecellentissimam dignitatem Isaias vaticinans ait: *Erit in novissimis diebus* etc. Mons quippe in vertice montium fuit, quia altitudo Mariae supra omnes Sanctos refuslit;... et mons in vertice montium Maria non fieret, si hanc supra Angelorum altitudinem divina fecunditas non levaret». ²³ Hoc etiam est quod Ezechiel templum Domini vidit in spiritu, sed in summitate montis excelsi, ²⁴ utique ad designandam altitudinem divini huius templi. Sic Deus Mariam supra lunam collocavit.

III. Sed qualis luna sub pedibus Mariae? Non illa tantum de qua dicitur: *Donec auferatur luna*, ²⁵ quae mutabilem naturam designat; nec illam tantum de qua ait: *Videbo coelos tuos, opera digitorum tuorum, lunam et stellas quae tu fundasti*, ²⁶ per quam Christi designatur Ecclesia: sed illam etiam quae luna in aeternum perfecta ²⁷ appellatur, et de qua dicitur: *Erit lux lunae sicut lux solis, et lux solis septempliciter sicut lux septem dierum*, ²⁸ ubi de Christi et Ecclesiae glorificatione Vates Divinus loquitur. Hoc sole splendidissimo amicta est Maria. Hanc ergo lunam, solis instar fulgentem, sub pedibus habet paradisi Regina, Domina et Imperatrix Angelorum. O divinam exaltationem Mariae! Quisnam non videt lunam hanc splendidissimam sub Mariae pedibus in sacrosancta ipsius Annunciatione, cum ad eam Archangelus Gabriel, summus Angelorum princeps, missus a Deo fuit? ²⁹ Pendet angelica natura a Deo, non secus ac splendor lunae a sole. Dum igitur summus Angelorum legatus ad eam mittitur eamque laudibus effert, suspicit, honorat, veneratur, adorat, tanquam electam, dilectissimam dignissimamque Dei summi Sponsam, ³⁰ quis lunam splendidissimam non videt Mariae pedibus subiectam?

Exaltatio Virginis Delparae supra omnem ecclesiam et militantem et triumphantem.

Per lunam significatur Ecclesia.

IV. Adhuc autem; quoniam luna propter menstruos defectus et maculas perpetuamque mobilitatem imperfectionis hieroglyphicum [est], designatur hac visione Mariam, ut uni Deo, qui omnis perfectionis infinitus thesaurus est, perfectissime uniretur, omne quod imperfectum sub Deo est, ex animo contempsisse. Aiebat enim cum patre suo David: *Mihi adhaerere Deo bonum est, ponere in Domino Deo meo spem meam...* Quid enim mihi est in coelo, et a te quid volui super terram? Deus cordis mei; ...

Exaltatio Virginis Delparae supra mundum et omnia quae in eo videntur bona, per eorum contemptum.

23) S. Greg. Papa, *Expos. in I Rg. Cp. 1, 1.* (P. L. 79, 9). 24) Cf. Ez 43, 12. 25) Ps 71, 7.
26) Ps 8, 4. 27) Ps 88, 38. 28) Is 30, 26. 29) Cf. Lc 1, 26. 30) Cf. Lc 1, 28 sqq.

*pars mea Deus in aeternum.*³¹ Sic mundum et omnia quae in eo videntur bona, divitias, gloriam, voluptates ex alto contempsit tanquam inanes umbras vanasque et fallaces bonorum verorum imagines. Sic erat amicta divino sole, et luna sub pedibus eius.

Luna hebraice nunc dicitur יְרֵחַ forte a רוח ruach spiritu, latitudine, spatio, ob magnitudinem vel ob lumen spiritale, aut quod spirituum et ventorum causa et indicatrix sit, vel etiam quod forte sit naturae et substantiae tenuis instar nubis et vaporis. Nunc dicitur סֶהָר sehar a rotunditate, qualis appareat cum plena est. Aliquando etiam לְבָנָה lebanah a candore et albedine; lumine enim plena, candide conspicitur. Maria supra lunam est, supra omnem, qui^{31a} sub Deo est, candorem et puritatem, supra omnem perfectionem, quae per rotunditatem insinuatur, supra omnem coelestium spirituum virtutem et magnitudinem.

Apud Aegyptios in mysteriis per solem et lunam aeternitas signabatur, tum quod perpetua sint coeli lumina, tum quod in nostro hoc mundo perpetuam pariant rerum generationem. Maria, sole amicta, supra lunam in coelo est collocata, quoniam perpetua ac sempiterna Dei immortalitate donata est.

Exaltatio Virginis Deiparae supra omnem creaturam perfecta fide, basi beatitudinis.

Luna designat fidem.

V. Scitum est etiam quod per lunam plenam in Sacris Litteris aliquando perfecta fides exprimitur. Haec luna est quae in fine saeculorum non dabit lumen suum: *Cum venerit Filius hominis putas inveniet fidem super terram?*³² Haec luna est quae auferetur, quoniam post iudicii magni diem non erit amplius fides. Haec luna nova, cuius causa mandavit Deus Hebreis, ut, singulis mensibus luna nova in coelo apparente,^{32a} dies festus solemniter ageretur: *Buccinate in neomenia tuba in insigni die solemnitatis vestrae, quia praeceptum in Israel est.*³³ Et nova luna primi mensis erectum fuit sanctuarium Domini in deserto, sicut in *Exodo* legimus 40.³⁴ Quid autem nova luna designat nisi fidem, quam Paulus novam creaturam appellavit? *In Christo enim Iesu neque circumcisio aliquid valet neque praeputium, sed nova creatura.*³⁵ Hinc sacramentum

31) Ps 72, 25-28. 31a) Ms.: Quae. 32) Lc 18, 8. Vulg. habet: *Filius hominis veniens, putas inveniet fidem in terra?*

34) Cf. Ex 40, 1 sqq.

32a) Ms.: Apparentes. 33) Ps 80, 5. 35) Gal 6, 15.

fidei lavacrum regenerationis et renovationis Spiritus Sancti appellatur. Sic nova luna novam fidem novae Christi Ecclesiae post veterem synagogam mystice designabat. Licet alias etiam ob causas benedictus Deus neomeniae festum perpetuo servari mandaverit, ob fidem divinae providentiae et gubernationis divinae recognitionem ac gratiarum actionem; sicut sabbatum ob beneficium nostrae ac mundi totius creationis,³⁶ ut sciamus quod temporum etiam primitias requirit a nobis Deus, sicut et aliarum rerum quae natura generantur, et quod tunc felix faustumque nobis erit omne tempus si a Deo sumat initium. Et tandem mysterio ut exploratum a nobis sit, cum anima, omni vetustate deposita, per fidem et caritatem Deo maxime unitur: *Qui adhaeret Deo unus spiritus est cum eo.*³⁷ In neomenia autem luna cum sole congressa, tunc ei maxime coniuncta est, eiusque veluti amplexibus fruitur ut sponsa sponsi in thalamo geniali.

Cum igitur per lunam vera perfectaque fides significetur, non mirum si Maria lunam habet sub pedibus tanquam fundamentum et basim qua sustentetur. Nam cum Pauli testimonio *fides substantia sit sperandarum rerum, argumentum non apparentium,*³⁸ et, cum sine fide impossibile sit placere Deo; oportet enim accendentem ad Deum credere;³⁹ unde: *Credidit Abraham Deo et reputatum est illi ad iustitiam,*⁴⁰ sic: *Iustus... ex fide vivit.*⁴¹ Cum Maria Sanctissima Deo placuerit: *Invenisti enim gratiam apud Deum;*⁴² *Ave, gratia plena,*⁴³ basim hanc solidissimam firmissimamque fidei, sub pedibus animi habuit. Hinc dictum est ei: *Beata quae credidisti, quoniam perficientur ea, quae dicta sunt tibi a Domino.*⁴⁴ Videtis fidem beatitudinis basim et fundamentum! *Beata quae credidisti,* hoc est, quia credidisti. Si enim non credidisses, beata minime esses. Sic est *mulier amicta sole:* ecce beatitudo; sed *luna sub pedibus eius:* ecce beatitudinis firmissimum fundamentum. Hoc etiam Christus Dominus insinuavit, cum, mulieri Virginem beatam praedictanti, dixit: *Beati qui audiunt verbum Dei, et custodiunt illud.*⁴⁵ Auditus autem verbi fidem designat, nam: *Fides ex auditu.*⁴⁶ Alibi etiam Salvator docuit fidem esse beatitudinis fundamentum, dicens: *Beati qui non vide-*

Maria fundata
super fidem.

Ideo beata.

36) Cf. Ex 20, 8.

substantia etc.

43) Lc 1, 28.

37) 1 Cor 6, 17.

38) Hebr. 11, 1. Vulg. habet: *Fides sperandarum*

Deum.

40) Rom 4, 3; Iac 2, 23.

41) Hebr 10, 38.

42) Lc 1, 30.

44) Lc 1, 45.

45) Lc 11, 28.

46) Rom 10, 17.

*runt et crediderunt.*⁴⁷ *Qui crediderit et baptizatus fuerit salvus erit;*⁴⁸ *Omnis qui credit in ipsum non pereat, sed habeat vitam aeternam.*⁴⁹ *Et: Haec est vita aeterna ut cognoscant te... Deum verum et quem misisti Iesum Christum.*⁵⁰

Haec luna est quae caecam noctem profundasque tenebras saeculi huius illuminat, nubes lucida quae noctu illuminabat Hebraeos in deserto; luna nova, quam^{50a} novam creaturam Paulus dixit. Se ipsum declaravit quod haec fides sit *quae per caritatem operatur.*⁵¹ O felices animas quae cum Maria sub animi pedibus coelestem hanc basim habent firmam et inconcussum! Nam haec verae beatitudinis basis et via est. Iosaphat, rex Iudeorum, pugnaturus contra potentissimum exercitum inimicorum populi sui, dixit militibus suis: *Credite in Domino Deo vestro et securi eritis; credite prophetis eius et cuncta evenient prospера.* 2 Paralip. 20.⁵² Aliquoquin, ut Isaias ait: *Si non credideritis, non permanebitis.*⁵³ Nam, ut alias Prophetae loquitur: *Qui fuerit incredulus, non erit recta anima eius in ipso.*⁵⁴ *Iustus autem... ex fide vivit.*⁵⁵ Et Christus Dominus noster manifeste dixit quod *qui non credit iam iudicatus est,*⁵⁶ idest, iam in reproborum et damnatorum numero reperitur, quia fide caret, quae salutis aeternae basis et fundamentum est. Hinc saepe legimus: *Fides tua te salvum fecit.*⁵⁷

Non fuit autem Mariae fides mortua aliquando, sed semper viva, imo semper vivax, semper efficax et perfecta; nam luna plena erat sub pedibus eius. Fides autem mortua sine caritate, ut Paulus docet, etiam si miracula faciat et montes transferat, ad salutem nihil prodest.⁵⁸ Mariae fides sicut granum sinapis fuit, de qua fide pronunciavit Salvator quod apud Deum omnia potest: *Omnia, inquit, possibilia sunt credenti,*⁵⁹ et de qua Paulus ait: *Omnia possum in eo qui me confortat.*⁶⁰

Mariae fides
semper viva.

Exaltatio Vir-
ginis Deiparae
supra omnem
creaturam fide,
vitae supernatu-
rals anima.

VI. Adhuc autem aliud mysterium mihi hic elucet. Nam per lunam apud Sapientes aliquando humanae rationis et mentis lumen insinuatur. Hanc autem sub pedibus habere, quid est nisi intellectum in obsequium Christi captivare? Naturale hoc lumen Virgo tanquam umbratile et subobscurum

47) Io 20, 29. 48) Mc 16, 16. 49) Io 3, 17. 50) Io 17, 3. 50a) Ms.: *Quod.*
 51) Gal 5, 6. 52) Vr. 20. 53) 7, 9. 54) Hab 2, 4. 55) Hebr 10, 38.
 56) Io 3, 18. 57) Mt 9, 22; Mc 10, 52; Lc 7, 50; 8, 48. et alibi. 58) Cf. 1 Cor 13, 1-3.
 59) Mc 9, 22. 60) Phil 4, 13.

contemnens, supernaturale et divinum semper appetiit, dicens: *Emitte lucem tuam et veritatem tuam, ipsa me deduxerunt et adduxerunt in montem sanctum tuum et in tabernacula tua.*⁶¹ Cumque divinum hoc obtinuisset lumen, sole amicta fuit. Instituebat vitam suam Virgo Beatissima non ex mundana consuetudine aut ex praescripto rationis et prudentiae humanae, sed ex divinae legis instituto; ex fide, ex afflato Spiritus Sancti vitam et actiones suas moderabatur.

Calcavit etiam Virgo vulgarem saeculi opinionem, quae apud gentes invaluerat, quod luna regina coeli esset et dea. Hinc apud Ieremiam legimus quod etiam Iudei, gentium errore decepti et a satana alucinati, reginae coeli sacrificabant, eamque divinis honoribus impia religione colebant.⁶² Quod peccatum erat maximum, sicut Iob ait: *Si vidi solem cum fulgeret, et lunam incidentem clare, et laetatum est, idest, deceptum, in abscondito cor meum, et osculatus sum manum meam ore meo; quae est iniquitas maxima et negatio contra Deum,*⁶³ solem videlicet et lunam divinis honoribus colere et tanquam divina numina adorare. Nam hanc ob causam iussit Deus festum neomeniae in novilunio, non in plenilunio celebrari,⁶⁴ ne fidelis populus una cum idololatris plenaे lunae sacrificare videretur, et in ipsius honorem solemne illud festum celebrare. Maria autem lunam sub pedibus habet, quia vulgi stultam hanc opinionem calcavit, omnemque saeculi aestimationem ex alto contempsit, non ignorans saepe abominationem esse apud Deum quod altum est apud homines. Sic omnes mundi vanitates, tanquam vilissimum quid, pedibus calcavit.

VII. Utinam sic hodie nostrae mulieres faciant ad Virginis Beatissimae imitationem, quae procul dubio posita est a Deo, ut princeps mulierum esset, sicut Maria soror Moysi,⁶⁵ quam omnes sequentur, ac tanquam perfectissimum exemplar divinamque virtutum omnium formam imitarentur. Sed, proh pudor! mulieres quae sub christiano nomine vivunt, et tamen Christi Matrem imitari contemnunt, nec coelestem hanc mulierem sed aliam, illam quam idem Ioannes vidit, omni studio imitantur, babylonem dico, mere-tricem magnam! *Vidi, inquit, mulierem sedentem super bestiam coccineam, plenam nominibus blasphemiae, habentem capita septem et cornua*

Nostrae mulieres
hanc coelestem
mulierem et non
aliam, idest,
babylonem,
sequantur.

61) Ps 42, 3.

62) Cf. 7, 18; 44, 17-25.

63) 31, 26-28.

64) Cf. Nm 28, 11-15.

65) Cf. Ex 15, 20.

*decem; et mulier erat circumdata purpura et coccino et inaurata auro et lapide pretioso et margaritis, habens poculum aureum in manu sua plenum abominatione et immunditia fornicationis suae.*⁶⁶ Sic mundana vanitas, imo impietas, Ioanni in spiritu ostensa fuit, quae tota sensui carnis innititur, imo a satanae spiritu sustentatur et circumfertur per orbem, totaque in carnis et oculorum concupiscentia consistit et in superbia vitae.⁶⁷ Haec vita est impiae gentilitatis, quae Deum non novit, sed inimica Dei Christique est; et tamen haec videtur vita nostrarum mulierum!

66) Apc 17, 3-4.

67) Cf. 1 Io 2, 16.

SERMO QUINTUS

Sabbato Dominicae quartae Quadragesimae

DE SINGULARIBUS VIRGINIS DEIPARAE PRAEROGATIVIS EX VERBIS:

Et in capite eius corona stellarum duodecim

*Signum magnum apparuit in coelo, mulier
amicta sole et luna sub pedibus eius etc.¹*

I. Vidimus coelestem hanc mulierem, magnum mundi miraculum, sole amictam et supra lunam in coelo collocatam. Nunc videndum nobis est quomodo stellarum diadema sit redimita et ornata: *In capite*, inquit, *eius corona stellarum duodecim*. Sic arcum testamenti legimus aurea corona ornatam;² sic diadema regni positum ab Assuero in capite Esther reginae, cum eam ex amore sibi despensasset.³ Sed quodnam genus coronae hoc est? Quam mirabile diadema! Nunquam similis visa est corona. Nullus regum aut imperatorum tale habuit diadema: *In capite eius corona stellarum duodecim*.

De variis coronis
in historia pro-
fana et sacra, de
numero duade-
mario, et de
corona duodecim
stellarum.

Apud antiquos multa legimus coronarum genera in honorem victoriae vel signum dignitatis. Erat corona triumphalis ex lauro cum baccis, corona ovalis ex myrto, corona obsidionalis ex gramine, corona civica ex querinis foliis cum glandibus, corona muralis, castrensis, navalis⁴ et aliae. Erat corona collaris, qua donatus fuit Ioseph a Pharaone⁵ et Daniel a Balthasar rege.^{5a} His nanque insignibus principes donabantur et decorabantur, cum a summis principibus tales constituebantur

Coronarum
genera apud
antiquos.

1) Apc 12, 1. 2) Cf. Ex 25, 11. 3) Cf. Est 2, 17. 4) De tis omnibus vide Plin. *Hist. Nat.* lib. 16, cp. 4. 5) Cf. Gn 41, 42. 5a) Cf. Dn 5, 29.

ac declarabantur, regiis vestibus induiti. Erat etiam capitalis corona, qua Mardochaeus donatus fuit ab Assuero,⁶ et quam David tulit a rege Ammonitarum et capiti suo imposuit, ex auro et lapidibus pretiosis.⁷ Sic reges aureis coronis decorantur, et imperator triplici corona donatur: primum quidem ferrea, postea argentea, ac tandem aurea, quam Romae a Summo Pontefice suscipit.⁸

Coronarum
genera in
Sacris Litteris.

In Sacris Litteris etiam coronas multiplices legimus. Nunc coronam auream, qua Ioannes Christum vidit redimitum et etiam vigintiquatuor seniores;⁹ nunc coronam lapideam: *Posuisti in capite eius coronam de lapide pretioso;*¹⁰ nunc coronam gloriae: *Gloria et honore coronasti eum;*¹¹ nunc coronam [vitae]: *Cum probatus fuerit, accipiet coronam vitae;*¹² nunc coronam iustitiae: *Reposita est mihi corona iustitiae;*¹³ nunc corona incorruptionis: *Et illi quidem ut corruptibilem coronam accipient, nos autem incorruptam;*¹⁴ et: *Cum apparuerit princeps pastorum, percipietis immarcescibilem gloriae coronam;*¹⁵ legimus etiam spinea Domini coronam.¹⁶

Corona
stellarum, quid.

Sed coronam de stellis praeter hanc nullibi reperimus: *In capite eius corona stellarum duodecim.* Quid igitur corona ista significat? Primum quidem quod, tanquam vera Dei Sponsa, coronata est gloriosissima coeli Regina in aeternum. Omnes animae sanctae tanquam Christi sponsae in coelo coronatae sunt. Sed sicut Salomon multas reginas cum haberet uxores, nam septingentas habuit, una tamen fuit inter omnes ac supra omnes singularis, Pharaonis filia,¹⁷ cui domum magnificentissimam aedicavit;¹⁸ ita Maria Regina reginarum est: *Sexaginta sunt reginae... sed unica est perfecta mea, una est columba mea.*¹⁹ Ipsa igitur unica est coeli Regina, sicut unus Deus ipsius Sponsus, unus Christus eius Filius.

Sed cur duodecim stellis compacta est altissimae Reginae huius corona? Etiam sol, qui visibilis coeli huius et stellarum princeps et rex esse videtur, duodecim signis Zodiaci quodam modo designate coronatur. Sic et Mulier amicta sole duodecim habet stellas in capite, quia universalis Regina est, sicut sol coeli universalis sed unicus princeps et monar-

6) Cf. Est 7, 8-11.

7) 2 Rg 12, 30.
stico, sub verbo *Corona Ferrea.*

11) Ps 8, 6.

12) Iac 1, 12.

15) 1 Petr 5, 4.

18) 3 Rg 7, 8 sqq.

8) Cf. Moroni, *Dizionario Storico-Ecclesiastico,* 9) Cf. Apc 14, 14; 4, 4. 10) Ps 20, 4.

13) 2 Tim 4, 8.

14) 1 Cor 9, 25.

16) Mt 27, 29; Mc 15, 17; Io 19, 2.

19) Ct 6, 7-8.

17) 3 Rg 3, 1.

cha. Sicut igitur solis corona duodecim habet signa Zodiaci, ita Mariae, quae sole amicta est, duodecim habet splendidissimas ac fulgidissimas stellas.

Numerus duodenarius, ut Augustinus docet,²⁰ universitatis cuiusdam numerus est, cum sint duodecim signa coeli et duodecim menses anni et duodecim horae diei; quia etiam constat ex binario, qui multitudinis principium est, et ex denario, qui finis est multitudinis, suprema sphaera omnium numerorum, sicut decima sphaera coelorum et natura divina decima veluti sphaera est spiritualium substantiarum supra novem choros Angelorum.

Et quidem numerus hic duodenarius in Divinis Litteris celeberrimus et sacratissimus est cum in Veteri tum in Novo Testamento. In Veteri quidem, in duodecim patriarchis filiis Iacob,²¹ in duodecim tribubus Israel,²² in duodecim principibus tribuum,²³ in duodecim fontibus Elim,²⁴ duodecim panibus propositionis,²⁵ duodecim gemmis in rationali summi pontificis,²⁶ duodecim lapidibus ex Iordane sublati,²⁷ duodecim bobus aeneis mare aeneum substentantibus,²⁸ duodecim divisionibus ac partibus terrae promissionis,²⁹ aliisque permultis. In Novo autem Testamento, in duodecim Apostolis,³⁰ duodecim cophinis fragmentorum,³¹ duodecim thronis iudicantium,³² duodecim fundamentis, duodecim portis³³ et duodecim Angelis supremae civitatis Ierusalem,³⁴ duodecim etiam fructibus ligni vitae per singulos menses,³⁵ multisque aliis. Nam sunt duodecim fidei articuli, duodecim etiam praecepta divina, iunctis Decalogo duobus magnis praeceptis caritatis; duodecim etiam fructus spiritus enumerantur.³⁶ Nec dubito quin ad mysteria haec allusum sit hisce in stellis.

II. Sed hoc sufficit, per coronam hanc designari Virginem Deiparam universalem Reginam omnium Electorum Dei, qui in Sacris Litteris per duodecim tribus Israel designantur. Nam et per stellas Sancti et Electi Dei figurantur cum Angeli tum etiam homines; nam de Angelis legimus: *Cum me laudarent astra matutina,*³⁷ et in *Apocalypsi* septem stellae in Christi dextera septem Angeli declarantur,³⁸ similiterque septem lampades ardentes

Duodenarius
est numerus
universitatis.

Duodenarius
numerus
celeberrimus
in S. Script.

Virgo Deipara
coronam habet
duodecim stella-
rum, id est,
regalitatis, quia
Regina omnium
Electorum Dei et
omnium crea-
turarum.

20) *Enarr. in Psalm.* 86, n. 4. (P. L. 378, 1104) et alibi pluries.

21) Cf. Gn 35, 22.

22) Cf. Gn 49, 28.

23) Cf. Gn 25, 16.

24) Cf. Ex 15, 27.

25) Cf. Lv 24, 5-6.

26) Cf. Ex 28, 17-21.

27) Cf. Jos 4, 8-9.

28) 3 Rg 7, 25.

29) Cf. Jos 14, 1-5.

30) Cf. Mt 10, 1-5.

31) Cf. Mt 14, 20.

32) Cf. Mt 19, 28.

33) Cf. Apc 21, 12-14.

34) Cf. Apc 21, 12.

35) Cf. Apc 22, 2.

36) Cf. Gal 5, 22-23.

37) Job 38, 7.

38) Cf. Apc 1, 16.

ante thronum Dei; ³⁹ de hominibus vero: *Multiplicabo semen tuum sicut stellas coeli.* ⁴⁰ Et Angelus Danieli dixit: *Qui docti sunt fulgebunt sicut splendor firmamenti, et qui ad iustitiam erudiunt multos sicut stellae in perpetuas aeternitates.* ⁴¹ Paulus quoque ait quod sicut *stella differt a stella in claritate, sic erit in resurrectione mortuorum.* ⁴² Sic igitur Virgo Dei para coronam habet duodecim stellarum, quia Regina constituta est omnium Sanctorum et Electorum Dei; Regina omnium Angelorum, qui per duodecim alas Seraphim apud Isaiam designantur; ⁴³ et Regina omnium hominum electorum, qui per duodecim tribus Israel, ut diximus, figurati sunt. ⁴⁴ Nam etiam Electi omnes ex Veteri et Novo Testamento in duodecim classes distribuuntur. Ex Veteri quidem, Patriarchae, Prophetae, sacerdotes, levitae et iusti quique de populo utriusque sexus. Isti sunt quinque hominum millia quos Christus, Dei Verbum, quinque hordeaceis panibus saturavit. Ex Novo autem, sunt Apostoli, Martyres, pontifices, clerus omnis, religiosi claustrales, virgines sanctimoniales et tandem fidelis populus iuste et sancte viventes.

*Maria Regina
omnium
Electorum.*

*Maria Regina
omnium
creaturarum.*

Verum non solum constituta Maria est Regina omnium Electorum, sed plane omnium creaturarum Dei, quae numero duodenario continentur. Sunt namque quatuor genera rerum: haec habent tantum esse, illa etiam vivere, alia etiam sentire, tandem alia intelligere. Sed horum unumquodque tria habent genera subalterna: primum habent coelos, elementa et mixta inanima, lapides et metalla; secundum habent herbas, habent arbores silvestres infructiferas, habent arbores fructiferas et domesticas; tertium habent animalia terrestria, aquatilia et volatilia; quartum habent Angelos in paradyso, homines in mundo, daemones in inferno. Omnia harum creaturarum constituta Regina est, omnibus ad nutum divino imperio dominatur.

Et sicut Iosue imperavit soli et luna, ut motum sisterent, ⁴⁵ Elias igni, ut de coelo descenderet, ⁴⁶ ipsumque coelum clausit ⁴⁷ et aperuit; ⁴⁸ sic Maria omnibus omnia imperare potest. O altissimam, o divinissimam Reginam! *In capite eius corona stellarum duodecim.* Sicut Christus imperavit ventis et mari, et obediverunt ei magno cum hominum stupore: *Qualis est hic, quia venti et mare obediunt ei?* ⁴⁹ Mortuis etiam imperavit et illico

39) Cf. Apc 4, 5.

40) Gn 22, 17.
rInt; et loc.: *Sicut, habet: Quasi.*

44) Cf. Apc 7, 4-8.

48) Cf. 3 Rg 18, 41-46.

40) Gn 22, 17.

Quasi.

45) Cf. Jos 10, 12-15.

49) Mt 8, 26-27.

41) Dn 12, 3. Loc.: *Sunt, Vulg. habet: Fue-*

rlnt; et loc.: *Sicut, habet: Quasi.*

42) 1 Cor 15, 41-42.

43) Cf. Is 6, 2.

46) Cf. 3 Rg 18, 20-40.

47) Cf. 3 Rg 17, 1.

surrexere;⁵⁰ ita nunc potest Maria, divino imperio et potestate donata, deaque universi constituta. Sicut Moysi dixit Deus: *Constitui te deum Pharaonis*,⁵¹ idest, ut possis super eum quaecumque Deus potest super regnum ipsius; sic Maria a Deo constituta est super opera manuum suarum,⁵² Dea coeli, Domina universi sicut vera Dei omnipotentis Sponsa, vera Christi cunctipotentis Mater; sic altissima Regina assistit a dextris Dei: *Astitit regina a dextris tuis in vestitu deaurato*.⁵³ O Reginam supra omnem hominum et Angelorum etiam existimationem admirabilem! Quis unquam verbis assequi poterit, ut pro dignitate dicat, qualis et quanta sit gloria altissimae ac divinissimae huius Regiae? *Mulier amicta sole... et in capite eius corona stellarum duodecim*.

De hac *Bernardus* devotissimus in *Aqueductu* ait, ostendens eam super Angelos dignitate et gloria exaltatam: «Magnum est Angelo ut minister sit Domini; sed Maria sublimius quoddam meruit ut sit mater. Fecunditas itaque Virginis supereminens gloria est, tantoque excellentior Angelis facta munere singulari, quanto differentius prae ministris nomen matris accepit». ⁵⁴ Et exponens hoc ipsum *Apocalypsis* oraculum, de Virgine ait, dum eam sole amictam et Christum in utero habentem contemplatur: «Nam quod verum Deum et Dei Filium genuit, ut idem ipse Dei atque hominis Filius unus omnino Deus et homo prodiret ex Maria, abys-sus est luminis; nec facile dixerim quod vel angelicus oculus ad huius fulgoris vehementiam non caliget». ⁵⁵ Sic inquam ego quod ipsis etiam Angelis et beatissimis spiritibus in coelo incomprehensibilis sit gloria et maiestas altissimae huius Regiae Matris Dei.

Per has autem duodecim stellas *Divus Bernardus* intelligit singulares Virginis praerogativas, quas ipse in tres classes distribuit recensetque in Virginis [hac visione]: praerogativas coeli, praerogativas carnis et praerogativas cordis. Singulis autem classibus quatuor assignat: coeli praerogativas in Virginis conceptione, in Angeli visitatione, in Spiritus Sancti superventione et in Verbi incarnatione; carnis autem praerogativas, quod fuerit ipsa virginitatis primiceria, sine corruptione fecunda, sine gravedine gravida, et sine dolore puerpera; tandem cordis praerogativas dicit virgi-

Sententia
D. Bernardi.

50) Cf. Mc 5, 41-42, Lc 7, 14-15 et Io 11, 43-44.

51) Ex 7, 1,

52) Cf. Ps 8, 7.

53) Ps 44, 10.

54) S. Bernard. *Sermo de Aqueductu*, n. 12. (P. L. 183, 1016).

55) S. Bernard. *Sermo in Domin. infra Octav. Assumpt. B. V. Mariae*, n. 9. (P. L. 183, 1009).

neae mansuetudinis pudorem, humilitatis devotionem, credulitatis magnitudinem, et cordis spiritale martyrium, quae ipse, ut solet, pie, copiose et erudite prosequitur.⁵⁶

Virgo Deipara
coronam habet
duodecim stellatum,
idest,
gloriae, quia
corona omnium
specialium
gratiarum coro-
nata.

Speciales San-
ctorum gratiae.

III. Sed detur mihi venia si quid, pro tenuitate mea, aliud dixerim, coronamque hanc aliter utcumque interpretatus fuero.

Saepe legimus in Sacris Litteris coronam gloriae. De speciali autem gloria scriptum est: *Qui vicerit... dabo illi stellam matutinam.*⁵⁷ Corona igitur haec multiplicem designat specialem gloriam; non tantum coronam iustitiae propter utriusque legis divinae, Decalogi, inquam, et duorum evangelicae caritatis praceptorum perfectissimam observantiam; sed coronam gratiarum et privilegiorum specialium mihi significare videtur.

Ad Sanctorum autem specialem gloriam et laudem multa divinitus eis concessa singulari dono Sacra testantur Eloquia. Primis parentibus dedit singulare donum innocentiae angelicæ et originalis iustitiae. Utinam illud perpetuo servassent! Patriarchis ex dono et gratia speciali saepe Deus apparuit, suaque praesentia consolatus eos fuit. Prophetis multa revelavit arcana coelestia divinaque sacramenta, profundissima, imperscrutabilia incomprehensibiliaque mysteria. Apostolis mirabilem dedit copiam donorum coelestium et ineffabilem Divini Spiritus plenitudinem potestatemque supernaturalem. Aliquos specialiter elegit: Abraham in patrem fidei, Moysem in legislatorem et ducem populi principemque Prophetarum, Aaron in pontificem magnum, Davidem in regem potentissimum, Petrum in summum Ecclesiae pastorem, Paulum in vas electionis et doctorem gentium; Enoch dedit donum singularis sanctitatis, Noe donum perfectae iustitiae et gratiae coram Deo, Abrahamo donum perfectae fidei et caritatis, Moysi donum perfectae amicitiae, familiaritatis et conversationis cum Deo, Samsoni fortitudinem, Salomoni sapientiam, Eliae et Eliseo, post Moysem, operationem miraculorum, Ieremiae et Ioanni Baptistae sanctificationem in utero, Enoch et Eliae donum mirabilis immortalitatis, cum eos in coelum transstulerit. Sic multi Sanctorum, ex aliqua speciali gratia, mundo sunt apud homines necnon et apud Angelos gloriosi.

56) S. Bernard. *Sermo in Domin. infra Octav. Assumpt. B. V. Mariae*, n. 7. (P. L. 183, 1008).

57) Apc 2, 26-28.

Sed Maria ex donis omnium specialium gratiarum glorioissima; ei nanque dicitur: *Ave, gratia plena; ... invenisti enim gratiam apud Deum.*⁵⁸ Sic omnium specialium gratiarum corona est divinitus decorata.

IV. Si autem subtilius philosophari permittitur, tres habet fulgidissimas stellas ex divina praedestinatione, tres ex temporali conceptione, tres ex Verbi incarnatione, et tandem tres ex ipsis in coelo glorificatione.

Tres, inquam, ex divina praedestinatione, quoniam ab aeterno praedestinata electaque fuit ad summum sub Deo gradum gratiae, ad summum gradum gloriae et ad summam divinae maternitatis dignitatem. Hinc fuit, multis, antequam in lucem prodiret mundoque oriretur annorum curriculis saeculisque, magnis praefigurata mysteriis, multisque Prophetarum vaticiniis divinitus praenunciata. Qualis hic honor Virginis, qualis gloria!

In ipsa autem temporali conceptione mirabili (nam ex sterilibus senibusque parentibus nonnisi miraculo concepta fuit, sicut olim Isaac et postea Ioannes Baptista) triplex item fulget splendidissima stella: summa nobilitas carnis et spiritus; summa puritas absque omni macula originalis peccati; et summa ac admirabilis gratiae ipsisque Divini Spiritus plenitudo, qua forte, ut ego quidem pie credo pieque credendum censeo, datus est Virgini usus liberi arbitrii, ut Deum ex tunc cognosceret et amaret, spirituque in Deo exultaret, sicut Ioanni datum fuit in matris utero, ut Christum agnosceret et spiritu exultaret. Cur enim putemus Matri fuisse negatum, quod Pracursori, ministro et vero servo, videmus concessum? Hoc ego existimo singulare privilegium et coronae huius fulgidissimam stellam.

Ex Increati item Verbi incarnatione, fecunda virginitas et virginalis fecunditas. Secundo, divina, vera, naturalis maternitas, et, ex Spiritu Sancti superventione ac virtutis Altissimi obumbratione, verum cum Deo sponsalitium ac matrimonium, ex quo secuta est Christi vera conceptio; in quo, ut pie existimandum censeo, ipsa Virgo in spiritu elevata, sicut et Paulus, Deum ipsum puro mentis oculo intuita est. Quae enim unquam sponsa cum sposo congressa est, quem nunquam viderit, nunquam de visu agnoverit? Aut quis unquam princeps virginem quidem pulcherrimam, sed humili loco natam, suo dignam ducat consortio, sponsalitio, matrimonio, sicut Assuerus egit cum Esther; non autem dignetur aspectu, ut seipsum

Virgo Deipara coronam habet duodecim stellarum quia tres habet stellas ex divina praedestinatione, tres ex temporali sua conceptione, tres ex Verbi incarnatione, tres ex ipsis in coelo glorificatione.

58) Lc 1, 28-30.

illi videndum praebeat? Qui virgines per summam iniuriam laedere volunt, has tenebras amant. Deus autem non sic; sed sicut ad matrimonium rite contrahendum assensus et consensus requiritur viri et mulieris mutuus ex libera voluntate; ita Deus per coelestem paronymphum Gabrielem Archangelum pro matrimonio contrahendo liberum requisivit consensum; sic Virgo cum Deo coniuncta et copulata est legitimo et vero matrimonio, quod Angelus verbis illis expressit: *Spiritus Sanctus, idest, Deus ipse, superveniet in te et virtus Altissimi obumbrabit tibi,*⁵⁹ idest, operiet te. Quomodo ergo non seipsum illi manifestarit, cum verus illius sponsus factus est Deus verus?

Tandem in glorificatione summum consecuta est gradum gloriae, anima et corpore beata, super omnes angelicos choros exaltata, et ad Christi dexteram throno gloriosissimo collocata. Existimari possunt tres stellae tres aureolae, quoniam et martyr spiritu fuit: *Tuam ipsius animam pertransibit gladius,*⁶⁰ et virgo super omnes virgines, et doctrix ac magistra Apostolorum. Sed sunt splendidissimae stellae honor divinae maternitatis, gloria divinae electionis in sponsam et collatio divinae potestatis super omnes creaturas. Deus Pater eam ibi honorat tanquam filiam, Deus Filius tanquam matrem, et Spiritus Sanctus tanquam dilectissimam sponsam, omnium bonorum Dei heredem ac dominam. Sic habemus coronam ex duodecim splendidissimis stellis divinitus compactam.

Virgo Deipara coronam habet duodecim stellarum, idest, *sapientiae,* quia habet cognitionem omnium creaturarum et omnium mysteriorum fidei.

V. Sed cum in Sacris Litteris non tantum gloriae coronam legamus, verum etiam sapientiae, legimus enim a Salomone dictum: *Corona sapientium divitiae,*⁶¹ et ab Ecclesiastico: *Corona sapientiae timor Domini,*⁶² quid si corona ista divinam Beatissimae Virginis sapientiam indicat? Qualem quantunque thesaurum sapientiae existimamus esse divinum Mariae caput? Si Salomoni, servo, tantam sapientiam dedit Deus, quantam dedisse Sponsae et Matri existimare par est? Corona duodecim stellarum perfectissima cognitione omnium creaturarum, quas duodenario numero contineri diximus. Corona stellarum duodecim perfectissima cognitione omnium mysteriorum nostrae fidei, quorum sacramentorum divinam plane veritatem Maria super omnes Electos, supra omnes Apostolos, supra omnes spiritus angelicos perfectissime capit et comprehendit plenissime supra quam dici vel cogitari possit. O mirabilem coronam! *In capite eius corona stellarum duo-*

59) Lc 1, 35.

60) Lc 2, 35.

61) Prv 14, 24.

62) Eccl 1, 22.

decim. Sic Maria apud Deum sapientissima pro nobis advocata est, sicut fuit sapiens illa mulier Thecuitis apud regem David pro Absalone;⁶³ propterea enim Deus, nostri amantissimus salutisque nostrae cupidissimus, voluit eam esse sapientissimam, simulque gratiosissimam in oculis maiestatis suae, ut summe idonea esset ad impetrandum pro salute nostra; sicut fuit Esther apud Assuerum pro salute populi sui, qui ab impio Aman, inimicitiae et odii acerrimi causa, ad necem quaerebatur.

VI. Tandem non incongruum erit forte si dicamus ipsos Dei Electos esse gloriosam hanc Deiparae Virginis coronam. Salomon enim ait: *Crona senum filii filiorum;*⁶⁴ et Paulus eos alloquens quos praedicationis verbo per Evangelium in Christo Iesu ipse genuerat, coronam suam eos esse dixit: *Itaque, fratres mei carissimi et desideratissimi, gaudium meum et corona mea, sic state in Domino, carissimi;*⁶⁵ et alibi: *Quae est enim nostra spes, aut gaudium, aut corona gloriae? Nonne vos ante Dominum nostrum Iesum Christum estis in adventu eius? Vos enim estis gloria nostra et gaudium.*⁶⁶ Sic profecto, cum Virgo Beatissima, veluti altera Eva, Mater sit cunctorum viventium in spiritu, Electos omnes suam existimat gloriam et coronam; sicut artifices quique, summa arte ac peritia praediti, in suis operibus, in quibus magna et mirabilis eluet excellentia artis, magnopere gloriantur; unde proverbio dici solet quod opus auctorem laudat, et ex unguibus agnoscantur leones. Sicut igitur opus, mira arte effectum, decus est et honor artificis; sic, cum omnes Electi quodam modo partus sint Virginis Beatissimae, iis maxime gloriatur, quoniam omnes Electi membra sunt Christi, Unigeniti Filii sui, omnes filii Dei, Sponsi sui.

VII. *In capite eius corona stellarum.* Creavit Deus luminaria in coelo ad illuminandum mundum, sed solem ad illuminandum diem, non autem noctem, lunam vero et stellas ad illuminandam noctem. Maria simul et solem et lunam et stellas habet, ut possit luce perpetua et diem illuminare et noctem, ut luce gratiae coelestis divinisque bonitatis et benignitatis suae splendoribus, et iustos et peccatores illustrare possit; ita ut facilius sit in aeternis coeli luminaribus lucem non reperire, quam in Beatissima hac Dei Genitrix et vera Matre gratiam et misericordiam non invenire. Stultum

Virgo Deipara coronam habet stellarum duodecim, idest *gaudit,* quia ipsi Dei Electi sunt eius corona et gaudium.

Virgo Deipara et solem et lunam et stellas habet, ut possit illuminare iustos et peccatores.

63) Cf. 3 Rg 14, 1 sqq.

64) Prv 17, 6.

65) Phil 4, 1.

66) 1 Thes 2, 19-20.

est dubitare de sole; multo stultius de pietate Mariae haesitare. Sicut enim sol totus lux est, ita plane Maria tota bonitas, et benignitas, pietas, misericordia, caritas, tota materna viscera.

Omnis
ad Mariam
recurramus.

Iustis, qui per diem designantur, Maria amicta sole est; peccatoribus, per noctem figuratis, luna splendida cum multarum stellarum luminibus. Omnes ergo et iusti et peccatores ad thronum gratiae ipsius accedamus. *In capite eius corona stellarum.* Thesaurus ostenditur, ut supra diximus, coelestium luminum Virgo Deipara; et vere infinitum thesaurum coelestium bonorum et gratiarum invenit qui Mariam invenit, qui, ex Dei utique dono, Mariam pio et singulari prosequitur pietatis affectu tanquam singularem patronam et matrem. Sicut enim magnum Dei donum fuit quod homo ingentem illum evangelicum thesaurum in agro invenerit;⁶⁷ ita plane et hoc donum est singulare; nam thesaurus iste reperitur in coelo. Quid autem deesse potest homini qui Mariam habet in coelo patronam et matrem, cum ipsa apud omnipotentem Deum sit omnipotens advocata? Nam si *omnia possibilia sunt credenti*,⁶⁸ quanto magis vere Matri, vere Genitrici, vere Parenti?

67) Cf. Mt 13, 44.

68) Mc 9, 22.

SERMO SEXTUS

Sabbato post Dominicam Passionis

DE VIRGINIS DEIPARAE DOLORIBUS

*Et in utero habebat et clamabat parturiens,
et cruciatur ut pariat. Et vidi, etc.*¹⁾

I. Vidimus mirabile spectaculum, coeleste miraculum, divinam mulierem amictam sole, lunam sub pedibus pro scabello habentem aeternarumque stellarum splendoribus caput coronatam. Nunc partus doloribus misere angustiatam et cruciatam cernimus: *Clamabat parturiens et cruciatur ut pariat.*

Sed quomodo partus doloribus cruciata fuit Maria, si virgo intemerata peperit, si Christus magno miraculo ex illa natus est, clauso utero virginitatis, claustro ne minimum quidem violato, sicut ad Apostolos clausis ingressus fuit ianuis? Nam alioquin non fuisset Maria perpetua virgo, clausa illa ianua templi Ezechielis,²⁾ hortus conclusus et fons signatus;³⁾ quod nefas est arbitrari. Constans est fidei sacratissimae dogma perpetua Mariæ virginitas; Christum nanque peperit sicut aurora solem, sicut stella radium, sicut luna splendorem. Quae igitur tanti causa doloris et cruciatus fuit? Illa plane quam Ioannes indicavit statim subiungens: *Et visum est aliud signum in coelo: ecce draco magnus et rufus habens capita septem et cornua decem et in capitibus suis diademata septem; et cauda eius trahebat*

Per discruciatio-
nem mulieris
maximus Del-
parae dolor ob
Fili passionem
significatur.

Maria non doluit
in partu Filii,

sed ex visione
persecutionis
satanae.

1) Apc 12, 2-3. Vulg. habet: *Et in utero habens clamabat parturiens, et cruciabatur ut pariat. Et visum, etc.* 2) Cf. Ez 44, 1-3. 3) Cf. Ct 4, 12.

*tertiam partem stellarum coeli, et misit eas in terram. Et draco stetit ante mulierem, quae erat paritura, ut, cum peperisset, filium eius devoraret.*⁴ Quis iste sit draco ipsemet Ioannes manifestum facit: *Proiectus est draco ille magnus, serpens antiquus, qui vocatur diabolus et satanas, qui seducit universum orbem, et proiectus est in terram, et angeli eius cum illo missi sunt.*⁵

Notum est oraculum illud: *Inimicitias ponam inter te et mulierem et semen tuum et semen illius,*⁶ quod serpenti antiquo dictum a Deo fuit. Sciens igitur Virgo Sanctissima immane odium satanae in Christum, prae-noscens in spiritu quales quantasque infernalis draco contra Christum machinabatur persecutio ad perdendum eum, clamabat, cruciabatur. Illum quodam modo parere minime voluisse, ne Unigeniti Filii sui talia tantaque mala a diabolo illi parata videret. Crudelis igitur satanae in Christum persecutio supra modum Virginem cruciabat, illiusque sanctissimum pectus proscindebat ac viscera dilaniabat, sicut Simeon sanctissimus, Divino Spiritu afflatus, praedixit ei: *Positus est hic in signum cui contradicetur, et tuam ipsius animam pertransibit gladius.*⁷ In Christi igitur passione Virgo passa fuit partus dolores, nam in partu nullum omnino dolorem experta fuit. Magnitudo igitur doloris, imo dolorum Virginis hic indicatur, cum dicitur: *Clamabat parturiens, et cruciatur ut pariat.*

Maria in partu
gavisa est, in
passione Filii
vehementissime
doluit.

In partu Maria mater beatissima fuit sicut Lia dixit, nato Aser: *Hoc pro beatitudine mea; beatam quippe me dicent omnes mulieres.*⁸ Sic Virgo: *Beatam me dicent omnes generationes, quia fecit mihi Dominus magna qui potens est.*⁹ Sed in passione Filii, in extrema illa acerbissima et immanissima, quam a satana passus fuit, persecutio, mater afflictissima et dolentissima; ita ut iure illud usurpare potuisset: *O vos omnes, qui transitis per viam, attendite et videte si est dolor sicut dolor meus;*¹⁰ dicere cum Noëmi, orbata dilectissimis filiis: *Vocate me marah, ... quia amaritudine... replevit me Dominus.*¹¹ Mariae unicus moriebatur Filius, sed qui melior illi erat quam decem filii. Tunc vere, secundum nomen suum, fuit Virgo amarum mare, ingens mare amaritudinis, amarissimi doloris. Tunc vere eam Deus infinita prope amaritudine replevit: *Vocate me marah, ... quia ... amaritudine replevit me Dominus.* Sic ex nimio dolore, qui sacratissimum

4) Apc 12, 3-5.
9) Lc 1, 48-49.

5) Apc 12, 9.
10) Thren 1, 12.

6) Gn 3, 15.
11) Ruth 1, 20.

7) Lc 2, 34-35.

8) Gn 30, 13.

ipsius cor transverberabat, tristis facta usque ad mortem, clamabat et cruciabantur, dolores partus experiebatur.

Hac enim dicendi phrasi et figura ad magnum dolorem exprimendum Sacrae Litterae utuntur. Sic Regius Vates de inimicis Dei, principibus tenebrarum, ait: *Ipsi videntes sic admirati sunt, commoti sunt, turbati sunt, ibi dolores ut parturientis.*¹² Sic Isaias: Ut parturiens, inquit, dolebunt.¹³ Hac metaphora saepe usus est Ieremias et alii etiam Prophetae^{13a} ad maximam vim doloris exprimendam; imo et ipse Dominus hac metaphora significavit dolorem Apostolorum ob instantem passionem et mortem suam: *Mulier, cum parit, tristitiam habet, quia venit hora eius; cum autem pepererit filium, iam non meminit pressurae propter gaudium, quia natus est ei homo in mundum; ita et vos... nunc quidem tristitiam habetis, iterum autem video vos, et gaudebit cor vestrum et gaudium vestrum nemo tollet a vobis.*¹⁴ Ita nunc per discruciationem parturientis maximus Deiparae Virginis dolor ob unici ac dilectissimi Filii passionem significatur.

Parentes enim in morte carissimorum pignorum maximo supra quam dici possit afficiuntur dolore. Patet in dolore inconsolabili Iacob patriarchae ob praesumptam mortem dilectissimi filii Ioseph, visa ipsius tunica sanguine deturpata.¹⁵ David etiam, audita morte Absalom, parricidae licet filii, quam amare flevit: *Absalom, fili mi, fili mi, Absalom! Quis mihi det ut pro te moriar, fili mi, Absalom?*¹⁶ Patientissimus Iob, audita bonorum suorum iactura, nihil fere motus fuit, sed, audita morte filiorum, tunc maxime afflictus fuit; tunc scidit vestimenta sua, claraque doloris maximi indicia dedit.¹⁷ Divus Moyses tacuit fletum et lacrimas parentum nostrorum Adami et Evae ob crudellem mortem Abelis, veluti indicans quod nullis verbis exprimi pro dignitate potuit. Quod etiam Timanthes, pictor nobilis, indicavit in morte Hiphigeniae.¹⁸ Nam, cum astantes omnes vultu maxime flebili lacrimantes suo penicillo expressisset, Agamemnonem, amantissimum parentem, depinxit facie velatum.

Dolores partus
maximi.

Parentes
maxime dolent
In morte
fillorum.

12) Ps 47, 6-7. Vulg.: *Conturbati..., commoti, etc.* alibi; Ez 30, 16; Os 13, 13; Mich 4, 10.

13) Is 13, 8.

13a) Jer 4, 31; 6, 24 et

14) Io 16, 21-22.

15) Cf. Gn 37, 33-35.

16) 2 Rg 18, 33. Vulg. habet: *Fili mi, Absalom, Absalom, fili mi: quis mihi tribuat ut ego moriar pro te, Absalom, fili mi, etc.* 17) Cf. Job 1, 13-20. 18) Cf. Plin. Hist. Nat. lib. 35, cp. 10, pag. 620.

Virgo Deipara ex
maximo amore
maximo dolore
affecta in pas-
sione Filii.

Amor parentum
erga filios
magnus.

Mariae amor
erga Filium
maximus fuit,
qua unicus erat
filius;

quia ab ipso
omnem gloriam
aceperat.

II. Oritur ex amore dolor, amorque ipse aequa lance est mensura doloris. Ex magno amore magnus dolor exoritur. Qui maxime amat, is maxime dolet, cum id quod amabat amittit. Si in magna domo ac numerosa familia unicus filius et sponsus moriatur, dolent quidem omnes, sed omnium maxime parentes et sponsa. Il autem ad quos defunctus nulla ratione attinebat, nullo penitus dolore tanguntur. Magnus est parentum dolor in morte pignorum, quia magnus est erga prolem amor. Hinc Deus in Isaac dilectissimo filio tentavit Abraham, veluti facturus periculum an Abraham vere ex animo Deum colebat, et super omnia diligebat. Nam vix reperiri aut excogitari potest purior, verior, maior in natura amor quam parentum erga filios, maxime autem unicos diuque optatos. Nam quotidiano usu videmus animalia ipsa rationis expertia pro salute carissimorum pignorum audacter mortem appetere, ipsa instigante et urgente amoris natura, ut periculum omnem contemnant pro tutandis filiis.

Maria autem vera genitrix naturalisque parens fuit Christi Domini nostri, ipseque eius verus et naturalissimus filius, et quidem unicus, pulcher-rimus, gratiosissimus, optimus, omni virtute praeditus, numeris omnibus absolutus, erga Matrem ipsam pientissimus et amantissimus. Qualis igitur erat Virginis amor erga Christum? Verbis assequi nemo potest, nec mente quidem.

Sciebat enim, quod etiam verus et naturalis Dei omnipotentis Filius erat. Habebat in utero, sed quem? Quam prolem? Peperit, inquit, *filium masculum qui recturus erat... gentes in virga ferrea, et raptus est filius ad Deum et ad thronum eius*,^{18a} ad thronum utique eius, ut sederet ad dexteram Dei Patris omnipotentis, super omnes Angelorum choros, Deo aequalis in gloria et maiestate.

Hunc habuit in utero, et inde omnem suam gloriam ipsa accepit, ut esset amicta sole, lunamque sub pedibus haberet, et in capite coronam stellarum duodecim. Hanc enim gloriam non a seipsa habuit Virgo Deipara, sed a Deo, Creatore coeli, qui solem, lunam et stellas creavit; a Christo, Filio suo, per quem omnia facta sunt,¹⁹ et ipsa quoque; quare erat ei Christus non tantum filius, verum etiam parens, qui eam creaverat; sponsus, qui eam elegerat ac sanctificaverat, virtuteque omni et gratia decoraverat; servator, qui bona omnia ei providerat; erat ipsius et Dominus et verus

18a) Apc 12, 5.

19) Io 1, 3.

summusque Deus. Sic infinitas causas et obiecta amoris in Christo nobilissimus Mariae animus reperiebat, de quo legimus: *Totus ipse desiderabilis*,^{19a} sive, ut est hebr.: *Totus ipse desideria*, vel: *Omnia ipse desideria*, hoc est, quidquid desiderari potest copiosissime reperitur in eo; sic summe erat desiderabilis, summe amabilis, Virgini autem Matri summe amatus, maxime dilectus. Si igitur amorem sequitur dolor, ut ignem calor, quis vel cogitatione assequi poterit dolorem Deiparae Virginis? *Cruciabatur parturiens.*

Non sensit partus dolores, cum Christum in lucem edidit, quem utique cum gaudio peperit, ut Sancti docent: Cyprianus, *De Nativitate*,²⁰ Athanasius, *In Descriptione Mariae et Ioseph*,²¹ Gregorius Nyssenus, *De Nativitate Christi*,²² Damascenus, *De Dormitione Deiparae*,²³ et Bernardus, *Sermo I in Vigiliam Nativitatis*.²⁴ Sed tamen non effugit dolores et cruciatus multo aciores et vehementiores, ut ait Damascenus, *Libr. IV. De Fide Orthodoxa*, cap. 14. « Ipsa, inquit, beata et super naturam donorum digna effecta, dolores partus, quos effugit pariens, illos tempore passionis sustinuit ex materna compassione viscerum, lacerum reparturiens. Sic interpretatur vaticinium Simeonis: *Tuam ipsius animam pertransibit gladius* ».²⁵ Forte contra Origenem, qui gladium hunc, impie sane, ut multa alia, de infidelitate fuit interpretatus, quod passionis tempore anima Virginis cum ceteris Apostolis gladio infidelitatis fuerit penetrata.²⁶ Sed ubi, inquam, infidelitatis gladium legit Origenes? Legimus plane fidei gladium: *Accipite gladium spiritus, quod est verbum Dei*,²⁷ et: *Vivus est sermo Dei et efficax et penetrabilior omni gladio ancipiti*;²⁸ et: *De ore eius procedebat gladius ex utraque parte acutus*.²⁹ Sed gladium infidelitatis non legimus. Quare iniurias plane fuit Origenes in Virginem, eumque iure Simeon Metaphrastes, graecus auctor, convellit in oratione, *De Ortu et Educatione Virginis*, ubi per gladium hunc acutissimum doloris gladium interpretatur,³⁰ sicut Damascenus³¹ et Euthymius in

Magnitudo
doloris in Maria
ex prophetia
Simeonis.

19a) Cf 5, 16. 20) Circa principium. Opus apocryphum. Edit. a Stephano Balutio recognita. Venetiis, an. 1700. 21) N. 7-9. Opus apocryphum. (P. G. 28, 348-350). 22) Post medium. (P. G. 46, 1139). 23) Serm. 2, n. 3, (P. G. 96, 870). 24) N. 1. (P. L. 183, 755). 25) Ad sensum. (P. G. 94, 277). Ms.: Cp. 15. 26) Homil. 17 in Lucam, cp. 2, vr. 35 (P. G. 13, 952). 27) Eph 6, 17. 28) Hebr 4, 12. 29) Apc 1, 16. 30) Cf. N. 14 (P. G. 115, 543). 31) *De Fide Orthodoxa*, lib. 4, cp. 14 (P. G. 94, 277).

*Lucam,*³² et *Ven. Beda ibidem,*³³ *Bernardus,*³⁴ item et *Anselmus,*^{34a} qui ob acutissimum hunc gladium doloris Mariam martyrem et plusquam martyrem praedican.

Virginem Delparam nec resurrectionis fides,
nec in Deum caritas a summo dolore cohibuit;

III. Sunt vero multi, qui in laudem Virginis existimant eam in Christi passione nullo dolore affectam fuisse, cum ob certissimam fidem resurrectionis tum ex perfectissima in Deum caritate, qua unus spiritus unaque voluntas cum Deo erat Maria; erat autem voluntas Dei ut Christus talia pateretur, talemque sustineret passionem et mortem.

Sed ii Virginem Beatissimam fere in stupidam Stoicorum sectam adiungunt, qui perfectam virtutem in stuporem et insensibilitatem passionum naturalium statuebant.³⁵ Sicne nos stupidam et insensatam fatebimur extitisse Mariam? Sic ei saxeum pectus, lapideum cor, stirpea viscera tribuemus, ut non senserit illa dolorem, quem terra una cum coelo, quem saxa, quem monumenta, quem mortua sensere cadavera? Scio perfectissimam in ea extitisse fidem, perfectissimam caritatem, qua ipsamet suis manibus cum Abraham, si opus fuisset, unicum ac dilectissimum Filium suum Deo in sacrificium obtulisset ipsaque crucifixisset; sed tamen non sine maximo animi dolore et maternarum viscerum disruciacione; neque enim Abraham insensibili stupiditate affectus filium immolabat. Perfectissima in ea erat fides et caritas, sed virtus perficit naturam, non destruit. Non efficiebat virtus animi quin mulier esset natura pio, molli, tenero dulcique corde; quin vera et naturalis esset amantissima parens, dulcissima ac tenerrima mater, maternis visceribus affecta erga unicum ac dilectissimum Filium. Neque enim ipsa Christo phantasticum dedit, non verum et naturale corpus, ut impii nugabantur Manichaei, sed verum, sed naturale, ex suis purissimis sanguinibus, divina Spiritus Sancti opera, in suo ipsius utero formatum. Quomodo ergo tunc potuit non sentire materna viscera, non satisfacere maternis affectibus citra virtutis iniuriam, citra divini iudicii sugillationem? Christus Dominus noster perfectissima supra quam dici aut cogitari possit praeditus erat caritate, divinamque certo certius noverat voluntatem Dei, et tamen ad solam mortis recordationem: *Coepit pavere et tedere, coepit*

quia virtus non
destruit naturam
sed perficit.

32) Cf. *Comment. in Lucam*, cp. 2, vr. 35. (P. G. 129, 894).

cp. 2, vr. 35. (P. L. 92, pag. 346).

n. 14-15. (P. L. 183, 1012).

35) Cf. Plutarch. *Comment. adversus Stoicos*, pag. 477 sqq. Edit. an. 1573, Basileae.

33) Cf. *Comment. in Lucam*,

34) Cf. *Serm. in Domin. infra Oct. Assumpt. B. V.*

34a) Llb. *De Excellentia Virginis*, cp. 5. (P. L. 159, 567).

*contristari et moestus esse;*³⁶ et ait: *Tristis est anima mea usque ad mortem;*³⁷ factus fuit prae angustia sudor eius velut guttae sanguinis de currentis in terram; et factus in agonia³⁸ fuit; qui tamen optime noverat futuram resurrectionem. Noverat divinum iudicium supra civitatem Ierusalem, et tamen: *Videns civitatem flevit super eam;*³⁹ noverat mox futuram Lazari resurrectionem, sed tamen videns sororum lacrimas et Iudeos plangentes, ipse quoque, illis compatiens, turbavit semetipsum et lacrimatus fuit cum eis.⁴⁰ Sic Paulus ait flendum esse cum flentibus, sicut gaudendum cum gaudentibus.⁴¹ Quomodo ergo Virgo Beatissima in tam flebili spectaculo, in tam lugubri tragoedia potuit ab amarissimis lacrimis temperare, ab inconsolabili fletu abstinere?

Mulier illa Naimitis inconsolabiliter flebat, quoniam mortuus illi erat unicus filius, et ipsa vidua erat;⁴² sed in eadem navi erat Maria. Quam vere ergo cum Noëmi dicere poterat: *Vocate me marah..., quia amaritudine replevit me Dominus, imo, inquit, amaritudine valde replevit me Dominus. Cur... vocatis me Noëmi quam Dominus humiliavit, et afflixit Omnipotens?*⁴³ Si Apostolorum afflictionem Dominus ob passionem mortemque ipsius dolori parturientis mulieris comparavit,⁴⁴ quid censendum de Matre?

Doluit Naimitis
in morte Filli.
Plus Maria.

Multae mulieres, sequentes Christum ad Calvariae locum, amare flentes lugebant et lamentabantur eum;⁴⁵ sicut etiam per Zachariam fuerat vaticinatum: *Plangent eum planctu quasi super unigenitum, et dolebunt super eum ut doleri solet in morte primogeniti. In die illa magnus erit planctus in Ierusalem.*⁴⁶ Erit, inquit, amarissimus planctus qualis esse solet in familia, cum parentibus defunctus fuerit primogenitus filius. Per hunc enim planctum solet Scriptura maximum dolorem exprimere, sicut per Ieremiam dicitur: *Luctum primogeniti fac tibi planctum amarum.*⁴⁷ Sic igitur multae mulieres Christum plangebant et lamentabantur; et sola Virgo inter tot plangentes siccis oculis manebat? Sola non sentiebat dolorem, cui primogenitus et unicus Filius ante oculos suos horrenda crudelitate occidebatur? Non sic, non sic, sed: *Clamabat reparturiens et cruciabatur ut pareret.* Tunc experiebatur acerbissimos cruciatus et dolores maximos partus.

Mulieres in
passione Christi
fiebant.
Magis Deipara.

36) Mc 14, 33; Mt 26, 37. 37) Mc 14, 34; Mt 26, 38. 38) Lc 22, 43-44. 39) Ibid. 19, 41.
40) Io 11, 35. 41) Cf. Rom 12, 15. 42) Cf. Lc 7, 12. 43) Ruth 1, 20-21.
44) Io 16, 21-22. 45) Cf. Lc 23, 27. 46) Zac 12, 10-12. 47) Jer 6, 26.

Depara Virgo
multos fuit
perpessa dolores
in vita Filii,
maxime vero in
eius passione
et morte.

Maria doluit
in vita Filii;

IV. Multos perpessa fuerat Christi causa dolores ex quo illum peperit, imo etiam antequam illum pareret. Primo quidem ob exortam adulterii suspicionem apud virum suum Ioseph, unde cum *nollet eam traducere* cogitabat *occulte dimittere eam*.⁴⁸ Deinde vero cum partui iam vicina summam hominum inhumanitatem in Betlehem fuit experta; omnium enim domibus exclusa, cum pium hospitem neminem reperisset, nec meritorium quidem. Cum non esset ei locus in diversorio,⁴⁹ ad fugiendas noctis iniurias in stabulum una cum bestiis se recipere compulsa fuit, ibique suum et Dei Primogenitum et Unigenitum Filium parere, tenerrimumque et mollissimum Infantem in praesepio collocare. Magnum experta fuit dolorem in aspera acerbaque Filii circumcise, videns suavissimum Infantulum ob vulnus illud inflictum dolentem, plangentem, lacrimantem. Magnum, in die purificationis sua et praeresentationis Filii sui in templo in Ierusalem, accepto a Simeone vaticinio quod graves passurus erat ipsius Filius acerbisque persecutioes. Magnum, cum, Angelo revelante, cognovit quod impius Herodes quaerebat puerum ad perdendum eum, et fugere in Aegyptum opus fuit. Magnum sensit dolorem cum puerum Iesum duodenem amisit in templo: *Pater tuus et ego dolentes quaerebamus te.*⁵⁰

Sed haec initia fuerunt, praeludia quaedam et praelibamenta dolorum; nondum ventum est ad gladium pertransuntem animam. Cum Christus, post susceptum a Ioanne baptisma et satanam in deserto devictum et superatum, mundo se manifestare coepisset praedicando Evangelium et divina operando miracula ad destructionem et eversionem regni satanae, tunc acerbissima coepit persecutio, Virgini non ignota. An ignorare potuit quod concives sui, audita in synagoga praedicatione, nec ferre valentes acrem vitiorum reprehensionem, repleti ira ieicerunt eum extra civitatem, ut e monte illum praecepitio perderent? Quod fugiens mortalem Iudeorum persecutionem ambulabat in Galileam: *Quia quaerebant eum Iudei interficere?*⁵¹ Quod multis eum iniuriis et maledictis proscindebant, inhonorablebant, contemnebant, multas columnias inurebant Unigenito Filio Dei, vero Messiae? Quod eum saepe lapidibus impetere voluere? Quod Iudeorum proceres edictum mortis contra vitae Auctorem per summum scelus promulgarunt?

48) Mt 1, 18-20.

49) Cf. Lc 2, 7.

50) Lc 2, 42.

51) Io 7, 1.

Sed tunc vere acutissimi doloris gladius sanctissimam ipsius animam pertransivit, cum captum a Iudeis novit, proditore Iuda; cum, post dira flagella, damnatum intellexit ad infamem ac turpissimam mortem latronum cum eum spinis coronatum, crucem sibi baiulanten vidit cum latronibus duci ad Calvariae locum, ut crucifigeretur; cum tandem clavis in cruce confixum pendentem in aëra vidit, vocemque ipsius audivit, nam: *Stabat... iuxta crucem Iesu Mater eius;*⁵² cum mortuum conspexit. O dolorem; ineffabilem! Cum sanctus David, cuius cor erat quasi leonis, Ionathae mortem audivit, non potuit continere lacrimas, sed amare coepit flere et cum lacrimis dicere: *Doleo super te, mi frater Ionatha, decore nimis et amabilis super amorem mulierum.*⁵³ Quales ergo lacrimas tunc fudit Maria? Quo dolore affecta? *Nunquid potest mulier oblivisci infantem suum, ut non recordetur filii uteris sui?*⁵⁴

maxime vero
in passione
et morte.

Doluit David in
morte Ionathae.
Magis B. Virgo.

Iacob patriarcha, visa tantum tunica filii sui Ioseph sanguinata, et mortuum arbitratus devoratumque a truci aliqua fera, licet multos alias haberet filios, tamen ad spectaculum illud, inconsolabili dolore oppressus, amarissime flere coepit.⁵⁵ Quid igitur Virgo Beatissima, videns unicum et dilectissimum Filium suum in oculis suis crudelissime a Iudeis occisum? Vere tunc Christus fuit Virgini filius doloris, sicut Benjamin matri Racheli; unde *Benoni*, idest, *filium doloris* eum appellavit, prae nimio partus dolore extincta.⁵⁶ Vere dici potest de Virgine: *Plorans ploravit in nocte et lacrimae eius in maxillis eius, non est qui consoletur eam ex omnibus caris eius.*⁵⁷ Et ipsa iure illud usurpare potuit: *Posuit me Dominus desolatam, tota die moerore confectam.*⁵⁸ Et si Paulo ob ardentem in Christum caritatem dicere licuit: *Christo confixus sum cruci. Vivo autem, iam non ego; vivit vero in me Christus,*⁵⁹ quanto magis licuit Mariae? Si igitur sic Christus vivebat in Virgine, quid pati poterat Christus quin illud etiam cum eo pateretur et Virgo? Compatiebatur Filio, sed ipsa quoque summam afflictionem patiebatur; condolescebat Filio, sed ipsa amarissime indolescebat, ita ut opus fuerit eam consolari a paciente Filio, cum respiciens in eam Christus simul et in Ioannem, dixit ei: *Mulier, ecce filius tuus.*⁶⁰ Sed ipsum hoc verbum quali quantoque dolore Virginem af-

Doluit Iacob
in putata morte
Ioseph.
Plus Maria
in morte Iesu.

52) Io 19, 25. Vulg. habet: *Stabant*, etc.

53) 2 Rg 2, 26.

54) Is 49, 15.

Vulg. habet: *Nunquid oblivisci potest mulier infantem suum, ut non misereatur filio uteri sui?*

55) Cf. Gm 37, 31-35.

56) Cf. Gm 35, 18.

57) Thren 1, 2.

58) Thren 1, 13.

59) Gal 2, 19.

60) Io 19, 26.

fecit! Plaga nanque cordis tunc maxime dolet cum tangitur. Hinc ad haec verba Virgo sentiens afflictissimum cor acutissime velut innodatum, respondere non valuit; nihil omnino respondit, quia prae doloris magnitudine nec verbum formare potuit.

Maria multum
doluit etiam ex
rationibus
humanis.

Ut autem ex humanis rationibus aliquid dicamus, tunc piae et tenerae matres in filiorum morte quam maxime dolent et acerbissime cruciantur, cum filius unicus est, cum pulcher et gratiosus virtutibusque ornatus, cum obediens matri multoque honore et reverentia illi ex amore obsequens tanquam bonus filius, ita ut matrem nunquam vel minimum quidem contristari, cum beneficia aliqua ab eo accepit in suis necessitatibus, et tota spes consolationis ac victus ratio, familiaeque decus ab illo solo pendet. Haec nanque omnia tunc simul in mentem piae matris veniunt, eamque miris modis discruciant, cum uno ictu tot tantisque bonis privatam se videt, et seipsam commiserata, cunctas doloris sui causas per singulas narrat magno cum eiulatu et fletu. Si autem filius non naturali, sed crudeli morte illi perimatur, miraculum quodammodo est, si non acutissimi doloris magnitudine et acerbitate ipsa extinguitur. Quis autem has omnes immensi doloris causas et obiecta non videt in Virgine? Et tamen, o divinam animi magnitudinem! O superhumanam constantiam!

Virgo Deipara
iuxta crucem
exemplar pa-
tientiae in
adversis tol-
erandis.

V. Stabat ipsa iuxta crucem fidei virtute suffulta, sciens cito suscitaturum: *Stabat iuxta crucem Iesu Mater eius.* O statum mirabilem! Imo o divinum miraculum! Stabat corpore, sed magis animo, virtute fide integrerrima; stabat cum stupore admirans divinam caritatem, qua sic Deus dilexit mundum, divinam cum misericordiam tum iustitiam in punitione peccati ob salutem peccatoris; admirans divinam Filii sui erga Patrem obedientiam, contra daemones divinam fortitudinem, in preferendis summis cruciatibus infinitam patientiam. Sic stabat admirans et stupens redemptionis humanae divinum mysterium, stabat ipsa quoque toti Ecclesiae futura exemplum et exemplar invictae patientiae in adversis tolerandis. Vere enim de ipsa dici potest, quod: *In omnibus his non peccavit labitis suis*, imo nec corde suo; *neque stultum quid contra Deum locuta est*, imo nec cogitavit quidem; sed animo aiebat: *Si bona suscepimus de manu Domini, mala quare non sustineamus?* *Dominus dedit, Dominus abstulit, sicut Domino placuit ita factum est.*⁶¹ Sic amarissimum hunc

61) Job 1, 22; 2, 10.

calicem a Deo sibi propinatum ad extremum usque magna et mira animi virtute epotavit, dicens cum Filio: *Calicem quem dedit mihi Pater non bibam?*⁶² *Si possibile est, transeat a me calix iste; verumtamen non mea voluntas, sed tua fiat.* Non sicut ego volo, sed sicut tu.⁶³ Sic per omnia patienti Filio similis animo et virtute fuit.

Et si Christus passus est nobis relinquens exemplum, ut sequamur vestigia eius,⁶⁴ ita plane passa est et Mater ipsius, Maria; exemplum dedit nobis cum Filio, ut quemadmodum ipsa fecit, ita et nos faciamus,⁶⁵ divinumque hoc exemplar in monte nobis demonstratum semper prae oculis habeamus; illud intueamur, ut et Christum et Sanctissimam Matrem summo studio imitemur. Recogitemus illam quae tales sustinuit a peccatoribus contradictionem, ut non fatigemur animis nostris et in virtutis itinere ipsaque salutis via deficiamus.⁶⁶ Sit nobis Maria semper invictae et invincibilis exemplum patientiae, invictae virtutis, invicti animi, ut nulla nos tribulatio separet a caritate Christi, imo nulla penitus creatura.

62) Io 18, 11. 63) Mt 26, 39, 39; Lc 22, 42. 64) Cf. 1 Petr 2, 21. 65) Cf. Io 13, 15.
66) Cf. Hebr 12, 3.

SERMO SEPTIMUS

Sabbato Sancto

DE VIRGINIS DEIPARAE GAUDIIS

*Peperit mulier filium masculum, qui recturus erat...
gentes in virga ferrea, et raptus est, etc.¹*

I. Dignum et congruum est, fratres carissimi, ut, cum de acerbissimis maximisque Deiparae Virginis doloribus ob Filii sui passionem et mortem sermonem habuerimus, nunc de gaudiis ipsius ob redivivam eiusdem Filii resurrectionem verba faciamus. Nam post tenebras lucem speravit, post horridam hiemem placidum ver: *Ad vesperum demorabitur fletus, et ad matutinum laetitia.*² *Secundum numerum dolorum meorum in corde meo consolationes tuae laetificaverunt animam meam.*³ *Sicut abundant passiones Christi in nobis, ita per Christum abundat consolatio nostra.*⁴ Magno dolori magnum imo maximum gaudium successit, sicut patriarchae Iacob cum audivit Ioseph dilectissimum filium suum, quem mortuum credebat, non solum vivere verum etiam gloriosissime in Aegypto regnare; ita Christus magna cum gloria resurrexit, ait enim: *Data est mihi omnis potestas in coelo et in terra.*⁵ Quis mente et cogitatione capiat gaudium et laetitiam Virginis ob Filii sui immortalem et gloriosissimam resurrectionem, quando apparuit ei in ea gloria in qua visus fuit, cum transfigurari voluit coram electis discipulis?

Virgo Deipara
quanto dolore
in passione Filii
affecta, tanto
gaudio in eius
resurrectione.

1) Apc 12, 5.

2) Ps 29, 6.

3) Ps 93, 19.

4) 2 Cor 1, 5.

5) Mt 28, 18.

Virgo Deipara
pluries exultavit
in vita, sed in
resurrectione
Fili maximo
gaudio repleta
fuit.

II. Sunt in anima nostra dolor et gaudium, timor et spes, amor et odium veluti in bilance iustissimae lances omnino aequissimae. Pastor, inventa ove quae perierat, magnopere laetus fuit; mulier, inventa drachma quam perdiderat, nimium gavisa et gratulata est; clementissimus pater in reditu filii prodigi laetus supra modum fuit, quia salvum illum recepit: *Exultare, inquit, et laetari oportebat, quia... mortuus erat et revixit, perierat et inventus est.*⁶ Quid igitur de Virgine sentiendum? Quale eius gaudium fuit, qualis laetitia ob Christi resurrectionem? Si *gavisi sunt discipuli viso Domino;*⁷ quanto magis gavisa Mater est, viso dilectissimo Filio? Si in illius conceptione, quando mortalem utique ac passionibus multis obnoxium concepit, ingenti gaudio repleta fuit: *Magnificat anima mea Dominum, et exultavit spiritus meus in Deo salutari meo;*⁸ quanto magis in resurrectione, quando immortalem illum et beatissimum recepit?

Plane iure optimo cum Anna, matre Samuelis, dicere poterat: *Exultavit cor meum in Domino, et exaltatum est cornu meum in Deo meo. Dilatum est os meum super inimicos meos, quia laetata sum in salutari tuo.*⁹ O Deum immortalem, qualis hic et quantae causa laetitiae! *Haec dies quam fecit Dominus, canit Sanctorum chorus, exultemus et laetemur in ea.*¹⁰ *Vox exultationis et salutis in tabernaculis iustorum.*¹¹ Quae vox exultationis et salutis in corde Sanctissimae Matris? Si *Iudeis nova lux oriri visa est, gaudium, honor et tripudium in exaltatione Mardochaei et Esther,*¹² extincto impio Aman, crudeli et immanissimo Iudeorum inimico; quae lux hodie oriri visa est Virgini in tali tantaque filii gloria et exaltatione, cum ei sole amictus et stellis coronatus apparuit, devicto et triumphato inferno, superata morte, satana debellato?

Soror Moysis,
visa populi
salute, hymnum
Deo solvit;

potiori iure
Maria in resur-
rectione Fili.

Maria prophetis plurimum in Domino exultavit, visa populi sui salute et Aegyptiorum interitu in mari Rubro; quare, sumpto tympano et choros ducens Israeliticarum mulierum, magna cum laetitia et iubilo canere coepit, dicens: *Cantemus Domino, gloriose enim magnificatus est, equum et ascensorem proiecit in mare; fortitudo mea et laus mea Dominus, et factus est mihi in salutem;*¹³ quid egisse hodie cum sanctis mulieribus et Apostolis existimanda Maria est? Quam vere canticum rececinit suum: *Magnificat anima mea Dominum; et exultavit spiritus meus in Deo sa-*

6) Lc 15, 22-32.

7) Io 20, 20.

8) Lc 1, 46.

9) 1 Rg 2, 1.

10) Ps 117, 24

11) Ibid. vr. 15.

12) Est 8, 16.

13) Ex 15, 20-21.

lutari meo. Exultavit Maria in conceptione Christi, exultavit in nativitate, cum etiam Angelorum choros canentes audivit: *Gloria in excelsis Deo et in terra pax hominibus bona voluntatis;*¹⁴ magno gaudio perfusa fuit in adoratione Magorum, magno, cum eum invenit in templo, magno, cum eum vidit et audivit talia et tanta miracula facientem, magno et plus quam magno, cum eum vidit in coelum Angelis comitatum ascendere ad thronum divinae gloriae. Sed hodie supra quam dici possit maximo repleta fuit, sicut ille qui ingentem in agro suo thesaurum invenit. Qualis quantusque thesaurus infinita gloria Christi in resurrectione! *Peperit* mulier filium suum masculum, qui recturus erat... gentes, idest, qui futurus erat Rex regum et Dominus dominantium,¹⁵ potentissimus imperator; hoc enim significat *virga ferrea*. Qualis enim est vis ferreae virgae in manu viri robusti ad vasa fictilia, talis est potentia Christi ad omnes creaturas.

III. Tandem: *Raptus est filius eius ad Deum et ad thronum ipsius.* Hae sunt causae laetitiae. In partu expressa fuit summi causa doloris; sed inquit, *cum pepererit mulier, iam non meminit pressurae propter gaudium, quia natus est ei homo in mundum.*¹⁶ Sed qualis homo natus est Virgini in resurrectione? *Filius*, inquit, *masculus*. Cum principibus nascitur filius masculus, maxime vero primogenitus, qui regni et imperii futurus sit heres, quanta fit quam magna laetitia et exultatio, nedum in regali palatio, sed in tota civitate, in universo regno! *Peperit*, inquit, *filium masculum*, sed *qui recturus erat gentes*, filium primogenitum, principem et heredem regni. Sed cuius regis heres? Cui regi tunc peperit filium? *Raptus est filius eius ad Deum et ad thronum ipsius. Vidimus gloriam eius, gloriam quasi Unigeniti a Patre.*¹⁷ *Data est mihi omnis potestas in coelo et in terra.* O infinitam gaudii et laetitiae causam!

Oritur gaudium ex optati boni praesentia; quo maius bonum fuerit, eo magis gaudium parit. Si homo, parentibus caris adhuc viventibus, Episcopus vel Archiepiscopus creetur, magnum illis est gaudium, si Cardinalis multo maius; at si Summus Pontifex, summum utique gaudium, summa laetitia et exultatio. Hodie Christus a mortuis resurgens, creatus a Deo est Summus universi Rex et Imperator, Ecclesiae totius et militantis et

Virgo Deipara
summo gaudio
in resurrectione
Fili repleta fuit,
quia eum a
mortuis resur-
gentem recepit,
creatum a Deo
summum uni-
versi Regem,
totius Ecclesiae
Pontificem.

14) Lc 2, 13-14.
peperit puerum, etc.

15) Apc 17, 14.
17) Io 1, 14.

16) Io 16, 21. Vulg. habet: *Mulier... cum autem*

triumphantis Summus Pontifex et Hierarcha. Quale igitur gaudium amantissimae Parentis? Hac sola Christi resurrectione, etiamsi iterum ad vitam mortalem rediisset, sicut Lazarus et alii quos divinitus legimus a morte revocatos, ingenti gaudio superfusa fuisset, sicut vidua Naimitis et sicut Iacob patriarcha, auditu quod Ioseph viveret: *Si, inquit, Ioseph filius meus vivit, sufficit mihi; ibo et videbo illum;*¹⁸ at vero cum ad vitam redierit immortalem et beatissimam cum infinita divinitatis gloria, incredibile est ac dictu ineffabile quanto gaudio Christus moestissimam Matrem affecerit!

18) Gn 45, 28. Vulg. habet: *Sufficit mihi si adhuc Ioseph filius meus vivit; vadom et videbo illum.*

2.

SUPER: MISSUS EST

SERMONES SEXDECIM

IN FESTO ANNUNCIATIONIS B. MARIAE VIRGINIS

In mense autem sexto, missus est Angelus Gabriel a Deo in civitatem Galliaeae, cui nomen Nazareth,

ad Virgnem desponsatam viro, cui nomen erat Joseph, de domo David, et nomen Virginis Maria.

Et ingressus Angelus ad eam dixit: Ave, gratia plena, Dominus tecum, benedicta tu in mulieribus.

Quae cum audisset, turbata est in sermone eius, et cogitabat qualis esset ista salutatio.

Et ait Angelus ei: Ne timeas, Maria, invenisti enim gratiam apud Deum; ecce concipies in utero, et paries filium, et vocabis nomen eius Iesum,

hic erit magnus, et Filius Altissimi vocabitur, et dabit illi Dominus Deus sedem David patris eius; et regnabit in domo Iacob in aeternum, et regni eius non erit finis.

Dixit autem Maria ad Angelum: Quomodo fiet istud, quoniam virum non cognosco?

Et respondens Angelus dixit ei: Spiritus Sanctus superveniet in te, et virtus Altissimi obumbrabit tibi. Ideoque et quod nasceretur ex te Sanctum, vocabitur Filius Dei.

Et ecce Elisabeth cognata tua et ipsa concepit filium in senectute sua; et hic mensis sextus est illi, quae vocatur sterilis:

quia non erit impossibile apud Deum omne verbum.

Dixit autem Maria: Ecce ancilla Domini, fiat mihi secundum verbum tuum. Et discessit ab illa Angelus. Lc 1, 26-38.

SERMO PRIMUS

DE INCARNATIONIS MYSTERIO ANTE OMNIA PRAEDESTINATO

Missus est Angelus Gabriel a Deo in civitatem Galileae, cui nomen Nazareth, ad Virginem desponsatam, etc.¹

I. Proponitur nobis hodie ineffabile divinae Incarnationis sacramentum, quod opus est infinitae caritatis et pietatis Dei erga nos: *Sic Deus dilexit mundum ut Filium suum Unigenitum daret;*² et, ut Paulus ait: *Magnum est pietatis sacramentum, quod manifestatum est in carne, iustificatum est in spiritu.*³ Opus, inquam, est infinitae bonitatis et caritatis: *Caritate perpetua dilexi te;*⁴ unde: *Propter nimiam caritatem suam, qua dilexit nos,*⁵ *Deus Filium suum misit in similitudinem carnis peccati.*⁶ Incarnatum est hodie Verbum Dei, Unigenitus Filius Dei: *Verbum caro factum est;*^{6a} assumpsit carnem passibilem et mortalem, ut pati et mori posset, ad satisfaciendum Deo pro peccatis nostris, et ut gratiam nobis et gloriam mereretur.

Incarnatio est infinitae caritatis et pietatis sacramentum, ab initio Angelis et Adamo revelatum.

Divus Augustinus, lib. 5 *De Gen. ad Lit.* cap. 19, docet quod mysterium hoc ab initio revelatum fuit Angelis. Ita enim exponit illud Pauli ad Ephesios: *Mihi, omnium sanctorum minimo, data est gratia haec, in gentibus evangelizare investigabiles divitias Christi, et illuminare omnes, quae sit dispensatio sacramenti absconditi a saeculis in Deo, qui omnia creavit; ut innotescat principibus et potestatibus in coelestibus per*

1) Lc 1, 26-27.
6) Rom 8, 3.

2) Io 3, 16.
6a) Io 1, 14.

3) 1 Tim 3, 16.

4) Jer 31, 3.

5) Eph 2, 4.

*Ecclesiam multiformis sapientia Dei secundum praefinitionem saeculorum, quam fecit in Christo Iesu.*⁷ « Sic, inquit Augustinus, fuit hoc absconditum, a saeculis... ut innotesceret... principatibus et potestatibus... Illis ergo a saeculis innotuit ».^{7a} Sic etiam idem Augustinus, eodem loco, declarat illud Pauli ad Timotheum: *Manifeste magnum est pietatis sacramentum, quod manifestatum est in carne, iustificatum est in spiritu, apparuit Angelis.*⁸ Hoc idem mysterium Deus ipsi Adamo revelavit in paradyso, cum in eum soporem immisit, ut ex eius costa mulierem efformaret; nam ex pergefactus Adam, visa muliere, ait: *Hoc nunc os ex ossibus meis, etc.*^{8a} Paulus ait ad Ephesios 5.: *Sacramentum hoc magnum est; dico autem in Christo et Ecclesia.*⁹ Quo loco inquit Divus Hieronymus, quod Adam primus fuit vates, qui de Christo prophetavit.^{9a} Idem docet Augustinus, lib. 9. *De Gen. ad Lit.* cap. 19;¹⁰ Epiphanius, *Haeres.* 48;^{10a} et Tertullianus, lib. 3. *Contra Marc.* cap. 5; et lib. 5. cap. 18.¹¹

Incarnatio ante omnia volita,
quia revelata
ante peccatum,
et facta sine
mentione peccati.

II. Hinc multi ex sacris theologiis colligunt quod, etiam si non peccasset Adam, Christus tamen incarnatus fuisset; quoniam ante peccatum revelatum fuit ei mysterium Incarnationis, et de eo prophetavit.¹² Et Divus Thomas 2, 2, q. 2, art. 7, docet quod Adam ante peccatum habuit explicitam fidem Incarnationis, quatenus ordinabatur ad consummationem gloriae; et sic de Incarnatione prophetavit. Si non venisset Christus ut redemptor in carne passibili, venisset ut glorificator in corpore gloriose, qualem in transfiguratione se ostendit; venisset ut fons gratiae et auctor gloriae.

Et quidem mirabile est quod in hodierno Evangelio nulla fit mentio de peccato, sed solum de tanti mysterii excellentia: *Ecce concipies in utero et paries filium, et vocabis nomen eius Iesum. Hic erit magnus et*

7) 3, 8-11. 7a) P. L. 34, 334-335. 8) Tim 3, 16. 8a) Gn 2, 23. 9) Vr. 32. Vulg. habet: *Ego autem dico, etc.* 9a) *Comment. in Epist. ad Ephesios*, lib. 3, cp. 5, vr. 32. (P. L. 26, 660). 10) P. L. 34, 408. 10a) *Adversus Haereses*, lib. 2, n. 6. (P. G. 41, 407-408). 11) P. L. 2, 327; 2, 518. 12) Alexander Halensis, 3 p. q. 2, membr. 13; Albertus M. 3, dist. 20, art. 4; Scotus, 3, dist. 7. q. 3; dist. 19. q. unica; Rupertus Ab. Tuit. *De Gloria et Honore Fili Hominis*, lib. 18 (P. L. 168, 696); Honorius August. lib. 8. qq. cp. 2. (P. L. 172, 1187); Franciscus Salesius, *De L' Amour de Dieu*, lib. 2, cp. 4; Suarez, *De Incarn.* disp. 5, s. 5; Frassenius, *De Incarn.* dist. 1; Scheeben, *Mysterien des Christenth.* parag. 64; Abelly, *Medulla Theol. De Incarn.* cp. 1. sect. 7; Bougaud, *Les Dogmes du Credo*. p. 2, cp. 1; Risi, *Sul Mottuo primario dell' Incarnazione del Verbo*, Romae, 1898, t. 4; I. M. Bover S. I. *Verbum Domini* (Commentarii de Re Biblicali), v. 2. f. 3, pag. 170-174; et alii plurimi.

*Filius Altissimi vocabitur. Et dabit illi Dominus... sedem David, patris eius, et regnabit... in aeternum, et regni eius non erit finis.*¹³ Et iterum: *Spiritus Sanctus superveniet in te, et virtus Altissimi obumbrabit tibi... Quod enim ex te nascetur Sanctum, vocabitur filius Dei.*¹⁴ Unde eluet quod in aeterno Christus electus et praedestinatus fuit unicus Filius Dei, heres Dei, rex paradisi, caput omnium Electorum, dominus etiam Angelorum; praedestinatus fuit, ut communicaretur ei omnis plenitudo Divinitatis. Unde maior est sanctitas, gratia, gloria et excellentia Christi eiusque animae, quam excellentia omnium Electorum, hominum et Angelorum; ipse enim sol est iustitiae et gloriae.

III. Hinc Divus Thomas, p. 1, q. 22, art. 4; et q. 25, art. 6., docet quod Christi anima maioris est valoris, quam omnes simul praedestinati et electi, et a Deo magis diligitur: *Hic est filius meus dilectus, in quo mihi bene complacui.*¹⁵ Plus diligit rex unicum filium, quam omnes servos. Non fuit praedestinatus Christus propter Electos; sed Electi omnes propter Christum, in gloriam Christi. Sic Paulus ad *Ephesios* 1, ait: *Benedictus Deus et Pater Domini nostri Iesu Christi, qui benedixit nos in omni benedictione spirituali in coelestibus in Christo; sicut elegit nos in ipso ante mundi constitutionem, ut essemus sancti et immaculati in conspectu eius, in caritate; qui praedestinavit nos in adoptionem filiorum per Iesum Christum in ipsum..., in laudem gloriae gratiae suaे.*¹⁶ Ubi manifeste docet Paulus quod omnes Electi in gloriam Christi praedestinati sunt. Prima autem ad *Corinthios* 3, ait: *Omnia... vestra sunt, vos autem Christi, Christus vero Dei;*¹⁷ idest, omnia propter vos sunt, vos autem propter Christum. Nam omnes sumus Christi servi, etiam Angeli: *In nomine Iesu omne genu coelestium flectitur.*¹⁸ Et ad *Hebraeos* ait: *Quem constituit heredem universorum, per quem fecit et saecula.*¹⁹ Scribens etiam ad *Colossenses*, docet quod propter Christum omnia creata sunt; ait enim: *Qui est imago Dei invisibilis, primogenitus omnis creaturae; quoniam in ipso condita sunt universa in coelo et... terra, visibilia et invisibilia, sive Throni, sive Dominationes, sive Principatus, sive Potestates: omnia per ipsum et in ipso creata sunt, et ipse est ante omnes.*²⁰ Sicut etiam Ioannes ait: *Qui post me venit..., ante me factus est.*²¹ Sic Christus, qua-

Incarnatio ante
omnia volita,
quia Christus
plus omnibus
dilectus, caput
omnium praede-
stinatus, et
omnia in gloriam
eius creata.

13) Lc 1, 31-33.
18) Phil 2, 10.

14) Ibid. 1, 35.
19) Cp. 1. 2.

15) Mt 17, 5.
20) Cp. 1, 15-17. Vulg. loc.: *Caelo, habet: Caelis.*

16) Cp. 1, 3-6.

17) Vrr. 22-23.

18)

tenus homo, prima est creatura praedestinata: *In capite libri scriptum est de me.*²² *Dominus possedit me ab initio viarum suarum, antequam quidquam faceret a principio; ab aeterno ordinata sum, et ex antiquis antequam terra fieret.*²³

Incarnatio ante
omnia volita,
quia Christus
causa exemplaris
et finalis praede-
destinationis
Sanctorum.

Peccatum per-
missum ad
Christi maiorem
gloriam.

IV. Nec solum prima est creatura praedestinata, sed etiam causa exemplaris atque finalis praedestinationis Sanctorum. Sic Paulus ait: *Quos praescivit et praedestinavit conformes fieri imaginis Filii sui, ut sit ipse primogenitus in multis fratribus.*²⁴ Ubi declarat Paulus Christum ab aeterno fuisse causam exemplarem praedestinationis, ubi ait: *Conformes fieri imaginis filii sui*, et finalem, ubi ait: *Ut sit ipse primogenitus, dignitate et honore, in multis fratribus;* idest, inter omnes Electos Dei, quos in filios adoptavit. Sic, ob Christi maiorem gloriam, existimo permisso hominis peccatum, ut magis Christum glorificaret; sicut permisit Lazarum infirmari et mori, ut glorificaretur Filius Dei per eum;²⁵ sicut permisit ut Ioseph a fratribus inique venderetur, quo posset eum in Aegypto glorificare iuxta praeostensas visiones.²⁶ Non enim Deus propterea glorificavit Ioseph, quia in eum fratres peccaverunt; sed permisit fratres in eum inique agerent, ut magis magisque glorificaret. Si igitur non Christus propter Adam, sed Adam propter Christum creatus fuit, sicut non vir propter mulierem, sed mulier propter virum facta fuit; nam caput mulieris vir, caput autem viri Christus, ergo etiam si Adam non peccasset, venisset in mundum Christus;^{26a} alioquin si non peccasset Adam, nec creatus fuisset mundus, cum omnia propter Christum creata sint.

Incarnatio ante
omnia volita,
quia Christus
fundamentum
est creationis
mundi.

V. Sic Christus fundamentum est creationis mundi, sicut legimus: *Zadik jesod holam: Iustus fundamentum est mundi.*²⁷ Et Paulus ait quod fundamentum... aliud nemo potest ponere, praeter id quod positum est, quod est Christus Iesus.²⁸ Fundamentum Christus est totius creaturae, totius gratiae et totius gloriae, quoniam finis est omnium, propter quem omnia creata sunt. Divus Cyrillus lib. 5. *Thesaur.* cap. 8, docet quod Christus praefundatus fuit ante nos, ante initium mundi in praescientia Dei, et quod, sicut architectus, palatium regium aedificaturus, iacit firmis-

21) Io 1, 27. Vulg. loc.: *Venit, habet: Venturus est.*

22) Ps 39, 8.

23) Prv 8, 22-23.

24) Rom 8, 29.

25) Cf. Io 11, 1 sqq.

26) Cf. Gn. 37, 5 sqq.; 41, 40 sqq.

26a) 1 Cor 11, 8, 3.

27) Prv 10, 25, ex hebr.

28) 1 Cor. 3, 11.

simum fundamentum, ita ut, etiam si temporis successu domus aliquam patiatur ruinam, stabili firmoque manente fundamento, rursus aedificium reparari possit; ita, inquit, Deus, Creator noster, Christum salutis nostrae fundamentum etiam ante initium mundi fundavit, ut, si praevacatione caderemus, in ipso rursus renovaremur.²⁹ Quare praedestinatus etiam redemptor fuit Christus, si opus fuisset. Et sicut Deus misit Samuelem in Bethlehem ad ungendum David in regem, sed, ne occideretur a Saul, iussit, ut acciperet vitulum, diceretque se ad sacrificandum ivisse;³⁰ sic Deus primo quidem Unigenitum suum misit in mundum ad glorificandum hominem, deinde in sacrificium pro peccatis. Et si quis disposuerit ire Romam ad visitanda limina Petri et venerandas Sanctorum reliquias ex devotione, postea vero ab amicis per epistolas rogetur, ut perget Romam, quia necessarius aliquis maxime eius opera indiget, perget propter utramque causam, sed perexisset etiam si ab amicis rogatus non fuisset; et si quis dives ac praepotens disponit ex caritate omnia sua pauperibus erogare, reperit autem miserabiles homines pauperes et infirmos incurabili infirmitate, elargitur his bona sua multo libentius, pietate et misericordia motus, quia infirmi adeo sunt, sed, etiam si non essent infirmi, distribuisset eis bona sua, quia pauperes sunt et egentes; ita Deus ab aeterno disposit omnia bona sua pauperibus hominibus erogare; superaddita fuit peccati infirmitas, egit hoc multo libentius ex infinita misericordia sua. Sicut Elias abiit in Sarepta Sidoniae, ut ibi apud viduam moraretur, eamque a morte famis una cum filio praeservaret; sed quia mortuus postea fuit, divina dispensatione, filius viduae, suscitavit eum Elias.³¹ Et sicut Christus ibat in civitatem Naim ad praedicandum, sed, reperiens filium viduae vita functum, suscitavit eum, misericordia motus.³² Et quidem, ut verum fatear, si, non peccante homine, Christus natus minime fuisset, magnas teneremur Adamo gratias agere, quia propter Adae peccatum factus esset homo super Angelos Deo aequalis ob hypostaticam unionem.

VI. Nec satis capio quomodo, in divina praescientia, praevisione peccati Adae praecesserit Christi praedestinationem; nam praescientia peccati prae-supponit praescientiam gratiae, sicut mors prae-supponit vitam, infirmitas

Simile: Samuel
Bethlehem
pergens.

Simile: viator
Romam pergens.

Simile: dives
sua erogans.

Simile: Elias
in Sarepta.

Simile: Christus
Naim pergens.

Incarnatio ante
omnia volita,
quia praescientia
peccati prae-sup-
ponit praescien-
tiā gratiae.

29) Cyril. Alex. *Thes. Assert.* 15, in illud: *Ante saecula fundavit me*, etc. (P. G. 75, 174-75).
30) Cf. 1 Rg 16, 1-3. 31) Cf. 3 Rg 17, 8 sqq. 32) Cf. Lc 7, 11-16.

sanitatem, privatio omnis habitum; et Adam prius fuit sanctus, quam peccator. Peccatum originale privatio est gratiae et iustitiae originalis; gratia autem praesupponit originem, sicut fluvius fontem; Christus autem praedestinatus fuit fons totius gratiae et gloriae. Sic enim: *Verbum caro factum est..., plenum gratiae et veritatis. Et de plenitudine eius nos omnes accepimus.*³³ Sic Christus dicitur sol iustitiae. Adam luna plena fuit, sed eclipsim ac luminis deliquium passa. Sed prius unde lumen accepit? Nonne a sole? Sic Christi gratia tanquam solis lux praecessit Adae peccatum; nam a Christo accepit gratiam et originalem iustitiam, quae fuit ante omne peccatum. Peccati ergo praescientiam praecessit, naturae ordine, praescientia gratiae; gratiae autem praescientiam, Christi praescientia ac praedestinatio. Deus ergo ab aeterno ad communicandos infinitos thesauros bonitatis suae, ad ostendendam infinitam caritatem suam, sacramentum hoc divinae Incarnationis ordinavit, ut Christus esset magnus, et sederet rex ad dexteram Dei: *Hic erit magnus, et filius Altissimi vocabitur. Et dabit illi Dominus Deus sedem David patris eius, et regnabit in domo Iacob in aeternum.*

Incarnatio ante
omnia volita,
quia causa
occasionalis
peccati.

VII. Imo quod ex hac infinita Christi hominis dignitate ortum habuit peccatum. Docet enim Tertullianus, libro *De Patientia*, quod ex impatientia et invidia peccavit Lucifer, invidens homini divinam dignitatem.³⁴ Idem Basilius, homilia *De Invidia*,³⁵ et Divus Cyprianus, sermone *De Invidia*.³⁶

Promisit Deus sanctis Patriarchis daturum se eorum semini felicissimam terram Chanaam fluentem lac et mel.³⁷ Postea vero, ut maius esset beneficium, permisit populum hebraeum in Aegypto durissimo captivitatis et servitutis iugo premi. Quare misit tandem post quadringentos annos, definito tempore, Moysem, qui eos et a servitute liberaret, et in promissam hereditatem perduceret.³⁸ Sic Deus Electis omnibus ab aeterno promisit hereditatem regni coelestis, ut Paulus ad Titum ait: *Secundum... spem vitae aeternae, quam promisit qui non mentitur, Deus, ante tempora saecularia.*³⁹ Postea vero, ut talis tantique beneficii magnitudinem magis magisque cognosceret homo, permisit eum Deus cadere in diaboli servi-

33) Io 1, 14, 16. 34) Cp. 5, circa principium. (P. L. 1, 1256-57). 35) N. 3 (P. G. 31, 92).
36) N. 4. (P. L. 4, 640-41), ubi inventur cum titul.: *De Zelo et Livore.* 37) Cf. Gn 15, 7-21, et alibi. 38) Cf. Ex 3, 7-10; 12, 40-41. 39) Cp. 1, 1-2.

tutem, ut, in libertatem postea assertus, vitamque et felicitatem aeternam consecutus, Deo multo gravior esset. Nam, si non peccasset homo, Christus tamen salvator fuisse; non quidem liberando a malis, in quae ob peccatum incidit, sed praeservando. At talis tantaeque salutis beneficium non bene agnovisset homo, non enim bene cognoscitur nec aestimatur sanitas nisi post infirmitatem, nec libertas nisi post miseram servitutem. Hinc ipsius hominis, in paradisi felicitate, nil legimus quod ostendat animi gratitudinem erga Deum, nullas legimus gratiarum actiones; quoniam non bene tunc magnitudinem divinorum benefiorum agnoscebat.

Permissio pec-
cati ut homo
Deo gravior
esset.

SERMO SECUNDUS

DE CAUSIS DIVINAE INCARNATIONIS

Missus est Angelus Gabriel a Deo in civitatem Galileae, cui nomen Nazareth, ad Virginem desponsatam, etc.¹

In mysterio
Incarnationis
mirabilis sym-
pathia.

I. Sacratissimum mysterium divinae Incarnationis hodie celebramus, cum *Verbum caro factum est et habitavit in nobis*,² sacramentum redemptionis humanae, ubi mirabilis cernitur sympathia: per mulierem facta est perditio, per mulierem salus; per angelum malum ruina, per Angelum bonum reparatio. Quia Eva credidit daemoni, periit mundus; quia Maria fidem praestitit Angelo, salvatus est mundus.

Mysterium In-
carnationis non
solum respicit
redemptionem,
sed et glorifi-
cationem.

II. Perquirunt autem sacri theologi, an, si non peccasset homo, venisset Christus in mundum, incarnatum fuisset Dei Verbum. Et multi quidem arbitrantur quod incassum venisset Christus, quod minime venisset.³ Nam ipse ait: *Non est opus valentibus medicus, sed male habentibus... non veni vocare iustos, sed peccatores.*⁴ Paulus etiam ait: *Fidelis sermo et omni acceptance dignus: Christus Iesus venit in hunc mundum peccatores salvos facere.*⁵ Et Angelus: *Ipse salvum faciet populum suum*

1) Lc 1, 26 sqq. 2) Io 1, 14. 3) E Patribus; Ireneus, Athanasius, Basilius M., Gregorius Naz., et alii (apud Petavium, *De Incarnatione*, lib. 2, cp. 17). E theologis: D. Thomas, p. 3, q. 1, art. 3; D. Bonaventura (ut videtur), *Sent.* lib. 3, q. 2, art. 2; Caietanus in *D. Thomam* loc. cit.; Thomassinus, *De Incarnatione*, lib. 2, cp. 5.; Lessius, *De Praedestinatione Christi*, n. 16; Molina, Billuart, alii. 4) Mt 9, 12-13. 5) 1 Tim 1, 15.

a peccatis eorum.^{5a} Et haec quidem causa ubique fere in Divinis Litteris assignatur, quod Christus venerit ad delendum peccatum, ad vindicandam peccati iniuriam, ad salvandum genus humanum.

Verum non una haec tantum causa in Sacra Pagina talis tantique mysterii reperitur; nam Paulus ad Corinthios ait: *Loquimur Dei sapientiam in mysterio, quae abscondita est, quam praedestinavit Deus ante saecula in gloriam nostram.*⁶ Simeon etiam, Spiritu Sancto plenus, ait: *Viderunt oculi mei salutare tuum, quod parasti ante faciem omnium saeculorum; lumen ad revelationem gentium, et gloriam plebis tuae Israel.*⁷ Divinum igitur mysterium hoc non solum respicit redemptionem nostram, sed etiam glorificationem.

Canticum
Simeonis.

Beatissima Virgo in suo Cantico sacratissimi huius mysterii, Divino Spiritu afflata, multas causas multasque rationes adduxit: *Fecit mihi magna qui potens est, et sanctum nomen eius, et misericordia eius a progenie in progenies timentibus eum. Fecit potentiam in brachio suo; dispersit superbos mente cordis sui; depositus potentes de sede, et exaltavit humiles. Esurientes replevit bonis.*⁸ In universum autem tres videtur assignare causas: divinam potentiam, sanctitatem et misericordiam, ad manifestandam gloriam Deitatis suae; nam, ut Sapiens ait: *Omnia propter seipsum creavit Altissimus,*⁹ idest, ad gloriam suam et Unigeniti Filii sui. Misericordia autem hoc loco bonitatem significat, nam ait: *Misericordia eius... timentibus eum, idest, iustis, et: Recordatus misericordiae suae; sicut locutus est... ad Abraham...¹⁰ Sicut ipse Deus ait: Faciens misericordiam in millibus, his qui diligunt me et custodiunt mandata mea,*¹¹ idest, benefaciens iustis in perpetuum. Hominem autem deificare, Deoque similem et aequalem facere, ac infinitis gradibus super Angelos constitutere, opus est omnipotentis virtutis et bonitatis. Ad hoc enim duo requiruntur: facultas et voluntas, sicut cum rex David dilectissimum filium suum Salomonem regia dignitate; honore et potestate, dato regno, aequalem sibi constituit. Ad ostendendam ergo infinitam potentiam suam et bonitatem ac benignitatem caritatemque suam infinitam erga Electos suos, tale tantumque mysterium operatus est, ut etiam communicaret creaturae infinitum thesaurum sanctitatis suae, totamque solarem lucem suae puritatis; ne,

Canticum
Virginis.

5a) Mt 1, 21. 6) 1 Cor 2, 7. 7) Lc 2, 30-32. 8) Ibid. 1, 49-53. Vulg. loc.: *Replevit, habet: Impievit.* 9) Prv 16, 4, Vulg. habet: *Universa propter semetipsum operatus est Dominus.*
10) Lc 1, 54-55. 11) Ex 20, 6.

sicut homo in terra et Angelus in coelo, peccare posset; sed esset omnino impeccabilis, ut ita dicam, sicut Deus, sol iustitiae, qui verum luminis deliquium pati nullo modo potest.

Mysterii Incarnationis triplex
causa: salus mundi, gloria Christi, manifestatio potentiae Dei.

III. In hodierno autem Evangelio, triplex causa invenitur huius mysterii: salus mundi, gloria Christi, et potentia Dei. *Ecce concipies in utero et paries filium, et vocabis nomen eius Iesum*, id est, *Salvatorem seu Servatorem*: haec prima est causa. *Hic erit magnus et Filius Altissimi vocabitur. Et dabit illi Dominus Deus sedem David, patris eius*: haec est causa secunda. *Spiritus Sanctus superveniet in te et virtus Altissimi obumbrabit tibi; quod enim ex te nasceretur Sanctum, vocabitur Filius Dei...*, quia non erit impossibile apud Deum omne verbum: ¹² haec tertia est causa.

Salus mundi.

Vocabis nomen eius Iesum, quod est, *Salvator*: Nos audivimus et scimus quoniam hic est vere *Salvator mundi*. ¹³ Etiam si non peccasset homo, Christus tamen salvator fuisset; non quidem liberando a malis, sed praeservando ac conservando in bonis. Sic enim Christus salvator est Angelorum in coelo. Hinc, nato Domino, Angelus ait: *Quia natus est vobis hodie Salvator, qui est Christus Dominus*. ¹⁴ Non inquit: *Salvator vester*, sed absolute *Salvator*; sicut non dicit: *Qui est Christus, Dominus vester*, sed simpliciter *Dominus*; quia Christus universi Dominus est, etiam Angelorum; sic unicus creaturarum omnium *Salvator*. Sicut Ioseph dictus est mundi salvator, quia a morte famis mundum praeservavit.

Gloria Christi.

Deinde ob Christi gloriam: *Hic erit magnus et Filius Altissimi vocabitur*. Ad honorem et gloriam Christi Deus universa creavit. Sicut enim ob arcam testamenti augustissimum totius templi aedificium maximis ac pene infinitis sumptibus fabricatum fuit a Salomone; ita propter Christum, qui arca Divinitatis est, totus creatus fuit mundus, coelum et terra, cum omnibus quae coeli ambitu continentur. Quaecumque sunt in regno, regi serviunt, propter regem sunt; Christus autem ait: *Data est mihi omnis potestas in coelo et in terra*. ¹⁵ Ut Christi servi essent, creavit Angelos in coelo; ut Christi imago esset, formavit hominem in terra. Sic enim Paulus vocavit Adam imaginem Futuri; ¹⁶ sic ad maiorem Christi

12) Lc 1, 31, 32, 35, 37.

15) Mt 28, 18.

13) Io 4, 42. Vulg. loc.: *Quoniam*, habet: *Quia*.

16) Cf. Rom 5, 14.

14) Lc 2, 11.

gloriam, permisit hominem a diabolo tentari et vinci, ut Christus, salutem humani generis operando, ostenderet infinitos thesauros divinae virtutis sua. Sic in Christo adimpletum est humani cordis desiderium, quo appetiit Deo similis esse; hodie enim verus homo ab ipso Deo factus est verus Deus.

Isaias propheta, de hoc divino mysterio vaticinatus, hanc reddidit causam, dicens: *Parvulus natus est nobis, et filius datus est nobis, et factus est principatus super humerum eius, et vocabitur nomen eius Admirabilis, Consiliarius, Deus fortis, Pater futuri saeculi, Princeps pacis;... super solium David et super regnum eius... cuius pacis non erit finis... Zelus Domini... fecit hoc.*¹⁷ Quod manifeste Christi gloriam declarat, et divinam erga Christum caritatem; Deus enim super omnia Christum diligit, et omnia propter Christum.

Dicit autem vocandum nomen eius *Admirabilem, pele, miraculum,*¹⁸ ad declarandam omnipotentiam Dei in hoc mysterio, quae tertia est causa in hoc Evangelio: *Quia non erit impossibile apud Deum omne verbum.* Sic magnam Deus virtutem declaravit in mundi totius creatione. Mundus totus, Dei comparatione, nihil est. Christus autem mundus est non parvus, non *microcosmos*,^{18a} non magnus, non *macrocosmos*, sed ter maximus, *cosmos trismeghistos.* Homo est; sed Deo aequalis: *In quo inhabitat omnis plenitudo Divinitatis corporaliter.*¹⁹

Manifestatio
potentiae Del.

17) 9, 6-7. Vulg. loc.: *fecit*, habet: *Faciet.*
19) Col 2, 9.

18) Ex hebr.

18a) Ms.: *Macrocosmos.*

SERMO TERTIUS

DE MAGNITUDINE LEGATIONIS IN MYSTERIO INCARNATIONIS

Missus est Angelus Gabriel a Deo in civitatem Galileae, cui nomen Nazareth, ad Virginem desponsatam, etc.¹

Omnia Christi
mysteria in
Divinis Litteris
praefigurata.

Nunciatio
Christi praefigurata personis,

I. Sicut construendi tabernaculi exemplar prius Dominus Moysi dedit,² in quo universum opus praefiguratum divina arte erat; sic omnia Christi mysteria, ante incarnationem et adventum ipsius in mundum, in Divinis Litteris mirabiliter praefiguravit. Formatio Christi hodie in utero Sanctissimae Virginis, in formatione Adami ex terra virgine et benedicta; divina manu formatus fuit Adam, divina Christus; perfectus homo Adam, perfectissimus Christus in anima quoad naturam, gratiam et gloriam, plenus omni scientia et sapientia, omni sanctitate et gratia, omni bonitate divina et gloria: *Novum creavit Dominus super terram, femina circumdabit virum.*³ Sed et nunciatio hodierna praefigurata fuit. Siquidem Isaac prae-nunciatus fuit parentibus a tribus Angelis,⁴ Samson matri ab Angelo,⁵ Salomon Davidi a Nathan propheta,⁶ sanctissimus rex Iosias, multis saeculis, a viro Dei in Bethel, eo quod destructurus esset idolorum cultum;⁷ Cyrus rex prae-nunciatus fuit ab Isaia, eo quod a babylonica captivitate liberaturus erat populum Dei 45.⁸

Sed Christus est verus Isaac, primogenitus et unigenitus Filius Dei,

1) Lc 1, 26-27.

4) Cf. Gn 18, 9-15.

7) Cf. 3 Rg 13, 1-3.

2) Cf. Ex cp. 25, et cpp. sqq.

5) Cf. Idc 13, 1 sqq.

8) Cf. 44, 27; 45, 1.

3) Jer 31, 22.

6) Cf. 2 Rg 7, 12-17.

Samson, fortissimus, victor diaboli et salvator mundi, Salomon, sapientissimus, rex Israel, Iosias, sanctissimus, destructor omnis peccati, Cyrus, redemptor mundi a diabolica potestate.

Haec autem Incarnatio Verbi praedicta est a Deo, Trino et Uno, praedicta ab Angelo et praedicta ab hominibus, sanctis, inquam, Vatibus. A Deo: *Inimicitias ponam inter te et mulierem, et semen tuum et semen illius; ipsum conteret caput tuum*, ipse filius mulieris;⁹ sic Patriarchis promissus a Deo Christus fuit: *In semine tuo benedicentur omnes gentes*; sic dictum est Abrahamo,¹⁰ Isaac¹¹ et Iacob.¹² Ab hominibus: *Non auferetur sceptrum de Iuda et dux de femore eius, donec veniat qui mitterendus est.*¹³ Ecce Virgo concipiet et pariet filium... *Parvulus natus est nobis, filius datus est nobis*, etc.¹⁴ *Novum creavit Dominus super terram, femina circumdabit virum*; et alia innumera. Ab Angelis; nam Angelus Domini clamavit ad Abraham de coelo, dicens: *In semine tuo benedicentur omnes gentes terrae*; et hodie Angelus nunciat Sanctissimae Virgini: *Missus est Angelus Gabriel ad Virginem desponsatam... Ioseph.*

praenunciata
verbis.

II. *Missus est.* Magna legatio! Mittit Summus Rex universi, Deus, magnum principem Angelorum, ad Mariam Virginem, Reginam et Dominam mundi, pro causa summi ponderis et momenti, pro incarnatione Verbi. *Missus est.* Misit Abraham Eliezer, praepositum domus sua, ad quaerendam uxorem Isaac, dilectissimo filio suo. Perrexit autem ille, Deo duce, et invenit Rebeccam, pulcherrimam et gratiosissimam virginem.¹⁵ Sic hodie *Pater excelsus*,¹⁶ Deus, mittit Gabrielem, praepositum paradisi, ad quaerendam Unigenito Filio suo sponsam et matrem. O miraculum! Maria Virgo Christi est mater, sponsa, soror et filia dilectissima. Quatenus Christus Deus est, Maria eius est filia et sponsa; quatenus homo est, soror et mater.

Magna Archangelii legatio ob excellentiam personae militantis qui est Pater excelsus.

III. Mater Isaac, vere Sarah, *domina princeps*, sterilis illa, virgo ista; mater Salomonis, Bethsabee, *domus iuramenti, domus septem, domus saturitatis*, omni gratia, omni virtute plena; mater Iosiae, Iedidah, *dilecta*, Deo utique dilectissima; haec Rebecca, virgo pulcherrima

Magna legatio ob excellentiam personae ad quam mittitur, quae est Domina mundi, plena gratiae et divitiarum coelestium.

9) Gn 3, 15. Vulg. loc.: *Ipsum, habet: Ipsi.* 10) Gn 22, 18.

11) Gn 26, 4.

12) Gn 28, 14.

13) Gn 49, 10.

14) Is 7, 14; 9, 6.

15) Cf. Gn 24, 1 sqq.

16) Sic hebr. *Abraham* nomen sonat.

cuius amore captus est Altissimus. *Ave, gratia plena:*¹⁷ *ave, grata,* sive *gratificata;* sic per excellentiam dicta. *Ave, gratia plena.* Rebecca, *saginata: Sicut adipe et pinguedine repleatur anima mea;* haec Rachel, *ovis* mitissima et humillima; haec Lia, *unita,*¹⁸ copulata Deo per caritatem, *quae vinculum est perfectionis.*^{18a}

Ave gratia plena. Quanam gratia? Dei: *Invenisti gratiam apud Dominum,*¹⁹ sicut Noe. Sed cur? Quia vir erat iustus atque perfectus.²⁰ *Gratia plena,* gratia Spiritus Sancti, perfecta iustitia, perfecta sanctitate. Sed quid est *plena?* Quodnam est hoc vas gratiae? Cor, animus, voluntas humana infinitae capacitatibus, cui totus non sufficit mundus. Quam magnus fuit animus Evae! Domina totius mundi una cum Adam constituta erat, regina et imperatrix totius universi, domina omnium visibilium creaturarum.²¹ Sed non potuit magnitudo totius mundi implere magnitudinem animi ipsius Evae; desideravit, suadente antiquo serpente, similitudinem et aequalitatem Dei: *Eritis sicut dii, scientes bonum et malum;* et: *Nequaquam... moriemini.*²² Aeternam infinitamque tum aetatem, tum gloriam et sapientiam Dei appetiit. Talis est magnitudo et amplitudo animi nostri! Maria autem *gratia plena* dicitur; implevit Deus animum ipsius omni gratia quam poterat desiderare, ut digna esset Mater Christi et Sponsa Dei, quae dignitas est infinitis partibus omni Angelorum dignitate superior. Sicut enim Assuerus, volens Esther sibi matrimonio copulare, reginamque facere, ut digne talem tantumque gradum teneret, multis eam muneribus locupletavit; ita Deus Mariam, ut digna esset Mater Unigeniti Filii sui.

In Maria gratia superfluens.

Dos apud antiquos

Ave, gratia plena. Mos erat antiquitus ut sine dote ducerentur uxores, ita ut non uxor viro, sed vir uxori dotem competentem dignamque daret.²³ Adam sine dote accepit uxorem Eevam,²⁴ Isaac sine dote Rebekcam, quam potius ipse dotavit;²⁵ sic Iacob duxit Rachelem, serviens pro ea septem annis.²⁶ David, Sauli regi offerenti ipsi filiam suam Michol in uxorem, respondit se pauperem esse; dicere volens quod non poterat filiam regis dotare. Saul autem pro dote centum praeputia Philisthaeorum quaesivit.²⁷ Vir igitur antiquitus dotabat uxorem. Sic Deus, volens Mariam

17) Lc 1, 28. Sequitur idem versus ex graec.

18) Forsan a verbo hebr. *לְבָדַח* (copulare) ex quo nomen *Levi* deductum est. Plures auctores a *לְבָדַח* (defatigatus est) deducunt. Cf. Hetzenauer O. Cap. *Comment. in Gen.* cp. 29, 14-19; et Perin in *Onomastico* sub *Liae nomine.*

18a) Col 3, 14. Vulg.: *Quod est etc.* 19) Lc 1, 30. 20) Cf. Gn 6, 9. 21) Cf. Gn 1, 26, 28.

22) Gn 1, 5, 4. 23) Cf. Hetzenauer O. Cap. *Comment in Gen.* cp. 29, 14-19. 24) Cf. Gn 2, 20-24.

25) Cf. Gn 24, 22, 53. 26) Cf. Gn 29, 18. 27) Cf. 1 Rg 18, 20-27.

sibi in sponsam matrimonio copulare, dotavit eam omni plenitudine gratiae et divitiarum coelestium.

Ave, gratia plena. Consideret quis Sponsi huius magnitudinem, et intelliget quali quantaque dote dotaverit unicam hanc Sponsam suam, quam super omnem creaturam unice dilexit. Sichem, filius Emor, captus amore Dinae, filiae Iacob, sine dote eam accipere voluit, et dote insuper magna eam dotare. Hinc ait ad fratres puerae: *Inveniam gratiam coram vobis, et quaecumque statueritis, dabo. Augete dotem, et munera postulate, et libenter tribuam quod petieritis; tantum date mihi pueram hanc uxorem.*²⁸ Abraham mittens Eliezer, oeconomum et praepositum domus sua, ad quaerendam uxorem Isaac, filio suo, posuit in manu ipsius parnymphi omnia bona sua, ut ea pro dote offerret.²⁹ Omnibus igitur bonis suis voluit Abraham dotare uxorem unici filii sui Isaac. Sic Deus omnibus thesauris divitiarum suarum dotavit Mariam. Hoc est: *Ave, gratia plena, Dominus tecum, benedicta tu, etc.*

Cum cognoverunt Iudei quod Esther, iudaea puerla, facta esset regina, matrimonio copulata regi Assuero, laetati fuerunt supra modum: *Iudaeis... nova lux oriri visa est, gaudium, honor et tripudium;*³⁰ quoniam per eam salvi facti sunt a perditione et morte, quam impius Aman omnibus Iudeis machinatus fuerat ob odium Mardochaei. Sic nos hodie convenit vehementer laetari, gaudere et exultare, quoniam pueram nostri generis facta est regina et imperatrix mundi, matrimonio copulata Deo; ut, sicut per primam mulierem damnatus est mundus et per primum virum; ita per secundum hominem secundamque mulierem salvaretur, et miro modo responderet principium reparationis nostrae principio perditionis. Sicut enim tunc a diabolo missus fuit daemon in forma serpentis corporea ad decipiendam Eam, quae tunc simul virgo erat et desponsata viro; sic hodie missus fuit Angelus corporali specie a Deo ad Mariam Virginem et despontam. Et sicut Eva, serpenti credens, principium extitit perditionis nostrae; ita Maria, credens Angelo, principium extitit reparationis nostrae; illa principium peccati et mortis, haec principium gratiae et vitae; per illam amissimus paradisum terrestrem, per hanc acquisivimus coelestem.

IV. Missus est Angelus Gabriel. Non Michael aut Raphael missus est, sed Gabriel; quoniam in eius nomine designatum est Incarnationis

Dos Virginis.

Simile: Sichem
et Abraham.

Iudeorum tri-
pudium ob
matrimonium
Esther, et no-
strum ob
matrimonium
Mariae.

Magna legatio
ob excellentiam
missi, Gabrielis,
Angelorum
principis.

28) Gn 34, 11-12.

29) Cf. Gn 24, 10.

30) Est 8, 16.

mysterium. Gabriel enim hebr. idem est ac *vir Deus, homo Deus*; Michael autem interpretatur, *quis ut Deus?* Per nomen Michaelis videtur quodam modo impossibile Incarnationis mysterium: *Quis ut Deus, quis potest esse similis Deo?* Aequalis Deo? Sic vicit Michael Luciferum, cum dixit: *Ascendam in coelum, super astra coeli exaltabo solium meum..., similis ero Altissimo.*³¹ Michael autem dixit contra eum, *quis ut Deus?* Ostendens impossibile omnino esse ut creatura per seipsam fiat aequalis Creatori. Sed per nomen Gabrielis ostenditur mysterium istud possibile Deo per hypostaticam unionem. Per nomen Michaelis ostenditur impossibile creature; per nomen autem Gabrielis ostenditur possibile Creatori, ut, factus ipse homo, fieret homo Deus, Deo per omnia similis et aequalis per unionem deificam et personalem. Raphaelis autem nomen interpretatur, *medicus Deus*, et ostendit finem Incarnationis. Convenientius autem missus est Gabriel quam Raphael, quoniam opus necesse est ut finem praecedat; prius fit domus, et postea inhabitatur. Sic Deus factus est homo, ut esset medicus hominis. Hinc se Christus medicum dixit: *Non est opus valentibus medicus, sed male habentibus.*³² Et hodie ingressus est Christus in domum Simonis, in qua socrus tenebatur magnis febribus. Sic universa natura humana magnis vitiorum febribus aestuabat.³³ Ad hanc autem sanandam misit Deus Patriarchas, Prophetas, sacerdotes cum medelis Sacramentorum Veteris Legis; sed non poterat ab infirmitate convalescere. Tandem venit Raphael, medicus Divinus, verus Deus.

Magna legatio
ob excellentiam
finis: salus
mundi in con-
ceptione et nati-
vitate Christi.

V. *Missus est Angelus Gabriel ad Virginem desponsatam, ad an-*
nunciandum Christi conceptionem et nativitatem; sicut fecit Angelus Do-
mini ad matrem Samsonis, quae sterilis erat, cui iussit, ne vinum aut si-
ceram biberet, nec immundum quid manducaret, sed Nazaraeorum vitam
*sanctissimam duceret,*³⁴ *in figuram purissimae sanctitatis huius Virginis,*
Matris nostri veri Samsonis. Nam sicut ille ad hoc natus creatusque a Deo
fuit, ut salvaret, liberaretque populum suum a dura servitute Philisthae-
rum; ita Christus ad hoc venit in mundum, ad salvandum populum suum
a peccatis eorum et a potestate tenebrarum. Hinc dictus est Iesus: Vo-
*cabis nomen eius Iesum.*³⁵

31) Is 14, 33. 14. Vulg. habet: *In coelum condescendam.*

32) Mt 9, 12. 33) Cf. Lc 4, 38.

39, et D. Ambros. *Exposit. in Luc.* loc. cit. lib. 4, n. 63. (P. L. 15, 1351).

34) Cf. Ide 13, 2-5.

35) Lc 1, 31.

Qualis autem et quantus futurus erat iste Salvator, Angelus declarat, dicens: *Hic erit magnus et filius Altissimi vocabitur, et dabit illi Dominus Deus sedem David, patris eius, et regnabit in domo Iacob in aeternum, et regni eius non erit finis.*³⁶ Ac iterum: *Quod nascetur ex te, Sanctum, vocabitur Filius Dei.*³⁷ Hic erit magnus salvator, magnus rex; magnus potestate: *Virtus Altissimi obumbrabit tibi; magnus maiestate: Regni eius non erit finis;* magnus sanctitate: *Quod nascetur... Sanctum;* magnus nobilitate: *Filius Altissimi vocabitur..., vocabitur Filius Dei, coaeternus, coaequalis et consubstantialis.*

36) Lc 1, 32-33.

37) Lc 1, 35.

SERMO QUARTUS

DE LEGATIONE INCARNATIONIS OMNIUM MAXIMA

Omni tempore
Deus beneficia
mundo dedit,
vernali praeser-
tim tempore
quo incarnatio
facta est.

I. Sunt quidem hominibus beneficia grata, et eo gratiora, quo sunt maiori cum amore facta, et a nobilioribus benefactoribus. Hinc principum gratissima beneficia sunt. Quam ergo gratum debet nobis esse beneficium hodiernum!

Sicut sol in quatuor utique incipit anni tempora, in hiemali solsticio et punto, Capricorni signo, hiemem; in vernali aequinoctio et punto, Arietis gradu, ver; in solsticio aestivali et punto, Cancri signo, aestatem; et in autumnali aequinoctio et punto, Librae gradu, autumnum, in quibus quidem temporibus maxima mundo beneficia afferit; ita Deus, iustitiae sol, in quatuor hisce signis ac temporum initisi, quatuor salutis nostrae mysteria operatus est; nam in duobus solstitiis, duas nativitates, et in duabus aequinoctiis, duas conceptiones. In solsticio aestivali natus est Ioannes Baptista, in hiemali autem, Christus; in aequinoctio autumnali conceptus Ioannes, in hoc autem vernali, Christus. Hinc ait a conceptione Ioannis: *In mense autem sexto missus est, etc... et hic mensis est sextus illi quae, etc.*¹

Sicut autem sol in vere mundo huic nostro maxima beneficia afferit; ita Deus in hoc tempore mundum creavit, in hoc populum suum ex Aegy-

1) Lc 1, 26, 36. Vulg. habet: *Mensis sextus est illi.* Ea quae Auctor dicit, sponte fluunt ex inter se collatis more Ecclesiae celebrandi Fest. Annunciationis Mariae mense Martio, et assertione Evangelistae asserentis nunciationem, sexto mense post Ioannis conceptionem, per Angelum factam.

pto eduxit, in hoc mare divisit, in hoc manna pluit, in hoc legem dedit, in hoc, tabernaculum sibi construi voluit, et in hoc etiam Unigenitum Filium suum mundo dare voluit. Hodie enim in utero Sanctissimae Virginis *Verbum caro factum est... plenum gratiae et veritatis.*² Christus enim verus est Moyses, populi liberator, manna coeleste, tabernaculum Dei, imo mundus ter maximus.³

Magnam plane causam rationemque exultandi habuit universa gens hebraea, cum sancta pulcherrimaque virgo Esther in sponsam et reginam assumpta est a serenissimo rege Assuero. Illud enim matrimonium causa fuit eorum salutis a morte, quam illis impius Aman tentaverat, praeparaveratque;⁴ ita, carissimi, etc.

*Magna ratio
exultandi.*

II. Sicut per tres Angelos nuntiatus fuit Abrahae et Sarae conceptus atque nativitas Isaac,⁵ per Angelum Samsonis parentibus ipsius etiam tum conceptio, tum nativitas,⁶ per Nathan prophetam Davidi conceptus et nativitas Salomonis,⁷ item conceptio et nativitas sanctissimi regis Iosiae, qui interpretatur *ignis Dei*,⁸ fuit enim ardentissimus zelator divini honoris, et idola destruxit; ita Christi conceptio et nativitas in hoc mundo praenuntiata est per Sanctissimam Trinitatem, per Angelos et per Prophetas. Christus enim verus est Isaac, Samson et Salomon: Isaac, filius primogenitus et unigenitus Dei; Samson, redemptor et salvator populi sui; Salomon, rex Israel; Isaac, *risus Patris: In quo sibi Pater... complacuit;*⁹ Salomon, *sol eorum, sol iustitiae; Salomon, rex gloriae, totus pacificus.*

Christi veri
Isaac, Samsonis,
ac Salomonis,
praenunciatio
nativitatis
omnium maxima,
quia per Trinita-
tem, per Angelos
et per Prophetas
facta.

Fuit praenunciata Christi incarnatio per Sanctissimam Trinitatem sanctis Patriarchis Abrahamo, Isaac et Iacob, siquidem unicuique horum dictum est: *In semine tuo benedicentur omnes gentes.* Sic enim Deus Abrahae dixit, postquam filium immolavit;¹¹ sic Isaac apparens ei in Gerara;¹² sic Iacob de summitate scalae,¹³ sic etiam Moysi, quoniam apparens ei in rubo, dixit: *Ero qui ero,*¹⁴ Incarnationis mysterium revelatum est, quod Deus ipse futurus erat homo; quod quidem antea non sic revelatum erat.

2) Io 1, 14. 3) Usque huc omnia in nota marginali Auctor posuit, et quidem posteriori tempore. Primitus, sermo incipiebat a verbis: *Magnam plane, etc.* 4) Cf. Est cpp. 3, 7. 5) Cf. Gn 18, 1 sqq. 6) Cf. Idg 13, 1 sqq. 7) Cf. 2 Rg 7, 12-17. 8) Cf. 3 Rg 13, 1 sqq. 9) Sic in hebr. Isaac nomen sonat, ut postea *Sol eorum* Samson, *Pacificus Salomon.* 10) Mt 17, 5. Vulg. habet: *In quo mihi bene complacut.* 11) Cf. Gn 22, 18. 12) Cf. Gn 26, 4. 13) Cf. Gn 28, 14. 14) Ex 3, 14, hebr. Cf. Hummelauer, *Comment. in Gen.* 3, 15.

Sed Angelus Domini apparuit Moysi.¹⁵ Per Angelum ergo Domini prae-nuntiata est Christi incarnatio. Et tertio, per Prophetas: *Ecce virgo concipiet etc.*¹⁶ *Novum creavit Dominus super terram,*^{16a} etc.

Hodie per Angelum Gabrielem Virgini annuntiatur: *Missus est Angelus Gabriel a Deo in civitatem Galilaeae, ad Virginem desponsatam viro,* etc.¹⁷ Magna profecto legatio, imo omnium maxima. Multo enim maior quam fuerit illa Angelorum ad Abraham, ad parentes Samsonis, ad David ipsius Nathan, quo Christus maior est Isaac, Samsone et Salomone; illi enim homines, hic vero Deus.

Praenuntiatio
omnium maxi-
ma, quia circa
hanc sex per-
sonae omnium
maximae;

III. Sex personae ingrediuntur in hac sacratissima scena hodierni Evangelii. Deus Pater, qui hic dictus est Deus Altissimus; Verbum Patris incarnatum, Christus Iesus, de quo dicitur: *Hic erit magnus et Filius Altissimi vocabitur;*¹⁸ Spiritus Sanctus, de quo dicitur: *Spiritus Sanctus superveniet in te, et virtus Altissimi obumbrabit tibi;*¹⁹ Maria Virgo, de qua dicitur: *Ave, gratia plena, Dominus tecum, benedicta tu inter mulieres;*²⁰ Ioseph sanctus: *Ad Virginem desponsatam viro cui nomen erat Ioseph;* et Angelus: *Missus est Angelus Gabriel a Deo.*

Deus Pater,

Deus hic dictus est Altissimus, quia suprema est universi substantia, lamina illa aurea, quam summus sacerdos supra caput portabat, nomine Dei insculpta.²¹ Quod si altissima est universi substantia, est item maxima. Quo enim mundanae hae substantiae altiores sunt, eo sunt maiores, sicut coelum terra, et superiora corpora coelestia inferioribus; in sphaera enim non possunt dari duo circuli aequales, sicut nec in rutis duae species aequales.²² Quod si altissimus et maxime nobilissimus, item erit ac potentissimus, Summus mundi Rex et Monarcha. Sic enim superiores substantiae inferioribus sunt nobiliores et potentiores, eisque naturaliter dominantur. Verbum vero et Spiritus Sanctus huic sunt consubstantiales, coaeternae et coaequales. Quare et ipsi altissimi, maximi, nobilissimi, potentissimi Reges universi.

Verbum et
Spiritus Sanctus,

Christus,

Si vero Christus, quatenus homo consideretur, est quidem Patre inferior: *Pater maior me est;*²³ sed tamen omnium creaturarum maximus,

15) Cf. Act 7, 30. Cf. Hummelauer, *Comment. in Gen.* 3, 1. 16) Is 7, 14. 16a) Jer 31, 22.
17) Lc 1, 26-27. 18) Ibid. 1, 32. 19) Ibid. 1, 35. 20) Ibid. 1, 28. Vulg. habet: *In mulieribus.*
21) Cf. Ex 28, 36. 22) Cf. Theophrast. Eres. *Historia Plantarum*, lib. 7, cp. 6, pag. 795.
798. Edit. 1644. Amsterdam. Ut patet, Auctor loquitur secundum notiones naturales sui temporis.
23) Io 14, 28.

sicut in mundana hac, primum mobile maximum est omnium coelestium corporum; sidereum vero coelum minus quidem illi est, aliorum vero omnium maximum. Sic Christus coelum vere sidereum, in quo sunt duodecim signa, duodecim articulorum fidei, omnesque stellae virtutum splendent.

Maria Virgo minor est Christo, sicut luna sole, sed maior omnibus aliis creaturis, sicut luna maior appetet ceteris astris. Ioseph, post Christum et Virginem, Sanctorum omnium maximus est, ut Christo proximus. Gabriel vero maximus Angelorum, ut ratione praedestinationis divinae ostendi potest. Siquidem Christus est primus praedestinatorum; Maria Virgo secundum locum tenet, quia Christus praedestinatus est ut filius Mariae; tertium, Beatus Ioseph, quia Mariae ipsi desponsatus; quartum tenebit Gabriel, quia praedestinatus est paronymphus et nuntius incarnationis Christi.

Maria,
Ioseph,

Gabriel,

IV. Sed hodie loquendum nobis tantum de Christo et Maria Virgine, quia sunt duo luminaria magna, sol et luna. Christus est Isaac, magnus filius Abrahae, *patris excelsi*. De ipso enim hic dicitur: *Hic erit magnus et Filius Altissimi vocabitur*. Is, Samson, salvator sui populi: *Vocabis nomen eius Iesum, ipse enim salvum faciet populum suum a peccatis eorum.*²⁴ Ipse, Salomon: *Dabit illi Dominus Deus sedem David patris eius, et regnabit in domo Iacob in aeternum, et regni eius non erit finis;*^{24a} alludens ad vaticinium Isaiae: *Parvulus natus est nobis et filius datus est nobis; et factus est principatus super humerum eius, et vocabitur nomen eius Admirabilis, Consiliarius, Deus, Fortis, Pater futuri saeculi, Princeps pacis. Multiplicabitur imperium eius, et pacis non erit finis..., super solium David et super regnum eius.*²⁵

Loquendum de
Christo, vero
Isaaco, Samson
et Salomone.

Hic est lucidissimus sol.

V. Sed iam ad Beatam Virginem, splendidissimam lunam, oculos convertamus. Haec est Sarah, *Domina*, non huius aut illius rei, sed simpliciter Domina mundi. Haec mater Samsonis, sterilis quia virgo, quae prohibita est bibere vinum et siceram et comedere omne immundum,²⁶ idest, quae nunquam peccatum commisit, nec concupiscentiam peccati ha-

Loquendum
principice de
Virgine, vera
Sarah, matre
Samsonis,
Betsabee.

24) Mt 1, 21. 24a) Lc 1, 32. 25) Is 9, 6-7. Vulg. habet: *Eius imperium.* 26) Cf. Idc 13, 3.

buit, sine peccato concepta. Haec Bethsabee, mater Salomonis, vere pulcherrima, quam Summus Rex coeli concupivit, virumque ipsius occidit, Ioseph, quia vere Urias fuit, *lux Dei*, quia mortuus mundo est per votum castitatis; vere Bethsabee domus, *domus iuramenti, domus plenitudinis, abundantiae, copiae, saturitatis, domus septem*. Hoc enim est quod Angelus ait: *Ave, gratia plena*; plena utique septem Spiritus Sancti donis, plena septem virtutibus, plena septem evangelicis beatitudinibus: *Ave, gratia plena*. O gratiae plenitudo!

Maria Virgo
vera Sarah, idest,
mundi Regina,
quia Mater et
Sponsa et tem-
plum Dei et
porta coeli.

Maria,
mundi Regina.

Maria,
templum Dei.

Quicumque in archetypo superiore locum tenet in divina praedestinazione et superiore locum in gloria paradisi, hic maiorem gratiam consecutus est in hoc mundo. Maria Virgo secundum locum in praedestinazione tenet et in gloria paradisi post Christum: sic ergo in gratia. Sicut enim luna post solem ceteris astris luminosis splendet, cum plena est; ita Maria Virgo. *Ave, gratia plena!* Gratia in caritate consistit; caritas autem in amore Christi. Nulla autem creatura Christum magis amavit quam Virgo Maria, eius verissima Mater. *Ave, gratia plena!* Quaenam maior gratia fieri unquam potest puellae a magno aliquo principe, quam assumi in sponsam, sicut Esther ab Assuero? Maria Virgo verissime in sponsam assumpta a Summo regum Rege, Deo, est; verissima Christi Summi Regis Filii Mater, serenissima mundi Regina, tanto melior Angelis effecta, quanto differentius pree illis nomen hereditavit.²⁷ Illi enim ministri Dei sunt et servi Christi, haec autem Sponsa Dei et Mater Christi. *Ave, gratia plena!* Templum Salomonis statim completum, fuit a maiestate Domini impletum: *Implebat maiestas Domini templum Domini.*²⁸ Sic Maria Virgo plena Divinitate est: *Ave, gratia plena, Dominus tecum.* Si quis in iusta rationis bilance duo haec ponderare posset: *Gratia plena: Dominus tecum;* viseret plane quod ponderis eiusdem esset istud: *Gratia plena ac istud: Dominus tecum;* quia Deus Filium suum Mariae Virgini dedit, donum infinitum et aequale Deo. O plenitudo, o templum! *Implebat maiestas Domini templum Domini.* Maria Virgo utique templum Domini, in qua inhabitavit Deus non tantum per naturam, per essentiam, praesentiam et potentiam, ut in mundo; non solum per gratiam, per fidem, spem et caritatem, uti in Ecclesia; non solum per gloriam, per summi boni visionem, fruitionem ac perpetuam possessionem infiniti illius thesauri, uti in para-

27) Cf. Hebr 1, 14.

28) 2 Par 7, 1. Vulg. habet: *Implevit etc.*

diso; sed per corporalem inhabitationem: *In quo inhabitat omnis plenitudo Divinitatis corporaliter.*²⁹ Unde cum patriarcha Iacob dicere quisque potest: *Vere Dominus est in loco isto... Quam terribilis est locus iste!* Non est hic aliud nisi domus Dei et porta coeli.³⁰ O templum! Et quae nam haec sua est magnitudo? Quia: «Quem coeli et coeli coelorum capere non possunt, tuo gremio contulisti».³¹

In templo illo, offerebantur sacrificia Deo. In hoc autem templo, oblatum est sacrificium omnium gratissimum, sine comparatione gratius sacrificio Isaac. Summus sacerdos non ingrediebatur in sancta sanctorum sine sacrificio.³² Christus est Summus Sacerdos; sancta sanctorum, gloria paradisi, aeterna beatitudo. Christus, a primo suae conceptionis instanti, ingressus est hoc sanctuarium, factus beatus in anima; at non sine sacrificio. Sanctissima enim illa anima, videns infinitam hanc gratiam sibi a Deo concessam, ut homo esset aequalis Deo, una persona cum Deo, et finem voluntatis divinae intelligens, quod erat mundi salus per Christi mortem, omni animi promptitudine ad passionem et mortem corpus suum obtulit. Hoc est quod Regius Vates ait: *Sacrificium et oblationem noluisti, aures autem perfecisti mihi... Tunc dixi: Ecce venio. In capite libri scriptum est de me ut facerem voluntatem tuam. Deus meus, volui.*³³ Apostolus vero interpretatur: *Corpus autem aptasti mihi,*^{33a} ad passionem scilicet, uti erat voluntas Dei.

Hoc est sacrificium Isaac in monte Moria,³⁴ ubi fuit aedificatum templum Salomonis.³⁵ Maria Virgo est mons Moria, mons domus Domini, de quo dicitur: *Erit praeparatus mons domus Domini in vertice montium.*³⁶

Sacrificium vero istud infiniti fuit valoris, quia infinita cum caritate Deo oblatum et a persona quae Deo infinite placet. Quod si infiniti valoris, tanti valuit quanti valet^{36a} Deus. Meriti etiam infiniti, adeo ut Christus neque per suam passionem magis mereri potuerit quoad meriti virtutem et efficaciam, nisi quoad meritorum extensionem et numerum, et, quod debitum erat uno modo, faciendo debitum alio modo. In hoc enim sacrificio nobis gratiam, gloriam vitamque aeternam promeruit. Quapropter divinum

In Maria oblatum sacrificium omnium gratissimum,

et infiniti valoris

29) Col 2, 9. 30) Gn 28, 17. 31) *Brev. Rom. Com. Fest. B. M. V. 1. Resp. ad Mat.*

32) Cf. Ex 30, 10; et Hebr 9, 25. 33) Ps 39, 7-9. Ms.: *Tua.* 33a) Hebr 10, 5. 34) Cf. Gn 22, 2, 14. Cf. etiam Hetzenauer O. Cap. *Comment. in Gen. loc. cit.* 35) Cf. 2 Par 3, 1. 36) Is 2, 2.

36a) Ms.: *Valeat.*

hoc Mariae Virginis templum infinita gratia meritoque infinito plenum fuit. Quod si gratia et merito infinito, multo ergo maioris valoris, quam sit gratia omnium Sanctorum Ecclesiae tum militantis, tum triumphantis, ac omnium Angelorum paradisi; sicut lux solis maior est lumine omnium stellarum. Illorum enim et gratia finita est et finitum meritum, huius vero infinitum utrumque. Maioris etiam valoris, quam sit universa gloria paradisi; gratia enim et gloria correspondent sibi, sicut meritum et praemium, sicut pretium et quod emitur pretio. Si gratia maior, gloria etiam maior; imo gratia ista fons est omnis gratiae, ad instar fontis illius ex quo egrediebatur fluvius irrigans paradisum.³⁷ Christus enim, incarnatus in Virgine Maria, sol est iustitiae et fons omnis gratiae, sicut sol omnis luminis in coelo et in terra; gratia Deo aequalis: *Implebat maiestas Domini templum Domini. Gratia plena, Dominus tecum.*

Maria
porta coeli.

Verum, Maria Virgo non tantum domus Dei, sed etiam porta coeli. In templo enim Domini sanctuarium divinum locus erat gloriae Domini; sic Beata Virgo templum fuit gloriae Domini; fuit enim verus quidam paradisus: *Ortus conclusus, fons signatus; emissiones tuae paradisus.*³⁸ Siquidem paradisus verus est, ubi vere videtur Deus; in utero Beatae Virginis vere visus est Deus, quia Christus fuit, a primo instanti sueae conceptionis, beatus. Gloria autem paradisi huius infinita est, sicut et gratia; maior gloria coelestis paradisi, sicut gloria solis; fons totius illius gloriae, quia Christus Rex gloriae; gloria aequalis gloriae Dei, quia Christus aequalis Deo: *In quo inhabitat omnis plenitudo Divinitatis corporaliter.* O igitur infinita plenitudo! *Ave, gratia plena, Dominus tecum!* Quam terribilis est locus iste! Vere Dominus est in loco isto, et ego nesciebam. Non est hic aliud, nisi domus Dei et porta coeli.³⁹

Maria Virgo
omni laude
digna, sed a
christianis bla-
sphemis
dehonorata.

VI. *Quam terribilis est locus iste!* Quanto honore digna est Beata Virgo Maria! Nos vere nescimus gloriam hanc Mariae: *Et ego nesciebam* quod tanta esset gloria Mariae, tanta apud Deum gratia; quam Angeli in coelo omnes tanquam Reginam ac Dominam suam adorant et colunt, sicut hodie Angelus iste, qui est Angelorum princeps et coryphaeus: *Ave, gratia plena, Dominus tecum, benedicta tu in mulieribus, et benedictus fructus ventris tui.*

37) Cf. Gn 2, 10.

38) Cf. Ct 4, 12-13.

39) Gn 28, 16-17.

Sed heu nos miseros! Nedum gloriam hanc Beatae Virginis ignoramus; quapropter nec ut par est veneramur tanquam Summi Regis Sponsam, Christi Matrem, mundi universi Reginam, uti Angeli faciunt et universa coelestis curia; verum multi etiam irreverentissimi sumus. Voluit Deus, ut tanta reverentia haberetur arcae foederis, quia locus habitationis eius erat, ut, si quis indigne eam tetigisset, morte moreretur, uti mortuus fuit Oza.⁴⁰ Sed nos,⁴¹ o Christiani, non solum indigne tangimus hanc sanctissimam Arcam, dum salutationem angelicam irreverenter dicimus, sed multi etiam sacrilegis, maledictis et diabolicis linguis, horrendis blasphemias foedissime deturpant. O terra, o terra, tu semel os tuum aperuisti, et vivos impios devorasti; o coelum, tu super impios ignem pluisti, eosque devorasti; tu fulmina tremenda habes, ad quid servas ea? Fulmina, fulmina contra hos impios, et malos male perde.⁴² Vel saltem, tu, misericordissime Deus, malum male perde, et malos tua gratia bonos redde, ut salvi fiant, ut Virgo Beata, ut par est, ad nominis tui gloriam, adorent et colant, dicentes semper, omni cum devotione: *Ave, gratia plena.*

40) Cf. 2 Rg 6, 6-8.

41) Ms.: *Non.*

42) Cf. Mt 21, 41.

SERMO QUINTUS

DE INCARNATIONIS MYSTERII CIRCUMSTANTIIS

Quis concipitur.

I. Quis est qui concipitur? Isaac, a patre immolatus; Samson, pro salute sui populi, sua sponte mortuus; Salomon, rex sapientissimus. Hic est ille de quo Isaias: *Vocabitur nomen eius Emmanuel.*¹ *Voca nomen eius: accelera spolia detrahere, festina praedari.*² Vocabitur nomen eius *Admirabilis, Consiliarius, Deus, Fortis, Pater futuri saeculi, Princeps pacis;*³ de quo Ieremias: *Hoc est nomen quod vocabunt eum: Dominus iustus noster; qui regnabit rex, et sapiens erit, et faciet iudicium et iustitiam in terra;*⁴ qui in sacrosanto Evangelio dicitur Dominus: *Dominus tecum;*⁵ dicitur Deus: *Invenisti gratiam apud Deum;* et item Filius: *Concipes et paries filium;* dicitur Iesus: *Vocabis nomen eius Iesum;* dicitur magnus: *Hic erit magnus;* dicitur Filius Altissimi: *Et Filius Altissimi vocabitur;* dicitur Rex: *Regnabit in domo Iacob in aeternum;* dicitur virtus Altissimi, et simpliciter Sanctus: *Virtus Altissimi obumbrabit tibi; quod enim ex te nasceretur Sanctum, vocabitur Filius Dei.* Decem in universum sunt Christi nomina in hoc Evangelio: primum, Dominus; secundum, Deus; tertium, filius; quartum, magnus; quintum, Filius Altissimi; sextum, rex; septimum, Iesus; octavum, virtus Altissimi; nonum, Sanctum; decimum, Filius Dei.

Vocatur Dominus simpliciter et absolute, quia solus Dominus univer-

1) 7, 14. 2) 8, 3. 3) 9, 6. 4) 33, 16; 23, 5. 5) Lc 1, 28. Sequuntur vrr. 31-33

sorum: *Dominus tecum... Invenisti gratiam apud Deum.*⁶ Dicitur Salvator, quia solus salvator, sicut solus Dominus et solus Deus. Dicitur simpliciter magnus: in natura, in gratia, in gloria, in potentia, sapientia, bonitate, sanctitate; magnus: aequalis Deo; Filius Altissimi, quia solus est Filius Dei, consubstantialis, coaeternus et coaequalis; virtus Altissimi, ipse est enim omnis virtus et sapientia Patris: *Splendor gloriae et figura substantiae eius, portans... omnia verbo virtutis sua.*⁷ Sed Rex tantum Iudeorum dicitur Christus: *Dabit illi Dominus Deus sedem David, patris eius, et regnabit in domo Iacob in aeternum;* in domo Iacob, non in domo Abrahae aut Isaac, quia ibi fuit Ismael reprobus, et hic Esau odio habitus; sed in domo Iacob omnes fuerunt electi. Sic Christus Rex tantum dicitur Electorum, quia his tantum dat gratiam et gloriam suam, hos tantum facit regni sui consortes.

II. A quo concipitur? A Maria Virgine, desponsata Ioseph, gratia plena, benedicta in mulieribus, superventa a Spiritu Sancto, obumbrata a virtute Altissimi, humili ancilla Domini.⁸

A quo
concipitur.

III. Quomodo concipitur? Modo non humano, sed supernaturali et divino: *Spiritus Sanctus superveniet in te, et virtus Altissimi etc.*

Quomodo con-
cipitur.

IV. Ad quid concipitur? Ut sit Iesus, ut salvum faciat populum suum a peccatis eorum,⁹ ut regnet in domo Iacob semper.

Ad quid
concipitur.

6) Lc 1, 30.

7) Hebr 1, 3.

8) Cf. Lc 1, 38

9) Cf. Mt 1, 25.

SERMO SEXTUS

DE ARCHANGELI SALUTATIONE IN MYSTERIO INCARNATIONIS

*Ave, gratia plena, Dominus tecum.*¹

Hodie Virgo
summe honorata
et laudata.

I. Ostenditur in hodierno Evangelio Virgo Beata honorata supra modum a Deo, et ab Angelo laudata. Primam mulierem honoratam quidem legimus, sed non laudatam, neque enim de ea, postquam divinitus formata fuit, legimus: *Vidit Deus quod esset bonum.*² Virginem vero et dilectam et honoratam et laudatam nobis sacrum Evangelium exhibit: dilectam, quia eam requirit in sponsam, sicut Eliezer sponsam quaequivit Isaac,³ sicut David misit ad Abigail nuncium, ut haberet eam in sponsam,⁴ sicut Asuerus adeo dilexit Esther, ut eam sibi desponsaret uxorem.⁵ Honoravit hodie Deus Virginem Beatam, quia summum Angelum ad eam legatum misit tanquam paronymphum ac pronubum. Signum magni honoris est, cum rex magnum principem mittit legatum ad aliquam personam; sic missus est Angelus Gabriel a Deo ad Virginem.

Prima laus
Virginis in ore
Archangeli:
Maria est
pulcherrima
spirituali pul-
critudine.

II. Summis laudibus Gabriel Angelus Virginem Beatam, tanquam Dei nuncius, celebrat verissimeque exornat: *Ave, gratia plena, Dominus tecum, benedicta tu in mulieribus.* Tria dicit: quod sit virtute et sanctitate Deo gratissima; quod sit Deo ex caritate coniunctissima, Deo carissima dilectissimaque; ac tandem quod sit super omnem creaturam divinis favoribus cumulatissima, ditissima, beatissima.

1) Lc 1, 28.

2) Gn 1, 12.

3) Cf. Gn 24, 1 sqq.

4) Cf. 1 Rg 25, 39-42.

5) Cf. Est 2, 15-18.

Ave, gratia plena. Non agitur hic de illa gratia de qua Salomon ait: *Fallax gratia et vana est pulcritudo;*⁶ haec enim pulcritudo est, quae hominum oculos oblectat. Angelus vero agit de gratia et pulcritudine, quae divinos oculos, ut ita dicam, pascit. Haec prima laus est, quod sit Virgo pulcherrima, gratiosissima, divinis oculis gratissima. Spiritualis autem pulcritudo in virtute consistit, in sanctitate, in Dei similitudine; Deus enim summa pulcritudo est, sicut summa et infinita bonitas est, summo amore digna. Post Deum autem nil pulcrius, nil gratiosius Maria in coelo, vel in terra: *Ave, gratia plena.* Nec enim in coelo, in Angelis talis reperta est gratia, talis pulcritudo. *Ave, gratia plena,* Deo super omnem creaturam gratissima divinisque oculis gratiosissima.

Non dicitur Beata Virgo plena Spiritu Sancto, sicut multi Sancti: Iohannes,⁷ Zacharia,⁸ Elisabeth,⁹ Apostoli,¹⁰ diaconi¹¹ aliique permulti; sed gratia plena. Licet tamen minus videatur, tamen non ita est; nam quae rariora sunt, cariora sunt. Multi dicuntur pleni Spiritu Sancto; gratia autem paucissimi: Christus,^{11a} Maria et Stephanus. Et hic quidem in textu graeco non dicitur plenus gratia, sed fide, quia plenus gratia fidei,¹² adeo ut simpliciter Christus et Maria pleni gratia legantur. Sicut in coelo inter stellas duo luminaria magna, sol et luna; inter omnes Sanctos pleni gratia Christus et Maria, quoniam Maria singulariter similis Christo, sicut luna soli, Eva Adamo.

Ut sciamus autem quid sit haec gratiae plenitudo, videndum est quidnam sit gratia. Novatores existimant nihil aliud esse quam externum Dei favorem erga nos, sicut quis dicitur esse in principiis gratia, cum fruitur favore et benevolentia principis. Sed hic manifestum est quod accipitur pro venustate et pulcritudine, qua Beata Virgo fuit oculis Dei gratissima gratiosissimaque, quaque Deo summopere placuit. Unde postea dixit Angelus: *Invenisti gratiam apud Dominum;*¹³ sicut de Noe legimus: *Noe, vir iustus atque perfectus... invenit gratiam coram Domino.*¹⁴ Quoniam vero spiritus est Deus, unde: *Qui adorant eum, in spiritu et veritate oportet adorare;*¹⁵ profecto agitur hic de spirituali pulcritudine. Consistit autem corporalis pulcritudo in optima proportione partium ad invicem,

Quid Spiritus
Sancti et quid
gratiae pleni-
tudo.

Quid proprie-
gratia.

Pulcritudo
corporalis
et spiritualis.

6) Prv 31, 30. 7) Cf. Lc 1, 15. 8) Ibid. 1, 67. 9) Ibid. 1, 41. 10) Cf. Act 2, 1-4.
11) Ibid. 6, 3. 11a) Cf. Io 1, 14. 12) Cf. Act 6, 8. Cf. D. Chrysost. *Homil. 15, in Act.*
Apost. cp. 6, 1. (P. G. 60, 119). Ita etiam Vatablus, Grotius et alli. 13) Lc 1, 30.
14) Gn 6, 9. 8. 15) Io 4, 24.

colorum ac luminum, sicut musicus concertus in optima proportione vocum et sonorum; at coelestis pulcritudo in sola caritate et luce consistit; hac pulcra est luna plena, hac pulcher sol, qui sponsus pulcherrimus est naturae: *Ipse tanquam sponsus procedens*, etc.¹⁶ Sic animae pulcritudo consistit in puritate conscientiae, caritate et luce divinae cognitionis cum amore divinae bonitatis. Sic dicitur de Beata Virgine: *Tota pulcra es, amica mea, et macula non est in te.*^{16a}

Secunda laus:
Maria ingenti
spirituali the-
sauro cumulata.

III. Praeter haec autem, gratia Dei donum est: *Gratiam et gloriam dabit Dominus.*¹⁷ *Omne datum optimum et omne donum perfectum.*¹⁸ *Magna et pretiosa nobis dona donavit, ut per haec efficiamini,* etc.¹⁹ Solent autem principes duo bonorum genera dare: dvitias et honores, dignitates, gradus; ita et Deus. Sed quale quantumque donum est gratia? Ingens thesaurus, quo quis potest emere regnum coelorum: *Gratia... Dei, vita aeterna;*²⁰ dos est animae digna, qua^{20a} Christum accipiat in sponsum Regem gloriae; summa dignitas est, qua homo constituitur filius et heres Dei, frater et coheres Christi.²¹ *Quis audivit unquam tale, et quis vidit huic simile,*²² ut homo, humili loco natus, adoptetur a summo principe in filium et instituatur heres?

Tertia laus:
Maria Dei Imago
simillima.

IV. Tandem gratia est supernaturalis quaedam imago et similitudo Dei;²³ quaedam participatio divinae naturae, ut Petrus ait. Sic Maria *gratia plena*, quia Deo simillima, Dei imago pulcherrima. Deus est summa innocentia: *Deus fidelis, in quo non est iniquitas;*²⁴ ita Maria innocentissima, absque ullo prorsus peccato, vel actuali vel originali. Deus summa sanctitas: *Sanctus, sanctus, sanctus Dominus Deus;*²⁵ Maria sancta et corpore et spiritu, semper cogitans quae Domini sunt, quomodo placaret Deo.²⁶ Deus summa perfectio, thesaurus omnium perfectionum; Maria *gratia plena*, thesaurus omnium virtutum, donorum Spiritus Sancti ac evangelicarum beatitudinum. Deus est summe perfectus, ita ut quidquid est in Deo, sit summe perfectum: perfecta potentia, perfecta sapientia, perfecta bonitas; Maria perfecte *gratia plena*, in ea omnis virtus perfectissima:

16) Ps 18, 6. 16a) Ct 4, 7. 17) Ps 83, 12. 18) Iac 1, 17. 19) 2 Petr 1, 4.
Vulg. loc.: *Dona*, habet: *Promissa*. 20) Rom 6, 23. 20a) Ms.: *Quo*. 21) Cf. Rom 8, 17.
22) Is 66, 8. 23) Cf. Cyrillum Alex. *Thes. Ass. 32* (P. G. 75, 526). 24) Dt 32, 4. Vulg.
loc.: *In quo non est*, etc. habet: *Absque ulla iniuritate*. 25) Is 6, 3. 26) Cf. 1 Cor 7, 34.

perfecta fides, perfecta spes, perfecta caritas: *Una est perfecta mea.*²⁷ Deus est undeque totus perfectus: in intellectu, in voluntate, in substantia, in natura; *Maria gratia plena ex omni parte:* in anima, in corpore et spiritu. Deus perfectus in omnibus actibus suis: *Dei perfecta sunt opera;*²⁸ *Fidelis..., iustus Dominus in omnibus viis suis;*²⁹ *Maria gratia plena* in omnibus actibus suis, semper. In Deo est summa auctoritas, potentia ad bene puniendum, bonitas, liberalitas; tam bonus est quam potens, tam liberalis quam dives, sicut coelestia, sicut sol;³⁰ ita *Maria gratia plena*, Deo simillima.

27) Ct 6, 8. 28) Dt 32, 4. 29) Ps 144, 13-17. 30) Qui sol, ut Auctor alio in sermone dicit, quidquid lucis habet, totum in mundi beneficium effundit.

SERMO SEPTIMUS

DE CAUSIS MATRIMONII VIRGINIS DEIPARAE

Annuntiatio
festum Dei,
Angelorum
et hominum.

Deus agit cum
Maria sicut rex
cum magna
muliere principe.

Simile.

I. Celebramus hodie festivissimum diem, quod festum simul et Dei et Angelorum et hominum est in Ecclesia tum triumphante in coelis, tum militante in terra. Hinc in hodierno Evangelio mentio fit Dei, Angeli et hominis: *Missus est Angelus... a Deo ad virginem desponsatam viro;*¹ nam mysterium Incarnationis celebratum est ad gloriam Dei, in salutem hominum, ad reparandas angelicas ruinas.

II. *Missus est Angelus Gabriel a Deo.* Ostenditur quanto honore digna sit Virgo Sanctissima, quanto honore eam dignatus sit Deus infinitae maiestatis; nam captus eius pulcritudinis et gratiae, requisivit eam in matrimonium per honestissimum legatum et internuntium, per Gabrielem Archangelum, summum Angelorum principem, qui in coelesti curia inter summos principes primus est apud Deum. Sic tractari voluit hodie Dominus matrimonium hoc, sicut tractari solent matrimonia principum. Cum rex ducturus uxorem est, et nobilissimam atque pulcherrimam requirit principem mulierem; mittit legatum nobilissimum ad requirendam eam; sic: *Missus est Angelus*, etc. *Ave gratia plena, Dominus tecum.*² Cum tabernaculum Moysi Deo dedicatum fuit,³ similiterque templum Salomonis,⁴ descendit maiestas Domini, et gloria Domini replevit templum Domini.

1) Lc 1, 26.

2) Ibid. I, 28.

3) Cf. Ex 40, 32.

4) Cf. 2 Par 7, 1.

Virgo Sanctissima tabernaculum est et templum Domini: *Sanctificavit tabernaculum suum Altissimus.*⁵ Hodie singulariter seipsam Deo dedicavit: *Ecce ancilla Domini, fiat mihi secundum verbum tuum;*⁶ sic divina gloria repletum est hoc tabernaculum Dei: *Spiritus Sanctus superveniet in te, et virtus Altissimi obumbrabit tibi.*⁷

III. *Ave gratia plena, Dominus tecum.* Causae matrimonii huius inter Deum et Virginem reiiciuntur in Dei caritatem et Virginis divinam pulchritudinem: *Gratia plena... invenisti gratiam apud Deum.*⁸ Hinc Spiritui Sancto tribuitur: *Spiritus Sanctus superveniet in te, et virtus Altissimi obumbrabit tibi.* Praecipue tamen divinus amor coniugii causa fuit, nam Deus ex amore Virginem requisivit in sponsam ac desponsavit; nam amor causa coniugii est: *Propter hoc relinquet homo patrem suum et matrem, et adhaerebit uxori suae.*⁹ Sed tamen conclusum est divinum hoc matrimonium ad conciliandam pacem inter Deum et mundum; sic enim fieri consuevit ut, cum duo regna alternis odiis invicem dissident, contractis matrimonii hinc inde inter principes, concilientur.

Captus est Deus amore Virginis, eamque in Sponsam suam veramque Filii sui Matrem et Genitricem elegit, non quia potens, nobilis, dives, pulcra et formosa corpore, sed quia sancta corpore et spiritu: *Ave gratia plena, Dominus tecum, benedicta tu in mulieribus,* mulierum omnium optima atque sanctissima. Laudantur in Evangelio virgines prudentes;¹⁰ ipsa prudentissima extitit: *Quomodo fiet istud quoniam virum non cognosco?*¹¹ Tunc prudenter cognita Dei voluntate, ait: *Ecce ancilla Domini, fiat mihi secundum verbum tuum.* O fiat, o fiat! Quanti momenti est hoc Virginis fiat! Nam ad hoc *Verbum caro factum est.* Missus est Angelus sicut David nuncium misit ad prudentissimam Abigail, requirens eam in uxorem; illa autem, prudentissime re perspecta, humiliter acceptavit; ita hodie Virgo: *Fiat mihi,* etc. David captus est amore Abigail ratione virtutis, quia mulier erat sapiens et prudens valde, prudentiae enim non pulcritudinis [ratione] laudata est in Divinis Litteris;¹² ita plane Deus Virginem elegit in Sponsam propter ipsius divinam sanctitatem, Deus enim sanctitatis et virtutis amantissimus est.

Causae matrimoniī huius
caritas Dei,
et pulchritudo
Mariæ virtutibus
ornatissimæ.

Simile.

5) Ps 45, 5. 6) Lc 1, 38.

7) Ibid. 1, 35.

8) Lc 1, 30.

9) Gn 2, 24; Eph 5, 31.

10) Cf. Mt 25, 1 sqq.

11) Lc 1, 34.

12) Cf. 1 Rg 25, 39 sqq.

Ad altissimum ac divinissimum dignitatis superangelicae gradum evencta est hodie Virgo Beatissima, quoniam facta est Sponsa Dei vera et Mater Christi, ita ut habeat auctoritatem cum Deo et cum Christo omnipotente, quam habet sponsa dilectissima cum amantissimo sponso, quam mater cum filio optimo, quam habuit Esther cum Assuero sponso, Bethsabee cum Salomone filio, de quo optime merita erat.

SERMO OCTAVUS

DE NOBILISSIMO VIRGINIS DEIPARAE MATRIMONIO

*Missus est Angelus Gabriel... in civitatem Galileeae,
qua vocatur Nazareth, ad Virginem.* ¹

I. Dies occurrit nobis hodie celeberrimus et solemnissimus, dies maxima exultationis et laetitiae, quia dies adventus Dei in mundum: *Exulta satis, filia Sion, iubila, filia Ierusalem: Ecce rex tuus venit tibi iustus et salvator.* ² Castra Hebraeorum pugnantium contra Philisthaeos magna laetitia et gudio exsultarunt propter adventum arcae Domini; Philisthaei vero, nimio timore ac terrore concussi, ingemuerunt, dicentes: *Venit Deus in castra..., vae nobis.* ³ Formidabilis est hic dies daemonibus contra quos nobis est bellum, ut Paulus ait: *Non est nobis collectatio adversus carnem et sanguinem, sed adversus principes et potestates, adversus mundi rectores tenebrarum harum, contra spiritualia nequitiae in colestibus.* ⁴ Christus autem Dominus exercituum, Deus omnipotens, venit in favorem nostrum contra daemones, contra principes et potestates tenebrarum.

De Abraham patriarcha inquit Dominus quod *exultavit ut videret diem hunc, vidi et gavisus est;* ⁵ risit enim in corde suo, cum ei Dominus nativitatem filii divinumque semen promisit. Dies laetissimus est cunctis Christifidelibus, quoniam dies est regalium nuptiarum. Magno gaudio

Generi humano
in die Annun-
ciationis
laetandum quia
Dominus venit
in mundum.
Simile.

Laetandum etiam
quia matrimo-
nium inter Deum
et Virginem
celebratum est
quintuplici ratio-
ne nobilissimum.

1) Lc 1, 26.

2) Zach 9, 9.

3) 1 Rg 4, 7.

4) Eph 6, 12.

et laetitia, maxima exultatione affecti fuerunt Iudei omnes, cum noverunt nuptias celebratas factasque inter magnum regem potentissimumque imperatorem Assuerum et Esther iudeam, scientes matrimonium illud extitisse in causa universalis salutis totius gentis Iudeorum; nisi enim matrimonium illud intercessisset, in crudeli persecutione impii Aman omnes Iudei penitus periissent. Propterea, cum matrimonium illud Iudeis innotuit: *Nova lux oriri visa est, gaudium, honor et tripudium,*⁶ idest, maxima et ineffabilis exultatio. Hodie autem factae sunt nuptiae, contractum consummatumque matrimonium inter Deum, Regem regum summumque Imperatorem, et Virginem Beatissimam, mulierem nostri generis, quae caro nostra et sanguis noster extitit.

Ostenditur autem nobilissimum matrimonium: a sposo, a sponsa, a paronympho et pronubo, ac tandem a matrimonii fructu.⁷ *Missus est Gabriel Angelus:* hic paronymphus et auspex; *a Deo:* hic sponsus; *ad Virginem:* haec sponsa; *ecce concipies in utero et paries filium:*⁸ hic fructus matrimonii huius.

Matrimonium
hoc nobilissi-
mum a
paronympho
summo
Archangelorum.

II. Declaratur nobilitas paronymphi et genialis internuncii, quoniam *Angelus* est, nec de minoribus Angelis, non de infimo ordine aut hierarchia, sed *Angelus* immediatus Deo, nam missus est immediate a Deo; de supraemis igitur hierarchia, de supremo ordine, supremus in ordine hierarchico. Hinc de seipso ad Zachariam patrem Ioannis ait: *Ego sum Gabriel Angelus, qui asto ante Dominum.*⁹ Singulariter loquitur tanquam principalis inter assistentes. Hinc *Gabriel* appellatur *fortis Deus, sive vir Deus, homo Deus,* ipso suo nomine designans summum omnium divinæ Incarnationis mysterium. Ipse, tanquam singularis et intimus Dei a secretis consiliis, revelavit Danieli mysterium septuaginta hebdomadarum, quibus praefinitum ac determinatum erat tempus adventus Domini Salvatoris in mundum.¹⁰ Hic igitur harum nuptiarum divinique huius matrimonii coelestis est hymenaeus.

Matrimonium
hoc nobilissi-
mum a Sponso:
Deo, rege,
omnipotente.

III. Missus est autem a Deo, sicut Eliezer, praepositus totius domus patriarchae Abraham, missus ab eo fuit ad quaerendam Isaaco uxorem.¹¹

5) Io 8, 56. 6) Est 8, 10. 7) Auctor in divisione huius sermonis membrum extremum, idest, *a loco et tempore*, hic omittit. Evidenter sermonem subcessivis horis texuit. 8) Lc 1, 31.
9) Lc 1, 19. 10) Dn 9, 20 sqq. 11) Gn 24, 1 sqq.

*Missus est Gabriel Angelus a Deo. Hic est sponsus nobilissimus, qui Deus altissimus appellatur: Filius Altissimi vocabitur... virtus Altissimi obumbrabit tibi.*¹² Sponsus, Rex regum est, Dator regnum, sicut apud Danielem legimus: *Ipse mutat tempora et aetates, transfert regna atque constituit.*¹³ Hinc ait: *Dabit illi Dominus Deus sedem David patris eius, et regnabit in domo Iacob in aeternum, et regni eius non erit finis.*¹⁴ Sponsus omnipotens: *Quia, inquit, non erit impossibile apud Deum omne verbum.*¹⁵ *Omnia quaecumque voluit Dominus fecit in coelo et in terra.*¹⁶ *Ipse dixit et facta sunt... mandavit et creata sunt... Verbo Domini coeli firmati sunt, et spiritu oris eius omnis virtus eorum.*¹⁷ O infinitam Sponsi nobilitatem!

IV. Nec minus nobile matrimonium a fructu. Nam ait: *Ecce concipies in utero et paries filium, et vocabis nomen eius Iesum. Hic erit magnus, et Filius Altissimi vocabitur..., et regnabit... in aeternum... et quod nasceretur ex te Sanctum vocabitur Filius Dei.*¹⁸ De quo item Isaias: *Vocabitur nomen eius Emmanuel.*^{18a} *Et vocabitur nomen eius Admirabilis, Consiliarius, Deus, Fortis, Pater futuri saeculi, Princeps pacis.*¹⁹ Et Ieremias: *Hoc est nomen quod vocabunt eum: Dominus iustus noster.*²⁰ Fructus huius matrimonii Christus est, verus Deus omnipotens et verus homo, natura, gratia et gloria perfectissimus, omni plenitudine Divinitatis beatissimus: *Verbum caro factum est... plenum gratiae et veritatis; et vidimus gloriam eius,* etc.²¹

Matrimonium
hoc nobilissi-
mum a fructu,
Christo natura,
gratia, gloria
perfectissimo.

V. A sponsa etiam nobilissimum matrimonium est: *Missus est Gabriel Angelus... ad Virginem.* Sponsa haec nobilissima, quia de stirpe et progenie serenissimi ac sanctissimi regis David; honestissima ac pudicissima, quia virgo mente et corpore; ditissima pro dote, quia: *Benedicta tu inter mulieres;*^{21a} *Multae filiae congregaverunt sibi divitias, tu supergressa es universas.*²² Sponsa pulcherrima: *Ave gratia plena,*²³ Sponsa gratissima, acceptissima, delicatissima: *Dominus tecum... invenisti gratiam apud Deum;* prudentissima: *Cogitabat qualis esset ista salutatio;* modestissima: *Ecce ancilla Domini, fiat mihi secundum verbum tuum.*²⁴ Haec autem

Matrimonium
hoc nobilissi-
mum a Sponsa
numeris omni-
bus absoluta.

12) Lc 1, 32, 35. 13) Dn 2, 21. 14) Lc 1, 32. 15) Ibid. 1, 37. 16) Ps 134, 6 et alib.
17) Ps 32, 9, 6. 18) Lc 1, 35. 18a) Is 7, 14. 19) Ibid. 9, 6. 20) Jer 33, 16.
21) Io 1, 14. 21a) Lc 1, 42. 22) Prv 31, 29. 23) Lc 1, 28. 24) Ibid. 1, 29, 38.

sunt quae vel maxime in sponsa desiderantur: honestas, nobilitas, pulchritudo, gratia, dos, prudentia et modestia. Quod si his addatur fecunditas et singularis erga virum amor, explet omnes numeros. Talis fuit Beatisima Virgo erga Deum; sponsa igitur numeris omnibus absoluta; hinc ait: *Una est columba mea, una est perfecta mea.*²⁵

Perfectum dicitur cui nihil deest; ideo: *Viderunt eam filiae, contemplatae sunt, miratae sunt, et beatam dixerunt; reginae et concubinae... laudaverunt eam: Quae est ista quae progreditur quasi aurora consurgens, pulcra ut luna, electa ut sol?*²⁶ Hinc quanti fecerit Deus Virginem hanc, ex eo patet quod non solum elegit eam in Sponsam, nec tantum ad exquirendum ab ea consensum, ut legitimum esset divinum hoc matrimonium, Gabrielem Archangelum, summum Angelorum principem et hierarcham misit ad eam; verum etiam misit Spiritum Sanctum, verum Deum: *Spiritus Sanctus superveniet in te et virtus Altissimi obumbrabit tibi;*²⁷ misit etiam ad eam unicum et dilectissimum Filium suum, increatum Verbum, ut in utero ipsius incarnaretur. Quare merito dicere possumus: Sic Deus dilexit Mariam, ut Filium suum Unigenitum daret.^{27a}

Matrimonium
hoc nobilissi-
mum a tempore
et loco.

Tempus.

Locus.

VI. Honoratur etiam divinum hoc matrimonium a tempore et loco; nam celebratum est in mense sexto a conceptione Iohannis, qui in autumno conceptus fuit; celebratum est laetissimo veris tempore, sole in arietem ingrediente, quando universa renovatur, revirescit ac reflorescit natura; tempore [quo] conditus fuit mundus, quo homo creatus, quo populus Dei egressus fuit de Aegypto, quo ingressus fuit in terram promissionis, tempore paschali. Ad celebranda connubia expectantur laetissima tempora, ut ipsa etiam laetitiam augeant: *Cum venit plenitudo temporis misit Deus Filium suum factum ex muliere.*²⁸

Deinde celebratum fuit hoc matrimonium in civitate Galilaeae, quae vocatur Nazareth. Quae quidem omnia non vacant mysteriis, divinis plena sunt sacramentis. Non enim sine causa divinus Evangelista tam accurate haec scripsit: *In mense... sexto... missus est Gabriel Angelus a Deo in civitatem Galilaeae, ad Virginem desponsatam viro, cui nomen... Ioseph. Mysteriis et sacramentis plena haec sunt.*

25) Ct 6, 8.

26) Ibid. 6, 8-9. Vulg. loc.: *Beatam*, etc. habet: *Beatissimam praedicatorum.*

27) Lc 1, 35.

27a) Io 3, 16.

28) Gal 4, 4.

In civitate celebratum est hoc mysterium, non in solitudine, quoniam propter nos hodie et propter nostram salutem Unigenitus Filius Dei descendit de coelo, ut fieret concivis noster, homo factus similis nobis: *Qui cum in forma Dei esset, non rapinam arbitratus est esse se aequalem Deo... semetipsum exinanivit formam servi accipiens, in similitudinem hominum factus, et habitu inventus ut homo.*²⁹

In Galilaea vero, quae interpretatur *circulus, sphaera, rota, revolutio,* quoniam vere hodie factus est circulus perfectus; Deus enim, auctor creationis, principium est, homo autem finis. Cum lineae, quae in seipsam ducitur, coniungitur finis principio, tunc factus est circulus. Hodie coniunctus est homo Deo; imo hodie a Deo inventa factaque est quadratura circuli, mathematicis nondum plene cognita. Deus nanque, ut Trimegistus ait, sphaera est intellectualis, cuius centrum ubique, sed circumferentia nusquam;³⁰ homo autem quadrata figura est, quaternario constat. Hodie per hypostaticam, ut aiunt, unionem et idiomatum communicationem, homo factus est aequalis Deo, et Deus homini.

Agit sol circulationem in coelo: *Exultavit... gigas ad currendam viam; a summo coelo egressio eius, et occursus eius usque ad summum eius;*³¹ *Oritur sol et occidit, et ad locum suum revertitur, ibi... renascens;*³² ita Christus hodie exivit a Patre et venit in mundum. Sed tamen: *Iterum relinquo mundum et vado ad Patrem.*³³ In Galilaea factus est homo, qui homo perfectus natura, gratia, gloria, deitate.

In Nazareth autem, unde dictus est Nazarenus: *Hic est Iesus propheta a Nazareth Galilaeae.*³⁴ *Iesus Nazarenus Rex Iudeorum.*³⁵ Et Christiani dicebantur *Nazareni, secta Nazarenorum*, sicut in *Actis Apostolorum* legimus.³⁶ De Christo vero specialiter Matthaeus docet quod descendit in civitatem suam Nazareth, quia scriptum est in prophetis quod *Nazaraeus vocabitur.*³⁷ Nam Ioseph, dilectissimus filius patriarchae Iacob, singularis figura et imago Christi, *Nazaraeus* est appellatus.³⁸ Similiter Samson in figuram Christi populi sui salvator, dictus est *Nazaraeus.*³⁹

Erat autem sanctissima in Veteri Lege Nazaraeorum religio. Interpretatur autem *Nazareth separatio, sanctitas, consecratio, corona.* Nazarei qui Domino consecrabantur, separabantur a communi usu vivendi, a vul-

Quid Galilaea.

Quid Nazareth.

29) Phil 2, 6-7.

30) Cf. *Pymand.* cp. 2, et cp. 13 circa finem. 31) Ps 18, 6-7.

32) Eccl 1, 5.

33) Io 16, 28.

34) Mt 21, 11.

35) Ibid. 27, 37; Io 19, 19.

36) Act 24, 5.

37) Mt 2, 33.

38) Gn 29,26.

39) Ide 13, 5.

gari hominum conversatione; ⁴⁰ ad quod alludens, Paulus ait: *Talis... decebat ut esset nobis Pontifex, sanctus, innocens, impollutus, segregatus a peccatoribus et excelsior coelis factus*; ⁴¹ sic Paulus aperuit mysterium hoc civitatis Nazareth. Propterea vero celebratum est hoc mysterium in Galilaea et in Nazareth, quia ad hoc venit Christus in mundum, ut homines vere converteret ad Deum, ad suum utique principium, vereque sanctificaret, veros Nazaraeos efficeret: *Tradidit semetipsum pro nobis ut... mundaret sibi populum acceptabilem, sectatorem bonorum operum.* ⁴² Celebratum in civitate quia venit *ut filios Dei, qui erant dispersi, congregaret in unum,* ⁴³ essetque sancta Ecclesia, vera Ierusalem, *quae aedificatur ut civitas, cuius participatio, societas, civium collectio, in id ipsum, unita in pace et civica caritate.* ⁴⁴

Nec mysterio vacat quod Angelus... missus est... ad Virginem desponsatam viro, cui nomen erat Ioseph, de domo David; sed ut matrimonium humanum imago esset divini, sicut Paulus dixit matrimonium Adami et Evae symbolum extitisse matrimonii Christi et Ecclesiae: *Sacramentum hoc magnum est... in Christo et... Ecclesia.* ⁴⁵

40) Cf. Nm 6, 1 sqq.

42) Tit 2, 14.

41) Hebr 7, 26. Vulg. loc.: *Ut esset nobis*, habet: *Ut nobis esset.*

43) Io 11, 52.

44) Ps 121, 3.

45) Eph 5, 32.

SERMO NONUS

DE EXCELLENTI SUPER OMNIA VIRGINIS DEIPARAE MATRIMONIO

*Missus est Angelus Gabriel a Deo in civitatem Galilaeam
cui nomen Nazareth, ad Virginem desponsatam, etc.¹*

I. Celebramus hodie divinum sponsalitium contractumque matrimonium, non quod Isaac, patriarcha sanctissimus, contraxit cum Rebecca, virgine pulcherrima atque sanctissima, Eliezer paronymphum agente, nam ad hoc missus in Mesopotamiam fuit, ut ageret paronymphum quaerere, retque Isaac uxorem; ² nos celebramus hodie sponsalitium et matrimonium celebratum, mirabile dictu! inter vivum et verum « Deum Patrem omnipotentem, Creatorem coeli et terrae, visibilium omnium et invisibilium », ³ Deum infinitae maiestatis, et Virginem supersanctissimam Mariam, omnium pulcherrimam et gratiosissimam, Gabriele Archangelo, principe Angelorum, internuncio ac paronympho: *Missus est Angelus Gabriel a Deo... ad Virginem desponsatam viro, cui nomen erat Ioseph, de domo David, et nomen Virginis Maria.* Bone Deus! Qualis sponsus! Qualis paronymphus! Qualis sponsa! Quale matrimonium! Qualis huius matrimonii fructus!

Celebratio
matrimonii inter
verum Deum
et Mariam.

II. Nobile quidem fuit matrimonium celebratum in paradiso inter Adamum et Eavam, mundi principes: *Dominamini piscibus maris,* ⁴ inter Abrahamum et Saram, inter Isaac et Rebeccam, inter Iacob et Rachelem,

Matrimonium
hoc excedit
omnia matrimo-
nia ob sponsum,
Deum.

1) Lc 1, 26-27.

2) Cf. Gn 24, 10 sqq.

3) Ex Symbol. Nicaeno.

4) Gn 1, 28.

inter Ioseph et filiam Putipharis, inter Moysem et Sephoram, inter Booz et Ruth, David et Bethsabee, Salomonem et filiam regis Aegypti, Assuerum et Esther; haec nanque sunt celebriora matrimonia, quae in Divinis Litteris legimus; sed hodiernum hoc matrimonium infinitis partibus dignitate et nobilitate excedit omnia, sicut sol omnia astra. Deus nanque, cui hodie desponsatur Virgo Sanctissima, infinitis gradibus partibusque maior est Adamo, Abrahamo, Isaac, Iacob, Ioseph, Moyse, Booz, Davide, Salomone, Assuero, omnibus hominibus, omnibus Angelis, mundo universo, quoniam infinitae magnitudinis est, infinitae potentiae, sapientiae, bonitatis, gloriae, maiestatis.

Hinc in hodierno Evangelio Sponsus Altissimus appellatur: *Filius Altissimi vocabitur..., virtus Altissimi obumbrabit tibi*,⁵ iuxta illud: *Quoniam tu Dominus Altissimus super omnem terram, nimis exaltatus es super omnes deos;*⁶ Altissimus sedens super solium excelsum et elevatum apud Isaiam;⁷ quem in capite scalae coelestis vidit Iacob;⁸ cui ministabant omnes Angeli, et assistebant apud Danielem.⁹ Nec tantum Altissimus, sed etiam Dominus Deus: *Dabit illi Dominus Deus sedem David patris eius.*¹⁰ Dominus Deus, Dominus absolute, quoniam universorum est Dominus: *Tui sunt coeli et tua est terra;*¹¹ Dominus: *Rex regum et Dominus dominantium.*¹² Tandem omnipotens: *Non erit impossibile apud Deum omne verbum;*¹³ omnia ei possilia sunt.

Matrimonium
hoc excedit
omnia alia ob-
paronymphum, sumnum
Angelorum.

III. Sed qualis paronymphus? *Missus est Angelus Gabriel.* Angelus nobilissimus, Dei nuntius et legatus, qui Zachariae dixit: *Ego sum Gabriel qui asto ante Deum;*¹⁴ qui Danieli revelavit praefixum tempus adventus Messiae, transactis septuaginta hebdomadibus;¹⁵ nobilissimus Angelorum, qui *fortis Deus*, sive *vir Deus* interpretatur; paronymphus mititur optimus, sapientissimus, elegantissimus, fidelissimus, princeps Angelorum, unicus Dei veluti cubicularius, secretarius, magister cubiculi: *Qui asto ante Dominum.*

Matrimonium
hoc excedit
omnia alia ob-
 sponsam,
Mariam.

IV. Sed qualis sponsa? *Ave gratia plena, Dominus tecum, benedicta tu in mulieribus...,*¹⁶ *invenisti gratiam apud*¹⁷ *Dominum. Missus est ad*

5) Lc 1, 32-35. 6) Ps 96, 9. 7) Cf. 6, 1. 8) Cf. Gn 28, 12 sqq. 9) Cf. 7, 10.
10) Lc 1, 32. 11) Ps 88, 12. 12) Apc 19, 16. 13) Lc 1, 37. 14) Lc 1, 19.
15) Cf. Dn 9, 24 sqq. 16) Lc 1, 28. 17) Ibid. 1, 30.

Virginem nazarenam: *Et nomen Virginis Maria;* haec Eva innocens, Sara laudatissima, Rebecca pulcherima, Rachel gratiosissima, Sponsa in *Canticis*¹⁸ ad miraculum laudatissima, celebratissima, decantatissima. *Missus est ad Virginem sanctam corpore et spiritu, qualis erat Eva in paradyso, cum Dei manu formata fuit; ad Virginem mirabilem, despensatam viro,* sicut Eva Adamo, quae quandiu in paradyso permansit, uxor fuit et virgo; *ad Virginem nazarenam, separatam a mundo mente et spiritu; hinc domi sola reperitur: Ingressus Angelus ad eam.* Virgo erat pudicissima, puritatis et sanctitatis amantissima. *Ave: pax tibi; gratia plena:* Virgo in oculis Dei pulcherima, quae invenisti gratiam apud Dominum, sicut Noe vir iustus atque perfectus, sicut Moyses vir sanctissimus; Virgo gratiosissima, virtutibus et gratiis abunde instructissima et ornatissima. *Dominus tecum:* te Deus super omnia diligit, concupiscit Rex speciem tuam, qui est Dominus Deus tuus: ¹⁹ *Diligit Dominus portas Sion super omnia tabernacula Iacob.* ²⁰ *Benedicta tu inter mulieres:* ²¹ quae super omnes mulieres placuisti Deo, super omnes mulieres gratia et virtutibus donisque coelestibus a Deo cumulata, sicut sol super omnes stellas. *Dominus tecum:* te eligit in sponsam super omnes alias mulieres, quoniam super omnes alias gratiam apud Deum invenisti. Sic excellentissima est sponsa, cum qua contractum est hodiernum matrimonium.

V. Sed et fructus huius matrimonii divinissimus praedicatur: *Benedicta tu inter mulieres et benedictus fructus ventris tui... ecce concipies in utero, et paries filium, et vocabis nomen eius Iesum, hic erit,*²² etc. Praedicatur Christi nativitas, sicut nativitas Isaac,²³ Samsonis,²⁴ Salomonis,²⁵ et Cyri apud Isaiam,²⁶ quoniam ipse soluturus erat babyloniam captivitatem; sicut Samson nasci praedictus fuit, ut populum liberaret de manu Philistinorum, qui populum gravissime vexabant et crudelissima tyrannide premebant et opprimebant. Fructus divini huius matrimonii excellentiam expressit Isaias, dicens: *Ecce Virgo concipiet et pariet filium, et vocabitur nomen eius Emmanuel.* Et iterum: *Vocabitur nomen eius Admirabilis, Consiliarius, Deus, Fortis, Pater futuri saeculi, Princeps pacis.*²⁷ Quis unquam talem vidit partum? Talem filium? Sed: *Sic Deus dilexit*

Matrimonium
hoc excedit
omnia alia ob-
fructum: ira Dei
placata, miseri-
cordia aedificata,
paradisus
voluptatis Dei
creatus, Filius
Dei conceptus.

18) Cf. praesertim cpp. 4. 6. 7.

22) Lc 1, 42; 81-82.

25) Cf. 2 Rg 7, 12.

19) Alludit ad Ps 44, 12.

23) Cf. Gn 17, 19.

26) Cf. Is 44, 28.

20) Ps 86, 2. 21) Lc 1, 42.

24) Cf. Idc 13, 3-5.

27) 7, 14; 9, 6-7.

*mundum, ut Filium suum Unigenitum daret.*²⁸ O infinitam Dei misericordiam et caritatem!

Ira Dei placata.

Proponitur in hodierno Evangelio salutis nostrae exordium, simile utique primis ordimentis perditionis humani generis. A muliere incepit perditio, a muliere salus; per angelum malum perditio, per Angelum bonum salus. Sicut autem Angelus hic missus fuit a Deo, ita existimo serpentem illum, qui tentavit hominem, missum a satana, daemonum principe supremo, fuisse. Accensa tunc fuit ira Dei in humanum genus, hodie placata est: *Benedixisti, Domine, terram tuam, avertisti captivitatem Iacob; remisisti iniuriam plebis tuae, operuisti omnia peccata eorum; mitigasti omnem iram tuam, avertisti ab ira indignationis tuae.*²⁹ Hodie divina misericordia et iustitia veluti conciliatae sunt. Iustitia namque humani generis damnationem requirebat in poenam peccati, ut executioni datur sententia contra hominem lata: *Morte morieris;*³⁰ misericordia autem, tanquam mater dulcissima, salutem hominis expetebat. A divina autem Sapientia hodie conciliatae sunt: *Misericordia et veritas obviaverunt sibi, iustitia et pax osculatae sunt. Veritas de terra orta est, et iustitia de coelo prospexit; etenim Dominus dabit benignitatem, et terra nostra dabit fructum suum.*³¹ Decretum, inquit, fuit a divina Sapientia ut Deus fieret homo, qui tum divinae iustitiae pro peccato satisfaceret, tum divinae misericordiae pro salute generis humani. Veritas, quae Deus ipse est, unicus Filius Dei, de terra virgine orta est, coelesti tamen praeditus iustitia et sanctitate; quoniam naturam quidem assumpsit humanam: *Formam servi accipiens, in similitudinem hominum factus, et habitu inventus ut homo;*³² sed culpa et peccati maculam non accepit. Hinc: *Secundus homo de coelo colestis.*³³ *Quod ex te nascetur Sanctum, vocabitur Filius Dei.*³⁴

Misericordia
aedificata.

Nec tantum hodiernum mysterium manifestat Deum nobis placatum, sed infinitam eius erga humanum genus misericordiam: *Misericordias Domini in aeternum, leholam, mundo cantabo.*³⁵ Cantabo, inquit, misericordias Domini maximas exhibitas mundo: *Generationi et generationi annuntiabo etiam veritatem tuam in persolvendis promissis. Quoniam dixisti: Misericordia aedificabitur, hebr. mundus misericordia aedificabitur in ipsis coelis, veritatem sive fidem tuam firmasti. Mundus,*

28) Io 3, 16.

32) Phil 2, 7.

29) Ps 84, 2-4.

33) 1 Cor 15, 47.

30) Gn 2, 17. 31) Ps 84, 11-13.

34) Lc 1, 35. 35) Ps 88, 2. Sequitur vr. 3.

inquit, misericordia aedificatus fuit: *Qui fecit coelos in intellectu, quoniam in aeternum misericordia eius; qui fundavit terram super aquas, quoniam in aeternum misericordia eius; qui fecit luminaria magna, quoniam in aeternum misericordia,*³⁶ sive mundo, idest, humano generi, misericordia eius, bonitas, pietas, caritas eius. Sic ait quoniam misericordia mundus aedificabitur, reparabitur a ruina. In ipsis coelis firmasti veritatem tuam, ut promissiones tuas impleres: *Disposui testamentum electis meis, iuravi David servo meo,*³⁷ ecce promissiones, usque in aeternum praeparabo semen tuum: Christum, semen, filium Abraham et David; et aedicabo in generationem et generationem sedem tuam: solium regni. Et iterum: *Ponam in saeculum saeculi semen eius, et thronum eius sicut dies coeli; ac tertio: Semel iuravi in sancto meo, per sanctitatem meam, si David mentiar, semen eius in aeternum manebit, et thronus eius sicut sol in conspectu meo et sicut luna perfecta in aeternum et testis in coelo fidelis.* Sic hodie Angelus: *Hic erit magnus et Filius Altissimi vocabitur, et dabit illi Dominus Deus sedem David, patris eius, et regnabit in domo Iacob in aeternum, et regni eius non erit finis.*³⁸

Quod autem hic Angelus Deum altissimum appellat, unicum Dominum et omnipotentem, in psalmo declaratur et exponitur. Altitudo quidem: *Quoniam quis in nubibus aequabitur Domino? Similis erit Deo in filiis Dei?* Id est, principibus et Angelis. *Deus qui glorificatur in concilio sanctorum, magnus et terribilis super omnes qui in circuitu eius sunt.*³⁹ Potentia: *Domine Deus virtutum, id est, exercituum, omnipotens, quis similis tui? Potens es, Domine, et veritas... in circuitu tuo.*⁴⁰ Dominus: *Tu dominaris potestati maris, motum autem fluctuum eius tu mitigas. Tui sunt coeli, et tua est terra; orbem terrarum et plenitudinem eius tu fundasti, aquilonem et mare tu creasti.*⁴¹ Haec autem dicit ad declarandum quod Deus potens ad omnia servanda promissa, et manifestandam bonitatem Dei, qua praestare vult quaecumque Patriarchis unquam promisit, et quaecumque eius nomine Prophetae mundo promisere. Fidelissimus Deus est ac veracissimus in promissionibus suis. Promiserat mundo Messiam, unicum Filium suum se missurum humani generis redemptorem salvatoremque. Hodie divina hac promissa complevit, quod incomprehensibile videtur et ineffabile; unde ait: *Nunquid Sioni dicet*

36) Ps 135, 5-7. Vulg. loc.: *Fundavit super, etc.*, habet: *Firmavit, etc.* 37) Ps 88, 4. Sequuntur vrr. 5. 30. 36-38. 38) Lc 1, 32. 39) Ps 88, 7-8. 40) Ibid. vr. 9. 41) Ibid. vrr. 10. 12-13,

*homo: Homo natus est in ea, ipse qui fundavit eam Altissimus?*⁴² Num, inquit, tantum Verbi Incarnati mysterium verbis assequi poterit homo? *Dominus narrabit in scripturis populorum:* Deus ipse veritatem hanc hominibus persuadebit, maxime Electis, quos in libro suo describet, tanquam imperator exercitus milites describens. Narrabit, inquam, quod hic Deus et homo natus est ibi. Sic enim est in hebr.: *Zeh iulad scam.* Nec tantum Deus praedicavit mundo per Spiritum Sanctum Christi mirabilem nativitatem, sed etiam Angeli. Hinc ait: *Vescarim cheholelim, principes quasi choros ducentes,* ut patuit in Christi nativitate; quoniam alioquin credere non potuisset mundus tale tantumque mysterium, quod in homine omnis plenitudo Divinitatis inhabitaret. Et tamen, inquit, *omnes fontes mei in te:* omnes thesauri Divinitatis in Christo in Virginis utero hodie fuerunt repositi.

Paradisus :
voluptatis Dei
creatus.

Inspiciendus est autem nobis finis hodierni huius sponsalitii et matrimonii, quam ob causam Deus Virginem sibi desponsavit. Angelus duas videtur assignare causas, dum ait ad Virginem: *Ne timeas, Maria, invenisti enim gratiam apud Deum, ecce concipies et paries filium.* Duplici ex causa Deus, cum posuisset hominem in paradyso, sponsam ei formavit: ut mulier esset homini singularis hortus deliciarum, et ut filios generaret et procrearet. Sic hodie Deus Virginem Sanctissimam desponsavit, sibique matrimonio copulavit, quoniam eius veluti amore captus fuit, quoniam Virginis pulcritudo summopere ei placuit: *Ave gratia plena... invenisti gratiam apud Dominum;* ut esset hortus deliciarum, paradysus voluptatis Dei, sicut in *Canticis* legimus: *Hortus conclusus, soror mea sponsa, hortus conclusus, fons signatus; emissiones tuae paradysus.*⁴³ Altera vero ut prolem ex ea susciperet; non est enim princeps qui non magno prolis desiderio teneatur, quem regni heredem instituat et relinquat; amor et desiderium prolis cogunt urgentque ad uxorem ducendam. Sic ait: *Invenisti... gratiam apud Deum, ecce concipies in utero et paries filium.*

Filius Del
conceptus.

Alludit Angelus ad vaticinium Isaiae: *Ecce Virgo concipiet et pariet filium, et vocabitur nomen eius Emmanuel.* Sed prius dixerat: *Ecce Dominus ipse dabit vobis signum, idest, miraculum;*⁴⁴ nam: *Novum creavit Dominus super terram, femina circumdabit virum.*⁴⁵ Miraculum! Nam

42) Ps 86, 5. Vulg. habet: *Nunquid Sion dicet: Homo et homo,* etc. Sequuntur vrr. 6-7 partim ex textu hebr. 43) 5, 12-13. 44) 7, 14. 45) Jer 31, 22.

vehementer obstupuit patriarcha Iacob, cum ei revelatum fuit mysterium Incarnationis: *Vere Dominus est in loco isto... Pavensque: Quam terribilis est, inquit, locus iste; non est hic aliud nisi domus Dei et porta coeli.*⁴⁶ *Dabit Dominus ipse vobis miraculum, magnum utique, nam Paulus ait: Sacramentum hoc magnum est;*⁴⁷ et alibi: *Certe magnum est pietatis sacramentum.*⁴⁸ Magnum respectu Dei, magnum respectu Christi magnum respectu Virginis: *Ecce Virgo concipiet et pariet filium et vocabitur nomen eius Emmanuel;* ideo magnum quia Emmanuel, quia concipitur homo Deus, quo maius excogitari non potest, nec esse. Declaravit postea idem Vates quidnam sit Emmanuel, dicens: *Vocabitur nomen eius Admirabilis, Consiliarius, Deus, Fortis, Pater futuri saeculi, Princeps pacis; super solium David et super regnum eius..., ut confirmet illud... usque in aeternum; zelus Domini exercituum faciet hoc.* Vere zelus, nam: *Sic Deus dilexit mundum, ut Filium suum Unigenitum daret.* Ad vaticinium hoc alludens, Angelus dixit: *Hic erit magnus, et Filius Altissimi vocabitur, et dabit illi Dominus Deus sedem David patris eius, et regnabit in domo Iacob in aeternum, et regni eius non erit finis.*

46) Gn 28, 16-17.

47) Eph 5, 32.

48) 1 Tim 3, 16.

SERMO DECIMUS

DE MAGNITUDINE MYSTERII IN VIRGINIS DEIPARAE MATRIMONIO

*Missus est Angelus Gabriel a Deo in civitatem Galliae,
cui nomen Nazareth, ad Virginem desponsatam.¹*

Ab Angelo
ostenditur my-
sterii magnitudo
in matrimonio
Virginis.

I. Sapiens, prudens, gratiosus, plane mirabilis paranympthus de coelo venit ad tractandum matrimonium inter Deum, Summum Regem coeli, et adolescentulam virginem ex clarissima stirpe serenissimi et sanctissimi regis David. Ad pertractandum tale tantumque negotium non homo, sed Angelus, imo summus princeps Angelorum mittitur; nam *magnum est pietatis sacramentum*.² Et quidem Angelus ipse ostendit hodie magnitudinem huius mysterii; nam loquitur de magnitudine Dei, qui harum nuptiarum sponsus est; de magnitudine Christi, qui fructus est; de magnitudine Mariae, quae sponsa est.

Ostenditur ma-
gnitudo sponsi.
II. De magnitudine, inquam, Dei qui Altissimus dicitur semel et iterum: *Filius Altissimi vocabitur... virtus Altissimi obumbrabit tibi.*³ Virtus: potentia infinita: *Non erit impossibile apud Deum omne verbum,*⁴ qui non sine mysterio in hoc Evangelio per Ioseph, cui Virgo desponsata erat, designatur, nam Ioseph hebraice *excedens* sive *excessus* interpretatur. Si enim Deus cum magnitudine terrae comparetur, excedit; cum magnitudine maris, excedit; cum magnitudine coeli, excedit; cum magnitudine

1) Lc 1, 26-27.

2) Tim 3, 16.

3) Lc 1, 32, 35.

4) Ibid. 1, 37.

paradisi, excedit; cum magnitudine hominum et Angelorum, excedit; cum magnitudine totius universi, excedit in infinitum: *Quoniam tu Dominus altissimus super omnem terram, nimis exaltatus es super omnes deos.*⁵

III. Loquitur de magnitudine Christi: *Ecce concipies in utero, et paries filium, et vocabis nomen... Iesum. Hic erit magnus, et Filius Altissimi vocabitur, et dabit illi Dominus Deus sedem David, patris eius, et regnabit in domo Iacob in aeternum, et regni... non erit finis; itemque: Quod... nascetur ex te Sanctum, vocabitur Filius Dei.*⁶ Magnus quia Filius Dei, magnus quia Rex, sed aeternus summique valoris, quem Isaias appellavit Principem pacis, *ad multiplicandum imperium, et pacis non erit finis;* cum dixisset prius quod *factus est principatus super humerum eius,*⁷ idest, natus est princeps, nascetur rex, imperator, sed augebit imperium suamque dominationem. Parva enim tunc erat Ecclesia, quae intra fines Iudeae tantummodo angusto continebatur loco; per Christum autem regnum et imperium hoc longe lateque universum per orbem miraculo propagatum est. Sic ait: *Princeps pacis, ad multiplicandum imperium, et pacis non erit finis... super solium David... et super regnum eius.*⁸

Ostenditur mag-
gultudo fructus.

IV. Ostendit etiam Angelus magnitudinem Mariae: *Ave, gratia plena, Dominus tecum, benedicta tu inter mulieres,⁹ quia concipies in utero et paries filium, et vocabis nomen eius Iesum.* O mulierem vere magnam! *Beatam me dicent omnes generationes. Quia fecit mihi magna qui potens est, et sanctum nomen eius.*¹⁰ Magna ostenditur ex generatione, quia ex stirpe regia David; magna ex honestate, quia virgo; magna ex virtute, quia gratia plena. Ipsum nomen Maria ostendit magnitudinem ipsius: *Nomen Virginis Maria;* quae quidem hebraice *myrrhae*, sive *odoris mare* interpretatur¹¹ ex phrasi qua Ieremias dixit: *Magna est velut mare contritio tua;*¹² et qua magnum illud vas aquarum in templo appellatum fuit mare a Salomone.¹³ Maria igitur mare est, sed myrrhae incorruptionis, sed odoris virtutis et sanctitatis angelicae, divinae. Sic per mare designatur magnitudo Mariae: *Omnia flumina intrant in mare, et mare non redundat,*¹⁴

Ostenditur ma-
gultudo sponsae
a generatione,
honestate,
virtute,
nomine et dote.
Stirps, honestas
virtus et nomen
Delparae.

5) Ps 96, 9.

6) Lc 1, 31-33. 35.

7) 9, 6-7. *Ad multiplicandum imperium, ex hebr.*

7a) Lc 1, 28.

8) Ibid. 1, 49.

9) Ex verb. hebraicis: *Môr, myrrha et yâm, mare.*

10) Thren 2, 13.

10a) 2 Par 4, 2, in quibus locis in tex. hebr. est: *yâm.*

11) Eccle 1, 7.

sic omnis gratia in Maria, et ipsa humillima: *Ecce ancilla Domini, fiat mihi secundum verbum tuum.*¹² Imo Maria mundus quidam magnus est, maior mundo hoc magno; hinc forte *halmah* dicitur quasi *mundus* « quia quem coeli capere non poterant tuo gremio contulisti ».¹³ Templum Spiritus Sancti hodie ostenditur: *Spiritus Sanctus superveniet in te, et virtus Altissimi obumbrabit tibi*. Quis autem nescit quod Spiritus Sanctus verus est Deus?

De parae dos.

Dum tractantur sponsalia agitur de dote; magna nanque requiritur dos, ut sponsa magno principi desponsetur. Assuerus sine dote accepit Esther;¹⁴ Iacob etiam sine dote accepit Rachelem, imo ipse potius eam quodammodo emit sibi in uxorem;¹⁵ Abraham mittens Eliezer, procuratorem domus suae, ad quaerendam uxorem filio suo in Mesopotamiam, nolebat eam sine dote esse, sed ipse eam ditissime dotabat; hinc dicitur quod omnia bona domini sui erant in manu Eliezer.¹⁶ O magnam dotem! Omnia bona sua obtulit Abraham in dotem sponsae unici filii sui. Sic hodie, dum Gabriel ait: *Spiritus Sanctus superveniet..., et virtus Altissimi obumbrabit tibi*, Spiritus Sanctus cum omni plenitudine gratiarum atque donorum datur Mariae in dotem, ut digna esset Sponsa Altissimi Dei omnipotentis. Poetis luna dicta est sponsa solis, sed ipse eam dotavit.

Gratiarum plenitudo in Maria.

Ave, gratia plena. De Rebecca, cum accepta fuit in uxorem magni patriarchae Isaac, nihil aliud legimus nisi quod *virgo erat pulcherrima et incognita viro*;¹⁷ dotem nanque Abraham ipse dedit. Sic hodie de hac Sponsa Dei, ipsa divinitus dotatur atque ornatur: *Spiritus Sanctus superveniet in te*; hoc tantum legimus. Quod etiam de Esther, cum ab Assuero accepta in uxorem fuit, quod erat virgo pulcherrima;¹⁸ sic: *Missus est Angelus Gabriel... ad Virginem*, sed pulcherrimam: *Ave, gratia plena... invenisti gratiam apud Deum.* Deus ipse, inquit, amore captus est gratiae et pulcritudinis tuae; gratia nanque pulcritudo et ornamentum est animae in oculis Dei: *Ave, gratia plena.* Sed pulcritudo vera in oculis Dei in virtute et sanctitate consistit: *Fallax gratia et vana est pulcritudo, mulier timens Dominum, ipsa laudabitur*;¹⁹ *Ave, gratia plena..., benedicta tu in mulieribus*; plena gratia inter omnes sanctas animas sicut sol inter omnes stellas coeli, imo gratia plena super omnes Angelos. Sicut enim Maria sedens nunc ad

12) Lc 1, 38. 13) *Brev. Rom.* Com. Fest. B. M. V. 1 Resp. ad Mat. 14) Cf. Est 2, 15-18.

15) Cf. Gn 29, 15-20.

16) Cf. Gn 24, 10.

17) Gn 24, 16.

18) Cf. Est 2, 7.

19) Prv 31, 30.

dexteram Unigeniti Filii sui exaltata est super omnes Angelorum choros; sic gratia et sanctitate omnes excelluit, nam gratiae in via respondet gloria in patria. Quod si gratia pulcritudo est animi, qualis fuit pulcritudo Mariae, quae omnem Angelorum pulcritudinem superavit? *Invenisti gratiam apud Dominum, sicut Esther apud Assuerum super omnes pulcas mulieres totius imperii sui: Tota pulcra es, amica mea, et macula non est in te. Quam pulcra es et quam decora, carissima! Facies tua decora. Pulcherrima inter mulieres.*²⁰ Multis modis describitur in *Cantico Canticorum* pulcritudo Mariae super omnem pulcritudinem sanctorum animarum. Sic ait: *Ave, gratia plena..., benedicta inter mulieres, supra omnes mulieres, supra Evam, Saram, Rebeccam, Rachelem, Liam, Mariam sororem Moysi, omnesque alias quas Scriptura commendat.*

Ave, gratia plena. Gratia includit omnes virtutes, omnia bona Spiritus Sancti, excludit omne vitium, sicut perfecta lux omnes tenebras; sic *gratia plena*, numeris omnibus absoluta, virtutibus omnibus ornata. Sponsa hodie proponitur: *Ad Virginem despensatam viro, cui nomen erat Ioseph,* imo sponsa despensata Deo. Si Assuerus copiosissime dedit Esther quaecumque ad ornatum pertinebant, ut ornari posset quemadmodum decebat reginam tanti regis, unicam et dilectissimam sponsam; quid existimandum est fecisse Deum cum Virgine Beatissima? Si tanta gratiae plenitudine donavit Ieremiam, ut dignus esset propheta Christi, Ioannem Baptistam, ut dignus esset praecursor Christi, Apostolos omnes, ut digni essent ministri Christi; quid existimandum est egisse in Virgine, ut digna esset Sponsa Dei, digna Mater Christi?

Ave, gratia plena, Dominus tecum. Angelus, imo Archangelus Gabriel, princeps paradisi, haec dicens, miratur et stupet talēm tantamque gratiae in Virgine plenitudinem, talem tantamque pulcritudinem spiritus. *Gratia plena, Dominus tecum.* Tecum Dominus magis quam nobiscum, te magis diligit quam nos: *Diligit Dominus portas Sion super omnia tabernacula Iacob,*²¹ hoc est, civitatem Sion et Ierusalem magis dilexit Deus quam omnes alias civitates terrae promissionis ac mundi totius, quoniam in ea habitare voluit, eam ad inhabitandum elegit. Maria autem in *Canticis pulcra* dicitur et *decora sicut Ierusalem.*²² Templum aedificari sibi voluit [Deus] in Ierusalem, in monte Moria.²³ Quis non videt hic Mariam, in

Omnis virtutes
et Sp. S. dona
in Virgine.

Angelus stupet
alitudinem
Delparae.

20) Ct 4, 7; 7, 6; 2, 14; 1, 7.

21) Ps 86, 2.

22) 6, 3.

23) Cf. 2 Par 3, 1.

cuius utero aedificatum est augustissimum Divinitatis templum? Hoc autem dixit de templo corporis sui.²⁴ Erit... praeparatus mons domus Domini in vertice montium.²⁵ Fundamenta eius in montibus sanctis.²⁶ O divinam altitudinem dignitatis Mariae super omnem electam creaturam!

Simile.

Invenisti gratiam apud Dominum. Diligit Dominus portas Sion super omnia tabernacula Iacob, quoniam: *Gloriosa dicta sunt de te, civitas Dei.*²⁷ Obiectum amoris est bonitas et pulcritudo; quod pulcrius est, magis placet oculis, suavior harmonia aures magis delectat, sapor delicatior gustum magis afficit. *Ave, gratia plena, Dominus tecum.* Si crystallino vase clarissimo Deus solem circumdaret, sicut coelestis substantia circa solem purissima et clarissima est instar crystalli, vas illud plenum esset luce, sed omni luce solari; sic ait: *Gratia plena, Dominus tecum. Vere Dominus est in loco isto... hic... domus Dei est*²⁸ in qua inhabitavit hodie omnis plenitudo Divinitatis corporaliter.²⁹ Statim ut erectum fuit tabernaculum Domini, sicut in *Exodo* legimus *capite ultimo*, impletum fuit gloria Domini;³⁰ cum etiam templum Salomonis dedicatum Deo fuit, statim descendit maiestas Domini, totumque implevit.³¹ Maria autem verum tabernaculum Domini est verumque Dei templum, ideo *gratia plena, Dominus tecum.* Ipsa vero est novum vas sale plenum ad sanandas aquas Iericho;³² vas plenum manna repositum in sanctuario Domini;³³ luna plena lumine: *Pulcra ut luna, electa ut sol;*³⁴ vellus Gedeonis plenum rore;³⁵ anima Salomonis divinitus plena coelesti sapientia,³⁶ nam Christus Dei virtus est Deique sapientia.³⁷

Causa tantae
altitudinis:
Mater Del.

Ave, gratia plena, Dominus tecum. A fine sumitur ratio eorum quae sunt ad finem; sic vult Angelus ut ab hoc fine: *Dominus tecum*, intelligamus gratiae plenitudinem, sicut a fine sumitur ratio aedificiorum, civitatum, turrium, arcium, palatiorum, templorum. Ioannes in *Apocalypsi* ostendit nobis plenitudinem huius gratiae, dicens: *Signum magnum apparuit in celo, mulier amicta sole, et luna sub pedibus eius, et in capite eius corona stellarum duodecim; et in utero habebat:*³⁸ ecce finis. Sed quidnam habebat in utero? *Peperit filium masculum, qui recturus erat omnes gentes in virga ferrea; et raptus est filius eius ad Deum et ad thro-*

24) Io 2, 21. 25) Is 2, 2. 26) Ps 86, 1. 27) Ps 86, 3. 28) Gn 28, 16-17.

29) Cf. Col 2, 9. 30) Cf. vr. 32. 31) Cf. 2 Par 7, 1-3. 32) Cf. 4 Rg 2, 19-22.

33) Cf. Ex 16, 32-34. 34) Ct 6, 9. 35) Cf. Idc 6, 37-38. 36) Cf. 2 Par 1, 12.

37) Cf. 1 Cor 1, 24. 38) 12, 1-2. Vulg. loc.: *Et in utero habebat, habet: Et in utero habens.*

num eius.^{38a} Hanc ob causam talibus tantisque splendoribus ornata, tali tantaque luce plena apparuit, quoniam talem tantumque filium *in utero habebat*. Sic apparuit Maria in mundo archetypo divinae praedestinationis; sic in mundo hoc omni nobilitatis genere ornata; sic in mundo ter sancto Ecclesiae; sic in mundo ter quaterque beato paradisi: *Mulier amicta sole, et luna sub pedibus eius, et in capite eius corona stellarum duodecim, tanquam digna Mater Dei, quoniam in utero habebat*. Sic *gratia plena, Dominus tecum*, sicut cum sol in nostro est hemisphaerio, luce totum replet; *Dominus tecum*, sicut in rubo qui ardebat et non comburebatur:³⁹ mater et virgo. *Ave, gratia plena*. Dicere videtur Angelus quod Virgo sit imago naturalis, viva, perfecta divinae sanctitatis et bonitatis, nam *Deus lux est, et tenebrae in eo non sunt ulla*e;⁴⁰ sic: *Gratia plena: Macula non est in te.*⁴¹

38a) Ibid. 12, 5.

39) Cf. Ex 3, 1-6.

40) 1 Io 1, 5.

41) Ct 4, 7.

SERMO UNDECIMUS

DE INSIGNIBUS DEIPARAE DOTIBUS PRAESERTIM QUA VIRGINIS

*Ingressus Angelus ad eam dixit: Ave, gratia plena,
Dominus tecum, benedicta tu in mulieribus, etc.*¹

Archangeli
Iegatio exordium
reparationis
nostrae.

I. Proponitur nobis in hodierno Evangelio principium ac veluti exordium reparationis et salutis nostrae, quod admussum respondet principio ruinæ nostræ. A muliere per angelum malum, initium ruinæ, et forte a diabolo ex inferno missus fuit pessimus daemon ad procurandam ruinam et perditionem nostram; a muliere sapientissima et sanctissima, initium salutis nostræ, sed per Angelum bonum missum a Deo e coelesti paradiſo. Malus ille angelus venit in forma serpentis, quia venit ad nocendum; bonus iste Angelus venit in forma hominis, quia venit ad salutem hominis procurandam.

Magna Iegatio.

Missus est Angelus Gabriel a Deo... ad Virginem. O magnam legationem! In ea reperitur et cernitur omnis natura intellectu praedita: Deus, Angelus, homo: *Manifeste magnum est pietatis sacramentum, quod manifestatum est in carne, vivificatum est in spiritu.*² Magnum mysterium, quia Deus, de quo legimus: *Magnus Dominus et laudabilis nimis,*³ mittit Angelum, sed magnum, Gabrielem, principem Angelorum, magnum sanctissimæ Trinitatis secretarium, qui Danieli secreta divini consilii reve-

1) Lc 1, 28.

2) 1 Tim 3, 16. Vulg, loc.: *Vivificatum, habet: Justificatum.*

3) Ps 47, 2.

lavit,⁴ mittit ad Virginem, sed magnam: *Ave, gratia plena, Dominus tecum, benedicta tu in mulieribus.*

II. Multas magnas mulieres multis ex causis laudatas legimus in Sacris Litteris: aliquas ob pulcritudinem et gratiam, ut Sara,⁵ Rebecca,⁶ Rachel,⁷ Betsabee,⁸ Esther;⁹ alias ob prudentiam et sapientiam, ut Abigail, quae iram placavit Davidis,¹⁰ mulier Thecuitis, quae Absalom ab exilio revocavit,¹¹ sapiens mulier in civitate Abela, quae Sebam interficiendum curavit ob salutem civitatis;¹² aliae ob animi fortitudinem, ut Iahel¹³ et Judith;¹⁴ aliae ob vitae sanctitatem et spiritum prophetiae, ut Debora prophetis,¹⁵ Anna, mater Samuelis,¹⁶ Olda prophetis, 4 Reg. 22¹⁷ et 2 Paral. 34.¹⁸ Sed haec mulier est omnibus numeris absoluta: *Gratia plena, absque ullo vitio mentis et corporis; benedicta tu in mulieribus,* Virgo purissima, qualis manu Domini formata fuit Eva in paradyso, sed nunquam a serpente decepta.

Mulieres in
Scriptura cele-
bratae, sed non
ut Maria, virgo
omnibus numeris
absoluta.

III. Ante Mariam nulla legitur in Sacris Litteris virgo, nisi filia Iephthe, sed virgo tantum corpore, non mente; hinc multis diebus luxit virginitatem suam.¹⁹ Sola Maria virgo integerima mente et corpore, porta clausa apud Ezechielem: *Porta haec clausa erit, et non aperietur... quoniam Dominus Deus ingressus est per eam; eritque clausa.*²⁰ *Hortus conclusus, fons signatus;*²¹ sed bis dicitur *hortus conclusus*, ad designandam virginitatem carnis et spiritus. Hinc hebraice dicitur, *hahalmah, abscondita, occulta, minime revelata:* *Ecce Virgo concipiet et pariet filium;* sive, ut ex hebraico interpretari possumus: *Ecce Virgo concipiens et pariens filium.* O magnum miraculum! Virgo concipit, virgo parit: *Dabit Dominus ipse vobis signum, idest, miraculum.*²² *Novum creavit Dominus super terram, femina circumdabit virum.*²³ O vere magnam, imo ter maximam mulierem!

Maria, virgo
integerima cor-
pore et spiritu.

4) Cf. Dn 9, 20 sqq. 5) Cf. Gn 12, 10.

6) Ibid. 24, 16.

7) Ibid. 29, 17.

8) Cf. 2 Rg 11, 2.

9) Cf. Est 2, 7.

10) Cf. 1 Rg 25, 23 sqq.

11) Cf. 3 Rg 14, 1-22.

12) Cf. 2 Rg 20, 16-22. 13) Cf. Idc 4, 17-22.

14) Cf. Jdt 13, 1-12.

15) Cf. Idc 4, 1 sqq.

16) Cf. 1 Rg 2, 1 sqq. 17) Cf. vrr. 14-20.

18) Cf. vrr. 22-28.

19) Cf. Idc 11, 32-40.

20) 44, 2. 21) Ct 4, 12.

22) Is 7, 14.

23) Jer 31, 22.

Maria, virgo sine
maledictione,

IV. *Gratia plena..., benedicta tu in mulieribus*, absque ulla penitus maledictione. In Divinis Litteris tum sterilis,²⁴ tum fecunda²⁵ in conceptu et in partu, maledicto erat obnoxia. Haec autem non potest esse maledicta ut sterilis, quia filium peperit, nec ut fecunda in conceptu vel partu, quia virgo est: sine peccato concepit, et sine dolore peperit.

omni laude
donata,

Benedicta tu in mulieribus. Tu sola benedicta, tu sola omni laude digna: laude pulcritudinis, quia: *Invenisti gratiam apud Dominum;*²⁶ laude prudentiae: *Quomodo fiet istud quoniam virum non cognosco?* laude sapientiae: *Cogitabat qualis esset ista salutatio;*²⁷ laude fidei: *Beata quae credidisti, quoniam perficiuntur in te, quae dicta sunt tibi a Domino;*²⁸ laude humilitatis: *Ecce ancilla Domini, fiat mihi secundum verbum tuum; Respxit humilitatem ancillae suae;*²⁹ laude perfectae sanctitatis: *Ave, gratia plena..., benedicta tu in mulieribus.*

ab omnibus

Benedicta tu in mulieribus. Benedicta a Deo, benedicta ab Angelis, benedicta ab hominibus: *Beatam me dicent omnes generationes.*³⁰ Benedicta et supra modum laudata in Sacris Litteris a Spiritu Sancto: *Multae filiae congregaverunt divitias, tu supergressa es universas. Fallax gratia et vana est pulcritudo, mulier timens Dominum, ipsa laudabitur.*³¹ *Sexaginta sunt reginae..., sed una est columba mea.... Viderunt eam filiae et beatam dixerunt, reginae et concubinae... laudaverunt eam, dicentes: Quae est ista quae progreditur quasi aurora consurgens, pulcra ut luna, etc.*³² *Filiae regum in honore tuo; astitit regina a dextris tuis in vestitu deaurato circumdata varietate. Audi, filia, et vide, et inclina aurem tuam, et obliviscere populum tuum et domum patris tui; et concupisces rex decorum tuum, quoniam ipse est Dominus Deus tuus, et adorabis eum. Omnis gloria eius filiae regis ab intus in fimbriis aureis circumamicta varietate. Adducentur regi virginis post eam,*³³ *sicut innumerae virginis Assuero, sed omnes post Esther, quoniam ipsa prae omnibus placuit regi.*³⁴

et quoad omnia.

Admiratur Regius Vates dignitatem, ornatum, pulcritudinem et decorem Virginis divinissimae: dignitatem, quoniam filiam regis et reginam eam appellat, cui multae regum filiae veniunt, eamque sequuntur; ornatum: *In vestitu deaurato, circumdata varietate..., in fimbriis*

24) Cf. Lc 1, 25; Is 4, 1.

25) Cf. Gn 3, 16.

26) Lc 1, 30.

27) Ibid. 1, 29.

28) Ibid. 1, 45.

29) Ibid. 1, 38, 48.

30) Ibid. 1, 48.

31) Prv 31, 29-30.

32) Cf 6,7-9. Vulg. loc.: *Beatam dixerunt, habet: Beatissimam praedicaverunt.* 33) Ps 44, 10-15. Vulg. loc.: *Adorabis (hebr.), et: Varletate, habet: Adorabunt et: Varletatibus.* 34) Cf. Est 2, 17.

aureis circumamictha varietate; pulcritudinem: Concipiſet rex decorum tuum. Invenisti gratiam apud Dominum. Hinc hortatur eam ut divino paranympno fidem adhibeat, Deoque praebeat assensum, oblitera populi sui ac domus patris sui, quoniam divinum hoc matrimonium consummandum erat sine virginitatis detimento, sed Spiritus Sancti opera, sicut Angelus ait: *Spiritus Sanctus superveniet in te, et virtus Altissimi obumbrabit tibi.* Ideo... quod nascetur ex te Sanctum, vocabitur Filius Dei.³⁵ Obliviscere ergo populi tui et domus patris tui; ne dicas: *Quomodo fiet istud, quoniam virum non cognosco?*³⁶ Erit enim generatio haec supernaturalis et divina.

V. Mirabile mysterium celebratur hodie: contractus matrimonii inter Deum et Mariam Virginem per internuncium ac paranympnum Archangelum Gabrielem. Iacob patriarcha captus fuit amore Rachelis, eamque petiit in uxorem.³⁷ Hodie autem Deus amore captus est Virginis: *Concupiſet rex decorum tuum. Invenisti gratiam apud Dominum, quia gratia plena.* Sicut Esther invenit gratiam in oculis regis Assueri, ita tu in oculis Domini: *Ave, gratia plena.* Nec tantum contraxit hodie Deus matrimonium cum Maria, sed etiam consummavit, et Spiritus Sancti opera fecundam reddidit, hodieque Christus, Unigenitus Filius Dei in utero Virginis conceptus est, Deus verus humanatus, et homo vere deificatus, Deus humilis et homo sublimis, super omnes Angelos factus.

In hodierno Evangelio de Virgine Sanctissima quatuor demonstrantur: magnus erga ipsam Dei amor, magnus honor, magnus favor et magna laus. Magnus amor qualis fuit Iacobi erga Rachelem, Assueri erga Estheram; Deus enim Virginis huius captus amore, eam hodie requirit in sponsam, paranympno usus et pronubo Gabriele. Magnus honor, quia honestissimam ad ipsam legationem mittit de coelo, maximum summumque Angelorum, Gabrialem Archangelum. Magnus favor, quia divinitus erecta est hodie Maria ad summum altissimumque dignitatis gradum, effecta Mater Dei. Tandem magna laus: *Ave, gratia plena. Dominus tecum, benedicta tu in mulieribus.*

Maria, virgo a
Deo concupita.

Dei amor, honor,
favor, laus erga
Virginem.

35) Lc 1, 35.

36) Ibid. 1, 34.

37) Cf. Gn 29, 17-20.

SERMO DUODECIMUS

DE INSIGNIBUS DEIPARAE DOTIBUS PRAESERTIM QUA SPONSAE

Missus est Angelus Gabriel a Deo.

Cum laetitia
celebrandum
festum
annunciationis,
quia causa
salutis aeternae.

I. Sicut missus fuit Eliezer a patriarcha Abrahamo, ut tanquam paranyphus tractaret coniugium inter Isaac filium dilectissimum et Rebeccam virginem pulcherrimam, sic enim de ea legitur, quod *virgo erat pulcherrima et incognita viro*; ² ita plane hodie. Magnum festum celebramus hodie, omni exultatione dignissimum, ita ut possimus dicere: *Haec dies quam fecit Dominus, exultemus et laetemur in ea.* ³ Sicut infastissimus et funestissimus fuit ^{3a} humano generi dies ille quo daemon a principe daemonum missus ad Evam primam mulierem, omnium matrem, et cum ea colloquia miscens, eam seduxit et persuasit ut contra Dei iussa lignum vetitum adiret, et de fructibus eius aspectu pulcherrimis gustaret, ⁴ quae causa perditionis humano generi fuit; ita faustissimus et felicissimus censendus hic dies est quo Gabriel Angelus missus a Deo, Angelorum Rege, ad Virginem Sanctissimam, suasit ei ut lignum vitae acceptaret; causa enim fuit salutis aeternae universo mundo. Sic communibus votis celebrandum hoc festum est, in quo pro salute omnium celebratum est divinae Incarnationis sacramentum.

Hoc est festum
Del Patris,
Christi et
Mariae.

II. Singulariter tamen hodiernum hoc festum Dei Patris est, quia factus est sponsus; Christi est, quia conceptus est opera Spiritus Sancti; Mariae

1) Lc 1, 26. 2) Cf. Gn 24, 1 sqq. 3) Ps 117, 24. 3a) Ms.: *Fut.* 4) Cf. Gn 3, 1 sqq.

Virginis est, quia facta est sponsa et mater, Sponsa Dei et Mater Christi; hinc Evangelium hoc plenum laudibus Dei, laudibus Christi, laudibus Mariae. Laudibus Dei, quod sit Dominus Angelorum: *Missus est Gabriel Angelus a Deo*; quod sit Dominus absolutus rerum omnium: *Dominus tecum*; quod sit altissimae dignitatis: *Hic erit magnus et filius Altissimi vocabitur..., virtus Altissimi obumbrabit tibi*; quod sit Dator regnum: *Dabit illi Dominus Deus sedem David, patris eius, et regnabit in domo Iacob in aeternum*; quod sit infinitae virtutis: *Non erit impossibile apud Deum omne verbum.*⁵

III. Sed singulariter agitur de laudibus Virginis, quae in sponsam requiritur. Assignantur autem Sponsi qualitates, ut inde dignoscatur ad quem honoris et dignitatis gradum sublimata sit Virgo. Sponsae igitur hic multae assignantur qualitates: nomen ipsius: *Nomen Virginis Maria*,⁶ familia, generis nobilitas, quia de domo David erat sicut et Ioseph, cui despontata erat; patria: *Missus... in civitatem Galilaeae, cui nomen Nazareth*.

Singulariter autem tria sunt, quae vel maxime desiderantur in sponsa: honoris integritas, pulcritudo et magna dos. Omnia hic reperiuntur: *Missus est Angelus... ad Virginem. Ecce Virgo concipiet et pariet filium.*⁷ Virgo ascondita, omnino incognita viro; virgo non solum aetate, verum etiam integritate; virgo *sancta corpore et spiritu*;⁸ virgo quae hebraice dicitur *hahalmah*, unde *holam mundus*; nam ipsa alter est mundus, non quidem parvus, sed mundus capiens Mundum ter maximum: «Quem coeli coelorum capere non poterant, tuo gremio contulisti». ⁹ Quod autem spectat ad pulcritudinem et dotem, ait: *Ave, gratia plena, Dominus tecum, benedicta tu in mulieribus. Gratia plena... invenisti gratiam apud Deum,*¹⁰ Deo summopere placuisti, Deo nil pulcrius visum est in coelo et in terra. *Gratia plena, Dominus tecum*, Deus gratia et pulcritudine tua captus est. Sicut magnes ferrum trahit, ita gratia et pulcritudo tua Deum traxit ad te de paradiso. Sicut Iacob captus fuit amore Rachelis,¹¹ David Bethsabee,¹² Assuerus Esther,¹³ Adam Evae,¹⁴ ita Deus tui amore captus est.

Gratia plena, graece *checharitomeni*, *gratiosa*. Athanasius *De Sanctissima Deipara*, ait quod «Spiritus Sanctus descendit in Virginem cum

De qualitatibus
Sponsae, pree-
sertim de gratiae
plenitudine.

5) Lc 1, 28, 32, 35, 37. 6) Ibid. 1, 27. 7) Is 7, 14. 8) 1 Cor 7, 34.
9) *Brev. Rom. Com. Fest. B. M. V. I Resp. ad Mat.* 10) Lc 1, 30. 11) Cf. Gn 29, 15 sqq.
12) Cf. 2 Rg 11, 2 sqq. 13) Cf. Est 2, 16 sqq. 14) Cf. Gn 2, 21.

Sententia Divi
Athanasii.

omnibus virtutibus suis essentialibus, imbuens Virginem gratia, ut in omnibus gratiosa esset; et idcirco *gratia plena cognominata* est, eo quod adimpletione Spiritus Sancti omnibus gratiis abundaret, et per omnia tempora ».¹⁵ Spiritus itaque Sanctus Virginem Sanctissimam amavit, ditavit atque dotavit omni plenitudine gratiarum, ut digna esset Sponsa Dei. Sic ornatam atque ditatam legimus in *Apocalypsi: Signum magnum apparuit in coelo, mulier amicta sole,*¹⁶ hoc est, *gratia plena; Pulcra ut luna, electa ut sol,*¹⁷ gratia ipsius lux solaris est infinitis pene gradibus excedens aliorum siderum lumina. Sic: *Benedicta tu in mulieribus*, idest, super omnes mulieres divinis gratiis ditata: *Multae filiae congregaverunt divitias, tu supergressa es universas. Fallax gratia, etc.*¹⁸

Ut digna esset Sponsa Dei omnipotentis, Regis infinitae maiestatis, magna et inaestimabili dote opus erat. Spiritus autem Sanctus, cum eam dotandam suscepit, infinitis coelestium gratiarum thesauris eam dotavit, sicut Abraham omnibus bonis suis Rebeccam dotavit,¹⁹ ut digna esset sponsa Isaac, quem maxime diligebat. Hinc sole, luna et stellis ornatam eam legimus, omnibus plane coelestibus divitiis ditatam.

15) Orat. *In Annunc. Deip.* n. 9. (P. G. 28, 339). Ad sensum. Spuria.
17) Ct 6, 9. 18) Prv 31, 29. 19) Cf. Gn 24, 53.

16) Apc 12, 1.

SERMO DECIMUS TERTIUS

DE INSIGNIBUS DEIPARAE DOTIBUS QUA VIRGINIS SPONSAE ET MATRIS

*Missus est Angelus Gabriel a Deo, etc.*¹

I. Cum multa sint hodierni Evangelii, nec possimus omnia prosequi, attingemus nonnulla, praecipue vero quae ad Virginem Deiparam spectant; de qua tria ostenduntur: primum, quod virgo sit: *Missus est Angelus Gabriel a Deo ... ad Virginem;* secundum, quod sponsa: *Desponsatam viro;* hodie vero facta est et legitima sponsa Dei; tertium, quod matér Unigeniti Filii Dei: *Quod ex te nascetur Sanctum, vocabitur Filius Dei.*²

In Evangelio
Annunciationis
Deipara osten-
ditur virgo,
sponsa, mater.

II. Primum, inquam, virgo proponitur, qualis a Deo prima mulier condita fuit, mente et corpore. Sed virginem hanc hodie non daemon alloquitur ad seducendam eam in perniciem et ruinam totius humani generis, sed coelestis Angelus pro reparatione et salute mundi totius. Virgo in oculis mundi pauper et humilis, sed in oculis Dei dives et sublimis. Virgo in primis ostenditur natura et virtute, corpore et spiritu, qualem ante ipsam nullam legimus in Scripturis, sed tantum de Maria sorore Moysi opinio est.³ Virgo spiritu et animo, quoniam in matrimonio virginitatem servabat. Mirabilis plane virginitas! Hinc ait ipsa ad Angelum: *Quomodo fiet istud, quoniam virum non cognosco?*⁴ Hoc est: Non possum cognoscere virum, veluti si abstemius dicat: Non bibo vinum.

Deipara proponi-
tur virgo puris-
simæ corpore
et spiritu.

1) Lc 1, 26. 2) Ibid. 1, 35. 3) Cf. Joseph Perin in *Onomastico sub Mariae verbo.* 4) Lc 1, 34.

*Impotentia ex
natura, ex praec-
cepto, ex
voluntate.*

Simile.

*Calvini
blasphemia.*

*Sententia
Patrum.*

*Impietas
Centuriatorum
et Calvini.*

Nec loquitur de naturali impotentia, qualis est in puellis in praematura aetate ante pubertatem, sed de morali, qua dicimus non posse facere quod non licet; nam quod spectat ad naturalem potentiam, iam erat nubilis, imo iam nupta, iam desponsata viro. Nec loquitur de morali impotentia ex praecampo legis, secundum quam dicitur quod Iudeus non poterat adorare idola,⁵ ducere uxorem gentilem,⁶ manducare carnes porcinas⁷ et alia id genus, nam in lege nullum reperitur servanda virginitatis praecemptum; sed impotentia haec voto. Sicut Nazaraeus, emisso voto, non poterat bibere vinum,⁸ sicut nunc Cartusianus dicit non posse comedere^{8a} carnes,⁹ Franciscanus non posse percipere et contrectare pecuniam,¹⁰ quod monachus non potest ducere uxorem, utique propter sollempne castitatis votum; ita Virgo ait se non posse cognoscere virum. Sic manifeste ostendit se virginem esse sanctam corpore et spiritu.

Calvinus ait « Virginem nupsisse more aliarum puellarum, alioquin lusisset maritum, et sanctum matrimonii foedus, non sine Dei ludibrio, sprevisset, fuisseque magna perfidia reprehensione digna ».¹¹ Magnus zelator sancti coniugii Calvinus, sed ut sacrum coelibatum evertat, ut virginitatis cultum radicibus evellat. Sed, si nuperat more aliarum puellarum ut viri frueretur amplexibus et mater fieret, quid est quod nuncianti Angelo quod conceptura ac paritura filium erat, respondit: *Quomodo fiet istud quoniam virum non cognosco?*¹² Quomodo miratur, audiens se concepturam et paritram? Quomodo respondet Angelus ipsam absque virginitatis iactura concepturam paritramque: *Spiritus Sanctus superveniet in te, et virtus Altissimi obumbrabit tibi; quod enim ex te nascetur, sive ut graece est, generabitur sanctum, idest, summa cum puritate, vocabitur Filius Dei?*^{12a}

Sic Sancti Patres uno ore affirmant Virginem Deiparam virginitatis votum emisisse, suamque perpetuam virginitatem Deo consecrasse; ita Anselmus,¹³ ita Bernardus,¹⁴ ita Augustinus, *De Sancta Virginitate*,¹⁵ ita Gregorius Nazianzenus,¹⁶ ita omnes theologi. Sed Centuriatores dicunt ineptire Augustinum, dum asserit votum virginitatis in

5) Dt 6, 14 et alibi. 6) Cf. Dt 7, 3; 1 Esr 9, 12 et alibi. 7) Cf. Nm 11, 7. 8) Cf. Nm 6, 3.
 8a) Ms.: *Comede.* 9) Cf. Dionys. Cartus. Tom. 38, pag. 415, lit. A. 10) Cf. Regul. Franc. cpp. 4 et 6. 11) *Harmon. Evang.* Lc 1, 34, vol. 6. 12) Lc 1, 34. 12a) Ibid. 1, 35.
 13) *De Humanitate Christi*, circa principium. (P. L. 158, 217). 14) *Homil. 4. super Missus est* n. 3. (P. L. 183, 750). 15) Cp. 4. (P. L. 40, 398). 16) *Orat. In Theophania*, n. 13. (P. G. 36, 671) et alibi, in quibus tamen locis nisi implicite de voto loquitur.

Deipara;¹⁷ cum tamen ipsi impie et perquam ineruditate Deiparam summa iniuria virginitate privent, sicut et gratiae plenitudine et innocentiae puritate. Nam cum alibi Calvinus, tum etiam hic docet peccasse Virginem, dum ait: *Quomodo fiet istud?* Sicut peccavit Zacharias, cum ait: *Unde hoc sciām?*¹⁸

Et tamen cum ille ab Angelo manifeste coargutus sit incredulitatis, imo etiam punitus privatione loquela,¹⁹ Virgo adeo non fuit ab Angelo correpta, quin etiam paulo post a Spiritu Sancto per Elisabetham laudata: *Beata quae credidisti, quoniam perficientur in te quae,* etc.²⁰ Quomodo ergo vera dicit Calvinus si, ut manifestum est, Spiritui veritatis contradicit? Ipse enim Virginem incredulitatis accusat, cum tamen Spiritus Sanctus fidem eius celebret et laudet. Primus ergo titulus Deiparae in hodierno Evangelio est titulus verae virginitatis.

Responsio.

III. Virgo proponitur sed singularis, virgo honestissima atque purissima, quae virginitatem veluti maternitati Dei praetulit, virgo a Deo honoratissima et laudatissima. Honoratissima, ut patet ex legatione: *Missus est Angelus Gabriel a Deo... ad Virginem.* Summus Princeps, *Rex regum* et *Dominus dominantium,*²¹ Deus, qui universae creaturae Dominus est absolutissimus, quemadmodum ipsa etiam Virgo agnovit hodie, cum ait: *Ecce ancilla Domini*²² et postea in suo Cantico: *Magnical anima mea Dominum,*²³ mittit ad eam legatum Angelum, non qualemcumque, sed summum Angelorum principem, Gabrielem; sic Virgo Deipara et nobilissima ostenditur et a Deo honoratissima. Itemque laudatissima: *Ave, gratia plena, Dominus tecum, benedicta tu in mulieribus.*²⁴ Ac tandem dilectissima: *Invenisti gratiam apud Dominum.*²⁵

Deipara proponitur
virgo singulariter
honore singularique
laude et amore
aucta.

Gratia plena, idest, Spiritu Sancto plena, virtutibus omnibus et donis ac charismatibus Sancti Spiritus plena, sicut Christus dicitur gratia plenus;²⁶ sed Christus ut sol, Maria ut luna, Christus ut fons, Maria ut fluvius a fonte, ceteri Sancti ut rivuli. Sic fluvius egrediebatur a fonte paradisi, et inde in plura capita dividebatur.²⁷

Dominus tecum, qui in mundo est omnia implens, qui in Ecclesia, qui in paradyso: in Ecclesia cum Sanctis, in paradyso cum Angelis; *tecum*

17) Cf. Lib. 2, cp. 10.

18) Cf. *Harmon. Evang.* Lc 1, 18, vol. 6.

19) Cf. Lc 1, 20.

20) Ibid. 1, 45.

21) 1 Tim 6, 15, et Apc 19, 16.

22) Lc 1, 38.

23) Ibid. 1, 46

24) Ibid. 1, 28.

25) Ibid. 1, 30. 26) Cf. Io 1, 14.

27) Cf. Gn 2, 10.

singulariter est, et esse vult, quoniam: *Benedicta tu inter mulieres*, idest, super omnes mulieres, sicut in *Canticis pulcherrima mulierum* appellatur, facta comparatione cum reginis, etc.,²⁸ dilecta a Deo, grataque es Deo super omnes creaturas. Sicut Christus dicitur *speciosus forma piae filii hominum*,²⁹ et tamen etiam Angelis pulchrior intelligitur: *In quem desiderant Angeli prospicere*;³⁰ ita Virgo, ad servandum sermonis et comparationis decorem, mulier cum mulieribus comparatur, mulier enim pulcherrima, sapientissima, honestissima mulierum dicitur, non virorum.

Simile.

Invenisti gratiam apud Deum, te maxime omnium diligit Deus; maximum erga Virginem Deus amorem ostendit. Veluti princeps dum pulcherrimam aliquam puellam adoptat in filiam, deinde tanquam dilectissimam filiam satagit principi honestissimo optimoque in matrimonium dare, ac tandem filium ipsius pro sua virili honorare et magnificare; sic hodie Maria, summi Dei filia, facta est Spiritus Sancti sponsa: *Spiritus Sanctus superveniet in te*, fungetur tecum viri officio, ipse vir tuus erit; et tandem filium parit, quem Deus^{30a} summopere magnificat: *Hic erit magnus*, etc.

Delparā propo-
nuntur sponsa et
mater, singulari
exaltatione, vir-
tute fortuante
admiranda.

IV. Hinc intelliguntur duo alii illustres tituli Virginis huius Sacratissimae, cum sponsa dicitur et mater. Sponsa cuius? Dei. Mater cuius? Dei. Vera Sponsa et vera Mater Dei. Videmus autem in Virgine hodie praeter summam dignitatem, qua maior in pura creatura reperiri non potest, praeterquam summam auctoritatem; summam etiam modestiam et humilitatem, nam nonnisi ancilla Dei se agnoscit, et confitetur: *Ecce ancilla Domini*, etc.

Laudes Dei.

Ingressus Angelus ad eam, dixit: Ave, gratia plena, Dominus tecum. Mittitur hodie a Deo ad Virginem legatus e coelo divinusque orator Gabriel, qui in sua oratione tres cum primis personas laudat: personam Virginis: *Ave, gratia plena*; personam Dei Patris: *Dominus tecum*. Quis est iste Dominus? Altissimus Deus: *Invenisti gratiam apud Deum... virtus Altissimi obumbrabit tibi*; Summus Imperator: *Rex regum et Dominus dominantium*; qui dat regna: *Dabit illi Dominus Deus sedem David patris sui, et regnabit in domo Iacob in aeternum, et regni eius non erit finis*;³¹ Deus verus, cui omnia possibilia sunt: *Non erit impossibile apud Deum omne verbum*;³² qui potest miracula operari, qui potest virginis, sicut et

28) Cf. 5, 17 et 6, 7 sqq.

29) Ps 44, 3.

30) 1 Petr 1, 12.

30a) Ms.: *Deum*.

31) Lc 1, 32.

32) Ibid. 1, 37.

sterili potuit, dare fecunditatem: *Ecce Elisabeth cognata tua et ipsa concepit filium in senectute sua;*³³ Deus qui totus sanctus est: *Spiritus Sanctus superveniet in te, et virtus Altissimi.* Laudatur etiam persona Filii: *Concipies... et paries Filium; Hic erit magnus, et Filius Altissimi vocabitur;* itemque: *Regnabit in domo Iacob in aeternum, et regni eius non erit finis.*

Laudes Christi.

Sed quidquid dicitur in laudem Dei et in laudem Christi, totum resultat in laudem Virginis, quoniam hodie facta est Sponsa tanti Dei, tanti Regis, et Mater naturalis et vera tanti Principis. Ostendit autem hodiernum mysterium quod Beatissima Virgo a Deo sit supra modum amata: «*Concupivit Rex speciem tuam*»;³⁴ honorata, quia misit ad eam honestissimam legationem: *Missus est Angelus Gabriel a Deo;* laudata: *Ave, gratia plena;* et tandem honore et dignitate summa exaltata, quia Dei Sponsa et Mater facta.

Laudes Virginis.

De virgine nubili in sponsalio duo praedicari solent: virtus et fortuna. Virtus quidem cum primis honestas, prudentia, modestia atque devoio pietasque; beatus praedicari potest vir ille cui talem contigit Dei dono accipere uxorem. De Virgine Beatissima haec omnia in hodierno Evangelio dicuntur: honestas: *Missus est Angelus... ad virginem;* Quomodo fiet istud, quoniam virum non cognosco? voverat Deo virginitatem suam, et pluris fecit virginitatem; prudentia, nam: *Cogitabat qualis esset ista salutatio;* et: *Quomodo fiet istud?* modestia: *Ecce ancilla Domini;* electa in Sponsam Matremque, ipsa se dicit ancillam, sicut Abigail se dixit ancillam David, cum ab eo requireretur in uxorem; tandem devotio: *Ecce, inquit, ancilla Domini, fiat mihi secundum verbum tuum;* promptissimam se exhibet ad obsequendum et morem gerendum divinae voluntati.

Virtutes
Deiparae.

Praedicari solet fortuna, si contingat puellae despiciendi viro optimo, nobilissimo, ditissimo et bonis omnibus fortunae locupletissimo, sicut Esther nupta fuit regi Assuero, cum esset loco valde humili nata.³⁵ Sed fortuna Beatissimae Virginis tanto excedit omnem aliam fortunam, quanto Deus omnes homines. In speciali autem laude Virginis tria dicuntur ab Angelo: quod sit *gratia plena*, hoc est, sanctissima et ob spiritualem pulcritudinem Deo gratissima, acceptissima: *Invenisti enim gratiam apud Deum,* itemque: *Dominus tecum;* quod sit a Deo amatissima, dilectissima; quod *benedicta*

Fortuna
Deiparae.

33) Ibid. 1, 36.

34) *Brev. Rom.* in Offic. Com. Virg. ad Mat. 1 Resp.

35) Cf. Est 2, 1-18.

inter mulieres, hoc est, divinis favoribus et donis cumulatissima: Ave, gratia plena. Sicut Christus pro se et pro nobis plenus gratia fuit: *De plenitudine eius nos omnes accepimus;*³⁶ ita Virgo Beatissima plena gratia divina pro se et pro nobis, sicut luna plena, sicut sol ad illuminandum universum mundum.

Simile.

Ipsa namque fons ille est qui ascendebat de terra ad irrigandam universam superficiem terrae, fons perennis et inexsiccabilis et longe copiosissimus;³⁷ magnus ille fons in templo Domini apud Ezechielem, ex quo fluvius adeo magnus scaturiebat et adeo latus, ut transvadari nullo modo posset;³⁸ magnus fluvius aquarum fluxit e petra in deserto; tam magna scatebat, ut sufficeret infinitae prope hominum et iumentorum multitudini;³⁹ sed hic fons tam copiosus est, ut possit irrigare universam superficiem terrae, sicut sol fons luminis est, potens universum mundum illuminare.

Deipara sol,
luna, stella.

Est autem res mirabilis quod Virgo Beatissima non tantum sol, verum etiam luna et stella in Sacris Litteris est nuncupata: *Quae est ista quae progreditur quasi aurora consurgens, pulcra ut luna, electa ut sol?*⁴⁰ *Thronus eius sicut sol in conspectu meo, et luna perfecta in aeternum, et testis in coelo fidelis;*⁴¹ sic apparuit Ioanni amicta sole, et luna sub pedibus eius, et in capite eius corona stellarum duodecim,⁴² ut possit mundum gratiae suae splendoribus perpetuo ditare. Sol enim illuminat quidem mundum totum, sed non simul eodem tempore, illuminat enim per diem, non per noctem; luna similiter illuminat totum mundum, sed per noctem, non per diem. Maria est et sol et luna et stella, quae in crepuscolo diei et noctis splendet, quia nos omnes et omni tempore ac loco potest illuminare.

Deipara propo-
nitur sponsa et
mater similissima

Deo.

V. *Ave, gratia plena.* Est autem gratia, quae hominem Deo similem facit,⁴³ sicut lux lunam reddit similem soli. Est autem magna res similitudo Dei, hominem esse similem Deo; Deus enim infinita maiestas est, infinita dignitas cum infinita auctoritate et potentia, infinita item sapientia cum infinita bonitate, clementia et liberalitate; nihilque est quod in mundo magis desideret homo quam divinam hanc similitudinem. Hinc tantopere, natura ipsa impellente, summas maximasque desideramus dignitates di-

36) Io 1, 16. 37) Cf. Gn 2, 6. 38) Cf. 47, 1-5. 39) Cf. Ex 17, 1-6.

40) Ct 6, 9. 41) Ps 88, 37. 42) Apc 12, 1. 43) Cf. D. Basil. *De Spirit. S. cp.* 9, n. 23. (P. G. 32, 20) et Cyrill. Alex. *Thes. Ass. 32.* (P. G. 75, 526).

viciasque cum summa voluptate. Creatus quidem fuit homo Deo similis in summa dignitate auctoritateque, mundi princeps constitutus, scientia, sapientiaque cum naturalium, tum etiam supernaturalium, praeditus, innocentia, sanctitate et puritate refertus; sed concupivit Deo longe similior esse: *Eritis sicut dii scientes bonum et malum.*⁴⁴

Omnis creaturae aliquam referunt Dei similitudinem vel umbram; quae autem maiores et digniores sunt, multo maiorem; hinc homo princeps creaturarum visibilium dictus, est factus ad similitudinem Dei.⁴⁵ Sic principes regesque Deum repraesentant, maxime vero supremus omnium politicorum principum imperator. Sic in Ecclesia omnes Episcopi, sed cum primis Summus Pontifex Christum Deum et Dominum nostrum repreäsentat.

In Sacris Litteris legimus aliquas particulares Dei imagines post Adamum in statu innocentiae, qualis fuit Moyses, qui dictus fuit deus: *Constitui te deum Pharaonis,*⁴⁶ nam a Deo constitutus fuit princeps populi non modo politicus, verum etiam ecclesiasticus, summus sacerdos, hierarcha atque monarca;⁴⁷ et praeterquam quod princeps fuit tam magnus, utraque auctoritate praeditus et summa etiam sapientia,⁴⁸ sanctitate et pietate instructus, ita ut cum Deo tanquam amicus cum amico conversaretur;⁴⁹ habuit etiam insuper divinam potestatem faciendi miracula, quae solus Deus posset;⁵⁰ sic factus fuit Deo simillimus. Petrus etiam singularis quaedam Dei imago fuit, plenus Spiritu Sancto,⁵¹ factus summus hierarcha Ecclesiae⁵² cum divina potestate faciendi miracula, ita ut umbra eius curaret morbos incurabiles.⁵³ Ita nonnulli alii, speciali Dei gratia pleni, facti sunt Dei imagines singulares ceteris multo excellentiores similioresque. Sed Virgo Beatissima dicitur singulariter *gratia plena*, omnibus Dei donis referata, veluti coelestis quaedam verissimaque Pandora,⁵⁴ Deo similis, qui est omne bonum. Omnes illi viri Deo tam similes non fuerunt nisi servi Dei, Angeli ipsi omnes nonnisi ministri Dei sunt; haec autem Sponsa Dei, Socia Dei, vera Mater Dei, tanto melior Angelis effecta, quanto differentius prae illis nomen hereditavit.⁵⁵

De variis similitudinibus cum Deo gradibus.

Simile:
Moyses et
Petrus.

44) Gn 3, 5.

45) Cf. Gn 1, 27.

46) Ex 7, 1.

47) Cf. Ex 3, 10.

48) Cf. Act 7, 22.

49) Cf. Ex 33, 11.

50) Cf. Ex cпп. 9, 10, 11 et alibi.

51) Cf. Act 4, 8. Ms.: *Spiritus Sancto.*

52) Cf. Mt 16, 18-19. 53) Cf. Act 5, 15.

54) Secundum mythol. prima mulier a singulis diis proprio particulari dono donata. Cf. Ioseph Perin in *Onomastico* sub hoc verbo.

55) Cf. Hebr 1, 4.

*Deipara propo-
nitur sponsa et
mater simillima
Deo in dignitate,
potentia, sa-
pientia, bonitate.*

VI. De Deo, praeter summam maiestatem et dignitatem, tria in Sacris Litteris praedicantur: potentia, qua cuncta creavit, sapientia, qua omnia summa providentia gubernat, et bonitas, qua omnia replevit, et suipsius res omnes participes effecit, tanquam divinus sol effundens lucem radiosque bonitatis suae in mundum universum perpetuo tempore. Beatissima Virgo gratia plena est, Deo simillima facta in summa altissimaque dignitate, qua maior excogitari non potest, cum facta sit vera Sponsa et Mater Dei.

*Dignitas
Virginis.*

Est ipsa veluti arca Testamenti, quae divino propitiatorio similis erat. Erat propitiatorium totum aureum; arca non aurea quidem, sed deaurata, lignea erat, sed auro purissimo intrinsecus extrinsecusque vestita ac propterea aureo propitiatorio longe simillima, imo longitudine et latitudine aequalis, non autem profunditate, quae quanta fuerit ipsius propitiatorii non explicatur.⁵⁶⁾ Dei dignitas excedit omnem creatam dignitatem. Semper perpetuitas longitudo est, universitas creaturarum amplitudo; ita et dignitas Virginis Deiparae omnem excedit omnium creaturarum in perpetuum dignitatem.

*Potentia,
sapientia, bonitas
Virginis.*

Continebat arca illa tria: virgam operatricem miraculorum, tabulas legis, quae erant veluti thesaurus divinae sapientiae, et vas aureum manna plenum.⁵⁷⁾ Mysteria ista sunt, quod Virgo Beatissima gratia plena facta sit Deo simillima in potentia, sapientia et bonitate, et quidem super omnes alias creatureas, sicut luna plena similior soli est super omnes alias stellas. Tanta est auctoritas, tanta potestas Beatissimae Virginis in coelo, ut Deo super omnes Angelos simillima, plus ipsa possit quam omnes Angeli, omnes Spiritus beati, omnes coelestes creature. Quanta est autem unius tantum Angeli potestas! Plus potest unus Angelus quam innumerabiles homines in hoc mundo. Quanta igitur erit potestas Virginis in coelo, quae plus potest quam omnes Angeli, sicut luna plena in coelo plus potest in mundo quam omnes aliae stellae!

*Deipara omni-
laude dignissima,
qua ipsa imago
Dei omnium
praestantissima.*

VII. Non est autem minor in Deipara Virgo caritas bonitasque quam dignitas atque potestas, sicut in luna, in sole non minor est liberalitas quam illuminandi potestas; totam enim lucem effundunt luminaria coeli, et quam divites sunt omnes stellae, tam sunt etiam liberales: *Ave, gratia*

56) Cf. Ex 37, 1 sqq.

57) Cf. 3 Rg 8, 9 et Hebr 9, 4.

plena. Voluit Deus multis maximisque gratiis Virginem Deiparam replere, ut esset omni honore et omni laude dignissima. Paulus ait quod *soli Deo* debetur *honor et gloria*,⁵⁸ ita sane, summus honor summaque adoratio et reverentia; alioquin honor nonnisi Deo tribuitur et imaginibus Dei: viris principibus, viris sapientibus et viris praestanti sanctitate praeditis. Principes autem veluti imagines et umbrae sunt Summi Regis Dei, divinaeque dignitatis et auctoritatis; viri sapientes imagines sunt divinae sapientiae; et viri sancti imagines divinae bonitatis et sanctitatis.

Quo maior autem est in homine sive auctoritas dignitasque, sive sapientia et scientia, sive bonitas et sanctitas, eo pulchrior est imago Dei eoque spectabilior; et ita quo maioris dignitatis et auctoritatis sunt principes, eo magis honorantur. Ita, et qui sapientiae et scientiae titulo honorantur, quo maiori et praestantiori sunt sapientia, eo sunt maiori honore digniores. Ita etiam de sanctitate et virtute censendum, qui in virtutum ornamentis praestantiores et maioris sunt meriti, iis maiores debentur honores.

Maiori dignitati
maior honor.

Et hae quidem res, quibus debetur honor, aliquando separatae sunt in hominibus, ut in Assuero quidem fuit tantum auctoritas et dignitas regia; in Achitopеле sapientia atque prudentia;⁵⁹ in Elia, in Ieremia, in Ioanne Baptista sanctitas. Aliquando simul iunctae, ut in Salomone dignitas regia et sapientia; in David^{59a} auctoritas regis, sapientia per spiritum prophetiae et sanctitas vitae. Omnes autem simul iunctae cum excellenti praestantia conspicuae fuerunt in Moyse, in quo fuit triplex potestas: regia, pontificia et divina ad miracula facienda, multiplex scientia et sapientia tum humanitus aquisita tum divinitus infusa, et praestantissima sanctitas. Sed maxime omnium in Christo summa dignitas, infinita sapientia, immensa bonitas. Post Christum autem maxime omnium in Virgine Maria; sic igitur ipsa, tanquam imago Dei omnium in universo post Christum praestantissima, est omni honore et omni laude dignissima.

Differunt
dignitates.

VIII. *Ave, gratia plena.* Est autem gratia donum Dei et supernaturalis virtus per Spiritum Sanctum homini data, qua possit bene operari, omnium virtutum maxime vero theologicarum opera exercere, Deo rem gratam facere, et sibi aeternam in coelo gloriam promereri; et qua etiam preces et

Depara omni
fiducia dignis-
simia, quia
singulari Dei
potentia
praedita.

58) 1 Tim 1, 17.

59) Cf. 2 Rg 16, 20-23; 17, 1 sqq.

59a) Ms. bis habet: *David.*

orationes nostrae a Deo exaudiri mereantur, sive pro nobis sive pro aliis ex affectu caritatis oremus, sicut orationes Sanctorum etiam pro aliis apud Deum fusas legimus exauditas.⁶⁰ Aliquando autem Deus tam copiosum munus gratiae homini tribuit, ut possit etiam aliis magna beneficia praestare; sic legimus a Paulo dictum: *Divisiones gratiarum sunt, itemque: Ali... datur... gratia sanitatum.*⁶¹

Sancti gratia
miraculorum
aucti,

Sic multi Sancti habuerunt gratiam miraculorum ut Moyses, Elias, Eliseus; in Novo Testamento post Christum maxime omnium Petrus, et post ipsum Paulus, ut sudariola ipsius eiicerent daemones, et sanitates conferrent.⁶² Hac gratia potuerunt etiam post mortem magna beneficia praestare; nam Eliseus mortuus suscitavit a mortuis hominem occisum;⁶³ per hanc gratiam Moyses magna et sane divina in salutem universi populi miracula operatus fuit;⁶⁴ propter hanc gratiam Elias dictus fuit *currus et auriga*, sive *equites* Israel,⁶⁵ quasi ipse esset tanquam potentissimus exercitus in salutem populi Israel; Eliseus similiter dictus fuit *currus et equites* Israel, et hoc a rege illius populi, propter divinam gratiam quam in ipso expertus fuerat.⁶⁶ Idem est autem *currus et equites ac potentia* Israel; consistit autem regni alicuius potentia in exercitu militum peditum equitumque numeroso validoque.

magis Maria.

Simile.

Simile.

Maria autem Virgo Beatissima est *gratia plena*, omnem accepit gratiam, qua apud Deum pro nobis omnia potest. Accepit etiam gratiam miraculorum, qua possit cunctis benefacere. Maxime vero potens est ad protegendum sicut arca foederis Domini, de qua dixerunt Hebrei contra Philisthaeos inimicos potentissimos pugnaturi: *Afferamus ad nos... arcam foederis Domini et veniat inter nos, et salvet nos de manibus inimicorum nostrorum;*⁶⁷ hinc dicebatur *arca potentiae Domini.*⁶⁸ Virgo autem Beatissima vera est arca Domini, *terribilis enim est ut castrorum acies ordinata.*⁶⁹ Ipsa revera est *currus et equites* exercitus Ecclesiae Dei, ipsa *arca fortitudinis Dei.* In arca enim illa reposita fuit virga divinae virtutis, quae ad gloriam Dei et in salutem populi divina operabatur miracula.⁷⁰ Huic Virgini divinam Deus tribuit auctoritatem et potentiam in salutem populi sui, sicut Moysi, cui dixit: *Constitui te deum Pharaonis*, ut super

60) Cf. Ex 32, 1 sqq.

61) 1 Cor 12, 4.

62) Cf. Act 19, 12.

63) Cf. 4 Rg 13, 20.

64) Cf. Ex 14, 24-31 et alibi.

65) Cf. 4 Rg 2, 12.

66) Ibid. 13, 14.

67) 1 Rg 4, 3.

68) Cf. 2 Par 6, 41. Vulg. loc.: *Potentiae etc. habet: Fortitudinis.*

69) Ct 6, 3, 9.

70) Cf. Nm 17, 10 et Ex cпп. 9, 10, 11.

Pharaonem et regnum ipsius posset divina auctoritate facere quaecumque voluisset. Sed multo maiorem auctoritatem tribuit Deus Matri quam servo, contra satanam et regnum eius in salutem Christianorum.

Utinam haberet populus christianus eam fidem et fiduciam ad Beatisimam Virginem Matrem Dei, quam habuit olim populus hebreus ad arcam Dei, cuius praesentia confidebat salvum se fore a manibus omnium inimicorum suorum: *Deducamus ad nos de Silo arcam foederis Domini, et salvet nos de manibus inimicorum nostrorum.*⁷¹ Nec tamen propterea idololatriae arguit eum Deus, sicut haeretici idololatriae nos accusant propter fiduciam quam reponimus in Virgine Matre Dei. Num maiorem potentiam habere potuit arca Dei quam Mater Dei? Illa, 2. *Paralip.* 6,⁷² et *Psal. 131,*⁷³ dicta est *arca potentiae Domini*, sive *fortitudinis Dei* propter divina miracula, quae praesertim operata fuit in terra Philisthaeorum contra eos et Dagon deum ipsorum; Mater Dei divina potentia est contra diabolum et regnum ipsius in salutem Ecclesiae Dei piorumque Christianorum.

Exhortatio:
Christiani fidu-
ciam habeant ad
Deiparam.

71) Vulg. loc.: *Deducamus*, habet: *Afferamus.*
loc. *Potentiae*, etc. habet: *Sanctificationis tuae.*

72) Vr. 41.

73) Vr. 8. Ms.: 132. Vulg.

SERMO DECIMUS QUARTUS

DE DIVINAE INCARNATIONIS ANIMATA DOMO

Gaudendum
nobis, quia quae
hodie Sponsa fit
et Mater Dei,
ex nostra
stirpe est.

I. Celebrantur sponsalitia et nuptiae ubique terrarum apud omnes nationes magna cum festivitate, laetitia et exultatione, maxime vero nuptiae principum. Cum rex dicit uxorem, ineffabilis est totius civitatis, in qua celebrantur, festivitas et exultatio; rident omnia, omnia gaudent, ubique tristitia summa cum laetitia et exultatione fiunt. Hodie autem celebrantur sponsalitia et nuptiae Summi Regis Dei, qui in sponsam accipit Sanctam et Beatam Virginem Mariam; quarum nuptiarum paronymphus est Angelus Gabriel: *Missus est Angelus Gabriel a Deo in civitatem Galilaeae..., ad Virginem desponsatam viro, cui nomen erat Ioseph.*¹⁾ Simulque et celebrantur nuptiae et concipitur filius, filius primogenitus, princeps regni, heres totius hereditatis paternae, qui futurus est rex et dominus omnium. Gaudendum igitur nobis est, quoniam Virgo haec, quae hodie Sponsa fit Dei et Mater Unigeniti Filii Dei, ex nostro genere et nostra stirpe et progenie est; hic summus est honor et gloria nostra.

Scala Iacob est
Christus, locus
scalae Virgo,
quia in ea Deus
inhabitat
per hypostaticam
unionem.

II. *Missus est Angelus Gabriel a Deo in civitatem Galilaeae, cui nomen Nazareth, ad Virginem desponsatam, etc.* Altum et ineffabile mysterium, mirabile, stupendum et incomprehensibile sacramentum est dominicae Incarnationis, quod hodie celebрамus. Sanctus patriarcha Iacob, cum

1) Lc 1, 26-27.

in somnis, revelante Deo, mysterium istud cognovisset in scala illa coelesti, cui Deus innitebatur, plenus admiratione et stupore ait: *Vere Dominus est in loco isto, et ego nesciebam. Pavensque: Quam terribilis est, inquit, locus iste; non est hic aliud nisi domus Dei et porta coeli.*² Christus de seipso interpretatus fuit mysterium illud dicens: *Videbitis coelum apertum et Angelos Dei ascendentes et descendentes supra Filium hominis.*³ Scala Christus est, cuius postes sunt duae substantiae humanae naturae; gradus vero esse, vivere, sentire, intelligere, natura, gratia, gloria, tandem Divinitas ipsa Verbi, quod vere est Deus: *Vere Dominus est in loco isto, et ego nesciebam.* Quantum penitus ignoro! *Quam terribilis est locus iste, quam mirabilis!*

Sed quisnam, quaeso, locus est iste, nisi Sanctissima Virgo, cui hodie Angelus ait: *Ave, gratia plena, Dominus tecum?*⁴ *Dominus in loco isto: Dominus tecum.* Sed quidnam, quaeso, novi est, ut Dominus sit in loco aliquo, qui ait: *Coelum et terram ego adimpleo;*⁵ *Coelum mihi sedes est et terra... scabellum pedum meorum;*⁶ *Si ascendero in coelum, tu illic es, si descendero in infernum, ades;*⁷ quem coeli et coeli coelorum capere non possunt?⁸ Est utique Deus ubique in mundo per naturam, per personam, praesentiam et essentiam, quoniam infinitus est et ubique totus, quoniam simplicissimus est. Est in Ecclesia per gratiam, per fidem, spem et caritatem; est in paradyso per gloriam, per claram visionem, beatam fruitionem et aeternam possessionem; sed hic est per hypostaticam unionem, per totius Divinitatis suae plenissimam communicationem: *Inhabitat omnis plenitudo Divinitatis corporaliter.*⁹ Quam mirabilis est locus iste! *Hic domus Dei est et porta coeli;* domus Dei per specialem inhabitationem. Habitat lux in universo coelo, sed specialius in planetis, multo specialius in astris inerrantibus, sed specialissime in sole; sic modo specialissimo *Dominus est in loco isto.*

Ubique Deus est,
sed non eodem
modo.

III. Domus Dei, domus orationis,¹⁰ in qua Summus Sacerdos Christus oravit ad Patrem. Divus Ioannes loquens de mysterio Incarnationis ait: *Verbum caro factum est... plenum gratiae et veritatis,*¹¹ idest, plenum caritate et scientia.

B. Virgo domus
Dei, domus
orationis, quia
in ea Christus
oravit ad Patrem.

2) Gn 28, 16-17.

3) Io 1, 51.

4) Lc 1, 28.

5) Jer 23, 24. Vulg.: *Impleo.*

6) Act 7, 49, et Is 66, 1.

7) Ps 138, 8.

8) 3 Rg 8, 27.

9) Col 2, 9.

10) Cf. Lc 19, 46.

11) Io 1, 14.

Accepto beneficio, homo tenetur benefactori gratias agere, et eo maiores quo maius est beneficium. Sed Christus in primo instanti suae conceptionis accepit maximum infinitumque beneficium a Deo, omnem plenitudinem Divinitatis, et in eodem instanti cognovit beneficii huius infinitam magnitudinem. Ergo infinitas tunc Deo Patri gratias egit; obtulit odoratissimum incensum Summus iste Sacerdos in sancta sanctorum. Incensum orationis eo est odoratus, quo maiori offertur cum caritate et gratia; sed Christi summa infinitaque gratia et caritas ex tunc fuit; igitur infinitae suavitatis Deo fuit odor huius incensi, nunquam suavioris odoris incensum Angeli in paradyso obtulerunt Deo. Oratio haec infiniti fuit meriti; meruit nobis omnem tum gratiam tum gloriam.

B. Virgo domus
Dei, domus
sacrificii, quia
in ea se Christus
obtulit Patri.

IV. Domus Dei, domus sacrificii.¹² In domo Dei offerebantur sacrificia pro peccatis, hostiae pacifcae et holocausta cum oblationibus;¹³ summus sacerdos in Sancta Sanctorum non tantum incensum, sed etiam sanguinem sacrificii deferebat.¹⁴ Christus in primo instanti suae conceptionis, non tantum cognovit beneficium sibi collatum, sed etiam voluntatem Dei de redemptione et salute generis humani per crucis passionem et mortem; hinc ex tunc Patri se obtulit ad passionem et mortem crucis pro salute mundi. Quod quidem sacrificium fuit infiniti meriti et valoris, adeo ut sacrificium crucis non fuerit maioris meriti. Nam meritum non consistit in opere, sed in caritate et gratia; non fuit autem maior Christi caritas in passione quam in conceptione. Tunc se obtulit Christus totum Deo igne caritatis cremandum tanquam holocaustum, pro salute et integritate nostra tanquam hostiam pacificam, et pro remissione peccatorum nostrorum tanquam hostiam et sacrificium pro peccatis, quod sine oleo et incenso offerebatur, quia absque ulla consolatione passus fuit Christus.

B. Virgo domus
Dei, domus
sanctitatis, quia
in ea omnis
gratia et virtus,
imo Auctor
gratiae.

V. Hic domus Dei est. Domus Dei, domus sanctitatis:¹⁵ *Gratia plena*. Hic semper ardebat aureum candelabrum cum septem lucernis,¹⁶ gratia cum septem donis Spiritus Sancti septemque virtutibus, quae omnes in Sanctissima Virgine perfectissime fuerunt; hic mensa panum propositionis,¹⁷ iugis meditatio omnium articulorum fidei et observantia mandatorum utriusque legis; hic altare incensi¹⁸ perpetuae orationis.

12) Cf. 2 Par 7, 12. 13) Cf. Lv cpp 4, 3, 1, 2. 14) Cf. Nm 30, 7-10. 15) Vocabatur enim: *Sanctum, et sancta sanctorum*. Cf. Ex 26, 33-34. 16) Cf. Ex 25, 31-37. 17) Ibid. 25, 23-30.

18) Cf. Ibid. 30, 1-10.

Domus Dei, domus sanctitatis: *Gratia plena.* Facta fuit Maria thesaurus omnis gratiae hodie; nam in hac sancta domo hodie reposita fuit arca foederis Domini cum divino propitiatorio et Cherubim gloriae, arca cum tabulis legis, virga virtutis divinae et vase coelestis manna,¹⁹ quae divinam potentiam, sapientiam et bonitatem designabant. Ecce arca cum divino propitiatorio: *Verbum caro factum est... plenum gratiae et veritatis... Et de plenitudine eius nos omnes accepimus... gratiam pro gratia.* *Quia... gratia et veritas per Iesum Christum facta est.*²⁰ Gratia reposita fuit hodie in Maria maior gratia omnium Sanctorum Ecclesiae, maior gratia et gloria omnium Angelorum paradisi; gratia et caritas aequalis caritati et sanctitati Dei, quoniam repositum in ea est Verbum caro factum, plenum gratia et veritate; gratia sanctificans omnem Ecclesiam et omnem paradi-
sum, quoniam *gratia et veritas per Iesum Christum facta est.*

VI. Hic domus Dei est: domus gratiae, domus omnis sanctitatis et porta coeli, porta paradisi, principium paradisi. Fuit Maria verus paradi-
sus; siquidem paradi-
sus est locus ubi videtur Deus; in utero Sanctissimae Virginis anima Christi vere videt Deum, ergo vere paradi-
sus fuit. Nec tan-
tum paradi-
sus, sed porta paradi-
si, principium paradi-
si; hic enim homo Deum primo beatifica visione facialiter vidit. Paradi-
sus plenus maior gloria quam paradi-
sus coelestis; quoniam solius Christi gloria maior est omni gloria Angelorum Sanctorumque omnium; hinc: *Resplenduit facies eius sicut sol;*²¹ lux enim solius solis maior est splendoribus omnium astrorum. Paradi-
sus plenus gloria aequali gloriae Dei; quoniam gloria Christi aequalis erat gloriae Dei; Incarnatum enim Verbum vere Deus erat, Deo Patri per omnia coaequalis, coaeternus et consubstantialis.

B. Virgo porta
coeli,
imo paradi-
sus,
qua in ea
Christus habuit
visionem
beatificam.

VII. Quam terribilis igitur est locus iste! Hic domus Dei est et porta coeli. Quam terribilis, idest, quam admirabilis est locus iste, in quo in-
habitat omnis plenitudo Divinitatis corporaliter!²² Et ego nesciebam. Tria mihi difficilia, mirabilia, sunt, et quartum penitus ignoro: Viam aquilae in coelo, viam colubri super petram, viam navis in medio mari et viam viri in adolescentula, in virgine.²³ Quatuor mysteria Christi mirabilia

Quatuor mysteria
in Christo,
sublimius
omnium incar-
natio, in
theophanis V. T.
praefigurata.

19) Alludit ad arcae translationem in tabernaculum Moysis (Ex 40, 19) et templum Salomonis (2 Par 5, 7-10). De his quae in arca inveniebantur cf. Hebr 9, 4-5. 20) Io 1, 14. 16-17.

21) Mt 17, 2. 22) Col 2, 9. 23) Prv 30, 18-19. Vox: Adolescentula, ex hebr.; Vulg. habet: Adolescentia.

sunt, quae designantur in quadriformi animali Ezechielis:²⁴ mysterium Incarnationis, Passionis, Resurrectionis et Ascensionis, quae admirabatur Regius Vates: *Quid est homo quod memor es eius, aut filius hominis quia visitas eum?*²⁵ Descendit in domum ipsius ad visitandum eum: mysterium Incarnationis. *Minuisti eum paulo minus ab Angelis, propter passionem carnis,* inquit Paulus:²⁶ mysterium Passionis. *Gloria et honore coronasti eum:* mysterium Resurrectionis. *Et constitueristi eum super opera manuum tuarum, omnia subiecisti sub pedibus eius:*^{26a} mysterium Ascensionis. Omnia haec mysteria mirabilia sunt; sed quartum penitus ignoro.

Visio Ezechielis.

Vere Dominus est in loco isto, et ego nesciebam. Deus factus est homo, et homo factus est Deus; hominem enim igneum vidit Ezechiel supra coelestem hierarchiam.²⁷ Saepe Deus in humana figura visus est Patriarchis et Prophetis; sed hodie vere factus est homo, nam hoc mysterium praefigurabant omnes illae apparitiones et theophaniae. Hodie adimpletum est illud quod Moysi Deus dixit: *Sum qui sum:*²⁸ *Ehieh ascer ehieh, ero qui ero, sum qui ero.* Quidnam futurus erat Deus? Homo. *Sum qui ero:* sum Deus, ero homo; sum Verbum, ero caro. Hodie *Verbum caro factum est*, nam Deus Verbum Moysi apparuit. Hinc dicitur quod apparuit ei Dominus et Angelus Domini;²⁹ nam Christus Dominus est et Angelus Domini: *Statim veniet ad templum suum Dominator, quem vos quaeritis, et Angelus Testamenti, quem vos vultis; ipse quasi ignis conflans;*³⁰ quare ad mysterium ardentis rubi inspexisse visus est Malachias haec vaticinans. Hodie adimpletum est vaticinium Isaiae: *Ecce Virgo concipiet et pariet filium, etc.; Filius datus est nobis... et vocabitur nomen eius Admirabilis, Deus, Fortis;*³¹ hodie visio illa qua Deum in humana figura vidit in medio duorum Seraphim.³² Cur tamen in medio duorum? Ubi erant omnes exercitus coeli? Ubi Angeli ministrantes et assistentes? Sed mysterium est, quoniam tres sunt Divinae Personae, tres Angeli qui Abrahae apparuerunt,³³ tres Seraphim, quoniam Deus ignis est, Deus caritas est.³⁴ Sed unus horum visus est in humana forma; media in Trinitate Persona humanam assumpsit naturam. Hoc est quod ex tribus Angelis, qui Abrahae apparuerunt, unus remansit cum eo, et alii duo in Pentapolim abierunt.³⁵

Visio Isaiae.

Visio Abrahae
et Danielis.

24) Cf. Ez 1, 1 sqq. 25) Ps 8, 5. 26) Hebr 2, 9. 26a) Ps 8, 7-8. 27) Cf. Ez 1, 22 sqq.
28) Ex 3, 14. Sequitur idem versus ex hebr. 29) Cf. Ex 3, 2 et Act 7, 10. 30) Mal 3, 1-2.
31) 7, 14; 9, 6. 32) Cf. Is 6, 1 sqq. 33) Cf. Gn 18,1 sqq. 34) Cf. 1 Io 4, 8, 16.
35) Cf. Gn loc. cit.

Hoc est quod Daniel tres vidit Angelos, sed unum in medio fluminis, alios autem duos unum hinc et alterum inde ex alia parte et ripa fluminis.³⁶ Hodie pluit manna de coelo; hodie venit Deus in castra Hebraorum, et Philisthaei vehementer conturbati sunt, dicentes: *Vae nobis... vae nobis... venit Deus in castra.*³⁷ Venit enim hodie Deus in mundum ad salvandos homines^r et perdendos daemones.

36) Cf. 12, 1-8.

37) 1 Rg 4, 7-8. Vulg. habet: *Venit Deus in castra...: Vae nobis.*

SERMO DECIMUS QUINTUS

DE EFFECTU MATRIMONII VIRGINIS DEIPARAE

Mysterium
Incarnationis est
sacramentum
caritatis.

I. Magnum celebрамus hodie mysterium, magnum sacramentum divinae erga nos caritatis: *Sic Deus dilexit mundum ut Filium suum Unigenitum daret.*¹ *Apparuit... gratia Dei Salvatoris nostri. Apparuit benignitas et humanitas Salvatoris nostri Dei.*² *Deus qui dives est in misericordia propter nimiam caritatem suam.*³ *Manifeste magnum est pietatis sacramentum, quod manifestatum est in carne.*⁴ Magnum est quia hodie factus est homo non ad imaginem Dei sed verus Deus; non per ironiam dicitur: *Ecce Adam factus est quasi unus ex nobis,*⁵ sed vere factus est: *Ex quibus est Christus secundum carnem, qui est Deus super omnia benedictus.*⁶

Vidit Iacob patriarcha scalam coeli, per quam Angeli ascendebant et descendebant,⁷ ministrantes Deo in salutem hominum electorum Dei; sed hodie in salutem mundi verus Deus descendit de coelo. Maria autem, quae, carne quidem et corpore in terra constituta, mente et spiritu semper erat in coelo, facta est scala coeli, per quam Deus ad nos venit.

Deus fons
gratiarum,
Christus fluvius,
Maria aquae-
ductus.

II. Est Deus fons aquarum viventium,^{7a} Christus autem Unigenitus Dei fluvius rivusque est ex perenni fonte perpetuo manans; Maria autem fontis

1) Io 3, 16. 2) Tit 2, 11; et 3, 4. Vulg. loc.: *Apparuit, etc. habet: Benignitas et humanitas apparuit, etc.* 3) Eph 2, 4. 4) 1 Tim 3, 16. 5) Gn 3, 22. 6) Rom 9, 5.
7) Cf. Gn 28, 10 sqq. 7a) Cf. Jer 17, 13.

huius et rivi divinus est aquaeductus, ut Bernardus ait.⁸ Hinc sacratissimum hoc mysterium divinae Incarnationis revelavit Deus Isaiae iuxta aqueductum piscinae superioris in Ierusalem; ibi nanque vaticinatus fuit Isaias: *Ecce Dominus ipse dabit vobis signum: Ecce Virgo concipiet et pariet filium et vocabitur nomen eius Emmanuel.*⁹

Sed quid est aqueductus piscinae superioris? Est quaedam piscina aquarum congregatio; *aquae* autem multae, ut Ioannes ait, *populi* multi.^{9a} Est piscina superior Angelorum in coelo, et piscina inferior hominum in terra. At vero Deus fons aquarum viventium dicitur, non solum quia creator hominum et Angelorum, sed quia auctor et origo omnium bonorum. Sunt autem bonorum genera duo, sicut duo magna luminaria in coelo et duo magna corpora in mundo; sunt bona creata, sunt et increata aeternaque; haec superiora sunt sicut coelum, sicut sol; illa inferiora sicut luna, sicut terra.

Quid piscina.

III. In sacra theologia manifestus est duplex divinae bonitatis effluxus: ad intra, ut loquuntur theologi,¹⁰ et ad extra. Communicat Deus infinitos bonitatis suae thesauros universamque naturam suam aeterna emanatione ad intra Filio et Spiritui Sancto; nam Filius procedit a Patre, ut radius a sole; Spiritus autem Sanctus a Patre et Filio emanat, sicut calor a luce solari et radio; haec est piscina superior. Bonorum autem effluxus per creationem piscina est inferior. Revelatio huius mysterii hodierni facta est iuxta aqueductum piscinae superioris, quia non creata sed increata bona communicata sunt nobis per divinam Unigeniti Filii Dei incarnationem.

Duplex effluxus
divinae boni-
tatis; minor per
creationem,
maior per
incarnationem.

Magnum Dei donum fuit, cum homini mundum universum dono dedit; sed hodiernum hoc infinitis partibus maius est. Multo enim maior est Deus, mundus ter maximus, hoc macrocosmo a summo coeli convexo usque ad terrae centrum, quam sit magnus hic mundus, etiamsi millies milliesque maior esset, quam sit, inquam, homine microcosmo mole corporea maior.

Christus autem, qui datus est nobis hodie, verus est Deus, aeterno Patri consubstantialis, coaeternus et coaequalis. Hinc Ioannes, priusquam mysterium hoc aperiret et diceret: *Verbum caro factum est,*^{10a} ostendit Verbi huius, quod caro factum est, naturam et qualitatem, dicens: *In principio*

Per Mariam
Christus et cum
eo omnia.

8) Cf. *Serm. De Aqueductu* n. 4. (P. L. 83, 1013).

9) Is 7, 14.

9a) Apc 17, 15.

10) Cf. inter alios D. Bonav. 1 *Sent.* d. 19, p. 1, art. unic. q. 2, n. 3 (1, 345); Scotus 2 *Sent.*, dist. 1. report. 1. 10a) Io 1, 11.

*erat Verbum: haec est aeternitas, quae ante omnia creata fuit; Et Verbum est apud Deum:*¹¹ haec est coaequalitas; *Qui, cum in forma Dei esset, non rapinam arbitratus est esse se aequalem Deo;*¹² *Et Deus erat Verbum: haec est omousion, consubstantialitas; Hoc erat in principio apud Deum..., omnia per ipsum facta sunt:* haec est omnipotentia; *In ipso vita erat:* haec infinita bonitas, sufficiens ad beandum hominem; *Et vita erat lux hominum:*¹³ divina Sapientia. Sic verus ostenditur et perfectus Deus, maximus fluvius qui egrediebatur de loco voluptatis ad irrigandum paradi-
sum.¹⁴ Sed si talis tantusque fluvius Christus, qualis quantusque aquae-
ductus Maria est!

11) Io 1, 1. Vulg. loc.: *Est*, habet: *Erat.*

14) Cf. Gn 2, 10.

12) Phil 2, 6.

13) Io 1, 1-4.

SERMO DECIMUS SEXTUS

DE ANNUNCIATIONIS MYSTERIO VITAE CHRISTIANAE TYPO

Missus est Angelus Gabriel a Deo in civitatem Galilaeae, cui nomen Nazareth, ad Virginem desponsatam.¹

I. Angelii illi, qui Abrahae conceptum et natalem Isaac nunciaverunt, statim Sodomam versus direxerunt iter, ut ab incendio Loth liberarent; ² Samsonis praenuntiata nativitas est, quia futurus erat populi a Philistinorum captivitate liberator; ³ et Salomonis, quia futurus erat rex; ⁴ ita, carissimi, praenuntiatur hodie Christi nativitas, quia futurus erat noster Salvator, Redemptor et Glorificator. Salvator quidem a morte aeterna et poenis inferni, quod est incendium Sodomae; Redemptor a captivitate diaboli per fidem et gratiam suam; ac tandem Rex et Glorificator in coelo. Hoc enim est quod Christus dictus est: *Iesus Nazarenus rex Iudeorum;* ⁵ *Vocabis nomen eius Iesus;* ^{5a} Nazaraeus, quia: *Missus est Angelus... in civitatem Nazareth;* quia Nazaraeus vocabitur; ⁶ et rex Iudeorum: *Hic erit magnus et Filius Altissimi vocabitur,* etc. ⁷ Salvator a morte per mortem suam, ideo Isaac; Redemptor per gratiam suam, ideo Samson, nazaraeus fortissimus, cuius fortitudo erat in septem capillis; ⁸ Christus, sol iustitiae, totus sanctus, fortissimus virtute divina contra diabolum per septem Spiritus Sancti dona; ⁹ Rex tandem pacificus in gloriosa Ierusalem per gloriam.

Praenuntiata est
nativitas Christi
quia ipse Salvator,
Redemptor,
Glorificator
noster.

1) Lc 1, 26. 2) Cf. Gn 18, 1 sqq. 3) Cf. Idc 13, 1-5. 4) Cf. 1 Par 22, 9.
5) Io 19, 19. 5a) Lc 1, 31. 6) Mt 2, 23. 7) Lc 1, 32.
8) Cf. Idc 16, 18-19. 9) Cf. Is 11, 2.

Periisset procul dubio Loth in incendio, nisi misisset Deus Angelos ad illum liberandum; ita et nos nisi Angelum hunc magni consilii misisset in mundum. Stetisset in perpetua captivitate populus, nisi Deus misisset Samsonem. Non habuissent bonum regem nec pace perpetua frui potuisserent Iudei, nisi Deus nasci fecisset Salomonem. Ita, carissimi, nos neque gloria unquam Dei, neque gratia potiti fuissemus, sed semper sub diaboli potestate et mortis aeternae cum eo rei fuissemus; hinc Deus, summo salutis nostrae desiderio flagrans, Filium suum hodie misit in mundum: *Sic enim Deus dilexit mundum*, etc.¹⁰

*Ad salutem
necessariae sunt
fides et opera.*

II. Id tamen sciendum est quod, nisi Loth Angelis credidisset, periisset utique cum ceteris incredulis; quibus cum diceret ipse: *Egredimini de loco isto, quia delebit Dominus civitatem hanc, visus est... tanquam ludens...*¹¹ Sic enim multi peccatores scelesti, dati in reprobum sensum,^{11a} praedicatorum verbi Dei irrident. Sed perierunt illi omnes incendio, et Loth cum eis, nisi credidisset; sic ait Dominus: *Ut omnis qui credit in ipsum, non pereat, sed habeat vitam aeternam.*¹²

Fides tamen non sufficit, quia: *Fides sine operibus mortua est.*¹³ Opera ergo ad salutem necessaria sunt. Dicam brevi; si salvari volumus, similes nos esse oportet Beatae Virgini; siquidem voluit Deus ut esset virgo pura ab omni peccato ut Filium Dei conciperet.

*Animae neces-
sarie virtutes,
ut Spiritus
Sanctus in ipsam
veniat.*

III. Sed, Christiani, Spiritus Sanctus non est minor Filio, sed aequalis, consubstantialis, coaeternus et coaequalis. Hinc non reponet Deus Spiritum Sanctum nisi in vase mundo; siquidem: *In malevolam animam non introibit sapientia, neque habitabit in corpore subdito peccatis. Spiritus enim Sanctus disciplinae effugiet factum, et aufert se a cogitationibus, quae sunt sine intellectu.*¹⁴ Vitae ergo innocentiam requirit a nobis Deus, si volumus salvari, ut vivamus absque omni peccato, sicque sit anima nostra virgo, pura ab omni carnali amore, et virgo desponsata Ioseph viro, augmento virtutis;^{14a} ut velit anima ire semper de virtute in virtutem, bonam semper habere voluntatem proficiendi in vita spirituali. Ne ambiamus humanas laudes mundanamque gloriam; hinc – Beata Virgo turbata est; – sed Deum timeamus. Ut simus prudentes: *Quomodo fiet istud quoniam*

10) Io 2, 16. 11) Gn 19, 14. 11a) Cf. Rom 1, 28. 12) Io 2, 16. 12a) Ms.: *Animam bis habet.* 13) Iac 2, 20. 14) Sap 1, 4-5. 14a) Ex significatione verborum *Ioseph*, idest, *augmentum ex hebr.*, et *vir ex quo virtus*. Cf. Cic. 2. *Tusc.* 18, 43.

*virum non cognosco?*¹⁵ Satanas enim saepe *transfigurat se in angelum lucis.*¹⁶ Simus humiles corde: *Ecce Ancilla Domini, fiat,* etc.;¹⁷ quia *Deus superbis resistit, humilibus autem dat gratiam;*¹⁸ hinc Beata Virgo summa adepta est gratiam, quia summa fuit humilitate praedita. Velle semper super omnia facere voluntatem Dei; ait enim: *Ecce Ancilla Domini, fiat mihi;* ancillam se vocat, promptam ostendens voluntatem Domino morem gerendi.

Ingressus Angelus ad eam, dixit. Domi clausa manebat, solitariamque vitam ducebat Beata Virgo; sic domi manere oportet, sibi attendere, et sensuum custodia solitariam ducere vitam, quia solam animam requiret Deus: *Ducam eam in solitudinem, et loquar ad cor eius.*¹⁹ Sic Beata Virgo orationi vacabat, cum ad eam ingressus est Angelus. Oportet item non resistere divinis inspirationibus; non enim Beata Virgo restitit Angelo, sed prudenter se gessit, probando an vere esset Angelus Domini, timens ne erraret, aut deciperetur; sic enim ait: *Nolite credere omni spiritui, sed probate utrum ex Deo sint.*²⁰

IV. *Quomodo fiet istud quoniam virum non,* etc. Quomodo fiet istud! Quomodo, inquit, potest esse, ut ego mater Dei evadam? Sic multi dicunt: Quomodo potest homo ad summam perfectionem sanctitatis pervenire? Sed audiant Angeli responsionem: *Spiritus Sanctus superveniet in te,* etc.;²¹ audiant et exemplum: *Et ecce Elisabeth cognata tua.*²² Si multi alii ad sanctitatis perfectionem devenerunt, etiam in Veteri Testamento, cum homines essent similes nobis, nec tantam sacramentorum gratiam haberent, erit impossibile nobis, qui tantam Spiritus Sancti gratiam habemus? *Non erit impossibile apud Deum omne verbum.*²³ Deus est et Spiritus Sancti virtus, qui mirabilia in nobis sanctitatis opera vult operari.

Missus est Angelus Gabriel a Deo, etc. Nunquam in mundo facta est tanti momenti ac tam digna legatio, si consideretur excellentia mittentis, quia est Deus; missi, quia princeps Angelorum, Archangelus Gabriel, quod interpretatur *vir Deus, sive fortis Deus;* ad quam mittitur, quia Beata Virgo Regina mundi; causa propter quam mittitur, quia est divinum sponsalitium ac matrimonium unde pendet mundi totius salus et vita aeterna.

Quomodo
perfectio
acquiratur.

Archangeli
Gabrieli magna
legatio.

15) Lc 1, 34.

16) 2 Cor 11, 14.

17) Lc 1, 38.

18) Iac 4, 6 et 1 Petr 5, 5.

19) Os 2, 14.
si ex Deo sint.

20) 1 Io 4, 1.

Vulg. habet: *Nolite omni spiritui credere, sed probate spiritus*

21) Lc 1, 35.

22) Ibid. 1, 36.

23) Ibid. 1, 37.

3.

IN SALUTATIONEM ANGELICAM

SERMONES DECEM

Ave, Maria, gratia plena, Dominus tecum, benedicta tu in mulieribus... et benedictus fructus ventris tui Iesus. (Lc 1. 28, 42).

Sancta Maria, Mater Dei, ora pro nobis peccatoribus nunc et in hora mortis nostrae. Amen. (Ecclesia).

SERMO PRIMUS

DE SALUTATIONE ANGELICA IN GENERE

*Ave, Maria, gratia plena, Dominus tecum, benedicta
tu in mulieribus, et benedictus, etc.* ¹

I. Laudavit Deus omnia opera sua, quae viribus omnipotentiae suae ex nihilo creaverat, atque ex profundissima tenebrarum abyssu ^{1a} in lucem ediderat, nam: *Vidit cuncta quae fecerat, et erant valde bona,* ² tanquam optimi, sapientissimi et excellentissimi artificis opera sapientissime optimeque elaborata. Sed in primis lucem, quam ante alia omnia de tenebris fecit splendescere, ³ singulariter commendavit: *Dixit Deus: Fiat lux. Et facta est lux. Et vidit Deus lucem quod esset bona.* ⁴ Deo enim, qui suapte natura summe bonus est, imo summa et infinita bonitas, non possunt non placere bona, non ipsa bonitas commendari.

Est autem lux bonitatis virtutisque symbolum. Sicut autem Deus omnia opera sua, sed cum primis lucem laudavit; ita in Ecclesia sua, quae veluti alter sed augustissimus et sacratissimus mundus est, idem ipse Deus Sanctos omnes collaudat, magnoque honore dignos praedicat ob virtutem. Praecipue tamen in Sacris Litteris Virgo Beatissima divinitus est multis encomiis et eulogiis illustrata, quoniam ipsa instar primigeniae illius lucis tota lux splendidissima est, unde inter Sanctos fulget in coelo sicut sol inter stellas, nam propterea sole amicta Ioanni visa fuit. ^{4a}

In mundo lux
a Deo praecipue
laudata, sym-
bolum bonitatis;
in Ecclesia
Maria, symbolum
bonitatis.

Multi in Sacris
Litteris a Deo
laudati,

1) Lc 1, 28. 1a) Ms.: *Abyssu.* 2) Gn 1, 31. 3) Cf. 2 Cor 4, 6. 4) Gn 1, 3.
4a) Apc 12, 1.

Multos legimus in Sacris Litteris a Deo insigniter laudatos; multa Sanctorum encomia ob praestantem virtutem sunt aeternitati consignata. Laudatur Abel, sanctusque, innocens, iustus piusque Dei cultor ostenditur;⁵ Enoch illustri encomio nobilitatur quod cum Deo ambulavit, idest, Dei partes, non satanae, semper secutus fuit, ideo raptus in coelum fuit;⁶ Noe ampliori adhuc multoque illustri decoratur: *Noe, vir iustus atque perfectus... cum Deo ambulavit, et invenit gratiam coram Domino;*⁷ Abraham quod credidit... *Deo, et reputatum est illi ad iustitiam;*⁸ Iob quod *vir erat... simplex... et rectus ac timens Deum et recedens a malo;*⁹ Moyses quod vir mitissimus erat¹⁰ et in tota domo Dei fidelissimus;¹¹ David quod homo fuit iuxta cor Dei.¹² Christus Dominus Ioannem laudavit ac plus quam prophetam praedicavit: *Inter natos mulierum non surrexit propheta maior Ioanne Baptista;*¹³ *hic est enim de quo scriptum est: Ecce ego mitto angelum meum qui praeparabit viam ante faciem tuam.*¹⁴ Sic Petrum commendavit: *Beatus es, Simon Bar-Jona, quia caro et sanguis non revelavit tibi, sed Pater meus qui in coelis est.*¹⁵ Mulieres etiam multas reperimus in Sacris Litteris multis laudibus decoratas: Saram,¹⁶ Rebeccam,¹⁷ Rachelem,¹⁸ Mariam sororem Moysis,¹⁹ Deborah prophetissam,²⁰ Annam Samuelis matrem,²¹ reginam Esther²² aliasque quam plures.

praecipue tamen
Virgo Deipara
per Prophetas.

In Virgine autem Deiparâ, licet Divina Scriptura sobria admodum et parca videatur, saepe tamen honestissimis laudum praeconiiis eam nobis commendatam reddit. Eam Moyses ostendit quod futura erat serpentis antiqui capitalis inimica, victrix ac superatrix: *Inimicitias ponam inter te et mulierem... ipsa conteret caput tuum,*²³ utique Christum pariendo satana fortiorem et inferni triumphatorem. Hanc Regius Vates indicavit, dicens: *Astitit regina a dextris tuis in vestitu deaurato, circumdata varietate,*²⁴ cum de Christi gloria verba faceret. Salomon, divina sapientia imbutus coelestique Spiritu afflatus, in hoc argumento copiosus est. Nunc totam pulcram et immaculatam praedicat: *Tota pulchra es, amica mea, et macula non est in te;*²⁵ nunc auroram consurgentem, pulcriorem luna et sole splen-

5) Cf. Gn 4, 4.

6) Cf. ibid. 5, 22-24.

7) Ibid. 6, 8-9.

8) Rom 4, 3.

9) Job 1, 1.

10) Nm 12, 3.

11) Ibid. 12, 7.

12) Cf. 1 Rg 13, 14.

13) Mt 11, 11. Vulg. habet: *Non surrexit inter natos, etc.* 14) Ibid. 11, 10. Vulg. habet: *Ante te, loc: Ante faciem tuam.*

15) Mt 16, 17. 16) Cf. Gn 17, 19 et Hebr 11, 11.

17) Cf. Gn 24, 15-16. 18) Cf. ibid. 29, 17. 19) Cf. ibid. 15, 20. 20) Cf. Ide cпп. 4, 5.

21) Cf. 1 Rg cпп. 1, 2. 22) Cf. Est 2, 7, 15. 23) Gn 3, 15. 24) Ps 44, 10.

25) Ct 4, 7.

didiorem: *Quae est ista quae progreditur quasi aurora consurgens, pulcra ut luna, electa ut sol?*²⁶ nunc mille aliis laudibus ornat cum in *Canticis* tum etiam in extremo capite *Proverbiorum* in elegantissima illa imagine ac veluti idea mulieris fortis, idest, mulieris ingenio, virtute et sanctitate praestantissimae. Quis autem ignorat Mariam fuisse perfectissimam imaginem divinamque virtutum ideam? Quare per mulierem illam virtutis nonnisi Virgo Deipara intelligenda venit. Isaias perpetuam virginem ac mirabilem Dei genitricem appellat: *Ecce Dominus dabit ipse vobis signum: Ecce Virgo concipiet et pariet Filium, et vocabitur nomen eius Emmanuel.*²⁷ Ieremias novam mulierem; *Novum creavit Dominus super terram, femina circumdabit virum.*²⁸

Angelicum autem hoc in Virginem encomium omnium est illustrissimum, sicut sol inter astra coeli; quod Spiritus Sanctus per os Elisabeth, Praecursoris matris, divina quadam paraphrasi illustravit; nam cum vocem Mariae audisset, repleta Spiritu Sancto, ait: *Benedicta tu inter mulieres et benedictus fructus ventris tui; et unde hoc mihi ut veniat mater Domini mei ad me?*... *Et beata quae credidisti, quoniam perficiuntur in te... quae dicta sunt tibi a Domino.*²⁹ Vere Salomon ait: *Fallax gratia et vana est pulcritudo, mulier timens Dominum ipsa laudabitur;*³⁰ nam et: *Beata m, inquit, me dicent omnes generationes, quia fecit mihi magna qui potens est.*³¹

maxime
per Angelum
Gabrialem.

II. Sed inspiciamus ac sedulo contemplemur divinum hoc Mariae encomium per sapientissimum architectum Gabrielem, imo a Deo per ipsum fabricatum, nam Gabriel hic Dei nuncius et legatus est: *Missus est, inquit, Gabriel Angelus a Deo... ad Virginem;* quare Dei utique nomine loquitur, imo Deus per ipsum loquitur. Sed ab ipso internuncio sumamus exordium.

Angelicum in
Virginem enco-
mium omnium
illustrissimum ex
laudatore,
Angelorum prin-
cipe.

Ingressus ad Virginem Angelus dixit ei: *Ave, gratia plena, Dominus tecum benedicta tu in mulieribus.*³² Non quilibet Angelorum est qui Virginem sic alloquitur et collaudat, sed Gabriel, Angelorum clarissimus et illustrissimus princeps, omnium Dei ministrorum nobilissimus: *Ego,* inquit ad Zachariam patrem Ioannis, *sum Gabriel, qui asto ante Dominum;*³³ hinc singulariter Angelus Domini appellatur. Hunc Magnus

26) Ibid. 6, 9.
31) Lc 1, 48-49.

27) Is 7, 13-14.
32) Ibid. 1, 26-28.

28) Jer 31, 22.
33) Lc 1, 19.

29) Lc 1, 42-45.

30) Prv 31, 30

Gregorius summum Angelorum dixit summa nunciantem;³⁴ et Damasceno teste, *De Virginis Assumptione*, inter Angelos primum locum tenet³⁵ Divinissimus ergo Angelus et Angelorum princeps serenissimus Mariam sic laudat; quem Divus Bernardus per Eliezer procuratorem domus Abrahae servorumque illius principem, qui missus fuit ad quaerendam uxorem filio suo, figurari docet;³⁶ Gabriel, qui *fortitudo Dei*, sive *fortis Deus*, vel etiam *homo Deus* interpretatur, suaque nomenclatura divinae Incarnationis mysterium et miraculum designabat; Gabriel, secretissimorum Dei consiliorum conscientia et internuncius, qui Danieli mysterium septuaginta hebdomadarum revelavit,³⁷ qui pro salute Electorum Dei contra Persarum principem pugnavit,³⁸ qui Danieli gloriosa apparitione visus fuit, indutus lineis toto corpore instar chrysolithi, accinctus renibus auro obrizo, facie instar fulguris, ardentibus oculis more lampadarum, brachiis cruribusque ex candenti aere, voce terribili instar magni exercitus.³⁹ Mirandum plane spectaculum!

Sed per haec mysteria nobilissimi huius Angelorum principis magnitudo designatur; in lineis vestibus divina sanctitas, nam: *Byssinum... iustificationes sanctorum sunt*,⁴⁰ divina etiam beatitudo; sicut in auro optimo caritas: *Suadeo tibi emere aurum ignitum, ut locuples fias, et vestimentis albis induaris*,⁴¹ nam: *Qui vicerit induetur vestimentis albis*;⁴² in chrysolito vel tharsio coelestis natura et virtus; in faciei splendore gloria; in ardentibus oculis sapientia et intelligentia; in brachiis aereis divina et insuperabilis potentia, qua terribilis est ut potens et numerosus exercitus; hoc est enim vox eius sicut multitudinis, stentorea voce tonans.

Hic igitur talis ac tantus Angelus, divini Numinis pronubus et paramymphus, ad Virginem veniens, eam sic affatur et laudat: *Ave, gratia plena, Dominus tecum, benedicta tu in mulieribus*. O magnum pelagus et abyssum immensam laudum Mariae, quae paucis his verbis continentur! Hic veluti infinitus thesaurus est praecognitorum Deiparae Virginis. Pauca sunt verba, quoniam divina sunt. Paucissimis autem verbis Deus mundum immensa luce decoravit, coelum innumeris aeternisque luminibus, terram

34) Cf. *Homil. 34 in Evang.* lib. 2, (P. L. 76, 1604). 35) Cf. *Homil. 2 in Dormit. Deiparae* n. 16. (P. G. 96, 878). 36) Potius D. Bonavent. *Serm. 2 de Annunc. V. M.* (9, 660) D. Bernardus obscure tantum ad hoc alludit. Cf. *Homil. 2 super Missus est.* (P. L. 183, 737).

37) Cf. Dn 9, 20-27.

38) Ibid. 10, 13.

39) Ibid. 10, 5 sqq.

40) Apc 19, 8.

41) Ibid. 3, 18.

42) Ibid. 3, 5.

plantis et animalibus mirabili stupendoque ornamento. Pauca sunt verba, sed plenissima, sed non humano ore, sed angelica lingua pronunciata.

Non enim homo aliquis licet sanctissimus, patriarcha vel propheta, Abraham, Moyses, Elias, Isaias seraphico ministerio purgatus, Ieremias sanctificatus in utero, aut quis alius licet sanctissimus ad Virginem missus est; sed Angelorum dux paeclarissimus. Quis enim hominum eam pro dignitate laudare potuisset, quam Deus Angelis ipsis praetulit, suoque matrimonio dignam existimavit, sponsamque elegit et per nobilissimum internuncium requisivit? Vix alia quam angelica lingua eruditissima, sapientissima, purissima Deiparam Virginem digna est aptaque collaudare. Quid igitur faciemus nos labiis cordeque polluti? Ipsa tamen pro sua infinita modestia et benignitate, ut mitissima cordeque humillima, humanas laudes, licet exiles et meritis longissime impares, non aspernatur, non respuit. Et sicut Deus respexit ad Abel et ad munera eius;⁴³ ita respicit ipsa ad corda, ad vota, ad laudes fidelium, qui puro corde eam, si non pro dignitate, saltem pro virili laudare satagunt et celebrare ut possunt. Ecce ait ipsa: *Beatam me dicent omnes generationes.*⁴⁴ *Viderunt eam filiae, adolescentulae, et beatam dixerunt, et reginae et concubinae... laudaverunt eam,*⁴⁵ idest, omnes fideles piaeque animae. Sic a muliere illa evangelica, licet de plebe, ex afflato tamen Spiritus Sancti laudata fuit: *Extollens vocem quaedam mulier de turba dixit...: Beatus venter qui te portavit, et ubera quae suxisti.*⁴⁶

Vix angelica
lingua digna est
Deiparam col-
laudare,

ipsa tamen non
respuit laudes
humanas.

III. Sed ut ad salutationem angelicam revertamur, novus Dei nuncius novam mulierem novo salutavit modo pro novo et inaudito mysterio, novo et inaudito sacramento: *Ave, gratia plena, Dominus tecum.* Nova haec salutandi forma alias nunquam audita, nusquam comperta; hinc audiens Maria turbata mirataque fuit, quoniam plane omni admiratione digna est.

Salutavit aliquando Angelus Domini Gedeonem, quem pro salute populi sui Deus elegerat, dixitque ei: *Dominus tecum, virorum fortissime,*⁴⁷ sive, ut in hebr. est, *isc hashail, vir fortitudinis;* nec insignorem reperimus salutationem in toto Veteri Instrumento. Sed quid paeclari habet illa cum hac salutatione collata: *Ave, gratia plena?*

Encomium illu-
strissimum ex
eo quod
affirmat.

43) Cf. Gn 4, 4. 44) Lc 1, 48.

45) Ct 6, 8. Vulg. habet: *Viderunt eam filiae, et beatissimam praedicaverunt, etc.*

46) Lc 11, 27.

47) Idc 10, 12.

Ave pacem et
felicitatem signi-
ficat,

Mos erat apud Hebraeos, sicut omnes fere gentes consuevere, ut in primo occursu invicem salutent pacemque et felicitatem sibi precentur et exoptent. Sed et osculum adhibere etiam in more positum habebant Hebraei; sic Ioab, cum salutasset Amasam, osculari eum voluit, sed cum dolo, ut occideret;⁴⁸ sic Iudas Christum.⁴⁹ Hinc monet Paulus: *Salutate invicem in osculo sancto.*⁵⁰ Sic Dominus mandavit Apostolis, ut hospitibus suis pacem nuncient ac precarentur, ingredientes domum.⁵¹ Nam quod Latini dicunt, salutantes, *salve aut ave*, Graeci autem χαρε, Hebraei שָׁלוֹם, dicunt, quod est *pax* sive *felicitas*. Hebraeo igitur more Angelus hebraeam salutavit mulierem.

imo et affirmat.

Sed tamen sensu multo altiore; non enim pacem ei exoptat et precatur, ut moris est salutantium, sed affirms; sicut Dominus Gedeoni, sibi valde timenti, eo quod Angelum Domini viderat, ait: *Pax tibi, noli timere, non morieris*,⁵² idest, *pax mihi tecum est*; pax inter nos intercedit, nullo metu aut opinione mortis afficiare. Et cum iidem Angelus Domini dixit: *Dominus tecum, vir fortissime*, non optans sed affirmans dixit. Quod cum intellexisset Gedeon, ait: *Obsecro, mi Domine, si Dominus nobiscum est, quomodo apprehenderunt nos omnia haec mala?*⁵³ Ita nunc coelestis paranyphus non exoptat, non precatur Virgini pacem, sed nunciat, sed affirms.

Significat etiam
salutem, integrati-
tatem et
perfectionem,

Salom autem Hebraeis, ut periti quique eius linguae norunt, non tantum *pacem* et *concordiam* significat, verum etiam *integritatem, salutem, perfectionem, felicitatem omnem*. Hinc enim coelestis patria *Ierusalem* appellatur, quod est *visio pacis*, quoniam ibi summa reperitur perfectio, summa felicitas, perfectissima salus et aeterna nunquam finem habitura quies. Sic Christus *Princeps pacis* est appellatus, cuius *pacis non erit finis*.⁵⁴ Hoc igitur significat hoc loco *ave*: *Pax tibi, pax utique Dei quae exsuperat omnem sensum;*⁵⁵ idem igitur est *ave*, sive *pax, salom*, ac: *Felix et beata es, o plena gratia*. Nam quia *pax* perfectam Hebraeis beatitudinem denotat, propterea Deus pacem inhabitare dicitur,⁵⁶ sicut et lucem inaccessibilem;⁵⁷ propterea etiam Deus pacis appellatur,⁵⁸ quia perfectam beatitudinem habet: *Beatus*, ut Paulus ait, *et solus potens*.⁵⁹ Hanc etiam ob causam Sponsa, in *Canticis, Sulamitis* dicitur,⁶⁰ idest, *felix, beata*.

48) Cf. 2 Rg 20, 8-10.

49) Cf. Mt 26, 48-49.

50) Rom 16, 16.

51) Cf. Lc 10, 5.

52) Idc 6, 23.

53) Idc 6, 13 sqq.

54) Is 9, 7.

55) Phil 4, 7.

56) Cf. Ps 75, 3.

57) Cf. 1 Tim 6, 16.

58) Cf. Rom 15, 33.

59) 1 Tim 6, 15.

60) Cf. Ct 6, 12.

Quoniam vero non est felicitas sine voluptate, sine laetitia et gaudio; hinc pax etiam gaudium laetitiamque significat. Hinc offerebantur hostiae pacifcae pro publica salute et consolatione populi.⁶¹ Hinc ait quod *non est pax impiis*,⁶² idest, verum gaudium; hinc quod *iustitia et pax osculatae sunt*,⁶³ quia virtutem concomitatur et sequitur vera animi hilaritas. Quare Angelus Virginem hoc modo salutans, indicavit quod summo gaudio et exultatione perfundi deberet; sicut divinus vates Zacharias ad Ecclesiam ait: *Exulta satis valde, filia Sion, iubila, filia Ierusalem; ecce rex tuus venit tibi*;⁶⁴ summa tibi est, inquit, causa laetitiae et exultationis, quoniam rex tuus, Deus bonorum omnium auctor, venit ad te summa felicitate donandum.

gaudium
et laetitiam.

IV. Quare excludit Angelus a Maria hac sua salutatione omnem causam moeroris; a maledictione omni, quae Eva peccati causa inflicta fuit, liberam immunemque facit, omnemque veterem abiicit luctum, antiquum excludit infelicitatis elogium. Declarat quod pristinae maledictionis nihil omnino retineat, quod, cum vere sit ab omni peccato immunis, nullas habeat moeroris et tristitiae causas, quae nonnisi ex peccato emanant; nulla enim mundo nocuissest adversitas, si nulla per hominem inventa fuisset iniqüitas.⁶⁵

Encomium hoc
illusterrimum
ex eo quod
excludit.

Angelus igitur Virgini felicitatem nunciat, summaeque laetitiae et exultationis causam; affirmantis vox ista est non optantis aut precantis. Quid enim Angelus Virgini optaret aut precaretur, quam noverat apud Deum summam gratiam invenisse supra omnem etiam angelicam creaturam? Si igitur vox ista veterem omnem a Maria maledictionem excludit, omnemque miseriarum et infelicitatis rationem; non aliene omnino istud *ave* interpretati nonnulli sunt *sine vae*,⁶⁶ quod Eva incurrit, divinum transgressa mandatum. Nam per Eva peccatum triplex, ut ita dicam, *vae* in genus humanum transfusum est: *vae culpae*, cum originis, tum actionis; *vae temporalium calamitatum et miseriarum*, quas in praesenti saeculo patimur inviti; ac tandem *vae aeternorum cruciatuum* in inferno; multi enim ob peccatum poenas dabunt in gehenna et supplicia nunquam finitura.

Triplex peccati
effectus exclusus
a Maria.

61) Cf. Lv 7, 11 sqq.

62) Is 48, 22.

63) Ps 84, 11.

64) Zach 9, 9.

65) Cf. *Missale Rom.* Oratio super populum in Sabat. 1 post Cineres.

66) Cf. Petr. Cel-

lens. Serm. 24 in Annunc. B. M. V. circa medium (P. L. 202, 715), et Opuscul. *Speculum B. M. V.*

D. Bonavent., sed perperam, attributum, lect. 2.

Maria autem nec peccati Evaë particeps aut heres fuit, nec maledictioni illius subiacuit; nam non in dolore sed in gaudio peperit Salvatorem. Nec poenas inferni aliquas sensit in purgatorii igne ^{66a} cum nullum unquam vel minimum vel levissimum peccatum admiserit, semper ipsa etiam cogitatione purissima sanctissimaque, ut ipsos etiam Angelos puritate vicerit, sanctitate superarit; haec erat in ea summa maximaque causa laetitiae. Hinc ei dicitur: *Ave*; pax ei perfectaque laetitia nunciatur.

Hac autem salutatione visus est Gabriel non solum amice Virginem salutasse ac reverentiam exhibuisse, verum etiam laetum et gaudentem congratulatum illi fuisse. Uberrima nanque ei inerat laetitiae et gaudii causa, qui laetissima ac Deo simul Angelis et hominibus iucundissima nunciabat, ita ut ex hac angelica nunciatione visum sit Novum Testamentum Evangelii nomen accepisse, bonumque nuncium appellatum esse, quod hominibus laetissima ipsius praedicatione nunciantur: Dei gratia et misericordia, peccatorum remissio, divitiarum coelestium copiosa benedictio, ipsaque tandem vita, gloria et felicitas sempiterna. Haec autem omnia in divina hac salutatione virtute continentur, sicut fructus arboris in radice.

*Salutemus
Mariam, quia
cultus Virginis
gratiarum copia,*

V. O felices ac beatos, qui Divino Spiritu afflati ac sincero cordis affectu moti, veluti a Deo una cum Gabriele missi, ad Virginem pergunt, eamque cum Angelo salutant, reverentur, adorant et congratulantur ei vivo spiritu, pioque internae devotionis affectu! Non enim poterunt ab ipsa non resalutari. Laetus et voti compos discessit ab ea Angelus; sic et omnes qui cum Angelo Maria salutant et laudant, non sine uberrima spiritus consolatione et donorum coelestium copiosis muniberis ab ea discedunt. Neque enim aut facultas ei deest aut voluntas divinas gratias imperitiendi, cum ipsa thesaurus effecta sit et fons gratiarum Dei inexhaustus. An non ipsa gratia plena et superveniente Spiritu Sancto multo plenior effecta, coelestes has divitias divinumque thesaurum Elisabeth et Ioanni impertiita fuit? *Ut audivit salutationem Mariae Elisabeth, exultavit infans in utero eius; et repleta est Spiritu Sancto Elisabeth.* ⁶⁷

O felices, qui sic Mariam in cordis domum pia devotione recipiunt, nam ad vocem ipsius coelestium gratiarum copia procul dubio replebuntur. Sic propter arcam testamenti mirum in modum benedixit Dominus domum

66a) Ms.: *Ignem.*

67) Lc 1, 41-44.

Obededon;⁶⁸ divinis benedictionibus ditabitur quisquis Divinitatis vivam hanc arcam in cordis sui hospitio honorifice collocatam tenebit.

Salutemus, fratres carissimi, cum Gabriele Virginem Beatissimam, et multo copiosius ipsa nos pro sua humanitate resalutabit. Nam apud omnes etiam barbaras nationes in more positum est, ut salutantibus resalutantes copiosiora precentur; si felicem diem suscepient, felicem reddant diem et annum. Quis hoc ignorat? Quomodo ergo Virgo Sanctissima, quae item humillima et humanissima est, salutantes non resalutabit? Dicamus nos ei *ave*, demus ac nunciemus ei pacem, praedicemus beatam, congratulemur ei, et pacem nobis multo copiosiorem reddet. Laudemus nos eam, perpetuam ipsius pacem cum Deo perfectamque amicitiam, caritatem sanctitatemque celebrantes. Nam de ea vere ac unice dici potest quod perfectum fuit cor eius cum Deo, quod David Salomoni filio suo precatus fuit a Deo, *1 Paralip. 29*; ⁶⁹ et ipse Salomon in sua publica oratione in templi dedicatione postulavit sibi et universo populo, *3 Reg. 8*; ⁷⁰ hebr. autem *pacificum cor* est. Ipsa autem Maria pacem nobis reddet gratiae et consolationis, de qua dicitur: *Opus iustitiae, pax.* ⁷¹ *Pax multa diligentibus nomen tuum.* ⁷² *Loquetur pacem in plebem suam et super sanctos suos.* ⁷³

Salutemus et veneremur Virginem cum Gabriele Dei nuncio. Nam audeo dicere quod ex pia devotione et cultu in Virginem vel maxime Electi a reprobis internoscuntur, filii Dei a filiis diaboli, Ecclesia Christi a synagoga satanae. Honoravit semper Deus Optimus Maximus Sacratissimam Virginem tanquam Sponsam suam dilectissimam unicique Filii sui dignissimam Matrem; satana vero singulari studio acerrimoque odio eam est persecutus, sicut in *Apocalypsi* legimus, quia mundo edidit Salvatorem.⁷⁴ Hinc semper fideles Christi, tanquam veri filii Dei, Virginem Deiparam summo studio, singulari devotione, piissimo cultu semper sunt venerati. Templis, altaribus, sacris imaginibus, festis diebus ac maxime solemnibus concionibus in laudem ipsius sacrisque precibus eam pro viribus cohonestavit semper in Christi Ecclesia veneranda Deoque cara Antiquitas.

Satanae autem filii, infideles omnes multis blasphemis et calumniis eam proscindunt, traducunt, pro virili deturpant; hinc vel maxime hodie veri Catholici ab haereticis hac veluti tessera dignoscuntur. Nam haeretici sacras Deiparae Virginis imagines de templis exturbant, festos dies in ipsius

tessera
Electorum,

et Catholiconum,

68) Cf. 2 Rg 6, 11.
72) Ps 118, 165.

69) Cf. vr. 19.
73) Ps 84, 9.

70) Cf. vr. 61.
74) Apc 12, 1-18.

71) Is 32, 17.

honorem dicatos cum ethnicis et Iudeis contemnunt, ac impiae superstitionis, imo idololatriae Virginis cultores accusant et damnant. Et impius Calvinus, satanae primogenitus filius, Angelicam Salutationem in Ecclesia magicum exorcismum, impudentissime blasphemans, virulenta lingua appellavit.⁷⁵ Sed nil mirum. Nam haeretici, satanae spiritu imbuti, blasphemiae spiritu quam maxime turgent, sicut in *Apocalypsi de Antichristo* legimus quod *datum est ei os loquens magna et blasphemias... et aperuit os suum in blasphemias ad Deum, blasphemare nomen eius, et tabernaculum eius, et eos qui in coelo habitant*⁷⁶ Sic divinum hoc tabernaculum de quo legimus: *Sanctificavit tabernaculum suum Altissimus*,⁷⁷ impie blasphematum fuit cum ab antiquis haereticis Antidicomarianitis,⁷⁸ tum a novatoribus sectariis Mariomastigis.⁷⁹

Sed relinquamus impios in impietate sua, cum tenebris excaecatum habeant cor, et tradiderit eos Deus in reprobum sensum.⁸⁰ Nos cum Gabriele Dei nuncio Virginem salutem ac veneremur. Hunc enim ducem sequentes, coelestem hanc columnam in deserto mundi huius cum fideli populo Dei⁸¹ errare nequaquam poterimus. Ducem enim hunc secuti sunt sancti Dei homines in Virgine salutanda et honoranda: Athanasius in oratione *de Sanctissima Deipara*,⁸² Gregorius Nazianzenus in tragedia *Christus passus*,⁸³ Chrysostomus in *Liturgia*,⁸⁴ Ephraem diaconus *De Laudibus Virginis*,⁸⁵ Ambrosius,⁸⁶ Augustinus,⁸⁷ Fulgentius,⁸⁸ Damascenus,⁸⁹ Anselmus,⁹⁰ Bernardus,⁹¹ pii omnes, universa tandem Ecclesia *columna et firmamentum veritatis*.⁹²

sanctorum
Patrum et
Ecclesiae mos.

Mariam hono-
remus maxime
cum salutatione
angelica,

VI. Cum igitur praecipua et singularis in Virginem Christi Matrem devotione insigne sit verorum fidelium, tessera militum Christi, ne nos, quaeo, in hac piissima Deoque gratissima devotione frigidi aut tepentes simus; nam

75) Cf. *Harm. Evang.* Lc 1, 28. Vol. 6. Ed. a. 1667, Amsterdam. 76) Apc 13, 5-6. 77) Ps 45, 5. 78) Haeretici saec. II et III qui Mariae virginitati usque adeo contradixerunt ut eam affirmaverint post Christum natum viro suo fuisse commixtam. 79) Mariomastigi, idest, calumniatores Mariæ ex graec. μαρτυρίς flagellum, fīg. calumniantor. Sic indiscriminatim haeretici a D. Laurentio vocantur. 80) Cf. Rom 1, 28. 81) Cf. Ex 13, 21. 82) P. G. 28, 334 sqq. Apocriph. 83) P. G. 38, 1206 sqq. 84) P. G. 63, 902 sqq. 85) Tom. 1, pag. 569 sqq. 86) Cf. *Exposit. Evang. Lucae*, lib. 2. (P. L. 15, 1281 sqq.; lib. 2). *De Virginibus*, ep. 2. (P. L. 16, 164) et alibi. 87) Cf. *De Doctrina Christi*, lib. 4, cp. 21. (P. L. 34, 113); *De Natura et Gratia*, cp. 36. (P. L. 44, 267) et alibi. 88) Cf. lib. *De Fide ad Petrum*, n. 17. (P. L. 65, 508); *Serm. in Purificationem Mariae*. (P. L. 65, 668). 89) Cf. *Homil. in Festos Deiparae*. (P. G. 96, 834 sqq.). 90) Cf. *Orationes ad B. Virginem* (P. L. 158, 276 sqq.). 91) Cf. *Serm. super Missus est* (P. L. 183, 733 sqq.) et *in Festos B. M. V.* (P. L. 183, 995 sqq.). 92) 2 Tim 3, 15.

calidos ardentisque requirit Deus, qui ad hoc venit in mundum, ut ignem accendat, nec vult nisi ut ardeat.⁹³ Ardeat perpetuo coram Domino super altari cordis nostri coelestis hic ignis, et beati erimus. Ab omni enim malo nos Maria liberabit, votisque nostris pro materna sua caritate annuens, clientes suos patrona potentissima ac fidelissima proteget, servabit incolumes, multis ditabit et cumulabit bonis.

Salutemus, fratres, Deiparam Virginem attentissimis et religiosissimis animis angelica hac salutatione, qua eam Gabriel multis laudibus exornavit, et meditemur eam, quoniam haec totius Evangelii compendium est, et Redemptionis nostrae mysterium, nostraeque salutis exordium in ea continentur. Meditemur eam ad renovandam iugiter memoriam maximi ac divinissimi mysterii, quo Deus homo factus est, et: *Sic Deus dilexit mundum ut Filium suum Unigenitum daret.*⁹⁴ Meditemur eam, quia in ea divinorum promissorum confirmatur fides; nam quod Patriarchis olim Deus promiserat de Messia salvatore mittendo Filioque suo Unigenito dando, nunc implet. Meditemur eam, quia in ea continentur coelestia dona, quibus a Deo Maria super omnem creaturam ditata est. Meditemur eam, ut in hac meditatione talium tantorumque beneficiorum accendatur in nobis divini amoris ignis, animusque noster excitetur ad gratias Deo digne agendas.

Ex corde tandem salutemus Virginem angelica hac et evangelica salutatione, ut per nos et in nobis Virginis ipsius vaticinium impleatur: *Beatum me dicent omnes generationes, quia fecit mihi magna qui potens est.*⁹⁵ Cogitabat Virgo Divinissima qualis esset ista salutatio,⁹⁶ cogitemus et nos intensissimis mentibus. Maria conferebat conservabatque in corde suo verba divinitus auditae,⁹⁷ sicut Regius Vates agebat: *In corde meo abscondi eloquia tua,*⁹⁸ utique tanquam inestimabilem thesaurum; faciamus et nos. Cogitabat qualis esset ista salutatio, quantis mysteriorum et sacramentorum ponderibus gravida!

quia ipsa est
redemptionis
nostrae compen-
dium,

et fiet praemium.

93) Cf. Lc 12, 49.

97) Cf. ibid. 2, 19. 51.

94) Io 3, 16.

98) Ps 118, 11.

95) Lc 1, 48.

96) Ibid. 1, 29.

SERMO SECUNDUS

DE SALUTATIONE ANGELICA IN GENERE

Ave, gratia plena, etc. ¹

De prima
muliere quatuor
dicuntur: similis
primo homini,
et coniuncta,
cum eo benedicta, mater
omnium.

De Maria item
quatuor: similis
Christo, et
coniuncta, mater
omnium

I. Sicut de prima muliere in Sacris Litteris legimus quod manu Dei aedificata fuit in mulierem, et quatuor de ea specialiter describuntur, quasi fuerit, ut solent esse aedificia domorum, quadrangulare aedificium: primum est quod fuerit facta divinitus similis primo homini: *Non est bonum hominem esse solum; faciamus ei adiutorium simile sibi*² *quasi coram ipso;* alterum est coniugium, coniunctio, consortium ipsius cum primo homine: *Hoc nunc os ex ossibus meis et caro de carne mea; haec vocabitur Virago,* quia de viro sumpta est, propter hoc relinquet, etc.;³ tertium est benedictio cum primo homine: *Masculum et feminam creavit eos; et benedixit eis, dicens: Crescite, et multiplicamini, et replete terram... et dominamini piscibus maris et volatilibus coeli et bestiis universaeque terrae;*⁴ et quartum est maternitas ipsius: *Vocavit... eam Ewam, eo quod mater esset cunctorum viventium;*⁵ ita sane de prima muliere Ecclesiae Dei, Maria, quae prima omnium in Christum credidit, Christumque adoravit, aedificataque fuit in templum Dei et habitaculum Spiritus Sancti, sicut arca testamenti, sicut tabernaculum Moysis, sicut templum Salomonis, quadrangulari figura aedificata fuit.

1) Lc 1, 28. 2) Gn 2, 18. Vulg. habet: *Esse hominem solum. Verba: Quasi coram ipso ex hebr.*
3) Ibid. 2, 23. 4) Ibid. 1, 27-28. Vulg. habet: *Benedixitque illis Deus et ait. Et loc.: Bestiis*
etc. habet: *Universis animantibus quae moventur super terram.* 5) Ibid. 3, 20.

II. Et quatuor de ipsa dicuntur. Primum, quod sit *gratia plena*; per gratiam autem similes Deo efficiuntur, sicut luna soli per lumen; Maria similiter Christo, primo homini, sicut luna plena soli: Christus plenus gratia,⁶ Maria *gratia plena*. Alterum est coniunctio cum Deo: *Dominus tecum*. Tertium, benedictio: *Benedicta tu in mulieribus*, sicut: *Benedictus fructus ventris tui*.^{6a} Quartum est maternitas divina: *Benedictus fructus ventris tui*. Quis autem fructus est? *Unde hoc mihi, ut veniat Mater Domini mei ad me?*⁷ Mater Christi, Maria. Et sicut Eva mater dicta est cunctorum viventium; ita Maria mater omnium Christianorum, qui membra sunt Christi;⁸ unde Ecclesia dicta est corpus Christi;⁹ et cum Saulus Christianos persequeretur, audivit a Domino: *Saule, Saule, cur me persequeris?*¹⁰ Et a Christo in cruce facta fuit in Ioanne mater cuiuscumque Christiani.¹¹

6) Cf. Io 1, 15. 6a) Lc 1, 42. 7) Ibid. 1, 43. 8) Cf. 1 Cor 6, 15; 12, 1, 27.

9) Cf. Col 1, 24. 10) Act 9, 4. 11) Cf. Io 19, 25-27.

SERMO TERTIUS

DE SACROSANCTO MARIAE NOMINE

*Ave, gratia plena, Dominus tecum, benedicta tu in
mulieribus,¹ et benedictus fructus ventris tui.²*

Gabriel Angelus
reverentia
silet Mariae
nomen.
Maria soror
Moysis typus
Deiparae.

I. Mirum videtur, fratres, cum Gabriel, Dei nuncius, ad Virginem prouerbios et paronymphus destinatus, salutans eam, proprio nomine expresso non salutavit; non enim dixit Angelus: *Ave, Maria*, sed: *Ave, gratia plena*. Neque ab Angelo Virginis didicimus nomen, sed ab Evangelista: *Et nomen, inquit, Virginis, Maria.*³

Reverentia
Hebraeorum erga
divinum nomen.

Salutant et laudant Seraphim apud Isaiam divini Numinis maiestatem, nec tamen divinum nomen silent, sed exprimunt: *Sanctus, sanctus, sanctus Dominus exercituum: plena est omnis terra gloria eius.*⁴ Dominus enim exercituum proprium Dei nomen est, quod Graeci *tetragrammaton*; dicunt, et Hebrei *scem hamephoras nomen expositum*. Non enim nominare audent, nec licere sibi arbitrantur, imo nemini licuisse existimant, nisi tantum summo pontifici semel in anno cum in sanctum sanctorum ingrediebatur, populumque benedicebat in die expiationis.⁵ Sic Isaias pollutum labiis se dicebat, indignumque arbitrabatur divinum nomen immundo ore assumere.⁶ Nam Deus ipse tanti fecit nomen suum, ut nec sanctissimis Patriarchis illud manifestarit, sicut Moysi dixit: *Ego sum Deus qui apparui Abraham, Isaac et Iacob in Deo omni-*

1) Lc 1, 28.

2) Ibid. 1, 42.

3) Ibid. 1, 13.

4) Is 6, 3.

5) Cf. Ex 30, 10.

6) Cf. Is 6, 5.

*potente, et nomen meum Adonai, tetragrammaton, non indicavi eis?*⁷ Manifestavit autem Moysi, sed prius nudare illum pedes voluit, ut, summa cum reverentia ad Deum accedens, illud audiret.⁸ Nam in signum reverentiae nonnisi nudis ac etiam lotis pedibus sacerdotes in sanctuarium Domini ingrediebantur.⁹ Iosue etiam coram Angelo Domini pedes nudavit.¹⁰ Sic Deus Moysem summa cum reverentia voluit, ut divinum nomen sacratissimum et secretissimum audiret.

Hac forte de causa Angelus, ob summam, inquam, reverentiam, sacratissimum Mariae nomen ausus non est nominare. Existimo enim quod post Christi Mariae nomen sit super omne nomen, ipsis etiam Angelis reverendum et adorandum. Neque existimandum est gloriosum hoc Mariae nomen non abundare mysteriis, aut illi non esse divinitus impositum sicut Christo¹¹ et Ioanni Baptistae.¹² Nam si in nominibus mysteria nulla laterent, non mutasset Deus nomina Abrahamo,¹³ Sarae,¹⁴ et Iacob,¹⁵ nec Christus Apostolorum principem novo nomine Petrum appellasset.¹⁶

Reverentia
Angeli erga
Mariae nomen.

Non est autem gloriosum hoc nomen in Sacrarum Litterarum arcanis ignotum omnino et inauditum. Nam soror Moysi, prophetis sanctissima ac omnium israelitidum mulierum nobilissima princeps, hoc nomine appellata fuit,¹⁷ ut ipso etiam nomine illustris typus et clara esset figura Deiparae Virginis. Nam et illam quidem virginem legimus,^{17a)} viro autem copulatam aut matrem filiorum non legimus; quare imago quaedam divinae huius Virginis in ea praeluxit. Clara fuit illa et illustris nobilitate generationis ex semine Abrahae, ex tribu Levi, a Deo singulariter electa divinoque cultui dedicata; filia Amram et Iochabed, germana soror et unica summorum Synagogae principum Moysis et Aaronis;¹⁸ clara virginali praeconio, clara spiritu propheticō et vaticinio, clara singulare in Deum religione et pietate. Nam ex Aegypto egressa, marique Rubro siccis pedibus magno miraculo transmisso, ac Pharaone cum omnibus suis copiis divina ultiōne submerso, ut pro tali tantoque beneficio gratias Deo dignas exsolveret: *Sumpsit, inquit Sacrum Eloquium, Maria prophetissa, soror Aaron, tympanum in manu sua, egressaeque sunt omnes mulieres post eam cum tympanis, quibus praecinebat, dicens: Cantemus Domino, gloriose enim*

Soror Moysis
Maria nominata,
qua typus Vir-
ginis Deiparae.

7) Ex 6, 3.

8) Cf. Ibid. 3, 5.

9) Cf. ibid. 30, 19.

10) Cf. Jos 5, 1-6.

11) Cf. Lc 1, 31.

12) Ibid. 1, 13.

13) Cf. Gn 17, 5.

14) Cf. Ibid. 17, 15.

15) Cf. Ibid. 32, 28.

16) Cf. Mc 3, 14.

17) Cf. Ex 15, 20.

17a) Cf. Ex 2, 8.

Ubi hebr. est *almah virgo*.

18) Cf. Nm 26, 59.

*magnificatus est, equum et ascensorem proiecit in mare.*¹⁹ Sic ad laudandum Deum, principem ducemque se praestitit ac veluti piarum mulierum antesignanam, sicut Moyses et Aaron virorum erant coryphaei et archimandritae.

Quis autem nescit quod *omnia in figura contingebant illis?*²⁰ Fuit illa divinae huius Mariae delineata quaedam imago, adumbrata figura. Illa luna fuit in tenebris lucens, haec autem mulier est *amicta sole,*²¹ nullis maculis respersa sicut illa, quae divinitus lepra infecta fuit, quia in sanctissimum fratrem Moysem murmurando in Deum ipsum peccavit.²² Maria haec *pultra ut luna est, electa ut sol,*^{22a} supra omnem sub Deo creaturam purissima, sacratissima et corpore et spiritu nobilissima.

Mariae nomen
syriacē domīna
significat, ob
principiatū
super omnes
creatūras.

II. Quod autem spectat ad divinum hoc nomen *Mariae*, scio Hebraicis מִרְיָם, *Miriam* appellari; scio a Luca scriptum esse: *Et nomen Virginis Μαριάμ, Mariam,*²³ desinens sicut Adam, sicut Abraham, sicut Ioram; sed scio etiam ab aliis Evangelistis dictam esse *Maria,*^{23a} hebraica asperitate nonnihil emollita, sicut etiam a Septuaginta Interpretibus factum fuit in nomine Mariae, sororis Moysi.²⁴ Neque enim opus est hebraea nomina hebraeo spiritu et modo pronunciare, sicut nec latina quidem, vulgari sermone dum loquimur, latine pronunciamus; nam omnes linguae suo iure et certa pronunciatione utuntur.

Verum enimvero cum origine hebraicum vel syriacum nomen sit, inde iuxta etymon sumenda eius nominis interpretatio est, in quo divina existimamus, nec pauca quidem, latere mysteria. Et syriace quidem, qua lingua tunc temporis post babyloniam servitatem vulgo quam plurimum utebantur Hebrei, nomen hoc *dominam* significat *maris*; *Mar* enim Syris *Dominus* dicitur, unde *Maranatha, Dominus noster venit;* sic *Danielis* 2, 4, 5 cap. legitur.^{24a} Et iure optimo Deiparae Virgini haec interpretatio competit. Ipsa nanque ut Summi Dei Sponsa et Christi Mater vere creaturis omnibus praefecta est, omniumque creaturarum dominio et principatu donata, sicut Ioanni in coelo visa fuit stellis coronata. Hinc dilectissima summi patriarchae Abrahami uxor appellata est *Sarah*, idest, *princeps, domina;*²⁵ Maria autem vera Summi Dei Sponsa est, qui verus est *Abraham,*

Mariae creaturis
omnibus praefecta.

19) Ex 15, 20 sqq.

20) 1 Cor 10, 11.

21) Apc 12, 1.

22) Cf. Nm 12, 1-15.

22a) Ct 6, 9.

23) Lc 1, 27.

23a) Cf. Mt 1, 16, 18;

2, 11;

Mc 6, 3.

24) Ita habet semel

(Num 12, 1) cod. Ambr.

24a) Cp. 2, 47;

cp. 4, 16, et alibi;

cp. 5, 23.

25) Cf. Gn 17, 15.

*Pater excelsus, ex quo omnis paternitas in coelo et in terra nominatur.*²⁶
 Sic in Ecclesia Dei Virgo Sanctissima saepe nunc Regina coelorum, nunc
 Domina Angelorum in sacris precationibus et divinis laudibus appellatur.

III. Hebraice autem sacratissimum hoc nomen multiuga interpretatione ditissimum est. Nam a radice מָרָה marah, est *amaritudo maris*, sive *amaritudinis mare*; a radice מָוֶר est myrrha maris, sive *odor maris*, aut *odoris mare*; vel a מָאָרָה, quod significat *visionem*, ut sit *visio maris*; vel etiam a מָוֹרָה, quod significat *doctrinam* et *pluviam temporaneam*. Deduci etiam potest a *marom exaltatione*, nam in voce, מָרִים integrum est Mariae nomen sine punctorum notis; est autem *merim* idem ac *exaltans*; item a *maor*, quod est *luminare*, ut sit *luminare maris*. Potest etiam esse a מָרֵך, quod est *gutta, stilla aquae*, Isaiae 40,²⁶ et *Ecclesiastici* 7.²⁷ Quantas divitias, quales thesauros intra se reconditos tenet hoc Mariae ineffabile et, ut ita dicam, incomprehensibile nomen!

Certum autem est quod per mare, aquarum immensam abyssum et vastissimum pelagus, magnitudo designatur; unde ait: *Magna est velut mare contritio tua.*²⁸ Sic Deus apud lob dicitur: *Excelsior coelo et latior mari.*²⁹ Sic maximum illud vas aquarum in templo Salomonis, a magnitudine appellatum *mare* fuit.³⁰ Et hanc ob causam mundus hic in Sacris Litteris mare magnum nuncupatur.³¹

Mariae igitur nomen a *mari* sumptum videtur, ut vel *visio maris*, vel *luminare maris*, aut *mare odoris*, sive *mare amaritudinis*, aut *amarum mare* dicatur ob immensam divinamque ipsius magnitudinem.

Visio maris, nam et rotae divini currus, apud Ezechielem,³² erant sicut *visio maris*; et corpus Angeli, apud Danielem,³³ sicut *chrysolitus* sive *tharsis* ut est in hebraeo, idest, sicut *mare*, unde *naves Tharsis*.³⁴ Mare enim, a longe, caerulei ac coelestis coloris appetat; sic igitur appellata Virgo est ob coelestis vitae rationem. Nam sicut Paulus ait quod *primus homo de terra terrenus, secundus homo de coelo colestis;*³⁵ ita dicere possumus quod prima mulier de terra terrena, secunda mulier de coelo colestis: fuit tota Christo simillima.

Mariae nomine
hebraice signifi-
catur: *visio
maris, mare
amaritudinis,
mare myrrae,
pluvia maris,
mare doctrinae,
gutta maris.*

Mariae nomen a
mari sumptum
ob divinam
ipsius
magnitudinem,
ob coelestis
vitae rationem,

26) Eph 3, 15. 26) Vr. 15. 27) Vr. 2. 28) Thren 2, 13. 29) Job 11, 9.
 30) Cf. 2 Par 4, 2. 31) Potius apud Patres, e quibus cf. D. August. *De Civitate Dei*, lib. 20, cp. 16. (P. L. 41, 682); D. Bernard. *Serm. De Aqueductu*, n. 6. (P. L. 183, 1014). 32) Cf. 1, 16.
 33) Cf. 10, 6. 34) Cf. Ps 47, 8, sive *naves maris*, ut aliquando Vulg. scribit, (Is 23, 14; Ez 27, 9, 25); ut indicet earum magnitudinem mari traiicendo idoneam. 35) 1 Cor 15, 47.

ob spirituale
martyrium,

ob abundantiam
gratiarum.

Maria
gutta maris
ob humilitatem.

*Mare etiam amaritudinis dicitur, ob spirituale martyrium in Filii passione: Ecce positus est hic in signum cui contradicetur, et tuam ipsius animam pertransibit gladius.*³⁶ Vere magnus sicut mare fuit dolor ipsius, sicut maxima^{36a} supra quam dici potest caritas ipsius erat erga Christum.

Adhuc autem *mare myrrhae* sive *odoris*, ob divinarum gratiarum copiam et, ut dicam, infinitam abundantiam; unde *gratia plena* salutatur; *mare odoris, mare virtutis: Christi bonus odor sumus in omni loco.*³⁷ Et: *Domus plena est ex odore unguenti.*³⁸ *In odorem unguentorum tuorum currimus.*³⁹

Sic etiam dicitur *pluvia maris*, idest, adeo copiosa coelestium aquarum abundantia in eam descendit, ut mare ac veluti noeticum^{39a} diluvium effecerint.

Sic etiam *doctrinae mare*, sicut scriptum est: *Replebitur terra scientia Domini, sicut aquae maris operientes,*⁴⁰ et quod *dedit... Deus sapientiam Salomonis et latitudinem cordis velut arenam quae est in littore maris.*⁴¹

Sed mirabile est quod etiam *stilla* sive *gutta maris* interpretatur divinum hoc nomen. Quomodo *mare Maria, si gutta maris?* Utrumque verum est. Magna erat velut mare, et parva sicut *gutta maris*; magna in oculis Dei, sicut de Ioanne Baptista legimus: *Erit enim magnus coram Domino;*⁴² sed parva in oculis suis: *Quia, inquit, respexit humilitatem ancillae suae.*⁴³ Christo enim simillima erat, qui exinanivit semetipsum;⁴⁴ unde et aiebat: *Discite a me, quia mitis sum et humiliis corde.*⁴⁵ Videntis quanta in nomine Mariae mysteria!

Nomen Mariae
significat etiam
rebellio eorum,
h.e. Angelorum;
et exaltans

IV. Sed adhuc aliud in eo videre mihi videor; nam *miriam* hebr. est, iuxta linguae proprietatem, *rebellio eorum*; integrum enim legimus, *Ne henniae 9, bemiriam, propter rebellionem eorum.*⁴⁶ Sed quidnam est *rebellio eorum?* Consideremus quod nomen est Matris Dei; Dei, inquam, humani: *Nusquam Angelos apprehendit, sed semen Abrahae apprehendit.*⁴⁷ Est autem Deus summus rex; Angeli autem, licet natura nobilissimi, servantum Dei sunt: *Omnes sunt ministratorii spiritus.*⁴⁸ *Millia millium ministrabant ei, et decies millies centena millia assistebant ei.*⁴⁹ Sic in ministerium Dei per scalam coelestem ascendebant et descendebant Angeli.⁵⁰

36) Lc 2, 34-35.

36a) Ms.: *Maximus.*

37) 2 Cor 2, 15.

38) Io 12, 3.

39) Ct 1, 3.

39a) Ms.: *Noaticum.*

40) Is 11, 9.

41) 3 Rg 4, 29.

42) Lc 1, 15.

43) Ibid. 1, 48.

44) Phil 2, 7.

45) Mt 11, 29.

46) 9, 17.

47) Hebr 2, 16.

48) Ibid. 1, 14.

Vulg.: *Administratori.* 49) Dn 7, 10.

50) Gn 28, 12.

Iussit autem Angelis Deus, ut Unigenitum Filium suum hominem etiam factum adorarent: *Et cum iterum, inquit, introducit Primogenitum suum in orbem terrae, dicit: Et adorent eum omnes Angeli Dei.*⁵¹ Sic, nato Domino, Angeli de coelo sancti descenderunt ad adorandum eum: *Facta est cum Angelo multitudo... coelestis exercitus laudantium Deum et dicentium: Gloria in altissimis Deo, et in terra pax hominibus bonae voluntatis.*⁵² Sic in deserto, superata omni tentatione, accesserunt Angeli et ministrabant ei,⁵³ quoniam sic iussum imperatumque illis erat a Deo.

Satanas autem cum angelis suis apostaticis, auditio^{53a} divino hoc mandato, in superbiam elatus, parere noluit, indignunque existimavit, ut Angelus, natura nobilissimus, hominem adoraret, atque seipsum Deitate dignum arbitratus, dixit: *Ascendam in coelum; super astra Dei exaltabo solium..., similis ero Altissimo.*⁵⁴ Sic magnam movit seditionem in coelo, turbasque et tragoedias excitavit; sic multi Angelorum adhaerentes ei eiusque partes suspicentes, defecerunt a Deo, factique sunt Principi et Creatori suo rebelles. Causa autem vel occasio rebellionis huius, Unigeniti Filii Dei incarnatio in Maria fuit, quia Deus Christum hominem et Mariam super Angelos omnes exaltare constituit.

Hinc etiam Mariae nomen, ut diximus, *exaltans* interpretatur, sicut in *Psalmo 3: Umerim rosci, exaltans caput meum,*⁵⁵ ubi Deus ipse dicitur *exaltans*. Mariam enim Deus non solum super omnes terrenas et coelestes, humanas et angelicas creaturas exaltavit; sed si adhuc Deus innumeros alias Angelos supra Cherubim et Seraphim, divinissimos spiritus crearet, iuxta numerorum infinitam seriem, Maria Virgo, ut Sponsa Dei et vera Christi Mater, omnibus semper multo superior esset. Nam si omnes crearentur Angeli, quos Deus infinita sua potestate creare posset, semper nonnisi ministri Dei essent, et Maria mater; tanto igitur melior Angelis effecta est, quanto differentius prae illis nomen hereditavit.⁵⁶

Quoniam igitur haec talis et tanta humanae naturae in Virgine et Christo filio eius exaltatio in causa extitit seditionis ac rebellionis Angelorum in coelo, propterea Virgo Deipara hoc nomen accepit *rebellio eorum*, sive etiam *mutatio eorum*. Nam, eam ob causam, seditiosi spiritus in teterrimos daemones mutati coeloque expulsi, in tartarea regna coniecti sunt in

Iussit Deus
Angelis ut
Filium suum
hominem
factum adorarent.

Satanas et an-
geli sui rebelles.

Maria super
Angelos exaltata.

51) Hebr 1, 6.

52) Lc 2, 13-14.

53) Cf. Mt 4, 11.

53a) Ms.: *Audit.*

54) Is 14, 13-14. Vulg. habet: *In coelum concendam.*

55) Vr. 4.

56) Allud. ad Hebr 1, 14.

aeternum, ut rebellionis suae dignas poenas perpetuo cum suo principe Lucifero luant.

Quare mysteria, quae in suo nomine continentur, aperuisse ac rese ras visa est Deipara Virgo, cum in suo Cantico, Spiritu Sancto afflata, dixit: *Fecit potentiam in brachio suo, dispersit superbos mente cordis sui, deposuit potentes de sede et exaltavit humiles;*⁵⁷ sicut etiam per Eze chielem Dominus ait: *Ego Dominus humiliavi lignum sublime, et exaltavi lignum humile.*⁵⁸ Duo enim haec continentur in Mariae nomine: humiliatio ac deturbatio superbientium Angelorum de sublimi coelorum habitaculo, et humilium super astra exaltatio, maxime Christi et Genitricis eius Sanctissimae, quae una cum ipso vere humillimo spiritu et corde fuit; ideo maxime exaltata altissimoque coelestis gloriae gradu divinitus donata.

Maria ex ipso
suo nomine
daemonibus ter-
ribilis.

Existimo autem, fratres, quod, vel hoc ipso suo nomine, Maria sit cacodaemonibus terribilis et formidabilis; recordantur enim unde exciderint, ac deturbati sint in poenam rebellionis suae. Hinc ipsa daemonibus vere est mare amarum, sicut mare Rubrum Hebraeis iucundissimum et optatissimae salutis ac libertatis causa, Pharaoni et universis Aegyptiorum copiis valde amarum fuit, cum in ipso perierint, et in profundum inferni demersi fuerint. Sic Maria Electis Dei *mare* est *odoris suavissimi*, daemo nibus autem *mare amaritudinis*.

Maria significat
etiam *luminare*
maris, quia
mundi, Ecclesiae,
paradisi lux
et gaudium.

V. Tandem adest nobis illa nominis huius interpretatio: *luminare maris* aut *luminare eorum*. Dedit Deus divinum quoddam lumen Hebraeis in deserto ad fugandas tenebras noctis, unde Regius Vates: *Deduxit eos in nube diei, et tota nocte in illuminatione ignis;*⁵⁹ et alibi: *Ex pandit nubem in protectionem eorum, et ignem ut luceret eis per noctem.*⁶⁰ Maria vere *luminare mundi* est, *luminare Ecclesiae*, *luminare paradisi*, quo niam *mulier amicta sole* est,⁶¹ et lumen mundo peperit infinitum.

Luminare
eorum.

Luminare Hebraeis dicitur *maor*, quod est *ex lumine*, idest, lucida constans natura, lucida substantia. Hinc etiam *foramen*, per quod lumen in locum aliquem ingreditur, sive *fenestra* dicitur *meurah*. Nam forte for tona luminaria coeli huius nihil aliud sunt quam foramina quaedam et fenestrae, per quas a superiori coelo, quod nobis est invisibile, in mundum

57) Lc 1, 51-52.

58) 17, 24.

58a) Cf. Ex 14, 19 sqq.

59) Ps 77, 14.

60) Ps 104, 39.

61) Apc 12, 1.

hunc nostrum lumen transmittitur, universi ornamentum et gaudium. Sic Maria luminare mundi est, aureum candelabrum, quod multis gratiarum luminibus sacrosanctum Dei habitaculum illuminat et illustrat. Sic ipsa nobis facta est coeli fenestra, per quam aeternum coeli Lumen in mundum advenit: *Ego sum lux munai;*⁶² *Erat lux vera quae illuminat omnem hominem veniens in hunc mundum;*⁶³ nam sic ex graeco interpretari potest. Ipsa Maria unica fenestra est arcae Noe, in qua humani generis reliquiae ac semina servata a magno diluvio fuerunt. *Luminare mundi* causa omnis consolationis et gaudii, sicut regina Esther fuit Iudeis; ipsa enim veluti *nova lux oriri eis visa est, gaudium honor et tripudium.*⁶⁴ Summa nanque erat Iudeis causa laetitiae, quod apud regem maximum ac potentissimum imperatorem reginam Esther haberent, natura iudeam, quae pro salute populi sui vitae discrimini seipsam exposuit, quae apud potentissimum illum principem nihil non poterat, cum ab eo ob singularem gratiam ac pene divinam pulcritudinem summe adamaretur.⁶⁵

Maria luminare
mundi, idest,
causa omnis
gaudii.

Qualis igitur nobis est causa laetitiae cum apud Summum Regem regum, Deum Altissimum aeternumque universi Imperatorem Mariam habeamus, quae apud divinam Maiestatem multo potentior est, quam unquam fuerit Esther apud Assuerum? Et cum apud Deum nihil non possit, nos omnes, non dicam civica, uti ex nostra carne, ex nostro sanguine, sed materna prosequitur caritate, intima, vera, cordiali dilectione, qualis parentum est erga carissima pignora. An non pro nobis in vitae discrimen Maria venit, cum iuxta crucem Christi stetit, eum, uti vero Abrahae spiritu plena ac superplena, Deo spiritu vere sacrificans, et pro mundi salute vera caritate offerens? *Stabat iuxta crucem,*⁶⁶ utique spiritus virtute fulta, spiritu sustentata. Mariae spiritus erat spiritualis sacerdos, sicut crux altare, et Christus sacrificium; licet spiritus ipse Christi esset principalis sacerdos, sed spiritus Mariae una erat cum spiritu Christi; imo unus cum eo spiritus erat, una veluti anima in duobus corporibus. Quare spiritus Mariae una cum spiritu Christi sacerdotali munere iuxta aram crucis fungebatur, Christique sacrificium offerebat pro salute mundi aeterno Deo. O mirabilem, o vere divinam Mariae erga nos caritatem! De ipsa nanque, uti et de Deo, cui spiritu simillima erat, vere dicere possumus quod *sic... dilexit mundum, ut Filium suum Unigenitum daret, ut omnis qui credit in ipsum non pereat,*

Mariae spiritus
sacerdotali
munera fungens.

62) Io 8, 12. 63) Ibid. 1, 9. 64) Est 8, 16. 65) Cf. ibid. 2, 17. 66) Io 19, 25.
Vulg. habet: *Stabant*, etc.

*sed habeat vitam aeternam.*⁶⁷ Quae igitur toti mundo causa laetitiae et gaudii est, apud omnipotentem Deum talem tantamque habere patronam et advocateam, quae apud Deum nihil non potest, et nobis materna caritate nullum non desiderat, non exoptat bonum? Sic Maria mundi luminare est, coeleste plane et divinum supra modum mirabile, sicut de sole legimus: *Vas admirabile, opus Excelsi.*⁶⁸

Maria significat
etiam *stella*
maris ob pro-
tectionem in
procellis maris
mundi huius

VI. *Luminare* etiam *maris*, sive, quod idem est, *stella maris* dicitur Maria; *stella* splendidissima orta ex Iacob, *stella* navigantium in fluctibus magni maris mundi huius, qui quidem omni mari instabilior ac longe periculosior est. Haec navigationis nostrae cursum dirigit in portum salutis aeternae, sicut *stella* Magos duxit ad Christum, et sicut columna ignis per noctem Hebraeos in terram promissionis dirigebat, iterque securum praebebat.

De *stella* hac *maris* multa devotissimus Bernardus praecclare et luculenter, ut solet: « Tolle, inquit, solare corpus, ubi dies? Tolle Mariam, hanc maris stellam, maris utique magni et spatiosi, quid nisi caligo, mortis umbra et densissimae tenebrae relinquuntur? ».⁶⁹ Et alibi: « Maria, inquit, sideri aptissime comparatur, quia, sicut sine sui corruptione sidus emittit radius, sic absque sui laesione Virgo suum peperit Filium; nec sideri radius suam minuit claritatem, nec Virgini Filius suam integritatem. Ipsa est igitur nobilis illa *stella* ex Iacob orta, cuius radius universum orbem illuminat, cuius splendor et prae fulget in supernis, et inferos penetrat; terras etiam illustrans et calefaciens magis mentes quam corpora, fovet virtutes, excoquit vitia. Ipsa, inquam, est praeclara et eximia *stella* super mare magnum et spatiosum sublevata, micans meritis, illustrans exemplis ».⁷⁰

Ex ipso etiam Bernardo habemus quid agendum nobis sit cum hac *stella maris*: « Ne avertas, inquit, oculos tuos a fulgore huius sideris, si non vis obrui procellis ». Et item: « Si insurgunt venti temptationum, si incurris scopulos tribulationum, respice stellam, invoca Mariam ».⁷¹

Maria stellarum
splendidissima

Sic *stella maris* Maria, *stella* utique splendidissima, atque altissima, ad quam sic Anselmus exclamat: « O benedicta inter mulieres, quae Angelos vincis puritate, Sanctos superas pietate ».⁷² Omnes quidem Sancti

67) Io 3, 16. 68) Eccli 48, 2. 69) *Serm. de Aquaeductu*, n. 6. (P. L. 183, 1014). 70) *Homil. 2 super Missus est*, n. 17. (P. L. 183, 743). 71) *Ibid.* 72) *Orat. 50 ad Virginem*, ante medium. (P. L. 158, 279).

et Electi Dei in coelo erunt *sicut stellae in perpetuas aeternitates.*⁷³ *Multiplicabo semen tuum sicut stellas coeli.*⁷⁴ Sed quales stellae? *Fulgebunt Iusti sicut sol in regno Patris eorum;*⁷⁵ Maria autem stella est insignis et singularis, omnium altissima, fulgidissima, splendidissima, virtute et influxu omnium maxima.

VII. Sic igitur Mariae nomen instar thesauri multas continet divinorum mysteriorum coelestes divitias; ita ut ingentem hunc thesaurum nec totum adhuc ex agro hoc, in quo absconditus ac reconditus manebat, extraxerimus; neque enim diximus cur *myrrha maris* aut *mare myrrhae* dicatur. Existimo autem quod propter virginalem incorruptionem mentis et corporis, et quod ipsa quoque virginitatis suae merito specialem quandam a Deo habeat facultatem, ut fidelibus suis incorruptionem tribuat carnis et spiritus, sicut myrrha praeservat mortua corpora a corruptione; nam Christi corpus in sepulcro myrrha conditum fuit;⁷⁶ sicut etiam corpus patriarchae Iacob in Aegypto odoratis aromatibus conditum honorificantissime fuit.⁷⁷ Sentimus omnes pugnam carnis contra spiritum recalcitrantis, nam *caro... concupiscit adversus spiritum;*⁷⁸ sentimus in membris nostris legem repugnantem legi mentis et spiritus.⁷⁹ Hac autem in re ut vincamus, Virgo Deipara magno nobis est praesidio, magno auxilio. *Myrrha maris; Aquae multae... populi multi.*⁸⁰ Omne hominum genus, si ipsi velint, posset Virgo Deipara a perniciosa ac pestilente carnis et spiritus corruptione praeservare; sicut ipsa divinitus ab omni contagione peccati praeservata fuit, ita ut ne levissimo quidem unquam inficeretur peccato.

Dum ergo sentiamus nos a satana temptationum machinis ac tormentis impugnari, quibus nequam ille satagit arcem mentis nostrae ac davidicam turrim fidei et caritatis expugnare, dum bellum hoc ardet et urget, ad Mariam recurramus, Hebraeos imitati, qui in bello contra Philisthaeos arcam Domini secum in castris habere voluerunt,^{80a} in quam salutis suae spem omnem coniecerant et reposuerant. Illa nanque fideli populo in gravibus bellis victoriam contra potentissimos hostes infensiissimosque praestare consueverat.⁸¹ Illa Philisthaeos percussit et humiliavit, deumque ipsorum capite, manibus pedibusque truncatis, de suo loco deturbavit, ac in terram pro-

Maria significat etiam *myrrha maris* ob Virginalem incorruptionem in se et pro omni hominum genere.

Ad Mariam
recurramus.

73) Dn 12, 3. 74) Gn 22, 17. 75) Mt 13, 43. 76) Cf. Io 19, 39. 77) Cf. Gn 50, 2.
78) Gal 5, 17. 79) Cf. Rom 7, 23. 80) Apc 17, 15. 80a) Cf. 1 Reg 4, 3-5. 81) Cf. Jos 6, 1-21.

*Maria
Divinitatis arca.* stravit.⁸² Sic viva haec Divinitatis arca potentissima est contra invisibles salutis nostrae inimicos; terribilis ac formidabilis daemonibus ac tartareis quibuscumque potestatibus, ut potentissima acies militum invictorum, qualis fuit Hebraeorum exercitus Chananaeis populis, lordanus transmissio sicco vestigio;⁸³ hinc ipsa dicitur *terribilis ut castrorum acies ordinata.*⁸⁴ Terribilis est daemonibus, sicut myrrha veribus, quam ferre nullo pacto possunt.

*Maria mare
gratiae.* *Ave, Maria. A mari magno* sic dicta est, in quod influunt omnia flumina gratiarum; hinc enim subiungitur: *Gratia plena, Dominus tecum, benedicta tu in mulieribus;* mare gratiae, mare divinae bonitatis, mare divinarum benedictionum. Quis unquam, fratres, dubitare potest, nisi amens omnino, de aquis maris, an aquas sit inventurus in mari? Ita nos cum ad Mariam accedimus, ne de ipsius gratia et misericordia vel minimum dubitemus, quoniam Mater est gratiae, Mater misericordiae, Mater clementiae, abyssus bonitatis, pelagus benignitatis.

Argumentatur Paulus dicens: *Qui proprio Filio suo non pepercit, sed pro nobis omnibus tradidit illum, quomodo non etiam cum illo omnia nobis donavit?*⁸⁵ Sic, inquam, si Maria, quae unus cum Deo spiritus erat,⁸⁶ sic mundum dilexit, *ut Filium suum Unigenitum daret, ut omnis qui credit in ipsum non pereat, sed habeat vitam aeternam;* si, inquam, pro nobis Filium unicum dedit, quid nobis negabit? Multo carior erat Mariae Christus, quam Abrahamo Isaac; dedit tamen illum Deo, pro sua in Deum eximia caritate et pietate.⁸⁷ Quid non, postulatus, dedisset Deo, si filium carissimum dedit? Ex eo ait Deus se cognovisse pietatem Abrahae;⁸⁸ cognoscamus et nos hinc infinitam caritatem Mariae.

82) Cf. 1 Rg 5, 1-2. 83) Cf. Jos cp. 8 sqq. 84) Ct 6, 3. 85) Rom 8, 32. Ms.: *Donabit.*

86) Cf. 1 Cor 6, 17. 87) Cf. Gn 22, 1-10. 88) Cf. Gn 22, 12.

SERMO QUARTUS

DE GRATIAE PLENITUDINE IN MARIA EX VERBIS SALUTATIONIS :

Ave, gratia plena

Ave, gratia plena. ¹

I. Primum quod legimus de prima muliere est quod facta fuerit similis primo homini;² sic et Maria similis Christo. Ut sciamus autem quid similitudo ista importet, advertendum quod homini Deus tria cum primis contulit: quoad animam quidem, iustitiam originalem, magnum Spiritus Sancti donum, per quod erat Deo similis; quoad corpus, donum immortalitatis; quoad utrumque, donum perpetuae felicitatis in paradyso, absque ulla unquam molestia vel carnis vel spiritus. In his autem omnibus mulier similis facta fuit homini. Habuit etiam ipsa donum iustitiae originalis et innocentiae, donum immortalitatis et donum perpetuae felicitatis.

Eva Adamo
similis in gratia
iustitiae origi-
nalis, immortali-
tatis, felicitatis.

Quoniam autem Maria similis Christo a Deo facta est, quare et ipsa dicitur *gratia plena* sicut Christus, dicendum nonnihil est de gratia Christi. Ioannes ait quod *Verbum caro factum est..., plenum gratiae et veri- tatis.*³ Sicut sol creatus fuit plenus luce ad illuminandum universum mun dum, ita ait: *De plenitudine eius nos omnes accepimus... gratiam pro gratia.*⁴

Maria
similis Christo.

II. Fuit autem in Christo, ut theologi docent,⁵ *triplex gratia:* una et summa quae dicitur *gratia unionis*, qua humanitas Christi hyposta-

In Christo fuit
triplex gratia.

1) Lc 1, 28. 2) Cf. Gn 2, 18. 3) Io 1, 14. 4) Io 1, 16. 5) Cf. D. Bo-
nav. in *Brevill.* p. 4, cp. 5 (5, 245); D. Thom. 3, q. 19, a. 4.

tica unione coniuncta fuit Verbo, sicut Paulus ait: *In quo inhabitat omnis plenitudo Divinitatis corporaliter*; ⁶ altera est gratia capitis, et de hac dicitur: *Plenum gratiae et veritatis... de plenitudine eius... accepimus*; tertia est gratia singularis personae, de qua legimus: *Puer autem crescebat... plenus gratia apud Deum et homines.* ⁷ Haec autem tria continent: primum est *inhabitatio Spiritus Sancti*; sicut enim non potest esse radius sine sole, ita nec gratia Spiritus Sancti sine ipso Spiritu Sancto per gratiam sanctificante et iustificante, et gratam faciente animam Deo; alterum est animae et conscientiae puritas a peccato, candor conscientiae; tertium vero est caritas cum omnibus aliis [donis] Spiritus Sancti. Haec gratia in Christo fuit supra modum plenissima, sicut lux in sole.

Quoad tertiam
gratiam Christi,
Maria
similis Christo
tripliciter.

Et in hac gratia fuit Maria similis Christo. Habuit inhabitantem Spiritum, idest, habuit purissimum candorem immaculatissimae innocentiae absque ullo prorsus peccato; et habuit excellentissimam caritatem cum omnibus aliis virtutibus et donis Spiritus Sancti, fuit *gratia plena*, hoc est omni genere, omni copia et abundantia donorum Dei supernarium.

Maria gratia
plena
erga Deum,
erga seipsam et
erga mundum.

III. Gratiam item plena erga Deum, erga seipsam et erga mundum universum: Deo ^{7a} fuit super omnes alias creaturas gratissima; erga seipsam, quia gratia perficit naturam, maxime vero intellectum et voluntatem, cognitione et amore; erga proximum per ardentissimam caritatem. Sicut autem primi parentes tres illas gratias filiis communicassent; ita Christus et Maria suis meritis tria haec nobis obtinuerunt, et iugiter conferunt remissionem peccatorum, carnis resurrectionem, vitam aeternam.

6) Col 2, 9.

7) Lc 2, 40, 52.

7a) Ms.: *Det.*

SERMO QUINTUS

DE VIRGINIS DEIPARAE GRATIAE PLENITUDINE EX VERBIS SALUTATIONIS:

Ave, gratia plena

*Ave, gratia plena, Dominus tecum, benedicta tu in
mulieribus, et benedictus fructus ventris.¹*

I. Magnum et immensum mare, profundissimum pelagus et aequor sulcati sumus hodie, fratres. Utinam, Deo auspice ac favente, felix fatusque contingat nobis navigatio; non infelix sicut navigatio Ionae² et Pauli,³ vix enim evasere incolumes. Magnum et vastissimum mare est plenitudo gratiarum Mariae.

Ave, gratia plena! Magnum mare aqua plenum in templo Salomonis,⁴ de qua illud non immerito usurpare possumus: *Omnia flumina intrant in mare et mare non redundat;*⁵ nam per flumina multiplex gratiarum et donorum Spiritus Sancti copia designatur, ut Salvator ait: *Qui credit in me, flumina de ventre eius fluent aquae vivae. Hoc autem dixit de Spiritu quem accepturi erant credentes in eum.*⁶ Igitur omnia flumina intrant in mare; omnis gratiarum copia et plenitudo in Deipara Virgine Maria.

Ave, gratia plena! Ecce vas plenum manna in sanctuario Domini,⁷ vas novum ab Eliseo plenum sale ad sanandas aquas Iericho;⁸ ecce ta-

*Gratiae plenitudo
in Maria figuris
praesignata;
ab Angelo
gratia plena ex
vi verborum
suae salutatio-
nis, iuxta Pa-
trum sententiam
praedicata;
et vere, sed
singulari prorsus
plenitudine
repleta.*

*Figurae de
Mariæ gratia.*

1) Lc 1, 28, 43.

2) Cf. Jon 1, 4.

3) Cf. Act 27, 14.

4) 3 Rg 7, 23.

5) Eccli 1, 7.

6) Io 7, 38-39.

7) Cf. Ex 16, 32-33.

8) Cf. 4 Reg 2, 19-22.

bernaculum Domini plenum gloria Dei, sicut in *Exodo*⁹ legimus, et templum Salomonis in die dedicationis sua plenum maiestate Domini.¹⁰

Ave, gratia plena, Dominus tecum. Cum coelestis paranymphus Gabriel placidissime Virginem salutavit, pacemque et gaudium ingens nunciavit, causas nunc aperit cur illi tantopere gaudendum erat; quia, inquit, *gratia plena* es et *Dominus tecum* est. O divinam plenitudinem!

Etiam apud Isaiam legimus quod fimbriae gloriae Domini replebant templum, et quod plena erat terra omnis gloria Domini;¹¹ apud Ezechielem etiam quod domus Domini plena nube et atrium plenum splendore gloriae Domini.¹² Sed sacra haec mysteria non nisi divinam hanc plenitudinem designant; ipsa enim vivum et sacratissimum templum Divinitatis est, in qua omnis plenitudo Divinitatis corporaliter inhabitavit.¹³

Ave, gratia plena, quoniam invenisti gratiam apud Deum multo copiosiorem quam Noe, *vir iustus atque perfectus*,¹⁴ aut Moyses *in omni domo* Dei *fidelissimus*:¹⁵ illos enim non legimus gratia plenos, sicut Maria ab Angelo dicitur.

Vis verborum:
Gratia plena.

Scio quod graece est κεχαριτωμένη checharitomeni,¹⁶ et quod checharitomeni^{16a} significat *gratiosam* aut *gratificatam*, sive unice *dilectam* et *caram*. Sed scio etiam quod *gratia plena* semper ab initio sacrosanta Dei legit Ecclesia; quod vulgata haec lectio omnium theologorum calculis, omnium sanctorum Doctorum suffragiis suffulta ac comprobata est, etiam eorum qui graecae linguae peritissimi inter latinos fuerunt.

Auctoritas lati-
norum Patrum.

Hieronymus, Ambrosius, Augustinus et alii hanc lectionem agnoverunt, nec mutarunt, sed constanter relinuerunt. Scribit Hieronymus *Ad Principiam*: « Sancta Maria, inquiens, quia conceperat eum, in quo omnis plenitudo Divinitatis habitat corporaliter, *plena gratia* salutatur. »¹⁷ Ambrosius in *Lucam*: « Bene, inquit, *gratia plena* dicitur, quae sola gratiam, quam nulla alia meruerat, consecuta est, ut gratiae repleatur Auctore ».¹⁸ Augustinus in suo *Encheridio*: « Maria, inquit, *gratia plena*: invenisse gratiam apud Deum dicitur, ut Domini sui, imo Domini omnium, mater esset »;¹⁹ et sermone 2 *De Natali Domini*: « Cum, inquit, dixit ei Angelus: *Ave, gratia plena*, ostendit ex integro iram exclusam primae

9) 40, 32.

10) Cf. 3 Rg 8, 10.

11) 6, 1-3.

12) 43, 4-5.

13) Cf. Col 2, 9.

14) Cf. Gn 6, 8-9. 15) Cf. Nm 12, 7.

16) Cf. Novum Testamentum graece ab Hetzenauer

O. M. Cap. recognitum, Lc 1, 28.

16a) Ms.: *Checharitomenos*.

17) *Epist. 65*, n. 9.

(P. L. 22, 379.)

18) Lib. 2, n. 9. (P. L. 15, 1285).

19) Cp. 36. (P. L. 40, 250).

sententiae et plenam benedictionis gratiam restitutam ». ²⁰⁾ Beda Venerabilis in *Lucam* ita legit, et *gratia plena* exponit. ²¹⁾

Sed quid latinos Doctores recenseo cum graeci ita nobiscum sentiant et exponant? Magnus Athanasius in Evangelio *De Sanctissima Deipara*: « Factum est ut *gratia plena* appellata sis, utpote quae omni gratia abundares ». Et iterum: « Idcirco *gratia plena* denominata est eo quod ab impletione Spiritus Sancti omnibus gratiis abundaret ». Et iterum: « A divitiis divinorum charismatum vocata est *checharitomeni* ». Et saepe ibi repetit Mariam singulari gratia plenam atque a Spiritu Sancto omnibus essentialibus, ut ipse loquitur, virtutibus imbutam. ²²⁾ Sic graeci Doctores plenitudinem gratiae in Deipara Virgine celebrant et mirantur. Epiphanius, *De Laudibus Virginis*, Mariae gratiam immensam appellat, personam multis virtutibus exornatam, gloriae spiritualem arcem, auream urnam, qua manna coeleste continebatur, mare spirituale, pelagus gratiarum. ²³⁾ Damascenus etiam, oratione 1 *De Nativitate Virginis*. « Tota, inquit, Spiritus thalamus es, gratiarum pelagus, tota pulcra, tota Deo propinqua ». ²⁴⁾

Nec aliud omnino intelligere voluisse visus est Gabriel, nisi Mariam Deo unice caram et dilectam esse, in oculis Domini gratia plenam, utpote quam in Sponsam diletissimam eligeret ac deposceret.

Ut igitur graecam lectionem cum latina coniungamus, Maria simul Maria gratiosa. *gratiosa* et *gratia plena* dicitur. Vere gratiosa mulier, de qua Salomon ait in *Proverbis*: *Mulier gratiosa inveniet gloriam*; ²⁵⁾ gratiosa sicut Esther, de qua legimus quod fuit mulier gratiosa in oculis omnium, at vero maxime in oculis Assueri, qui adamavit eam super omnes mulieres. ²⁶⁾

Gratia tamen plenam nullam aliam mulierem legimus, licet viri non pauci legantur pleni aut repleti Spiritu Sancto. Nam de Beseelel, divini sanctuarii architecto, ait Deus: *Ecce vocavi Beseelel ex nomine, et implevi eum Spiritu Dei, sapientia, intelligentia et scientia in omni opere*; ²⁷⁾ item de Iosue quod repletus fuit spiritu sapientiae, quia Moyses posuit super eum manus suas, sicut in calce *Deuteronomii* legimus. ²⁸⁾ De Ioanne Baptista praedixit Gabriel: *Spiritu Sancto replebitur adhuc ex utero matris suae*; ²⁹⁾ de Apostolis: *Repleti sunt omnes Spiritu Sancto*; ³⁰⁾ de Stephano Protomartyre singulariter, qui inter septem diaconos fulgebat sicut sol inter

Auctoritas Patrum graecorum.

Maria gratiosa.

Multi Sancti gratia pleni;

20) Nunc *Serm. 7*, n. 2. (P. L. 39, 1991). Opus dubium. 21) Lib. 1, loc. cit. (P. L. 92, 316).
 22) *Serm. in Annuntiat. Deiparae*, n. 9. Ad sensum. (P. G. 28, 339). Opus dubium. 23) *Hymn. 5, in Laudes Deiparae*, circa principium. (P. G. 43, 490). 24) N. 9. (P. G. 96, 848). 25) 11, 16.
 26) Cf. Est 2, 9. 27) Ex 35, 30-31. 28) 34, 9. 29) Lc 1, 15. 30) Act 2, 4.

planetas, quod vir erat *plenus fide et Spiritu Sancto..., plenus gratia et fortitudine.*³¹

*sed non ut
Maria.*

At vero non ita hi gratia pleni extitere ut Maria. Sed sicut Creator omnium Deus^{31a} omnia astra firmamenti ab initio implevit coelesti lumine, sed praecipuis maximisque luminibus solem et lunam illustravit, unde a Moyse luminaria magna nuncupantur;³² ita idem Deus, qui, sicut auctor naturae est ita fons gratiae, in conditione sacri ac spiritualis mundi, in hieracosmo Ecclesiae, omnes quidem Santos gratia Spiritus sui replevit, sed singulariter Christum et Mariam: Christum uti solem, qui proprio lumine fulgidissime splendet, et Mariam instar lunae, quae magno quidem lumine decorata est, sed tamen a sole sibi communicato. Ita Christum plenum gratia legimus: *Verbum caro factum est... plenum gratiae et veritatis; et: De plenitudine eius nos omnes accepimus; quia... gratia et veritas per Iesum Christum facta est.*³³ Post Christum vero Maria plena gratia praedicatur, sed ita tamen ut a Deo omnium largitore, *a quo omne datum optimum et omne donum perfectum,*³⁴ illam acceperit. Hinc Angelus gratiam cum Deo, veluti effectum cum sua causa, coniunxit, dicens: *Ave, gratia plena, Dominus tecum.*

*Quid in angelica
salutatione
gratiae nomine
intelligendum ex
Scripturis et
SS. Patribus.
Maria est gratia
plena, quia
donis omnibus
locupletata
et longe est ab
omni peccato.*

*Deipara Virgo
corpte pulcherrima.*

II. Sed operae pretium nunc erit, ut videamus quidnam in angelica hac salutatione gratiae nomine intelligendum venit; nam legimus etiam fallacem gratiam, ut Salomon ait, ideam describens mulieris virtute praestantis: *Fallax gratia et vana est pulcritudo, mulier timens Dominum ipsa laudabitur.*³⁵ Non igitur hic corporea pulcritudo laudatur, sicut in Sara,³⁶ Rebecca,³⁷ Rachele,³⁸ Esther³⁹ et aliis; sed pulcritudo qua Deus maxime delectatur. Deus autem spiritus est, nec nisi spirituali pulcritudine delectari potest; sicut de cultu et religione vera Christus ait: *Spiritus est Deus, et eos qui adorant eum, in spiritu et veritate oportet adorare;*⁴⁰ hos enim veros adoratores Christus appellat, qui Deum adorant in spiritu et veritate, non carnalibus sacrificiis, ut Iudei, nec impia superstitione falsaque religione, ut idololatrae gentes. Quare cum Mariae gratia laudatur ab Angelo, qui item spiritus est, Deique spiritualis et invisibilis imago, non potest laus haec de corporis gratia et pulcritudine accipi; licet cre-

31) Act 6, 5-8.

31a) Ms.: *Det.*

32) Cf. Gn 1, 16.

33) Io 1, 14-17.

34) Iac 1, 17.

35) Prv 31, 30.

36) Cf. Gn 12, 11.

37) Ibid. 24, 16.

38) Ibid. 29, 17.

39) Cf. Est 2, 7.

40) Io 4, 24.

damus Sanctissimam Deiparam corpore etiam pulcherrimam extitisse, qualis etiam creditur Eva, a Deo, cuius *perfecta sunt opera*,⁴¹ efformata.

Et quidem aliquando etiam in Sacris Litteris^{41a} gratia favorem et benevolentiam gratuitamque acceptationem significat, ut saepe saepius legimus, gratiam apud aliquem invenire, idest, alicui gratum et acceptum esse, illius favore et benevolentia potiri et frui. Sic Angelus Virgini dixit: *Invenisti gratiam apud Deum.*⁴²

Sed saepissime donum Dei significat, quod per Spiritus Sancti infusionem animam decorat, ut solis radius lunam. Hinc Regius Vates ait: *Gratiam et gloriam dabit Dominus;*^{42a} ubi Deum solis hieroglyphico ac symbolo nobis ob oculos ponit, nam hebr. est: *Sol et scutum Dominus Deus, gratiam et gloriam dabit Dominus.* Cui accinere visus est Iacobus Apostolus, dum ait: *Omne datum optimum et omne donum perfectum desursum est, descendens a Patre luminum;* nam ait etiam quod Deus humilibus dat gratiam;⁴³ idemque docuit Petrus, Apostolorum coryphaeus.⁴⁴

Paulus autem huius gratiae insignis est praedicator, quam nunc quidem caritatem appellat: *Caritas Dei diffusa est in cordibus nostris per Spiritum Sanctum, qui datus est nobis;*⁴⁵ nunc Spiritum Christi: *Vos autem non estis in carne, sed in spiritu; si tamen Spiritus eius habitat in vobis; qui non habet Spiritum Christi, hic non est eius;*⁴⁶ sic: *Caro concupiscit adversus spiritum, spiritus autem adversus carnem;*⁴⁷ et: *Fructus... Spiritus est caritas, gaudium, pax, etc.;*⁴⁸ nunc Dei donum et effectum: *Potens est autem Deus omnem gratiam abundare facere in vobis, ut in omnibus semper omnem sufficientiam habentes abundetis in omne opus bonum;*⁴⁹ sic ait: *Gratia... Dei sum id quod sum, et gratia eius in me vacua non fuit; sed abundantius... laboravi; non ego... sed gratia Dei mecum;*⁵⁰ nunc eminentem appellat: *Propter eminentem gratiam Dei in vobis;*⁵¹ nunc reginam: *Superabundavit gratia, ut sicut regnavit peccatum in mortem, ita et gratia regnet per iustitiam in vitam aeternam;*⁵² aliquando divitias abundantes: *In quo habemus redemptionem per sanguinem eius... secundum divitias gratiae eius, quae su-*

Gratia saepissime donum Dei significat.

Paulus gratiae insignis praedicator.

41) Dt 32, 4. 41a) Cf. Gn 6, 8; Ex 33, 12; 1 Rg 20, 3; Est 2, 9 et alibi plures. 42) Lc 1, 30.
 42a) Ps 88, 12. 43) 4, 6. 44) Cf. 1 Petr 5, 5. 45) Rom 5, 5. 46) Ibid. 8, 9. Vulg. habet: *Vos autem in carne non estis... Si quis autem Spiritum Christi, etc.* 47) Gal 5, 17. 48) Ibid. 5, 22.
 49) 2 Cor 9, 8. 50) 1 Cor 15, 10. 51) 2 Cor 9, 14. 52) Rom 5, 20-21.

*perabundavit in nobis; ⁵³ et iterum: Ut ostenderet... saeculis supervenientibus abundantes divitiae gratiae suae in bonitate. ⁵⁴ Sic alibi thesaurum appellavit: *Habemus...* thesaurum istum in vasis fictilibus, ut sublimitas sit virtutis Dei et non ex nobis. ⁵⁵ Petrus gratiam hanc multiformem appellavit, dicens: *Unusquisque prout accepit gratiam in alterutrum illam administrantes, sicut boni dispensatores multiformis gratiae Dei.* ⁵⁶*

Patrum doctrina
de gratia.

His consona sunt, quae a sanctis Dei viris de gratia praedicantur. Hanc enim magnus Dionysius, libro *De Ecclesiastica Hierarchia*, cap. 1, « deificationem » appellat; ⁵⁷ sicut et Petrus visus est docere voluisse, cum dixit: *Magna et pretiosa nobis dona donavit, ut per haec efficaciamini divinae consortes naturae.* ⁵⁸ Basilius, libro *De Spiritu Sancto*, eam dicit « *Spiritus Sancti participationem* »; ⁵⁹ Chrysostomus, *Ps. 11*, « *bonitatem divinitus infusam* »; ⁶⁰ Cyrillus Alexandrinus, 11 libro *Thesaur.*, « *sanctitatem nobis a Christo communicatam* ». ⁶¹

Virgo Deipara
Deo gratissima

Ex his utcumque intelligere licet sensum Gabrielis ad Virginem: *Ave, gratia plena.* Designatur enim hac nuncupatione et quod Virgo sit Deo gratissima, utpote spiritu pulcherrima, et quod coelestium donorum divinorumque charismatum immensa copia a Spiritu Sancto repleta fuerit.

Paulus ait quod *habemus gratiam secundum mensuram donationis Christi.* ⁶² Sed Mariae datus est, ut ita dicam, spiritus et gratia sine mensura. Est igitur primo *gratia plena*, idest, Deo summe cara, summe grata, summe amabilis et dilecta; deinde vero Spiritus Sancti summa plenitudo hac voce designatur. At sicut Ioannes dictus fuit Spiritu Sancto repletus, sicut Apostoli, sicut Stephanus singulariter plenus fide et Spiritu Sancto, plenus gratia et fortitudine; ita, sed multo altiori gradu multoque copioiore abundantia, Virgo Deipara gratia plena intelligitur, ut post Christum super omnes Santos singularis et eminentissima sit in Virgine gratiae plenitudo.

Gratia Mariae
non aequalis, sed
similis gratiae
Christi.

Plenus Christus gratia, sed ut fons; plena Maria, sed ut fluvius a fonte, sive ut aquaeductus, ut Bernardus loquitur; ⁶³ pleni Sancti ut ri-

53) Eph 1, 7-8. 54) Ibid. 2, 7. 55) 2 Cor 4, 7. 56) 1 Petr 4, 10. 57) Circa finem. (P. G. 3, 156). 58) 2 Petr 1, 4. Vulg. loc.: *Dona donavit, habet: Promissa, etc.* 59) Cp. 16, n. 39. (P. G. 32, 32). 60) N. 3. (P. G. 55, 148). 61) *Thes. Assert. 34.* (P. G. 75, 360). 62) Eph 4, 7. Vulg. habet: *Unicuique autem nostrum data est gratia, etc.* 63) Cf. *Serm. De Aquaeductu*, n. 3. (P. L. 183, 1013).

vuli. Plenus gratia Christus ut sol; plena Maria ut luna a sole; pleni Sancti ut stellae. Plenitudo gratiae Mariae non aequalis, sed similis est plenitudini gratiae Christi, sicut plenitudo lunae non aequalis, sed similis est plenitudini solis, quae omnium summa ac maxima est, fontalis plenitudo: *De plenitudine eius nos omnes accepimus...; gratia et veritas per Iesum Christum facta est.*

Qualis plenitudo gratiae Christi? *Requiescat super eum Spiritus Domini, spiritus sapientiae et intellectus, spiritus consilii et fortitudinis, spiritus scientiae et pietatis, et replebit eum spiritus timoris Domini;*⁶⁴ sic Maria, post Christum, plena fuit omnibus Spiritus Sancti donis divinisque charismatibus, repleta fuit omni benedictione spirituali. Ipsa *sicut virgula fumi ex aromatibus myrrae et thuris et universi pulveris pigmentarii;*⁶⁵ ipsius fragrantia *melior unguentis optimis;*⁶⁶ ipsa hortus conclusus, sicut Sponsus Sponsam in *Canticis* alloquens et collaudans, ait: *Hortus conclusus, soror mea sponsa, hortus conclusus, fons signatus; emissiones tuae paradisus malorum punicorum cum pomorum fructibus, cypri cum nardo; nardus et crocus, fistula et cinnamomum cum universis lignis Libani myrrae et aloë cum omnibus primis unguentis;*⁶⁷ ipsa paradisus in quo plantavit Deus omne *lignum pulchrum visu, et ad vescendum suave;*⁶⁸ ipsa firmamentum omnibus luminaribus ornatum. *Ave, gratia plena!* O divinam plenitudinem! O mare vastissimum, immensum pelagus, oceanum pene infinitum gratiarum Mariae!

*Gratia plena: pulchra ut luna.*⁶⁹ Ubi gratia plena atque perfecta, ibi nullum vitium, nullum penitus peccatum; sicut ubi perfecta lux, ibi nulla omnino obscuritas tenebrarum; ubi perfecta gratia numeris omnibus absoluta, ibi omnis sanctitas, omnis iustitia, omnis virtus, omnia Spiritus Sancti dona; sicut cum luna plena est, non solum ulla obscuritate affecta non est, ut in deliquio et eclipsi, verum etiam magno splendidoque a sole lumine decorata conspicitur. Igitur: *Ave, gratia plena, ave, Virgo immaculata, ab omni labe peccati et vitiorum contagione purissima, designat a Maria longe esse omne peccatum: Tota pulchra es, amica mea, et macula non est in te;*⁷⁰ *una est columba mea, perfecta mea,*⁷¹ sive immaculata mea. Cum autem gratiam dicamus non tantum puritatem a peccato continere, verum etiam sanctitatem cumulumque virtutum coelestium; tunc *gratia*

Donis omnibus
Spiritus S. plena.

A Maria longe
omne peccatum.

64) Is 11, 2-3.
69) Ct 6, 9.

65) Ct 3, 6.
70) Ct 4, 7.

66) Ibid. 1, 2.
71) Ibid. 6, 8.

67) Ct 4, 12-14.

68) Gn 2, 9.

plena est plena utique virtutibus omnibus et divinis charismatibus, plena fide, plena spe, plena caritate, plena denique omni sanctitate.

Plenitudo huius
gratiae pene
infinita: longitudi-
ne ob diutur-
nitatem inno-
centiae, latitu-
dine ob summam
caritatem,
sublimitate ob
perfectionem et
contemplatio-
nem, profundi-
tate ob
humilitatem
et fidem.

Paulus delineat
magnitudinem
redemptionis.

Mariae gratiae
longitudo,

III. Sed qualis et quanta sit gratiae huius plenitudo Angelus non expressit. Legimus in Sacris Litteris mensuras arcae Noe,⁷² tabernaculi Moysis,⁷³ templi Salomonis;⁷⁴ apud Ezechielem quod Angelus universam fabricam totumque aedificium templi Domini mensuraverit,⁷⁵ in *Apocalypsi* quod Angelus aurea harundine metitus fuerit omni ex parte coelestem Ierusalem,⁷⁶ quae simul et civitas et templum Dei est: *Ecce tabernaculum Dei cum hominibus.*⁷⁷ Sed templum hoc Divinitatis, quod comprehendit illum quem coelum et coeli coelorum capere non possunt,⁷⁸ immensum est, vel sine mensura mensuratum; sicut fecit *Apostolus*, agens de mysterio Redemptionis humanae per Christum: *Ut possitis comprehendere cum omnibus sanctis quae sit latitudo, longitudo, sublimitas et profundum.*⁷⁹ Sicut mensuratur aedificium aliquod a murorum longitudine et latitudine, ab altitudine cacuminis et profunditate fundamenti, sic *Paulus* hac figura delineavit magnitudinem divini huius mysterii. Nec tamen dixit quanta sit eius longitudo, quanta latitudo, sublimitas vel profundum; sed forte per longitudinem perpetuitatem ab initio saeculi in finem intelligentiam voluit; per latitudinem diffusionem gratiae in omnes gentes; per sublimitatem gloriam paradisi; et per profundum salutem et redemptionem a poenis inferni et potestate diaboli. Sed tamen mysterium reliquit incomprehensibile, sicut etiam *investigabiles divitias Christi* evangelizare se dixit;⁸⁰ ita plane gratia Mariae thesaurus est pene infinitus, quoniam plena est *omni plenitudine Dei*, quam *Paulus Ephesiis* optabat.⁸¹

*Ave, gratia plena, gratia singulari ac summa, sicut in mysterio legimus de templo Ezechielis: Ista est lex domus in summitate montis: omnis finis eius in circuitu sanctum sanctorum est.*⁸² In tabernaculo Moysis et in templo Salomonis una tantum pars, in qua arca cum divino propitiatorio asservabatur, dicta fuit *sanctum sanctorum*,⁸³ idest, locus sacratissimus et omnino sanctissimus. Templum vero hoc totum dicitur *sanctum sanctorum*, quia Maria omni ex parte sanctissima, tota gratia plena a primo instanti conceptionis suae purissimae, immaculatissimae, san-

72) Cf. Gn 6, 15.

73) Cf. Ex 26, 1 sqq.

74) Cf. 3 Rg 6, 1 sqq.

75) Cf. 40, 1 sqq.

76) Cf. 21, 15-18.

77) Ibid. 21, 3.

78) 2 Par 2, 6.

79) Eph 3, 18.

80) Ibid. 3, 8.

81) Ibid. 3, 19.

82) Ez 43, 12.

83) Cf. Ex 26, 34; 3 Rg 6, 16.

ctissimae usque ad extremum spiritum, quae est *longitudo gratiae ipsius*; in omnibus sensibus corporis et potentias animae, sanctissima corpore et spiritu, corde, ore, opere coram Deo et hominibus, haec *latitudo* est, in infinita prope caritate erga Deum et homines consistens; ob sublimem gradum altissimamque perfectionem virtutum omnium heroicarum in ea, coelestisque contemplationis et conversationis altitudinem, quae *sublimitas huius templi* est; et tandem ob profundissimam humilitatem fidemque firmissimam ac sincerissimam caritatem; nam et fides fundamentum est spiritualis aedificii, et caritas virtutum radix: *In caritate, inquit Paulus, radicati et fundati;*⁸⁴ haec est *profunditas* fundamentorum divini huius aedificii, quod totum sanctum sanctorum est.

latitudo,

sublimitas,

profunditas.

IV. *Ave, gratia plena*, sicut sol luce. Quis nesciat quod solaris lux longitudinem habet, quia perpetua est ab initio mundi usque in finem? Quod latitudinem habet, qua mundum totum replet suis splendoribus? Quod sublimitatem claritatis habet omnium coeli luminarium splendidissimam ac fulgidissimam, [sicut] aurum inter metalla? Et tandem profunditatem? Non enim superficialis tantum est, sicut lux lunae, sed profundissima luminis abyssus sol est, veluti maxima quaedam flamma coelestis aeternique ignis. Sic Virgo mulier dicitur *amicta sole*.⁸⁵

Gratia Mariae
pene infinita
a magnitudine
amicus, idest,
solis, et a
magnitudine
Fili sui.

Ave, gratia plena! O plenitudo incomprehensibilis! Cum vas aliquod plenum fuerit, a magnitudine vasi coniici potest quantitas liquoris. In templo erat vas aquae maximum, quod a magnitudine *mare* dicebatur;⁸⁶ in coelo sol est planeta omnium maximus. Maria sole amicta dicitur; sed quali quantoque sole? O dictu mirabile! sole, qui a luna usque ad astra pertingebat; nam inquit quod mulier amicta sole lunam sub pedibus habebat, et in capite stellas, quae eam in coronae modum decorabant. O infinitum miraculum! Quis possit capere talis tantique solis magnitudinem? Quis comprehendere plenitudinem lucis huius? Audeo dicere quod soli Deo gratiae huius plenitudo comprehensibilis sit, quod solus Deus capiat immensam gratiae huius abyssum et pelagus prope infinitum.

Ave, gratia plena! *Altitudinem coeli, latitudinem terrae et profundum maris, aiebat Sapiens, quis dimensus est?*⁸⁷ hoc est, mundi magnitudinem nemo hominum novit nisi solus Deus; sic Mariae magnitudi-

84) Eph 3, 17.

85) Cf. Apcl 12, 1.

86) Cf. 3 Rg 7, 23

87) Eccli 1, 2.

nem, quae comprehendere potuit eum quem totus non capit orbis a summo coeli usque ad profundum abyssi, cum in utero suo virum circumdarit,⁸⁸ in quo inhabitat omnis plenitudo Divinitatis corporaliter.

Plenitudo
gratiae Mariae
proxima est
plenitudini
gratiae Christi.

Isaias propheta verba faciens de plenitudine gratiae Christi, Mariam cum Christo coniunxit, dicens: *Egredietur virga de radice Iesse, et flos de radice eius ascendet, et requiescat super eum spiritus Domini, spiritus sapientiae et intellectus*, etc.⁸⁹ Quia, sicut in mundi primordiis Eva proxime post Adam simillima ipsi ad imaginem et similitudinem Dei formata fuit; ita plenitudo gratiae Mariae proxima est plenitudini gratiae Christi. Sic ait: *Egredietur virga, idest Virgo, quoniam similis ortus; plenus gratia natus Christus, plena Maria*. Hinc alibi etiam eadem coniunctio legitur: *Orietur stella ex Iacob, et exurget virga ex Israel*.⁹⁰ O qualis virga Maria! Virga Aaron, quae miraculo revirescens flores fructusque protulit;⁹¹ virga Moysis,^{91a} quae omnipotens videbatur: *Virgam virtutis tuae emittet Dominus ex Sion*.⁹²

Mariae gratia
pene infinita a
magnitudine
amoris Dei
erga eam.

V. Quam potens fuit haec virga, haec Virgo cum Deo! Deum potuit aurea amoris sagitta vulnerare; sic ipse ait: *Vulnerasti cor meum, soror mea sponsa, vulnerasti cor meum in uno oculorum tuorum et in uno crine, sive torque, colli tui*.⁹³ Potuit Deum de sublimi coelorum in terram trahere amoris et caritatis suae vinculis colligatum: *Coronae capitis tui sicut purpura regis iuncta canalibus*;^{93a} hebr. *sicut purpura, rex ligatus in canalibus*; canales autem dicit crispantes et undantes crines, quibus veluti funibus ligantur et trahuntur amantes.

Quantum Virgo
cum Deo
potuit.

Magna vis est et potentia pulchrae mulieris in virum, qui eius amore captus est, eamque vehementer deperit; insanire eum facit, amantem amenorem reddit vel solis oculorum nutibus. Sed Virgo cum Deo ipso hoc potuit, unde ait: *Averte oculos meos a me, quia ipsi me avolare fecerunt*;⁹⁴ hebr. *praevaluerunt mihi*, vel potenter, superbe dominati sunt mei, vice-runt me. Haec Deum quodam modo insanire fecit, ut, relicta maiestate sua, formam servi indueret,⁹⁵ et Iudaeorum scandalum ac gentium stultitia fieret;⁹⁶ potuit Deum ex leone agnum facere mitissimum, Deum hominibus humanissimum reddere, imo hominem facere, natura humana in-

88) Cf. Jer 31, 22.

89) Is 11, 1-3.

90) Nm 24, 17. Vulg. habet: *Consurget virga de Israel*.

91) Cf. Nm 17, 8-9.

91a) Cf. Ex cp. 7 sqq.

92) Ps 109, 2.

93) Ct 4, 9.

94) Ibid. 6, 4.

95) Phil 2, 7.

96) 1 Cor 1, 23.

duere, similem nobis, amicum, familiarem, fratrem nostrum amantissimum efficere, nedum principem clementem, ut regina Esther Assuerum regem Iudaeis reddiderat summumque fautorum, qui prius unius hominis causa mortis sententia omnes damnaverat.⁹⁷ O mirabilem potentiam!

Dicam tandem quod potuit Maria de Deo facere quod Deus ipse non poterat de seipso. Non poterat Deus seipsum in natura sua reddere finitum, impotentem, passibilem, mortalem; potuit Virgo in natura nostra. Non poterat Deus Filium gignere sibi consubstantiale et coaequale in sua natura infirmum, corporalem, passioni et morti obnoxium; potuit Virgo verum Filium Dei, verum Deum, similem nobis generare. Nunquam reperta est mulier, licet pulcherrima, gratiosissima, venustissima, quae tantum potuerit in virum sui cupidissimum et amantissimum, quantum Virgo sua gratia et pulcritudine apud Deum valuit: *Invenisti gratiam apud Deum... gratia plena.* Hoc est quod ait Gabriel, haec una coniungens: *Ave, grata, Dominus tecum...* et: *Invenisti gratiam apud Deum;* ita quod *Spiritus Sanctus superveniet in te et virtus Altissimi obumbrabit tibi.*⁹⁸ Deus, inquit, tui amore captus est, adeo in oculis ipsius pulcra et gratiosa existis, adeo te amat, te diligit, ut in sponsam requirat. Talis est in oculis Dei Mariae gratia et pulcritudo.

Nec minus mirabilis in oculis Angelorum; nam Angelus est, imo Angelorum princeps, qui Mariae hoc dicit. Talis in oculis Beatorum; nihil enim sub Deo, sub Christo *in quem desiderant Angeli prospicere,*⁹⁹ pulcrius aspectuque iucundius et gratiosius Maria, quae statim post Deum ad Christi dexteram residet: *Astitit regina a dextris tuis in vestitu deaurato, circumdata varietate,*¹⁰⁰ idest, virtutum omnium et gratiarum ornamenti; *Sicut turris David...* quae aedificata est cum propugnaculis, *mille clypei pendent ex ea, omnis armatura fortium,*¹⁰¹ idest, omnibus virtutibus instructa atque munita, ut decet arcum regis potentissimi unicam et singularem in regni metropoli sitam, ut erat in Ierusalem arx Sion a David fabricata,¹⁰² nam eam designat mysterio. *Ave, gratia plena,* virtutibus omnibus perfectissimis instructa: *En lectulum Salomonis, sexaginta fortes ambiunt ex fortissimis Israel, omnes tenentes gladios et ad bella doctissimi.*¹⁰³ Hae sunt perfectissimae virtutes et dona Spiritus Sancti ad custo-

Maria mirabilis
in oculis
Angelorum.

97) Cf. Est 5, 1 sqq.

98) Lc 1, 28. 30. 35.

99) 1 Petr 1, 12.

100) Ps 44, 10.

101) Ct 4, 4.

102) Cf. 2 Rg 5, 6 sqq.

103) Ct 3, 7-8.

diam cordis contra daemonum tentamenta, quod ibi dicitur: *Propter timores nocturnos,*¹⁰⁴ nam sunt principes tenebrarum.¹⁰⁵

Mariae gratia
pene infinita
a magnitudine
laudum et figuris
in S. Scriptura,
praesertim
in Canticis.

VI. *Ave, gratia plena!* Sponsa in *Canticis* tota laudatur, et quidem miris modis, caput, comae,¹⁰⁶ oculi,¹⁰⁷ nasus,¹⁰⁸ genae,¹⁰⁹ labia,¹¹⁰ colum,¹¹¹ pectus,¹¹² uterus,¹¹³ femora, pedes,¹¹⁴ nihil sine eximia et singulari laude relinquitur, quia tota pulchra et absque omni macula,¹¹⁵ qualis fuit Absalom pulcritudo.¹¹⁶ Ab extermis tamen ornamentis et mundo, ut aiunt, muliebri minime laudatur, cum tamen etiam ab his Sponsa laudari soleat: *Sicut sponsam ornatam viro suo.*¹¹⁷ In *Canticis* autem non laudatur Sponsa nisi tantum ab ornamento pedum: *Quam pulcri sunt gressus tui in calceamentis, filia principis!*¹¹⁸ Quidnam hoc est? In mundo muliebri minimum studium est in ornandis pedibus, totum in ornando corpore, maximum in capite; hic autem nonnisi pedum ornatus recensetur et admirabilis: *Quam pulcri sunt gressus tui in calceamentis!* Sed si mirabilis adeo ornatus pedum, quid censemur de ornato corporis totius, pectoris et capitum? Sunt pedes infima pars corporis. In homine est caro, vita, sensus, ratio, mens et spiritus, ubi Dei imago et similitudo consistit; infimum autem caro est, de terra formata et in terram redditura. Sed si Deus tan-topere carnem Virginis ornavit, quid existimandum de anima? Ornavit carnem summa nobilitate ex Patriarchis, pontificibus et regibus; ornavit divina pulcritudine et venustate aspectus; ornavit integritate virginali et fecunditate divina, Unigeniti Filii Dei maternitate; qua ergo gratia, quibus donis animam nobilissimam exornavit?

Ornamenta
gratiae in anima
iustificata.

Ave, gratia plena! Per Ezechiem Deus multis designat plenitudinem gratiae in anima a peccatis iustificata, dicens: *Lavi te aqua et emundavi sanguinem tuum ex te, et unxi te oleo et vestivi te discoloribus, et calceavi te hyacinto et cixxi te bysso, et indui te subtilibus, et ornavi te ornamento, et dedi armillas in manibus tuis, et torquem circa collum tuum; et dedi inaurem supra os tuum et circulos auribus tuis et coronam decoris in capite tuo, et ornata es auro et argento, et vestita es bysso et polymito et multicoloribus..., et decora facta es... nimis, et profecisti in regnum, idest, facta es in reginam, et egressum est nomen*

104) Ibid. 3, 8.

105) Cf. Eph 6, 12.

106) Ibid. 4, 1.

107) Ibid. 4, 1.

108) Ibid. 7, 4.

109) Ibid. 4, 3.

110) Ibid. 5, 13.

111) Ibid. 7, 4.

112) Ibid. 4, 5.

113) Ibid. 7, 2.

114) Ibid. 7, 1.

115) Ibid. 4, 7.

116) 3 Rg. 1, 6.

117) Apc 21, 2.

105) Cf. Eph 6, 12.

109) Ibid. 4, 3.

113) Ibid. 7, 2.

117) Apc 21, 2.

106) Cf. Ct 7, 5.

110) Ibid. 5, 13.

114) Ibid. 7, 1.

118) Ct 7, 1.

*tuum in gentes propter speciem tuam, quia perfecta eras in decore meo quem posueram super te, dicit Dominus.*¹¹⁹ Per haec autem ornamenta non nisi virtutes, quae animam piaeclare exornant, designantur, sicut apud Isaiam: *Gaudens gaudebo in Domino, et exultabit anima mea in Deo meo, quia induit me vestimentis salutis, et indumento iustitiae circumdedidit me, quasi sponsum decoratum corona et quasi sponsam ornatam monilibus suis.*¹²⁰ Si igitur Deus talibus tantisque ornamenti exornat animam, quam a sordibus peccatorum lavat, iustificat et sanctificat; qualia existimanda sunt ornamenta Mariae? Hinc merito in coelis ornata videtur non auro, argento et pretiosis lapillis, sed sole, luna et stellis coelestibus aeternisque luminibus decorata.

Ornamenta
Mariae.

Ave, gratia plena! Sicut Esther priusquam Assueri conspectui praesentaretur, aut eius frueretur coniugio, multis fuit regalibus ornamenti et mundo muliebri decorata, ut digna existimari posset tanti regis aspectu atque praesentia;¹²¹ Rebecca etiam priusquam Isaaco copularetur matrimonio, multis fuit muneribus ditata ab Abraham sibi per Eliezerum missis;¹²² sic et Virgo Deipara ante divinum sponsalitium divinis est charismatisbus pro dignitate decorata, ut tanti Regis digna inveniretur sponsalitio.

Ave, gratia plena, idest, perfecta caritate; haec enim est animae pulcritudo coram Deo: *Elegit nos in ipso ante mundi constitutionem ut essemus sancti et immaculati in conspectu eius in caritate.*¹²³

In sponsarum ornamenti antiquitus praecipuum erat fascia pectoralis; sic enim apud Ieremiam legimus: *Nunquid obliviscetur Virgo ornamenti sui, aut sponsa fasciae pectoralis sua?*¹²⁴ Erat pectoris ornamenti singulare. In Canticis autem praecipue ubera Sponsae laudantur semel et iterum: *Duo ubera tua sicut duo hinnuli capreae gemelli, qui pascuntur in liliis;*¹²⁵ et iterum: *Duo ubera tua sicut duo hinnuli gemelli capreae;*¹²⁶ *Statura tua assimilata est palmae et ubera tua botris. Ascendam in palmarum et apprehendam fructum eius; et erunt ubera tua sicut botri vineae.*¹²⁷ Et Sponsa nihil aliud daturam se Sponso promittit nisi ubera: *Fasciculus myrrae dilectus meus...; inter ubera mea commorabitur;*¹²⁸ et: *Ibi dabo tibi ubera mea.*¹²⁹ Ubera hebr. *dodim* dicuntur; quae quidem vox etiam amores designat, et ideo Sponso ubera tribuuntur: *Quia*

Amor Dei
praecipuum or-
namentum
Mariae,
in uberibus
significatus.

119) 16, 9-14. 120) 61, 10. 121) Cf. Est 2, 9-14. 122) Cf. Gn 24, 53. 123) Eph 1, 4.
124) 2, 32. Ms.: *Isaiam.* 125) Ct 4, 5. 126) Ibid. 7, 3. 127) Ibid. 7, 7-8.
128) Ibid. 1, 12. 129) Ibid. 7, 12.

meliora sunt ubero tua vino; ¹³⁰ Memores uberum tuorum super vinum: ¹³¹ amores intelliguntur Sponsi. Sic perfecta Virginis in Deum caritas per ubera insigniter laudata designatur.

Summa erat Virginis in Deum Sponsum suum et ardentissima caritas: *Osculetur me osculo oris sui, quia meliora sunt, etc. ¹³² Laeva eius sit sub capite meo et dextera eius amplexetur me... amore langueo. ¹³³ In lectulo meo per noctem quaesivi quem diligit anima mea. ¹³⁴ Ego dormio et cor meum vigilat. ¹³⁵ Quis det te ut fratrem meum sugentem ubera matris meae, ut inveniam te foris et deosculer te, et iam me nemo despiciat? ¹³⁶ O magnam et mirabilem vim amoris! Semper et ubique cupiebat esse cum Sponso, eiusque frui amplexibus, sicut absque despicientiae metu mulier, etiam publico loco et multis coram, parvulum lactentem amplexatur, et suavissime osculatur.*

Quam casti
amores Mariae.

Quam puri autem, quam casti fuerint hi amores, quam sanctae divini illius pectoris affectiones indicatur, quoniam inquit: *Duo ubera tua sicut duo hinnuli capreae gemelli, qui pascuntur in liliis. Iucunda voluptas fuit semper esca amoris; sed hinnuli hi liliis pulcherrimis et purissimis floribus pascebantur, nonnisi purissimas ac sanctissimas voluptates sectati sunt. Quoniam autem gratissimi erant Deo, hinc etiam botris uvae suavisimae comparantur: Duo ubera tua sicut botri vineae, sed quae supra palmam altissimam arborem, fructificavit. ¹³⁷ O altitudo cordis Mariae!*

Virgo Deipara
mons ob subli-
mitatem gratiae.

Ave, gratia plena! Ob gratiae plenitudinem, magnitudinem et sublimitatem Virgo Deipara in Sacris Litteris per montem magnum et altum designatur. Ipsa mons apud Danielem, de quo abscissus est lapis sine manibus, qui statuam percussit et contrivit; lapis enim ille, qui in maximum montem crevit, Christus est, ut idem Prophetae interpretatus fuit; ¹³⁸ ipsa autem Virgo mons, de quo sine viri opera lapis iste abscissus est. Ipsa mons de quo Regius Vates canit: *Mons Dei, mons pinguis, mons coagulatus, mons pinguis, ut quid suspicamini montes coagulatos? Mons in quo beneplacitum est Domino habitare in eo; etenim Dominus habitabit in finem. ¹³⁹ Qui mons vel in quo monte est currus Dei decem millibus Angelorum stipatus multisque millibus Angelorum laetantium, quia Dominus, sicut in Sinai fuit, sic et in sancto hoc monte, in sanctuario*

130) Ibid. 1, 1.

131) Ibid. 1, 3.

132) Ct 1, 1. Ms.: Meliores.

133) Ibid. 2, 6.

5. Vulg. habet: *Amplexabitur me.* 134) Ibid. 3, 1.

135) Ibid. 5, 2.

136) Ibid. 8, 1.

137) Ct 7, 8.

138) 2, 31-45.

139) Ps 67, 16-17.

suo,^{139a} sicut olim in deserto arca Dei, quae currus gloriae Dei videbatur, multis erat Hebraeorum millibus ac miriadibus circumstipata.¹⁴⁰ Videtis quam magnifice de hoc monte habitationis divinae loquatur. Montem Dei appellat phrasi hebraica ob celsitudinem et sublimitatem, montem Basan fecacissimum et uberrimum, montem pinguem et coagulatum, caseosum ob copiam optimorum pascuorum pro gregibus. Huius rei gratia etiam Salomon in *Canticis Sponsam Dei appellavit montem myrrhae: Vadam, inquit, ad montem myrrhae et ad collem thuris. Tota pulcra es, amica mea, et macula non est in te.*^{140a} Quid mons odoratissimae myrrhae nisi plenitudinem gratiae designat?

Ave, gratia plena! Statuunt theologi¹⁴¹ in Virgine triplicem gratiae plenitudinem: in sua quidem conceptione plenitudinem, ut aiunt, sufficientiae, ut digna esset Sponsa Dei et Mater Christi, dignum Divinitatis habitaculum; in incarnatione autem Verbi, cum in eam Spiritus Sanctus supervenit, plenitudinem abundantiae et superfluentiae, nam veluti effudit vel supereffudit tanquam vas plenissimum et exundans Virgo spiritum suum in Elisabeth et Ioannem; cum enim audisset salutationem Mariae Elisabeth repleta fuit Spiritu Sancto;¹⁴² tandem in die Pentecostes plenitudinem accepit divinae excellentiae super omnes Santos.

Triplex gratiae
plenitudo in
Maria: sufficien-
tiae, abundan-
tiae, excellentiae.

139a) Ibid. vr. 18

140) Cf. Dt 33, 2.

140a) Cf 4, 6-7.

141) Cf. D. Bonavent.

Serm. 6 in *Assumpt. B. M. V.* (9, 708); D. Thom. p. 3, q. 27, a. 4; Suarez, *De Incarnat. Christi* q. 37, a. 4, s. 3.

142) Cf. Lc 1, 41.

SERMO SEXTUS

DE VIRGINIS GRATIAE PLENITUDINE EX VERBIS SALUTATIONIS

Ave, gratia plena

Parallelismus
Evae et Mariae.
Quid sit, ex
quibus sit, cur
sit, qualis sit
individus
naturalis, Eva.

I. *Ave, gratia plena.*¹ De prima muliere Divina Scriptura quatuor summatim docet: primum quod ipsa esset, nempe individuum quoddam naturae humanae in sexu femineo; secundum ex quibus causis consistit; ponitque efficientem Deum, materialem corpus ex costa Adae, formalem animam et spiritualem procreationem humani generis; tertium effectus ipsius similes effectibus primi hominis; et quartum comparatio ipsius cum ceteris animantibus, quod nullum animal esset Adamo tam simile utque ipsa mulier Eva.²

Quid sit gratia,
quae causae, qui
effectus gratiae,
et qualis gratia,
unde consti-
tutur Maria.

II. Ita sane de Beatissima Virgine haec quatuor considerari possunt et de plenitudine gratiae ipsius: quid sit gratia, quae causae gratiae, qui effectus gratiae, et qualis quantaque sit gratia ista respectu aliorum Sanctorum.

Gratia donum Dei est supernaturale, sed multiplex donum est. Hinc Petrus dixit *multiformem gratiam Dei*; ³ et Paulus: *Divisiones... gratiarum sunt, idem autem Spiritus; et divisiones ministracionum sunt, idem vero Deus; et divisiones operationum sunt, idem autem Deus, qui operatur omnia in omnibus. Unicuique autem datur manifestatio Spiritus ad utili-*

1) Lc 1, 28.

2) Gn 2, 18-25.

3) 1 Petr 4, 10.

*tatem. Alii quidem per Spiritum datur sermo sapientiae; alii... sermo scientiae secundum eundem Spiritum; alteri fides in eodem Spiritu; alii gratia sanitatum in uno Spiritu; alii operatio virtutum, alii prophetia, alii discretio spirituum, alii genera linguarum, alii interpretatio sermonum. Haec... omnia operatur unus atque idem Spiritus, dividens singulis prout vult.*⁴⁾

In Beata Virgine fuerunt omnes hae gratiae simul, ut Divus Athanasius, in sermone *De Virgine Deipara*, ait quod «descendit in eam Spiritus Sanctus cum omnibus virtutibus essentialibus, ut esset omnibus gratiosa et gratiis omnibus abundaret»;⁵⁾ et Sanctus Hieronymus; quod «ceteris gratia per partes datur, sed in Virgine tota simul se infudit plenitudo gratiae sicut in Christo, quamquam aliter».⁶⁾

Quoad causas gratiae, efficiens est Deus, nam: *Gratiam et gloriam dabit Dominus;*⁷⁾ est divina caritas a qua omne bonum, Dei amor. Diligit autem Deus hunc magis quam illum, sed Virginem super omnes alias creature; hinc *gratia plena*. Materialis est humana persona, quae per gratiam sanctificatur atque perficitur intrinsecus atque extrinsecus, sicut arca deaurata fuit auro mundissimo;⁸⁾ *gratia plena*: sanctificata fuit secundum animam et secundum corpus, extincta concupiscentia; *gratia plena* in omnibus partibus corporis et animae. Formalis est pulcritudo animae, longissime distans post Deum ab omni deformitate vitii et peccati cuiuscumque. Spiritualis ut esset digna Sponsa Dei Patris et Mater Filii. Effectus operatio omnium virtutum absque ulla prorsus imperfectione. Et comparatio est sicut sol inter astra coeli, in omnibus et singulis virtutibus excellētissima; hoc est: *gratia plena*.

4) 1 Cor 12, 4-11. 5) *Serm. in Annunc. Deiparae*, n. 9. (P. G. 28, 339). Opus incerti auctoris.

6) *Serm. de Assumpt. B. M. V.* n. 5. (P. L. 30, 127). Item opus incerti auctoris. 7) Ps 83, 12.

8) Cf. Ex 37, 1.

SERMO SEPTIMUS

DE VIRGINIS DEIPARAE DIVINA DIGNITATE EX VERBIS SALUTATIONIS:

Dominus tecum

*Ave, gratia plena, Dominus tecum, benedicta
tu in mulieribus..., et benedictus fructus
ventris tui.¹*

Ubique est
Dominus; sed
singulari modo
in aliquibus locis
et personis;
singularissimo
in Maria.

I. Miratus vehementer fuit sanctissimus patriarcha Iacob, cum in Bethel coelestem visionem habuit, cum scalam coelestem vidit, Angelosque per eam ascendentibus et descendentes et Dominum innixum scalae; quare ait: *Vere Dominus est in loco isto, et ego nesciebam. Pavensque: Quam terribilis est, inquit, locus iste; non est hic... nisi domus Dei et porta coeli.* Unde propterea locum illum *Bethel*, idest, *domum Dei* appellavit.²

Sed quaenam, quaeso, tantae admirationis causa? An ignorabat Deum infinitae maiestatis magnitudine sua omnia replere? Deum nullibi non esse? *Coelum mihi sedes est, terra autem scabellum pedum meorum.*³ *Coelum et terram ego adimpleo.*⁴ Quem *coelum et coeli coelorum capere non possunt.*⁵ *Si ascendero in coelum, tu illic es; si descendero in infernum, ades.*⁶ Simplex valde fuit Ionas, qui voluit fugere a facie Domini;⁷ impius Cain, qui egressus fuit a facie Domini vagus et profugus.⁸ Sicut lux solis totum implet mundum, sic natura Dei ubique est non solum potestate, ut rex in regno, sed praesentia, ut rex in sua regia, sed substantia,

1) Lc 1, 28, 42.

2) Cf. Gn 28, 10-22.

3) Act 7, 49.

4) Jer 23, 24.

5) 3 Rg 8, 27.

6) Ps 138, 8.

7) Cf. Jon 1, 3.

8) Cf. Gn 4, 16.

ut rex in suo throno dum sedet pro maiestate. Quid ergo est quod minoratur Iacob Dominum in Bethel? Latebat ibi singulare mysterium, quod Patriarcha sanctus adhuc minime noverat; hinc ait: *Et ego nesciebam.*

Anima nostra est quidem in toto corpore, nam totum vivificat, partibus omnibus et singulis dat vitam, sensum et motum; sed singulari quodam modo est in corde, in capite, in oculo per singulares operationes. Ita Deus; ac propterea ait: *Vere Dominus est in loco isto* singulari modo, sicut in tabernaculo Moysi,⁹ sicut in templo Salomonis.¹⁰ Sciebat Moyses, sapientissimus philosophus una et theologus, edocitus in omni sapientia Aegyptiorum,¹¹ ubique Deum esse, nam etiam Mercurius Trismegistus dixit mundum esse vas Deo plenum,¹² et Thales Milesius diis omnia plena esse,¹³ Poeta etiam ait: « Iovis omnia plena »;¹⁴ tamen habitaculum aedificavit ad cultum et religionem.¹⁵ Noverat Salomon, sicut ipse ait, quod Deus est quem *coelum et coeli coelorum capere non possut*, templum tamen Deo pro sua virili magnificentia aedificandum curavit.¹⁶

Implet Dominus omnia, sicut Paulus Atheniensibus praedicavit quod *Deus coeli et terrae Dominus... non longe est ab unoquoque nostrum; in ipso enim vivimus, movemur et sumus*,¹⁷ veluti pisces in liquido elemento, vel aves in aëre; sed tamen idem ipse docuit quod in Christo inhabitavit *omnis plenitudo Divinitatis corporaliter*.¹⁸ Sicut alibi legimus Christum Dei templum esse: *Solvite templum hoc, et in tribus diebus excitabo illud*; hoc autem dixit *de templo corporis sui*.¹⁹ Sic etiam singulari modo per Incarnationis divinae mysterium habitavit Deus fuitque cum Maria; hinc ait Angelus ei: *Dominus tecum*; sicut: *Dominus in loco sancto suo, Dominus in celo sedes eius*;²⁰ *Factus est in pace locus eius et habitatio eius in Sion*.²¹

II. Innuit autem Angelus his verbis magnitudinem Mariae. Nam si loquamur de rege aut imperatore, qui negotium tractet in suo cubiculo cum secretario suo aut consiliario vel principe militiae, non dicimus: Rex est cum secretario, sed secretarius cum rege; non Papa cum Cardinali aut Episcopo, sed Episcopus cum Papa; non dominus cum servo, sed servus

Dominus tecum
significat quasi
aequalitatem
Mariae cum Deo,
et Mariae infinitum
divinae
maternitatis
denotat favorem.

9) Cf. Ex 40, 32-33. 10) Cf. 3 Rg 8, 10-12. 11) Cf. Act 7, 22. 12) Cf. Dialog. *Asclep.*, circa finem. Edit. an. 1512, Basileae. 13) Cf. Aristot. *De Anima* 1, 5. Edit. an. 1579. Luggduni.
14) Virg. *Ecllog.* 3, 60. 15) Cf. Ex 40, 14-15. 16) Cf. 3 Rg 5, 1 sqq. 17) Act 17, 28.
18) Col 2, 9. 19) Io 2, 19. 20) Ps 10, 5. 21) Ps 75, 3.

cum domino; sed bene dicimus: Rex est cum regina, cum matre, cum filia dilectissima et unica.

De sanctis viris, Deo dignis, legimus quod ambulaverunt cum Deo tanquam servi cum domino suo. Ambulavit Enoch cum Deo;²² ambulavit Noe cum Deo et invenit gratiam in oculis Domini.²³ De Angelis etiam ita Christus locutus fuit: *Cum venerit Filius hominis in maiestate sua et omnes Angeli eius cum eo,*²⁴ tanquam servi cum suo domino: *Millia millium ministrabant ei;*²⁵ Moyses etiam ita in *Deuteronomio* locutus fuit: *Dominus de Sinai venit... et cum eo sanctorum millia.*²⁶

De Maria autem non sic loquitur Angelus Domini, coelestis pronubus et paronymphus, sed: *Dominus, inquit, tecum,* sicut rex cum regina, sponsus cum dilectissima sponsa, filius cum carissima matre. *Dominus tecum.* O mirabile, o divinum consortium! Quisnam vel cogitatione capere poterit quidnam sit hoc *Dominus tecum!* Deus Optimus Maximus cum Maria!

Dominus tecum! Ioannes in *Apocalypsi* de Beatis agens, docet eos esse cum Christo: *Vidi, inquit, et ecce Agnus stabat supra montem Sion, et cum eo centum quadraginta quatuor millia, habentes nomen eius et nomen patris eius scriptum in frontibus suis.*²⁷ Alibi etiam in eodem libro docet quod omnes exercitus, qui sunt in coelo, sequuntur Christum, tanquam summum imperatorem, summa cum reverentia et obsequio;²⁸ sicut etiam docet quod omnes Angeli, in circuitu throni divini prostrati ac cernui, aeternam Dei maiestatem venerantur et adorant; quod item faciunt viginti quatuor seniores, Sanctorum omnium principes, ante thronum Dei.²⁹ Hic autem: *Dominus tecum;* sicut in *Canticis* Deus nunquam Dominus appellatur a Sponsa, sed semper sponsus, dilectus, amor. In Sacris Litteris phrasis ista periphrasis est divini erga aliquem favoris singularis et magni. Sic enim Abimelech, rex Palaestinorum, dixit Abrahamo: *Deus tecum est in universis quae agis;*³⁰ et Isaaco: *Vidimus tecum esse Dominum.*³¹ De Ioseph etiam patriarcha legimus: *Fuit Dominus cum eo, et erat vir in cunctis prospere agens.*³² Moysi Dominus ait: *Ego ero tecum;*³³ et Iosue, duci Hebraeorum post Moysem: *Sicut fui cum Moyse, ita ero tecum; non dimittam, nec derelinquam te; confortare et esto robustus;*³⁴ Ge-

Phrasis: Deum
cum aliquo esse,
idem est ac eius
favore frui.

22) Gn 5, 22.

23) Cf. ibid. 6, 9.

24) Mt 25, 31.

25) Dn 7, 10.

26) 33, 2.

27) Apc 14, 1.

28) Cf. ibid. 19, 14.

29) Cf. ibid. 7, 11; 11, 16.

30) Gn 21, 22.

31) Ibid. 26, 28.

32) Ibid. 39, 2.

33) Ex 3, 12.

34) Jos 1, 5.

deoni dixit Angelus: *Dominus tecum*, vir fortissime.³⁵ De David Sacra refert Historia: *Timuit Saul David, eo quod Dominus erat cum eo*; itemque: *In omnibus viis suis David prudenter agebat, et Dominus erat cum eo*;³⁶ sic de Salomone: *Confirmatus est Salomon filius David in regno suo, et Dominus Deus eius erat cum eo, et magnificavit eum in excelsum.*³⁷ Hac igitur periphrasi designatur magnus Dei favor; nam luce clarius est quantopere Deus Abrahamum, Isaac, Ioseph, Moysem, Iosue, Gedeonem, David et Salomonem sublimavit. Sed Virgini singulariter dicitur: *Dominus tecum*, quia vere infinito favore eam prosecutus est Altissimus, ut eam in Sponsam elegerit, Matrem Unigeniti Filii sui effecerit, Reginamque universi constituerit.

Dominus tecum! Apparuit Dominus Moysi in rubo, qui ardebat et non consumebatur, dixitque ei: *Ego sum qui sum;*³⁸ ubi hebr. quidem est: *Ehieh ascer ehieh, ero qui ero*, praedicens se futurum in Virgine, quae per rubum illum designabatur ob mirabilem fecunditatem et virginalem integritatem, cum fuerit simul mater et virgo: mater, sed intemerata, viro incognita, vere *hahalmah*, semper abscondita, viro nunquam revelata; virgo, sed secunda «gaudia matris habens cum virginitatis honore»: ³⁹ *Ecce Virgo concipiet et pariet filium* Emmanuelem, Deum hominem, nobiscum Deum.⁴⁰ Divina ergo illa promissio: *Ero qui ero*, nunc adimpta est, cum ab Angelo dictum est Virgini: *Dominus tecum.*

III. Sed verba haec Gabrielis cogent nos fortasse hodie ut altius philosophemur. Nam Dominus cum omnibus creaturis est, sicut ubique est infinita magnitudine sua universum implens non corporis mole, sed spiritus virtute et essentia. Sicut enim, si corpus infinita undequaque magnitudine et mole reperiretur, impleret universum usquequaque, nullum penitus locum substantia sua vacuum relinqueret; ita Deus, cum infinita natura et essentia sit, sicut aeternitate sua nullum reliquit sine Deitate vel momentum temporis, ita nec locum cum immensitate; ubique Deus est totus et indivisus, sicut regis auctoritas in suo regno, sicut lux solis in coelo, sicut anima nostra in corpore, sicut tempus in universo. Idem enim ipsum ubique totum ab omnibus et singulis integre, non per partes possidetur,

Deus singula-
riter cum Maria,
quia eius Sponsa
et Mater.

Deus est totus
in omnibus
essentia.

35) Idc 6, 12. Vulg. habet: *Virorum fortissime.* 36) 1 Rg 18, 12-14. 37) 2 Par 1, 1. Vulg.
loc. *Confirmatus*, habet: *Confortatus.* 38) Ex 3, 14. 39) Sedulius, *Carm. Paschal.* lib. 2, vr. 67. (P. L. 19, 203). 40) Is 7, 14.

ita ut haec regio unam diei partem habeat, illa vero aliam; sed naturalis dies, mensis, annus, ubique terrarum omnibus et singulis gentibus ac regionibus a coelo totum tribuitur. Tempus temporalia et perpetua omnia a creatione mundi perpetuo comitatur; cum rebus omnibus est, fuit, erit.

Ita Deus cum omnibus creaturis suis; imo ab ipso pendent omnino, sicut lumen lunae, splendor stellarum, claritas coeli et dies a sole, perenni luminis fonte. Sic Regius Vates: *Omnia a te expectant, ut des illis escam in tempore.*⁴¹ *Aperis tu manum tuam, et imples omne animal benedictione.*⁴² *Dante te illis, colligent; aperiente te manum tuam, omnia implebuntur bonitate; avertente autem te faciem tuam, turbabuntur; auferes spiritum eorum et deficient, et in pulverem suum revertentur; emittes spiritum tuum, et creabuntur, et renovabis faciem terrae.*⁴³ Sic multis docet Regius Vates omnia a Deo pendere, a nutu divinae voluntatis, sicut umbra, sicut imago in speculo.

Sed supra modum singulare est istud *Dominus tecum*, hoc Dei esse cum Virgine Deipara.

Deus non idem
operatur
in omnibus.

Est quidem Deus in omnibus creaturis et cum omnibus, sicut *ex ipso et per ipsum et in ipso sunt omnia;*⁴⁴ sed tamen non in omnibus idem operatur. Sicut anima in corpore aliud operatur in pedibus, aliud in manibus, aliud in pectore, aliud in capite; ita Deus aliud operatur in coelo, aliud in terra, aliud in Angelo, aliud in homine, aliud in paradyso, aliud in inferno, aliud in mundo, aliud in Ecclesia; sicut sol hieroglyphice per centimanum Briareum^{44a} designatur, quia multa et varia valdeque diversa suis radiis in universali natura operatur. Est Deus in terra, in elementis, in coelis, in astris ceterisque inanimis, in lapidibus, in metallis, in mineralibus; his omnibus dat esse, sed his quidem clarius ac nobilius, illis obscurius et ignobilius; est cum plantis omnium generum, his dat etiam vivere, generare, fructificare; est cum animalibus, dat his una cum vita sensum, motum, cognitionem sensilem, appetitum, amorem, cum multis naturalibus passionibus, actionibus, proprietatibus; est in hominibus, dans eis divinum intelligere; est in Ecclesia, dans fidelibus suis fidem, spem, caritatem, gratiam, Divini Spiritus dona et charismata; est tandem in paradyso, dans Beatis omnibus perpetuam felicitatem et gloriam, Deitatis visionem, infinitae bonitatis aeternam possessionem ac fruitionem.

41) Ps 103, 27. 42) Ps 144, 16. 43) Ps 103, 28-30. 44) Rom 11, 36. 44a) De quo cf. I. Perin in *Onomast.* sub hoc verbo.

Sic mundus hic, universa creata complectens, est veluti scala Iacob; incipit enim ab infima, quam dicunt, materia prima, quae « prope nihil » est, ut Augustinus ait in suis *Confessionibus*,⁴⁵ et desinit supremo gradu supra coelum in nobilissima omnium creatura, in deificata Christi humanitate. Est autem inter gradus hos magna distantia, ut inter coelum et terram, solem et lunam, firmamentum et empyreum. Etenim si infinitos lapides ceteraque inanimorum genera crearet Deus ex terra, communi omnium matre, nunquam pervenirent ad gradum vitae, quae est in plantis; nec plantae, etiamsi infinitae producerentur, pervenire possent ad sensum vitamque animalium; nec animalia cuiusvis generis terrestria, aquatilia, volatilia, licet infinita, pertingere unquam possent ad intellectum hominum divinamque imaginem et similitudinem, ut animam hominis rationalem induerent; nec infinita licet hominum multitudo, absque Dei munere, consequi fidei sacramentum, gratiam et amicitiam Dei, filiorumque adoptionem et ius hereditatis aeternae Divinique Spiritus supernaturalia dona, quae sunt in Ecclesia; nec tandem fideles omnes virtute fidei et gratiae in hoc mundo assequi aeternam beatitudinem, quae in coelo est per visionem et fructum Dei. Sic inter gradum et gradum est pene infinita distantia.

IV. Supremus autem gradus huius scalae, cui Deus innixus visus fuit, non est gloria et beatitudo, sed hypostatica unio Verbi ad carnem, Dei ad hominem in Christo *in quo inhabitat omnis plenitudo Divinitatis corporaliter*;⁴⁶ ac propterea ipsum dedit caput super omnem principatum et potestatem, et omnia subiecta sunt pedibus eius sive visibilia, sive invisibilia.⁴⁷ Supremo autem huic gradui proximum Maria tenet, quae ad Christi dexteram collocata est, Christo in primo gradu coniuncta, sicut vera genitrix et naturalis mater unico filio, arctissimo vinculo Deo coniuncta, sicut dilectissima sponsa sponso dilectissimo.

Imo, ut dicam quod sentio, Maria mihi videtur supremus gradus huius scalae, suprema creatura. Nam Deus innixus scalae nonnisi Christus est; non enim vidit Iacob Deum in pura sua essentia et natura, sed in humana forma; Deus autem in humana forma nonnisi Christus est, verus et perfectus Deus et homo. Supremus igitur gradus huius scalae, cui Deus innitebatur, cui coniunctus erat, non potest nisi Maria esse, in qua Deus hu-

Scala
creaturarum.

Deus tam arcte
coniunctissimus
Mariæ unione
hypostatica, ut
ipsa sit supremus
gradus scalae
creaturarum,
imo suprema
creatura.

45) Lib. 12, cp. 6. (P. L. 32, 828).

46) Col 2, 9.

47) Cf. Eph 1, 21-22.

manatus est, incarnatum Verbum, quae proxima et coniunctissima Deo est ut sponsa, proxima et coniunctissima Christo ut mater. Quae igitur altitudo Mariae! Quam excelsior est omni Angelorum celsitudine et sublimitate! Omnes simul homines non possent in coelum ascendere, nec omnes Angeli in coelo ad altissimum gradum dignitatis Mariae pervenire, *tanto melior est Angelis effecta quanto differentius p[re]e illis nomen hereditavit,*⁴⁸ ut esset vera Sponsa Dei et Mater Christi, qui altissimus est Rex, Dominus et Creator Angelorum. O gradum sublimem!

Sententia Divi
Chrysostomi.

Chrysostomus, agens de Christi ascensione, ait: « Coelos transvivit, supra Cherubim ascendit, ultra Seraphim elevatur, nec ante stetit, nisi sedem dominicam meruisset. Vide quo spatio coelum separatur a terra, imo terra quanto ab inferis abest, et ipsum coelum quanto ab altiore coelo separatur, et ab altiore coelo ad Angelos quantum spatii est, ad superiores etiam potestates, ad ipsam quoque dominicam sedem. Super haec omnia natura nostra elevata est, ut homo, qui loco tam humili tenebatur, ut descendere non posset ulterius, ad tam excelsam sedem elevaretur, ut altius non posset ascendere». ⁴⁹ Ita plane et ego de Maria dicam ex summa ac proxima et arctissima coniunctione cum Deo, ex Dei summo erga eam favore et amore.

Dominus tecum! Stella, quae soli proxima est, omnium quae in coelo sunt splendidissima cernitur, et lucifer appellatur, quoniam fonti lucis vicinissima est; ita quod Deo propinquius est, melius est, nobilius, Deo similius est. Maria autem proxima et coniunctissima Deo; simillima igitur Deo, sicut Eva Adamo.

Dominus cum
Moys.

Dominus tecum! Cum Deus Moysi apparuit in rubo, eique dixit: *Ego ero tecum,*⁵⁰ Divinitatis suae communicatione ac singulari participatione eum quodam modo deificavit; unde ait: *Constitui te deum Pharaonis.*⁵¹ Cum enim Deitatis proprietates sint infinita potentia, sapientia immensa, aeterna bonitas; contulit Moysi magnum thesaurum sanctitatis et virtutis, ut esset *fidelissimus in omni domo Dei,*⁵² omniumque hominum sanctissimus; magnum thesaurum sapientiae: *Ego ero tecum in ore tuo, et docebo te quid loquaris;*⁵³ magnum thesaurum divinae omnipotentiae: *Virginem hanc sume in manu tua, in qua facturus es signa,*⁵⁴ idest miracula, solius divinae virtutis et omnipotentiae opera supra omnes naturae vires.

48) Hebr 1, 4. 49) *Serm. in Ascens. Domini*, n. 3. (P. G. 50, 446). 50) Ex 3, 12. 51) Ex 7, 1.
52) Nm 12, 7. 53) Ex 4, 12. 54) Ibid. 4, 17.

Sic Deus Virgini Deiparae talem tantamque contulit sanctitatis, virtutis et sapientiae copiam, ut eam quodammodo deificarit. Nam si Electis omnibus dictum est: *Ego dixi: Dii estis et filii Excelsi omnes*; ⁵⁵ si principes dii sunt appellati: *Deus stetit in synagoga, in cetu, deorum; in medio autem deos diiudicat*; ⁵⁶ si Angeli dicti sunt dii, unde: *Deus deorum Dominus*; ⁵⁷ *Terribilis et magnus super omnes deos*; ⁵⁸ quanto magis Virgo Maria Divinitate donata censeri debet, cum facta sit Mater et Sponsa Dei?

Dominus tecum! Tu Divinitatis super omnem creaturam consors et particeps. Nam Deus in Sacris Litteris nunc quidem lux appellatur: *Deus lux mea et salus mea*; ⁵⁹ *Deus lux est, et tenebrae in eo non sunt ulla*e; ⁶⁰ nunc vero ignis: *Deus noster ignis consumens est*. ⁶¹ Utriusque autem natura summae communicationis, ut ita dicam, cupiditate praedita est; lux enim maxime communicabilis est ubicunque sit: in sole, in luna, in stellis, in coelo, in terra; ignis similiter abunde suum communicat calorem, splendorem, vigorem naturalem, naturam ipsam. Hanc ob causam Deus lux et ignis appellatus venit, ut sciamus eum bonorum suorum summum esse largitorem; hanc enim ob causam universa creavit, et mundo tandem Unigenitum suum dedit Sanctumque Spiritum Ecclesiae Electorum et fidelium Christi sui. Maria autem fornax fuit divini huius ignis, fucina et thesaurus coelestis aeternaeque huius lucis.

Dominus tecum! Tu thesaurus infinitae lucis; tu fornax ignis immensi, quo Seraphim ardent; in te *complacuit omnem plenitudinem inhabitat*; ⁶² tu Divinitatis templum; tu viva Deitatis arca.

Dominus tecum! Tota Trinitas, Pater, Filius et Spiritus Sanctus; nam ait: *Spiritus Sanctus superveniet in te, et virtus Altissimi obumbrabit tibi; ...quod enim ex te nascetur Sanctum vocabitur Filius Dei*. ⁶³ Quis non videt hic totam Trinitatem, Patrem, Filium et Spiritum Sanctum in Maria? Nam si verum est quod ait: *Si quis diligit me, sermonem meum servabit, et Pater meus diligit eum, et ad eum veniemus et mansionem apud eum faciemus*; ⁶⁴ quomodo non tota Trinitas in Maria mansionem fecit, quae tota gratia, idest perfecta caritate plena, imo plenissima fuit?

55) Ps 81, 6. 56) Ibid. 81, 1. 57) Ps 49, 1. 58) Ps 95, 4. 59) Ps 26, 1.
Loc.: *Lux mea*, Vulg. habet: *Illuminatio mea*. 60) 1 Io 1, 5. 61) Hebr 12, 29.
62) Col 1, 19. 63) Lc 1, 35. Vulg. habet: *Nascetur ex te*, etc. 64) Io 14, 23.

Dominus cum
Maria plusquam
cum Electis
omnibus.

Deus lux et
ignis.

Maria fornax
ignis et lucis.

*Dominus est
cum Maria
perfecta caritate,
mirifica opera-
tionem mysterio-
rum in anima
et corpore.*

V. *Ave, gratia plena, Dominus tecum!* Vere ex gratiae plenitudine *Dominus tecum, nam Deus caritas est, et qui manet in caritate, in Deo manet et Deus in eo;*⁶⁵ Maria tota in caritate mansit et totus Deus in ea, qui totus caritas est. Maria vere super omnem creaturam, supra Cherubim et Seraphim ex toto corde, ex tota anima et viribus totis Deum perfectissima caritate dilexit,^{65a} non solum tanquam dominum, creatorem, servatorem, auctorem bonorum omnium, verum etiam tanquam patrem amantissimum, sponsum dilectissimum, filium supra modum carissimum, primogenitum, unigenitum, optimum.

Dominus tecum! Sicut in sanctuario suo: *Facient mihi sanctuarium, et habitabo in medio eorum;*⁶⁶ sicut in templo Salomonis, de quo ait: *Elegi et sanctificavi mihi locum istum, ut sit nomen meum ibi in sempiternum, et permaneant oculi mei et cor meum ibi cunctis diebus.*⁶⁷

Dominus tecum! Ibi singulariter esse et habitare dicitur Creator omnium, ubi singulariter operatur. Sic coelum Dei locus dicitur: *Coelum coeli Domino;*⁶⁸ *Dominus in coelo paravit sedem suam;*⁶⁹ *Coelum mihi sedes est.*⁷⁰ Sed in Virgine quam magna, quam mira, qualia et quanta operatus miracula, mysteria, sacramenta divina fuit! In anima qualem sanctitatem! qualem gratiam! qualem virtutum omnium perfectionem! qualem Spiritus Sancti plenitudinem! In intellectu qualem fidem! qualem prudentiam! qualem scientiam, sapientiam, intelligentiam divinorum mysteriorum! In voluntate, qualem iustitiam! qualem virtutem et magnitudinem animi! qualem pietatem! qualem divinam caritatem! In corde quam sanctas cogitationes! quam puras affectiones! quam sancta desideria! quam ardentem amorem fervoremque Spiritus Sancti! Qualia viscera misericordiae, benignitatis et clementiae! O Deus!

*Qualia Deus
in Mariae anima
operator sit,*

et in corpore.

De corpore quid dicam? Non dico gratiam, pulcritudinem, venustatem; non modestiam et mirabilem morum compositionem et elegantiam; non virginalem fecunditatem et fecundam virginitatem; dicam quod est ineffabile, mysterium incomprehensibile Incarnationis divinae: *Verbum caro factum est;*⁷¹ dicam Unigeniti Filii Dei conceptionem mirabilem: *Ecce Dominus ipse dabit vobis signum: Ecce Virgo concipiet et pariet...* Emmauelem;⁷² *Novum creavit Dominus super terram, femina circumdabit*

65) 1 Io 4, 16. 65a) Cf. Lc 10, 27.

66) Ex 25, 8. Vulg. habet: *Facientque mihi, etc.*

67) 2 Par 7, 16. 68) Ps 113, 16.

69) Ps 102, 19. 70) Act 7, 49.

72) Is 7, 14.

71) Io 1, 14.

virum; ⁷³ dicam plenitudinem gratiae Christi in ventre Mariae, quem Pater sanctificavit et misit in mundum; ⁷⁴ Egressietur virga de radice lesse, et flos de radice eius ascendet et requiescat super eum Spiritus Domini; ⁷⁵ Plenum gratiae et veritatis... et de plenitudine eius nos omnes acceperimus; ⁷⁶ dicam de plenitudine scientiae: In quo sunt omnes thesauri sapientiae et scientiae Dei absconditi; ⁷⁷ dicam de plenitudine gloriae, nam: Vidimus gloriam eius, gloriam quasi Unigeniti a Patre; ⁷⁸ ita ut venter Virginis non solum verum Dei templum fuerit et thesaurus omnis gratiae et sanctitatis in Christi incarnatione, sed etiam verus paradisus gloriae.

Nam paradisus est ubi videtur Deus manifeste sicuti est. Anima autem Christi a primo instanti conceptionis suae, ut constans est theologorum omnium sententia, ^{78a} Deum vidit, plena gloria fuit, et gloria quidem maiori omnium Angelorum et Beatorum gloria. Hinc enim Christus cum gloriam suam manifestavat, resplenduit sicut sol inter Moysem et Eliam, qui ipsi quoque visi sunt in maiestate; ⁷⁹ ut ostenderet quod, sicut maior est lux solis luce omnium simul stellarum, sic maior est solius Christi gloria omni splendore omnium simul Beatorum in coelo. Qualis ergo paradisus tunc fuit venter Mariae tantaque Christi gloria et divinitate plenus! *Vere Dominus est in loco isto, et ego nesciebam... hic... domus Dei est et porta coeli;* ^{79a} hic divinae gloriae et beatitudinis locus: *Maiestas Domini implerit... templum Domini.* ⁸⁰ Sic maxima divinissimaque miracula operatus fuit Dominus in Maria, et ideo singulariter in ea et cum ea esse dicitur. *Dominus tecum!*

VI. *Dominus tecum!* Nunquam cum Maria satanas, semper Dominus, quia nunquam in peccato Maria, semper in gratia, semper gratia plena, sicut sol luce: *Fundamenta eius in montibus sanctis... ipse fundavit eam Altissimus.* ⁸¹ *Deus in medio eius non commovebitur; adiuvabit eam... Deus mane diluculo.* ⁸² Cum Maria in initio, cum Maria in medio, cum Maria in fine; cum Maria in conceptione, ut immaculata, pura, sancta, gratia plena concipetur, tanquam unica et singularis filia Dei; cum Maria in vita, eam semper immensis coelestium divitiarum thesauris virtutumque meritis ditando; cum Maria in morte, ut, eam a morte et corruptione liberando, in coelum assu-

Deus cum Maria
in immaculata
conceptione,
in vita sancti-
tatis, in assump-
tione animae
et corporis
in coelo.

73) Jer 31, 22. 74) Io 10, 36. 75) Is 11, 1. 76) Io 1, 14. 16. 77) Col 2, 3.
78) Io 1, 14. 78a) Ut videri potest apud M. Canus, *De Locis Theolog.* lib. 12, cp. 14.
79) Cf. Mt 17, 1 sqq. 79a) Gn 28, 16-17. 80) 2 Par 7, 1-2. 81) Ps 86, 1. 5. 82) Ps 45, 6.

meret, et sempiterna gloria coronaret, super omnes Angelorum choros exaltatam. Sic semper Deus cum Maria; quod de nulla alia muliere, de nullo homine dici potest nisi de Maria et Christo, Filio eius, nam: *Benedicta tu in mulieribus et benedictus fructus ventris tui.* Merito igitur ait: *Dominus tecum!*

Semper Angeli
cum Maria.

Quod si Dominus cum Maria, an non et Angeli Domini? Si Eliseus in sui custodiam Angelorum exercitum habuit,⁸³ quid censendum de Maria? Ante thronum Dei ardebat septem lampades, ait Ioannes in *Apocalypsi*, quas interpretatur septem spiritus, septem Angelos et ministros Dei.⁸⁴ Sed quis nescit quod thronus Dei Maria? Hoc forte est quod Salomon ait in *Canticis* lectulum suum custoditum esse a sexaginta viris fortibus et armatis ex fortissimis Israel.⁸⁵ Maria est currus Dei decem milibus stipatus multisque millium miriadibus laetantium Angelorum.⁸⁶ Sicut olim arca Dei in deserto constituta erat in medio exercituum Israel,⁸⁷ quia sedes et thronus erat gratiae Dei, sic Maria; hinc ei congratulatur Angelus: *Dominus tecum!* Congratulemur et nos ei cum Isaia propheta accinentes: *Exulta et lauda habitatio Sion, quia magnus in medio tui Sanctus Israel,*⁸⁸ idest, vivus et verus Deus, qui populum Israel sibi elegit et sanctificavit.

Dominus tecum! Sapiens mulier Thecuitis missa a Ioab ad David, ut pro Absalom intercederet, sic regi locuta fuit: *Sicut... Angelus Domini, sic est dominus meus rex, ut nec benedictione, nec maledictione moveatur, unde et Dominus Deus tuus est tecum.*⁸⁹ Ideo, inquit, Dominus erat cum David, quia ipse David erat sicut Angelus Domini sanctus. Sic nunc Angelus Mariae dicit: *Dominus tecum!*

83) Cf. 4 Rg 6, 15-17.

87) Cf. Jos 8, 33.

84) Cf. Apc 4, 5.

88) Is 12, 6.

85) Cf. Ct 3, 7-8.

89) 2 Rg 14, 17.

86) Cf. Ps 67, 18.

SERMO OCTAVUS

DE SINGULARIBUS VIRGINIS DEIPARAE BENEDICTIONIBUS EX VERBIS SALUTATIONIS:

Benedicta tu in mulieribus

*Ave, gratia plena, Dominus tecum, benedicta
tu in mulieribus... et benedictus fructus
ventris.¹⁾*

I. Sicut de Esther regina ait Divina Scriptura quod invenit gratiam in oculis Assueri regis, et dilecta fuit ab eo super omnes mulieres, ac propterea diademata ab eo redimita regiaque corona decorata reginaque instituta, ut omnes mulieres regni et imperii sui honore, gloria et dignitate suprema longe superaret; ²⁾ sic de Virgine Deipara ait Angelus: *Ave, gratia plena, Dominus tecum, benedicta tu in mulieribus*, etc., super omnes mulieres, tu sola inter mulieres benedicta, tu omnium illustrissima et gloriosissima, sicut sol inter stellas, sicut inter omnes homines Christus.

Voluit enim Deus semper in omni multitudine aliquod esse praecipuum et omnium excellentissimum, veluti in exercitu imperator, in regno rex, uti Deus ipse est inter spiritus, uti inter metalla aurum, inter lapides pretiosos adamas, inter animalia leo, inter aves aquila; sic ab initio inter stellas creavit solem, inter ligna paradisi arborem vitae, inter animantia hominem; sic voluit inter Patriarchas Abrahamum, inter Prophetas Moysem, inter sacerdotes Aaronom, inter reges Davidem, inter Apostolos Petrum; sic, inquam, inter mulieres omnes Mariam: *Benedicta tu in mulieribus*.

In omni
multitudine
voluit Deus
praecipuum, et
inter mulieres,
Mariam.

1) Lc 1, 28. 42.

2) Cf. Est 2, 17.

Virgo Deipara
super omnes
benedicta, quia
exclusa a triplici
prima maledic-
tione: doloris in
partu, concupi-
scientiae in
conceptu,
servitutis
in coniugio.

Triplex
poena Evaæ.

II. Sed operae pretium erit, ut paulo diligentius perscrutemur quidnam per divinam hanc benedictionem intelligendum sit nobis. Et in primis quidem Gabriel manifeste eximere videtur Deiparam Virginem a maledictione divinitus inficta primae mulieri omnium viventium matri Evaæ propter peccatum: *Multiplicabo, inquit, aerumnas tuas et conceptus tuos; in dolore paries filios, et sub viri potestate eris, et ipse dominabitur tui,*³ sive, ut est in hebr.: *Ad virum tuum concupiscentia tua, et ipse dominabitur tui.* Tria sunt mala quibus mulctata fuit infelix Eva in divina hac maledictione: **magnitudo doloris in partu, ardor concupiscentiae et libidinis in conceptu, et subiectio ac servitus in coniugio.**

Maria benedicta inter mulieres, quia sine dolore peperit Salvatorem mundi, virgo manens, intacto et intemerato virginitatis claustro; quia nullum sensit ardorem libidinis, sed mente et corpore semper virgo purissima fuit, nec vel minima unquam cogitatione maculata;⁴ hinc Virgo appellatur: *Missus est Angelus... a Deo... ad Virginem... nomen Virginis Maria...*⁵ *Ecce Virgo concipiet...*⁶ *Quomodo fiet istud quoniam virum non cognosco?*⁷ Nec tertio malo subiacuit; nam, licet fuerit desponsata viro Ioseph, nobili genere, de stirpe David, Ioseph tamen, ut cognovit ab Angelo Virginem Unigenitum Dei Filium concepisse: *Ioseph, fili David, noli timere accipere Mariam coniugem tuam, quod enim in ea natum est, de Spiritu Sancto est; pariet autem filium, et vocabis nomen eius Iesum; ipse enim salvum faciet populum suum a peccatis eorum,*⁸ ut, inquam, hoc cognovit Ioseph, Mariam sponsam et coniugem suam tanquam Dei sponsam dominamque suam summo prosecutus honore fuit, summa reverentia, summa veneratione.

Ss. Bernardi et
Fulgentii
sententia quadam
tria bona Mariae.

His igitur Angeli verbis «antiqua excluditur maledictio mulierum, ut Bernardus ait, et novam nova Mater accipit benedictionem. Impletur per gratiam quae concupiscentiam nescit, ut, Spiritu superveniente Altissimi, pariat filium quae virum dedit agnoscer». ⁹ Et Fulgentius, *De Laudibus Mariae*: «Tria, inquit, mala Evaæ a tribus bonis Mariae probantur exclusa. Nam Evaæ dictum est: *In doloribus et in tristitia paries, et ad virum conversio tua, et ipse dominabitur tui.* Tribus igitur malis se subiugant feminae quae Mariam non sequuntur: dolori, tristitiae, servituti. Maria autem e contrario, quam praeclarissimis tribus bonis sub-

3) Gn 3, 16. 4) Cf. Damascenum: *Orat. 2 in Nativ. Virginis*, n. 7. (P. G. 96, 855). 5) Lc 1, 17. 6) Is 7, 14. 7) Lc 1, 34. 8) Mt 20, 21. 9) Serm. 2 *De Annunciat. V. M.* n. 1. (P. L. 183, 977).

limetur, ausulta : salutationis angelicae, benedictionis divinae et plenitudinis gratiae. Sic enim eam legitur salutasse: *Ave, gratia plena, benedicta tu inter mulieres.* Cum dixit: *Ave*, salutationem illi coelestem exhibuit; cum dixit: *Gratia plena*, ostendit ex integro iram exclusam primae sententiae, et plenam benedictionis gratiam restitutam; cum dixit: *Benedicta tu inter mulieres*, virginitatis eius benedictum fructum expressit, ut ex ea benedicta dicatur inter mulieres quaecumque perseveraverit virgo ».¹⁰ Sic igitur in hac benedictione Maria Evae opponitur, et ab illius maledictione immunis et libera omnino declaratur. Hinc igitur ab Angelo *benedicta inter mulieres* dicitur, quoniam in ea antiquae illius maledictionis nihil penitus invenitur. *Benedicta tu inter mulieres*, plane omnes, quae omnibus saeculis vel fuerunt vel futurae sunt; nam, ut cecinit nobilis poeta Sedulius, « nec primam similem visa est, nec habere sequentem ».¹¹

III. Benedictio mulierum sub Priori Testamento vel maxime in fecunditate sita erat; hinc cum Rebecca nuptui tradita fuit, a fratribus benedictionem accepit: *Soror nostra es; crescas in mille millia, et possideat semen tuum portas inimicorum suorum.*¹² Et populus Bethlehem benedictentes et prospera precantes Ruth Moabitidi, dixerunt ad Booz, qui eam in uxorem acceperat: *Faciat Dominus hanc mulierem, quae ingreditur domum tuam, sicut Rachel et Liam, quae aedificaverunt domum Israel.*¹³

Benedictio autem mulierum sub Novo Testamento vel maxime in sancta virginitate consistit, qua, ut sanctimoniales, coelibem vitam ducentes, Christo desponsantur. Sed benedictioni illi priori deerat integritas, huic autem posteriori fecunditas. Maria sola inter mulieres benedicta, quae simul Dei munere singulari et perpetuae virginitatis integritate et pignore maternae fecunditatis donata fuit, « gaudia matris habens cum virginitatis honore ».¹⁴

Sed qualia matris gaudia !

Cum Noëmi ex nuru sua Ruth filium suscepisset, congratulabantur ei vicinae mulieres, dicentes: *Natus est filius Noëmi... Benedictus Dominus qui non est passus ut deficeret successor familiae tuae, et vocaretur nomen eius in Israel, et habeas qui consoletur animam tuam et enutriat senectutem; de nuru enim tua natus est qui te diligit, et multo tibi me-*

Virgo Deipara
supra omnes
benedicta, quia
benedictione
dictata utriusque
Testamenti
fecunditatis
et virginitatis.

Gaudia matrum.

10) *Serm. 36.* (P. L. 65, 899). Apocryphus. Attribuitur, sed perperam, et Augustino. 11) *Carm. Pasch.* lib. 2, vr. 68. (P. L. 19, 203). 12) Gn 24, 60. 13) Ruth 4, 11. 14) Sedulius. *Carm. Pasch.* lib. 2, vr. 67. (P. L. 19, 203).

*lior est, quam si septem haberet filios.*¹⁵ En gaudia matris! Hae sunt causae gaudii et laetitiae, dum nascuntur optatissimi filii. Desiderantur enim filii et carissimi habentur, maxime masculi, propter hereditatem bonorum, propter conservationem familiae, cuius perpetuitatem naturali quodam instinctu omnes desiderant; quia etiam a filiis magna speratur consolatio, speratur auxilium et iuvamen in senectute, speratur amor, nullumque non speratur bonum a carissimis filiis suis, licet saepe saepius contra eveniat, ut a filiis suis infelices parentes multis gravibusque afficiantur malis. David cum filium pulcherrimum suscepisset ex una uxorum suarum, *Ab-salom* eum appellavit,¹⁶ quod est *patris pax, felicitas, quies, consolatio*; haec enim ex pignore illo sperabat. Sed unde lucem expectabat, tenebras horribiles ac teterimas accepit, extremam, inquam, afflictionem, acerbissimos dolores. Nihilo minus parentes, occulta quadam vi naturae acti, a susceptis filiis non possunt non sperare optata bona pro votis; hinc in ortu filiorum consolatio et gaudium, unde Dominus ait quod *muli-lier... cum... pepererit filium... non meminit pressurae propter gaudium quia natus est homo in mundum.*¹⁷

Gaudia matris
Mariae.

At Virgo Beatissima a Filio suo nullum potuit timere malum, nullum non sperare optatissimum bonum, quia inquit: *Quod ex te nasceret Sanctum, Filius Dei vocabitur; hic erit magnus et Filius Altissimi vocabi-tur; et dabit illi Dominus Deus sedem David patris eius, et regnabit in domo Iacob in aeternum, et regni eius non erit finis.*¹⁸ O Matrem beatam! *Beatus venter qui te portavit, et ubera quae suxisti.*¹⁹ Filius hic melior ei fuit quam septem filii; quare cum Lia dicere potuit, suscepto filio: *Hoc pro beatitudine mea; beatam me dicent omnes mulieres;*²⁰ sic enim ait: *Beatam me dicent omnes generationes, quia fecit mihi magna qui potens est, et sanctum nomen eius, et misericordia eius a progenie in proge-nies.*²¹ Quibus verbis tunc Virgo declarasse visa est hoc quod ab Angelo dictum ei fuit et ab Elisabeth, Spiritu Sancto afflata, confirmatum ac re-plicatum: *Benedicta tu in mulieribus.*

Virgo Deipara
super omnes
benedicta ob

IV. Saepe enim in Sacris Litteris per benedictionem beneficia desi-gnantur: hoc enim significat benedictio Domini, qua dicitur benedixisse

15) Ruth 4, 17. 14-15. loc. *Diliget, habet: Diligit.*

etc.

16) Cf. 2 Rg 14, 25; 3, 3. Litteral.: *Pater*

pacis, etc.

17) Io 16, 21.

18) Lc 1, 35. Vulg. habet: *Vocabitur Filius Del,* etc.

19) Lc 11, 27.

20) Gn 30, 13.

21) Lc 1, 48-50.

Abrahae,²² Isaac,²³ Iacob,²⁴ populo suo.²⁵ Sic legimus quod benedixit domui Laban propter Iacob,²⁶ domui aegyptii principis propter Ioseph,²⁷ domui Obededon propter arcum Domini,²⁸ idest, multis beneficiis cumulavit, valde ditavit; hoc eodem sensu Iacob benedictionem appellavit munera quae honoris et benevolentiae ergo misit fratri Esau;²⁹ Abigail etiam munera offerens Davidi, benedictionem illam rogavit ut acciperet;³⁰ Naaman syrus, mundatus miraculo a lepra ad aquas lordanis, supplex rogavit Eliseum Dei vatem, ut ab eo benedictionem acciperet,³¹ idest, munus aliquod. Si igitur Divinarum Scripturarum phrasi munera et beneficia per benedictionem designantur, benedictus est qui beneficiis affectus. Sic enim Melchisedech dixit Abraham: *Benedictus Abraham Deo excelso qui creavit coelum et terram,*³² quia nonnisi magno Dei munere et beneficio Abraham quatuor reges uno certamine vicerat ac superaverat.³³ Quid ergo nunc est: *Benedicta tu inter mulieres,* nisi super omnes mulieres quae unquam extitere vel futurae sunt, divinis beneficiis affecta, locupletata? Multas mulieres legimus divinis beneficiis auctas et cumulatas: Evam,³⁴ Saram,³⁵ Rebeccam,³⁶ Liam,³⁷ Rachelem,³⁸ Mariam sororem Moysi,³⁹ Deboram prophetissam,⁴⁰ Annam matrem Samuelis,⁴¹ reginam Esther,⁴² Juditham⁴³ et alias; sed tu, inquit, *benedicta inter mulieres.*

Specialia mulierum beneficia sunt ut a Deo bonos viros accipient et bonos filios; hinc puellis, quae nuptui tradendae sunt, omnes benevolentia erga eas affecti, sortem bonam precantur, viros bonos eis exoptant. Talem dedit Deus Evaе, talem Sarae, talem Rebeccae, Liae, Racheli, Annae, cui vir dicebat: *Anna, cur... affligitur cor tuum? Nonne melior ego tibi sum quam decem filii?*⁴⁴ Licet autem bonum virum a Deo accepisset, amaram tamen ducebat vitam propter sterilitatem quae tunc temporis probro dabatur mulieribus,^{44a} nam sterilis maledicta a Deo reputabatur;⁴⁵ hinc summis precibus et lacrimis a Deo filium Samuelem impetravit. Quem cum accepisset, quasi maximo affecta beneficio, largitori Deo gratias magno cum spiritus fervore persolvit, laudesque divinas, Spiritu Sancto afflata, decan-

sponsum, Spiri-
tum Sanctum,
ob filium,
Unigenitum Del.

Benedictus est
qui beneficis
affectus.

Specialia mulie-
rum beneficia :
boni sponsi,
boni filii.

22) Cf. Gn 12, 3. 23) Cf. ibid. 25, 11. 24) Cf. ibid. 35, 9. 25) Cf. ibid. 9, 1; Nm. 6, 22 et alibi.
 26) Cf. Gn 30, 30. 27) Cf. ibid. 39, 5. 28) Cf. 2 Rg 6, 11. 29) Cf. Gn 33, 11.
 30) Cf. 1 Rg 25, 27. 31) Cf. Rg 5, 15. 32) Gn 14, 19. 33) Cf. ibid. 14, 13-17.
 34) Cf. Gn 1, 26. 28. 35) Cf. ibid. 17, 16. 36) Cf. ibid. 24, 16; 25, 21. 37) Cf. ibid.
 29, 31 sqq. 38) Cf. ibid. 29, 17; 30, 22. 39) Cf. Ex 15, 20; Mich 6, 4. 40) Cf. Idc
 4, 4 sqq. 41) Cf. 1 Rg 1, 19-20. 42) Cf. Est 2, 7, 17; 7, 1 sqq. 43) Cf. Jdt
 8, 1-8; 13, 1-10. 44) 1 Rg 1, 8. Vulg.habet: *Nanquid non ego melior tibi, etc.* 44a) Cf. Gn
 29, 32; 30, 23; Lc 1, 25. 45) Cf. Gn 23, 26; Dt 7, 14.

tavit.⁴⁶ Sic Eva, primum filium enixa, Deo gratias egit, dicens: *Possedi hominem per Deum;*⁴⁷ sic Lia⁴⁸ et Rachel,⁴⁹ susceptis singulis filiis, Deum laudabant et devotissime gratias agebant, dicentes quod filii magna sunt Dei munera, magna beneficia, ut gaudium testatur in ortu, et dolor in interitu. Parentes enim, carissimis pignoribus orbati, acerbissimo dolore discruntur, magnoque luctu et inconsolabili fletu diu lacrimantur et plangunt veluti magno solatio destituti, magno beneficio, magno bono, omni consolatione privati.

Mariae sponsus
et filius sunt
Deus.

Nunc ergo, cum ex his, quae allata sunt, liqueat singularia mulierum beneficia esse bonos viros, nobiles, inquam, divites et amantes probatae que vitae, bonos item filios, integros, sanos, pulcros, optimo ingenio et moribus donatos; quis non videt quam vere Maria singulariter, unice inter mulieres benedicta dicitur? Quis vir et sponsus Mariae? Non homo, non angelus, sed: *Spiritus Sanctus superveniet in te, et virtus Altissimi obumbrabit tibi,*⁵⁰ Deus optimus, maximus, summus, *Rex regum et Dominus dominantium.*⁵¹

Deinde vero quis Mariae filius? Qualem peperit filium! *Quod ex te nascetur Sanctum, vocabitur Filius Dei...; hic erit magnus, et Filius Altissimi vocabitur...; et regnabit in domo Iacob in aeternum.*⁵² *Parvulus natus est nobis, et filius datus est nobis,* dicitur de Emmanuel filio Virginis, et factus est principatus super humerum eius, et vocabitur nomen eius Admirabilis, Consiliarius, Deus, Fortis, Pater futuri saeculi, Princeps pacis.⁵³ Filium habuit unigenitum, filium Deum, Regem coeli, Principem Angelorum, Dominum universae creaturae mundi, Creatorem omnium quae coeli ambitu continentur, unicum Servatorem, filium aequalem Deo: *In quo... omnis plenitudo Divinitatis*⁵⁴ *In quo... omnes thesauri sapientiae et scientiae Dei.*^{54a} O ergo vere benedicta inter mulieres, benedicta super omnes mulieres, super omnes homines, super omnes Angelos, super omnes creatureas quae in mundo sunt!

Virgo Deipara
supra omnes
benedicta virgi-

V. *Benedicta tu in mulieribus.*⁵⁵ Fuit Ruth Moabitis simili quodam modo a Booz laudata: *Benedicta, inquit, es a Domino filia, et priorem*

46) Cf. 1 Rg capp. 12. 47) Gn 4, 1. 48) Cf. Gn 29, 31 sqq. 49) Cf. Ibid. 30, 22-24.

50) Lc 1, 31. 51) 1 Tim 6, 15. 52) Lc 1, 32-35. 53) Is 9, 6-8.

54) Col 2, 9. 54a) Ibid. 2, 3. 55) Quintum hoc membrum ultimo loco, et quidem recentiori scriptione, in manuscripto extat; hic tamen posuimus, quia ita ordo rerum exigere videtur.

*misericordiam posteriore superasti;*⁵⁶ sic eam in uxorem duxit. Ita Virgo *benedicta* dicitur utique a *Domino*, qui fons est omnis benedictionis spiritualis in coelo et in terra. *Benedicta tu inter mulieres*; hoc subiunxit Gabriel, postquam dixerat: *Dominus tecum*, ut sciremus quod, etiam post partum Unigeniti Filii Dei Virgo Sanctissima inter mulieres benedicta permansit. Et non sicut *Constantinus Copronymus*, impius imperator, Leonis Isaurici filius, viperae genimen, ex mala radice malum germen, mali corvi malum ovum, somniavit. Homo enim hic perditissimus et stultissimus, nomine christianus, sed mente iudeus, fide ethnicus, legem sanctivit ne quis Deiparam Virginem tanquam Dei Matrem veneraretur; quoniam, aiebat, postquam enixa Christum fuit, nihil a ceteris mulieribus diferebat, eamque stolido et ineptissime quidem crumenae comparabat, quae, auro plena, multum valet, auro autem effuso, nihil.⁵⁷ O inane phantasma et audacem blasphemiam hominis vere impii, vere *copronomi, stercorari!* Nam dum sacri baptismatis unda perfunderetur, stercus excreuisse dicitur, et inde foedissimum Copronymi cognomen accepisse.⁵⁸ Sed dicat homo insipientissimus: Num regina quae ex viro suo rege filium concepit, regni principem et heredem, eo tantum tempore honoranda est quo tempore principem in utero gestat; cum autem illum effuderit ac in lucem ediderit, nullo penitus honore digna erit?

At vero Archangelus Gabriel, etiam antequam Christum concepisset, priusquam in Dei Matrem cooptata esset, honorificentissime veneratus et miratus fuit, eamque divinis laudibus exornavit.⁵⁹ Recte autem Angelus haec duo simul coniunxit: *Dominus tecum, benedicta tu in mulieribus*. Quoniam sicut sol, quocumque abeat, magnam lucis suae copiam ingentemque thesaurum secum affert ad locum habitationis et praesentiae suae illustrandum; ita plane Christus sol iustitiae; hinc domum Zachaei ingressus, eam benedixit: *Hodie, inquit, salus domui huic facta est.*⁶⁰ Quid ergo credendum de hospitio Virginis? Erat Virgo prius gratia plena; sed postquam Dominus cum ea fuit, multo copiosiori benedictione cumulata fuit. Priusquam sol crearetur, erat coelum claritate perspicuum et luce primo die producta plenum;⁶¹ sed, posito sole in firmamento coeli, lux et claritas magnum sumpsit augmentum. Salomon Deo ornatissimam ac magnificentissimam

56) Ruth 3, 10. 57) Cf. Cedren. *Compend. Hist. an. mundi* 6230. (P. G. 121, 803). 58) Cf. Theophan. *Chronogr. A. C.* 711. (P. G. 108, 335). 59) Cf. Lc 1, 28 sqq. 60) Lc 19, 9. 61) Cf. Gn 1, 3-5.

nitate ante
partum, in parti,
et post partum.

Lex impia
Copronymi.

Verba
Archangeli.

Exempla
Scripturarum.

domum aedificaverat;⁶² sed cum Deus ad eam inhabitandam venit, coelesti gloria, quam instar solis attulit secum, sacratissimam illam aedem replevit.⁶³ Esther, ad Assueri regis coniugium requisita, attulit quidem ex domo sua mundum muliebrem, sed multo ampliorem in domo regis accepit.⁶⁴

Virgo Deipara
super omnes
benedicta, quia
miris laudationi-
bus in Scripturis,
praesertim in
Canticis,
praedicata.

VI. Tandem benedictio in Sacris Litteris pro laude sumitur; sic enim Deus a fidelibus suis in Ecclesia et a sanctis Angelis beatisque spiritibus in coelo benedicitur, idest laudatur: *Beati qui habitant in domo tua, Domine, in saecula saeculorum laudabunt te.*⁶⁵ Quare et hoc sensu Maria inter mulieres benedicta, idest, super omnes mulieres laudata et praedicata, laudibus miris celebrata ac decantata: *Beatam me dicent omnes generationes.*

Multae mulieres
laudatae.

Multas mulieres legimus in Divinis Scripturis plurimum commendatas: Sara,⁶⁶ Rebecca,⁶⁷ Rachel⁶⁸ et Esther ob insignem pulcritudinem;⁶⁹ Maria soror Moysi,⁷⁰ Debora⁷¹ et Anna mater Samuelis a spiritu propheticō;⁷² mulier Thecuitis⁷³ et alia mulier in civitate Abela ob insignem sapientiam;⁷⁴ Ruth Moabitis a fortitudine et virtute,⁷⁵ Abigail a prudenter,⁷⁶ et aliae quam plures a vitae sanctitate.

Vera laus.

Sed super omnes laudata est Virgo Deipara ob divinas virtutes et superhumanam, imo superangelicam sanctitatem, nam *fallax gratia et vana est pulcritudo; mulier timens Dominum ipsa laudabitur.*⁷⁷ Sic enim a Luca evangelista laudata fuit Anna prophetissa, filia Phanuel;⁷⁸ sic a Christo mulier Chananitis: *O mulier, magna est fides tua,*⁷⁹ sic Maria quod *optimam partem elegit, quae non auferetur ab ea,*⁸⁰ et quod bonum opus in ipsum operata fuerat, effundens pretiosum unguentum,⁸¹ laudata etiam ob veram et perfectam poenitentiam.⁸² *Mulier timens Dominum ipsa laudabitur*, idest, digna laude est. Nec nisi haec, inquit, vera et appetenda laus est. O insanam, fatuam, stolidam mulierum vanitatem, quae nonnisi a pulcritudine et illa quidem fucata, mendicata, ficta, picturata varioque ornata et mundo muliebri laudem expectant et sperant! A

- | | | | |
|---------------------------|-------------------------|-------------------------|-------------------------|
| 62) Cf. 3 Rg cпп. 6, 7. | 63) Cf. ibid. 8, 10-11. | 64) Cf. Est 2, 15-18. | 65) Ps 83, 5. |
| 66) Cf. Gn 12, 11. | 67) Cf. ibid. 24, 16. | 68) Cf. ibid. 29, 17. | 69) Cf. Est 2, 7. |
| 70) Cf. Ex 15, 20. | 71) Cf. Idc 4, 4 sqq. | 72) Cf. 1 Rg 2, 6 sqq. | 73) Cf. 2 Rg 14, 2 sqq. |
| 74) Cf. ibid. 20, 16 sqq. | 75) Cf. Ruth 1, 15 sqq. | 76) Cf. 1 Rg 25, 3 sqq. | |
| 77) Prv 31, 30. | 78) Cf. Lc 2, 36. | 79) Mt 15, 28. | 80) Lc 10, 42. |
| 82) Cf. Lc 7, 37 sqq. | | | 81) Cf. Mt 26, 10. |

virtute, a virtute, non a vanitate fallaci petenda laus est: *Fallax gratia et vana est pulcritudo; mulier timens Dominum ipsa laudabitur;* haec vera et solida laus est, corona vere aurea. Laudatur Maria ab Angelo, sed quia gratia plena, sed quia Deo placens et cara;⁸³ laudatur ab Isaia, sed quia virgo perpetua;⁸⁴ laudatur a Ieremias, sed ob mirabilem vitae novitatem sanctitatemque nunquam in terris visam;⁸⁵ laudatur ab Elisabeth, sed quia Deo creditit.⁸⁶

Salomon in *Proverbiis*, dum imaginem ac ideam laudatissimae mulieris depingit, Deiparam Mariam describit, mirisque laudibus exornat; sed tandem ita concludit: *Surrexerunt filii eius, et beatissimam praedicaverunt; vir eius et laudavit eam. Multae filiae congregaverunt divitias; tu supergressa es universas. Fallax gratia et vana est pulcritudo; mulier timens Dominum ipsa laudabitur. Date ei de fructu manuum suarum, et laudent eam in portis opera eius.*⁸⁷

In *Canticis* vero multus est in Virgine, Dei Sponta, collaudanda: nunc a pulcritudine et integritate: *Tota pulcra es, amica mea, et macula non est in te;*⁸⁸ *Quam pulcra es et quam decora, carissima!*⁸⁹ nunc a proceritate: *Statura tua assimilata est palmae;*⁹⁰ nunc ab honestate et puritate: *Surge, amica mea, speciosa mea... columba mea;*⁹¹ nunc a venustate et gratiis atque a perpetua virginitate: *Hortus conclusus, soror mea sponsa, hortus conclusus, fons signatus, emissiones tuae paradisus;*⁹² nunc ab ornatu: *Quam pulcri sunt gressus tui in calceamentis, filia principis!*⁹³ et: *Pulcrae sunt genae tuae sicut turturis, collum tuum sicut monilia,*⁹⁴ hebr.: *Pulcrae sunt genae tuae in murenumulis, - de quibus subiungit: Murenumulas aureas faciemus tibi, vermiculatas argento -*⁹⁵ *collum tuum in torquibus.*

A singulis etiam partibus corporis laudat, a capite ad pedes, omnia membra laudibus exornat. Laudat caput et comas: *Caput tuum sicut Carmelus, et comae capitum tui sicut purpura regis vincta canalibus,*⁹⁶ et: *Capilli capitum tui sicut greges caprarum, quae ascenderunt de monte Gilaad.*⁹⁷ Laudat faciem: *Ostende mihi faciem tuam, sonet vox eius in auribus meis, quia eloquium tuum dulce et facies tua decora nimis.*⁹⁸

Laudes Delpharae
a Salomone
tributae:

quoad qualitates
animae

et quoad qua-
litates corporis.

83) Cf. Lc 1, 28. 30. 84) Cf. 7, 14. ubi hebr. est *aimah*, idest, *perpetua virgo.* 85) Cf. 31, 22.
86) Cf. Lc 1, 45. 87) Prv 31, 28-31. 88) Ct 4, 7. 89) Ibid. 7, 6. 90) Ibid. 7, 7.
91) Ibid. 2, 13-14. 92) Ibid. 4, 12-13. 93) Ibid. 7, 1. 94) Ibid. 1, 9. 95) Ibid. 1, 10.
96) Ibid. 7, 5. 97) Ibid. 4, 1. 98) Ibid. 2, 14. Vulg. loc.: *Quta*, etc. habet.: *Vox
enim tua dulcis, et facies tua decora.*

Laudat oculos: *Oculi tui columbarum,*⁹⁹ itemque: *Oculi tui sicut piscinae in Hesebon,*^{99a} et: *Vulnerasti cor meum in uno oculorum tuorum.*¹⁰⁰ Laudat genas: *Pulrae sunt genae tuae,*¹⁰¹ et: *Genae tuae sicut fragmen mali punici,*^{101a} idest, candidae et rubicundae. Laudat nasum: *Nasus tuus sicut turris Libani, quae respicit contra Damascum.*¹⁰² Laudat os et labia: *Sicut vitta coccinea labia tua, et eloquium tuum dulce... favus distillans labia tua, sponsa, mel et lac sub lingua tua.*¹⁰³ Laudat etiam dentes: *Dentes tui sicut greges tonsarum, quae ascenderunt de lavacro, omnes gemellis fetibus, et sterilis non est in eis.*¹⁰⁴ Laudat collum dicens: *Collum tuum sicut turris eburnea,*¹⁰⁵ et: *Sicut turris David collum tuum quae aedificata est cum propugnaculis; mille clypei pendent ex ea, omnis armatura fortium.*^{105a} Laudat pectus et ubera: *Duo ubera tua sicut duo hinnuli gemelli capreae, qui pascuntur in liliis,*¹⁰⁶ et: *Duo ubera tua sicut duo botri vineae.*^{106a} Umbilicum laudat et ventrem: *Umbilicus tuus crater tornatilis nunquam indigens poculis, et: Venter tuus... acervus tritici val-latus liliis.*¹⁰⁷ Laudat femora et tibias, ne sponsa existimari possit clauda: *Iuncturae femorum tuorum sicut monilia quae fabricata sunt manu artificis.*¹⁰⁸ Et tandem pedes: *Quam pulcri sunt tui gressus in calceamentis, filia principis!*¹⁰⁹ Sed et a vestibus pretiosis et odoratis eam commendat: *Odor unguentorum tuorum super omnia aromata..., odor vestimentorum tuorum sicut odor thuris,*¹¹⁰ sive, ut hebr. est, *sicut odor Libani, qui mons est suavissimum spirans odorem.* Manus tamen visus est illaudatas reliquisse; sed de his Sponsa ait: *Manus meae distillaverunt myrrham et digitii mei pleni myrrha probatissima.*¹¹¹

Quid laudes istae
significant.

Sed quid per has omnes corporis partes tantopere laudatas insinuator, nisi virtutum omnium in Virgine summa ac plane divina perfectio? Sunt enim in anima, caput quidem mens, capilli cogitationes, oculi intentiones, nasus iudicium, genae et facies conscientia, os et labia rationalis affectio, dentes vis meditandi, collum flexibilis animus, pectus et ubera affectiones et amores, venter memoria atque discretio, crura concupiscentia et ira, pedes animi desideria quibus movetur ac veluti graditur animus, et haec quidem sequitur, illa autem fugit. Haec autem omnia perficiuntur in nobis

99) Ct 1, 14. 99a) Ibid. 7, 4. 100) Ibid. 4, 9. 101) Ibid. 1, 9. 101a) Ibid. 4, 3.

Vulg. habet: *Sicut fragmen mali punici, ita genae tuae.* 102) Ibid. 7, 4. 103) Ibid. 4, 3. 11.

104) Ibid. 6, 5. 105) Ibid. 7, 4. 105a) Ibid. 4, 4. 106) Ibid. 4, 5. 106a) Ibid. 7, 8.

107) Ibid. 7, 2. 108) Ibid. 7, 1. 109) Ibid. 7, 1. 110) Ct 4, 10-11. 111) Ibid. 5, 5.

virtutibus optimis cum theologicis tum etiam cardinalibus, maxime vero divinis charismatibus et donis Spiritus Sancti. Maria autem, ut gratia plena, virtutibus omnibus praedita, instructa perfectaque fuit.

Quoniam vero divina haec mulier non tantum laudata est inter mulieres, verum etiam super omnes mulieres laudibus celebrata, hoc etiam Salomon in *Canticis* praestitit. Saepe enim eam appellat pulcherrimam inter mulieres: *Si ignoras te, o pulcherrima inter mulieres.*¹¹² *Qualis est dilectus tuus... o pulcherrima mulierum!*¹¹³ *Quo abiit dilectus tuus, o pulcherrima mulierum?*¹¹⁴ *Quam pulcra es et quam decora, carissima!*¹¹⁵ Hinc etiam ait: *Sicut lilyum, sive rosa, inter spinas, sic amica mea inter filias;*¹¹⁶ itemque: *Statura tua assimilata est palmae, quae omnium arborum altissima est; hoc ipsum significavit, cum dixit: Pulcra es, amica mea, suavis et decora sicut Ierusalem,*¹¹⁷ civitas metropolis et glorio-sissima totius israelitici regni. Qualis igitur erat Ierusalem inter civitates regni illius, talis Virgo inter omnes sanctas laudatasque mulieres, sicut Romana Ecclesia inter omnes ecclesias, mater et regina omnium ecclesiarum; sicut Papa inter omnes Episcopos et pastores principesque Ecclesiae sanctae Dei.

Maria super
omnes mulieres
laudata.

Idipsum adhuc Iculentius expressit, dicens: *Sexaginta sunt reginae..., octoginta sunt concubinae, et adolescentularum non est numerus. Una est columba mea, perfecta mea, una est matri sua, electa genitrici sua. Viderunt eam filiae, et beatissimam praedicaverunt, et reginae et concubinae... laudaverunt eam. Quae est ista quae progreditur quasi aurora consurgens, pulcra ut luna, electa ut sol, terribilis ut castrorum acies ordinata?*¹¹⁸ Quo quidem loco Spiritus Sanctus in tres classes distinguit omnes sanctas animas: in reginas, concubinas et adolescentulas, quae sunt, ut aiunt,¹¹⁹ animae incipientes, proficientes et perfectae in via Dei. Sed sponsam non redigit in ordine sanctorum animarum: *Una, inquit, est columba mea, perfecta mea, una est prima omnium, est princeps suprema omnium. Hinc ab omnibus beatissima praedicatur atque laudatur tanquam singularis, sicut in coelo inter stellas innumeritas, una est aurorae stella lucifer, una luna, unus sol. Sed tamen, una cum sit, terribilis est ut ca-*

112) Ibid. 1, 7. 113) Ibid. 5, 9. 114) Ibid. 5, 17. 115) Ibid. 4, 1. 116) Ibid. 2, 2.

117) Ibid. 6, 3. 118) Ibid. vr. 8-9. Vulg. habet: *Matris sua, loc. : Matri sua.* 119) Cf.

Theodore. Cyren. In *Cant.* loc. cit. (P. G. 81, 126 sqq.); Cassiod. In *Cant.* loc. cit. (P. L. 70, 526); Rupert. Ab. In *Cant.* loc. cit. (P. L. 168, 415); Cornel. A Lapid. et Cafmet. Comment. in *Cant.* loc. cit.

*strorum acies ordinata, sive vexillata, virtute exaequat exercitum omnium Sanctorum et Sanctarum Dei, imo exercitum omnium coelestium spirituum, sicut lux solis exaequat et superat lumina et splendores omnium stellarum, quae dicuntur exercitus coeli.*¹²⁰

O benedictionem! *Benedicta tu inter mulieres.* Quis capere possit, fratres, divinae huius benedictionis magnitudinem? Puto enim quod, si cum coelo ipso in statera appenderetur cum omni benedictione Electorum Dei, cum omni benedictione sanctorum Angelorum, quasi arena maris haec gravior; nam omnis illa benedictio servorum est, ministrorum est, haec autem benedictio Sponsae est, benedictio Matris est; illa lumen stellarum est, haec autem lux solis est: *Mulier amicta sole.*¹²¹

Virgo Deipara
super omnes
benedicta, quia
supra omnes
acepit gratiam,
supra omnes
sua industria
eam multiplic-
cavit, supra
omnes consecuta
est gradus
gloriae.

Caritas
augeri potest.

VII. Sed si philosophari modicum licet, constans est theologorum omnium sententia et dogma quod « caritas meretur augeri, ut aucta mereatur perfici ». ¹²² Sic enim Sapiens ait: *Iustorum... semita sicut lux splendens proficit, et crescit usque ad perfectam diem.*¹²³ Hinc Paulus monuit ut *veritatem facientes, in caritate crescamus;*¹²⁴ et Petrus ait: *Crescite in gratia et in cognitione Domini nostri et Salvatoris Iesu Christi.*¹²⁵ Hoc ipsum Paulus, ad Colossenses, docuit, dicens: *Non cessamus pro vobis orantes et postulantes, ut impleamini agnitione voluntatis eius in omni sapientia et intellectu spirituali, ut ambuletis digne Deo per omnia placentes, et in omni opere bono fructificantes et crescentes in scientia Dei, in omni virtute confortati.*¹²⁶ Hinc ab ipso Paulo gratia vocatur *thesaurus in vasibus fictilibus;*¹²⁷ et Isaias ait: *Erit fides in temporibus tuis, divitiae salutis, sapientia et scientia, timor Domini ipse est thesaurus eius.*¹²⁸ Et Dominus monuit thesaurizare in coelo,¹²⁹ quoniam sicut augeri possunt thesauri, ita et gratia. Quod etiam docuit Dominus in parabola minarum et in parabola talentorum;¹³⁰ nam qui decem minas accepit, alias decem lucratus fuit; qui autem quinque, alias quinque; similiter de talentis, qui plura acceperunt, lucris honestis ea duplicaverunt; ita etiam in parabola seminis apud Marcum: *Aliud, inquit, cecidit in terram bonam, et dabat fructum ascendentem et crescentem, et afferebat unum triginta, unum sexaginta et unum centum,*¹³¹ idest, qui

120) Cf. Gn 2, 1, ex hebr. Vulg. habet: *Ornatus.*
Eptst. 186, n. 10. (P. L. 33, 819). 123) Pr 4, 18.
126) 1, 9-11. 127) 2 Cor 4, 7. 128) 33, 6.
sqq.; Mt 25, 15 sqq.

121) Apc 12, 1. 122) Dictum August.
124) Eph 4, 15. 125) 2 Petr 3, 18.
129) Cf. Mt 6, 20. 130) Cf. Lc 19, 13
131) 4, 8.

in corde bono et optimo, ut Lucas ait, audientes verbum retinent, et fructum afferunt in patientia. ¹³²

Quis autem nesciat quod Maria a Deo optimum cor accepit quale Matrem decebat Dei? Gratiam ergo in centuplum multiplicavit, auxitque. Nam docuit etiam Dominus quod qui bene egerit, ipsius Christi gratia, *centuplum accipiet et vitam aeternam possidebit;* ¹³³ centuplum, ut alius Evangelista testatur, in praesenti saeculo, et in futuro vitam aeternam. ¹³⁴ Hoc autem centuplum procul dubio de spiritualibus bonis intellegendum venit.

Accidit nobiscum cum Deo sicut in ludo; qui vincit, tantum vincit quantum sorti exposuit; ita ut, si totum exponat, et sorte favente vincat, id quod exposuit per lucrum duplicatum reportat. Maria autem in hac sorte Sanctorum totum semper exponebat, quia vere ex toto corde et animo totaque virtute Deum diligebat; nullum enim experiebatur impedimentum, nullum obicem, non peccati fomitem, non aliquam vel minimam animi deordinationem. Quare sicut lux in puro aere ex tota virtute sua operatur, totumque in momento illuminat, quoniam nullum reperit obicem, nec sentit contrarium obsistens, sicut calor; ita Virgo ex tota spiritus virtute operabatur, cum nihil obstaret. Per singulos ergo dies, imo per singulas horas et momenta, caritatis et gratiae suscipiebat duplicata augmenta. Qualis ergo thesaurus fuit benedictionis colestiumque divitiarum Mariae!

Si quis dux summo alicui principi ea conditione et pacto serviret, ut saltem per mensem diebus singulis, aut in perpetuum singulis mensibus, stipendum duplicatum acciperet ab eo; post multos dies vel post multos menses, quale esset ducis huius stipendum, etiam si initio tenuissimum extitisset, et vix unius aurei vel argentei? Multa millium millia excederet, infinitum pene thesaurum efficaret; sic per singulos dies aut menses duplicatum semper stipendum. Maria autem gratiae stipendum diebus singulis, imo horis et momentis duplicatum accipiebat. Veluti si quis cum principe magno atque ditissimo, ea conditione luderet, ut semper singulis ludis duplum exponeretur prioris; post multos ludos quale esset novissimi ac postremi lucrum? An non thesaurus inaestimabilis? Quid tota deinde lucrorum omnium summa? Bone Deus, ergo qualis quantusque fuit gratiae et meritorum Mariae thesaurus in extremo vitae spiritu, cum animam Deo reddidit? Vere nec dici nec cogitari potest.

Maria gratiam
accipit et
multiplicat.

Simile.

Simile.

Simile.

132) Lc 8, 15. Ms.: *Mattheaus.*

133) Mt 19, 29.

134) Cf. Mc 10, 30.

Qualis gratia,
talis gloria.

Gloria autem respondet iuxta mensuram gratiae, nam *qui parce seminat, parce et metet; et qui seminat in benedictionibus, de benedictionibus et metet.*¹³⁵ Qui decem minas lucratus fuit, decem a rege civitates accepit; qui autem, quinque acceptis, alias quinque sua industria acquisivit, civitatibus quinque praefectus fuit.¹³⁶ Prima gratia et benedictio, quam accepit Maria, maior extitit prima gratia Angelorum, prima gratia Cherubim et Seraphim, supremorum spirituum et coelestis patriae principum; nam illi gratiam acceperunt, ut idonei ac digni essent summi Dei ministri et servi; Maria autem gratiam accepit, ut idonea et digna esset eiusdem Summi Dei Sponsa et Mater. Maior igitur in immensum gratia Mariae gratia summi Angelorum. Idipsum de gloria censendum ergo est. Sic Maria, summum supra omnes Angelos et Electos Dei in coelo gradum consecuta gloriae, assistit ad dexteram maiestatis Filii sui in excelsis, *tanto melior Angelis effecta, quanto differentius pree illis nomen hereditavit.*¹³⁷ Astitit *Regina a dextris tuis in vestitu deaurato.*¹³⁸ Sic benedicta inter mulieres quoniam ab omnibus Angelis et Electis Dei laudatur et benedicitur in gloria coelesti. O vere benedicta inter mulieres! O summam ac pene infinitam benedictionem gratiae et gloriae in Maria apud Deum!

Gradus gloriae
Virginis
Deiparae.

Superiora conti-
nent inferiorum
perfectiones.

In mundi huius constitutione sphaera superior continet inferiorem, sicut in numerorum serie; in homine, excellentissimo animalium, continetur esse inanimorum, vita plantarum, sensus animalium, ut ille ait,¹³⁹ sicut trigonum in tetragono; in politico principatu ac monarchia in regali ac imperiali dignitate et auctoritate continetur eminenter omnis cum dignitas tum auctoritas inferiorum principum, procerum et primatum; in ecclesiastica hierarchia in Summo Pontifice omnis ordo, dignitas et auctoritas inferiorum ordinum, Sacerdotum, Episcoporum, Patriarcharum, Cardinalium, omniumque Praelatorum et Principum Ecclesiae Dei; in ipso Deo virtus omnis et perfectio omnium spirituum omniumque creaturarum, quoniam ipse suprema sphaera est omnium entium, unitas in suo simplicissimo sinu complectens infinitas numerorum species. Sic et Maria super omnes Sanctos, super omnes Angelos et Electos Dei constituta, omnem continet Electorum omnium benedictionem. O summam et altissimam benedictionem! *Benedicta tu in mulieribus.*

Laudes Patrum.

Merito ait Anselmus quod Virgo « omnem omnis creaturae puri-

135) 2 Cor 9, 6.

139) Arist. 2 *De Anima.*

136) Cf. Lc 19, 17-19.

137) Hebr 1, 3-4.

138) Ps 44, 10.

tatem sive sanctitatem incomparabili sublimitate transcendit »; ¹⁴⁰ et quod « ea puritate nitere eam decuit, qua maior sub Deo nequit intelligi ». ¹⁴¹ Iure Chrysostomus in *Liturgia Virginem* dixit « incomparabiliter gloriosorem quam Seraphim ». ¹⁴² Merito B. Ephraem diaconus Virginem collaudat dicens quod « sanctior est Cherubim, sanctior Seraphim, et sine comparatione ceteris omnibus supernis exercitibus gloriosior ». ¹⁴³ Merito Epiphanius eam « mare spirituale » appellavit; ¹⁴⁴ Damascenus « abyssum gratiae »; ¹⁴⁵ et tandem a sanctis omnibus catholicis et orthodoxis doctoribus « Domina Angelorum et Regina Sanctorum omnium » appellatur.

140) Lib. *De Excellent. B. V.* cp. 9. Fere ad verbum. (P. L. 159, 173). Opus Eadmeri monach.

141) Lib. *De Conceptu Virg.* cp. 18. Ad sensum. (P. L. 158, 103). 142) Haec verba desiderantur in edit. Migne (P. G. 63, 902 sqq.); inveniuntur vero, pag. 77, in recentissima edit. text. graeco et italicco, separato libello, cura et labore R. P. D. Placidi De Meester, O. S. B. Tip. Poligl. Vat. Romae 1925.

143) *Serm. De Laudibus Mariae*, circa princip. tom. 1, pag. 569. 144) *Homil. De Laudibus Deip.* circa princip. (P. G. 43, 490). Spuria. 145) *Hom. 2 In Dormit. B. M. V.* n. 17. (P. G. 96, 878).

SERMO NONUS

DE VIRGINIS DEIPARAE DIVINA MATERNITATE EX VERBIS SALUTATIONIS:

Et benedictus fructus ventris tui

*Ave, gratia plena, Dominus tecum, benedicta
tu in mulieribus..., et benedictus fructus
ventris.¹*

Laus:
*Benedictus
fructus ventris
tui, est summa
et basis omnium
aliarum, quia
significat divi-
nam materni-
tatem.*

I. In sacratissima hac salutatione angelicis in Mariam laudibus adiungitur una ex magnis illis, quibus Spiritus Sanctus per os Elisabeth Virginem exornavit. Nam cum salutantis Mariae vocem audisset Elisabeth, Spiritu Sancto afflata, exclamavit et dixit: *Benedicta tu in mulieribus, et benedictus fructus ventris tui. Et unde hoc mihi ut veniat Mater Domini mei ad me?... Et beata quae credidisti, quoniam perficientur ea quae dicta sunt tibi a Domino.*² Ex his, inquam, una, quae omnium praecipua est, adiungitur angelico encomio: *Benedictus fructus ventris tui;* quibus verbis Mariam tanquam veram Dei Matrem collaudat, nam sequitur: *Unde hoc mihi ut veniat Mater Domini mei ad me?* Haec enim singularis et praecipua est laus Mariae quod vera dignaque Mater extiterit et Genitrix naturalis Unigeniti Filii Dei. Una haec inter laudes Mariae est, sicut sol inter planetas, sicut aurum inter metalla, sicut homo inter animalia, sicut lignum vitae inter arbores paradisi, sicut Christus inter Sanctos, sicut Virgo ipsa inter Sanctas. Nec tantum suprema omnium, verum etiam basis, imo aliарum omnium radix et origo; ideo enim gratia plena, ideo benedicta inter mulieres, ideo Domina Angelorum, ideo Regina Sanctorum omnium, quia vera Mater Dei.

1) Lc 1, 28. 42.

2) Ibid. 1, 42-43. 45. Vulg. habet: *Benedicta tu inter mulieres.*

Huius rei causa Virgo benedicta in Sacris Litteris honestissimo hoc Matris Dei titulo exornatur. Hinc a Moyse dictus est Christus semen mulieris inimicæ serpentis antiqui: *Inimicitias ponam inter te et mulierem, et semen tuum et semen illius; ipsum conteret caput tuum;*³ hinc Isaias Emmanuel, Deum nobiscum, filium Virginis appellavit: *Ecce Virgo concipiet et pariet filium, et vocabitur, sive vocabit ipsa, nomen eius Emmanuel,*⁴ ac postea: *Parvulus natus est nobis, utique ex Virgine, et filius datus est nobis..., et vocabitur Deus, Fortis;*⁵ sic Ieremias: *Novum creavit Dominus super terram, femina circumdabit virum;*⁶ hoc Paulus praedicabat: *Qui factus est ei ex semine David secundum carnem;*⁷ *Misit Deus Filium suum factum, sive natum, ex muliere, factum sub lege;*⁸ hoc Matthaeus docuit, dum ait: *Iacob autem genuit Ioseph, virum Mariae, de qua natus est Iesus qui vocatur Christus;*⁹ hoc Angelus dixit Ioseph: *Noli timere accipere Mariam coniugem tuam, quod enim in ea natum est de Spiritu Sancto est; pariet autem filium, et vocabis nomen eius Iesum;*¹⁰ hoc ipsi Virgini Gabriel: *Ecce concipies in utero, et paries filium, et vocabis nomen eius Iesum; hic erit magnus et Filius Altissimi vocabitur... et quod ex te nasceretur Sanctum, vocabitur Filius Dei;*¹¹ hoc tandem Elisabeth: *Benedicta tu in mulieribus et benedictus fructus ventris tui... Unde hoc mihi ut veniat Mater Domini mei ad me?*

A Scripturis
Virgo Matris Del
titulo exornata.

II. Quoniam vero hoc singulare et unicum fuit Dei donum in Mariam, propterea satanas, Dei et Christi eius capitalis inimicus Virginique infensissimus hostis, hanc ei dignitatem summopere invidit, eamque ei adimere ac praeripere pro sua virili sategit. Hoc est quod in *Apocalypsi* legimus quod, cum mulier amicta sole filium peperisset, qui raptus est ad Deum et ad thronum eius, nec potuisset draco infernalis, ut sperabat et expectabat, divinum illum partum devorare, mulierem matrem persecuti coepit: *Draco, inquit, persecutus est mulierem quae peperit masculum... Et misit serpens ex ore suo... aquam tanquam flumen, ut eam faceret trahi a flumine... Et iratus est draco in mulierem.*¹²

Virgo Deipara,
quia Genitrix
Fili Dei a sa-
tana, haeretico-
rum persecutio-
nibus semper
lacessita, ab
Ecclesia vero
benedicta.

Quis nescit quas turbas contra Virginem satan excitavit? Quam fuentes tragoeidas? Sunt haeretici os satanae maledictum; perversa autem

Haeresum
monstra contra
Virginem.

3) Gn 3, 15. Vulg. habet: *Ipsa.* 4) Is 7, 14. *Vocabit Ipsa, ex hebr.* 5) Ibid. 9, 6. 6) Jer 31, 22.
7) Rom 1, 3. 8) Gal 4, 4. 9) Mt 1, 16. 10) Ibid. 1, 20-21. 11) Lc 1, 31-32. 35.
12) Apc 12, 13. 15. 17.

doctrina ad perdendam abolendamque sinceram fidei sanctae veritatem quid est, nisi fluvius tartareus et infernalis de ore satanae? Contra Virginem autem Deiparam quot haeresum monstra et portenta per satanam! Excitavit enim contra Virginem Cerdonianos, Ebionitas, Valentinianos, Apollinarios, Manichaeos, Colliridianos, Nestorianos, Eutychianos, Iconoclastas, nec non Arianos, qui, contra Virginem veluti turmatim ac fluminis instar irrumptentes, perdere sategerunt, impiisque virulentis et blasphemis linguis calamisque Mariomastigas,¹³ a satana instigati ac satanico spiritu imbuti, agere voluerunt.

Cerdoniani, Marcionitae, Manichaei, Apellitae, Apollinarii, Eutychiani et adhuc vigentes Anabaptistae una cum Valentinianis Mariam Christi matrem non faciunt, quoniam Christo veram carnem humanique corporis naturam minime tribuunt, sed vel phantasticam vel coelestem aut ex elementis compactam substantiam. Cherinthiani et Ebionitae matrem faciunt, sed corruptam, ex Joseph gravidam, virginitatem ei impie adimentes, quam etiam Iovinianus in partu et Helvidianus post partum adimere ausi sunt, satanico spiritu turgidi, in virginale Dei tabernaculum irruentes. Nestoriani matrem faciunt, sed non Dei; *anthropotocon*, *Christotocon*, non autem *Theotocon*, Christum impie solventes ac in duas personas secantes. Ariani similiter matrem Dei negant, quoniam Christum verum substantialemque Dei Filium aeternumque Deum minime agnoscent.

A s. Ecclesia
damnata uni-
versa haeretica
pravitas.

Sed tamen infernalis draco in Virginem nihil profecit, quoniam, inquit Ioannes, *adiuvit terra mulierem, et aperuit os suum terra, et absorbuit flumen quod misit draco de ore suo*;¹⁴ nam in sancta Ecclesia, a sacris Conciliis sanctisque Doctoribus damnata est universa haeretica pravitas; detecti sunt, damnati, repressi, extirpati, funditusque eversi impii errores, blasphemae haereses fanaticorum haereticorum, qui nonnisi errorum suorum idola colunt; et Mariam Deiparam multo gloriosorem firmiori fide, clariori cognitione, maiori pietate et religione contra Vigilantianos et Eunomianos veneratur et colit universalis Ecclesia, in qua Maria ab omnibus generationibus, quae Christum agnoscent, beatissima praedicatur et vera Mater Dei creditur et agnoscitur: *Benedicta tu in mulieribus et benedictus fructus ventris tui*. His verbis eversi et convulsi sunt omnes haereticorum errores Mariam Matrem Christi negantium: *Unde hoc mihi ut veniat Ma-*

13) Idest, *Mariae calumniatores*. Cf. not. 79, *Serm. 1 in Ave Maria*.

14) Apc 12, 16.

ter Domini mei ad me? Ferre non potest satanas ut Maria *Theotocos*, vera Dei Mater agnoscatur, credatur, praedicetur, quoniam haec fides caput ipsius confringit et conterit. Nos autem non cum impiis haereticis, perditionis filiis, satanae partes fovemus et sequimur, sed cum sanctis Doctribus, veris catholicis, orthodoxis omnibusque Christifidelibus partes Dei tuemur. Semper autem in sancta Dei Ecclesia Maria Virgo vera Christi Mater, vera Dei Genitrix, Virgo Deipara agnita est, credita et praedicata.

III. Sed, bone Deus, qualis et quanta haec dignitas est matrem esse veri et summi Dei humanati! Contrahunt nobilitatem et dignitatem mulieres non solum a sanguine et genere, ut in Scripturis filia regis Pharaonis ob id regi Salomoni carissima, non solum a praestantia et splendore virtutis, ut Maria soror Moysi, Debora prophetis, Anna mater Samuelis, et aliae; verum etiam a matrimonio et nobilium virorum coniugio, ut Rebecca, ut Esther Assuero regi matrimonio copulata; et tandem a nobilitate filiorum; sic enim Bethsabee, cum prius uxor fuisset stipendiarii ac gregarii militis, postea tamen nobilissima ac praestantissima regina fuit, quoniam Salomonem regem filium habuit, a quo ut mater honorificentissime tractabatur.¹⁵

Sic Virgo Deipara nobilissima est ac omni laude digna non solum ob generis claritatem, orta ex regali prosapia, ex stirpe David,¹⁶ non solum ob virtutis divinam praestantiam; sed etiam summam sortita est dignitatem a Sponso Deo: *Spiritus Sanctus superveniet in te et virtus Altissimi obumbrabit tibi;*¹⁷ itemque a maternitate, a Christo filio. Eo nobilior digniorque sponsa, quo nobiliori et digniori viro desponsata est; eo nobilior et dignior mater, quo nobiliorem dignoremque filium habet. Quis non hoc videt in politica nobilitate? Quis autem cogitatione assequi utcumque possit, qualis et quanta sit nobilitas et dignitas Dei, nobilitas et dignitas Christi, Unigeniti Filii Dei? Incomprehensibilis est, immensa est, infinita est, nec angelicus, cherubicus, seraphicus intellectus eam capere potest; solum divinus intellectus, qui, sicut ipsa Dei essentia et natura, infinitus est. Si igitur uxoris et matris nobilitas ac dignitas ad mensuram nobilitatis et dignitatis viri atque filii mensuratur, illique iusta proportione respondet; quis adeo caecutire potest ut non videat infinitam propemodum esse dignitatem Mariae a Sponso Deo, a Filio Christo? *Unde hoc mihi ut Mater Domini mei veniat ad me?*

Virgo Deipara
omni laude
digna, quia hac
sua dignitate
nobilissima.

Nobilitas
Virginis.

15) Cf. 3 Rg 2, 19 sqq.

16) *Brev. Rom. Off. in Nat. Mariae V.*

17) Lc 1, 35.

*Très maxima
opera Dei.*

Recte assertum est a sacris theologiis¹⁸ hoc unum ex tribus esse quibus Deus maiora opera praestare minime potest; sunt autem haec: humanitas Christi, gloria paradisi et maternitas Virginis. Humanitas Christi dignior esse non potest, quia cum increato et incarnato Verbo una persona est; gloria paradisi vitaque beata maior esse non potest, quia aeterna summi et infiniti boni visio, possessio et fruitio est; maternitas itidem Virginis dignior esse non potest, quia impossibile omnino est filium Christo nobiliorem ac digniorem procreari. O vere beatum ventrem! O supra modum benedictum fructum! *Benedicta tu in mulieribus et benedictus fructus ventris tui!* Vere lignum vitae Maria, quia Christus panis vitae est, *qui de coelo descendit*, et: *Qui manducat hunc panem vivet in aeternum;*¹⁹ vere benedicta Maria, ager plenus, cui benedixit Dominus;²⁰ terra benedicta, de qua novus Adam formatus est; terra bona, dans fructum centuplum;²¹ terra fructifera, de qua Regius Vates: *Confiteantur tibi populi, Deus, confiteantur tibi populi omnes... terra dedit fructum suum.*²² Sed qualem fructum! *Veritas de terra orta est, et iustitia de coelo prospexit...* Dominus dabit benignitatem, et terra nostra dabit fructum suum;²³ de quo^{23a} Isaias: *Rorate, coeli, desuper, et nubes pluant iustum; aperiatur terra et germet Salvatorem;*²⁴ et alibi: *In die illa erit germen Domini in magnificentia et gloria, et fructus terrae sublimis, et exultatio his qui salvari fuerint de Israel.*²⁵

*Virgo Delpara
omni laude
digna, quia
eandem habet
quam Filius
benedictionem.*

*Maria semper
cum Iesu.*

IV. Sed qualis est et quanta benedictio divini huius fructus ventris Mariae? Non sine causa benedictus hic fructus ventris cum benedicta matre coniungitur, quia summa fuit inter Christum et Virginem, ut inter matrem et filium, summa coniunctio non solum naturae et sanguinis, verum etiam animorum, cordium, amoris, caritatis; hinc saepe Mariam cum Christo legimus. Conceptus Christus, sed in Maria;²⁶ natus, sed ex Maria;²⁷ collocatus in praesepio, sed a Maria;²⁸ in circumcitione vocatus Jesus a Maria;²⁹ adoratus a Magis in sinu Mariae;³⁰ praesentatus in templo a matre Maria;³¹ fugit in Aegyptum cum Maria;³² revertitur cum matre Maria;³³ invenitur in templo in medio doctorum a Maria;³⁴ incipit mira-

- | | | | |
|--|---------------------|-----------------------------|-----------------------------|
| 18) Cf. D. Thom. 1 p. q. 25, a. 6, ad 4. | 19) Io 6, 59. | 20) Cf. Gn 27, 27. | 21) Cf. Lc 8, 8. |
| 22) Ps 66, 4-7. | 23) Ps 84, 12-13. | 23a) Ms. habet: <i>Qua.</i> | 24) 45, 8. |
| 26) Cf. Lc 1, 31. | 27) Cf. ibid. 2, 7. | 28) Cf. ibid. 2, 7. | 29) Cf. ibid. 2, 21; 1, 31. |
| 30) Cf. Mt 2, 11. | 31) Cf. Lc 2, 22. | 32) Cf. Mt 2, 13. | 33) Cf. ibid. 2, 20. |
| 34) Cf. Lc 2, 46-50. | | | |

cula facere rogatus a Maria; ³⁵ praedicat in synagoga, ecce advenit Maria; ³⁶ pendet Christus in cruce, astat ei Maria; ³⁷ resurgit a mortuis, apparel primo Mariae; ³⁸ ascendit in coelum, est praesens Maria; ³⁹ sedet a dextris Dei, sed a dextris ipsius sedet Maria. ⁴⁰

Saepe saepius reperiuntur simul, quia corde, animo, mente, spiritu semper simul erant; una anima, unum cor in duobus corporibus. Diligebat Maria Christum tanquam tenera mater unicum, pulcherrimum, sapientissimum, optimum, sanctissimum filium, a Deo supra omnem creaturam benedictum, Deo summe carum et dilectum; Christus item diligebat Matrem tanquam piissimam, dulcissimam, amantissimam, optimam, sanctissimam parentem, a Deo super omnes creaturas benedictam, Deo carissimam et dilectissimam, sibique simillimam. Agnoscebat Christus benedictionem Mariae, Maria similiter benedictionem Christi; sicut autem se mutuo agnoscabant, ita se mutuo, supra quam dici vel cogitari potest, ardentissima ac dulcissima caritate diligebant. *Benedicta tu in mulieribus et benedictus fructus ventris tui.* In *Canticis* sese mutuo collaudant: *Ecce tu pulcra es, amica mea, ecce tu pulcra es; oculi tui columbarum. Ecce tu pulcher es, dilecte mi, et decorus.* ⁴¹ *Sicut lily inter spinas, sic amica mea inter filias. Sicut malus inter ligna silvarum, sic dilectus meus inter filios. Sub umbra illius, quem desideraveram, sedi, et fructus eius dulcis gutturi meo.* ⁴²

Amor Christi
et Mariae.

Intellexit Maria quam magna, quam copiosa esset fructus ventris sui benedictio, quoniam in eo nulla penitus peccati maledictio: *Qui peccatum non fecit, nec inventus est dolus in ore eius;* ⁴³ quia in eo totius gratiae plenitudo: *Requiescat super eum Spiritus Domini;* ⁴⁴ *Verbum caro factum est... plenum gratiae et veritatis... et de plenitudine eius nos omnes acceptimus;* ⁴⁵ *In quo sunt omnes thesauri sapientiae et scientiae Dei... in quo inhabitat omnis plenitudo Divinitatis corporaliter.* ⁴⁶ O benedictionem!

Benedictio
Christi et Mariae.

35) Cf. Io 2, 1-10. 36) Cf. Lc 8, 19. 37) Cf. Io 19, 25. 38) Huic sententiae, praeter quam variae congruentiae rationes, plures suffragantur auctores, e quibus cf. Sedul. *Carm. Pasch.* lib. 5, vr. 355 sqq. (P. L. 19, 350); Rupert. Ab. *De Divinis Offic.* lib. 7. cp. 25. (P. L. 170, 92); D. Bernard. Senens. *Serm. 1 in Resurrect.* a. 3, cp. 3; Suarez, *De Incarnat.* disp. 49, s. 1; I. Perin, *Onomast.* sub *Mariae* verbo, pag. 211. 39) Hoc conici potest a Lc 24, 51; Act 1, 9. Cf. praeterea Eadmer. lib. *De Excellent. Virg.* (D. Anselm. attrib.), cp. 7. (P. L. 159, 570); D. Bernard. Senens. *Serm. 2 in Ascens.* a. 2, cp. 3. Suarez, *De Incarnat.* disp. 51, s. 2. 40) Cf. Ps 44, 9 (ex locis parallelis). 41) Ct 1, 14-15. 42) Ibid. 2, 2-3. 43) 1 Petr 2, 22. 44) Is 11, 2. 45) Io 1, 14-16. 46) Col 2, 3. 9.

Virgo Deipara
omni laude
digna, quia
statim ab initio
fructum protulit
undequeque
perfectum.

V. Cognovit Elisabeth, Mariae nobilis encomiastes, Spiritu Sancto revelante, mysterium divinae Incarnationis: *Unde hoc mihi ut Mater Domini mei veniat ad me?* Iure dici potuit ei quod Christus Petro dixit: *Beatus es, Simon Bar-Jona, quia caro et sanguis non revelavit tibi, sed Pater meus qui in coelis est,*⁴⁷ non enim nisi per divinam revelationem tale tantumque sacramentum scire potuit Elisabeth; hinc: *Et repleta est, inquit, Spiritu Sancto Elisabeth.*⁴⁸ Spiritu Sancto revelante, cognovit mysteria atque miracula, quae in Mariae utero continebantur ipsumque Christum Deum et hominem agnovit; uti hominem, fructum ventris appellavit: *Benedictus fructus ventris tui;* at vero uti Deum, Dominum suum dixit: *Ut veniat Mater Domini mei ad me?*

Elisabeth
Christum iam
perfectum in
Virginis utero
intellexit.

Et Christum quidem hominem, sed iam perfectum in Virginis utero intellexit iuxta oraculum: *Novum creavit Dominus super terram, femina circumdabit virum,*⁴⁹ vir enim nonnisi perfectum designat hominem, maxime vero mente et intellectu; sic ait: *Benedictus fructus ventris tui.* Sicut dixit: *Benedicta tu in mulieribus,* idest, super omnes mulieres divinis charismatibus et donis coelestibus ditata et cumulata; sic etiam dicit: *Benedictus fructus ventris tui;* nam quae perfectio fructui huic deesse poterat, in quo omnis plenitudo Divinitatis inhabitabat?

In Christo omnis
perfectio;

Hinc sacri theologi omnes uno ore in Christo homine statuunt omnem perfectionem naturae, gratiae et gloriae propter gratiam divinae unionis; ita ut benedictus hic fructus non solum esset thesaurus totius Deitatis, sed etiam thesaurus totius perfectionis naturae, gratiae et gloriae, quae vel in hominibus in terra, vel in Angelis in coelo reperiri potest. O vere novum et ingens miraculum! Sed non minus verum, quidquid oblatrent haereticorum multi; novum enim miraculum promissum fuit in conceptu Christi: *Novum creavit Dominus super terram, femina circumdabit virum.* «Nisi autem, ut Bernardus ait, Christus ab ipso conceptu perfectus foret, non ingens et novum hoc miraculum promitteretur, quo et femina, priusquam pariat, intus virum pro filio circumdaret, et vir idem intra unius feminei corpusculi membra sese contineret.»⁵⁰

hinc etiam
conceptio eius
statim ab initio
perfecta.

Sic Christi conceptio statim ab initio perfecta fuit, quoniam non humanitus, sed divinitus operata: *Spiritus, inquit, Sanctus superveniet in te et virtus Altissimi obumbrabit tibi;* ideoque et quod nascetur ex te Sanc-

47) Mt 16, 17. 48) Lc 1, 42.
Ad sensum (P. L. 183, 739).

49) Jer 31, 22.

50) Hom. 2 super Missus est n. 8.

*tum, vocabitur Filius Dei; Dei autem perfecta sunt opera.*⁵¹ Non ait Angelus: Quod concipietur in te, sed: *Quod nascetur ex te Sanctum*, nimirum ut significaret Christi corpus statim a sua conceptione, operante Spiritu Sancto et virtute Altissimi, perfecte formatum ac figuratum fuisse, vel, ut aiunt, integre organizatum. Nam ob id Angelus, priusquam Christus nasceretur, Iosepho dixit: *Quod in ea natum est de Spiritu Sancto est.*⁵² Videlis Christum in utero natum dici, idest, perfecte formatum!

Sic enim Basilius Magnus, homilia *De Humana Christi Generatione*, locum hunc interpretatur « dici Christum ab Angelo non conceptum, sed natum, quia Christi corpus non secundum communem modum per intervalla paulatim formatum fuit, sed illico conceptum perfectum extitit ».⁵³ Idem Euthymius, in *Matthaeum*, docet.⁵⁴ Hoc ipsum Gregorius Magnus, *Ad Quiricum Episcopum*, planissime scribit, lib. 9, epist. 61, quod « in ipso conceptu et unione Verbi ad carnem, Christus perfectus homo fuit, et oleo laetitiae, idest, Spiritus Sancti gratia, prae suis consortibus unctus, non post conceptionem, sed in ipsa conceptione ».⁵⁵ Augustinus, *Ad Volusianum*, epist. 2, scribit « Christi corpus per rationalem animam a divina virtute assumptum et mox conceptum animatum fuisse ac figuratum omnibusque membris et organis distinctum ».⁵⁶ Ambrosius, lib. *De Incarnati Domini Mysterio*, cap. 7, docet « Verbum assumpsisse rationalem animam perfectam ».⁵⁷ Sed quomodo perfecta est rationalis anima, nisi potentiarum usu, nisi divinis virtutibus, donis et charismatibus imbuta? Cyprianus, *De Nativitate Domini*, ait « Verbum in utero virgineo sic factum fuisse carnem, ut mox Divinitas plenitudinem sui exiguo infuderit vasi; et licet infantilem assumeret infirmitatem, tamen virtutem et gratiam, incomparabili viro dignam, ab illo perpetuo retentam fuisse ».⁵⁸ Bernardus Christum praedicat non minori sapientia praeditum in utero Virginis, quam cum perfectae erat aetatis; quoniam a principio perfectus, a principio fuit spiritu sapientiae plenus.⁵⁹

Paulus, ad *Corinthios*, docere plane videtur quod sicut Adam a *Auctoritas Pauli.* Deo formatus fuit corpore et anima perfectus, ita et Christus: *Factus,*

⁵¹ Dt 32, 4. ⁵² Mt 1, 20. ⁵³ N. 4. *Ad sensum.* (P. G. 31, 598). ⁵⁴ Cp. 1, 20. (P. G. 129, 131). ⁵⁵ Nunc lib. 11, epist. 66. *Ad sensum.* (P. L. 77, 1169). ⁵⁶ Nunc epist. 137, cp. 2. *Ad sensum.* (P. L. 33, 519). ⁵⁷ P. L. 16, 718. ⁵⁸ Circa finem. *Ad sensum.* Hoc opus desideratur in edit. Migne; invenitur autem in edit. a Balutio recognita (Venetiis, an. 1728) inter opera dubia positum, pag. 74. ⁵⁹ Cf. *Serm. 2 super Missus est.* n. 9. (P. L. 183, 739).

inquit, fuit *primus homo... in animam viventem, novissimus autem... in spiritum vivificantem*; imo multo magis, quoniam *primus homo de terra terrenus, secundus homo de coelo celestis.*⁶⁰ Mirabilis fuit formatio Adami ex terra nulli adhuc maledictioni obnoxia, sed divinis benedictionibus locupletata; mirabilior formatio Christi ex Virgine super omnem creaturam benedicta. Et quidem non laudatur arboris fructus nisi perfectus, nisi naturali sua pulcritudine, suavitate, bonitate, naturali perfectione praeditus.

Mirabilia quae
vidit Elisabeth.

Elisabeth ergo, Spiritu Sancto illustrata, iam Christum in virginali utero perfectum vidit, cum eum tantopere laudavit: *Benedictus fructus ventris tui*. O quale spectaculum spiritu vidit Elisabeth, quale miraculum! Magnum miraculum virginitas fecunda et fecunditas virginalis, ut eadem mulier esset mater virgo! Magnum miraculum capacitas uteri virginea, ut eum caperet quem totus non capit orbis, non coelum, non paradisus, non mundus, non mille mundi! Magnum miraculum Verbum caro, Deus homo, Deus homini factus similis et aequalis, et homo infantulus similis et aequalis Deo potentia, sapientia, maiestate, plenitudine totius Divinitatis! Magnum miraculum infans in utero homo perfectus sapientia et virtute, ipsis etiam Angelis, Cherubim, Seraphim multo perfectior! Magnum miraculum thesaurus omnis gratiae et sanctitatis, thesaurus totius gloriae et beatitudinis! *Verbum caro factum est... et vidimus gloriam eius, gloriam quasi Unigeniti a Patre plenum gratiae et veritatis... et de plenitudine eius nos omnes accepimus*, imo omnes Angeli acceperunt. Magnum et augustissimum miraculum uterus Virginis, quia genere, virtutis et gloriae divina plenitudine, ipso etiam coelo empyreo, ipso paradiso maior erat. O ineffabilem, o incomprehensibilem, o vere infinitam benedictionem! *Benedictus fructus ventris tui!*

Virgo Deipara
omni laude
digna, quia
fructum protulit
ab omnibus
benedictum
in Scripturis.

VI. Quod si benedictus idem hic est ac laudatus laudeque dignus, quibus laudibus dignus est Christus? *A solis ortu usque ad occasum laudabile nomen Domini.*⁶¹ *Omnis lingua confiteatur, quia Dominus Iesus Christus in gloria est Dei Patris.*⁶² Laudatus est Christus ab hominibus: *Propheta magnus surrexit in nobis... quia Deus visitavit plebem suam;*⁶³ *Benedictus qui venit in nomine Domini rex Israel,* clamabant turbae in die palmarum;⁶⁴ laudatus a Prophetis: *Huic omnes Prophetae testimonium perhibent, remissionem peccatorum accipere per nomen eius omnes*

60) 1 Cor 15, 45, 47.

61) Ps 112, 3.

62) Phil 2, 10.

63) Lc 7, 16.

64) Io 12, 13.

*qui credunt in eum;*⁶⁵ laudatus ab Angelis in annunciatione: *Hic erit magnus et Filius Altissimi vocabitur... quod ex te nasceretur Sanctum, vocabitur Filius Dei;*⁶⁶ in nativitate: *Evangelizo vobis gaudium magnum..., quia natus est vobis hodie Salvator;*^{66a} laudatus in resurrectione et⁶⁷ ascensione;^{67a} laudatus nunc in coelo: *Audivi vocem Angelorum multorum in circuitu throni...; et erat numerus eorum millia millium dicentium voce magna: Dignus est Agnus, qui occisus est, accipere virtutem et divinitatem et sapientiam et fortitudinem et honorem et gloriam et benedictionem;*⁶⁸ laudatus a creaturis omnibus: *Ut in nomine Iesu omne genu flectatur coelestium, terrestrium et infernorum;*⁶⁹ *Omnem creaturam quae in coelo est et quae in terra et sub terra, et quae sunt in mari... omnes audivi dicentes: Sedenti super thronum et Agno benedictio et honor et gloria et potestas in saecula saeculorum;*⁷⁰ laudatus ab ipso Deo in Jordane: *Hic est Filius meus dilectus, in quo mihi bene complacui;*⁷¹ laudatus multo maiori cum gloria et splendore in monte sancto, quando resplenduit facies eius sicut sol: *Hic est Filius meus dilectus in quo mihi bene complacui; ipsum audite.*⁷² O quam vere ait: *Benedictus fructus ventris tui!*

In *Cantico* miris modis laudatur, multisque laudibus exornatur a Sponsa: *Dilectus meus candidus et rubicundus, electus ex millibus. Caput eius aurum optimum, et comae capitinis eius sicut elatae palmarum, nigrae sicut corvus. Oculi eius sicut columbae super rivilos aquarum, quae lacte sunt lotae, et resident super fluenta plenissima. Genae illius... areolae aromatum consitae a pigmentariis. Labia eius lilia distillantia myrrham optimam. Manus illius tornatiles, aureae, plena hyacinthis. Venter illius eburneus, distinctus sapphiris. Crura illius columnae marmoreae, quae fundatae sunt super bases aureas. Species eius ut Libani, electus ut cedri. Guttur illius suavissimum, et totus desiderabilis; talis est dilectus meus.*⁷³ O miram ac plane divinam pulcherrimi Sponsi descriptionem ac picturamat coloribus vivis imaginem! Sunt autem haec divinarum virtutum et spiritualium charismatum ornamenta coelestium.

Benedictus fructus ventris tui! Utique; siquidem: *Filius datus est nobis, et factus est principatus super humerum eius, et vocabitur nomen*

Fructus Mariae
benedictus
praesertim in
Canticis.

65) Act 10, 43. 66) Lc 1, 32, 35. 66a) Ibid. 2, 10. 67) Cf. Mc 16, 6; Mt 28, 6.
Ita idem Auct. *Serm. 5 super Ps 86.* 67a) Cf. Act 1, 11. Ita Auct. loc. cit. 68) Apc 5, 11-12.
69) Phil 2, 10. 70) Apc 5, 13. 71) Mt 3, 17. 72) Ibid. 17, 5. 73) Ct 5, 10-16.

*eius Admirabilis, Consiliarius, Deus, Fortis, Pater futuri saeculi, Princeps pacis. Multiplicabitur eius imperium, et pacis non erit finis... super solium David et super regnum eius.*⁷⁴ Est autem in Sacris Litteris oceanum mare, infinitum pelagus laudum et encomiorum Christi, quibus nunc persona laudatur, nunc virtutes, nunc opera ipsius cum divina tum humana in carne.

Fructus Mariae
benedictus in
promissionibus
Patriarcharum.

Benedictus fructus ventris tui! Nam vere quod singulis Patriarchis Abrahamo,⁷⁵ Isaac,⁷⁶ Iacob⁷⁷ divinitus promissum dictumque fuit: *In semine tuo benedicentur omnes gentes*, in hoc fructu ventris adimpletum est; *In semine, inquit, tuo, quod est Christus*, interprete Paulo.⁷⁸ *Benedictus fructus ventris tui!* Nam ipse praeclaram illam benedictionem accepit, quae, Deo auctore, ab Isaac data fuit dilecto Dei Iacob: *Det tibi Deus de rore coeli et de pinguedine terrae, abundantiam frumenti et vini...;* serviant tibi populi, et adorent te tribus; *esto dominus fratrum tuorum*, et incurvantur ante te filii matris tuae. Qui maledixerit tibi, sit ille maledictus, et qui benedixerit tibi, benedictionibus repleatur;⁷⁹ quam quidem benedictionem postea Iacob in omnes filios diffudit; sic et Christus: *De plenitudine eius nos omnes accepimus*, sicut membra virtutem a capite, et filii copiam bonorum a patre.

Fructus Mariae
benedictus quia
requies
Divinitatis.

Christus
reparationis
causa.

Benedictus fructus ventris tui! Ipse Christus est benedictus et sanctificatus sabbati dies, in quo Deus requievit,⁸⁰ nam Christus est Divinitatis quies et pacifica mansio; ipse lux benedicta: *Vidit Deus lucem quod esset bona;*⁸¹ *Ego sum lux mundi.*⁸² *Benedicta tu in mulieribus et benedictus fructus ventris tui!* Adam et Eva in paradyso non fuerunt a Deo benedicti, quia futuri erant causa perditionis totius humani generis; Christus et Maria benedicti sunt tanquam reparationis causa et salutis aeternae. *Benedictus fructus ventris tui!* Sicut sabbatum Domini, de quo Isaías 58: *Vocaberit, inquit, sabbatum delicatum, et sanctum Domini gloriosum.*⁸³

74) Is 9, 6-7.

75) Gn 22, 18.

76) Ibid. 26, 4.

77) Ibid. 28, 14.

78) Gal 3, 16.

79) Gn 27, 28-29.

80) Cf. Gn 2, 3.

81) Gn 1, 4,

82) Io 8, 12.

83) Vr. 13. Vulg.

Habet: *Vocaberis*, etc.

SERMO DECIMUS

DE VIRGINIS DEIPARAE POTENTIA ET MISERICORDIA EX VERBIS SALUTATIONIS:

Sancta Maria Mater Dei

*Sancta Maria, mater Dei, ora pro nobis peccatoribus, nunc et semper. Amen.*¹

I. Sicut olim veri Israelitae omnem fere spem salutis suae in arca testamenti Domini, quae veluti thronus et thesaurus Divinitatis erat, piis animis reposuerant, ad illam in suis necessitatibus et adversitatibus recurabant, illam summopere venerabantur, coram illa prostrati, preces ex animo fundebant implorantes divinum auxilium;² ita nunc veri Israelitae, fideles Christi, sanctae matris Ecclesiae legitimi filii, agunt cum Deipara Virgine, viva Divinitatis arca. In ipsa, post Christum, omnem spem salutis suae reposuerunt; ipsam, ut par est, suspiciunt, venerantur, colunt, adorant, scientes quod apud Deum Sponsum suum et apud Christum Filium suum, Dominum nostrum, nihil non potest; quod honorat illam Deus uti Sponsam suam, sicut Assuerus reginam Esther pro salute populi sui deprecantem, cui multo plura concessit quam illa petiit, aut petere ausa fuisset;³ quod honorat eam Christus sicut Matrem suam, sicut Salomon Bethsabee matrem, sicut legimus: *Venit... Bethsabee ad regem Salomonem, ut loqueretur ei pro Adonia; et surrexit rex in occursum eius adoravitque eam, et sedit super thronum suum; positusque est thronus matri regis, quae sedit ad dexteram eius;* cumque ad postulandam gratiam pro

Arca testamenti
Israelitarum
spes; Maria,
arca Divinitatis,
spes
Christianorum.

1) Ecclesia.

2) Cf. 1 Rg 4, 3 sqq.

3) Cf. Est 5, 1 sqq.

Adonia accessisset, dixit ei rex: *Pete, mater mea; neque enim fas est ut avertam faciem tuam.*⁴

Maria a Christo
omnipotenta ab
donata, quia ab
ipsa fuit rex
Ecclesiae
incarnatione
coronatus.

II. Quis autem sic erit vecors ut existimet Christum in pietate erga Matrem Salomone inferiorem esse? Obtinuit illa quidem Salomoni regnum, nam David, Bethsabee precibus flexus, Salomonem regem constituit; alioquin Adonias pro David patre suo regnasset.⁵ Maria autem Christum in utero suo unctum coronatumque regem genuit; hinc Angelus ait: *Natus est... hodie Salvator, qui est Christus Dominus;*⁶ et Magi: *Ubi est qui natus est rex Iudeorum?*⁷

Sicut David unctus fuit rex non solum in Ierusalem super omnes tribus Israel,⁸ non solum in Hebron super tribum Iuda,⁹ verum etiam secreto a Samuele in paternis laribus,¹⁰ quare ter unctus fuit, sed primo in domo patris et matris suaे secreto; ita Christus ter coronatus est rex: in utero Virginis in die incarnationis, in sepulcro in die resurrectionis: *Et erit sepulcrum eius gloriosum,*¹¹ et tandem in coelo in die ascensionis: *Filiae Ierusalem, venite, egredimini et videte regem Salomonem in diademeate, quo coronavit eum mater sua in die desponsationis suaē in laetitia cordis sui.*¹² A Matre dicitur Christus rex coronatus, quia Rex gloriae ab ipsa est genitus; Salomon nanque hoc loco Christus est, ut Origenes¹³ et Gregorius¹⁴ nec non etiam Cassiodorus¹⁵ in *Canticis* exposuere, Ambrosius etiam, *De Institutione Virginum*, cap. 16;¹⁶ mater autem, quae eum coronavit, Virgo Deipara; dies desponsationis tempus incarnationis, quoniam Christus vere desponsatus est Ecclesiae in uteri virginalis aula et thalamo.

Caro Christi
corona aeternae
pietatis.

Cum autem Christi caput Deus sit, quid caro Christi nisi « corona aeternae pietatis, ut Ambrosius ait, in capite nostri huius Salomonis? »¹⁷ *Apparuit benignitas et humanitas Salvatoris nostri Dei.*¹⁸ *Apparuit... gratia Dei Salvatoris nostri.*¹⁹ Sicut autem regibus pretiosissimae coronae sunt, ita plane caro Christi in oculis Dei, in oculis Virginis, in oculis Angelorum, in oculis Electorum omnium; hinc divinissimo splendore fulget

4) 3 Rg 2, 19-20.

8) Cf. 2 Rg 5, 3.

12) Ct 3, 11.

17) Loc. cit. (P. L. 79, 427).

16) 270.

18) Tit 3, 4. Vulg. habet: *Cum autem benignitas et humanitas apparuit, etc.*

5) Cf. ibid. 1, 15 sqq.

9) Cf. ibid. 2, 4.

13) Cf. Prolog. ad Cant. (P. G. 13, 35).

15) Cf. Comment. in Cant. loc. cit. (P. L. 70, 514).

18) Ibid. 2, 11.

6) Lc 2, 11.

10) Cf. 1 Rg 16, 13.

11) Is 11, 10.

14) Cf. Comment. in

16) P. L.

7) Mt 2, 2.

11) 10.

17) Ibid. 2, 11.

nunc in coelo millies milliesque sole splendidior. Cum autem Virgo carnis substantiam Christo dederit, ipsa utique eum pretiosissimo hoc diadema te coronavit, quod omni auro et argento pretiosius est: *Non enim, inquit, corruptibilibus auro et argento redempti estis, sed pretioso sanguine...* *Agni immaculati.*²⁰ Per Virginem ergo Christus novum Ecclesiae regnum accepit, factus caput fidelium ob assumptam humanitatem in mysterio Incarnationis, devicto per carnem satana. Quare sicut Bethsabee in causa fuit ut Salomon regnum a patre acciperet, et Rebecca ut Iacob ab Isaac primogeniti benedictionem consequeretur;²¹ cur ergo Christus Matrem non suspiciat? Non, ut par est, honoret? Num ingratus censendus est Filius? Absit, ut optimo Filio Dei et Virginis turpissimam hanc notam quis inurat!

III. Nam alia ratione adhuc Christus a Maria coronatus est, siquidem Christus vere filius David fuit et regni davidici naturalis heres; sed non nisi per Mariam *factus est ei ex semine David secundum carnem.*²² Secundum carnem autem totus a Maria Christus, quia patrem carnis non habuit ex cuius semine sit procreatus. Si autem filius, iure hereditario regnum aliquod consequatur ex materna linea, quia matri illud pertingebat, utique a matre dicetur coronatus et factus rex; ita plane et Christus. Quare sicut Maria vera et naturalis est Mater et Genitrix Christi, ita vere eum heredem regni davidici constituit: *Ecce concipies... et paries filium... Hic erit magnus, et Filius Altissimi vocabitur, et dabit illi Dominus Deus sedem David, patris eius, et regnabit in domo Iacob in aeternum.*²³

Christus igitur Mariam veram matrem et genitricem suam agnoscens, et quidem amantissimam, non potest, ut optimus filius, matrem optimam non diligere et venerari, sicut rex Salomon ad matrem honorandam surrexit de solio, obviam ei ivit reverentiam exhibens, adoravit, et ad dexteram suam sedere fecit; quae evidenter signa sunt impensi amoris et singularis pietatis.

Christus autem quam vere, quam impense Matrem diligenter, in cruce ostendit. Nam cruci affixus maximisque doloribus occupatus et morti iam proximus, pie tamen afflictam Matrem sibi astantem consolari voluit; piis oculis eam aspexit, carissime compellavit, et carissimo lectissimoque discipulo, ut potuit, commendavit: *Mulier, ecce filius tuus, et... discipulo: Ecce*

Maria a Christo
omnipotentia
donata, quia ab
ipsa heres regni
davidici incarna-
tione factus.

Christus, quam
impense Matrem
diligenter, in
cruce ostendit.

20) 1 Petr 1, 18.

21) Cf. Gn 27, 1 seqq.

22) Rom 1, 3.

23) Lc 1, 32-33.

*mater tua. Et ex illa hora accepit eam discipulus in sua.*²⁴ O ingentem Christi in Matrem caritatem et pietatem! Summo in agone constitutus, non de seipso, sed de carissima ac dulcissima Matre sollicitum se ostendit. Ingens adeo erat in Christi pectore pietas, tam ardens caritas erga amantissimam Parentem, ut maxima supplicia summosque cruciatus superarit. Sic Christus Mariae matri optimum se praestitit et piissimum filium. Nihil igitur dubitandum de pietate Christi in Virginem quin eam etiam nunc in coelo diligat, veneretur, honoret ut optimus filius matrem optimam.

Maria tota
bonitas in terris,
ut patet ex
nuptiis in Cana
Galilaeae.

IV. Neque ambigendum de Mariae erga nos caritate, ipsa nanque tota caritas, tota bonitas et benignitas est; propterea dicitur *gratia plena, tota gratiosa.*^{24a} Argumento est quod in nuptiis egit in Cana Galilaeae, deficiente vino. Ad Christum accessit, a nemine rogata, sola caritate urgente, miraculum petiit; et primum miraculorum Christi, ipsa exorante et impetrante, factum fuit: *Deficiente vino, dicit Mater Iesu ad eum: Vinum non habent.*²⁵ Quis non hic videt in Mariae pectore vivam fidem divinae virtutis in Filio ad patranda divina miracula, cum eam adhuc Christus minime propalasset miraculis, unaque cum fide coniunctam fiduciam et spem in Christi bonitatem? Quis non modestiam et reverentiam Virginis in Christum? Non utitur materna auctoritate, sciens illum esse suum non tantum Filium, verum etiam Dominum et Creatorem, modestissime loquitur; nec multis verbis urget negotium, sed, paucissimis verbis usa, Dominum rogavit ut novos sponsos pudore levaret, et convivas omnes divino munere laetificaret.

Officiosissima
Mariae
humanitas.

Super omnia vero in sacra hac oratione et precatione Mariae divina ipsius erga nos caritas plane officiosissima eluet, ingens humanitas et benignitas. Cognita nanque vini penuria et defectu, condolet novis sponsis, movetur alienis incommodis, cupit pauperum coniugum inopiam sublevare, ne in ipsis nuptiis ob vini defectum pudore suffunderentur, et magna afficerentur tristitia. Cum autem per seipsam beneficium hoc praestare minime posset, tota tamen officiosa, nec rogata nec verita, ad Christum Filium et Dominum suum viva fide vividaque caritate accedit, beneficiumque exorat et intercedit. Et quamvis repulsa et obiurgata videatur a Filio: *Quid mihi et tibi est, mulier? Nondum venit hora mea;*²⁶ sua tamen intercesione vini optimi et praestantissimi copiam divino miraculo obtinuit et impetravit.

24) Io 19, 25-27.

24a) Lc 1, 28. *Gratiosa ex graeco.*

25) Io 2, 3.

26) Ibid. 2, 4.

Intelligens nanque Christi verba, quae aspera duraque videntur, dicta esse ad discipulorum et convivarum instructionem, ut scirent operationem miraculorum non humanae virtutis esse, secundum quam ipse Filius Virginis erat, sed divinae potestatis, secundum quam a solo Patre procedit, et supra hominem est; ut, inquam, qui praesentes aderant, Christi divinitatem intelligerent, quae latebat in homine, et percipiens Christi mentem propensamque ad praestandum beneficium voluntatem, quod iam beneficium illud divino miraculo praestisset, si advenisset hora a Patre prescripta ad manifestandam gloriam suam, ait ministris: *Quaecumque dixerit vobis, facite.*²⁷ Sic aqua pura in optimum ac praestantissimum vinum mutata divinitus fuit, primumque miraculum a Christo editum ad Virginis intercessionem patratum extitit, ut sciamus quid Mater apud Filium omnipotentem valeat.

Ratio obiurgationis Christi.

V. Quod si tunc Virgo Deipara pro egentibus intercedere et obtinere potuit a Filio divinum in terra beneficium, cur non possit modo iam beata in coelo? An forte existimabimus oblitam nunc immemoremque nostri effectam esse, sicut pincerna Pharaonis oblitus fuit Ioseph in carcere consistentis?^{27a} At vero non potest pia mater oblidisci filiorum, sicut per Isaiam Deus enunciavit: *Nunquid oblidisci potest mulier infantem suum, ut non misereatur filio uteri sui?*²⁸ Quisquis autem fidelium Mariae a Christo in Ioanne commendatus est datusque filius; ipse enim qui Mariae dixit: *Mulier, ecce filius tuus, ille est qui dixit et facta sunt... mandavit et creata sunt.*²⁹ Materna viscera eo dicto in Virgine erga Ioannem creavit, ut ita eum diligeret, ac si vere ex suo utero genuisset. Sicut enim reges solo dicto ex equitibus comites faciunt, marchiones ducesque sola, inquam, appellatione; sic et Christus, *Rex regum et Dominus dominantium.*³⁰ Maria ergo maternis visceribus affecta erga fideles, dilectos selectosque Christi discipulos, qui puro corde in eum credunt et diligunt, eorum oblidisci minime potest; ipsa enim vera Mater est cunctorum spiritu per fidem Christi viventium.³¹

Maria tota
bonitas et be-
nignitas etiam
nunc in coelis
erga fideles.

Neque existimare possumus eam iam in coelo gloriosissimam altissimamque Angelorum Reginam creaturarumque omnium Dominam effectam nos miseros dignari, ut multis contingit, qui in sublime levati gratia et

27) Ibid. 2, 5.
30) Apc 19, 16.

27a) Cf. Gn 40, 23.
31) Cf. August. lib. *De Sancta Virginitate*, cp. 6. (P.L. 40, 399).

28) Is 49, 15.

29) Ps 32, 9

favore principum, superbiae spiritu ob novas dignitates inflati et turgidi, superbo supercilio pauperes, gentiles suos, despiciunt, ut nec aspectu quidem eos dignentur.

Sancti etiam post sublimationem humiles et pietate affecti; sed magis Maria, ut patet

Sed non sic viri sancti, Deo digni divinoque spiritu imbuti, non sic. Moyses, divina gloria sublimatus, mitissimus semper et humillimus permansit;³² David etiam, rex potentissimus effectus, in regali throno humillimus fuit;³³ regina Esther, ad supremum honoris et dignitatis apicem evecta, gentiles suos Iudeos nec oblita, nec deditignata fuit, sed cum vitae etiam discrimine salutem eorum procuravit.³⁴ Et existimabimus Deiparam Virginem, quae sanguis et caro nostra est, in coelo nos deditignari? Virtute, caritate, modestia et pietate animi regina Esther inferiorem faciemus? Quis non novit Virginis Deiparae summam altissimamque humilitatem? *Quia respexit humilitatem ancillae suae.*³⁵ Simillima ipsa Christo, qui, cum vere altissimus esset Dei Filius, ait: *Discite a me, quia mitis sum et humili corde;*³⁶ sic Maria corde et spiritu vere humillima et mitissima est, nam etiam in coelo placet Deo humilitas, ubi Luciferi superbia supra modum offensus fuit.^{36a}

in annunciatione,

in visitatione,

Et plane valde perspicua est in Evangelio Virginis summa humilitas, etiam postquam a Deo exaltata sublimi dignitate etiam super Angelos fuit. Quando enim visitavit et salutavit Elisabeth, iam ipsa fuerat a Gabriele Archangelo visitata et magnifice Dei nomine salutata, iam Dei Sponsa, iam Christi Mater effecta. Quid altius? Quid sublimius excogitari potest? Et tamen ad talem tantamque dignitatem divinitus sublimata, a fundo humilitatis suae nihil mota, sicut Angelo dixit: *Ecce ancilla Domini, fiat mihi secundum verbum tuum;*³⁷ sicut humilis ancilla abiit, visitavit, salutavit Elisabeth, honorem deferens et reverentiam exhibens tanquam matri et dominae suae; iamque Deo plena et Spiritu Sancto superplena, divinae huius plenitudinis cognatam suam participem esse voluit; nam: *Ut audivit salutationem Mariae... repleta est Spiritu Sancto.*³⁸ Non enim vulgaris fuit Virginis salutatio, non simplex et consueta, ut apud omnes fere nationes morale est ut in primo ingressu occurrentes invicem salutent, pacem salutemque optent atque precentur. At salutatio haec ei officiosa fuit caritatis indicium et venerationis delatio et divinae gratiae efficacissima precatio, et divini munieris magna et copiosa oblatio atque largitio; hinc:

32) Cf. Nm 13, 3. 33) Cf. 2 Rg 6, 22; 16, 5 sqq.
36) Mt 11, 19.

33) Cf. Is 14, 12-14.

34) Cf. Est cпп. 5. 7.
37) Lc 1, 38.

35) Lc 1, 48.
38) Ibid. 1, 41.

Ut audivit salutationem Mariae Elisabeth... repleta est Spiritu Sancto. Cognatae suae pacem optavit, pacem, salutem copiosumque divinorum charismatum munus precata fuit, et sancta precatio apud Deum efficacissima statim sortita est optatum effectum.

In Sacris Litteris raro Virginem locutam legimus, septies tantum: bis cum Angelo: *Quomodo fiet istud, quoniam virum non cognosco?*³⁹ et: *Ecce ancilla Domini, fiat mihi secundum Verbum tuum;* bis cum Filio, in templo: *Fili, quid fecisti nobis sic? Ego et pater tuus dolentes quaerebamus te,*⁴⁰ in nuptiis: *Dicit Mater Iesu ad eum: Vinum non habent;* semel cum hominibus: *Dicit Mater Iesu ministris: Quodcumque dixerit vobis, facite;* semel cum Elisabeth: *Intravit domum Zachariae, et salutavit Elisabeth; et... ut audivit salutationem Mariae Elisabeth...;* semel ad Deum in suo Cantico vere encomiastico et triumphali, in hymno illo suo plane divino, omnium excellentissimo, eruditissimo, sacratissimo: *Magnificat anima mea Dominum; et exultavit spiritus meus in Deo salutari meo, sive in Deo Iesu meo;*⁴¹ in quo quidem virginali epithalamio Sacratissima Virgo Deum multis laudibus celebravit. In humanis et angelicis etiam colloquiis Maria parca admodum reperitur, tantum in divinis laudibus multa.

Cum autem tam raro Maria locuta inveniatur, mirum est quod sibi quidem semel tantum a Deo bona precata est: *Ecce ancilla Domini, fiat mihi secundum verbum tuum;* nobis autem semel et iterum: in domo Zachariae pacem precata fuit Elisabeth, et Spiritus plenitudinem precatione sua cognatae impetravit, Ioannemque in materno utero Spiritu Sancto replevit, iuxta promissa Gabrielis: *Spiritu Sancto replebitur adhuc ex utero matris suae;*⁴² et in nuptiis vini copiam a Filio intercessione sua obtinuit, ad novos coniuges pudore levandos convivasque exhilarandos novitate divini miraculi et agnitione Divinitatis in Christo latentis magis quam vino.

Sic in Divinis Litteris perspicua est Deiparae Virginis summa cum caritas tum etiam humilitas, etiam post divinam sublimationem; neque enim dignior nunc est Maria in coelo quam esset cum visitavit Elisabeth. Sicut enim Christus nihilo dignior nunc est in dextera Patris quam esset in utero Matris; sic et Virgo Sanctissima tunc erat vera atque perfecta Dei Sponsa et Christi Mater, sicut et nunc in coelo ad dexteram Filii; nil

in elocutione.

Semel pro se
locuta, pliures
pro nobis.

Virgo semper
eadem; nil
minus in coelis
humilis et pia,
quam in terris.

39) Lc 1, 34. Vulg. habet: *Ecce pater tuus et ego, etc.* 40) Ibid. 2, 48. 41) Ibid. 1, 46.

42) Lc 1, 15.

minus ergo nunc mitis et humilis, quam tunc erat mente et spiritu. Et forte nunc ardenter erga nos caritate maiorique benignitate, clementia et pie-tate praeditum gerit pectus. Nihil igitur nobis ambigendum est de ipsius potestate aut voluntate. Potest ipsa omnia, quoniam omnipotentis Dei vera Sponsa est, Christi omnium Creatoris et Domini vera et naturalis Mater; vult etiam, quoniam amantissima parens fidelium est, divina praedita ca-ritate, dulcissimae matris viscera erga nos gerit, sciens nos tantopere Deo et Christo Filio suo dilectos esse et caros, quam ei caro constitimus; magno enim pretio nos emit, *pretioso sanguine... Agni immaculati*⁴³ nos redemit.

Virgo Deipara
summopere
colenda, imi-
tanda,
invocanda

cum Ss. Patribus

et fidelibus

VI. Cum igitur Virgo Deipara apud Deum pro sua reverentia omnia possit, post Deum nobis summopere colenda est, veneranda, collaudanda, imitanda, invocanda. Post Deum, inquam, ne cum Colliridianis haereticis, quos Epiphanius disputatione confutavit,⁴⁴ eam faciamus deam aut ae-qualem Deo. Nam vere creatura Dei est, sicut Eva fuit, licet Sponsa et Mater sit Dei; sed tamen creatura omnium sub Deo excellentissima, quoniam, ut Chrysostomus ait, *Homilia in Domini Hipapante*, « in rerum universitate nihil maius aut praestantius extat Maria, nec aliud quidpiam inter aspectabilia et inaspectabilia praeclarius et excellentius invenitur ».⁴⁵ Quoniam etiam Damascenus ait, *De Dormitione Virginis*: « Maria res cunctas creatas superat ac omnibus dominatur operibus, quoniam eius est Mater qui Creator et Opifex et Dominus universorum exsistit »;⁴⁶ unde eam « animatum coelum, vitae thesaurum et abyssum gratiae » appellat.⁴⁷ Colenda nobis Virgo est, quoniam, ut Anselmus ait, « in tantam celsitudinem elevata est, ut eam dominam habeat et veneretur omnis pariter creatura »;⁴⁸ et omnia quae in coelo sunt Mariae glorificatione inaestima-biliter decorantur ».⁴⁹

Et quidem omnes Christifideles, pii et egregii Dei cultores, a prima aetate Ecclesiae Mariam Dei Matrem semper mirifice coluerunt, imitando tanquam exemplar divinum omnium virtutum, venerando tanquam sanctissimum Dei templum vivamque Divinitatis arcam, laudibus celebrando

43) 1 Petr 1, 23. 44) Cf. *Adversus Haereses, Haereses* 79. (P. G. 42,1057 sqq.). 45) Haec verba desiderantur in edit. Migne (P. G. 50, 807 sqq.); inveniuntur vero in Serm. *De Natali Domin. qui, sub D. Chrysostomi nomine, habetur in Brev. Rom. Comm. Fest. B. M. V. 2 Noct.* 46) *Homil. 2, n. 1. Ad sensum.* (P. G. 96, 868). 47) Loc. cit. n. 2. (P. G. 96, 870). 48) Lib. *De Ex-cellentia Virg.* cp. 12. (P. L. 159, 579). 49) Loc. cit. ep. 8. (P. L. 159, 573). Opus dubium.

tanquam super omnes mulieres benedictam, ut ab Angelo Gabriele prius et postea ab Elisabeth, Spiritu Sancto repleta, collaudata fuit; tandem suppliciter eam invocando tanquam matrem misericordiae singularemque humani generis adiutricem, patronam Ecclesiae et mediaticem inter Christum et homines.

Impii haeretici, filii satanae et fratres antichristi, Catholicos omnes procaciter proscindunt, idolatriae insimulantes et magnae impietatis iniuriam impingentes ob Sacrosanctae Deiparae cultum, quasi nos cum Collidianis haereticis Mariam ut deam colamus.⁵⁰ Sed *vae qui dicunt malum bonum et bonum malum, ponentes lucem in tenebras et tenebras in lucem.*⁵¹ Duces sequuntur caecos, caeci ipsi, a satana obcaecati. Nos Sanctorum vestigiis inherentes, qui non solum viri exstitere doctissimi et longe sapientissimi, verum etiam Dei cultores egregii, in cultu pietatis exercitatiissimi, errare nequaquam poterimus. Hi autem in cultu Virginis multi semper fuere, atque, ut pro sua virili Virginem imitarentur, honorarent, venerarentur, pro dignitate laudarent, et piis precibus invocarent, studium adhibuere non parvum aut mediocre, sed magnum, ingens, singulare.

contra haereticos, qui cultum Virginis mala fide rident.

VII. Aiunt haeretici Mariam sola imitatione colendam, cultum reliquum in Ecclesia erga Mariam idololatricum esse ac intollerandum errorem contra Dei legem, primi praecepti violationem, impiam superstitionem. Queruntur quod in cultu Mariae profundum nimis itum est, quod a Christo ad Mariam defecimus, quod ex creatura deam effecimus, quod eam maiori quam Christum honore dignamur. Aiunt vanum ac frustraneum esse laborem in Maria invocanda et salutanda, cum longissime absit, puta in coelo, nos autem in terra.⁵² Nos autem impios nebulones nihil moramur; colimus quidem Deiparam Virginem, honoramus, veneramus, adoramus; non tamen deam facimus, nec Deo aut Christo aequalem constituimus; non enim adoratione latriae, ut theologi dicunt, sed duliae aut iperduliae eam adoramus.

Objectiones
haereticorum
diluuntur ex
Patribus, ex
Scriptura, ex
exemplis San-
ctorum et
Ecclesiae, ex
ratione.

Rident ipsi, merito deridendi, theologicam hanc distinctionem tanquam humanum commentum,⁵³ cum tamen antiquissimi theologi, praeclara ac

Sententiae
Patrum.

50) Cf. Calvinum, *Comment in Io* ep. 2, t. 6; Lutherum, *Postil. circa Evang. in Nativit. Mariae.*

51) Is 5, 20.

52) Cf. Calvinum, praeter locum cit., *Harm. Evang. Lc* ep. 1 t. 6; Lutherum,

praeter locum cit., *Apolog. pro Cantico « Salve Regina »*; *Apol. Confes. an. 38, De Invoc. Sanct. et Postil. in Evang. Festor. Mariae; Centuriat. Cent. I, lib. 2.*

53) Cf. Lutherum, *Postil. in Epiph. Domini; Comment. in Dt* 6, 13.

nunquam satis laudata Ecclesiae lumina, eam agnoverunt: Beda, *in Lucam* cap. 4,⁵⁴ Damascenus, *Apolog.* cap. 3,⁵⁵ Basilius *ad Amphilochei* cap. 18.⁵⁶ Agnoverunt Patres Nicaenae Synodus act. 7;⁵⁷ agnoverit et docuit singulariter Augustinus, lib. 20 *Contra Faust.* cap. 2;⁵⁸ et lib. 6 *De Civit. Dei*;⁵⁹ lib. etiam 20 *Contra Faust.* cap. 21;⁶⁰ et lib. 10 *De Civit. Dei* cap. 1.⁶¹

Sensus
Scripturarum.

Sed si tacerent Doctores, an non legimus in Scripturis sine crimine adoratos esse a sanctis viris Angelos,⁶² adoratos etiam principes?⁶³ Num propterea idolatriae insimulandi sunt? Quis nescit quod alias honor est qui regi vel imperatori exhibetur, alias qui aulicis familiaribus ipsius? In aula autem regia primus, post regem et filium regni principem et heredem, reginae sponsae et matri, primus, inquam, defertur honor. Sic igitur et nos, post Deum omnium Creatorem et post Christum unicum Filium eius, altissimam hanc Reginam, Sponsam Dei et Matrem Christi, summo colamus pietatis affectu, summa religione veneremur, nec vano labore in ea colenda frustrabimus; ipsa nanque benedicta terra est, quae fructum centuplum reddit.⁶⁴

Non frustra
Virgo colitur,
quia ipsi
materna cura
est de nobis.

Nec putemus absentem aut longe distarem, ut preces votaque nostra non sentiat, nam, cum Deo praesens in eo omnia videat, videt utique et nos et vota precesque nostras. Neque enim instar idoli insensati est, ut oculos habeat et non videat, aures et non audiat;⁶⁵ nec sensus sopitos habet, aut nulla eam de nobis cura tangit, sed Christo simillima est Deoque ipsi. Sicut de Deo legimus: *Oculi Domini super iustos et aures eius ad preces eorum*,⁶⁶ et quod supra templum suum intentos oculos auresque et cor tenebat;⁶⁷ ita plane de Christo, ita de Virgine sentiendum est. Ipsi cura de nobis est, tanquam amantissimae matri de dilectissimis filiis; non enim, cum in coelum abiit, materna exuit viscera, aut caritatem abiecit, nam *caritas nunquam excidit*;⁶⁸ ardet in ipsis pectore caritas plusquam seraphica.

Christus e coelio
doloribus com-
patitur;

Et sicut de Christo Paulus ait: *Non enim habemus Pontificem, qui non possit compati infirmitatibus nostris*;⁶⁹ expertus loquebatur Paulus,

54) Vr. 8. (P. L. 92, 368). 55) *Orat. 3 De Imag.* n. 27 sqq. (P. G. 94, 358 sqq.). 56) Nn 45-46. (P. G. 32, 38). 57) 2 Synod. Nic. Ms.: habet: Act 3. 58) P. L. 42, 369. 59) *In Praefatione.* (P. L. 41, 173). 60) P. L. 42, 384 sqq. 61) P. L. 41, 277-78. 62) Cf. Gn 19, 1; Nm 22, 31; Jos 5, 15 et alibi. 63) Cf. 3 Rg 1, 16. 23. 47; 4 Rg 4, 37; Judt 10, 20 et alibi. 64) Cf. Lc 8, 8. 65) Cf. Ps 113, 5-6. 66) Ps 33, 16. 67) Cf. 3 Rg 9, 3. 68) 1 Cor 13, 8. 69) Hebr 4, 15.

nam, cum ipse Ecclesiam Christi persequeretur, et, tanquam infernalibus furiis exagitatus, Christifideles nullo loco pateretur consistere, compassus Christus fidelibus suis, de coelo descendit ad Paulum prosternendum et convertendum ex lupo et leone rugiente in agnum: *Saule, Saule, inquit, cur me persequeris...* *Ego sum Iesus Nazarenus, quem tu persequeris;*⁷⁰ et sicut sancti Angeli gaudere dicuntur et exultare in hominum salute⁷¹ sic et Angeli;
et amare flere in afflictionibus hominum; ^{71a} sicut et Deus ipse compati dicitur fidelibus suis in angustia positis, sicut Moysi dixit ex rubro quod, videns afflictionem populi sui, descenderit ad liberandos eos; ⁷² ita Virgo Deipara, Deo super omnes Sanctos et Electos simillima, divina praedita tum sapientia tum caritate, videt, piisque oculis nos semper aspicit, nostrisque afflictionibus materno affectu compatitur, sicut Filio suo compatiebatur in cruce. O illos beatos, qui Sacratissimam Virginem singulari prosequuntur piae devotionis affectu!

Multi sanctorum Patrum extitere qui in Deiparae cultu, in ea veneranda, celebranda, invocanda nunquam sibi satisfecisse visi sunt. Sic Bernardus devotissimus, sic Anselmus, sic Bonaventura, sic Bernardinus Senensis aliique permulti, qui in cultu Virginis supra modum seduli ac studiosi extitere.

Quanta autem fuerit semper in Ecclesia Dei toto christiano orbe pietas studiumque in cultu et veneratione Mariae, argumento sunt templa magnificenter ac sumptuosissime extorta, altaria summis sumptibus ornata; sunt sacrae imagines summa veneratione cultae, sunt dies festi ad illius honorem dedicati, ac tandem sedulum ac perpetuum studium eam invocandi ac salutandi in sacris precationibus ac divinis officiis. Sic modis omnibus sategit ac gestivit Ecclesia Christi gratam, plam et obsequentem se praebere Deiparae Virginis, a qua post Deum omne salutis nostrae beneficium agnoscit, et in cuius patrocinio post Christum spem omnem salutis, gratiae et vitae consequendae reposuit. Hinc Matrem Reginamque misericordiae, vitam, dulcedinem et salutem suam appellat in solemnii et suavissimo cantico, quo Deiparam Virginem saepe salutat atque precatur: « Salve, Regina, mater misericordiae, vita, dulcedo et spes nostra, salve », et concludens tandem: « O clemens, o pia, o dulcis Virgo Maria ».

Nec tamen iniuriam aliquam Christo irrogat Ecclesia, dum Matrem

sic et Angeli;

sic et Deus
et Maria.

Exempla San-
ctorum quoad
cultum Virginis.

Exempla
Ecclesiae.

Rationes pro
cultu Virginis:

70) Act 9, 3-5. 71) Cf. Lc 15, 10. 71 a) Cf. Is 33, 7. Sensu accommodato. 72) Cf. Ex 3, 8.

Reginam coeli appellat, quia parem Christo minime facit; sed tanquam vera Mater Christi ipsius ubique regnantis Regina in coelo creditur et adoratur. Nam etiam omnes Electi in coelo reges dicuntur: *Fecisti nos Deo nostro reges et sacerdotes, et regnabimus super terram.*⁷³ Sic viginti quatuor Seniores habent coronas aureas in capitibus,⁷⁴ et omnes pauperes spiritu a Christo possessores dicti sunt regni coelorum.⁷⁵ Quae igitur Christi est iniuria, si Mater eius, Sanctorum omnium sanctissima et Electorum electissima, Regina coeli nuncupatur? Si Deus Christum humiliatum exaltavit,⁷⁶ cur non Christus exaltatus Matrem humillimam exaltavit? *Omnis enim qui se humiliat, exaltabitur.*⁷⁷ Socia fuit passionum Christi, ergo et consolationis et conglorificationis, ergo et regni.⁷⁸

Virgo Regina
coeli est;

Virgo nobis
causa vitae;

Virgo etiam
spes nostra.

Exhortatio : ad
Mariam
confugamus.

Sic etiam absque ulla Christi iniuria dicitur vita et spes nostra. Non quidem sicut Christus, qui ait: *Ego sum lux mundi;*⁷⁹ *Ego veritas et vita;*⁸⁰ *Ego resurrectio et vita;*⁸¹ *Et vita erat lux hominum;*⁸² nec sicut de Deo legimus: *Tu es, Domine, spes mea,*⁸³ et: *Spes omnium finium terrae;*⁸⁴ sed vita, quia per ipsam «fructum vitae communicavimus»;⁸⁵ quia fructum vitae ipsa edidit, quia in spiritu Mater viventium, sicut Epiphanius eam appellavit;⁸⁶ quia Christum pariens facta nobis est causa vitae aeternae. Sic ipsa per Christum et post Christum universo mundo facta est causa vitae et salutis aeternae. Sic etiam spes nostra, quia mater dulcissima et pro nobis apud Christum Filium suum mediatrix et advocata, nihil obtinere intercessionibus suis non valens. Sic Bernardus, *De Nativitate Virginis*, eam appellavit scalam peccatorum, suamque maximam fiduciam omnemque spei suae rationem, et ad mediatorem Christum medicatrixem aptissimam facit.⁸⁷ Sic igitur, fratres, nos in Deipara Virgine omnem spem salutis nostrae post Christum reponamus, ipsam invocemus, ad ipsam confugamus; nam qui ipsam invenerit, *inveniet vitam, et hauriet salutem a Domino;*⁸⁸ thesaurum inveniet omnium gratiarum Dei. Amen.

73) Apc 5, 10.

74) Cf. Ibid. 4, 4.

75) Cf. Mt 5, 3.

76) Cf. Phil 2, 9.

77) Lc 14, 11.

78) Cf. 2 Cor 1, 7.

79) Io 8, 12.

80) Ibid. 14, 6.

81) Ibid. 11, 25.

82) Ibid. 1, 4.

83) Ps 90, 9.

84) Ps 64, 6. 85) Brev.

Rom. Offic. Parv. B. M. V. 4 Ant. ad Laudes.

87) N. 7. (P. L. 183, 1015).

86) Cf. *Adversus Haereses, Haeres.* 78. (P.

G. 42, 1050).

88) Prv 8, 35.

4.

IN CANTICUM VIRGINIS DEIPARAE

SERMONES DECEM

*Magnificat anima mea Dominum,
et exultavit spiritus meus in Deo salutari meo.
Quia respexit humilitatem ancillae suae, ecce enim ex hoc beatam
me dicent omnes generationes.
Quia fecit mihi magna qui potens est, et sanctum nomen eius.
Et misericordia eius a progenie in progenies, timentibus eum.
Pecit potentiam in brachio suo, dispersit superbos mente cordis sui.
Deposit potentes de sede, et exaltavit humiles.
Esurientes implevit bonis, et divites dimisit inanes.
Suscepit Israel puerum suum, recordatus misericordiae sua.
Sicut locutus est ad patres nostros, Abraham, et semini eius in
saecula. Lc 1, 46-55.*

SERMO PRIMUS

MAGNIFICAT CANTICUM LAUDIS

*Magnificat anima mea Dominum, et exultavit
spiritus meus, etc.*¹

I. Sicut Anna mater Samuelis ob susceptam divinitus optatissimam prolem, Divino Spiritu afflata, in laudem Dei et gratiarum actionem canticum cecinit, dicens: *Exultavit cor meum in Domino, et exaltatum est cornu meum in Deo meo, quia laetata sum in salutari tuo;*² ita plane Virgo Beatissima in hoc Cantico Deum collaudat.

II. Est autem mirabile triplici ex capite: ab auctore, ab actione et a subiecto vel obiecto divinae huius laudis et coelestis encomii. Ab auctore, nempe *anima et spiritu*; ab actione, *magnificat, exultavit*; a subiecto vel obiecto, *Dominum, in Deo salutari meo*. Nam etiam epica poesis, sive quod dicunt poema heroicum, tria requirit: subiectum, actionem, et finem; ut habeat unum principale subiectum quod celebrat, unam actionem et unum finem. Divini autem huius Cantici subiectum sive obiectum Deus est, quo maius excogitari non potest; actio, idest, divina laus res est plane angelica: *Beati qui habitant in domo tua, Domine, in saecula saeculorum laudabunt te.*³

III. Sed consideremus auctorem. *Magnificat anima mea Dominum, et exultavit spiritus meus. Anima et spiritus, mens et animus.* Ad illam spe-

Magnificat est
canticum laudis.

Tripliciter mi-
rabile: ab
auctore,
ab actione
ab obiecto.

Auctor laudis,
Maria,
nobilissima

1) Lc 1, 46-47 sqq.

2) 1 Rg 2, 1.

3) Ps 83, 5.

omnium
creatrarum.

Hominum
coelorumque
temperies.

ctat cognitio, ad hunc amor. Est quidem una tantum rationalis anima in homine, sed habet duas principales vires, vel, ut dicunt, potentias et quidem admodum differentes; una enim coelum amat calidum, altera frigidum. Hinc sub calidiori coelo sunt homines acutiori ingenio et mente praediti, sed non animo candidiore; sunt enim astutiores, sicut etiam obscuriori colore. E contra vero sub frigidiori coelo, sub ursa, sunt homines tardiori hebetiorique ingenio, sed animo candidiore sicut etiam colore; ita ut bonitas, idest, acumen ingenii incipere videatur ab Austro, et in Aquilone consumi finirique; bonitas vero, idest, candor animi e contra incipit ab Aquilone, et in Austro finitur. In mediis autem regionibus homines utrumque habent mediocre temperatumque.

In Virgine Beatissima utrumque optimum divinissimumque tum natura tum gratia. Nam mundus hic est divina arte compositus ad instar mirabilis illius statuae, quae in somnis divinitus ostensa fuit Nabuchodonosor regi; quae, cum haberet pedes fictiles, tibias habebat ferreas, crura cum ventre aenea, pectus brachiaque argentea, ac tandem aureum caput;⁴ superiores partes semper nobiliores erant. Ita plane hic mundus, cuius statua illa vel uti imago ac figura hieroglyphica fuit. Nam sicut homo parvus mundus est, ita mundus homo magnus est; superiores partes semper nobiliores habet; elementa superiora nobilia sunt: coeli, Angeli, Deus ipse.

Sicut autem Virgo Beatissima nunc quidem super omnes Angelos proxima Deo constituta est, utique propter animam virtutesque eius; ita anima ipsius summa nobilitate praedita est: aurum inter metalla, homo inter animalia, sol inter astra; unde sole amicta dicitur,⁵ sicut arca auro amicta in sancto sanctorum reposita.⁶

Quid anima.

De naturali anima multa in Divinis Litteris traduntur: substantia, quod sit spiritualis natura; itemque nobilitas et origo: *Inspiravit in faciem eius spiraculum vitae,*⁷ sive *vitarum*, ut hebr. est, propter immortalitatem; dignitas et excellentia, quod sit imago et similitudo Dei; actiones, quod det vitam sensumque et motum corpori: *Factus est homo in animam viventem,*⁸ aliaque multa. Sed praecipuum est quod sit capax Dei per cognitionem et amorem, capax Spiritus Sancti, capax Divinitatis, possitque cum Deo conversari Deoque frui. Sic: *Magnificat anima mea Dominum, et exultavit spiritus meus.*

4) Cf. Dn 2, 31-33.

5) Apc 12, 1.

6) Cf. Ex 25, 11.

7) Gn 2, 7.

8) Ibid. 2, 7.

IV. In rerum universitate conspicitur quod nobiliarum causarum nobiliores sunt etiam effectus: nobilior arbor nobiliores melioresque producit effectus, idest, fructus; nobiliores sunt operationes animae sentientis quam vegetantis, intelligentis quam sentientis. Cum igitur anima Virginis Beatissimae nobilissima sit omnium animarum post animam Christi, nobilissima ipsa sit dignissimaque omnium creaturarum, Regina etiam Angelorum; idipsum censendum est de his actionibus ipsius: *Magnificat anima mea Dominum, et exsultavit spiritus meus;* ipsa super omnes animas Angelosque Deum magnificavit, magnificatque. Haec actio est sicut radius solis inter radios, splendores omnium coelestium siderum; magis ipse solus quam omnes alii simul mundum illuminat; ita Virgo Beatissima super omnes creaturas Deum magnificat.

Actio laudis
proportionatur
nobilitati
animae Mariae.

V. Videtur Virgo Beatissima impossibile opus moliri, ut Deum, qui suapte natura immensus et infinitus est, velit magnificare, idest, maiorem facere. Quis enim posset coelum ipsum maius facere, mundum hunc maiorem reddere? Sed Virgo Beatissima Deum, quem effectu quidem in seipso maiorem reddere non potest, cupit affectu magis gloriosum reddere, saltem in nobis; sic enim dicitur: *Date magnificentiam Deo nostro.*⁹

Objectum laudis,
Deus non effectu
sed affectu maior
laude factus.

Potest fieri Deus maior in nobis, in cordibus nostris per maiorem cognitionem et amorem; sic Maria voluit Deum magnificare. Deinde sciebat ipsa quod Deus factus erat parvus in utero ipsius: *Parvulus natus est nobis.*¹⁰ *Qui, cum in forma Dei esset, non rapinam arbitratus est esse se aequalem Deo..., semetipsum exinanivit.*¹¹ Sic parvum factum utique magnificare potuit, et revera magnificavit; nam et concepit, et portavit in utero, et peperit, et lactavit uberibus, educavitque. O opus mirabile! O magnum miraculum! *Quis audivit unquam tale?* Aut *quis vidi huic simile?*¹² *Magnificat,* etc.

9) Dt 82, 2.

10) Is 9, 6.

11) Phil 2, 6-7.

12) Is 66, 7.

SERMO SECUNDUS

MAGNIFICAT CANTICUM SAPIENTIAE ET PIETATIS

Magnificat anima mea Dominum, et exultavit spiritus meus in Deo salutari meo, etc. ¹

Magnificat pri-
mum canticum
Novi Testamenti.

I. Primum canticum Novi Testamenti est divinissimum hoc Sacratissimae Virginis Deiparae Canticum. Sicut autem primum canticum Veteris Testamenti pro salute populi Dei et liberatione, in mari Rubro demerso Pharaone, cantatum fuit a Maria prophetissa sorore Moysi;² sic primum Canticum Novi Testamenti a Maria principe prophetarum, Matre Christi, vere Deipara: *Et ait Maria: Magnificat anima mea Dominum.*

Canticum sa-
pientia et pietate
plenum, quia
persona canens
in sapientia et
pietate periecta.

II. Divinissimum autem hoc Canticum plenum est sapientia et pietate. Inter praecipuas enim laudes mulieris fortis, cuius veluti ideam formavit ac vivis coloribus imaginem depinxit Salomon, haec una praecipua est: *Os suum aperuit sapientiae, et lex clementiae in lingua eius,*³ hebr. *et lex pietatis super linguam tuam;* illud autem sapientiae, hebr. est *in sapientia sive cum sapientia,* idest sapienter et pie loquitur.

Sed quaenam est idea mulieris perfectissimae et numeris omnibus absolutissimae, nisi Virgo Sanctissima, quae propterea ab Angelo dicta est *gratia plena?*⁴ Hinc in *Canticis* saepe laudatur Sponsae eloquium: *Sonet vox tua in auribus meis, vox enim tua dulcis.*⁵ *Sicut vitta coccinea*

1) Lc 1, 47.

2) Cf. Ex 15, 20.

3) Prv 31, 26.

4) Lc 1, 28.

5) Ct 2, 14.

*labia tua et eloquium tuum dulce; favus distillans labia tua, mel et lac sub lingua tua.*⁶ Nam, ut Salomon in Proverb. 16 ait: *Favus mellis labia composita,*⁷ idest, sermo elegans, eruditus; et 24: *Comede, fili mi, mel, quia bonum est, et favum dulcissimum gutturi tuo; sic et doctrina sapientiae animae tuae.*⁸ Sic igitur Canticum hoc Virginis Deiparae plenum est melle sapientiae et pietatis.

Non sine ratione autem existimo dixisse Salomonem quod *aperuit os suum*. Tenebat os clausum, servabat silentium. Rara avis silentium in muliere. Hoc est quod ait: *Sicut vitta coccinea labia tua*. Comparat labia Sponsae vittae muliebri, qua sparsos crines colligunt dum caput componunt. Hinc etiam de ea dicitur: *Hortus conclusus, soror mea sponsa, hortus conclusus, fons signatus,*⁹ idest, obsignatus. Clausura nanque haec silentium designat, nam Sapiens Proverb. 25 ait: *Sicut urbs patens et absque murorum ambitu, ita vir qui non potest in loquendo cohibere spiritum suum.*¹⁰

Septies tantum locutam legimus Virginem Deiparam: bis cum Angelo: *Quomodo fiet istud...? ... Ecce ancilla Domini;*¹¹ tertio cum salutavit Elisabeth; ¹² alia vice cum Dominum invenit in templo: *Fili, quid fecisti nobis sic?... Ego et pater tuus, etc.;*¹³ iterum ad Christum in nuptiis: *Vinum non habent, et ad ministros: Quodcumque dixerit vobis, facite;*¹⁴ tandem cum Canticum divinissimum cecinit: *Et ait Maria: Magnificat anima mea Dominum, etc.*

Silentium
Virginis.

Septies
Virgo locuta.

Item, quia
persona canens
plena Spiritu
Sancto est.

Non dicitur hic de Virgine quod repleta fuerit Spiritu Sancto, sicut de Elisabeth, sicut de Zacharia, qui repletus Spiritu Sancto ait: *Benedictus Dominus Deus Israel,*¹⁵ quoniam ipsa iam multo ante repleta fuerat: *Spiritus Sanctus superveniet in te.*¹⁶ Ex afflato tamen Spiritus Sancti loquitur. Hinc in *Canticis* dicitur: *Quae habitas in hortis, amici auscultant te; fac me audire vocem tuam.*¹⁷ Cecinit Maria soror Moysi, Divino Spiritu afflata, canticum coram omnibus filiis Israel; Virgo autem Deipara coram Angelis: *Amici auscultant te, idest, parati sunt ut canticum tuum auscultent: Fac me audire vocem tuam.* Praefert Dominus vocem Virginis voci Angelorum, quae est *sicut citharoedorum citharizantium in citharis suis;*¹⁸ multo enim dulcior multoque suavior et iucundior est auribus Dei

6) Ct 4, 3. 11.
11) Lc 1, 34. 38.
16) Ibid. 1, 35.

7) Vr. 24.
12) Cf. ibid. 1, 40.
17) Ct 8, 13.

8) Vrr. 13-14.
13) Ibid. 2, 48.
18) Apc 14, 2.

9) Ct 4, 12.
14) Io 2, 3. 5.
15) Lc 1, 67.

10) Vr. 28.

vox Virginis voce Angelorum, imo ipsis etiam Angelis iucundissima est : *Amici auscultant te.*

Maria soror
Moysi, Spiritu S.
afflante, canit;

Mirum autem videri potest quod, cum introducitur in Veteri Testamento Maria canens primum illud canticum, introducitur multa cum maiestate; nam appellatur prophetis, soror Moysi, qui dux et imperator erat Hebraeorum; introducitur princeps omnium seminarum israelitarum. De Virgine autem Sanctissima nihil dicitur, sed tantum: *Ait Maria. Bone Deus, quanta verborum parsimonia!* Sed iam Evangelista declaraverat qualis et quanta esset haec Maria testimonio Archangeli Gabrielis et testimonio Elisabeth, imo Spiritus Sancti per os ipsius Elisabeth.

Ita
Virgo Deipara.

Canticum prioris illius Mariae plenum est divina sapientia, quoniam Spiritu Sancto afflata loquebatur; plenum etiam pietate erga Deum, quoniam in eo gratias agebat Deo, bonorum omnium largitori, pro accepto salutis beneficio: *Cantemus Domino, gloriose enim magnificatus est... Iste Deus meus et glorificabo eum; Deus patris mei, et exaltabo eum, etc.*^{18a} Similiter Canticum Virginis Deiparae plenum est insigni tum sapientia tum pietate; tanto autem insigniori quanto haec illa insignior; illa enim serva Dei, haec Mater Dei et Domina Angelorum, omniumque supercoelestium spirituum.

*Magnificat est
canticum sa-
plentiae, quia
de Deo altissime
loquitur; pie-
tatis, quia Deo
gratias agit,
et pleno
cordis affectu.*

III. Plenum est hoc Canticum divina sapientia, quoniam de Deo altissime loquitur, sicut illa Maria, sicut Debora,¹⁹ sicut Anna mater Samuelis,^{19a} quae, Divino Spiritu afflatae, divina mysteria cecinere; loquitur de Deo: *Magnificat anima mea Dominum, et exultavit spiritus... in Deo salutari meo,* eumque ostendit et universi totius Dominum ac Moderatorem, et cuiuscumque creaturae particularis Opificem et Servatorem.

Ideo ab universali ad particulare descendit. Ostendit divinam providentiam: *Respxit humilitatem ancillae suae;* ostendit divinas qualitates: *Fecit mihi magna qui potens est, et sanctum nomen eius, et misericordia eius,* etc.; ostendit divina opera: *Fecit potentiam in brachio suo, dispersit superbos mente cordis sui.*²⁰

Saplentia
Deiparae.

Cum autem recta philosophia de re quacumque tria ostendenda esse decernat: quid sit, quid possit, quid operetur; Virgo Sanctissima, tanquam summa ac sapientissima magistra theologie, de Deo haec tria canit: quod

18a) Ex 15, 1-2.

19) Cf. Idc 5, 1 sqq.

19a) Cf. 1 Rg 2, 1 sqq.

20) Lc 1, 48-51.

sit natura Dominus rerum omnium, quod virtute sit omnipotens, quod multa et mira est operatus. Sic, cum esset Virgo Deipara Spiritu Sancto plena, habuit utique spiritum sapientiae et intellectus, nam haec prima sunt Spiritus Sancti dona.

Nec solum divinae sapientiae splendore plenum est hoc Deiparae Pietas Deiparae.
 Virginis Mariae Canticum, verum etiam insigni pietate et summa erga Deum religione, magna animi gratitudine: *Magnificat anima mea Dominum..., quia fecit mihi magna qui potens est.* Pro magnis acceptis beneficiis gratissimo animo piissimoque summas gratias agit; hinc ait: *Magnificat anima mea... et spiritus meus:* Deum ex toto corde laudo, eique ex intimis praecordiis qualescumque possum gratias ago. Hinc cum Virgo Deipara summis laudibus ab Elisabeth super sidera, imo super Angelos extolleretur: *Unde hoc mihi ut mater Domini mei veniat ad me?... Benedicta tu in mulieribus...; beata quae credidisti;* ^{20^a} ipsa laudes omnes in Deum refert, divinaque beneficia non suis meritis, sed divinae adscribit bonitati.

Deum hic laudat summo cum caritatis affectu summoque cum spiritus fervore: *Magnificat anima mea Dominum, et exultavit spiritus meus in Deo salutari meo.* Quid est *salutari meo?* Verba sunt magni affectus. Sicut Regius Vates saepe de Deo loquebatur, Deumque suum appellabat: *Rex meus et Deus meus;* ²¹ *Deus cordis mei et pars mea Deus in aeternum;* ^{21^a} sicut Paulus: *In fide vivo Filii Dei, qui dilexit me, et tradidit animam suam pro me,* ²² universale beneficium salutis totius mundi suum dicebat, suumque particulare existimabat, ac si pro ipso tantum mortuus fuisset Christus; sic Virgo Deum dicit Salvatorem suum particularem.

Quod etiam magna cum ratione dicere potest, nam salvata quidem ipsa est a peccato, ad quod venit Christus: *Ipse enim salvum faciet populum suum a peccatis eorum;* ²³ sed salvata per praeservationem, ne incideret in peccatum. Christus enim perfectus fuit Salvator; in Virgine autem ostendere voluit se salvare posse etiam praeservando, nedum iustificando, a peccato erigendo lapsos. Sic in primo cantico Veteris Testamenti dicitur: *Dominus... factus est mihi in salutem;* ²⁴ nam nisi Dominus divinum mi-

*Fervor spiritus
Mariae.*

*Maria per
praeservationem
salvata.*

20^a) Lc 1, 43, 42, 45. Vulg. habet: *Benedicta inter mulieres.* 21) Ps 43, 5. 21^a) Ps 72, 26.

22) Gal 2, 20. Vulg. loc.: *Animam suam,* habet: *Semet ipsum.* 23) Mt 1, 21. 24) Ex 15, 2.

raculum operatus fuisset, in mari Rubro periissent Hebrei sicut Aegyptii. Salvavit igitur populum praeservando a morte. Sic ait hic Virgo Deipara.

Item est cantus
cum sapientiae,
quia agnoscit et
laudat magni-
tudinem Dei;
pietatis, quia in
Deo exultat.

Corona
sponsorum.

IV. Cum autem in toto hoc Cantico divina quaedam lux sapientiae et pietatis in Virgine Deipara resplendeat, singulariter tamen in primis hisce verbis: *Magnificat anima mea Dominum*. An ignorabat Virgo Deum immensum et infinitum esse, ita ut maior fieri non possit? Quis hoc ignorat? Magnificabat quidem ipsa Deum hominem factum tum in utero tum etiam extra uterum, lactando, nutriendo, educando; unde ornatum se a matre in *Canticis* ipse agnoscit et fatetur: *Egredimini, filiae Ierusalem, et videte regem Salomonem in diadema, quo coronavit eum mater sua in die desponsationis suae et in die laetitiae cordis sui.*²⁵ Alludit ad antiquum priscorum morem, quo sponsi in die desponsationis non solum cultius ornabantur, verum etiam coronis redimici apparebant: *Tanquam sponsum decoratum corona*, ait Isaías;²⁶ unde etiam extat illud Plauti: « Hic autem cum corona candide, laute vestitus ». ²⁷ Hic autem mos adhuc in Germania viget. Ornatus igitur et coronatus dicitur a Matre tanquam sponsus in die desponsationis et laetitiae cordis sui, idest, summopere ornatus ac decoratus egressus a Virgine fuit. Hinc autem ait: *Magnificat anima mea Dominum*, sicut Regius Vates: *Magnificate Dominum tecum, et exaltemus nomen eius in ipsum*,²⁸ idest, magnitudinem Dei laudibus extollamus.

Cognitio et
amor Dei.

Magnificat anima mea Dominum. Agnoscit anima mea magnitudinem Dei; haec vera sapientia est Deum cognoscere. *Et exultavit spiritus meus in Deo salutari meo*; haec vera pietas est in Deo exultari et laetari. Coniungit hic Virgo intellectum cum voluntate, et utriusque potentiae Deum ponit obiectum. Intellectus Deum agnoscebat, voluntate summopere diligebat suavissima dilectione, ita ut prae ingenti cordis laetitia spiritus intra ipsam exultaret. Summa sapientia est Deum agnoscere magnum Dominum; summa pietas Deum summum Benefactorem ex toto corde diligere.

In *Canticis* duo singulariter de Sponsa dicuntur: alterum cognitio Sponsi: *Dilectus meus candidus et rubicundus, electus ex millibus, caput eius aurum optimum*, etc.;²⁹ alterum vero amor: *Dilectus meus mihi et ego illi...; amore langueo*;^{29a} itemque: *Fasciculus myrrhae dilectus meus*

25) Cf 3, 11.

26) Is 61, 10.

27) Cas. 4, 1. 10.

28) Ps 33, 4.

29) Cf 5, 10-11.

29a) Ibid. 2, 16. 5.

*mihi, inter ubera mea commorabitur.*³⁰ O quale erat Virginis Deiparae cor, tanta plenum sapientia et pietate, cognitione et amore Dei! *Magnificat anima mea Dominum.*

Nihil aliud magnum existimabat Virgo; aiebat cum Regio Vate: *Quid enim mihi est in coelo, et a te quid volui super terram? Deus cordis mei, utique obiectum, et pars mea Deus in aeternum,*³¹ idest, omne bonum meum. Hinc appellat eum *Deum cordis sui*, idest, in quo reposuerat omne desiderium cordis sui omnemque thesaurum suum.

Oritur autem amor ex cognitione boni; quo autem perfectior cognitio, eo perfectior est etiam dilectio. In Virgine autem perfecta fuit Dei cognitio. Hinc Sponsa in *Canticis* praeter generalem quandam Sponsi cognitionem: *Dilectus meus candidus et rubicundus, electus ex millibus*, hebr. *vexillatus inter decem millia*, idest, pulcherrimus omnium; verum etiam per partes eum describit: *Caput eius aurum optimum... Manus illius tornatiles, aureae, plena hyacinthis. Venter eius eburneus*, idest, corpus ipsius, *distinctum sapphiris. Crura illius columnae marmoreae..., fundatae super bases aureas.*³²

In Virgine perfecta Dei cognitio, quia perfecte describit Dilectum.

Et adhuc caput per partes describit, non solum in genere; nam describit capillos, oculos, genas, labia.³³ Ac tandem iterum ad generalia: *Species eius, idest aspectus, ut Libani, electus ut cedrus, guttur eius suavissimum, et totus ipse desiderabilis,*³⁴ hebr. *totus ipse desideria*, idest, omne quod desiderari potest reperitur in eo. Libanus mons altissimus est et amoenissimus, aspectu pulcherrimus; sic cedrus procula et pulchra nimis arbor. Sed tandem inquit: *Guttur ipsius dulcedines, et totus ipse desideria; talis est dilectus meus.*³⁵ Qui etiam dicitur hic *dilectus prae dilecto*,³⁶ idest, maiori dignus amore quo omnis filius dilectus.

Sic luce clarius cernitur quanta Virgo Deipara plena sapientia erat, quam perfecta Dei cognitione praedita, cum tam exacte per partes eum describat. Ita in hoc Cantico Deum appellat absolute Dominum et Salvatorem suum; potentem, sanctum et misericordem dicit aeternumque Numen. Ex tam perfecta cognitione perfectus erat in ea amor.

30) Ibid. 1, 12.

31) Ps 72, 25-26.

32) Ct 5, 11. 14-15.

33) Cf. ibid. 5, 11-13.

34) Ibid. 5, 15-16.

35) Ibid. 5, 16. *Dulcedines* ex hebr.

36) Ibid. 5, 9. Vulg. habet: *Ex dilecto.*

SERMO TERTIUS

MAGNIFICAT CANTICUM EXCELLENTIAE

*Magnificat anima mea Dominum.*¹

Magnificat
xcellentissimum
ab auctore,
subiecto, causa,
arte.

I. Divinum hoc Virginis Deiparae Canticum omnium plane excellen-
tissimum est, ita ut merito dici possit Canticum canticorum multis ex ca-
pitibus, sed praecipue ex quatuor: ab auctore, a subiecto, a causa
et a divina eloquentia, arte et sapientia qua compositum est. Auctor
ab Evangelista simplicissime ponitur: *Et dixit Maria;* subiectum Deus
ipse est: *Magnificat anima mea Dominum;* causa magnitudo accepti be-
neficii: *Quia fecit mihi magna qui potens est;*² ars et sapientia qua
compositum supernaturalis et divina est, nam Divino Spiritu afflata divi-
nissimum hoc Carmen composuit ac cecinit.

Auctor Cantici
Virgo de regia
stirpe, sed
humilis, affec-
tuosa, fervida,
Deo simillima.

II. *Et ait Maria.* En auctor Cantici huius encomiastici.^{2a} *Ait Maria.*
Quaenam est ista Maria? Non dicitur hic Maria soror Moysi, prophetis,
princeps israeliticarum mulierum, nobilissima; sed tantum: *Ait Maria.* At
vero iam declaraverat Evangelista magnitudinem eius: quod Virgo erat
de regia Davidis stirpe, ad quam Deus dignatus fuit Angelum Gabrielem
legatum mittere, ut eam in sponsam tanquam paranymphus reconciliaret
ipsi altissimo regum Regi et Domino universae creaturae.³

Humilis rever-
tentia Mariæ.

Magnificat anima mea Dominum. Non dicit, ut dicere iure potuisset:
Sponsum meum, Filium meum; sed sicut prius dixerat: *Ecce ancilla Do-*

1) Lc 1, 46.

2) Ibid. 1, 49.

2a) Ms.: *Enconomastici.*

3) Cf. Lc 1, 26 sqq.

*mini, fiat mihi secundum verbum tuum,*⁴ ita hic Deum Dominum suum agnoscit et confitetur, ut sciamus quod ipsa quo familiarius Deo fruebatur, eo magis reverebatur, maiorique cum reverentia colebat; sicut etiam apud Isaiam de Seraphim legimus quod summa cum reverentia coram Deo adstabant, eique trisagium canebant.⁵

Magnificat anima mea. Non ait: Lingua mea; nam multi Deum lingua, non anima laudant, sicut ipsemet Deus apud Isaiam ait: *Populus hic labiis me honorat, cor autem eorum longe est a me;*⁶ sed *anima,* inquit, *mea,* quoniam ex animo, ex toto corde, Divino Spiritu afflata, Deum laudabat. Sic Regius Vates animam suam ad laudandum Deum excitatbat, dicens: *Benedic, anima mea, Domino, et omnia quae intra me sunt nomini sancto eius. Benedic, anima mea, Domino, et noli oblitisci omnes,* etc.⁷

Magnificat anima mea Dominum. Animus meus Deum super omnia magnificat, rebusque omnibus creatis longissime antefert, ita ut dicere posset: *Quid enim mihi est in coelo, et a te quid volui super terram?* *Defecit caro mea et cor meum, Deus cordis mei, et pars mea Deus in aeternum.*⁸

Magnificat anima mea Dominum, quia non potest lingua mea. Sicut enim Paulus raptus in paradisum, cum audisset arcana verba, ait: *Quae non licet homini loqui,*⁹ idest, quae ineffabilia sunt, verbis consequi non possunt; ita plane Virgo divinam quidem magnitudinem agnoscebat mente, sed lingua explicare non poterat. Sic anima, non lingua, Deum laudabat.

Magnificat anima mea Dominum, tanquam imago ad vivum, ad naturalem suum prototypum; quia anima Virginis Deiparae magna erat ingenio, iudicio, intellectu, mente, animo, virtute, sapientia, bonitate et sanctitate; revera Deum, cuius erat imago simillima, magnum exhibebat.

Maria
Deo simillima.

III. *Exultavit spiritus meus in Deo salutari meo.* Sacrae Litterae duo vel maxime de Deo praedicant: maiestatem et bonitatem, sicut Seraphim apud Isaiam: *Sanctus, sanctus, sanctus Dominus Deus exercituum, plena est omnis terra gloria eius,*¹⁰ idest, maiestate eius. Ad maiestatem spectat omnipotentia, summa sapientia, infinita magnitudo, immensitas; ad bonitatem sanctitas, pietas, misericordia, caritas. Illa parit in anima admiratio-

Obiectum Can-
tici est Deus,
summa bonitas
in se.

4) Ibid. 1, 38.

5) 6, 3.

6) 29, 13 a D. Matthaeo 15, 8 citat.

7) Ps 102, 1-2.

8) Ps 72, 25-26.

9) 2 Cor 12, 4.

10) Is 6, 3.

nem, reverentiam, timorem, venerationem; haec autem gaudium et amorem magnamque consolationem. Duo haec complexa est Virgo Deipara: *Magnificat anima mea Dominum*, hic celebrat maiestatem; *Exultavit spiritus meus in Deo salutari meo*,¹¹ hic laudat bonitatem; gustaverat enim quoniam suavis est Dominus.¹²

Canticum Annæ
et Canticum
Mariae.

Sic Anna mater Samuelis: *Exultavit cor meum in Domino, et exaltatum est cornu meum in Deo meo.*¹³ Oritur in animo gaudium ex consecutione ac fruitione boni valde optati, sicut in Anna accepto divinitus optatissimo filio. At vero exultatio non qualemcumque gaudium, sed valde magnum significat; profecto quia a Deo bonum revera magnum consecuta fuerat. *Exultavit spiritus meus in Deo salutari meo.* Tunc exultare dicitur spiritus cum prae gaudii magnitudine veluti saltare et exilire videtur; sic: *Exultavit in gaudio infans in utero meo.*¹⁴

Causa Cantici
Deus est
summus bene-
factor, praesertim
erga Canentem.

IV. Salvatorem autem dicit sumмum benefactorem, sicut postea explicat: *Quia fecit mihi magna qui potens est.* Cum anima, idest, mens in contemplatione Dei magnitudinem practice cognoscit, tunc spiritus, idest, animus magna fruitur consolatione, cor magno repletur gaudio. Sicut autem, oriente sole, lux calorem praecedit, ita lux cognitionis divinae calorem exultationis. Hinc prius ait: *Magnificat anima mea Dominum*, et postea: *Exultavit spiritus meus in Deo salutari meo.* Sic ponitur Deus obiectum cum intellectus tum etiam voluntatis; illum replet sapientia, hanc vero consolatione, laetitia, gaudio. *Exultavit spiritus meus*, non in mundo aut mundanis rebus, non in re aliqua creata, sed *in Deo salutari meo*, qui thesaurus infinitus est omnium bonorum. Ostendit quaenam sit vera materia gaudii, nempe Deus ipse, qui et summa bonitas est et summus benefactor beatificatorque.

Deus, Dominus
et Salvator.

In Deo salutari meo. Non dixit: *Magnificat anima mea Dominum meum*, sed *Dominum*; nunc Deum dicit non simpliciter Salvatorem, sed suum: *In Deo salutari meo.* Deus absolute *Dominus* dicitur, quia universalis et absolutus est rerum ~~omnium~~ Dominus. At vero non ita Salvator est omnium, sicut Dominus, nam Dominus est etiam daemonum omniumque reproborum, qui in die iudicii collocandi sunt ad sinistram Christi et in aeternum dammandi; sed Salvator est tantum fidelium, sed vere fidelium. Paulus ait quod Deus *Salvator est omnium hominum*,

11) Lc 1, 47.

12) Ps 33, 9.

13) 1 Rg 2, 1.

14) Lc 1, 44.

*maxime vero fidelium,*¹⁵ idest, salvare cupit omnes homines, maxime vero fideles; vult enim *omnes homines salvos fieri et ad agnitionem veritatis pervenire,*¹⁶ sed non salvabitur nisi fidelis anima, Deiparae Virgini similis. Ait etiam: *Salutari meo*, sicut Thomas: *Dominus meus et Deus meus,*¹⁷ sicut Regius Vates: *Rex meus et Deus meus,*¹⁸ sicut Paulus: *Qui dilexit me et posuit animam suam pro me.*¹⁹ Deus quidem pro salute omnium et singulorum omnia operatur, et ita omnium ut etiam singulorum, sicut sol ita omnes illuminat, quasi pro singulis creatus esset.

V. Et ait Maria: *Magnificat anima mea Dominum.* Vere ex afflato et impulsu Spiritus Sancti divinum hoc Carmen Maria elocuta est, nam vere in eo Spiritu Sancto repleta conspicue cernitur, spiritu fidei, spiritu caritatis, spiritu humilitatis, spiritu devotionis et pietatis, spiritu sapientiae et intellectus, spiritu gratiarum actionis, et tandem spiritu etiam prophetiae. Sic Maria fuit prophetis sicut soror Moysi: *Ecce... ex hoc beatam me dicent,* etc.²⁰ Nec tantum plena spiritu prophetiae, sed spiritu septuplici sicut Dominus: *Requiescat super eum Spiritus Domini.*²¹ Plena spiritu fidei, nam plenum est Canticum cognitione Dei divinorumque attributorum et operum, quae nonnisi per fidem cognoscuntur: *Beata quae credidisti.*²² Spiritu caritatis; hinc toto spiritu laudat Dominum: *Exultavit spiritus meus. Fructus autem spiritus est caritas, gaudium, pax,*²³ spiritualis laetitia in Dei cultu et sancta oratione; cum Domino conversari^{23*} signum est caritatis, nam cum dilectis conversamur libenter et cum gustu. Spiritu devotionis, nam orat cum tota anima totoque spiritu, cum intellectu et affectu devotionis: *Orabo spiritu, orabo et mente, psallam spiritu, psallam et mente;*²⁴ ita hic Virgo Beatissima. Spiritu sapientiae, nam loquitur de altissimis mysteriis divinae electionis. Spiritu humilitatis, nam tacet proprias laudes, refertque in Deum, tumque divinas laudes canit: *Magnificat anima mea Dominum;* non dicit: Patrem meum, Sponsum meum, Filium meum, sed *Dominum;* ancillam se dicit: *Ecce ancilla Domini.* Tandem spiritu gratiarum et gratitudinis; a Deo dilecta, laudata, beneficiis affecta, gratias Deo agit corde, ore et opere. Sic animo gratissima est Virgo Beatissima erga Deum et erga homines: terra benedicta, quae cultoribus suis reddit fructum centuplum;²⁵ magnificata magnificat.

Ars, qua compo-
situm Canticum,
est divina ex
septuplici
Spiritus Sancti
dono.

15) 1 Tim 4, 10. 16) Ibid. 2, 4. Vulg. loc.: *Pervenire*, habet: *Venire.* 17) Io 20, 28. 18) Ps 43, 5. 19) Gal 2, 20. Vulg. habet: *Qui... et tradidit semetipsum,* etc. 20) Lc 1, 48. 21) Is 11, 2. 22) Lc 1, 45. 23) Gal 5, 22. 23 a) Ms.: *Conversantes.* 24) 1 Cor 14, 15. 25) Cf. Lc 8, 8.

SERMO QUARTUS

MAGNIFICAT CANTICUM ENCOMII, GRATIARUM ACTIONIS, GRATITUDINIS ET GAUDII

Et ait Maria: Magnificat anima mea Dominum. ¹

Quatuor consideranda in
Cantico
Deiparae,

sicut in primo
cantico
Scripturarum,
sororis Moysi.

I. In divinissimo hoc Cantico quatuor nobis consideranda sunt, sicut in primo cantico Divinarum Scripturarum: auctor, quis cantat, quid canitur, quomodo canitur, et ad quid canitur.

Primum canticum cecinit Maria soror Moysi; cecinit laudes Dei, cecinit magna cum animi exultatione; nam: *Sumpsit Maria tympanum, et egressae sunt omnes mulieres post eam in tympanis et choris, quibus ipsa praecinebat, dicens: Cantemus Domino, gloriose enim magnificatus est.* ² Cecinit autem ad gratias agendas Deo pro insigni beneficio. Sic utique in hoc divino Cantico quatuor haec inveniuntur. Canit Maria, canit divinas laudes, unde canticum enconomasticum est; canit summa cum pietate et toto animi affectu; hinc ait: *Magnificat anima mea Dominum, et exultavit spiritus meus;* canit ad gratias agendas Deo pro summis beneficiis: *Quia, inquit, fecit mihi magna qui potens est,* ^{2a} ita ut sit canticum simul encomiasticum et eucharisticum nec non et gratulatorium.

Humilitas
Deiparae, quae
non se sed:
Deum laudat.

II. Tria autem in animo Virginis Sacratissimae consideranda se offrent. Primum quidem humilitas, qua, summis laudibus ab Elisabeth Spiritu Sancto plena ac ex divino afflatu affecta, nihil sibi tribuit, sed omnem laudem in Deum refert. Laudata supra modum, nonnisi Deum laudandum praedicat, a quo *omne datum optimum et omne donum perfectum.* ³

1) Lc 1, 46.

2) Ex 15, 20-21.

2a) Lc 1, 47. 49.

3) Iac 1, 17.

III. Deinde devotio, pietas, religio. Nam laudat Deum non tantum lingua sicut multi, de quibus Dominus: *Populus hic labiis me honorat, cor autem eorum longe est a me;*⁴ laudat ex toto corde, ex animo: *Magnificat anima mea Dominum,* etc.; laudat Deum mente et intellectu, cognoscendo magnitudinem divinae potentiae et bonitatis ex magnitudine divinorum beneficiorum; laudat summo animi affectu, summam bonitatem ex corde diligendo. Licet enim anima et spiritus aliquando in Divinis Litteris distincta reperiantur, uti apud Paulum: *Usque ad divisionem animae et spiritus;*⁵ et: *Factus est primus homo... in animam viventem, secundus autem in spiritum vivificantem;*⁶ una tamen et eadem res est anima et spiritus. Sed anima dicitur respectu corporis, cui dat vitam, motum et sensum; spiritus quatenus substantia incorporea est, per se subsistens, Deo similis. Hic tamen anima pro mente, qua Deum cognoscimus, spiritus autem pro animo et voluntate, qua Deum amamus, posita sunt; in Divinis autem laudibus necesse est ut haec simul coniuncta sint. Sic Virgo Beatissima in hoc Cantico Deum adorat in spiritu et voluntate et, ut Paulus ait, orat spiritu, orat et mente, psallit spiritu, psallit et mente^{6a}

Devotio
Deiparae, quae
laudat Deum
ex toto corde.

Anima et spiritus
eadem res.

IV. Tertio conspicua est summa animi gratitudo, qua Deus summopere delectatur: *Magnificat anima mea Dominum... quia fecit mihi magna,* etc. Agnoscit beneficia divinitus sibi collata, summoque Benefactori pro sua virili summopere gratam se exhibet animo, lingua, opere; nam etiam operibus Deum laudamus et Deo gratias agimus. Hinc ait: *Ut videant opera vestra bona, et glorificent Patrem;*⁷ hinc legimus: *Sacrificia laudis;*⁸ hinc David, memor divinorum beneficiorum, voluit templum Deo aedificare.⁹ Sic Virgo Beatissima Deo gratias egit animo et spiritu, simul et ore: *Ait Maria: Magnificat anima mea;* simul etiam opere, nam ex divino afflato ad hoc venit in montana Iudeae, et intravit in domum Zchariae, et salutavit Elisabeth, utique pro gloria Dei.¹⁰

Gratitudo
Deiparae quae
gratias agit Deo
animo,
lingua, opere.

A Deo magnificata, Deum magnificat.

Magnificat anima mea Dominum. Magnificata a Domino, sicut de Salomone legimus: *Magnificavit Dominus Salomonem super omnem Israel,* *I Paralip.* 29;¹¹ sic, inquam, Virgo Beatissima magnificata a Deo super omnem creaturam, Dominum magnificat.

4) Mt 15, 8. 5) Hebr 4, 12. 6) 1 Cor 15, 45. Vulg. loc.: *Secundus autem, habet: Novissimus Adam.* 6a) Cf. ibid. 14, 15. 7) Mt 5, 16. 8) Ps 49, 14, 23. Vulg. habet: *Sacrificium.* 9) Cf. 1 Par 22, 1 sqq. 10) Cf. Lc 1, 39 sqq. 11) Vr. 25.

Gaudium spirituale Deiparae.

V. Praeterea cernitur in hoc Cantico gaudium spirituale, quod est Spiritus Sancti fructus, ut Paulus ait: *Fructus autem Spiritus est caritas, gaudium, pax,*¹² quod alibi appellat *gaudium in Spiritu Sancto;*¹³ sicut de Domino legimus quod *exultavit in Spiritu Sancto, et dixit: Confiteor tibi, Pater, Domine, etc.*¹⁴ de quo Regius Vates: *Anima autem mea exultabit in Domino, et delectabitur in salutari suo.*¹⁵ Sic Virgo Beatissima ait: *Exultavit spiritus meus in Deo salutari meo;* sicut Anna mater Samuelis: *Exultavit cor meum in Domino, et exaltatum, idest, quia exaltatum est cornu meum in Deo meo; dilatum est os meum, nempe ad divinas laudes, quia laetata sum in salutari meo;*¹⁶ et Habacuc: *Ego autem in Domino gaudebo, et exultabo in Deo Iesu meo.*¹⁷

Ineffabilitas
huius gaudii
ex magnitudine
causae.

Magnitudo huius gaudii ineffabilis est, sicut et causa unde ortum est: *Quia fecit mihi magna;* sicut qui magnum invenit thesaurum, nam: *Invenisti gratiam apud Dominum,*¹⁸ datusque est ei filius, *in quo sunt omnes thesauri scientiae et sapientiae Dei;*¹⁹ infinitus thesaurus omnium bonorum Christus est.

Simile.

Triplici gaudio potest affici quam maxime mulier in hoc mundo. Primo quidem, cum, a patre summopere dilecta, maxima ac ditissima dote donatur; secundo, cum sponso nobilissimo, ditissimo, pulcherrimo et amantissimo despontatur; tertio, cum optatissimam prolem suscipit. Sic Virgo Beatissima omni gaudio cumulatissime perfusa divinitus fuit: *Exultavit spiritus meus in Deo salutari meo, idest, summo benefactore meo. Et ait Maria.* Non dicitur hic Maria repleta Spiritu Sancto, sicut Elisabeth, ne putaretur nunc primum repleta; iam Spiritus Sanctus in eam supervernerat,²⁰ iam Deo plena erat.

12) Gal 5, 22.

17) 3, 18.

20) Cf. Lc 1, 35.

13) Rom 14, 17.

18) Lc 1, 30.

14) Mt 11, 25.

19) Col 2, 3.

Vulg. habet: *Sapientiae et scientiae.*

15) Ps 34, 9.

16) 1 Rg 2, 1.

SERMO QUINTUS

MAGNIFICAT CANTICUM SUAVITATIS

Magnificat anima mea Dominum.¹

I. Divino Spiritu afflata Virgo Beatissima canit dulcissimum hoc Canticum Domino. Sicut sanctissima anima patris sui, Dei memor divinorum beneficiorum, saepe Deo canebat, suavique sono suae citharae psallens, Deum laudabat: *Psallam tibi in cithara;² Deus, Deus salutis meae;*^{2a} ita Virgo Sanctissima cum cithara cordis sui optime temperata Deum laudabat. Ecce consonantia animae et spiritus: *Magnificat anima mea..., exultavit spiritus meus.* In nobis raro cithara haec temperata est, ita ut dicere possimus: *Cor meum et caro mea exultaverunt in Deum vivum;*³ in Virgine Beatissima sed ita.

Magnificat
Canticum suavi-
tatis a conso-
nantia facultatum
Canentis.

In nobis est quidem aliquando et saepe saepius concordia harmonica, sed quae Deo displicet, placet autem diabolo. Est autem cum ratio consentit sensui, spiritus carni, cum malis cogitationibus coniunguntur mala pravaque desideria, cum imaginatio pulsat et appetitus ad sonum ipsius saltat. Haec mala musica est ac Deo displicens concordia.

Concordia
cum carne et
discordia
cum spiritu
Deo displicant.

Saepe in nobis discordia magna est, cum *caro concupiscit adversus spiritum, spiritus autem adversus carnem; haec enim sibi invicem ad- versantur;*⁴ unde *condelector... legi Dei secundum interiorem hominem;* sentio autem aliam legem in membris meis repugnantem legi mentis meae.^{4a} Saepe etiam in nobis discordiam experimur inter intellectum et

1) Lc 1, 46.

2) Ps 70, 22.

2a) Ps 50, 16.

3) Ps 83, 3.

4) Gal 5, 17.

4a) Rom 7, 22-23. Vulg. loc.: *Sentio, habet: Invenio.*

affectum, sicut ille ait: « Video meliora proboque, deteriora sequor ». ⁵ Hinc non semper citharam hanc bene temperatam habemus, ut psallamus Domino.

Virgo dulcissima
psaltes.

At vero Virgo Beatissima semper habuit citharam cordis sui optime temperatam; semper in ipsa summa fuit concordia inter animam et spiritum, intellectum et affectum secundum Deum: *Magnificat anima..., exultavit spiritus*; sic cum hac divina cithara, tanquam optima psaltes, Dominum laudavit. Fuit Virgo Beata optima eruditissimaque psaltes, musicesque divinae supra quam dici potest aut cogitari doctissima.

Scitum est celebrasse Graecos triplicem musicam: diatonicam, chromaticam et enharmonicam, habuisseque quatuor concentuum genera: phrygium, lydium, ionicum et doricum. ⁶ Sed haec fuerunt genera sensibilis, humanae mundanaeque musices, non colestis et angelicae divinaeque quae in paradiso iugiter exercetur.

Magnificat Cantum
cum suavitatis
ab amabilitate
Canentis.

II. Virgo autem Beatissima a Spiritu Sancto divinitus edocta, sicut et anima Davidis, coelestem musicen optime omnium didicit atque percepit; hinc hodie dulcissime simul et eruditissime canit, sed utique laudes divinas sicut Angeli in coelo. Fuit autem cantus hic Beatae Virginis Deo gratissimus. Veluti si princeps, qui mirum in modum musica delectatur, sponsam habeat, et quidem supra modum carissimam ac dilectissimam, quae et vultu et voce angelica sit, et musices eruditissima, ita ut ad quodvis instrumentum optime canat dulcissimeque ac suavissime; quis erit gustus principis, dum eam tam suaviter canentem audit? Quae unquam poterit ei musica, quis concentus suavior? Ita plane Virgo Beata, Sponsa Dei dilectissima, hoc suo Canticum Deum summa iucunditate afficit. Hinc praecipue in *Canticis* legimus: *Ostende mihi faciem tuam, sonet vox tua in auribus meis; vox enim tua dulcis, et facies tua decora;* ⁷ proponitur vultu et voce vere angelica: *Vox tua dulcis et facies tua decora; nec tantum, verum etiam alio in loco eiusdem libri: Quae habitas in hortis, amici auscultant te; fac me audire vocem tuam.* ⁸

Suavior Deo
cantus Virginis
omnibus aliis.

Mirabile est Spiritus Sancti artificium in commendanda divina hac cantatrice, nam in coelo hoc perpetuum est Angelorum ministerium: *Beati qui habitant in domo tua, Domine, in saeculum saeculi laudabunt te.* ⁹ Sed quomodo laudent? Canendo et psallendo cum variis generibus in-

5) Ovid. *Metam.* 6, 20-21.

6) Plutar. *De Musica*, pag. 734 sqq.

7) Ct 2, 14.

8) Ct 8, 13.

9) Ps 83, 5.

strumentorum musicorum, sicut in templo divinae laudes canebantur^{9a}. Hinc vingtiquatuor seniores habebant citharas in manibus;¹⁰ hinc audivit Ioannes in coelo vocem sicut citharoedorum citharizantium.¹¹ Cumque non possit Angelorum concentus et harmonia non gratissima et iucundissima esse divinis auribus, attamen hanc solam cantatricem audire desiderat: *Sonet vox tua. Fac me audire vocem tuam.* Hinc altum silentium fit in coelo, ut omnes eam audiant: *Amici, inquit, auscultant te; fac me audire vocem tuam.* Multo iucundior multoque dulcior et suavior est divinis auribus cantus divinae huius cantatricis, quam cantus concentusque omnium Angelorum et Sanctorum totius paradisi: *Sonet vox tua...; vox enim tua dulcis. Fac me audire vocem tuam.* Magis delectatur Deus una tantum laude Virginis Beatissimae, quam laudibus perpetuis totius paradisi.

III. *Magnificat anima mea Dominum.* Proponitur nobis Virgo Beatisima tanquam virgo vere *sancta et corpore et spiritu...*, cogitans *quae Domini sunt... quomodo placeat Deo;*¹² sciensque quod summopere placet Deo religio, pietas, devotio, animi gratitudo, oratio, sancta laus et gratiarum actio, huic rei tota ex animo incumbit: *Magnificat anima mea Dominum, et exultavit spiritus meus; orat spiritu, orat et mente,*¹³ simul cum intellectu coniungens affectum.

*Magnificat
Canticum
suavitatis ab
intensitate affectus
Canentis.*

Multi enim orant, sed sine spiritu, sine mente, tantum ore: *Populus hic labiis me honorat; cor autem eorum longe est a me.*¹⁴ Multi orant spiritu, sed non mente, orantes magno cum affectu et spiritu devotionis, dum psalmos vel canunt vel recitant, persolventes horas canonicas, vel officium Beatae Virginis dicentes, aut rosarium recitantes; sed non orant mente, quia cum non calleant linguam latinam, non intelligunt quae dicunt. Alii orant mente, sed non spiritu, quia intelligunt quidem quae dicunt orantes, sed orant arido corde. Virgo Beatissima orabat spiritu, orabat et mente; hinc utrumque coniungit: *Magnificat anima mea..., et exultavit spiritus meus.* Sic orant Angeli in coelo; quare proponitur nobis Virgo Beatissima exercens angelicum munus et ministerium.

IV. Est autem actio haec Virginis Beatissimae nobilissima ab obiecto, quia fertur in Deum, celebrat divinas laudes: *Fortitudo mea et laus mea*

*Magnificat
Canticum suavitatis a dulcedine;*

9a) 2 Par 5, 12-13.
13) Cf. ibid. 14, 15.

10) Cf. Apc 5, 8.
14) Mc 7, 6.

11) Ibid. 14, 2.

12) 1 Cor 7, 34. 32.

cantus tripliciter nobilis. Dominus, et factus est mihi in salutem; ¹⁵ ab actu, quia est oratio actus religionis, quae regina est moralium virtutum; et a subiecto, quia non dicit: Os meum, lingua mea, sed *anima mea, spiritus meus.*

Canticum sororis Moysi, Debora, Annae et Iudith.

Haec tria etiam considerantur in cantico Mariae sororis Moysi: obiectum, actus et subiectum; in cantico etiam Debora, quae mulier sancta fuit, prophetis et princeps ac imperatrix populi hebraici; similiter in cantico Annae matris Samuelis. Maria soror Moysi sic cecinit: *Cantemus Domino, gloriose enim magnificatus est;* ¹⁶ Debora: *Ego sum, ego sum, quae canam Domino, psallam Domino Deo Israel;* ¹⁷ Anna vero: *Exultavit cornu meum in Domino, et exaltatum est cornu meum in Deo meo.* ¹⁸ Legimus etiam canticum Iudith, in quo similiter tria haec conspicua sunt: obiectum Deus, actus oratio, laus gratiarum actio, subiectum mulier nobilis sanctaque et corpore et spiritu. ¹⁹ Sed Virginis Beatissimae actio vere angelica proponitur, supra quam dici aut cogitari possit nobilissima, specialiter autem a subiecto: *Magnificat anima..., exultavit spiritus meus.*

Excellentia Canentis.

De excellentia Beatissimae Virginis super omnes animas ait Spiritus Sanctus in *Canticis: Sexaginta sunt reginae... octoginta concubinae, et adolescentularum non est numerus.* ²⁰ Sic designati sunt tres animarum status: incipientium, proficientium et perfectorum. Sed super omnes una est: *Unica est columba mea, una est perfecta mea, una est matri suae, electa genitrici suae,* ²¹ idest, Ecclesiae vel militanti in terris vel triumphanti in coelis. Unica haec omnium superavit invidiam, nam: *Viderunt eam filiae et beatam dixerunt, reginae et concubinae... laudaverunt eam;* ²² sed utique magna cum admiratione quasi ingens et divinum miraculum: *Quae est ista, quae progreditur quasi aurora consurgens, pulchra ut luna, electa ut sol, terribilis,* ²³ etc. ? Propter divinam hanc excellentiam in *Apocalypsi* dicitur sole amicta et stellis coronata, ²⁴ quia divina excellentia praedita, quasi sol inter stellas regina est omnium animarum.

Magnificat anima mea Dominum. Sed qualis quantique meriti aut valoris fuit haec oratio apud Deum? Meritum a caritate et gratia Dei dependet; haec autem sola dicitur *gratia plena.* ²⁵ Sed quomodo plena? Sicut mare aquis, sicut sol luce; sicut omnes animas excellit dignitate, ita gratia, virtute, sanctitate, caritate.

15) Ps 117, 14. 16) Ex 15, 21. 17) Idc 5, 3. Vulg. habet: *Quae Domino canam.* 18) 1 Rg 2, 1.
19) Cf. Jdt 16, 1 sqq. 20) Ct 6, 7. 21) Ibid. 6, 8, Vulg. loc.: *Unica, et: Matri suae, habet Una, et: Matris suae.* 22) Ibid. 6, 8. Vulg. loc.: *Beatam dixerunt, habet: Beatissimam prae dicaverunt.* 23) Ibid. 6, 9. 24) Cf. 12, 1. 25) Lc 1, 28.

SERMO SEXTUS

MAGNIFICAT CANTICUM HUMILITATIS ET EXALTATIONIS

*Quia respexit humilitatem ancillae suae, ecce
enim ex hoc beatam me dicent omnes ge-
nerationes.* ¹

I. Proponitur hic Deiparae Virginis tum humilitas tum exaltatio. Sicut enim Deus in mundo duo magna corpora creavit, alterum in sublimi, alterum vero in humili loco, sed tamen utrumque necessarium et summe utile humano generi; sicut etiam humana natura duplice ex substantia constat, altera quidem coelesti, altera vero terrena; ita in Virgine Sanctissima videmus tum summam humilitatem, tum summam gloriam: *Quia respexit humilitatem*, etc.

Cum natus fuit patriarchae Iacob octavus filius ex ancilla Liae, dixit ipsa: *Hoc pro beatitudine mea; beatam quippe me dicent mulieres;* et *propterea natum appellavit...* Aser, quod est *beatitudo*. ² Ex humili ancilla oritur beatitudo, *quia superbis Deus resistit, humilibus autem dat gratiam*. ³ Hinc per Ezechielem Dominus ait: *Humiliavi lignum sublime, et exaltavi lignum humile*; ⁴ hinc saepe Dominus ait: *Qui se exaltat, humiliabitur, et qui se humiliat, exaltabitur*; ⁵ et Virgo Sanctissima in hoc suo Cantico: *Dispersit superbos mente cordis sui; depositus potentes de sede, et exaltavit humiles*. ⁶

Summa humi-
litas et summa
exaltatio
Deiparae.

Ex humilitate
oritur exaltatio.

1) Lc 1, 48-49.
5) Lc 14, 11.

2) Gn 30, 12-13.
6) Lc 1, 51-52.

3) 1 Petr 5, 5.

4) Ez 17, 24.

Humilitas
Abigail typus
humilitatis
Deiparae.

II. Quod autem spectat ad Deiparae Virginis humilitatem, veluti expressum eius typum habemus in Abigail, quae, cum per nuncium requereretur a David in uxorem, hoc auditio: *consurgens adoravit prona in terram, et ait: Ecce famula tua sit in ancillam, ut lasset pedes servorum domini mei*, statimque illi morem gessit;⁷ ita et Virgo Sanctissima ad paronymum Gabrielem ait: *Ecce ancilla Domini; fiat mihi secundum verbum tuum.*⁸

Mirabilis humili-
tas Sanctorum
et Angelorum
in coelo.

Quia respexit humilitatem ancillae suae. Mirabilis virtus humilitas in omnibus Sanctis non solum in Ecclesia militante in terris, verum etiam triumphante in coelis; nam de vigintiquatuor senioribus, qui sunt principes Sanctorum omnium in coelo, ait in *Apocalypsi* Ioannes quod, mitentes coronas suas ante thronum Dei et procidentes, Deum adorant.⁹ Mirabilis etiam in Angelis, de quibus idem Ioannes ait quod *omnes Angeli stabant in circuitu throni..., et ceciderunt in conspectu throni in facies suas, et adoraverunt Deum.*¹⁰ Hinc Seraphim apud Isaiam stantes ante thronum Dei operiebant facies suas,¹¹ sicut Moyses operuit faciem suam, cum apparuit ei Dominus, – similiter etiam Elias¹² –: *Non enim audebat, ait sacer textus, aspicere contra Deum.*¹³ Sic et Seraphim ex magna reverentia vultus suos coram Deo operiunt.

Summa Christi
humilitas.

At vero super omnia mirabilis mihi videtur humilitas Virginis post humilitatem Christi, de qua Paulus ait: *Qui, cum in forma Dei esset, non rapinam arbitratus est esse se aequalem Deo; sed semetipsum exinanivit formam servi accipiens; et: Humiliavit semetipsum factus obediens usque ad mortem, mortem autem crucis;*¹⁴ de qua etiam ipse Dominus: *Discite a me quia mitis sum et humiliis corde.*¹⁵ Dici solet quod humilitas honorata rara avis. Christus autem, cum altissimus esset Dei Filius, in mundo tamen humillimus esse voluit in nativitate, in vita, in ipsa etiam morte. Divinum plane miraculum Christus, altissimus Deus et humillimus homo: *Exinanivit semetipsum, nihil seipsum reputabat; haec enim est vera humilitas.* Sicut Paulus ait: *Qui existimat... aliquid esse, cum nihil sit, ipse se seducit;*¹⁶ ita Christus homo de seipso: *Mea doctrina non est mea, sed eius qui misit me;*¹⁷ et: *Quem Pater sanctificavit, et misit in mundum;*¹⁸ a Patre agnoscebat omnia, a se autem nihil.

7) 1 Rg 25, 41-42.

8) Lc 1, 38.

9) Cf. Apc 4, 10.

10) Ibid. 7, 11.

11) Cf. Is 6, 2.

12) Cf. 3 Rg 19, 13.

13) Ex 3, 6.

14) Phil 2, 6-8.

15) Mt 11, 29.

16) Gal 6, 3.

17) Io 7, 16.

18) Ibid. 10, 36.

Sed post Christi humilitatem, supra modum mirabilis mihi videtur humilitas Virginis: *Quia respexit humilitatem ancillae suae.* Humilitas honorata rara avis. Virgo autem Sanctissima in quo gradu honoris constituta erat? In quo gradu dignitatis, sublimitatis, altitudinis? Iam declaraverat Gabriel Angelus et Spiritus ipse Sanctus per os Elisabeth,^{18a} et tamen nedum humilis, sed humillima erat; Christo in humilitate simillima, sicut Eva Adamo, ita ut Christus exinaniverit semetipsum, ut Matris humilitatem superaret. Egit in ea Dominus sicut sapiens architectus, qui, dum cogitat magnificentissimum templum aut regale palatum construere, iuxta mensuram altitudinis aedificii fodit alta atque profunda fundamenta; quo altius aedificium, eo profundius fundamentum. Virgo Sanctissima domus Dei est: *Sapientia aedificavit sibi domum,*¹⁹ templum Divinitatis; altitudo huius aedificii non usque ad coelum tantum ascensura erat, sed omnem etiam Angelorum altitudinem longe transgressura. Opus igitur fuit profundissimis, optimis solidissimisque fundamentis.

Deipara simillima Christo in humilitate,

III. *Quia respexit humilitatem.* Quoniam ad mensuram humilitatis in terra, datur gloria in coelo: *Qui se humiliaverit, exaltabitur,*²⁰ ut eam Deus altissime sublimaret in coelo, super omnem creaturam humillimam fecit in terra; sicut arithmeticus, ut unitatem crescere faciat, in maximum numerum nullitates addit, et quo plures nullitates addit, eo fit numerus maior altiorque, ita ut ad multa millia millium ascendat inumerasque miriades miriadum. Humilitas autem in eo consistit ut existimet homo se nihil esse, nihil sibi attribuat, nihil arroget, a Deo omnia recognoscat absque suis meritis: *Quid habes, homo, quod non accepisti? Quod si accepisti, quid gloriaris quasi non acceperis?*²¹ Ut igitur Deus Mariam altissime sublimaret in coelo, voluit eam efficere humillimam in terra; ut, sicut Christo simillima erat in humilitate, ita simillima foret in gloria. De Christi autem gloria post humilitatem Paulus ait: *Propter quod et Deus exaltavit illum,* etc.²²

simillima Christo et in gloria coelesti.

18a) Cf. Lc 1, 28-45. 19) Prv 9, 1. 20) Mt 23, 12. 21) 1 Cor 4, 7. 22) Phil 2, 9.

SERMO SEPTIMUS

MAGNIFICAT CANTICUM HUMILITATIS

Quia respexit humilitatem.¹

Necessaria
humilitas in
Deipara, ut
habitatio
fieret Dei.

Insignis humili-
tas Deiparae
ex eius verbis
et factis.

I. Quoniam Virgo futura erat locus divinae habitationis, ut placeret Deo habitatio, opus erat humilitate, nam per Isaiam ait: *Quam domum aedicabis mihi, et quis est locus habitationis meae? Super quem requiescat spiritus meus? Super humilem.*² Placet Deo mirum in modum humilitas, sicut displicuit supra modum superbia cum Angelorum in coelum hominum in terra; ideo *superbis resistit, humilibus autem dat gratiam.*³

Quia respexit humilitatem ancillae. Haec verba dixit Virgo postquam Deo iam desponsata erat, iam Filium Dei ^{3a} conceperat, iam Mater Dei constituta. Abigail ancillam Davidis se dixit, priusquam desponsaretur, non postea;⁴ Virgo et prius et postea: *Ecce ancilla Domini...* ^{4a} *Quia respexit humilitatem ancillae suae.* Agar, ancilla Sarae, priusquam desponsata esset Abrahamo, humilis erat; sed cum, iam uxor illius facta, advertisset se ex illo concepisse, in superbiam elata, dominam suam contemnebat;⁵ at Virgo, cum iam a Spiritu Sancto per Elisabeth declarata esset Mater Unigeniti Filii Dei, magis magisque se humiliat: *Quia respexit humilitatem ancillae suae.* Praestitit insignem humilitatem Virgo non tantum verbis, verum etiam factis; siquidem, postquam ab Angelo annuntiata Verbum Dei concepit,

1) Lc 1, 48. 2) Is 66, 1-2. Vulg. habet: *Quae est ista domus quam aedicabis mihi?... Ad quem autem respiciam nisi ad pauperculum.* etc. Cf. etiam Act 7, 49-50, secundum quos videtur Auctor Isaiam ex parte retulisse. 3) 1 Petr 5, 5. 3a) Ms.: *Deo.* 4) Cf. 1 Rg 25, 41-42. 4a) Lc 1, 38. 5) Cf. Gn 16, 4.

veraque Mater Dei effecta est, abiit et visitavit Elisabeth, illamque prius salutavit.⁶

II. Ex hac profunda et mirabili Virginis humilitate tria nobis colligenda sunt. Primum quam grata humilitatis huius causa Virgo Deo extiterit; Deus enim vera cordis humilitate mirifice delectatur, humilesque semper ex animo dilexit, ac inde orta est humilium exaltatio. Virginis autem humilitas et verissima et summa ac profundissima fuit; Deo igitur summopere placuit; hinc ait: *Ecce enim ex hoc beatam me dicent omnes generationes*,⁷ sicut in *Canticis* dicitur: *Viderunt eam filiae, et beatam dixerunt, reginae et concubinae... laudaverunt eam*, dicentes: *Quae est ista quae progreditur quasi aurora*, etc.⁸ Laudatam legimus Virginem ab hominibus: Elisabeth,⁹ Simeone,¹⁰ a muliere de turba: *Beatus venter qui te portavit*;¹¹ laudatam ab Angelis: *Ave, gratia plena, Dominus tecum, benedicta tu inter mulieres*,¹² quae inter mulieres omnes est veluti rosa inter spinas, sicut sol inter stellas; laudatam summopere a Deo in *Canticis*;¹³ laudatam semper et ubique ab universalis Ecclesia sancta Dei. Quoniam mirum in modum placuit Deo humilitas Virginis, propterea eam super omnes Santos omnesque Angelorum choros in coelo exaltavit. Sic perpetuo beata praedicatur et ab Ecclesia militante in terris et ab Ecclesia triumphante in coelis: *Beatam me dicent omnes generationes..., quia respexit humilitatem*.

Sicut quo maius est corpus lumini oppositum, eo maiorem efficit umbram; ita, cum Virgo maxima esset apud Deum, maxima etiam humilitatis erat. Et sicut humanum corpus quo magis soli expositum est, eo fit nigrius, cum tamen solis radii candidissimi sint; ita Virgo Deo, qui sol est sempernae lucis, perpetuo exposita, in oculis suis nigerrima erat. Hinc ait in *Canticis*: *Nolite me considerare quod fusca sim, quia decoloravit me sol*; et: *Nigra sum, sed formosa*:¹⁴ nigra in oculis suis ex humilitate, formosa in oculis Dei ex virtute: *Invenisti enim gratiam apud Deum*.^{14a} Ex vera Dei cognitione, quae tamen a Deo est sicut visio solis ab ipso sole, oritur vera sui cognitio veraque humilitas, nam res ex comparatione quam maxime cognoscuntur; ita, cum Virgo altissima Dei cognitione, ut ex hoc

Virgo Deipara
humilitate grata
Deo et ab
omnibus
glorificata.

Summa humili-
tatis Deiparae
ex altissima
cognitione Dei
et vera
cognitione sui.

6) Cf. Lc 1, 39 sqq.

Beatissimam praedicaverunt.

12) Ibid. 1, 28. Vulg. habet: *In mulieribus.*

praesertim 4 et 6.

7) Lc 1, 48.

9) Cf. Lc 1, 42-45.

14) 1, 5. 4.

8) Ct 6, 8-9. Vulg. loc.: *Beatam dixerunt, habet:*

10) Cf. ibid. 2, 25.

11) Lc 11, 27.

13) Passim in omnibus fere capitibus,

14a) Lc 1, 30.

Cantico patet, praedita esset, seipsam agnoscens, nihil sibi esse videbatur. Sicut enim qui post solis aspectum fixa acie oculos deflectat in terram, nihil nisi umbras videt, ita accidebat in Virgine.

Humilitas
Deiparae nobis
imitanda, ut
exaltationem
consequamur.

III. Alterum quod colligendum nobis est ex hac Deiparae Virginis humilitate, exemplum est: *Inspice et fac secundum exemplar, quod tibi in monte monstratum est.*^{14b} Omnes enim Sancti dati sunt nobis in exemplum; sed singulariter Christus et Maria. Sicut enim synagogae Deus duces dedit Moysem, Aronem, Mariam prophetissam;¹⁵ ita Ecclesiae dati sunt Christus summus dux summusque sacerdos et Maria. Quisquis revera humilitatem Mariae imitabitur, etiam exaltationem consequetur. Quisquis similis Mariae vult esse in coelo altitudine et gloria, similis ei sit in vera cordis humilitate, dum in terrae constitutus est vilitate.

Summa cum
fiducia ad eam
accedendum.

IV. Tertium est animi fiducia qua ad eam accedere possumus. Cum enim revera humillima sit, nec minus modo in coelo inter Angelos, quam cum hic esset in terra inter homines; non despiciet nostras deprecationes, non dignabitur nos, nec aspernabit. Quinimo benignis nos aspiciet oculis, ac si adhuc nobiscum esset, nec minus nostras preces audiet et exaudiet, ac si praesens hic esset nobiscum, sicut erat priusquam assumeretur in coelum.

Quomodo
humilitas
consequenda.
Deipara loquitur
non de sua vir-
tute humilitatis,
sed de sua
humili
conditione.

V. *Quia respexit humilitatem ancillae suae.* Docet hic Virgo quemadmodum virtutem humilitatis adipisci possimus. Nam, cum superiori versu locuta esset de magnitudine Dei: *Magnificat anima mea Dominum*, idest, magnum agnoscit et praedicat, hic de sua loquitur parvitate. Nam humilitatis vox, licet saepe saepius in Divinis Litteris eam animi virtutem significet quae superbiae opposita est, non tamen semper; nam saepe vilem et abiectam conditionem significat, et hoc modo hic^{15a} loquitur Virgo, cum humilitatem suam Dei magnitudini opposuit, non de virtute humilitatis. Non enim actus humilitatis est seipsum humilem agnoscere et praedicare, sed vilem et indignum. Nec docet hic Virgo, quod meritis virtutis suae tale tantumque consecuta est beneficium, quod omne superat hominum et Angelorum meritum, sed potius hoc dicit, ut se declaret indignam.

14b) Ex 25, 40.

15) Cf. Mich 6, 4.

15a) Ms.: *Hoc.*

Hinc graece hic non est *tapinophrosini*, quae vox virtutem significat, sed *tapinosis*,¹⁶ quae significat vilem conditionem. Et licet haec etiam vox non-nunquam legatur ubi de virtute agitur, Matth. 11,^{16a} et *prima Petri* 5;¹⁷ revera tamen proprium virtutis nomen *tapinophrosini* est *Actorum* 20,¹⁸ *Ephes.* 4,¹⁹ *Philip.* 2,²⁰ *Coloss.* 3.²¹ Qualem his verbis Virgo humilitatem exercuit, non significavit; hinc ait: *Quia respexit*, idest, non est dignatus me vilem et abiectam, sicut Regius Vates: *Quoniam respexisti humilitatem meam, salvasti de necessitatibus animam meam.*²² Ait ergo nunc Virgo Sanctissima: *Respexit humilitatem ancillae suae*, idest, tanto honore dignatus est humilem abiectamque ancillam suam.

16) Cf. N. T. a. P. M. Hetzenauer O. M. Cap. graece recognitum, Lc 1, 48.

16 a) Vr. 29.

17) Vr. 5.

18) Vr. 19.

19) Vr. 2.

20) Vr. 3.

21) Vr. 12.

22) Ps 30, 8.

SERMO OCTAVUS

MAGNIFICAT CANTICUM HUMILITATIS GLORIAE ET GRATIAE

*Beatam me dicent omnes generationes.*¹

Virgo Deipara
praedicit suam
glorificationem.

I. Alludit hic Virgo ad verba Elisabeth, quibus ait: *Beata quae credidisti.*² Nunc, inquit, o Elisabeth, cum me Dei matrem agnoscas, beatam tu sola praedicas; sed ex hoc tempore deinceps cum agnoverit mundus per Evangelii praedicationem tale tantumque beneficium, beatam me praedicabunt omnes generationes, idest, omnia saecula. Agnoscit enim et vaticinatur hic Virgo Christi Ecclesiam fore per omnia saecula usque ad finem, quo mundus extremum diem claudet perpetuum. Hinc non ait: *Beatam me dicent omnes homines aut omnes nationes et gentes;* nam, cum non omnes in Christum credant nec divinae Incarnationis mysterium agnoscant, nec omnes Deiparam Virginem beatam praedicant; sed *omnes generationes,* idest, omnia saecula; nam saeculis omnibus futuri sunt veri Christi fideles veraque Ecclesia universum per orbem longe lateque diffusa.

Via gloriae
humilitas.
Deipara in
infimo gradu
se collocat, ideo
beatam
omnes agno-
scunt.

II. *Quia respexit humilitatem ancillae suaे.*³ Sicut enim Eva per superbiam Deo vehementer displicuit; ita Maria per humilitatem supra modum placuit. His autem verbis docet Virgo Deipara fideles omnes qua via consequi possimus magna Dei dona, nempe humilitate, nam *Deus superbis resistit, humilibus autem dat gratiam.*⁴ *Quia respexit humilitatem.* Non commendare sed exercere humilitatem videtur hic Virgo Sanc-

1) Lc 1, 48.

2) Ibid. 1, 45.

3) Ibid, 1, 48.

4) Iac 4, 6.

tissima, non enim meritis suis tribuit accepta divinitus beneficia, sed divinam gratiam agnoscit et praedicat; deprimit seipsam, et Deum magnificat; seipsam humiliat, Deumque exaltat.

Exercuit humilitatem Abraham, cum dixit: *Loquar ad Dominum meum, cum sim pulvis et cinis,*⁵ exercuit David, cum canem mortuum et culicem vivum se appellavit;⁶ sed exercet quam maxime hodie Virgo Sanctissima, dum ait: *Quia respexit humilitatem ancillae suae*, idest, abiectionem.

De seipsa loquitur per abstractum. Utimur autem his abstractis per exaggerationem; sic dicitur: Sua Celsitudo aut Excellentia, sua Maiestas, sua Sanctitas, sua Beatitudo, sic Paternitas et Reverentia. Ita locuta videatur: *Quia respexit humilitatem, idest, vilitatem meam, abiectionem, respexit me ancillarum suarum vilissimam, abiectissimam omnium.* Talis erat in oculis suis Virgo, ut de seipsa nihil altum saperet.

Sunt enim in domo regia ancillae multae; sed hae quidem honestiores, veluti quae a cubiculis sunt, nobiles, illustres, filiae principum et primatum; sunt etiam inferioris ordinis, quas legimus *1 Reg. 8: Filias vestras accipiet rex, et faciet sibi unguentarias, focarias, panificas.*⁷ Seipsam Virgo ancillam dixit infimi ordinis. Eousque seipsam demittit! Absque ulla, inquit, merito aut dignitate mea divina Clementia haec mihi beneficia contulit, quia humilibus delectatur, ad declarandam vim potentiae, sapientiae et bonitatis suae. Ex luto aurum facit, sicut ex pulvere terrae hominem formavit, ex vilissima materia omnia condidit.

Simile.

Beatam me dicent omnes generationes. Per excellentiam beata praedicatur, ita ut sicut cum dicitur simpliciter: Ait Propheta, intelligitur David, ait Apostolus, intelligitur Paulus, ait Philosophus, intelligitur Aristoteles, ait Poeta, intelligitur apud Graecos Homerus, apud Latinos Virgilius; ita cum dicitur: Beata Virgo, nonnisi Deipara intelligenda venit.

Beatam me dicent. Non ait: *Beatam me facient, sed dicent, agnoscent, praedicabunt, divinis laudibus me celebrabunt, cum cognoverint beatitudinem qua divinitus sum donata; non mundus me beatificabit, sed a Deo beatificatam agnoscat et celebrabit.*

Quia respexit humilitatem. Sicut respexit Dominus ad Abel et ad munera eius,⁸ respexit tanquam mirabile spectaculum et plane Deo, quan-

Humilitas
Deiparae
magnum
spectaculum.

5) Gn 18, 27. 6) Cf. 1 Rg 24, 15. Vulg. habet: *Puticem unum.* 7) 1 Rg 8, 13. 8) Cf. Gn 4, 4.

tum fas est, dignum. Tria sunt, ut Divus Bernardus ait, miracula magna: Deus et homo, mater et virgo, fides et cor humanum.⁹ Sed his merito addi potest etiam quartum, nempe humilitas exaltata; neque enim in Angelis in coelo reperta fuit, nec in hominibus in paradyso. Mirabilis haec fuit in Abrahamo, in Moyse, in David; sed supra modum mirabilis in Virgine Beata, post Christum quidem: *Respxit humilitatem ancillae suae.* Nescio an aliquando visum fuerit mirabilius spectaculum.

Simile.

Mirabile spectaculum visum fuit Moysi quod arderet rubus et non combureretur;¹⁰ et merito quidem, nam si non erat ignis, quomodo ardebat? Si erat, quomodo non comburebat? Sicut autem proprium ignis est calefacere atque comburere; ita proprium honoris et dignitatis sublimis est animum hominis extollere et in sublime erigere. Et tamen ardebat rubus hic, et non comburebatur. Dicere poterat: *Domine non est exaltatum cor meum, neque elati sunt oculi mei; neque ambulavi in magnis, neque in mirabilibus super me;* sed... *humiliter sentiebam, neque exaltavi animam meam;* sed cum Deo fuit *sicut ablactatus est super matre sua,*¹¹ quia nihil sibi fidit, sed a matre totus dependet.

Ita plane Virgo Beata divinis favoribus honoribusque ac dignitatibus super omnem creaturam exaltata, nihil in sublime elata fuit, nihil glorificatur; sed Deo omnia accepta ferebat. Erat veluti divinorum bonorum depositaria ac thesauraria. Ditissima cum esset, pauperrimam se existimabat, nihil sibi appropriabat, sciens quoniam Domini omnia sunt, quod absque suis meritis a divina gratia omnia acceperat, sicut luna omne lumen a sole. Sicut autem aurum, metallorum omnium ponderosissimum, est etiam pretiosissimum; sic apud Deum anima humillima pretiosissima et carissima est. Talis fuit anima Virginis Beatissimae.

Vas gratiae
humilitas. Vas
magnum et
vacuum proprie
existimationis
Deipara.

III. *Quia respxit humilitatem ancillae suae.* Acceptissima fuit Deo Virgo Beatissima, quia humillima; hinc gratia plena super omnes creaturem, quoniam post Christum humiliis super omnes creaturem. Nam humilitas vas est gratiae Dei; oleo autem Elisei nonnisi vasa vacua implebantur.¹² Tantum corda humili capacia sunt gratiae Dei, nam: *Deus superbis resistit, humilibus autem dat gratiam;* quo maius autem est vas, eo capacius est. Quam magnum vas Maria! «Quem coeli capere non possunt tuo gremio

9) Cf. *Serm. 3 in Vig. Nativ. Domini*, n. 7. (P. L. 183, 763). 10) Cf. Ex 3, 3. 11) Ps 130, 1-2.

12) Cf. 1 Rg 4, 3.

contulisti ». ¹³ Maius vas et capacius coelo; Deum enim, ut Salomon ait, nec *coelum*, nec *coeli coelorum... capere... possunt*; ¹⁴ et tamen omnis plenitudo Divinitatis corporaliter inhabitavit in Maria. ¹⁵ Invenit autem Deus hoc vas tam magnum, quo maius sub Deo post Christi humanitatem reperiri non potest, sicut mare magnum in templo, ^{15a} vacuum invenit omni liquore propriae existimationis: *Respxit humilitatem ancillae suae*, id est, ancillam suam omnium vilissimam abiectissimamque nullius meriti et valoris. Talem se existimabat Virgo Beatissima.

Sicut Abraham pulverem cineremque, sicut David canem mortuum et culicem vivum, sicut Paulus primum se existimabat omnium peccatorum; ¹⁶ ita Virgo Beatissima seipsam nihil existimabat. Sicut Paulus ait: *Qui se existimat aliquid esse, cum nihil sit, ipse se seducit*; ¹⁷ ita, inquam, nihil seipsam existimabat, quoniam intenta erat semper contemplationi divinae magnitudinis.

Simile.

Sicut autem qui fixis oculis solem fuerit contemplatus, postea, ob nimiam illam lucem figens oculos in terram, nihil videt; ita Virgo Beata, divinae contemplationi semper intenta et divinam semper magnitudinem contemplata, postea in semetipsa nihil videre sibi videbatur boni. Hinc ait: *Magnificat anima mea Dominum, et exultavit spiritus meus in Deo salutari meo*; ¹⁸ seipsam autem cum divina magnitudine componens, videbat se nihil esse: *Respxit humilitatem ancillae suae*. Mirabilem humilitatem, magnum plane miraculum! Eo enim maior est humilitas, quo maior est sublimitas et altitudo personae quae humiliatur. Quod, flante vento, humilietur in terram usque arundo, nihil miramur; sed si palma procerrima ita humiliaretur, miraremur omnes. Maria autem palma est, de qua dicitur: *Statura tua assimilata est palmae...; ascendam in palmam, et apprehendam fructus eius*. ¹⁹

Simile.

Simile.

IV. Non est sub Deo maior altitudo altitudine Mariae post altitudinem et sublimitatem Christi. Duo maxima sunt in mundo miracula, sicut in coelo duo luminaria magna: humilitas Christi et humilitas Mariae. Humilitas Christi: *Discite a me, quia mitis sum et humilis corde*. ²⁰ Cum in forma Dei esset, non rapinam arbitratus est esse se aequalem Deo,

Profundissima
Delparae
humilitas.Humilitas
Christi.

13) *Brev. Rom. Offic. B. M. V. 1 Resp. ad Mat.*
15a) Cf. 3 Rg 7, 23. 16) Cf. 1 Tim 1, 15.

19) Ct 7, 7-8. 20) Mt 11, 29.

14) 3 Rg 8, 27.

17) Gal 6, 3.

15) Cf. Col 2, 9.

18) Lc 1, 46-48.

*sed semetipsum exinanivit, etc.*²¹ Cum esset omnia, factus est veluti nihilum: *Substantia mea velut nihil est ante te;*²² *Minoratus... ab Angelis;*²³ factus est sub hominibus: *Opprobrium hominum et abiectio plebis... vermis et non homo.*²⁴ Infinita est sublimitas Christi super omnem altitudinem Angelorum; infinita humilitas, factus ludibrium peccatorum. Magnum miraculum si coelum, modica pila factum, pugillo hominis contineretur; sed hoc nihil esset comparatione huius miraculi humilitatis et parvitatis Christi.

Humilitas
Mariae.

Post magnitudinem autem et altitudinem Christi, proxima est magnitudo et altitudo Mariae super omnes Angelos; et tamen ipsa in oculis suis minima est, nihil est: *Respxit humilitatem ancillae suae.* In oculis Dei maxima, in oculis suis minima est. Et revera ita est. Quo minor est homo in oculis suis, eo maior est in oculis Dei, sicut in numeris accidit; quo magis multiplicatur signum nullitatis, eo magis crescit numerus. Hoc est humilem esse: nullitatem multiplicare, magis magisque nihil se esse existimare. Sic humiliavit semetipsam infra omnem creaturam Maria, ac si ancilla esset ancillarum Dei; Deus autem exaltavit illam super omnem creaturam.

Contentio inter
Deum et
Mariam.

Videtur autem fuisse mirabilis quaedam contentio inter Deum et Beatam Virginem: Deus ut illam magis magisque exaltaret, Beata Virgo ut seipsam magis magisque humiliaret. Exaltavit illam Deus per Angelum: *Ave, gratia plena;*²⁵ humiliavit ipsa seipsam: *Ecce ancilla Domini.*²⁶ Exaltavit illam Deus amplius per Elisabetham Spiritu Sancto plenam: *Benedicta tu inter mulieres, etc.; Unde hoc mihi, etc.*²⁷; ipsa autem magis magisque seipsam humiliavit: *Respxit humilitatem ancillae suae.* Ibi ancillam se dixit, hic autem ancillam humilem, idest, vilem, imo vilissimam: *Humilitatem ancillae.*

21) Phil 2, 6-7.

24) Ps 21, 7.

22) Ps 38, 8. Vulg. habet: *Tanquam nihilum.*

25) Lc 1, 28.

26) Ibid. 1, 38.

23) Hebr 2, 9.

27) Ibid. 1, 42-43.

SERMO NONUS

MAGNIFICAT CANTICUM MAGNIFICENTIAE

*Quia fecit mihi magna qui potens est, et sanctum
nomen eius; et misericordia eius a progenie
in, etc.¹*

I. Extollit Virgo divina beneficia coelitus sibi collata, reddit causam hic Quid significet :
Virgo cur omnes generationes eam beatam erunt praedicaturae : *Quia, in-*
quit, fecit mihi Dominus magna. Graece est *megalia*, ^{1a} quo verbo Septua-
ginta Interpretes solent appellare *miracula*. ² Ad quorum imitationem latinus
interpres *miracula*, voce usus minime latina, appellare solet *magnalia*. Ait
igitur Virgo : *Fecit mihi magna*, idest, *miracula*, *mirabilia*, *divinae potentiae*
opera, nam ait : *Qui potens est*. Forte usa est Virgo, cum loqueretur he-
braice, voce *Sadai*, sive *El sadai*, quod est unum ex decem nominibus
Dei apud Hebreos, et *sufficientem* significat, saepeque latinus interprets
omnipotentem reddit : *Apparuit Abraham, Isaac et Iacob in Deo omnipotente,* *beel sadai in Deo sadai*, qui est *sufficiens*. ^{2a} Absolute sufficiens
dicitur, quoniam omnia potest; nihil est tam arduum et difficile, ad quod
virtus divina non sufficiat.

II. Revera autem magna miracula operata est divina potentia in Vir-
gine. Miraculum enim magnum fuit, ut Virgo sine viro conciperet: *Dabit*
Dominus ipse vobis signum, idest, miraculum: *Ecce Virgo concipiet*; ³

Virgo Deipara
magna, quia
Deus in ea
magna miracula
operatus est.

1) Lc 1, 49-50. 1a) Cf. N. T. graece a P. M. Hetzenauer O. M. Cap. recognitum, Lc 1, 49.

2) Cf. S. Bible Polyglotte par F. Vigouroux Dt 10, 21; 11, 2; Eccli 17, 7; 18, 3; 42, 21; 2 Mach 3, 34. 2a) Ex 6, 3. 3) Is 7, 14.

magnum miraculum, ut omnem Divinitatis plenitudinem in suo utero Virgo contineret quem *coelum et coeli coelorum capere... non possunt*; ⁴ magnum miraculum, ut vera Dei Mater constitueretur: *Unde hoc mihi ut Mater Domini mei veniat ad me?* ⁵ Sed revera non loquitur hic Virgo tantum de miraculis, dum ait: *Fecit mihi magna qui potens est*; sed de magnis Dei et mirabilibus beneficiis erga ipsam: *Beatam me dicent omnes generationes.*

Virgo Deipara
magna, quia ob
cumulationem
omnium bono-
rum omnes
creaturas excedit.

III. Beatitudo status est omnium bonorum cumulatione perfectus. ^{5a} Quoniam Deus magnis bonis me cumulavit, multa magnaque beneficia mihi communicavit, propterea saeculis omnibus beata praedicabor. Ioannes in *Apocalypsi* Virginem signum magnum appellavit, dicens: *Signum magnum apparuit in coelo, mulier amicta sole, et luna sub pedibus eius, et in capite eius corona stellarum duodecim.* ⁶ Et in *Canticis* Sponsa ab adolescentulis, reginis et concubinis regis beata praedicatur; beatitudinis autem ab ipsis causa redditur: *Quae est ista quae progreditur quasi aurora consurgens, pulcra ut luna, electa ut sol, terribilis ut castrorum acies ordinata?* ⁷

Pulcra aurora est, stella solis praenuncia, pulcra luna plena cum candido micat argento, sol aureus longe pulcherrimus, castrorum acies ordinata aspectu longe mirabilis est et iucunda; sed quidquid pulcritudinis et iucunditatis reperiri potest in quibusque rebus natura vel arte longe pulcherrimus, totum in laudatam Sponsam conferunt, ideoque beatam praedicant.

Magna Deus
operatorus est in
omnibus,

Quia fecit mihi magna qui potens est. Sed quisnam modus hic loquendi Virginis: *Fecit mihi magna qui potens est?* Multa et magna opera Deus operatorus est in mundo, in Ecclesia, in paradyso: hominibus in mundo, fidelibus in Ecclesia, Angelis in paradyso; quoniam multa et magna sunt opera naturae, gratiae et gloriae, licet in mundo sint etiam bona quae dicuntur fortunae, cum tamen opera sint divinae Providentiae. In mundo magna fecit Deus Adamo, cum eum totius mundi imperatorem constituit: *Dominetur piscibus maris et universae terrae;* ⁸ magna fecit principibus, regibus, imperatoribus. In Ecclesia magna fecit Patriarchis, Prophetis, Apo-

4) 3 Rg 8, 27.

5) Lc 1, 43.

5a) Boetius, *De Consolat. Philos.* lib. 3, p. 2. (P. L. 63, 176).

6) Apc 12, 1.

7) Ct 6, 8-9.

8) Gn 1, 26. Vulg. habet: *Praesit piscibus maris... univer-*

saeque terrae.

stolis, Sanctis omnibus. Magna beneficia praestitit Hebraeis in Veteri Testamento, maiora Christianis in Novo.

Proprium Dei est magna facere. Quam magnum fecit Deus Noe, Abrahamum, Iosephum, Davidem, Petrum, Paulum, Ioannem! Magnam auctoritatem dedit Moysi: *Constitui te deum Pharaonis;*⁹ magnam dignitatem Aaroni, magnam fortitudinem Samsoni, magnam sapientiam Salomonis, magnum spiritum Eliae, magnam vitae sanctitatem Ioanni: *Erit enim magnus coram Domino;*¹⁰ magnam Spiritus Sancti gratiam Apostolis; et tamen Virgo de se tantum loquitur: *Fecit mihi magna qui potens est.* Magna fecit Deus Angelis Beatisque omnibus in coelo: *Quae non licet homini loqui;*¹¹ *Quos... iustificavit, illos et magnificavit;*¹² sed tamen: *Fecit mihi magna.* Revera magna, quia magnitudo Mariae omnem aliam creatam magnitudinem longe excedit: *Erit praeparatus mons domus Domini in vertice montium.*¹³ Montes sunt omnes Sancti, montes omnes Angeli; sed altitudo Mariae in vertice montium omnem altitudinem creatam superat: *Fecit mihi magna qui potens est.* Proprium est Dei ex parvis magna facere, qui ex nihilo cuncta creavit.^{13a} Sicut Abramum magnificavit, Iosephum, Moysem, Davidem: *Suscitans de pulvere egenum, et de stercore erigens pauperem, ut sedeat cum principibus et solium gloriae tecneat;*¹⁴ ita, cum Virgo parva esset et humili in oculis suis, magna facta est a Deo, sicut ex parvo semine magna fit arbor, et sicut apud Daniel legimus ex parvo lapide factum magnum montem totam terram occupantem.¹⁵

maiora in Maria.

Fecit mihi magna. Sicut fecit Dominus Deus ab initio hominem sibi similem;¹⁶ ita similem sibi efficere voluit Virginem, decet enim ut sponsa sponso sit similis sicut Eva Adamo. Deus autem magnus est: *Magnus Dominus et magna virtus eius.*¹⁷ *Laudate eum secundum multitudinem magnitudinis eius.*¹⁸ Quid est secundum multitudinem magnitudinis? Quoniam multos legimus magnos: Abraham magnus dignitate, Ioseph principatu, Moyses auctoritate, Samson fortitudine, David potentia, Solomon sapientia, apud Ethnicos legimus Mercurium *Trismegistum, ter maximum,* quoniam, ut aiunt, magnus fuit rex, magnus sacerdos et magnus

Multi homines
magni,

9) Ex 7, 1. 10) Lc 1, 15. 11) 2 Cor 12, 4. 12) Rom 8, 30. Vulg. loc.: *Magnificavit, habet: Glorificavit.* 13) Is 2, 2. 13a) Cf. 2 Mac 7, 48. 14) 1 Rg 2, 8. Vulg. loc.: *Suscitans et erigens, habet: Suscitat et erigit.* 15) Cf. 2, 34-35. 16) Cf. Gn 1, 27. 17) Ps 47, 2. 18) Ps 150, 2.

maior, Maria.

Sic multae
mulleres
magnae,

maior Maria.

philosophus; ¹⁹ nemo tamen magnus in omnibus reperitur; solus Deus magnus in omnibus est: magnus potentia, magnus sapientia, magnus bonitate, magnus gloria, magnus maiestate, etc.; hinc ait: *Laudate eum secundum multitudinem magnitudinis eius.* Ita Deus magnus cum sit in omnibus, Virginem fecit sibi similem, magnum in multis.

In Divinis Litteris multas mulieres legimus in multis magnas: Eva a Deo magna facta fuit dignitate et maiestate, nam facta fuit mundi regina, imperatrix; ²⁰ Sara, ²¹ Rebecca, ²² Rachel ²³ magnae fuerunt pulchritudine corporis et animae; Debora magna spiritu prophetiae et auctoritate, cum universum Israelis regnum iudicaret; ²⁴ Anna mater Samuelis magna vitae sanctitate; ²⁵ sic multas alias magnas mulieres legimus sapientia, prudenter, continentia, fortitudine animi aliisque virtutibus; sed Virgo Deipara magna facta est in omnibus.

Virgo Deipara
magna ad
utilitatem
nostram a Deo
facta est.

IV. Quaecumque Deus magna fecit, utique omnia ad magnam utilitatem nostram operatus est; fecit in coelo luminaria magna ad nostram utilitatem, fecit in terra magna flumina, maria, magnam naturalium rerum multitudinem, omnia ad nostram utilitatem. Fecit Ioseph magnum in Aegypto ad utilitatem domus Iacob, magnum fecit Moysem ad utilitatem Hebraeorum, magnum Eliam et Eliseum ad utilitatem et salutem Israelitarum, magnum Salomonem ad gloriam populi sui; ita magnam fecit Virginem Deiparam ad utilitatem totius Ecclesiae; sicut Mardochaeus dixit Esther reginae quod magna facta fuerat a Deo pro salute Iudeorum, ut eos eriperet a crudeli persecutione impii Aman. ²⁶

Causae magni-
tudinis Mariae.

Fecit mihi magna qui potens est et sanctum nomen eius. Magnitudinis sua Virgo tres veluti causas et fontes proponit: Dei potentiam, Dei sanctitatem et Dei misericordiam. Magnum flumen est quod magnos habet fontes, magnum mare in quod influunt magna flumina, magnum lumen a magno luminari. Unus sol totum illuminat mundum, coelum undequaque universum. Quid si tres essent soles unico hoc multis multisque partibus maiores? Dei potentia quam magna est? Immensa, infinita est sicut et Deus infinitus est. Dei sanctitas quam magna est? Immensa et infinita est sicut ipse Deus. Dei misericordia quam magna est? Immensa et infinita

19) Cf. Ioseph Perin *Onomastic.* sub hoc verbo. 20) Cf. Gn 1, 28. 21) Cf. Gn 12, 11. 22) Cf. ibid. 24, 16. 23) Cf. ibid. 29, 17. 24) Cf. Idc 4, 1 sqq. 25) Cf. 1 Rg 1, 1 sqq. 26) Cf. Est 4, 12-14.

est sicut ipsa Deitas. Quam magnum igitur flumen Maria ex tribus hisce fontibus! Quam magnum mare ex tribus hisce fluminibus!

Sed magnitudinem suam Virgo in tres partes veluti distinguit, dum tres statuit partes ac veluti tria principia: Dei potentiam, sanctitatem et misericordiam. Et revera triplex est in Virgine magnitudo: prima est dignitatis et auctoritatis a divina potentia, secunda est sanctitatis et gratiae coram Deo a divina sanctitate, tertia est pietatis, benignitatis et clementiae a divina misericordia et bonitate. Quam magna est dignitas et auctoritas Mariae? Ineffabilis est, incomprehensibilis est; eam nec lingua verbis assequi, nec mens cogitatione capere potest.

Triplex in
Virgine
magnitudo.

Dignitas enim in muliere vel a propria virtute oritur, vel a parentibus, vel a marito, vel tandem a filiis. In una tantum muliere reperimus dignitatem a solo Deo; nam prima mulier Eva a Deo condita et formata fuit in adiutorium hominis.²⁷ Aliquando etiam a fratribus reperimus in muliere dignitatem, ut in Maria prophetissa, quae princeps erat omnium mulierum Israelitarum, quoniam soror erat Moysis imperatoris et Aaronis summi pontificis Hebraeorum.²⁸ Nobiles autem ac dignitate praecellentes ex propria virtute mulieres paucae sunt. Reperiuntur tamen; nam talis fuit Iudith, patrato in Holophernem facinore,²⁹ multaeque aliae laudantur vel a fortitudine animi, vel a prudentia, vel a castitate et pudicitia.

27) Cf. Gn 2, 18.

28) Cf. Ex 15, 20.

29) Cf. Idh 13, 1, 1 sqq.

SERMO DECIMUS

MAGNIFICAT CANTICUM POTENTIAE SANCTITATIS ET MISERICORDIAE

*Fecit mihi magna qui potens est, etc.*¹

Virgo Deipara
Deum celebrat
tribus titulis
quibus in
Scripturis Deus
honoratur:
potentia,
sanctitate,
misericordia.

I. Tribus illustribus titulis Deum celebrat, nempe potentiae, sanctitatis et misericordiae, sicut ipsa ab Angelo tribus titulis honoris fuerat divinitus salutata: *Ave, gratia plena, Dominus tecum, benedicta tu in mulieribus.*² Saepissime in Divinis Litteris tribus hisce titulis Deus honoratur, dum appellatur Deus omnipotens, *El sadai: Apparui in Deo omnipotente.*³ Itemque: *Sanctus, sanctus, sanctus.*⁴ Et: *Misericors et miserator Dominus.*⁵ *Quemadmodum miseretur pater filiorum, misertus est Dominus timentibus se...* *Misericordia Domini ab aeterno... usque in aeternum super timentes eum, et iustitia illius in filios filiorum, his qui servant,* etc.^{5a} *Dominus misericors et clemens...* multae misericordiae et verax.⁶ *Qui facis misericordiam in millibus.*⁷

Iuxta autem tres hos titulos legimus multa opera Dei. Nam miracula sunt opera potentiae; iustificatio, sanctificatio, remissio peccatorum, conversio peccatoris, infusio gratiae, virtutes, dona Spiritus Sancti, virtus et operatio sacramentorum in Ecclesia sunt opera sanctitatis; hinc enim Deus dicitur iustus et iustificans, sicut sol lucidus et illuminans, ignis calidus et

1) Lc 1, 48. 2) Ibid. 1, 28. 3) Ex 6, 3. 4) Is 6, 3. 5) Ps 110, 4. 5a) Ps 102, 13.
17. Vulg. loc.: *Quemadmodum, habet: Quomodo.* 6) Ex 34, 4. 7) Jer 32, 18.

calefaciens; tandem omnia beneficia, sive corporalia sint sive spiritualia, sive temporalia sive aeterna, opera sunt bonitatis, benignitatis et clementiae. Nam hoc loco misericordia non significat affectum Dei erga peccatores, quo remittit peccata, sed benignitatem et clementiam veluti patris erga filios; hinc ait: *Misericordia eius super timentes eum*, sicut in *Psalmo: Quemadmodum miseretur pater filiorum*, etc. Frequentissime tria haec operum genera legimus Dei quidem in Veteri Testamento, Christi autem in Novo; veluti etiam sunt opera creationis, iustificationis et glorificationis.

Hinc in Divinis Litteris legimus tres fontes et tria flumina a loco Dei: apud Ezechiem fontem a loco Dei, unde flumen magnum quod trans vadari non potuit,⁸ apud Danielem a sede Dei fluvius igneus egrediebatur,⁹ et in *Apocalypsi* a sede similiter Dei fluvius veluti chrystallinus.¹⁰ Deus enim auctor est omnium bonorum naturae, gratiae et gloriae: natura potenter operatur, gratia sanctificat, gloria beatificat. Unum flumen bonorum naturalium oritur a fonte divinae omnipotentiae, maxime in creatione mundi; alterum flumen a fonte divinae sanctitatis, hoc est flumen bonorum gratiae; tertium flumen est bonorum gloriae a fonte divinae benignitatis. In opificio mundi eluxit divina potentia in operibus sex dierum; sanctitas in homine condito ad imaginem et similitudinem Dei, totus enim purus, sanctus, gratia et donis Spiritus Sancti plenus conditus fuit; sed bonitas qua Deus homini universum mundum dono dedit: *Dominamini piscibus maris*, etc.;¹¹ *Constituisti eum super opera manuum tuarum... omnia subiecisti sub pedibus eius*; sic: *Gloria et honore coronasti eum*.¹² Magnum donum, magna gratia, magnus favor a magna Dei bonitate et clementia!

Deus
tripliciter fons.

II. Sed tamen Virgo Beata dicit: *Fecit mihi magna qui potens est*, etc.; non magna Patriarchis, non magna Prophetis, non Angelis ipsis; sed *mihi*, inquit, *fecit magna ille potens*, qui omnia potest. Nam in Virgine Beata magna reperimus miracula, quae sunt opera potentiae; magna dona gratiae et Spiritus Sancti, quae sunt opera sanctitatis; magna beneficia suminique favores, quae sunt opera benignitatis et clementiae. Sed quam magna sint haec, quis verbis assequi, quis pro dignitate poterit explicare?

Virgo Deipara
super omnia
opus potentiae,
sanctitatis,
misericordiae.

Nomen maris¹³ habet, appellatur odoratum mare.¹⁴ Sed quam

Maria opus
potentiae.

8) Cf. 47, 1-5.

9) Cf. 7, 10.

10) Cf. 22, 1.

11) Gn 1, 28.

12) Ps 8, 6-7.

13) Cf. ipsum Auct. *Serm. 3 in Salut. Angel.*

14) Sic Mariae nomen sonat ex verbis hebr. *mār, myrrha, et jām, mare.*

magnum mare! Quam capax, quod tria capit flumina, quorum unumquodque infinitam aquarum vim et copiam affert! Quam magnum mare, quod capit illum quem coeli et coeli coelorum... capere non possunt,¹⁵ in quo inhabitat omnis plenitudo Divinitatis corporaliter!¹⁶ Fecit mihi magna qui potens est. Magna opera potentiae, magna miracula!

Dabit Dominus ipse vobis signum, idest, miraculum. Quodnam miraculum? Ecce Virgo concipiet, et pariet filium: Ecce Virgo praegnans, et pariens filium. Sed quem filium? Vocabitur nomen eius Emmanuel, nobiscum Deus;¹⁷ Vocabitur... Admirabilis, Consiliarius, Deus, Fortis, Pater futuri saeculi, Princeps pacis... et pacis non erit finis.¹⁸ Magnum miraculum, nam novum creavit Dominus super terram, femina circumdabit virum.¹⁹ Quem virum? Acquisivi virum Deum,^{19a} virum perfectum natura, gratia, gloria; perfectum supra omnem naturam, gratiam et gloriam Angelorum et hominum, aequalem Deo. Magnum miraculum, nam Verbum caro factum est... et vidimus gloriam eius, gloriam quasi Unigeniti a Patre, plenum gratiae et veritatis... et de plenitudine eius nos omnes accepimus.²⁰ Magnum miraculum, quia facta est Mater Dei: Unde hoc mihi, ut veniat Mater Domini mei ad me?²¹ Magnum miraculum! Quis audivit unquam tale, aut quis vidit huic simile? Antequam parturiret peperit filium masculum.²² Mulier amicta sole... peperit filium qui assumptus est ad Deum et ad thronum eius, et recturus gentes.²³

Maria opus
sanctitatis.

Nec tantum: *Fecit mihi magna qui potens est, verum etiam: Sanctum nomen eius; non tantum magna miracula potentiae Dei, verum etiam magna opera sanctitatis Dei, sicut Angelus dixit ei: Gratia plena, Dominus tecum. Quis est iste Dominus? Virtus Altissimi obumbrabit tibi et Spiritus Sanctus superveniet in te.²⁴ Haec sunt opera sanctitatis: Gratia plena... Spiritus Sanctus superveniet in te. Quaenam plenitudo gratiae Mariae? Quaenam copia donorum Spiritus Sancti in ea? « Descendit, inquit Athanasius, *De Deipara*, in eam Spiritus Sanctus cum omnibus virtutibus essentialibus, ut in omnibus gratiosa esset; et propterea plena gratia dicitur, eo quod adimpletione Spiritus Sancti omnibus gratiis ab-*

15) 3 Rg 8, 27.

16) Col 2, 9.

17) Is 7, 14. *Virgo praegnans*, etc. ex hebr.

18) Ibid. 9, 6-7.

19) Jer 31, 22.

19a) Gn 4, 1 ex hebr. De hoc loco videoas

ipsum Auct. Serm. 5 in Ps. 86 prope initium.

20) Io 1, 14, 16.

21) Lc 1, 43.

22) Is 8-7.

23) Apc 12, 1, 5. Vulg. loc.: *Peperit filium qui assumptus est*, etc., habet: *Pe-*

perit filium masculum qui recturus erat omnes gentes... et raptus est filius eius ad Deum, etc.

24) Lc 1, 35.

undaret ». ²⁵ « *Gratia plena*, inquit Hieronymus, quia in eam tota plenitudo gratiae se infudit ». ²⁶

Praeter haec adhuc: *Fecit mihi magna ille cuius misericordia... a progenie in progenies*, ²⁷ idest, cuius infinita aeternaque benignitas et clementia est. Quam magna fuerint beneficia divina, favores, honores, dignitates, privilegia, praerogativa divinae excellentiae Mariae, quaenam vel angelica lingua enarrare poterit, facta cum sit Filia Dei Patris, Mater vera Dei Filii, Sponsa et unicum solatum Spiritus Sancti, Regina coeli, Domina Angelorum, Imperatrix universi? Sic Angelus ait ei: *Benedicta tu in mulieribus*, super omnes mulieres, super omnes creaturas.

Maria opus
misericordiae.

III. Sed sicut luna plena quidquid luminis a sole accipit, totum effundit in hunc mundum ad utilitatem rerum harum, quae natura gignuntur, quoniam luna est veluti mater et nutrix rerum, quae in inferiori hoc mundo natura gignuntur; ita Virgo Beatissima quidquid a Deo accepit, omnia ad communem totius mundi utilitatem commodumque largiter effundit. Sic, cum potentissima divinitus facta sit super omnes creaturas, est etiam clementissima; cum ditissima facta sit, est etiam liberalissima, non designatur pauperes humilesque, gentiles et populares suos. Sed, sicut Esther supra modum ex humili loco exaltata factaque regina et imperatrix, non in sublime elata designata fuit suos, sed existimans quod in salutem populi sui fuerat divinitus exaltata, semper curam et protectionem popularium suorum patrociniumque gentis sua apud regem suscepit; ²⁸ ita Virgo Beatissima apud Deum, quoniam in tali tantaque sublimitate, qua super omnes Angulos ad dexteram Filii Summi Regis regum collocata est, humillima et humanissima est. Et sicut altissima omnium creaturarum est; ita etiam humillima est: *Quia respexit humilitatem ancillae suae*. ²⁹ Sicut enim solo aspectu suo lunam illuminat, sibique simillimam reddit, sed ad publicam mundi totius utilitatem; ita Deus, summus sol sempiternae lucis, solo aspectu suo Virginem Beatam sibi omnium creaturarum simillimam fecit, utique ad mundi totius utilitatem.

Virgo Deipara
quidquid a Deo
acepit
ad utilitatem
nostram conferit.

Simile: Esther.

Sicut autem tria flumina Divinitatis, flumen potentiae, sanctitatis et benignitatis divinae in mare ter maximum Mariae influxerunt; ita facta est

Maria innumera
operari potest
miracula.

²⁵) *Serm. De Annunt. Deip.* n. 9. (P. G. 28, 339). Spurius, ad sensum.

²⁶) *Serm. De As-*

sumpt. Virg. n. 5. (P. L. 30, 127). Incerti auctoris, ad sensum.

²⁷) Lc 1, 50.

²⁸) Cf. Est cпп. 2 et 7.

²⁹) Lc 1, 48.

ipsa creaturarum omnium sub Deo potentissima, sanctissima et clementissima. Sic ipsa potest innumera operari miracula; nam, si *omnia possibilia sunt credenti*,³⁰ si *qui credit in me et haec faciet, et maiora horum faciet*;³¹ quid cogitandum de Virgine Beatissima est? Ipsa potentissima et clementissima ad conferenda nobis beneficia cum corporalia tempora liaque tum etiam spiritualia et aeterna; nam apud Deum summae auctoritatis est, erga nos vero summae caritatis. *Fecit mihi magna qui potens est.* Supra modum Deus Beatam Virginem honoravit, et quantopere nobis honoranda sit ostendit. Sic honorabitur Mater sole amicta.

30) Mc 9, 22.

31) Io 10, 12.

5.

SUPER: BEATUS VENTER

SERMONES QUINQUE

Pactum est autem, cum haec diceret, extollens vocem quaedam mulier de turba dixit illi: Beatus venter qui te portavit, et ubera quae susisti. At ille dixit: Quinimo, beati qui audiunt verbum Dei, et custodiunt illud. Lc 11, 27-28.

SERMO PRIMUS

DE VIRGINIS DEIPARAE DIVINA MATERNITATE

*Extollens vocem quaedam mulier de turba dixit
illl: Beatus venter qui te portavit, etc.* ¹

I. Laudatam legimus Virginem Deiparam ab Angelo: *Ave, gratia plena,
Dominus tecum, benedicta tu in mulieribus,* ² sed secreto loco, inter domesticos parietes; laudatam ab Elisabeth: *Benedicta tu inter mulieres, et
benedictus fructus ventris tui. Et unde hoc mihi ut veniat Mater Domini
mei ad me?... Beata quae credidisti, quoniam perficiuntur in te... quae
dicta sunt tibi a Domino,* ³ verum haec etiam laus fuit in privata domo. Hinc divinitus factum est ut hodie publico loco, in frequentissimo populo, a sancta quadam muliere divinis laudibus celebraretur; nam ait: Loquente eo ad turbas, *extollens vocem quaedam mulier de turba dixit ei: Beatus venter
qui te portavit, et ubera quae suxisti.* Hic autem praeter materiam ipsam laudis huius plura consideranda nobis se exhibent: tempus laudis huius, locus, modus et scopus.

Tempus est, loquente eo ad turbas, dum Christus verbum Dei prae-dicaret. Quare importune mulier haec interrupisse et interturbasse visa est concionem; et tamen Christus non aegre tulit, boni aequique consuluit; imo gravissimis etiam verbis auxit, dicens: *Quinimo, beati qui au-diunt verbum Dei, et custodiunt illud.* ⁴ Non ergo, ut nugantur haeretici, ^{4a} Verbum Dei prohibet laudes Sanctorum, maxime vero Virginis Dei-

Insignis laus
mulieris evange-
licae in Dei-
param ratione
temporis, loci
modi et scopi
laudis.

Tempus
huius laudis.

1) Lc 11, 27.

2) Ibid. 1, 28.

3) Ibid. 1, 42-43. 45.

4) Ibid. 11, 28.

4a) Cf. Calvinum, *Harm. Evang.* Lc ep. 11, t. 6; Lutherum, *In Post. maiori in Dom.* 3 *Quadrag.*

parae, quae Regina Sanctorum omnium est, quin etiam promovet laudes et venerationem eius; ex concione nanque Christi sancta haec mulier occasionem sumpsit laudandi Virginem Matrem. Dum alia vice concionaretur, Dominus moleste tulit quod quidam concionem interturbavit, dicens quod Mater ipsius foris staret cum fratribus quaerens ipsum; unde respondit: *Quae est mater mea?... Quicumque... fecerit voluntatem Patris mei*, etc.⁵ Duriuscule locutus visus est Dominus internuncio illi, qui existimabat a Christo Matri honorem deberi, sicut a Salomone Bethsabee tanquam verae matri;⁶ sed Christus docere voluit praferendum honorem Patris honoris Matris, et ne existimaret vulgus se filium esse Matris suae sicut quivis alius homo, non autem ipsius esse et Dominum et Creatorem tanquam verum Deum. Itemque docere voluit Matris dignitatem non in eo tantum consistere quod mater ipsius carne esset, verum etiam quod spiritu et soror et mater.

Hodie autem sanctam hanc mulierem non increpat, non dure suscipit, sed gratiouse; non improbavit dictum ipsius, sed comprobavit et auxit, licet generali sententia, ne videretur carnis affectu tactus eam laudibus celebrasse.

Locus.

Locus autem laudis huius est publicus, frequentissimo populo, magno cum Virginis Matris honore. Nec tamen in tanta populi frequentia inventus est qui eam increparet, contradiceret, interturbaret a laude; forte quia nullus ibi inventus est Nestorianus, nullus Lutheranus aut Calvinista. Omnes laudanti assensere; fateri enim cogebantur merito talis tantique Filii Matrem beatam praedicari. Sic publice colenda, honoranda, laudanda ostenditur in sancta Ecclesia Virgo Deipara.

Modus.

Modus laudis huius est alta voce: *Extollens vocem quaedam mulier*; quo ostenditur magnus fervor spiritus magnusque devotionis ardor. Magna cum energia sancta haec mulier Divino Spiritu afflata Deiparae Virginis laudem praedicavit; magno enim spiritus ardore divinitus acta, in tanta frequentia populi, ubi tot erant inimici Christi, Matrem ipsius in ipsiusmet gloriam laudare nec timuit, nec erubuit, sed vocem extulit, et in diinas laudes erupit. Vicit ardor fidei naturalem mulieris erubescientiam, superavit expulitque omnem timorem, nam *perfecta caritas foras mittit timorem*.⁷

5) Mt 12, 48. 50.

6) Cf. 3 Reg 2, 19 sqq.

7) 1 Io 4, 18.

Scopus.

Tandem *scopus laudis* huius est Christi honor et gloria; ut enim Christum laudaret, Matrem laudavit, nam laus Matris cedebat in honorem et gloriam Filii. Propterea enim Matrem beatam praedicabat, quia talem tantumque genuerat Filium; sic laus Matris in Filium redundabat. Laudando igitur Matrem nihil detraxit de Filii laudibus, quin etiam auxit. Sicut enim cum artificis operam laudamus, ipsum utique laudamus artificem; sic cum Dei laudamus operam, Deum ipsum Christumque laudamus, rerum omnium artificem et conditorem. Omnis autem Sanctus quid nisi opus Dei est? Hinc apud Isaiam legimus 43: *Haec dicit Dominus creans te, Iacob, et formans te, Israel;* et iterum: *Omnem qui invocat nomen meum in gloriam meam ego creavi eum, formavi eum... feci eum.*⁸ Hinc etiam Paulus ait: *Induite novum hominem qui secundum Deum creatus est in iustitia et sanctitate veritatis.*⁹

II. Invenimus in Sacris Litteris Virginem Deiparam laudatam a Deo, ab Angelis, ab hominibus; solum a Christo laudatam non invenimus, quin potius veluti redargutam. Nam cum duodennis inventus in templo audisset a Matre: *Fili, quid fecisti nobis sic? Ego et pater tuus dolentes quaerebamus te,* respondit: *Quid est quod me quaerebatis? Nesciebatis quia in his, quae Patris mei sunt, oportet me esse?*¹⁰ In Cana Galilaeae cum dixisset ei: *Vinum non habent,* dixit: *Quid mihi et tibi est mulier? Non dum venit hora mea.*¹¹ Alibi: *Quae est mater mea et qui sunt fratres mei? Quicumque... fecerit voluntatem Patris mei qui in coelis est, ipse meus frater et soror et mater est.*¹² Sic redarguere visus est atque contemnere. Hinc multi haereticorum, Marcionistae, Valentiniani, Manichaei negarunt Virginem veram esse Christi Matrem, quia Christus ait: *Quid mihi et tibi est, mulier?* cum tamen ibi semel et iterum et tertio Mater Christi appelletur.

Sed revera, sub specie quidem reprehensionis licet locutus videatur ad instructionem aliorum, non reprehendit Matrem; nam ubi nulla est culpa, ibi nulla potest esse vera reprehensio. Venerat Christus ut plantaret fidem, maxime vero Divinitatis suae, ut verus Dei Filius crederetur. Eum filium esse Mariae omnes credebant; filium esse Dei verumque patrem Deum habere in coelo nemo credebat; hinc ait: *In his quae Patris mei*

Deipara laudata
ab omnibus
etiam a Christo,
si non explicite,
certo implicie.

Christus non
reprehendit
Matrem.

8) Vrr. 1. 7.
11) Io 2. 3-4.

9) Eph 4, 24.
12) Mt 12, 48-50.

10) Lc 2, 48-49. Vulg. habet: *Ecce pater tuus et ego, etc.*

Christus non
negat Matrem
secundum
carnem, sed
secundum spi-
ritum praefert.

sunt, oportet me esse; Deum ipsum patrem suum appellans, ut scirent omnes se alium habere patrem, cui multo magis obedire atque deferre oportebat. Sic: *Quid mihi et tibi, mulier?* ut doceret se non ut filius est Virginis quatenus homo, sed ut Dei filius est quatenus Deus, posse operari miracula, non tactus affectu carnis, sed tantum pro gloria Dei. Sic: *Quae est mater mea?* non negat veram Matrem, nec carnales consanguineos, sed spirituales praefert; ut, si magnum quid videbatur, ut revera erat, matrem esse Christi et patrem secundum carnem, multo maius erat secundum spiritum esse. Sic Christus multo magis dignitatem Matris ostendebat; nam docebat illam, quae non nisi hominis, magni licet prophetae, mater putabatur,^{12a} revera Matrem esse Dei Matremque suam non tantum secundum carnem, verum etiam secundum spiritum, multoque beatiorem esse, quia secundum spiritum Mater erat quam quia secundum carnem. Sicut autem cum negare videtur Dominus matrem, ut: *Quid mihi et tibi,* et: *Quae est mater mea,* non tamen negat; cum videtur arguere, revera non arguit.

A muliere
evangelica
Deipara laudata
a dignitate,
qua vera
et naturalis
Mater Del.

III. In hoc encomio sex sunt quae consideranda summatim veniunt: tempus, locus, modus, scopus laudis huius, persona laudatrix et laudata. Persona laudatrix mulier quaedam dicitur de turba, humilis conditionis; sed mulier erat Christi fide et caritate imbuta, mulier humilis et virilis, non timida aut tumida, ut vel timeret vel erubesceret: exemplar animae vere fidelis.

Beatus venter qui te portavit, et ubera quae suxisti. At ille ait: *Quinimo, beati qui,* etc. Duae laudes dantur Virgini Deiparae in his verbis, altera a dignitate, altera a virtute; prior a muliere Virginis laudatrice, posterior a Christo; prior expressa, manifesta est singularis personae, posterior sub generali sententia continetur: *Beati qui audiunt verbum Dei, et custodiunt illud;* prior ad naturam spectat, nam Virgo naturalis fuit Christi Mater, posterior ad gratiam; tandem prior ad carnem et corpus Virginis, posterior ad animam et spiritum, ut ostendatur Virgo Deipara Christi tum secundum carnem tum etiam secundum spiritum vera Mater.

Siquidem cognatorum Christi tria veluti genera legimus: quidam enim tantum secundum carnem, qui in Evangelio *fratres Domini* dicti sunt, de quibus etiam dicitur quod *non credebant in eum*; ¹³ alii secundum spiri-

12a) Cf. Mt 21, 46.

13) Cf. Io 7, 5.

tum, nam: *Extendens manum in discipulos suos*, ait: *Ecce mater mea et fratres mei*; sic enim omnes iusti dicti sunt *filii Dei et heredes, Christi* autem *fratres et coheredes*; ¹⁴ alii tandem cognati Christi utroque modo, veluti sanctissimi Patriarchae atque Prophetae, ex quibus secundum carnem Christus natus est; ¹⁵ sic enim a Matthaeo dicitur *filius David, filius Abrahae*. ¹⁶ Ex hoc genere, et quidem principi loco, fuit Virgo Sanctissima; hinc in evangelicis hisce verbis utrinque laudatur.

Beatus venter qui te portavit. Tribus vicibus in sacro Evangelio Virginem Sanctissimam titulo beatitudinis insignitam legimus. Primo ab Elisabeth: *Beata quae credidisti, quoniam perficiuntur in te... quae dicta sunt tibi a Domino*; ¹⁷ secundo in Cantico ipsius Virginis: *Beatam me dicent omnes generationes, quia fecit mihi magna qui potens est*; ¹⁸ tertio hoc loco a fidei hac sanctaque muliere: *Beatus venter qui te portavit.* Forte quoniam triplex beatitudo reperitur: beatitudo fortunae in mundo, quae temporalis est felicitas, qualis fuit Salomonis, et de qua legimus: *Beatum dixerunt populum cui haec sunt*, ¹⁹ nempe bona huius mundi, de quibus verba fecerat; alia est beatitudo gratiae in Ecclesia sancta Dei, quae spiritualis est, et in spiritualium bonorum copia consistit, qua Iusti in Sacris Litteris saepissime beati nuncupantur, et de qua Regius Vates subiunxit: *Beatus populus cuius Dominus Deus eius*, ²⁰ nam Deus infinitus thesaurus est et fons perennis omnium bonorum; tertia tandem est beatitudo gloriae in paradyso, quae in Summi Boni ^{20a} perpetua perfectaque fruitione consistit, de qua legimus: *Beati qui ad coenam nuptiarum Agni vocati sunt*. ²¹ Virgo autem Sanctissima magna fuit procul dubio beatitudine donata etiam in hoc mundo, cum esset vera Mater talis et tanti Filii; multo autem maiori beatitudine gratiae in Ecclesia sancta Dei, hinc ad eam Gabriel: *Ave, gratia plena, Dominus tecum, benedicta tu inter mulieres*, hinc item ad eam Elisabeth: *Beata quae credidisti*; nunc autem maxima supra modum beatitudine gloriae in coelo fruitur, sedens ad dexteram Filii: *Astitit regina a dextris tuis in vestitu deaurato, circumdata varietate*. ²² Sic Virgini Deiparae divinitus data est triplex beatitudo.

Beatus venter qui te portavit. Laudat Virginem a dignitate Matris,

Deipara triplici
benedictione
beata.

Prima laus
Deiparae.

14) Rom 8, 17.

15) Cf. Ibid. 9, 5.

16) Cf. 1, 1.

17) Lc 1, 45.

18) Ibid. 1, 48-49.

19) Ps 143, 15.

20) Ibid.

20a) Ms.: *Bona*.

21) Apc 19, 9.

22) Ps 44, 10.

quod Mater fuerit veraque Genitrix et nutrix Christi Filii Dei; haec enim prima laus Virginis aliorumque omnium caput et radix. Sicut enim prima laus Christi est quod sit natura verus Filius Dei, primogenitus et unigenitus; ita prima laus Virginis est quod sit vera et naturalis Mater Christi, Mater Dei.

Impius Nestorius Sanctissimae Virgini conatus fuit hanc adimere dignitatem; docebat enim quod non poterat Virgo *Theotocos*, idest *Dei Genitrix* [dici] quia nullibi^{22a} in Scriptura Mater Dei appellatur, sed *Christotocos*, idest *Christi Genitrix*, quoniam Mater Iesu et Mater Christi saepe nuncupata legitur. Sed contra Nestorium coactum fuit Concilium Ephesinum, in quo dignitas haec Virginis summa mirum in modum propugnata stabilitaque fuit. Fuit autem Concilium Ephesinum unum ex quatuor generalibus, quae Gregorius Magnus haberi volebat tanquam quatuor Evangelia.²³ Primum fuit Nicaenum contra Arium, ad defendendam Divinitatem Christi, secundum fuit Constantinopolitanum contra Macedonium, ad tuendam divinitatem Spiritus Sancti; tertium fuit Ephesinum, ad defendendam dignitatem Virginis, quod vera fuerit Mater Dei, vera Dei Genitrix, quae postea in quarto Chalcedonensi Concilio aliquis omnibus posterioribus confirmata fuere. Chalcedonense Concilium contra Eutychem abbatem constantinopolitanum coactum fuit, quoniam asserebat Christum non veram carnem sumpsisse de Virgine, renovatis Valentini, Manetis et Apollinaris damnatis erroribus.^{23a}

Nestorius
damnatus.

Virgo vera
Mater Dei
e ratione
theologica,

Et tamen non desunt adhuc haeretici qui Virginem Sanctissimam summa hac dignitate spoliare contendant, eo quod in Sacris Litteris non sit expresse Mater Dei appellata, sed Mater Christi, Mater Iesu. Bene, sed dico: Quis est iste Christus? Nonne Verbum caro factum? Nonne Unigenitus Filius Dei? Nonne *benedictus in saecula?*²⁴ Num Rebecca non est dicenda mater patriarchae Iacob, quia legitur Iacob, non autem patriarcham genuisse? Num Sara propterea non est dicenda mater Isaac patriarchae, quia non legitur patriarcham genuisse? Iocabed, mater prophetae et legislatoris Moysis Aaronisque summi pontificis, quia non ita legitur? Bethsabee non dicetur mater regis Salomonis, quia Salomonem non regem genuisse memoratur? Quis fuit Salomon? An Eva non est dicenda mater hominis cum genuit Abel, quia non ita legitur? Quis fuit Abel?

22a) Ms.: *Nulli.* 23) Cf. Epistolarum lib. 3, *Epist. 10 ad Savinum Subdiac.* (P. L. 77, 632).
23a) De his Haeresibus et Concil. vides Hefele, *Conciliengeschichte*, t. 1-2. 24) Rom 1, 25.

Aiunt quod non genuit Christum secundum divinitatem, sed secundum humanitatem. Bene, sed neque Eva, mater viventium, genuit hominem - et quaelibet mater - nisi secundum carnem, secundum corpus; ergo non gignit hominem? Quomodo ergo in primo partu dixit: *Possedi hominem per Deum?*^{24a} Quoniam mulier... cum... pepererit... non meminit pressurae, propter gaudium, quia natus est ei homo in mundum.²⁵

Summa autem haec Virginis Sanctissimae dignitas non obscure in Sacris Litteris demonstratur. Apud Isaiam: *Ecce Virgo concipiet et pariet filium, et vocabitur nomen eius Emmanuel, nobiscum Deus;*²⁶ et iterum: *Parvulus natus est nobis, et filius datus est nobis, et factus est principatus super humerum eius, et vocabitur nomen eius Admirabilis, Deus, Fortis,*²⁷ etc.; itemque: *Rorate, coeli, desuper et nubes pluant Iustum; aperiatur terra, et germinet Salvatorem.*²⁸ In Novo autem Testamento: *Quod.. ex te nasceret Sanctum, vocabitur Filius Dei, hoc est, erit;*²⁹ sicut: *De qua natus est Jesus qui vocatur Christus;*³⁰ itemque: *Unde hoc mihi ut veniat Mater Domini mei ad me?*³¹ et iterum: *Natus est vobis hodie Salvator, qui est Christus Dominus.*³² Et Paulus: *De Filio suo qui factus est ei ex semine David secundum carnem;* et alibi: *Cum venit plenitudo temporis, misit Deus Filium suum natum ex muliere.*³³ Sicut autem dicitur: *Filius Dei passus et mortuus in cruce: Humiliavit semet ipsum... usque ad mortem, mortem autem crucis;*³⁴ *Si... cognovissent, nunquam Dominum gloriae crucifixissent;*³⁵ et Petrus: *Auctorem... vitae interfecistis,*³⁶ cum tamen nonnisi secundum carnem, secundum humanitatem passus sit; ita Filius Dei dicitur de Virgine natus;³⁷ sic Ioannes ait quod *Verbum caro factum est.*³⁸ Sic haec prima dignitas est Virginis gloriosae, quod vera et naturalis sit Dei veri Christi Mater.

Hinc illustris poeta Sedulius, Divo Hieronymo etiam notus, hanc commendans in Virgine dignitatem, ita canit:

« Salve sancta Parens, enixa puerpera Regem,
Qui coelum terramque tenet per saecula, cuius^{38a}
Numen, et aeterno complectens omnia gyro
Imperium sine fine manet; quae ventre beato

e testimonio
Sacrae
Scripturae,

e testimonio
Traditionis.

24a) Gn 4, 1. 25) Io 16, 21. 26) 7, 14. 27) 9, 6. 28) 45, 8.
29) Lc 1, 35. 30) Mt 1, 16. 31) Lc 1, 43. 32) Ibid. 2, 11. 33) Rom 1, 3; Gal 4, 4.
34) Phil 2, 8. Vulg. loc.: *Natum ex muliere, habet: Factum, etc.* 35) 1 Cor 2, 8.
36) Act 3, 15. 37) Cf. Lc 1, 35. 38) 1, 14. 38a) Ms. addit: *Cut.*

Gaudia matris habens cum virginitatis honore,
 Nec primam similem visa est, nec habere sequentem.
 Sola sine exemplo placuisti, femina, Christo ». ³⁹

Sic omnes sancti Patres ab initio nascentis Ecclesiae Virginem Sanctissimam tanquam veram Dei Matrem summis laudibus celebrarunt.

Deipara etiam
a nobis
honoranda

IV. Ostendit autem is titulus quis honor, quaeque reverentia tantae ^{39a} maiestati debeatur. Ad hoc enim Divina Scriptura ostendit tantum veritatem huius dignitatis, non praecipit honorem aut venerationem; sicut etiam ostendit Christum esse verum Filium Dei, credendumque id esse; non tamen praecipit adorandum. Quid ergo? Adorandus minime est? Imo summa pietate adorandus et colendus. Cur igitur non praecipitur? Quia opus non est, nam ex primo statim sequitur secundum; ipsa enim natura docet principem honorandum esse statim ut cognoscitur. Sic caecus natus, illuminatus a Christo, statim ut Filium Dei agnoscit, adoravit. ⁴⁰ Sic non fuit opus praecipere veris fidelibus, ut veram dignamque Christi Matrem honorarent. Quis enim rex fidelibus suis subditis et popularibus praecipit, ut reginam matrem vel coniugem honorent? Aut quis sapiens timere potest ne regem offendat, si, ut par est, reginam honoret? Quam stulti igitur sunt Novatores sectarii, qui iniuriam Christo fieri dicunt, cum Mater ipsius honoratur. Sapiens princeps potest moleste ferre, ut ipsius causa reginae exhibeat honor?

Beatus qui Virginem honorat et colit, nam ipsa bona terra est quae centuplum reddit, ⁴¹ similis Deo, sicut Adamo Eva. Proprium autem Dei est centuplum reddere; Virgo autem Sanctissima hoc maxime satagit Deo similis esse.

39) *Carm. Pasch.* lib. 2, vrr. 63-69. (P. L. 19, 203-205). Videtur autem Sedulius non fuisse notus Hieronymo. Cf. Migne *Proleg. in Sedulum.* (P. L. 19, 1 sqq.). ^{39a} Ms.: Tanti.

40) Cf. Io 9, 35-38. ⁴¹⁾ Cf. Mt 18, 23.

SERMO SECUNDUS

DE VIRGINIS DEIPARAE FECUNDA VIRGINITATE

*Beatus venter qui te portavit,*¹

Omnibus plane modis laudanda semper nobis est Beatissima Virgo Maria; siquidem in *Canticis* omnibus modis omnibusque et singulis corporis partibus laudata reperitur. Laudatur caput, oculi, nasus, genae, labia, collum, pectus, crura, pedes;² sed specialiter venter et ubera, ait enim, cap. 7: *Umbilicus tuus crater tornatilis, nunquam indigens poculis; venter tuus sicut acervus tritici vallatus liliis; duo ubera tua sicut duo hinnuli gemelli capreae.*³ Simul coniungit laudem ventris cum laude uberum, sicut hic.

Semper Virgo
laudanda.

Non est autem nunc animus prosequi uberum laudes, sed tantum in uteri laudibus immorari. Semel atque iterum laudat: *Umbilicus tuus crater tornatilis*, hebraice *hasahar*, quae vox *rotundum* significat, quo nomine ab Hebreis luna appellatur cum plena est; *nunquam indigens poculis*, hebraice *non egebit mistione*. Haec prima laus est. Altera vero: *Venter tuus acervus tritici vallatus liliis*. Due sunt primariae laudes sanctissimi huius uteri: altera est virginalis castitas, altera materna fecunditas; utramque autem duobus hisce versibus Spiritus Sanctus expressit, priori quidem metaphora virginitatem, posteriori vero fecunditatem. *Umbilicus*

Virgo laudanda
a virginali
fecunditate.

Castitas.

1) Lc 11, 27.

2) Cf. cпп. 4. 7.

3) Vrr. 2-3.

tuus luna plena, ut hebr. est. Luna autem humida et frigida est; libido autem in humore et calore vehementi consistit. Hinc luna antiquis dicta Diana⁴ est, virginitatis et castitatis dea. Designat itaque ventrem hunc nunquam vel minime tactum esse cupiditate aut ardore vel pruritu libidinis, nunquam experivisse potum ad levandam sitim libidinis; semper fuisse instar lunae plenae, quae virginitatis veluti hieroglyphicum est ob temperatissimum calorem et refrigerantem roridum humorem.

Fecunditas.

Altera vero metaphora fecunditas designatur: *Venter tuus acervus tritici vallatus liliis*. Est autem triticum suapte natura fecundissimum, ita ut bono solo exceptum unum tritici granum producat multas spicas, aliquando, ut Plinius refert,⁵ supra centenas spicas. Ob fecunditatem ergo venter hic tritico comparatur. Sequitur autem et dicit quod acervus hic tritici vallatus erat liliis, quoniam fecunditas haec magno miraculo ornata est virginitatis internae et externae floribus; concepit enim et peperit semper manens virgo corpore et mente purissima et integerrima. Hoc divinum mysterium Isaias expressit, dicens: *Ecce Virgo concipiet et pariet filium*,⁶ hebraice: *Ecce Virgo concipiens et pariens filium*. Si virgo est viro incognita, virum nunquam experta, quomodo concipit? Quomodo parit? Et si parit filium, quomodo virgo est? Et tamen utrumque dicit: *Ecce Virgo concipiens et pariens filium*. Hae igitur sunt singulares laudes sanctissimi huius ventris: virginitas et fecunditas; quam etiam ab initio Deus ipse designavit, dum serpenti dixit: *Inimicitias ponam inter te et mulierem, et inter semen tuum et semen illius; ipsum conteret caput tuum*;⁷ ubi Christus filius dicitur mulieris, nulla penitus de viro facta mentione.

Scripturarum
figurae.

Ad fidem hanc astruendam voluit Deus ut Isaac miraculo de sterili muliere nasceretur,⁸ Iacob de sterili Rebecca,⁹ Joseph de sterili Rachele,¹⁰ Samson de sterili matre,¹¹ Samuel de sterili Anna,¹² Ioannes Baptista ex sterili Elisabeth,¹³ ut crederemus, sicut etiam Gabriel Mariae dixit,¹⁴ non esse Deo impossibile ex virgine hominem procreare, sicut in mundi exordio primum hominem ex terra divino miraculo formavit.^{14a} Hoc designat mysterium rubus ardens et incombustus,¹⁵ hoc virga Aaronis, quae miraculo fronduit et fructificavit,¹⁶ hoc tabulae legis absque stilo ferreo et

4) Cf. Joseph Perin in *Onomastic.* sub hoc verbo.

5) Cf. *Hist. Nat.* lib. 18, ep. 10, pag. 322.

6) 7, 14. 7) Gn 3, 15. Vulg. habet: *Ipsa*.

8) Cf. Gn 17, 15-19. 9) Cf. ibid. 25, 21.

10) Cf. ibid. 30, 22-24. 11) Cf. Idc 13, 2.

12) Cf. 1 Rg 1, 2. Ms.: *Samuelem*.

13) Cf. Lc 1, 7. Ms.: *Ioannem Baptistam*.

14) Cf. Lc 1, 37. 14a) Cf. Gn 2, 7.

15) Cf. Ex 3, 2. 16) Cf. Nm 17, 8.

lapticidae instrumentis Dei digito scriptae,¹⁷ hoc apud Danielem lapis de monte praecisus, sed sine manibus,¹⁸ hoc apud Ezechielem porta semper clausa et tantum principi aperta, porta orientalis ad ortum solis,¹⁹ hoc coelum in quo panis Angelorum divina manu factus populo dabatur,²⁰ hoc est quod Isaias ait: *Antequam parturiret, peperit; antequam veniret partus eius, peperit masculum. Quis audivit unquam tale, et quis vidit huic simile?*²¹ Magnum revera miraculum! Sicut etiam idem ait Isaias: *Propter hoc dabit Dominus ipse vobis signum: Ecce Virgo concipiet et pariet filium;*²² et Ieremias: *Novum creavit Dominus super terram, femina circumdabit virum.*²³ Et item: *Suscitabo David germen iustum,*²⁴ quod etiam iterum alio loco replicat;²⁵ et apud Zachariam: *Ecce vir Oriens,*²⁶ hebr.: *Germen nomen eius;* et Isaias: *Ascendet sicut virgultum coram eo, et sicut radix de terra sittienti.*²⁷ Germen namque nonnisi terram habet parentem matremque, patrem in coelo habet solem ipsum, qui auctor est omnis in terra generationis. Sic saepe in Divinis Litteris Christus ex Virgine nasciturus indicatur, ac sic laudatur uterus Virginis a virginitate et fecunditate.

Haec autem duo diximus ab Isaia uno vaticinio complexa: *Ecce Virgo praegnans et pariens filium*, quod item postea per *mem* clausum indicavit 9 cap.²⁸ Sed aiunt veritatis inimici Isaiam non esse locutum de virgine, sed de puella, de adolescentula, quoniam non est ibi *bethulah* sed *hahalmah*, quam *Prov.* 30, violatam mulierem significare videtur, cum ait: *Et viam viri in adolescentula, vederech ghever hahalmah.*²⁹ Sed profecto ibi etiam de Virgine Salomon verba facit, ostenditque nihil facilius esse [scire] veram virginem omnino inviolatam viroque intactam, quam *viam aquilae in coelo, viam navis in mari, viam colubri super petram;*³⁰ quoniam, sicut haec transitus sui nullum post se relinquunt vestigium, ita etiam negotium hominis cum adolescentula, licet abscondita et quae maxime virgo reputatur, cognosci et certo experimento sciri non posse ait quaenam sit revera intacta et omnino illibata virgo. Quare nul-

Prophetarum
vaticinia.

Obiectio
ex Proverbis
cp. 30 et
responsio

17) Cf. Ex 31, 18.

21) 66, 7-8.

25) 33, 14-16.

multuplicabitur, hebr. *lemar'bē ad multiplicandum*. De hoc *mem* et eius significazione cf. Knabenbauer, *Comment. in Is.* loc. cit.

28) *Vr.* 7, in verbo *Vulg.* habet: *Et viam viri in adolescentia.*

30) *Prv* loc. cit. *Vulg.* habet: *Viam aquilae in coelo, viam colubri super petram, viam navis in medio mari.*

18) Cf. Dn 2, 34.

22) 7, 14.

26) 6, 12.

27) 53, 2.

19) Cf. Ez 44, 1-3.

23) 31, 22.

27) 53, 2.

20) Cf. Ex 16, 15.

24) 23, 5.

28) *Vr.* 7, in verbo

libi in Sacris Litteris reperitur haec vox ubi non significet virginem, cum e contra *bethulah* inveniatur apud Ezechielem 23³¹ et apud Amos³² mulierem violatam designare.

Antiqui
philosophi.

Nasci voluit Dominus ex Virgine, sicut Lactantius Firmianus lib. 4 *De Sapientia* notavit, ut esset apator et amitor, sicut de Melchisedech legimus; nam Deus ita dictus est ab antiquis philosophis apator et amitor, *sine patre, sine matre*, cum sit primum rerum omnium principium et prima causa omnino independens. Christus in coelo erat sine matre, sed non sine patre; venit in mundum,³³ habereque voluit matrem sine patre; sic factus est sine patre in terra, sicut erat sine matre³⁴ in coelo. Ita revera sine patre et sine matre appellari potest sicut et Pater.³⁵

Sibyllae.

Virginitas Deiparae non solum a sanctis Vatis prophetata fuit, verum etiam a Sibyllis, quae, Divino Spiritu afflatae, multa de Christo mysteria praedixerunt, ut testes sunt locupletissimi Lactantius Firmianus,³⁶ Eusebius,³⁷ Arnobius,³⁸ Augustinus³⁹ multique alii.

Deus requirit
summam animi
puritatem et
bonorum
operum
fecunditatem.

III. Voluit Dominus mulierem in matrem eligere virginem et fecundam, ut indicaret se duo haec vel maxime requirere: summam animi puritatem et bonorum operum fecunditatem. Talis erat Virgo Deipara in anima et spiritu qualis in corpore, virgo intacta, sed fecunda. Sicut autem venter a virginitate et fecunditate laudatur; ita cor, animus, lingua, manus, tota denique ipsa. In corde virginitas intacta ab omni mala cogitatione; fecunditas sanctorum cogitationum, nam *conservabat omnia verba haec, conferens in corde suo*,⁴⁰ ita enim de ea semel, iterum et tertio legimus. In animo virginitas ab omni cupiditate et desiderio malo aut vano; fecunditas coelestium divinorumque desideriorum. In lingua virginitas intacta ab omni malo aut otioso verbo; fecunditas sacri et sancti eloquii, maxime in divinis laudibus: *Magnificat anima mea Dominum.*⁴¹ In manibus virginitas ab omni opere malo; fecunditas in bonis et sanctis operationibus. Ita tota

31) Vrr. 3. 8. 32) 5, 2. 33) Ms.: *Mundo*. 34) Ms.: *Patre*. 35) Cf. ep. 13, ad sensum, circa princip. (P. L. 6, 482-83). Lact. autem non loquitur de Melchisedech, de quo cf. Hebr. 7, 3. 36) Cf. Lib. *de Falsa Relig.* cp. 6. (P. L. 6, 188 sqq.). 37) Cf. *Constantini Orat. ad Sanctorum Coetum*, cpp. 19-20. (P. G. 20, 593-94). 38) Cf. *Contra Gentes*, cp. 2, n. 62. (P. L. 5, 802). 39) Cf. *Epist. 258*, (alias 155). (P. L. 33, 1073) et alibi. — De testimonio Sibyllarum circa B. V. virginitatem cf. *Carmina Sibyllina*, lib. 8. Edit. 1718. Basileae. 40) Lc 2, 19. 51; 11, 28. De hoc tertio loc. cf. Auct. *Serm. I in Beatus Venter*. 41) Lc 1, 46.

vita ipsius fuit puritate virginali nitidissima, ornata, absque ullo penitus vel minimo peccato aut vitio: *Tota pulcra es, amica mea, et macula non est in te.*⁴² Fecunditas sanctorum virtutum etiam totam vitam ipsius misericordie exornavit, sicut coelum multitudo siderum: *Multae filiae congregaverunt sibi divitias, tu supergressa es universas.*⁴³ Propter hanc igitur virginitatem et fecunditatem cum corporalem tum et maxime spiritualem Virgo Deipara beata praedicatur.

Regius Vates *Psалmo 109* haec etiam duo complexus videtur, dum ait iuxta hebr.: *De matrice ex aurora tibi ros generationis sive nativitatis tuae,*⁴⁴ ubi Virginis uterum aurorae comparavit, quae humida roridaque est et frigida, roremque terrae saluberrimum summeque utilem parit. Sic Virginis uterus humidus et frigidus fuit absque calore carnalis concupiscentiae et libidinis; sed tamen fecundus, quia Christum virgo percepit: *Tibi ros generationis, nativitatis tuae.* Ros auroram veluti matrem habet, patrem non habet.

42) Ct 4, 7.

43) Prv 31, 2.

44) Vr. 3. Vulg.: *Ex utero ante luciferum genui te.*

SERMO TERTIUS

DE PRAECLARA VIRGINIS DEIPARAE BEATITUDINE

*Beatus venter qui te portavit.*¹

Domus
Obededom
bonis cumulata
typus Mariæ.

I. Sicut domus Obededom propter mansionem arcae Dei viventis in ea divina benedictione plena fuit multisque bonis divinitus cumulata,² ita plane Virgo Sanctissima propter divinam in ea habitationem; ipsa enim revera domus Dei fuit, ita ut cum sancto patriarcha Iacob dicere possimus: *Vere Dominus est in loco isto... Quam terribilis est... locus iste!... Hic... domus Dei est.*³ An non mundus totus domus Dei est? *Coelum et terram ego adimpleo.*⁴ An non Ecclesia item domus Dei? *Templum... Dei sanctum est, quod estis vos.*⁵ An non item paradisus? *Beati qui habitant in domo tua, Domine.*⁶ Hae enim sunt tres habitationes Dei quas legimus: tabernaculum Moysi,⁷ templum Salomonis⁸ et coeleste aedificium Ezechieli.⁹

Quid igitur est quod ait: *Hic domus Dei est?* Quoniam hic inhabitavit *omnis plenitudo Divinitatis corporaliter,*¹⁰ multoque maiora miracula hic operatus Deus est, quam vel in mundo, vel in Ecclesia, vel in paradyso. Cum igitur arca illa domum Obededom sua inhabitatione replevit divina benedictione, ita plane Christus, in Virginis utero conceptus, Virginem Sacratissimam. Sic Angelus ad eam: *Ave, gratia plena, Dominus tecum, benedicta tu in mulieribus.*¹¹

1) Lc 11, 27.

2) Cf. 1 Par 13, 14.

3) Gn 28, 16-17.

4) Jer 23, 24. Vulg. ha-

bet: *Impleo.*

5) 1 Cor 3, 17.

6) Ps 83, 5.

7) Cf. Ex 40, 32-36.

8) Cf. 2 Par 7, 1-3. 9) Cf. Ez 44, 4.

10) Col 2, 9.

11) Lc 1, 28.

II. Cum primum omnium beatitudinem legimus in Divinis Litteris, simile quid est? Nam cum Lia, uxori patriarchae Iacob, natus esset filius, ait: *Hoc pro beatitudine mea, beatam quippe me dicent omnes mulieres; propterea natum infantem appellavit...* Aser,¹² quod est *beatitudo* sive *beatus*. Dicitur autem in Scripturis Sanctis *beatitudo* significare prosperam fortunam, statum vitae felicem, in quo animus hominis quietus sit laetusque, voluptate et consolatione plenus. Sic Regius Vates in *1 Psalmo*: *Beatus vir, qui non abiit, etc.*, hoc est, vir iustus et pius, quoniam erit sicut lignum, quod plantatum est secus decursus aquarum... et omnia quaecumque faciet prosperabuntur.¹³ Dicitur autem prosperitas et felicitas haec in bonorum affluentia consistere. Hinc Regius Vates, cum verba fecisset de magna divitiarum copia, ait: *Beatum dixerunt populum cui haec sunt*, hebr.: *Beatus populus cui sic est; beatus populus cuius Dominus Deus eius*,¹⁴ hoc est, multo beatior est, qui Deum habet, quam qui omnia mundi huius bona possidet. Sic alibi idem: *Beatus vir qui timet Dominum, et in mandatis eius cupit nimis. Potens in terra erit nomen eius, generatio rectorum benedicetur*,¹⁵ idest, fortunabitur, prosperabitur. Saepe enim in Sacris Litteris felicitas *benedictio Dei* appellatur; nam *benedictio Domini* non est nisi divinorum *beneficiorum* et *gratiarum* copia. Sic ait Abrahamo: *Benedicam tibi, et magnificabo nomen tuum, erisque benedictus*,¹⁶ idest, fortunatus et felix. Sic: *Ecce odor filii mei sicut odor agri pleni, cui benedixit Dominus. Det tibi Deus de rore coeli et de pinguedine terrae abundantiam frumenti et vini; serviant tibi populi et adorent te tribus; esto dominus fratrum tuorum, et incurvantur ante te filii matris tuae*.¹⁷ Sic ponuntur in hac benedictione ea quae homines vel maxime solent appetere, cum existiment in his felicitatem consistere. *Gloria et divitiae in domo eius, et iustitia eius manet in saeculum saeculi*.¹⁸ Causam reddit cur pium hominem beatum praedicavit, nempe quia a Deo mirifice fortunatur bonorum copia et affluentia; siquidem etiam: *Exoritur in tenebris lux iustis, ipse Deus misericors, et miserator et iustus*,¹⁹ quia in adversis tristibusque rebus Deus iustis affulget et consolatur. Sic enim Hebrei in tenebris Aegypti clarissima luce fruebantur,²⁰ et tres adolescentes in fornace magnum refrigerium sentiebant.²¹

Beatitudo bonorum omnium affluentia.
Virgo Deipara beatissima, quia possidet pretiosa bona fortunae.

Benedictio Dei beneficiorum copia.

12) Gn 30, 13. 13) Ps 1, 1-3.
Nomen, habet: Volet et: Semen.
 19) Ibid. vr. 4 ex hebr.

14) Ps 143, 15. 15) Ps 111, 1-2. Vulg. loc.: *Cupit et:*
 16) Gn 12, 2. 17) Ibid. 27, 27-29. 18) Ps 111, 3.
 20) Cf. Ex 10, 23. 21) Dn 3, 49-50.

Objecio ex
Virginis pau-
pertate et
doloribus.

Responsio.

Tria bonorum
genera.

Bona naturae
in Virgine
mirabilia plane.

Cum igitur in bonorum copia et florenti rerum statu beatitudo consistat, mirum est quomodo Virgo Beatissima beata praedicetur, cum in hoc mundo pauperem vitam duxerit, pauperi fabro in matrimonio collocata; tam humili fortuna, ut in Bethlehem non potuerit habere locum in diversorio ad pariendum, sed coacta sit in stabulum se recipere, natumque Filium in praesepio collocare;²² et post haec multos animi dolores: *Tuam ipsius animam pertransibit gladius;*^{22a} multas corporis afflictiones et incommoda pati oportuerit. Quomodo ergo beata? Num beata dici potuit cum in Aegyptum fugere oportuit?²³ Cum duodennem Filium amisit?^{23a} Cum Filium mori in cruce pendentem vidit?²⁴ Et tamen in Divinis Litteris nedum beata, verum etiam beatissima praedicatur. De ea nanque Solomon in *Proverbiis* ait: *Surrexerunt filii eius, et beatissimam praedicaverunt, vir eius etiam laudavit eam. Multae filiae congregaverunt sibi divitias, tu supergressa es universas;*^{24a} et in *Canticis*: *Viderunt eam filiae, et beatissimam praedicaverunt, et reginae et concubinae... laudaverunt eam: Quae est ista quae progreditur quasi aurora consurgens, pulcra ut luna, electa ut sol, terribilis ut castrorum acies ordinata?*²⁵ Sic item ipsa: *Beatam me dicent omnes generationes, quia fecit mihi magna qui potens est, et sanctum nomen eius.*²⁶ Quo loco advertendum est quod Virgo Sanctissima Deum tribus titulis exornat: potentiae, sanctitatis et misericordiae perpetuae; quoniam Deus per potentiam auctor naturae est, per sanctitatem fons gratiae in Ecclesia, per misericordiam et bonitatem perpetuam thesaurus infinitus gloriae in paradiso, sicut sol in coelo thesaurus lucis est. Tria nanque bonorum genera a Deo emanant: naturalia, visibilia, temporaria in hoc mundo; spiritualia, supernaturalia divinaque in Ecclesia; et tandem supercoelestia aeternaque in paradiso. Ait autem: *Beatam me dicent omnes generationes, quia fecit mihi magna qui potens est, magna qui sanctus est, magna cuius misericordia aeterna est.*

Est autem graece hoc loco *megalia*, quod noster Interpres vertere solet *magnalia*. Significat autem ea vox, sicut hebraica *ghedaloth, magna miracula, mirabilia opera Dei*; sicut opera, quae in salutem Hebraeorum fecit Deus in Aegypto, in mari Rubro, in deserto et ingressu terrae promissionis, *megalia, ghedaloth, magnalia* appellantur.²⁷ Haec autem talia et tanta sunt, ut nulla creatura in terra vel in coelo dicere possit: *Fecit*

22) Cf. Lc 2, 7. 22a) Ibid. 2, 35. 23) Cf. Mt 2, 14. 23a) Cf. Lc 2, 42-45. 24) Cf. Io 19, 25-30.
24a) Prv 31, 28-29. 25) Ct 6, 8-9. 26) Lc 1, 48-49. 27) Cf. Ps 105, 21.

mihi magna qui potens est. Nam quod spectat ad mundi huius bona, quae vel naturae sunt, vel, ut aiunt, fortunae, cum tamen bona fortunae, ut etiam Stoici sentiebant,^{27a} non mereantur nomen boni, cum saepe in causa sint multorum malorum, unde Salomon Deum orabat, ne sibi di-vitias daret, sed tantum victui necessaria;²⁸ quod spectat, inquam, ad bona naturae, quae partim corporis, partim animae sunt, fuit corpore integro, optime temperato, sano, formoso, pulcro, sed summa cum venustate, ex nobilissimo sanguine et illustrissima Davidis regis prosapia;^{28a} quoad animam, mirabili ingenio, iudicio, animi candore, naturali sapientia, prudentia, magnitudine et nobilitate praedita, Christo per omnia corpore et animo similis, sicut luna plena soli, sicut prima mulier viro.

III. Sed quoniam infinitum esset omnia bona naturae, gratiae et gloriae in Maria complecti, utamur methodo breviori. *Beatum dixerunt populum cui haec sunt*, idest, qui bona mundi possidet; sed *beatus populus cuius Dominus Deus eius*, idest, populus qui Deum possidet. Omnes creaturae in mundo, in Ecclesia, in paradyso Deum possident: in mundo quidem tanquam auctorem et conservatorem naturae, patrem regemque universi; in Ecclesia tanquam auctorem gratiae, conservatoremque et bonorum omnium causam; in paradyso tanquam auctorem et causam gloriae et felicitatis aeternae.

Sic omnes creaturae Deum habent primam causam primumque principium omnis boni; sicut stellae in coelo Dei imaginem solem habent fontem perennem omnis luminis et splendoris. Deus enim a creaturis varie habetur et possidetur. Sicut in regno rex a subditis et popularibus tanquam supremus princeps et iudex, a principibus regni tanquam supremum caput, ab aulicis et ministris ut dominus et patronus, a filiis ut pater, a regina uxore ut sponsus, a regina matre ut filius; ita plane Deus a primis parentibus nostri generis possessus fuit in paradyso tanquam auctor vitae felicis et beatae, Patriarchae habuerunt Deum summum protectorem, populus in deserto tanquam providentissimum patrem et pastorem, Prophetae tanquam magistrum et miraculorum operatorem, Apostoli, sicut intimi aulici principem, tanquam familiarissimum dominum, Ecclesia ut amantis-

Virgo Deipara beatissima, quia possidet Deum, fontem bonorum omnium et amantissimum Patrem, Filium et Sponsum.

Deus a creaturis varie possidetur.

27a) Cf. Diog. Laert. *De Vita Philos.* cp. 7, pag. 297. Edit. 1559. Lugduni. 28) Cf. Prv 30, 7-8.

28a) Cf. Lc 1, 27.

simum sponsum, omnes Sancti ut omnis gratiae et sanctitatis fontem, Angeli ut solem gloriae in paradyso.

At vero Virgo Sanctissima non possedit Deum tantummodo ut creatorem et conservatorem, ut originem primam naturae, fontem gratiae et auctorem gloriae; sed possedit et possidet tanquam amantissimum patrem, amantissimum sponsum et amantissimum filium.

Virgo
beatissima,
quia possidet
Deum
communicatione
et coniunctione
maxima omnium.

IV. Regius Vates saepe beatum praedicat hominem, qui quamcumque habet communicationem cum Deo. Hinc: *Beatus homo quem tu erueris, Domine, et de lege tua docueris eum*,²⁹ sicut Prophetas, sicut Salomonem. Hinc: *Beatus quem elegisti et assumpsisti, inhabitabit in atris tuis*,³⁰ idest, ut servus familiaris et domesticus tuus sit. Hinc: *Beata gens, cuius Dominus Deus eius, populus quem elegit in hereditatem sibi*,³¹ beatus qui fuerit de regno Dei. Hinc: *Beatus cuius Deus Iacob adiutor eius, spes eius in Domino Deo ipsis, qui fecit coelum*, etc.³² idest, beatus qui Deum fautorem, protectorem et adiutorem habet; sicut regina Saba beatos dixit servos Salomonis: *Beati viri tui, et beati servi tui, qui stant coram te semper, et audiunt sapientiam tuam*.³³ Sic: *Beati qui habitant in domo tua, Domine*,³⁴ et: *Beatus vir cuius est auxilium abs te*.³⁵

Si ergo vel minima communicatio hominis cum Deo potest eum beatum reddere, quid poterit talis et tanta communicatio qualis quantaque est inter patrem et filiam, sponsum et sponsam, matrem et filium? Dixit aliquando Dominus Apostolis: *Beati oculi qui vident quae vos videtis, et aures quae audiunt..., dico enim vobis quod multi Prophetae et reges...*;³⁶ sic Petrum beatum dixit, quia accepit per divinam revelationem quod Christus esset verus Filius Dei: *Beatus es, Simon Bar-Iona*;³⁷ quid ergo censendum de Virgine? Moyses, Deut. 33, ait: *Beatus es tu, Israel; quis similis tui, popule, qui salvaris in Domino? Scutum auxilii tui et gladius gloriae tuae*,³⁸ idest, quoniam Deus est salvator tuus, protector tuus, propugnator tuus contra inimicos tuos; quoniam ipse rex tuus est, tu vero regnum et populus ipsius. Cum itaque in Divinis Litteris beatus praedicetur quisquis Deum habet dominum protectorem, patronum, ad summum, amicum, sicut Moyses habebat, qui cum Deo familiariter conversabatur ita ut loqueretur secum Deus sicut amicus cum amico;^{38a} quid

29) Ps 93, 12. 30) Ps 64, 5. 31) Ps 32, 12. 32) Ps 145, 5-6. 33) 3 Rg 10, 8.
 34) Ps 83, 5. 35) Ibid. 83, 6. 36) Lc 10, 23-24. Verba: *Et aures... audiunt e Mi 13, 16.*
 37) Mt 16, 17. 38) Vr. 29. 38a) Cf. Ex 33, 11.

igitur de Virgine censendum? Si unus tantum esset totius orbis princeps et monarcha potentissimus, fortunatissimus, optimus; mulier nil amplius desiderare posset in hoc mundo, quam principis illius vel filia, vel uxor, vel mater esse.

Fortunatissima praedicatur Esther, quoniam, cum esset humili loco nata, ab Assuero, rege potentissimo, in uxorem accepta, regina facta fuit;³⁹ sed Virgo haec Summi Monarchae non dicam totius orbis, sed totius universi simul et filia, et sponsa, et mater est. Quid amplius esse potest? Nec habet filia haec absentem patrem, uxor absentem sponsum, mater absentem filium; sed semper praesentem, semperque eius beatissima praesentia fruitur, adeo ei coniuncta, ut magis non possit; nam primus gradus coniunctionis est inter patrem et filiam, sponsum et sponsam, matrem et filium.

Igitur cum Deus, qui a Paulo *solus beatus* dicitur,⁴⁰ sicut a Moyse quod *solus* sit,⁴¹ sicut sol solus lucidus est, prima sit beatitudinis causa; omnisque creatura eo beatior sit quo magis appropinquat Deo, sicut accidit in communicatione lucis solaris; sic enim in coelo Seraphim sunt Angelorum omnium beatissimi, quoniam Deo omnium proximi; sic Apostoli inter Christi electos sunt omnium gloriosissimi, quoniam omnium Christo proximi; quemadmodum in regno, quoniam rex prima dignitas est et fons omnis dignitatis, qui regi proximi sunt, hi sunt in maiori dignitate constituti; sicut in Ecclesia Summus Pontifex summa dignitas est, qui autem Pontifici sunt viciniores praelati, sunt digniores; itaque cum Virgo Sanctissima Deo proxima sit in primo coniunctionis gradu, sicut filia patri, uxor marito, mater filio, quam merito beata praedicatur!

Creatura eo
beatior quo Deo
coniunctior.

V. Sed fuit beatitudo Virginis in hoc mundo sicut et gloria Christi. Promissus fuerat in Scripturis Sanctis princeps gloriosissimus, felicissimus, beatissimus, totus divinus, verus Deus; apparuit homo passibilis, mortalis, pauper, humilis, miserabilis. Erat verus Filius Dei, sed non apparebat, quoniam Divinitas in humanitate latebat: *Vere tu es Deus absconditus*, veruntamen in se est *Deus salvator Israel*.⁴² Ita Virgo Sanctissima beata, imo beatissima praedicatur in Sacris Litteris, et tamen non videbatur nisi mulier pauper et humilis, quoniam beatitudo ipsius divina, non mun-

Virgo Deipara
beatissima beat-
tudine interiori.

39) Cf. Est 2, 5 sqq.
Deus Israel salvator.

40) 1 Tim 6, 15.

41) Dt 32, 39.

42) Is 45, 15. Vulg.

dana erat: *Omnis gloria eius filiae regis ab intus, in fimbriis aureis, circumdata varietate.*⁴³ In eo autem Psalmo et filia dicitur: *Audi, filia, et vide.*⁴⁴ *Omnis gloria eius filiae regis;* itemque regina: *Astitit regina a dextris tuis,*⁴⁵ hebr. *coniux;* itemque mater, sed recte, dum Christus filius appellatur: *Speciosus forma p[re]filiis hominum,*⁴⁶ qui tamen paulo post Deus nominatur: *Thronus tuus, Deus, in saeculum saeculi.*⁴⁷

Reverentia et
fiducia nobis
honoranda est
Virgo Deipara.

Ex autem consideratione tantae beatitudinis in Virgine excitandus in nobis est duplex affectus. Alter quidem reverentiae: nam, cum rex in regno summo sit dignus honore, illi sunt honorabiliores qui regi sunt viciniores, maxime vero omnium filii, uxor, mater. Quanto ergo honore digna est Virgo haec Beatissima, quae Summo Regi Deo adeo coniuncta est? Alter autem affectus devotionis et fiduciae in eam est. Nam cum possit apud Deum quidquid filia apud patrem, sicut legimus de filia Caleb,⁴⁸ quod uxor apud maritum, sicut legimus de Betsabee apud Davidem,⁴⁹ quod mater apud filium, sicut legimus de Betsabee apud Salomonem;⁵⁰ illam debemus accedere confidentes, nam novit ipsa nostri causa tantopere se esse a Deo exaltatam, sicut Mardochaeus dixit reginae Esther quod pro salute populi divinitus exaltata erat.⁵¹ Sicut autem Esther non pro se, sed pro populo et gentilibus suis petiit a rege;⁵² ita Virgo Beatissima in coelo, quae nil minus, imo multo magis nos diligit quam Esther gentiles suos Iudeeos. Neque enim habet in coelo quid petat, pro quibus oret, si pro nobis [non postulet] quae ad salutem nostram spectant.

43) Ps 44, 14. Vulg. habet: *Circumamicta varietatibus.*

44) Vr. 11.

45) Vr. 10.

46) Vr. 3. 47) Vr. 7 a D. Paulo cit. Hebr 1, 8.

48) Cf. Jos 15, 16-19.

49) 3 Rg

1, 11 sqq. 50) Cf. ibid. 2, 13 sqq. 51) Est 4, 13-14.

52) Cf. ibid. 7, 3-6.

SERMO QUARTUS

DE HONORE VIRGINI DEIPARAE DEBITO

*Beatus venter qui te portavit et ubera quae
suxisti.* ¹

I. Sancta haec mulier Virginem Deiparam prout potuit venerata est, et ad Christi gloriam dignis laudibus honoravit. Sic omnes animae piae pro viribus Virginem Deiparam venerantur, honorant, adorant tanquam Dei dignissimam Matrem, sicut ipsa ait: *Beatum me dicent omnes generaciones,*² non tanquam veram deam, ut haeretici Collyridiani faciebant, contra quos Epiphanius scripsit.³ Nam Virgo non deus est, sed creatura Dei; non creatrix ipsa est, sed creata.

Honoranda
Virgo Deipara
convenienti
honore.

Sicut autem satanas daemoniacum illum infelicem nunc in ignem mittebat, nunc in aquam, ab extremo in extremum,⁴ ita cum haereticis agit. Illi summum honorem, qui soli Deo debetur, Virgini tribuebant; nostri autem haeretici nullum penitus Matri Christi tribuere volunt honorem, quoniam ait: *Soli Deo honor et gloria,*⁵ quasi non scriptum sit etiam: *Gloria et honor... omni operanti bonum;*⁶ et non legamus quod *solus Deus habet immortalitatem,*⁷ cum tamen etiam animae humanae et Angeli sint etiam immortales; et quod *solus Deus sit potens et beatus,*⁸ cum tamen omnes Angeli sint beati in coelo; et non legamus quod *facit mirabilia... solus,*⁹ et tamen multi Prophetae et Sancti multa operati sunt

Collyridiani
et nostr
haeretic.

1) Lc 11, 27. 2) Ibid. 1, 48. 3) Cf. *Contra Haereses, Haer.* 79. (P. G. 42, 1057 sqq.).
4) Cf. Mt 17, 14-17. 5) 1 Tim 1, 17. 6) Rom 2, 10. 7) 1 Tim 6, 16.
8) Ibid. 6, 15. 9) Ps 135, 4.

miracula; et quod *unus* tantum sit Deus,¹⁰ et tamen: *Ego dixi: Dii estis et filii Excelsi omnes.*¹¹

Veritas in
medio.

Sed verum est quod Christus semper inter duos latrones medius consistit; veritas semper in medio posita est inter extrema, sicut et virtus. Sicut de Deo Hebraei credunt quod sit tantum unus, Gentiles quod sint plures, Christiani quod sit unus et trinus; de Christo haeretici, hi quidem quod sit purus homo non Deus, alii quod sit purus Deus non homo, Catholici quod sit Deus et homo; de Virgine, hi quidem quod virgo sit non vera mater, illi quidem vera mater sit non virgo, Catholici quod sit mater et virgo; ita etiam de honore qui debetur ei. Illi quod debetur ei omnis honor sicut Deo,¹² hi autem quod nullus penitus debetur honor. Veritas consistit in medio.

Doctrina Calvini.

Calvinus sive potius Cainus, inimicus Sanctorum sicut Cain Abelis persecutor et occisor,¹³ ait « non esse ullo modo honorandos Sanctos, quoniam duplex tantum est honor: alter religionis, qui soli Deo debetur, alter vero civilis, qui debetur principibus, parentibus, praceptoribus virisque dignitate, sapientia, eruditione aut virtute aliqua insignibus in re-publica. Sanctis non potest dari primus honor, quoniam soli Deo debetur, nec honor civilis et politicus, quia non conversantur hic nobiscum ».¹⁴ Ita optimus hic et sapientissimus magister in Israel; sed ita doctus, ut iustus putative; omnem negat honorem Sanctis et una cum eis Deiparae etiam Virgini.

Responsio.

Sed unde novit Calvinus duplarem tantum esse honorem? Nam legimus etiam Deum honorare servos suos: *Si quis mihi ministraverit, honorificabit eum Pater meus* qui est in coelis.¹⁵ Quo honore? Religionis, an civili? Plane neutro; ergo non duplex tantum est honor. Sic reges dicuntur honorare servos suos, cum eos dignitatibus cumulant, et honorabiles redundunt, non quod eis reverentiam exhibeant, quod est proprie honorare. Amplius, Regius Vates ait: *Mihi... nimis honorati sunt amici tui, Deus, nimis confortatus est principatus eorum,*¹⁶ ubi Chald. Paraphrastes: *Mihi honorati sunt qui diligunt te iusti.* Quo honore? Civili? Sed hic debebatur ipsi tanquam regi. Quomodo ergo honorabat ipse Prophetas, Sanctos, amicos et veros cultores Dei?

10) Dt 6, 4.

11) Ps 81, 6.

11 a) Ms.: *Dei.*

11 a) Ms.: *Dei.*

12) Cf. Gn 4, 8.

13) Com-

ment. In Act. Apost. cp. 10, 25, vol. 6.

14) Io 12, 26.

15) Ps 138, 17.

II. Est autem honor reverentia quam exhibemus in testimonium virtutis sive dignitatis. Hinc nanque dignitates ipsae dictae sunt honores, ut cum aliquem dicimus amplissimos honores in republica consecutum. Debetur procul dubio honor virtuti, dignitati, excellentiae, et eo maior quo maior fuerit excellentia virtutis sive dignitatis. Hinc Petrus ait: *Deum timete, regem honorificate; et: Subiecti estote omni creaturae propter Deum, sive regi quasi praecellenti, sive ducibus tanquam ab eo missis ad vindictam malefactorum, laudem vero bonorum.*¹⁶

Sed praeter divinam dignitatem et humanam, reperitur media quaedam dignitas, maior humana sed minor divina. Lazarus mendicus nulla praeditus erat humana civili dignitate, et tamen dignus fuit in morte, ut portaretur ab Angelis in sinum Abrahae.¹⁷ Sic sancti Prophetae Dei et Apostoli Christi in mundo, quemadmodum et Christus ipse, nullo honore digni sunt habiti, nulla in mundo civili dignitate praediti fuerunt, et tamen ab ipso etiam Deo, nedum a veris Dei cultoribus et Christi fidelibus, honorati sunt. Sicut autem Dei suprema dignitas est, summus ei debetur honor. Humana dignitas infinitis partibus minor est, sic debetur ei honor, quantum imago est divinae dignitatis. Sanctorum dignitas media est, sicut gratia inter Deum et naturam, sicut aer inter coelum et terram; sic huic etiam dignitati suus debetur honor secundum proportionem. Sicut autem humana dignitas multos habet gradus, quemadmodum et ecclesiastica, ita etiam supernaturalis dignitas gratiae et gloriae.

III. Hinc Abraham patriarcha tres Angelos adoravit;¹⁸ iustus Loth similiter adoravit Angelos.¹⁹ At inquit novus magister in Israel, quod civilis fuit honor, quoniam existimabant homines esse nobiles;^{19a} sed Balaam adoravit Angelum, postquam Angelum esse novit, ut in *Numeris* legimus.²⁰ Similiter Iosue, cum apparuisset ei Angelus et cognovisset, adoravit eum; a quo Angelus maiorem etiam reverentiam requisivit: *Solve calceamentum de pedibus tuis, locus enim in quo stas, terra sancta est,*²¹ sicut Angelus etiam, qui Moysi apparuit, idipsum ab eo requisivit.²² Parentes etiam Samsonis Angelum adoraverunt.²³ Ioannes semel et iterum, in *Apoc.* 19 et 22, voluit angelum adorare, et quidem magna reverentia, et prohibitus

Honor est
reverentia in
testimonium
virtutis et
dignitatis
secundum
proportionem.

Dignitatum
et honorum
gradus.

Sancti hono-
randi sunt;
hinc et Virgo.

16) 1 Petr 2, 17. 13-14. 17) Cf. Lc 16, 22. 18) Cf. Gn 18, 2. 19) Ibid. 19, 1.
19a) Cf. Calvin. *Comment. in Gn.* loc. cit. voi. 1; 2 *Instit.* cp. 12, vol. 9. 20) Cf. 22, 31.
21) Jos 5, 15-16. 22) C. Act 7, 30-33. Cf. etiam Sales *Comment. in Ex.* 3, 2. 23) Idc 13, 20.

fuit propter summam apostolatus dignitatem, qua Angelis factus erat aequalis; hinc ait: *Vide ne feceris; conservus enim tuus sum et fratrum tuorum; Deum adora.*²⁴ Sicut cum, accepto beneficio, gratias agimus benefactori, et ille, cum pius valde sit, dicat: Non mihi sed Deo gratias agas, quoniam ipse dedit nobis omnia; ita Angelus cum Ioanne egit.

Legimus etiam adoratos esse prophetas. Samuel adoratus fuit a rege Saul,²⁵ nec tamen propterea arguit eum Divina Scriptura. Elias a vidua Sarepthana, postquam mortuum illi filium suscitavit,²⁶ licet Scriptura non exprimat, sicut clare expressit in muliere Sunamitide, quae et invocavit Eliseum ut filium suscitatret, et, postquam suscitarerat, adoravit eum.²⁷ Fuit etiam Elias ab Abdia, magno principe in regno Israel, adoratus;²⁸ Daniel a rege Nabuchodonosor, postquam, Divino Spiritu afflatus, somnium divinavit, et interpretationem eius regi clarissime explicavit.²⁹ Si igitur Sancti Dei honorandi adorandique sunt tanquam veri servi, amici, filii Dei, quanto magis Mater Dei?

Imo et arca
testamenti
adoranda;
magis Virgo vera
arca Dei.

IV. Regius Vates *Psal. 98*, ait: *Exaltate Dominum Deum nostrum, et adorate scabellum pedum eius, quoniam sanctum est.*³⁰ Honorari iubet Deum et scabellum ipsius, idest, arcam, quae scabellum pedum Dei appellata est. Et iterum eodem *Psal.*: *Adorate in monte sancto eius*, hebr.: *Adorate montem sanctum eius, quoniam sanctus Dominus Deus noster.*^{30a} Similiter *Psal. 131*: *Introibimus in tabernaculum eius, adorabimus in loco ubi steterunt pedes eius*, hebr.: *Adorabimus scabellum pedum eius. Surge, Domine, in requiem tuam tu et arca sanctificationis sive potentiae tuae.*³¹ David rex, *1 Paralip.* 28, ait: *Cogitavi ut aedificarem domum, in qua requiesceret arca foederis Domini, et scabellum Dei nostri.*³² Quare arca ipsa appellatur scabellum pedum Dei. *2 Paralip.* 6, cum aedificatum esset templum, ait Salomon: *Surge, Domine, in requiem tuam tu et arca fortitudinis tuae,*³³ quoniam et propter arcam aedificaverat templum; hinc *3 Reg.* 8, ait: *Aedificavi domum nomini Domini, et posui in ea locum arcae in qua est foedus Domini.*³⁴ *Levit.* etiam 26, legimus: *Pavebitis sanctuarium meum: Ego Dominus, hebr.: Timebitis, idest, venerabimini sanctuarium meum.*³⁵ Sic: *Quam terribilis est... locus iste! Hic... domus*

24) 19, 10; 22, 9.

25) Cf. 1 Rg 28, 14.

26) Cf. 3 Rg 17, 17-24.

27) Cf. 4 Rg 4, 37.

28) Cf. 3 Rg 18, 7.

29) Cf. Dn 2, 46.

30) Vr 5.

30a) Vr. 9.

31) Vrr. 7-8.

32) Vr. 2.

33) 6, 41.

34) 8, 20-21.

35) 26, 2. Vulg. habet: *Pavete ad sanctuarium, etc.*

*Dei est;*³⁶ hoc est: quam venerabilis, quanto honore et reverentia dignus, propter Dei praesentiam et inhabitationem. Duo simul iubet Regius Vates: honorari Deum et arcam. Sic sancta haec mulier hodie et Christum laudat, honoratque et matrem, dicens: *Beatus venter qui te portavit.*

Sed mirabile dictu videtur quomodo Regius Vates iubeat adorari arcam Dei, cum scriptum sit: *Dominum Deum tuum adorabis, et illi soli servies,*³⁷ cum etiam Paulus dicat: *Soli Deo honor et gloria.*^{37a} Si solus Deus ex praescripto divinae legis est adorandus, quomodo etiam arca, scabellum pedum Dei, adoranda mandatur? Arca nonnisi creatura erat, facta a Beseleel et Oliab artificibus ex ligno et auro;³⁸ quomodo etiam creatura adoranda est, non solus Creator? Et tamen utrumque praecipitur: *Exaltate Dominum Deum nostrum, et adorate scabellum pedum eius.* *Adorate montem sanctum eius.* *Adorabimus scabellum pedum eius.* Sicut autem absque ulla Divinitatis iniuria adoratur etiam humanitas Christi propter Divinitatem, ita etiam adorari et honorari potest Mater Christi, cum fuerit arca et habitatio Divinitatis.

Solus Deus est honorandus, sed non tantum in seipso, verum etiam in imagine sua; nam iniuria quae infertur imagini principis, ipsi principi illata praesumitur, sic crimen est laesae maiestatis. Quod autem de iniuria, idem etiam de honore censendum. Non exhibetur honor nisi imagini Dei, non enim honoratur lapis, lignum, arbor, animal, sed homo divina insignitus imagine; in hominibus vero princeps, quoniam dignitas principis imago est maiestatis et potestatis divinae; honorantur parentes tanquam imagines divinae caritatis et providentiae; honorantur magistri ut imagines sapientiae; sic viri divina sanctitate praediti, quoniam imagines sanctitatis Dei; sic item Angeli.

Causa
adorationis:
imago Dei.

V. Nunc videndum quomodo et quibus de causis honoranda sit Virgo Deipara. In Sacris Litteris, praeter honorem et reverentiam Deo exhibitam, legimus exhibitam magnam reverentiam locis sacris Dei praesentia sanctificationis, prophetis Dei et principibus constitutis a Deo: locis sacris propter divinam maiestatem, prophetis propter sanctitatem, principibus propter dignitatem; Angelis etiam tanquam Dei ministris et imaginibus Dei vivis, Dei naturam ad vivum referentibus, sed praecipue propter divinae gloriae

Honoranda
Virgo Deipara
propter divinam
praesentiam,
dignitatem,
sanctitatem et
gloriam.

36) Gn 28, 17.

37) Mt 4, 10.

37a) 1 Tim 1, 17.

38) Cf. Ex 37, 1 sqq.

splendorem in eis. Hisce omnibus de causis Virgo Sanctissima post Deum summopere honoranda et adoranda nobis est.

Virgo Deipara
vivum Divini-
tatis templum.

Primo, inquam, propter divinam praesentiam. Si enim venerabilis supra modum visus est Iacob locus in quo apparuit ei Deus hac solum de causa, et Deus ipse Moysi iussit ut nonnisi summa cum reverentia accederet ad locum in quo ipse erat: *Locus in quo stas terra sancta est*, et hac de causa voluit ut in summo honore haberetur arca, tabernaculum, templum; quo honore, qua reverentia dignum erit vivum hoc Divinitatis templum? Quod quidem et privilegiis et miraculis multis, divinitus honoratum est; privilegiis, inquam, fecundae virginitatis et virginalis maternitatis: concepit sine pudore, peperit sine dolore, miraculo concepit, miraculo peperit.

Summum omnium miraculum est incarnatio propter coniunctionem infinite distantium. Scala, quam vidi Iacob, coniungebat coelum et terram,³⁹ inter quae magna distantia est; sed incarnatio coniunxit Deum et hominem; Deus autem infinitis partibus multo sublimior homine est quam coelum terra. Item etiam propter Incomprehensibilis comprehensionem, nam comprehendit suo gremio quem coeli capere non possunt;⁴⁰ et tandem propter divinorum idiomatum perfectam communicationem. Magnum miraculum coniunctio; maius comprehensio, veluti si circulus intra centrum comprehendatur, coelum totum intra terram, mundus totus in pugillo hominis; sed maximum communicatio, qua Deus factus est verus homo, et homo verus Deus; Christus perfectus Deus et perfectus homo, homo perfectus natura, perfectus gratia, perfectus gloria, perfectus omni Divinitatis plenitudine. Sicut autem propter divinam reverentiam summo in honore habentur sacratissimae reliquiae, maxime quae Christi divino contactu consecratae sunt, ut crux, spinea corona, praesepium et sepulcrum Christi; ita etiam Virgo Sanctissima hunc meretur honorem; Christum enim Dominum non solo tetigit, sed concepit, portavit, peperit, lactavit, educavit.

Virginis
Deiparae digni-
tas, sanctitas,
gloria.

Si honorati sunt principes propter dignitatem, huius summa dignitas est, quoniam Sponsa et Mater Dei; si Prophetae propter divinam sanctitatem, huius summa est sanctitas: *Ave, gratia plena*;⁴¹ si Angeli propter coelestem gloriam, huius gloria summa est, supra gloriam omnium Angelorum in coelo, ita ut omnes Angeli tanquam reginam et dominam honorent, venerentur, adorent in coelo, imo etiam ab initio suae creationis una cum Christo venerati sunt et adorarunt.

39) Cf. Gn 28, 10-13.

40) Cf. 2 Par 6, 18.

41) Lc 1, 28.

Nam, priusquam beatificarentur, iussi sunt Christum adorare et in suum dominum recipere: *Adorent eum omnes Angeli Dei*,⁴² sicut nunc omnes adorant in coelo: *In nomine eius omne genu flectatur coelestium*.⁴³ Sed iussi sunt adorare ut hominem Divinitati unitum;⁴⁴ ergo ut filium Mariae. In visione autem Dei iam beatificati, mysterium Incarnationis plenissime agnoverunt, quare et Christum et Mariam. Sic ab initio Maria in coelo, ut Mater Christi agnita, ab Angelis honorata adorataque est.

Quod si Angeli iam beati in coelo, cum gratia et favore Mariae opus non haberent, solum ut Deo morem gerant et propter summam Deiparae dignitatem, eam perpetuo coluerunt et venerati sunt, et nunc etiam perpetuo colunt, honorant, laudibus celebrant et adorant; quid nos facere par est, qui nedum propter divinam reverentiam et summam Virginis dignitatem eam honorare tenemur, sicut Angeli, verum etiam propter accepta beneficia et ad consequendam ipsius gratiam favoremque et intercessionis ipsius suffragium auxiliumque?

Angeli Virginem
adorarunt iam
ab initio.

Et nos Mariam
colamus.

42) Hebr 1, 6. 43) Phil 2, 10. 44) Idem sentit Suarez, *De Angelis*, lib. 7, cp. 13, alii quo ipse ibi citat; e recentioribus cf. Palmieri, thes. 60; Scheeben, § 193, n. 176.

SERMO QUINTUS

DE BEATITUDINE ET PATROCINIO VIRGINIS DEIPARAE

*Beatus venter qui te portavit et ubera quae
suxisti; at ille dixit: Quinimo beati qui au-
diunt, etc.*¹

Beatitudo
titulus proprius
Dei, quem
ipse communicat
etiam Sanctis.

I. Accidisse visum est huic mulieri quod reginae Sabae, quae, cum
vidisset gloriam Salomonis, plena stupore usque ad extasim, exclamavit:
*Beati servi tui et beati viri tui, qui stant coram te semper, et audiunt
sapientiam tuam;*² ita tribuit haec mulier Virgini Deiparae laudem plane
divinam, nam beatitudo Dei titulus et epithetum est. Hinc Paulus
*1 Timoth. 1: Secundum evangelium gloriae beati Dei,*³ et 6 cap.: *Beatus
et solus potens Deus, Rex regum et Dominus dominantium, qui solus
habet immortalitatem,*⁴ videtur solum Deum beatum dicere; sicut ad *Roma-*
nos 16, solum Deum sapientem dixit,⁵ et ad *Timotheum*, solum dignum
honore,⁶ et quod solus habet immortalitatem; quoniam sicut Deus a seipso
habet vitam, sapientiam, gloriam et maiestatem, ita etiam a seipso habet
beatitudinem.

Communicat autem Deus beatitudinem suam sicut sol lucem; hinc iusti
beati dicuntur: *Beati qui audiunt verbum Dei et custodiunt illud.* Licet
autem saepissime in utroque Testamento iusti et electi Dei propter gra-
tiam et favorem divinum beati dicti sint et praedicati, nemo tamen per-
sonaliter beatus dictus est inter Patriarchas, Prophetas, nisi inter Apostolos

1) Lc 11, 27.

2) 3 Rg 10, 8. Vulg. habet: *Beati viri tui et servi tui, etc.*

3) Vr. 11.

4) Vtr. 15-16.

5) Cf. 16, 27.

6) Cf. Tim 1, 16.

unus tantum Petrus, et inter omnes Santos Virgo Deipara; sed Petrus quidem semel tantum: *Beatus es, Simon Bar Iona, quia caro et sanguis non revelavit tibi, sed Pater meus qui in coelis est.*⁷

II. Virgo autem Deipara praeterquam quod ab Angelo dicta est: *Benedicta tu inter mulieres,*⁸ hoc est, mulierum omnium beatissima, semel, iterum et tertio singulariter beata dicta est: primo quidem ab Elisabeth: *Beata quae credidisti, quoniam perficientur... quae dicta sunt tibi a Dominino;*⁹ secundo in suo Cantico per prophetiae spiritum: *Beatam me dicent omnes generationes, quia fecit mihi Dominus magna qui potens est;*¹⁰ tertio ab hac sancta muliere hodie: *Beatus venter qui te portavit.* Quod si Petrus, ex eo quod per divinam revelationem Christum agnoverit verum esse Filium Dei verumque Messiam, beatus meruit appellari, et Christi Vicarius, fundamentum Ecclesiae et regni coelestis clavicularius a Domino constitui; quid de Virgine Deipara sentiendum?

Nec immerito ter dicta est beata Maria. Nam revera triplex est supernaturalis et supermundana beatitudo: prima est beatitudo gratiae, quae in virtute consistit, secundum quam iusti etiam in hoc saeculo beati praedicantur; secunda est beatitudo gloriae in paradyso, quae in Dei visione et fruitione sita est; tertia est increata infinitaque Dei beatitudo, quae in ipsiusmet natura consistit, cum Deus suapte natura sit infinitus thesaurus omnium bonorum, unde est illud: *Ostendam tibi omne bonum.*¹¹

In Virgine autem Sacratissima omnis beatitudo reperta est. Beatitudo gratiae: *Ave, gratia plena... benedicta tu in mulieribus... invenisti gratiam apud Deum.* Hinc cum primum beata dicta est, beatitudo cum virtute coniuncta est: *Beata quae credidisti.* Secundo loco cum exaltatione coniuncta est: *Quia respexit humilitatem ancillae suae; ecce enim ex hoc beatam me dicent omnes generationes, iuxta illud: Qui se humiliat, exaltabitur.*¹² Sicut autem Paulus de Christo ait quod *humiliavit semetipsum... usque ad mortem... propter quod et Deus exaltavit illum, et donavit illi nomen, quod est super omne nomen;*¹³ ita etiam de Virgine, quae Christo similima fuit, sentiendum. Notandum vero quod exaltata dicitur a Dei omnipotencia: *Quia fecit mihi magna qui potens est;* Deus, inquit, omnipotens

Virgo Deipara
ter beata, quia
possidet
triplicem beat-
itudinem gratiae,
gloriae et ipsius
Dei.

Triplex
beatitudo.

Gratia et gloria
Virginis.

7) Mt 16, 17. 8) Lc 1, 28. Vulg.: *In mulieribus.* 9) Ibid. 1, 45. 10) Ibid. 1, 48-49.
11) Ex 33, 19. Vulg. *Ostendam, etc... tibi.* 12) Lc 14, 11. 13) Phil 2, 8-9.

multis privilegiis me cumulavit; ita ut gloria Mariae non metienda sit ordinariis legibus, sed ipsa Dei omnipotentia; exaltavit eam quantum exaltare potuit puram creaturam. Habet princeps leges ordinarias, sed habet etiam supremam auctoritatem supra omnes leges suas; non legibus sed omnipotentia sua egit Deus cum Maria. Tandem tertia beatitudo Mariae cum Christo vero Filio Dei veroque Deo ^{13a} coniuncta est: *Beatus venter qui te portavit*; in hoc enim beatissimo ventre tota Dei beatitudo posita et collocata fuit in Verbi incarnatione. Sic iure ter beata praedicatur, quoniam etiam ab aeterno ad tria praedestinata et praelecta fuit: ad sublimem gratiam, ad excelsam gloriam et ad supremam Matris Dei dignitatem. Sic adeo beata divinitus facta est Virgo Deipara, ut nec ab ipso quidem Deo possit beatior fieri. Propter hanc autem triplicem beatitudinem existimo eam triplici lumine ornatam in Divinis Litteris presentari. ¹⁴

Virgo Deipara
beata potiori
beatitudine :
beneficiorum
effusione.

III. Cum autem beatitudo in bonitatis possessione et fruitione consistat, magna pars etiam in eiusdem communicationem consistit; hinc Paulus ait: *Beatus est magis dare quam accipere*. ^{14a} Sic enim coelum dat terrae, non recipit, sol astris, pater filiis, rex ministris et subditis dignitates saeculares, Summus Pontifex dignitates ecclesiasticas; sic Deus dat omnibus creaturis. Amplius, dare virtutis actus est, laude dignus; non autem recipere actus perfectionis; cum arbor perfecta fuerit, tunc dat fructus. Si autem beatius est conferre quam accipere beneficia, profecto, cum Virgo Deipara divinitus omni beatitudine donata sit, non carebit potiori beatitudinis parte. Quomodo enim stella coeli esset, quomodo sol, absque luminis communicatione? Beatitudo ipsius similis est divinae beatitudini, quae maxime est suiipsius communicativa; haec nanque natura boni est sicut natura lucis. Ipsa videtur esse petra illa deserti, de qua dixit Deus: *Locumini ad petram... et illa dabit aquas*, ¹⁵ nam petra deserti dicta est ab Isaia: *Emitte agnum, Domine, dominatorem terrae de petra deserti*. ¹⁶

Virgo petra
deserti ex qua
aque
beneficiorum.

Nam duas petras legimus in deserto quae populo aquas dederunt; altera in Raphidim in principio peregrinationis, ¹⁷ altera in Cades in fine peregrinationis post mortem Mariae sororis Moysi, *Num. 20*. ¹⁸ In priore feliciter cessit negotium; in posteriori peccasse dicuntur Moyses et Aaron

13a) Ms.: *Det.* 14) Cf. *Ct 6, 9; Apc 12, 1 e loc. paral.* 14a) *Act 20, 35.* 15) *Nm 10, 8.*
16) *16, 1.* 17) Cf. *Ex 17, 6.* 18) *Vr. 11.*

quod non crediderint Domino, nec sanctificaverint eum coram multitudine, existimantes impossibile esse de petra illa aquam educere, cum tamen priorem eductionem possibilem iudicarint: *Rebelles et increduli, num de petra hac poterimus vobis aquas educere?*¹⁹ Et tamen Deus dixerat: *Loquimini ad petram... et illa dabit aquas.*

Putant, maxime haeretici, posse nos iuvare de coelo petram Christum, non autem petram Mariam, quia dicunt Mariam mortuam esse.^{19a} Neve videatur nobis impossibile: *Loquimini ad petram... et ipsa dabit aquas.* Mortua est; sed etiam Christus mortuus est; resurrexit tamen et ascendit in coelum sedetque ad dexteram Patris;²⁰ ita Maria suscitata est, assumptaque in coelum sedet ad dexteram Filii. Potest inde Christus nos iuvare precesque nostras audire verus Deus et verus homo; potest etiam Virgo Sanctissima vera Mater veri Dei et veri hominis. Potest Christus iuvare nos divina virtute et auctoritate; potest nos iuvare Maria suis meritis suaque intercessione et protectione.

IV. Nam apud Christum summa valet gratia et auctoritate, et erga nos summa praedita est caritate. Sicut autem pro nobis intercedere potuit in terra, ita et multo magis potest in coelo. Potest, scit, vult. Ipsa enim arca Dei est in qua virga Dei, thesaurus divinae sapientiae, et vas plenum manna.²¹ Si enim non intercedit pro nobis, profecto non intercedat necesse est vel quia non potest, vel quia nescit, vel quia non vult. Sed quomodo possunt, sciunt, volunt Angeli? Et non poterit Regina Angelorum, quae apud Deum, apud Christum maiori praedita est gratia et auctoritate, quam omnes Angeli omnesque simul Beati? Sicut maiori praedita est virtute et caritate, non poterit quod quilibet Angelorum potest?

Legimus apud Danielem fuisse contentionem apud duos principes Angelorum, quorum alter protector erat israelitiae gentis, alter vero regni Persarum.²² Sed si dari posset casus, ut tota simul Curia coelestis resisteret Virgini Deiparae, ipsa sola magis valeret apud Deum quam tota Curia, sicut lumen lunae plenae in nocte superat splendorem omnium stellarum.

Virgo Deipara
potest, scit, vult
beneficare.

19) Nm 20, 10. Vulg. *Num... vobis aquam poterimus elicere?* 19a) Cf. Luther, *Postill. in Evang. Assumpt.*; Calvin *Comment. in I Cor. 13, 8*, vol. 7; 3 *Inst. cp. 20*, vol. 9. 20) Cf. Mc 16, 19. 21) Cf. Hebr 9, 4. 22) Cf. 10, 13.

Beatus qui vivit
sub protectione
Virginis
Deiparae.

V. O quam beatus est, qui vivit sub protectione Virginis Deiparae! Ipsa enim beatitudinis suae communicatrix est copiosissima. Sicut luna in coelo omne lumen, quod a sole recipit, communicat mundo, ut solem, a quo omne lumen recipit, imitetur; ita, inquam, Regina haec coeli. Beatitude Dei et Christi est sicut lux solis: *Resplenduit facies eius sicut sol,*²³ qui dat lucem, sed non recipit ab alio luminari; ita Deus a nemine beatitudinem recipit, sed tantum communicat. Beatitudo autem Virginis est sicut lumen lunae, quae recipit a sole et dat mundo. Praedicatur autem luna magnum coeli luminare²⁴ post solem, non quia recipit, sed quia dat lumen; *Beatus est magis dare quam accipere;* ita plane Virgo Beatissima.

Simile.

Petiti Eliezer aquam a Rebecca, ipsa vero plus dedit et obtulit quam ille petierat;²⁵ ita Virgo Sanctissima saepe saepius supplicum suorum merita excedit et vota.²⁶ Bethsabee, cum apud regem David gratia valeret et auctoritate, erga Salomonem autem filium materna praedita esset caritate, etiam non sollicitata a filio, pro eo apud regem intercessit et obtinuit regnum,²⁷ et nec Adoniae quidem inimico negavit intercessionis suffragium;²⁸ quid igitur de Virgine Deipara aequum est credere et aestimare?

23) Mt 17, 2. 24) Cf. Gn 1, 16. 25) Cf. Gn 24, 17, sqq. 26) Cf. *Brev. Rom. Orat.*
Dominicae 2 p. Pent.

27) Cf. 3 Rg 1, 11 sqq. 28) Cf. ibid. 2, 13 sqq.

6.

SUPER: FUNDAMENTA EIUS

SERMONES SEX

PSALMUS 86.

*Fundamenta eius in montibus sanctis; diligit Dominus portas Sion
super omnia tabernacula Iacob.*

Gloriosa dicta sunt de te, civitas Dei.

Memor ero Rahab et Babylonis scientium me.

Ecce alienigenae et Tyrus et populus Aethiopum, hi fuerunt illuc.

*Nunquid Sion dicet: Homo et homo natus est in ea, et ipse fundavit
eam Altissimus?*

*Dominus narrabit in scripturis populorum et principum, horum qui
fuerunt in ea.*

Sicut laetantium omnium habitatio est in te.

SERMO PRIMUS

DE FUNDATIONE MYSTICAE CIVITATIS DEI MARIAE

*Fundamenta eius in montibus sanctis; dilligit Dominus
portas Sion super omnia tabernacula Iacob.¹*

I. Sanctissimus iuxta ac serenissimus rex David, insignis propheta, de quo scriptum est: *Dixit de quo constitutum est de christo Dei, Iacob, egregius psaltes Israel: Spiritus Domini locutus est per me et sermo eius per linguam meam;*² et item: *Lingua mea calamus scribae velociter scribentis,*³ sicut Divino Spiritu afflatus multa christiana philosophiae mysteria divinitus sibi revelata paevidit et paececcinit de Christo; ita etiam de Virgine Deipara Maria, Matre Christi.

David multa
canit de Christo
et de Virgine.

Manifestum est in *Cantico Amorum*, sic enim appellavit *Psalmum quadragesimum quartum*, in quo singulariter de Christo vaticinatur: *Scieridetho, Canticum Amorum;* ubi, cum multa de Christo cecinisset: de ipsius gratia et pulcritudine: *Speciosus forma;* de ipsius divina eloquentia: *Diffusa est gratia in labiis tuis, propterea benedixit te Deus in aeternum;*⁴ de illius potentia contra satanam et regnum eius: *Accingere gladio tuo super femur tuum, potentissime;* de ipsius virtutibus: *Propter veritatem et mansuetudinem et iustitiam... deducet te mirabiliter dextera tua;* de regia maiestate: *Sedes tua, Deus, in saeculum saeculi, virga directionis, virga regni tui;* de abundantia gratiae: *Dilexisti iustitiam et*

Laudes Christi.

1) Ps 86, 1-2. 2) 2 Rg 23, 1-2. 3) Ps 44, 2. 4) Ibid. vr. 3. Sequuntur vrr. 4-5. 7-8, 10.

*odisti iniquitatem, propterea unxit te Deus, Deus tuus oleo laetitiae pae
consortibus tuis; nunc etiam de Sanctissima Deipara subiunxit: Astitit
regina a dextris tuis in vestitu deaurato circumdata varietate.*

Laudes Virginis.

Ubi multa de Virgine Matre vaticinatur et praecinit: ipsius dignita-
tem: *Astitit regina;* ipsius virginitatem tectis verbis: *Audi, filia, et vide
et inclina aurem tuam et obliviscere populum tuum et domum patris
tui.*⁵ Quasi praesens fuisse Regius Vates cum Gabriel Angelus ad
Mariam ingressus fuit, ipsamque audisset dicentem: *Quomodo fiet istud,
quoniam virum non cognosco?*⁶ sic ipse respondet: *Obliviscere populum
tuum et domum patris tui,* non concipes et paries naturali ratione, more
communi aliarum mulierum. Vaticinatus ipsius pulcritudinem: *Concupiscet
rex decorem tuum;*⁷ *Invenisti gratiam apud Deum;*⁸ ipsius pietatem: *Ipse
est Dominus Deus tuus, et adorabis eum;*⁹ piam fidelium devotionem ac
pietatem erga ipsam: *Filiae Tyri in muneribus, vultum tuum depreca-
buntur omnes divites plebis;* praedixit gloriam Virginis: *Omnis gloria eius
filiae regis ab intus, in fimbriis aureis, circumamicta varietatibus,* sive,
ut est hebr.: *Tota gloriosa filia regis intrinsecus.* Laudat eam a virtutibus
animi, ab ornamento divinarum gratiarum; tandem quod futura erat virginum
princeps et corona: *Adducentur regi virgines post eam, proximae
eius afferentur tibi; afferentur in laetitia et exultatione, adducentur in
templum regis.* Sic in hoc cantico Regius Vates multis laudibus ornavit
Christum, multis etiam Deiparam Virginem Matrem Christi, sicut postea
Salomon egit in *Cantico Canticorum*, ubi Sponsus et Sponsa, Christus
et Ecclesia, miris laudibus exornantur. Sed Maria divinum quoddam compendium
totius Ecclesiae, sicut homo *microcosmos* est, compendium totius magni mundi. Sicut in coelo splendidissima sunt duo luminaria
magna sol et luna, in paradyso fuere Adam et Eva, in templo Domini
propitiatorium et arca; ita in Ecclesia et in paradyso Christus et Maria.

Ps. 86 totus
de laudibus
Virginis est.

Sic in Sacris Litteris Christus et Maria divinis laudibus et encomiis
ornantur et celebrantur: aliquando simul, sicut a David in *Cantico Amo-
rum*, sicut a Salomone in *Cantico Canticorum*, aliquando vero sepa-
ratim. Sic Salomon in idea mulieris fortis depinxit vivis coloribus, ac
multis laudibus exornavit Deiparam Sanctissimam;¹¹ sic etiam Regius
Vates agere visus est in hoc Psalmo, quem in laudem Virginis Sacratissi-

5) Ibid. 44, 11.
6) Lc 1, 34.
7) Ps 44, 12.
8) Lc 1, 30.
9) Ps 44, 12. Ado-
rabis ex hebr.

10) Ibid. vr. 13. Sequuntur vrr. 14-16. 11) Cf. Prv 31, 10-31.

simae exponendum suscepimus: *Fundamenta eius in montibus sanctis, qui septem versiculis continetur pro mysterio septem virtutum septemque donorum Spiritus Sancti in Virgine.*^{11a}

II. Primus autem versiculus hebraice decem dictionibus continetur; nam *fundamenta eius, iesudatho* hebr., una est dictio; itemque illud *super omnia, micol*, una dictio est. Denarius iste hic non vacat mysterio. Divinam legem Deus decem tantum praceptis comprehendit. Mundum universum decem dictis creavit, ut patet ex primo sacrae *Geneseos* capitulo, decies enim replicatur: *Et dixit Deus, hebr.: Vaiomer.* In theologia Hebraeorum decem sunt divinae Providentiae rationes quas dicunt *sephiroth*,¹² quae sunt *cheter, chocmah, binnah, chesed, pachod, tiphereth, nezach, hod, iesod, malcuth*, idest, *corona, sapientia, intelligentia, pietas, fortitudo, gloria, perpetuitas, laus, secretum, regnum.* Apud philosophos^{12a} sunt decem genera rerum, decem series, quas categorias appellant, quae simul in homine continentur.

Hoc primum caput est laudum Deiparae Virginis: perfectissima observantia omnium mandatorum Dei, thesaurus omnis bonitatis, omnisque virtutis creatae, quae vel in mundo vel in Ecclesia, vel in paradiso reperitur sub Deo; specialissima et singularissima Providentia Dei circa eam, tanquam circa dilectissimam filiam, sponsam, et matrem; compendium mirabile omnium categoriarum, quoniam ipsa substantia quidem nobilissima est, quoniam mulier, sed amicta sole;¹³ magna quantitate virtutis et potestatis, quia Regina coeli stellis coronata;^{13a} magna qualitate, quia gratia plena, super omnes mulieres benedicta;¹⁴ magna relatione, quia Dei Filia, Sponsa et Mater; postea vero magna actione, quia Deum concepit, peperit et educavit hominem factum; magna passione, quia miraculo concepta, divinitus sanctificata et spiritale martyrium passa fuit; magna ubi, quia in coelo; magna situ, quia sedet ad dexteram Filii; magna habere, quia Domina mundi; magna quando, quia in aeternum cum Deo vivit et regnat.

In oraculo *Apocalypsis*¹⁵ sunt omnes categoriae: *substantia*, quia mulier coelestis; *quantitas*, quia pedes super lunam et caput inter stellas habet; *qualitas*, quia amicta sole luce fulget splendidissima; *relatio*,

Prima laus
Virginis in hoc
Psalmi: eius
omnimoda
perfectio.

Denarius
symbolum per-
fectionis.

In Virgine
perfectissima
observantia de-
cem mandatorum
et compendium
decem
categoriarum.

Muller
Apocalypsis et
categoriae.

11a) De auctore Ps 86 disputatione critici.
a quo tamen Auct. aliquid discrepat.

13) Cf. Apc 12, 1. 13a) Loc. cit.

12) Cf. *Lex. Chald. Talmud.* Buxtorf sub hoc verbo,
12a) Cf. Aristot. 3 *Metaph.* (tex. 14).

14) Cf. Lc 1, 28. 15) 12, 1 sqq.

quia Regina, quia Deum conceptum habebat in utero; *actio*, quia peperit filium masculum; *passio*, quia clamabat parturiens; *ubi*, quia fulget perpetuo sicut sol; *situs*, quia stans in coelo; *habere*, quia coelorum Regina et Domina.

In denario numeri omnes,
in Maria doni et gratiae omnes.

Salomon divinum templum ornavit decem aureis candelabris decemque aureis mensis.¹⁶ Est autem numerus denarius sphaera numerorum supra continens omnes numeros,¹⁷ sicut Deus novem ordines spiritualium substantiarum sub se, sicut suprema coelorum sphaera novem inferiores orbes,¹⁸ sicut homo novem genera rerum infra se, nam sunt tria genera inaniorum, tria plantarum et tria animalium. In Maria continetur omne genus gratiarum et donorum coelestium, quae in Ecclesia reperiuntur; Ecclesia nanque per decem Virgines a Christo designata fuit,^{18a} et in tabernaculo Moysi erant decem columnae.¹⁹

Secunda laus
Virginis in hoc
Psalmo: eius
infinitus valor.

III. *Fundamenta eius in montibus sanctis*. Loquitur de Virgine Deipara sub metaphora civitatis Ierusalem, nam de Virgine in *Canticum Canticorum* dicitur: *Pulcra ut luna... decora tanquam Ierusalem.*²⁰

Aliibi Virgo
multis rebus
comparata,

in hoc Psalmo
civitati.

Multis rebus in Sacris Litteris comparatur Virgo Sanctissima: nunc paradiſo: *Hortus conclusus, fons signatus, emissiones tuae paradisus;*²¹ nunc stellae, lunae, soli: *Quae est ista quae progreditur quasi aurora consurgens*, idest, stella matutina, *pulcra ut luna, electa ut sol;*²² nunc templum, domus, et tabernaculum Dei dicitur: *Sanctificavit tabernaculum suum Altissimus;*²³ *Domum tuam, Domine, decet sanctitudo;*²⁴ nunc navis: *Facta est sicut navis institoris de longe portans panem suum;*²⁵ nunc thesaurus pretiosissimus: *Mulierem fortem quis inveniet? Procul et de ultimis finibus pretium eius,*²⁶ hebr. *longe pretiosior margaritis merces eius;* sed in hoc Psalmo civitati comparatur, et civitati Ierusalem; non uni personae, non uni aedificio, palatio, templo, arci, sed toti simul civitati, plane ob incomparabilem infinitumque valorem.

Salomon in *Proverbiis* ait quod *frater, qui adiuvatur a fratre, quasi civitas firma.*²⁷ Mirum videtur quod singularis persona civitati comparatur. Sed si frater, qui adiuvatur a fratre, quasi civitas firma, quanto magis qui adiuvatur a Deo? «Adiuvit eam Deus vultu suo, Deus in medio

16) Cf. 2 Par 4, 7-8. 17) Cf. August. *Serm. 270 de Tempore*, n. 3. (P. L. 38, 1240).

18) Cf.

Cicer. *Somn. Scipionis*, pag. 277. Edit. an. 1540. Lugduni.

18a) Cf. Mt 25, 1 sqq.

19) Cf. Ex 27, 12.

20) 6, 9. 3. 21) Ibid. 4, 12-13. 22) Ibid. 6, 9. 23) Ps 45, 5.

24) Ps 92, 5.

25) Prv 31, 14. 26) Ibid. 31, 10. 27) Ibid. 18, 19.

eius; ergo non commovebitur ». ²⁸⁾ Deus Ieremiae dixit: *Ego... dedi te... in civitatem munitam..., in columnam ferream, et in murum aereum... Pugnabunt adversum te et non praevalebunt;* ²⁹⁾ sic Elias dictus est *currus Israel et auriga eius,* ³⁰⁾ sive, ut est hebr. *equites eius*, idest, potentior ad tutelam regni Israel quam potentissimus exercitus falcatorum curruum et equitum; sic David dictus est melior decem milibus militum; ³¹⁾ ideo ipsa Virgo dicta est: *Terribilis ut castrorum acies ordinata.* ³²⁾ Sic civitas dicitur, et civitas Ierusalem, totius regni Israelitici caput et metropolis, civitas omnium maxima, munitissima, pulcherrima, gloriosissima.

IV. Primum autem quod laudat in hac civitate est fundamentum: *Fundamenta eius in montibus sanctis.* Civitates laudari solent a situ, a solo, a magnitudine, a munitione et arcibus, ab aedificiis, palatiis, templis, plateis, a viis rectis, latis, planis, pulcris, ab opulentia et copia rerum, a civium multitudine, nobilitate, valore, divitiis, a principibus, magistratibus, regimine optimo et sanctissimis legibus; non a fundamentis, quae ex ruderibus fiunt et vilissimis petris, quae occulta sunt sub terra, in quibus nulla species aut pulcritudo. Huius autem civitatis principe loco fundamenta laudantur, quoniam haec civitas fundata est a Deo, non a mundo. Deus autem quae non videntur pretiosiora et pulciora fecit iis quae videntur. In terra videntur lapides viles in superficie, non pretiosae gemmae, non pretiosa metalla aurum et argentum in visceribus terrae; in coelo videntur stellae non Angeli, qui sunt multo nobiliores; in mundo videtur corporalis machina, sed non spiritus divinus qui eam regit; in homine manifestum est corpus non autem anima; in Ecclesia non videtur Spiritus Sanctus. Imo, quid dico? In fundamentis Deus virtutem omnem collocavit, in radicibus plantarum, quae sunt instar basium, posuit totam virtutem; inde haurit truncus, inde rami, inde arbor tota virtutem omnem. In synagoga tanquam fundamentum totius aedificii posuit Moysem sanctissimum; in Ecclesia Petrum, principem Apostolorum, imo Christum ipsum: *Fundamentum... aliud nemo potest ponere, praeter id quod positum est, quod est Christus Iesus.* ³³⁾ Fundamentum mundi totius non nisi Deus ipse est, et Verbum Dei, portans omnia verbo virtutis sua. ³⁴⁾ Bases tabernaculi Moysi legimus in *Exodo* fuisse ex argento, ³⁵⁾ funda-

Virginis infinitus
valor ob pre-
tiositatem
fundamentorum.

Auctor funda-
tions est Deus,
qui pretiosiora
fecit quae
non videntur.

28) *Brev. Rom.* in Fest. Comm. Virg. Resp. ad Tertiam. 29) *Jer 1, 18-19.* 30) *4 Rg 2, 12.*
31) Cf. *1 Rg 18, 7.* 32) *Cf 6, 9.* 33) *1 Cor 3, 11.* 34) *Hebr 1, 3.* 35) Cf. *Ex 36, 23-34.*

menta templi Salomonis ex lapidibus pretiosis.³⁶ De coelesti Ierusalem in *Apocalypsi* legimus quod fundamenta civitatis sunt omni lapide pretioso ornata.³⁷ Sic in primis laudantur fundamenta mysticae huius civitatis Ierusalem.

Virginis infinitus
valor ob
principalitatem
civitatis
fundatae.

Ierusalem regina
civitatum,
Maria Regina
omnium.

Virginis infinitus
valor ob
solemnitatem
fundationis.

Primus lapis
cum solemnitate
ponitur ab
Episcopo, a rege.

V. Per civitatem Ierusalem aliquando in Sacris Litteris etiam mundus iste designatur, aliquando Ecclesia, aliquando paradisus. Sic Maria parva, ut ita dicam, Ierusalem est, quia parvus mundus, parva Ecclesia, parvus paradisus. Sed parvus mundus fuit homo creatus a Deo, minor mundo quantitate molis, sed maior quantitate virtutis, quia factus fuit princeps et dominus mundi totius; in homine caput mole minus est toto corpore, sed virtute maius; in mundo sol minor est toto coelo, sed virtute maior. Sic Maria virtute maior est toto mundo, tota Ecclesia, toto paradiiso. Sicut civitas metropolis caput et regina dominaque omnium civitatum regni, maior semper et nobilior cunctis est ratione dominii et principatus; Maria autem ut Sponsa Dei et vera Mater Christi Regina est paradiisi, Domina omnium creaturarum, Imperatrix Angelorum. Sic ipsa mundus est minor et maior, minor et maior Ecclesia, minor et maior paradisus. Ubi etiam quomodo fundatus est mundus? In Deo et per Deum. Quomodo fundata Ecclesia? In Christo et per Christum. Quomodo fundatus paradisus? In Spiritu Sancto et per Spiritum Sanctum. Mundus fundatus est a potentia Patris, Ecclesia a sapientia Filii, paradisus a bonitate Spiritus Sancti.

VI. Fundamentum rei principium designat et initium rei; initium autem hominis in conceptione est. Quid primum laudatur in hac civitate? Fundamentum. Cum fundatur magnum aliquod templum in honorem Dei in civitate in ecclesiam principalem ac metropolitanam, primus lapis ponitur ab Episcopo magna cum solemnitate multisque sacris ceremoniis benedictus et consecratus. Cum a rege fundatur aliqua civitas vel arx magni momenti, si possit, vult ipse adesse; ponitur primus lapis cum multis numismatibus aureis et argenteis, insculptis regali imagine et nomine principis, cum stemmatibus et gentilitiis insigniis ipsius principis; poniturque primus lapis magna cum solemnitate et laetitia. Ita accidit in conceptione purissimae Virginis. Deus ipse posuit primum lapidem, quoniam fundabatur templum Dei, arx et civitas Dei Summi Regis. Hinc ait: *Fundamenta eius*

36) Cf. 3 Rg 5. 17.

37) Cf. Apc 21, 19-20.

in montibus sanctis, sive, ut hebr. est *in montibus sanctitatis*, sicut dicitur *montes aureos*.

VII. Ubi fundata est haec civitas? *In montibus sanctitatis*. Magnus altusque sanctitatis mons est fides, altus mons sanctitatis spes, altus mons caritas, alti montes virtutes omnes, montes alti omnia dona Spiritus Sancti, coelestes gratiae divinaque charismata. Sic fundata est *in montibus sanctitatis*: *Erit... praeparatus mons domus Domini in vertice montium.*³⁸ Magnum miraculum montes ponere supra vertices montium. Sed miraculum hoc accidit in conceptione Mariae. Altii montes sunt omnes Sancti: *Suscipient montes pacem populo et colles iustitiam;*³⁹ sed Maria mons est super omnes montes. Magna sanctitas Patriarcharum, Prophetarum, Apostolorum, Martyrum, Sanctorum omnium, Angelorum in coelo; sed Maria sanctitate et puritate ipsis etiam Angelis maior, quia Deo multo propinquior. Hanc enim ob causam ponitur civitas haec fundata altissimo loco, *supra altissimum montem*.

Est enim mundus hic sicut statua Nabuchodonosor, cuius quo altiores erant partes eo erant nobiliores,⁴⁰ sicut tabernaculum Moysi^{40a} et templum Salomonis,⁴¹ sicut humanum corpus, sicut in natura supra terram lapides et metalla, super haec plantae, supra plantas animalia, supra animalia homo; sic supra terram aqua, supra aquam aer, supra aerem coelum, supra coelum stellae, supra stellas Angeli, supra Angelos Deus; crescit semper nobilitas rerum quo sublimiores sunt et propinquiores Deo. Maria autem proxima Deo est sicut filia patri, sicut sponsa sponso, sicut mater filio; propinquitas autem haec Divinitatis participatio est.

Sicut in ecclesiastica hierarchia sunt clerici, subdiaconi, diaconi, sacerdotes, canonici, Dignitates, Episcopi, Archiepiscopi, Patriarchae, Cardinales et supra omnes Papa, qui Papae sunt propinquiores hi digniores censentur; sicut etiam in politica monarchia principi, regi, imperatori propinquiores nobiliores sunt et digniores, summo principi dignitate et honoris dignitate multo similiores.

Virginis ergo Deiparae summa propinquitas apud Deum summam Dei similitudinem designat. Deus autem suapte natura est summa maiestas, summa beatitudo, summa gloria, infinita potentia, infinita sapientia, infinita

Virginis infinitus
valor ob
nobilitatem
fundations.

Maria fundata
in vertice
montium sancti-
tatis, quia
sanctior
omnium.

Quo aliquid
altius eo
nobillius in
mundo,

in Ecclesia et
in politica
monarchia.

Maria nobilior
quia Deo
propinquior.

38) Is 2, 2. 39) Ps 71, 3. 40) Cf. Dn 2, 31 sqq. 40a) Cf. Ex 26, 1 sqq.; Hebr. 9, 1-3.

41) Cf. 2 Par 3, 1 sqq.; Hebr 9, 1-3.

bonitas, caritas, misericordia, sanctitas. Maria igitur Deo simillima, sicut luna soli, creaturarum omnium, Angelorum, Cherubim, Seraphim summe particeps divinae maiestatis, felicitatis et gloriae, summe particeps divinae potentiae, sapientiae, bonitatis, caritatis, misericordiae, sanctitatis.

Hinc Fidelium
devotio in
Virginem ma-
gna, perpetua,
universalis.

Hinc orta est summa fidelium devotio erga Virginem Sacratissimam, sicut Vates ait: *Confluent ad eum*, – montem domus Domini –, *omnes gentes*.^{41a} Instar, inquit, torrentium ac fluminum, qui a montibus et editioribus locis ad decliviora usque ad ipsum mare cursu rapidissimo feruntur; sic gentes et populi ad altissimum hunc montem domus Domini: *Confluent ad eum omnes gentes*. Ubi tria designantur: magnitudo, perpetuitas et universalitas devotionis in Virginem. Magnitudo: *Confluent, venaharu* hebr., fluent instar fluminis, cuius est cursus perpetuus et magnus. Sed mirabile dictu est quod cum excelsorem cunctis montibus dicat Virginem, concursum tamen devotionis populi fidelis ad eam designat per fluxum aquarum quae naturali et spontaneo motu non sursum feruntur a vallibus et planicie ad montes, sed a montibus ad planiciem vallesque. At vero loquitur de illis aquis, quae saliunt ad vitam aeternam.⁴² Sicut gravia corpora spontaneo, veloci et rapido cursu deorsum feruntur, ita levia sursum; manifestum est in flamma ignis; non minus rapido et concitato cursu fertur ignis sursum, quam aqua deorsum. Spiritus autem ignis quidam divinus est, devotio autem spiritualis est. Hinc ad Deum et coelestia spiritus devotionis fertur, sicut aqua fluminis ad mare, cum tamen Deus altissimus sit super omnes deos. Sic spiritus devotionis fertur in Virginem, altissimam coeli Reginam, utique quoniam altissima est et Deo proxima. *Confluent* autem, inquit, *omnes gentes*: *Beatam me dicent omnes generaciones*,⁴³ scientes quod apud omnipotentem Deum omnia potest, et quod ipsis infinita prope vereque divina bonitas, caritas, benignitas est, infinitum desiderium salutis nostrae, quod diligit nos sicut mater carissima filios dilectissimos.

Virginis infinitus
valor ob
sublimitatem
fundationis.
Virgo fundata
super altissimos
montes
gratiarum.

VIII. *Fundamenta eius in montibus sanctis*. Datur civitas mirabilis etiam a fundatione ipsius. Sic enim civitas Venetiarum mirabilis est ac veluti mundi miraculum, quoniam in aquis fundata est. Nostra autem haec civitas mirabilis, quoniam super altissimos montes divinarum gratiarum fundata est.

Fundamenta eius in montibus sanctis. Fundamentum totius Ecclesiae

41a) Is. 2, 2. Vulg. habet: *Fluent.*

42) Cf. Io 4, 14.

43) Lc 1, 48.

Christus est, fides est, sicut Paulus ait: *Est autem fides sperandarum substantia rerum, argumentum non apparentium.*⁴⁴ Haec cum primis laudata fuit a Christo in Petro,⁴⁵ in Centurione,⁴⁶ in Chananaea,⁴⁷ in Magdalena,⁴⁸ in caeco illuminato.⁴⁹ Haec item laudata in Virgine a Spiritu Sancto per os Elisabeth: *Beata quae credidisti, quoniam perficiuntur in te... quae dicta sunt tibi a Domino.*⁵⁰ Haec in Virgine erat in montibus sanctis: *Conservabat omnia verba... conferens in corde suo.*⁵¹ Altus mons est mens, superior animae portio, altus mons intellectus, altus mons animus suapte natura nobilissimus, altus sanctusque mons coelestium rerum contemplatio. In homine ipsa etiam ratio fundamentum est omnium humanarum actionum; sine usu enim rationis homo instar animalis bruti est. In corpore caput est veluti fundamentum ac radix, nam est homo sicut arbor inversa; cor etiam veluti basis et fundamentum est naturalis vitae, quae in vitali calore consistit, hic autem a corde sumit originem.

Virgo Sanctissima fide, animo, spiritu semper in coelestibus erat: *Nostra... conversatio in coelis est;*⁵² reposuerat thesaurum suum in coelo; ubi autem thesaurus est, ibi et cor,⁵³ quoniam fide viva praedita erat, qua fundationem suam cognoscebat a Deo, suam creationem a divina omnipotencia, sapientia, bonitate, vitam et omne bonum suum a Deo. *Quid... habes, homo, quod non accepisti?*⁵⁴ *Omne datum optimum et omne donum perfectum desursum est.*⁵⁵ Propterea Deum semper mente et spiritu in veritate colebat totoque et corde et animo diligebat.

Virgo fide
altissima, natura
nobilissima,
contemplatione
sibilissima.

Virgo semper
in coelestibus.

IX. Sed etiam nos, fratres, fundati sumus in montibus sanctis, commune cum ea habemus fundamentum fidei. Sit fides in nobis viva, sicut fuit in Virgine. Exercebat iugiter Virgo fidem sanctis meditationibus, sicut de anima sancta dicitur: *In lege Domini voluntas eius, et in lege eius meditabitur die ac nocte;* propterea *erit tanquam lignum, quod plantatum est secus decursus aquarum.*⁵⁶ Exerceamus et nos eandem fidem, ne simus instar immundorum animalium quae non ruminant. Ruminemus meditando quae credimus, nam in meditatione exardescet ignis divini amoris.⁵⁷ Meditemur et iugiter memoria recolamus divina in nos collata beneficia quae credimus, et magnum inde percipiemos fructum.

Etiam nos
commune cum
ea habemus
fundamentum
fidei.

Exerceamus eam
in contem-
platione,

44) Hebr 11, 1.

45) Cf. Mt 16, 16-17.

46) Cf. ibid. 8, 10.

47) Cf. ibid. 15, 28.

48) Cf. Lc 7, 50.

49) Cf. Mc 10, 52.

50) Lc 1, 45.

51) Ibid. 2, 19, 51.

52) Phil 3, 20.

53) Cf. Lc 12, 34.

54) 1 Cor 4, 7.

55) Iac 1, 17.

56) Ps 1, 2-3.

57) Ps 38, 4.

in humilitate. Magnum etiam virtutum fundamentum humilitas est, nam *Deus superbis resistit, humilibus autem dat gratiam.*⁵⁸ Virgo autem humillima erat: *Quia respexit humilitatem ancillae suaे. Ecce ancilla Domini, fiat mihi secundum verbum tuum.*⁵⁹

in caritate. *Fundamenta eius in montibus sanctis.* Fundata erat civitas Ierusalem supra tres montes: supra montem Sion, ubi erat arx David, supra montes Moriah, ubi templum Domini, et supra montem Acræ, ubi magna pars civitatis.⁶⁰ Unus erat mons, sed triceps, trijugus, quod quidem non vacat mysterio, tum ratione Trinitatis in Deo, qui unus et trinus est, tum ratione gratiae, quae in tribus theologicis virtutibus consistit. Hi sunt montes sanctitatis. Paulus ait: *In caritate radicati et fundati.*⁶¹ En caritas fundamentum salutis.

58) Iac 4, 6; Petr 5, 5. 59) Lc 1, 48. 38. 60) Cf. Joseph Hebr. *De Bello Iud.* lib. 6, cp. 8
61) Eph 3, 17.

SERMO SECUNDUS

DE SINGULARI DEI AMORE ERGA MYSTICAM CIVITATEM DEI MARIAM

*Diligit Dominus portas Sion super omnia tabernacula Iacob; gloriosa dicta sunt de te, etc.*¹

I. Dilexit vehementer Adamus Eavam, Abrahamus Saram, Iacob Rachelem, Isaac Rebeccam, Assuerus Estheram, estque naturalissimus amor hominis in mulierem pulcram et supra modum gratiosam. Hodie autem talis proponitur amor Dei erga Virginem.

Diligit Dominus portas Sion super omnia tabernacula Iacob. Prosequitur metaphoram civitatis Ierusalem, quod eam dilexit Deus super omnes alias civitates totius israelitici regni, tanquam civitatem omnium maximam, pulcherrimam, amoenissimam, munitissimam. Caput regni erat, civitatum metropolis, in ea templum Domini, sedes magni sacerdotii, summum principum sacerdotum synedrium, concilium, senatus; in ea sedes regia, vires regni totius, supremi magistratus, duces exercitus, thesauri regis, armamentarium regni, et, quod maximum omnium est, ibi summus divinae religionis cultus, ibi sacerdotium, ibi prophetia, ibi studium legis et Prophetarum, ibi sacrificia, ibi veluti thesaurus bonorum omnium totius synagogae: *Diligit Dominus portas Sion super omnia tabernacula Iacob.* A magnitudine et copia divinorum beneficiorum colligit Divus Vates magnitudinem divini amoris erga eam.

Proponitur amor
Dei erga
Virginem.

Directive Dei
erga Ierusalem
supra omnes
civitates bonorum
collatione.

1) Ps 86, 2-3.

*Dilectio Dei
erga Virginem
super omnes
creaturas maxi-
ma exaltatione.*

Simile: Esther.

Sic utique in Virgine Sacratissima. De ea dixit Gabriel Angelus quod invenerat gratiam apud Deum: *Ne timeas, Maria, invenisti enim gratiam apud Deum.* Sed qualem gratiam? *Ave, gratia plena, Dominus tecum, benedicta tu in mulieribus,*² idest, super omnes mulieres; placuisti Deo super omnes mulieres,^{2*} imo super omnes animas sanctas; dilexit te Deus super omnes creatureas: *Diligit Dominus portas Sion super omnia tabernacula Iacob.* De Esthera legimus quod adamavit eam rex Assuerus plus quam omnes mulieres, habuitque gratiam et misericordiam coram eo super omnes mulieres, et posuit diadema regni in capite eius.³ Hoc fuit argumentum maximi erga eam amoris, maxima dignitas et exaltatio, qua eam super omnes mulieres exaltavit; maximus amor in causa fuit maximae exaltationis; eam nanque quantum potuit exaltavit; ita Deus summus, *Rex regum, omnipotens, Dominus dominantium*⁴ Beatissimam Virginem.

*Amor Dei
causa princeps
exaltationis
Virginis
Deiparae.*

*Deus, totus
amor, diligit
omnia,*

II. Diligit Dominus portas Sion super omnia tabernacula Iacob. Obiectum, cibus et esca amoris pulcritudo est, gratia, bonitas; propterea enim Assuerus Estheram super omnes mulieres amat, quoniam pulcherrima et gratiosissima omnium visa ei est, omnium maxime placuit; sic Virgo Sacratissima Deo, ideo eam super omnes creatureas dilexit.

Quod Deus diligat, mirum non est; nam suapte natura Deus totus amor est: *Deus caritas est*, inquit Ioannes.⁵ Et sicut sol, quia totus lux est, totum illuminat susque deque mundum, ita Deus cum totus amor sit, omnes creatureas amat, nam: *Vidit Deus cuncta quae fecerat, et erant valde bona.*⁶ Sic legimus quod Deus diligit omnia,⁷ imo creatureae omnes partus sunt divini amoris: *Fecit coelos in intellectu, quoniam in aeternum misericordia eius; firmavit terram super aquas, quoniam in aeternum misericordia eius; fecit luminaria magna, quoniam in aeternum misericordia eius;*⁸ [Hebr.] *chi leholam hasdo, quoniam in perpetuum pietas eius, beneficentia eius.*

Mirabatur beatus Iob quod Deus hominem tantopere diligeret: *Quid est homo quia visitas eum? Aut quid apponis erga eum cor tuum?*⁹ Similiter Regius Vates: *Quid est homo quod memor es eius? Aut filius*

2) Lc 1, 30, 28.

2a) Ms.: *Muliere.*

3) Cf. Est 2, 17.

4) 1 Tim 6, 15; Apc 17, 14.

5) 1 Io 4, 1, 0

6) Gn 1, 31.

7) Cf. Sap 11, 25.

8) Ps 135, 5-7.

17. Vulg. habet: *Magnificas eum.*

9) Iob 7,

*hominis quia visitas eum? Minuisti eum paulo minus ab Angelis, gloria et honore coronasti eum, et constituisti eum super opera manuum tuarum, omnia subiecisti sub pedibus eius.*¹⁰ Causam admirationis alibi aperit, dicens: *Quid est homo, quia innotuisti ei?* [Hebr.] *Vattedahahu, quia cognovisti eum? Aut filius hominis quia reputas eum? Homo vanitati similis factus est; dies eius sicut umbra praetereunt.*¹¹ Modica, inquit, res videtur esse homo, prope nihilum, instar umbrae; et tamen memor es eius, visitas eum, cognoscis eum, reputas eum. Propter eum omnia creasti, eius summam geris curam et providentiam paternam, eum, veluti alterum Deum, constituisti mundi principem gloria et honore coronatum ac sublimatum. Ita mirari et p[re] admiratione exclamare licet: *Quid est mulier quod memor es eius, quia visitas eam?* Gloria et honore coronasti eam, et constituisti eam super opera manuum tuarum, omnia subiecisti sub pedibus eius, quam non minuisti paulo minus ab Angelis, sed super omnes angelicos ordines exaltasti, sole amictam et stellis fulgentissimis coronatam.¹² Miraculum plane divinae dilectionis erga Virginem! *Diligit Dominus portas Sion super omnia tabernacula Iacob.*

*supra omnia
hanc coelestem
mulierem.*

III. Divinae dilectionis erga Electos quatuor sunt singulares effectus: praedestinatio electioque, vocatio, iustificatio et glorificatio; de quibus Paulus: *Quos praescivit et praedestinavit... hos et vocavit; ...quos autem vocavit, hos et iustificavit; quos autem iustificavit, illos et magnificavit.*¹³ Virginem autem Deus praedestinavit, vocavit, iustificavit et glorificavit super omnes Electos, non solum homines verum etiam Angelos.

*Amoris Del quadruplex
effectus. praede-
stinatio, vocatio,
iustificatio,
glorificatio.*

Praedestinavit eam super omnes Sanctos, quia praedestinavit ad summum gradum gratiae, ad summum gradum gloriae, ad summum gradum dignitatis, ut esset vera Dei Filia, Sponsa et Mater, Domina Angelorum, Regina Sanctorum omnium.

*Virgo praedesti-
nata Mater Dei,
Regina omnium.*

Divina praedestinatio fuit veluti ichnographia, prima forma et exemplar, archetypum totius Ecclesiae Electorum Dei. Cum Dominus dedit Moysi exemplar divini sanctuarii, primo omnium locutus fuit de arca testamenti;¹⁴ sic prima creatura praedestinata extitit Virgo Beatissima, viva Divinitatis arca.

Vocatio etiam Virginis supra modum mirabilis fuit, quoniam simul

*Virgo vocata
simul ad esse*

10) Ps 8, 5-8.

11) Ps 143, 3-4.

12) Cf. Apc 12, 1.

13) Rom 8, 29-30. Vulg.

loc.: *Magnificavit*, habet: *Glorificavit*.

14) Cf. Ex 25, 1 sqq.

naturae
et gratiae.

vocata fuit ad esse naturae et gratiae, ad esse et bene esse: anima simul ipsius simul creata et sanctificata, Deo unita, unus spiritus cum Deo facta; nam vocatio tractus quidam est animi et cordis humani ad Deum: *Nemo venit ad me nisi Pater, qui misit me, traxerit eum;*¹⁵ sic etiam per Oseam ait: *In funiculis Adam traham eos, et in vinculis caritatis.*¹⁶ Animus autem Virginis in primo instanti conceptionis eius tractus fuit ad Deum, adhaesit Deo indissolubili nodo caritatis, quae dicitur *vinculum perfectionis*,¹⁷ idest, vinculum perfectum, indissolubile: *Quis nos separabit a caritate Christi?*¹⁸ *Qui... adhaeret Deo unus spiritus est cum Deo.*¹⁹ Sicut Eva, statim ut formata extitit, adducta fuit ad Adam, eique arctissimo vinculo amoris coniuncta;²⁰ sic anima Virginis, statim ut creata fuit, a Spiritu Sancto adducta fuit ad Deum.

Virgo iustificata

Sic etiam mirabilis fuit iustificatio Virginis: *Ave, gratia plena... benedicta tu inter mulieres... Spiritus Sanctus superveniet in te et virtus Altissimi obumbrabit tibi;*²¹ sic meritis et virtutibus super omnes Santos exaltata.

et glorificata
supra omnes.

Tandem mirabilis glorificatio, nam: *Astitit regina a dextris tuis in vestitu deaurato.*²² O mirabilis gloria Virginis apud Christum, apud Deum! Salomon in *Cantico* ait: *Sexaginta sunt reginae, octoginta concubinae et adolescentularum non est numerus; una est columba mea, una est perfecta mea, una est matri suae, electa genitrici suae.* Viderunt eam filiae et beatam dixerunt, reginae et concubinae... laudaverunt eam, dicentes: *Quae est ista quae progreditur quasi aurora consurgens, pulcra ut luna, electa ut sol?*²³ Una est et singularissima Deo, una et sanctae matri Ecclesiae, quae eam super omnes animas sanctas honorat, veneratur, colit, adorat ut Deo morem gerat, videns eam Deo tantopere dilectam et caram: *Diligit Dominus portas Sion super omnia.* Sicut respublica Veneta diligit quidem omnes civitates dominii sui, sed super omnes civitatem Venetiarum, reginam et metropolim omnium aliarum civitatum, quia in ea sedes principis, sacrum collegium, senatus rogatorum, magnum concilium; in ea armamentarium, thesaurus, aerarium reipublicae viresque omnes; sic Deus Mariam diligit super omnes animas sanctas, sicut Papa omnes ecclesias diligit, sed maxime omnium Romanam, matrem et reginam omnium ecclesiarum.

15) Io 6, 44. Vulg. loc.: *Venit, habet: Potest venire.*

16) Os 11, 4.

17) Col 3, 14.

18) Rom 8, 35. 19) 1 Cor 6, 17. 20) Cf. Gn 2, 19 sqq.

21) Lc 1, 28, 35.

22) Ps 44, 10.

23) Cf. 6, 7-9. Vulg. loc.: *Beatam dixerunt, habet: Beatissimam praedicaverunt. Verba: Matri suae... genitrici suae ex hebr.*

IV. Diligit Dominus. Apud homines in mundo magni fit dilectio, benevolentia, favor et gratia magnorum principum, Romae favor et gratia Papae, ubi qui Papae est unice carus et dilectus, beatus praedicatur, quoniam Papa pro summa auctoritate et potestate sua multa magna que praestare potest beneficia, multas magnasque dignitates. Virgo autem Beataissima dilecta dicitur, sed Deo omnipotenti, regi coeli et terrae, creatori omnium, auctori naturae, fonti gratiae, thesauro infinito gloriae.

Ex dilectione
Dei oritur
potentia Mariae.
Maria carior,
ideo apud Deum
potentior.

Diligit Dominus. Diligere Dei idem est ac favere, non enim otiosus, vanus, inutilis est Dei amor. Dicitur dilexisse Patriarchas, quoniam eos summis bonis cumulavit, dilexisse Iacob quoniam ei dedit primogenitaram et benedictionem summe desiderabilem; dicitur dilexisse Ioseph, quoniam principem Aegypti constituit et salvatorem mundi; dilexisse Salomonem, quoniam ei dedit regnum Israelis, thesaurum coelestis sapientiae, summam felicitatem et pacem maximasque divitias; dicitur dilexisse super omnes alias nationes hebraeam gentem, quoniam liberavit eam a servitute Aegypti multis maximisque miraculis, in deserto coelesti manna pavit, legem de coelo dedit, sacerdotium, sacrificia templumque et Prophetas in salutem illius, Terram Promissionis optimam in habitationem dedit, multisque dignitatibus, honoribus, victoriis, potentia divinisque favoribus ad miraculum illustravit ac nobilitavit. Dilexit Dominus Abrahamum super omnes Patriarchas, quoniam primum Patriarcharum elegit; dilexit Moysem super omnes Prophetas, quia principem et leglatorem, fundatorem reipublicae Hebraeorum instituit; dilexit Aaronom super omnes sacerdotes, quoniam primum summum sacerdotem, pontificem et hierarcham totius synagogae creavit; dilexit David super omnes reges, quoniam summum regem totius Israelis ex humili pastore effecit; dilexit Petrum super omnes Apostolos, quoniam eum summum principem Apostolorum, coryphaeum totius Ecclesiae, pontificem optimum maximum esse voluit. Veluti si dicamus, quod in mundi creatione dilexit solem super omnes stellas, quoniam maximam lucis copiam ei dedit; dilexit hominem super omnes alias creaturas, quoniam mundi totius principem ac monarcham super omnia opera sua constituit. Sic super omnia dilexit Deus Mariam.

Amari a Deo
idem est
ac favoribus
cumulari.

V. Diligit Dominus portas Sion super omnia tabernacula Iacob, idest, super omnes Electos, nam per tabernacula Iacob Electi intelliguntur: *Iacob dilexi.*²⁴ O mirabile dictu! Diligit quidem Deus omnes creaturem coeli et

Maria elector
Inter Electos,
ideo apud Deum
potentior.

24) Rom 9, 13.

*Gradus amoris
Dei.*

terrae, sed hominem super omnia, nam propter hominem omnia creavit; alioquin ad quid coelum et terram? ad quid mundus? Diligit omnes homines, sed, si inter omnes homines unus tantum reperiretur electus, illum maxime super omnes homines diligeret. Manifestum est in diluvio. Unum Noe reperit iustum, eum dilexit, eum in arca salvavit cum sua familia; omnes alios homines diluvio perdidit.^{24a} Sic etiam Moysi dixit iratus in populum perdere se velle universum populum, et ipsum tamen Moysem servare;²⁵ ostendens quod plus unum ipsum Moysem diligebat ob insignem virtutem et sanctitatem, quam universum populum. Quantus igitur Deo amor est erga unum electum! Sed Mariam diligit super omnes Electos: *Diligit Dominus portas Sion super omnia tabernacula Iacob.* Plus amoris et gratiae Dei in una Maria, quam in omnibus Electis; plus ipsa sola apud Deum omnipotentem potest, quam omnes simul Electi.

*Maria filia
dilecta,
ut Christus.*

VI. Quare sicut de Christo in transfiguratione ait: *Hic est filius meus dilectus in quo mihi bene complacui, ipsum audite,*^{25a} ita et de Virgine: Haec est Filia, imo Sponsa mea dilecta, in qua mihi bene complacui. Maria enim similis per omnem modum Christo est, sicut luna soli, sicut Eva Adamo: similis in praedestinatione, in vocatione, in iustificatione, in glorificatione. Sedet Christus ad dexteram Dei super omnes Angelos rex et summus imperator; sedet Maria ad dexteram Christi summa coeli et Angelorum regina et imperatrix. De Christo ait Paulus quod est compendium omnium bonorum Dei: *Anachecephaleosasthe ta panta en to Christo, ta en tis uranis che ta epi ghis panta en auto.*²⁶ Nam quidquid pulchri et boni reperit Deus in hominibus et Angelis, omnia collegit in Christo, sicut fecit in creatione hominis, qui propterea microcosmos dictus est, parvus mundus. Ita etiam cum Virgine egisse ostendit in *Apocalypsi* Ioannes, ubi ostenditur Virgo omnibus coeli luminibus ornata, toto corpore amicta sole, sub pedibus luna pulcra plenaque, in capite corona stellarum.²⁷ Hoc autem quid designat nisi quod quidquid virtutis, sanctitatis, bonitatis reperit Deus in Ecclesia et in paradyso, in hominibus et in Angelis accepit ad Virginem dignitate Unigeniti Filii exornandam, ut ipsa paradysus esset deliciarum Dei.²⁸

24a) Cf. Gn 7, 1 sqq.

25) Cf. Ex 32, 7-14. 25a) Mt 3, 17. 26) Eph 1, 10 ex graec. Et iure compendium, nam *anachecephaleosasthe* significat *in unum, ad summam redigere* Cf. Sales, *Comment. in Ephes.* 1, 10. Vulg. habet: *Instaurare.* Ms. adhibet *t* in *anachecephaleosasthe* et *th* in *panta et auto.*

27) Cf. 21, 1.

28) Cf. Gn 2, 8.

*Christus rex,
Maria regina;*

*Christus
compendium
bonorum Dei,*
ita Maria.

VII. Habuit Salomon mille uxores: septingentas reginas et trecentas concubinas;²⁹ sed omnium maxime dilecta fuit filia Pharaonis, potentissimi regis Aegypti propter summam tum nobilitatem tum pulcritudinem.³⁰ Omnes animae sanctae sponsae Dei sunt, sed omnium dilectissima est Beatissima Virgo. Adam super omnia bona quae a Deo accepit Evam dilexit; sic Deus super omnes creatureas Virginem.

Maria Sponsa
dilectissima Dei,
ideo omnium
bonorum Dei
possestrix.

Est autem natura amoris, ut quod maxime diligitur maxime penatur et aestimetur, ut nihil ei optatum gratumque negetur, ut magna dona pretiosaque munera donentur, multa beneficia conferantur. Signa et indicia magni amoris sunt collatio magnorum beneficiorum, dulcis, familiaris, perpetua conversatio, revelatio secretorum animi, fides in amicum ac depositio rerum carissimarum. Diligit vir quam maxime uxorem, quam pro viribus beneficiis afficit, muneribus exornat, a qua divelli vix potest, cui omnia cordis sui arcana patefacit, cui committit claves scriniorum, pecuniarum et quarumcumque rerum pretiosissimarum, cui denique in omnibus satisfacit et oblectat; divinare vellet ut sciret semper quod gratum ei facere posset. Sed quis unquam pro dignitate verbis assequi posset signa haec et indicia amoris erga Virginem? *Diligit Dominus portas Sion super omnia.*

Natura amoris,
nihil amanti
negare.

VIII. Sunt decem sphaerae divini amoris in creatureas. Diligit enim Dominus terram, quia Dei possessio est: *Domini est terra et plenitudo eius;*³¹ diligit coelum, quoniam veluti domus ipsius est, regale palatum: *Coelum coeli Domino;*³² diligit omnes creatureas inanimatas, lapides, marmora, gemmas, metalla, aurum, argentum, quoniam inquit: *Meum est argentum... meum est aurum;*³³ diligit plantas omnes, quia opera sunt manuum eius, ipse dixit: *Germinet terra,*³⁴ ipse plantavit paradisum; diligit omnia animalia, quoniam ipsa quoque opera ipsius sunt, ipse pascit et conservat omnia; diligit homines, quia ad imaginem Dei sunt; diligit Ecclesiam fidelesque omnes, quoniam Ecclesia sponsa Dei est, fideles autem filii Dei; diligit omnes Angelos ministrantes, diligit omnes Angelos assistentes, coelestis curiae principes.

Maria sphaera
suprema amoris
Dei, ideo ipsius
cordis Dei
possestrix.

Sed super omnes has sphaeras divini amoris, decima, suprema sphaera est amoris Dei in Virginem: *Diligit Dominus portas Sion super omnia tabernacula Iacob.* Est Virgo super omnes Sanctas, sicut Christus super

Suprema sphaera
divini amoris
Maria.

29) Cf. 3 Rg 11, 3.
33) Agg 2, 9.

30) Cf. 3 Rg 3, 1; 11, 1.
34) Gn 1, 11.

31) Ps 23, 1.

32) Ps 113, 16.

omnes Santos: *Ecce plus quam Ionas hic... ecce plus quam Salomon hic;*³⁵ sic utique super omnes Santos qui in Sacris Litteris laudantur; ita plane et Virgo Beatissima. Laudatur Eva, quia Dei manu innocens sanctaque formata: ³⁶ ecce plus quam Eva; laudatur Sarah, quia sancta, ³⁷ Rebecca quia pia, ³⁸ Rachel quia pulchra, ³⁹ Lia quia fecunda: ⁴⁰ ecce plus haec; laudatur Maria soror Moysi ut religiosa et spiritu prophetiae plena: ⁴¹ ecce plus haec; sic enim ipsa benedicta, laudata super omnes mulieres, quia gratia plena, omni gratia, omni virtute, omni sanctitate.⁴² Hinc super omnes dilecta, quoniam super omnes bona, sancta, virtute praedita; Deus enim summus est bonitatis, virtutis, sanctitatis amator, haec nanque est quae animam Deo similem dignamque reddit divino amore. Virginem summe sanctam, puram, omni virtute ornatam Deus summo est prosecutus amore; et quoniam Deus thesaurum suum in Virgine posuit, in ea etiam posuit et cor suum; nam ait: *Ubi... est thesaurus..., ibi est et cor...*⁴³ Legimus de templo Salomonis dictum a Deo: *Ut permaneat cor meum ibi cunctis diebus.*⁴⁴ Virgo Beatissima est verum templum Dei; ideo in ea Dei cor perpetuo reperitur. Virgo Beatissima cor Dei secum habet; cor autem suum in Deo, quoniam in Deo omnem thesaurum suum reposuit; nam Virgo prudentissima non thesaurizavit sibi thesauros vanitatum in terra, sed thesauros virtutum in coelo.⁴⁵ Sic ipsa totum cor et animum animamque suam Deo dedit.

In Virgine
cor Dei, et in
Deo cor Virginitatis.

Ex reciproco
amore Dei et
Mariae oritur
misericordia eius
erga nos.

IX. *Diligit Dominus portas Sion super omnia tabernacula Iacob.* Ait autem: *Ego diligentes me diligo, et qui mane vigilaverint ad me inventient me. In viis iustitiae ambulo..., ut ditem diligentes me.*⁴⁶ Qui operantur in me non peccabunt; qui elucidant me vitam aeternam habebunt.⁴⁷ Diligebatur Virgo a Deo super omnes creaturas; ipsa etiam reciproco amore Deum super omnia diligebat ac redamabat. Ipsa nanque plenissime observavit praeceptum dilectionis divinae: *Diliges Dominum Deum tuum ex toto corde tuo et ex tota anima tua et ex omnibus viribus tuis,*⁴⁸ quod est mandatum primum et maximum in lege.⁴⁹ Hinc nanque dicta est ab Angelo *plena gratia*, idest, caritate in Deum, nam: *Dominus*

35) Lc 11, 32. 31. 36) Cf. Gn 1, 27; Eccle 7, 30. 37) Cf. 1 Petr 3, 6. 38) Cf. Gn 24, 15-21.
 39) Cf. ibid. 29, 17. 40) Cf. ibid. 29, 31-35. 41) Cf. Ex 15, 20. 42) Cf. Lc 1, 28.
 43) Mt 6, 21. 44) 2 Par 7, 16. Vulg. habet: *Ut..., et permaneant oculi mei et cor meum ibi cunctis diebus.* 45) Cf. Mt 6, 19-20. 46) Prv 8, 17. 20-21. Vulg. habet: *Et qui mane vigilant, etc.* 47) Eccli 24, 30-31. 48) Lc 10, 27. 49) Cf. Mt 22, 38.

tecum; maior fuit caritas et amor Mariae in Deum, in Christum caritate et amore omnium sanctorum animarum, omnium etiam Angelorum erga Deum.

Est autem unus caritatis habitus quo Deum diligimus et proximum: una arbor cum duobus ramis eandem virtutem a radice trahentibus, unus fons per duos fistulos emittens aquam. Sicut ergo Beatissima Virgo maxima caritate Deum diligit, ita et nos creaturas Dei, filios Dei, fratres Christi, imo membra Christi, unici et dilectissimi Filii sui. Quia Virgo maxime a Deo dilecta est, nihil apud Deum non potest; quia vero Deum et nos creaturas Dei maxime diligit, nihil non desiderat quod sit ad gloriam Dei et salutem nostram.

Maria omnia potest, et omnia nobis desiderat.

X. Oritur in viris amor erga mulieres a naturali similitudine, sic enim Adam dilexit E�am; oritur a sanguinis coniunctione, sic pater diligit filium; oritur a dilectione, frater enim diligit sororem a qua plurimum diligit se novit; oritur a beneficiis acceptis, sic filius diligit matrem; sed maxime oritur a pulcritudine et gratia, haec enim rapiunt cor. Quod si virtus adsit aequalis pulcritudini et gratiae, tunc vere incomparabili amore digna est mulier; virtus enim mulieris maximum ac plane divinum ornamentum est. Deus autem has omnes causas amoris in Virgine Beatissima reperit; propterea dilexit eam super omnes mulieres, super omnes animas sanctas.

Synthetica conclusio. Omnes causae amoris in Virgine, ideo arx Trinitatis facta.

Diligit Dominus portas Sion. Erat Sion arx fortissima, castrum munitionissimum civitatis Ierusalem, plane inexpugnabile aedificatum a David ⁵⁰ natura situs et arte munitissimum ad sustinendas quascumque impugnaciones hostium. Capi potest castrum ab hostibus vel irruptione et vi potentissimi exercitus, vel astutia militari, stratagemate aliquo deceptis defensoribus, vel tandem obsidione, ut, fame cogente, ex penuria et caritate annonae se dedat. Quoniam vero est nobis collectatio adversus principes tenebrarum, ⁵¹ multae animae deveniunt in manus daemonum hisce viis, potentia, astutia et diuturnitate satanicarum tentationum superatae, in peccatum ruentes vel ex potentia, vel ex ignorantia, vel ex malitia cordis humani. Ne autem Virgo Beatissima, quae modis omnibus tentanda erat a satana, sicut et Christus, ⁵² quemadmodum Eva tentata fuit in paradyso, ⁵³ ne, inquam, sic deveniret in manus satanae, superata atque decepta sicut

Sion arx natura et arte inexpugnabilis.

Homines in peccata ruunt impotentia, ignorantia, malitia;

Maria ab iis omnibus libera, quia arx Trinitatis facta, gratia

50) Cf. 2 Rg 5, 9.

51) Cf. Eph 6, 12.

52) Cf. Mt 4, 1 sqq.

53) Cf. Gn 3, 1 sqq.

Eva, facta fuit habitaculum totius divinae Trinitatis, munita potentia Patris, sapientia Filii, bonitate Spiritus Sancti, ne vel per impotentiam⁵⁴ victa, vel per ignorantiam decepta, vel malitia cuiusvis vitii depravata peccaret, et in satanae manus deveniret. Dedit ei Deus contra satanam maiorem copiam gratiae, virtutis omnis, sapientiae, caritatis et sanctitatis, quam dederit aliis omnibus quibusvis Sanctis, etiam Angelis; ideo *diligit Dominus portas Sion*, etc.

et natura
munitissima.

Arx natura inexpugnabilis, quia voluntas hominis libera cogi non potest ab aliqua virtute vel creata hominum aut Angelorum, vel etiam increata ipsius Dei; mutari potest, nam solus Deus est immutabilis, sed cogi non potest; decipi etiam potest, impugnari potest, sed vi capi non potest, nisi ipsa se dedat. Talis fuit animus Virginis Beatissimae: castrum natura munitissimum, deinde vero arte per supernaturalem gratiam et dona Spiritus Sancti divinasque virtutes, quas accepit in maxima copia super omnes creatureas.

54) Ms.: *Impotentia*.

SERMO TERTIUS

DE MAGNITUDINE MYSTICAE CIVITATIS DEI MARIAE

*Gloriosa dicta sunt de te, civitas Dei. Memor ero
Rahab et Babylonis scientium me; ecce alieni-
genae et Tyrus... hi fuerunt illuc.¹*

I. Prosequitur adhuc Regius Vates divinas laudes Divinissimae Virginis sub metaphora civitatis Ierusalem, quae quidem in Sacris Litteris laudatissima est. De qua alibi sic Regius Vates: *Magnus Dominus et laudabilis nimis in civitate Dei nostri in monte sancto eius. Fundatur exultatione universae terrae mons Sion, latera aquilonis, civitas regis magni, ubi hebr.: Pulcra regio, gaudium universae terrae mons Sion.² Deus in domibus eius, in palatiis eius, cognoscetur, cum suscipiet eam, hebr. in arcem, in praesidium.³ Deinde subiungit: Circumdate Sion et complectimini eam, narrate in turribus eius; ponite corda vestra in virtute eius, ad propugnaculum eius, et distribuite domos eius, vel celebrate palatia eius, ut enarretis in progenie altera.⁴ Ubi civitatem Ierusalem a multis laudat atque celebrat: a principe et habitatore, a situ, a pulcritudine, ab arcibus, a palatiis, a copia bonorum omnium desiderabilium; nam propterea dicitur gaudium universae terrae, sicut apud Ieremiam etiam in Lamentationibus legimus: Haeccine est ista urbs..., perfecti decoris, gaudium universae terrae?⁵*

Ierusalem lau-
data ut civitas
perfecti decoris
et gaudium
universae terrae.

1) Ps 86, 3-4.

2) Ps 47, 2-3.

3) Ibid. vr. 4. In palatiis ex hebr.

4) Ibid. vrr.

13-14. Ad propugnaculum et celebrate palatia eius ex hebr.

5) 2, 15..

Virgo Maria
mystica Ierusa-
lem multiplici-
ratione celebrata.

Sed altiori intelligentia in civitate Ierusalem Virgo Divinissima laudatur et celebratur: *Gloriosa dicta sunt de te, civitas Dei.* Dicitur *Dei civitas* a conditione, a dominio, ab habitatione et a magnificentia mirabili et ineffabili, quia fundata et aedificata a Deo est, ab ipso semper possessa, semper inhabitata, mille modis glorificata et illustrata. Et quidem fundator huius civitatis Deus est: *Ipse fundavit eam Altissimus;*⁶ cuius conditor et artifex Deus ipse est Dominus: *Civitas regis magni;* ipse habitator: *Fluminis impetus laetificat civitatem Dei;* sanctificavit tabernaculum suum Altissimus. Deus in medio eius, non commovebitur.⁷ Ideo civitas Dei, quia Deus in medio eius, ipse eius singularis fautor: *Adiuuabit eam Deus mane diluculo.*⁸ Tandem dicitur *civitas Dei* more Divinae Scripturae, quo divina dicuntur quae supra modum mirabilia sunt, sic: Mons Dei⁹, spiritus Dei¹⁰, ignis Dei¹¹, paradisus Dei.¹²

Magnus Domi-
nus in omnibus
operibus suis,
maior in hac
mystica civitate
Dei Maria.

II. Nec sine causa, ut existimo, ait Regius Vates: *Magnus Domi-
nus et laudabilis... in civitate Dei nostri.* Non dicit magnum esse Deum, suamque magnitudinem demonstrasse in creatione mundi, non magnum in natura universalis, non magnum in Ecclesia, non magnum in paradiſo gloriae; sed: *Magnus Dominus,* Deus omnipotens, nec tantum *magnus*, sed etiam *laudabilis nimis*, sed *in civitate Dei nostri, in monte sancto eius.* Magnus fuit Deus in creatione maioris mundi; sed itidem magnus in creatione mundi minoris, hominis, quem principem et dominum mundi universi constituit;^{12a} multo maior in Ecclesia, multo maior in paradiſo, ubi multo perfectiora sunt opera; sed, ut quid sentio dicam, maior visus est mihi Deus in Virgine quam in mundo, in Ecclesia, in paradiſo. Maior perfectio Virginis, nobilitas, dignitas quam mundi totius; maior gratia quam omnium Sanctorum et Sanctarum simul in universa Ecclesia, maior ipsius gloria quam omnium Angelorum et beatorum hominum in paradiſo. Ideo: *Magnus Dominus et laudabilis nimis.* Magnus nimis, laudabilis nimis in omnibus operibus suis, tum in natura universalis, tum in Ecclesia, tum in paradiſo, creando, iustificando, glorificando; magnus est et laudabilis Dominus, quoniam *Dei perfecta sunt opera,*¹³ quoniam *vidit...* Deus cuncta quae fecerat, et erant valde bona;¹⁴ sed in hoc opere ma-

6) Ps 86, 5. 7) Ps 45, 5-6. 8) Ibid. vr. 6.

11) Job 1, 16 (secundum aliquos).

12a) Cf. Gn 1, 28.

13) Dt 32, 4.

9) Cf. Ps 67, 16. 10) Cf. Ex 35, 31 et alibi.

12) Cf. Ez 31, 8 (secundum aliquos) et alibi.

14) Gn 1, 31.

gnus Dominus et laudabilis nimis in civitate Dei nostri, in monte sancto eius, quoniam pulcra regio, gaudium universae terrae. Hoc igitur est quod ait: *Gloriosa dicta sunt de te, civitas Dei,* sicut ipsamet Virgo Beatissima in suo Cantico dixit: *Beatam me dicent omnes generationes, quia fecit mihi magna, qui potens est, et sanctum nomen eius, et misericordia eius a progenie in progenies timentibus eum.*¹⁵

III. Magnitudinem suam Virgo supra tres bases et columnas constituit: super columnam divinae potentiae: *Fecit mihi magna qui potens est;* super columnam divinae sanctitatis: *Et sanctum nomen eius;* et super columnam divinae misericordiae et caritatis erga Electos: *Et misericordia eius a progenie in progenies timentibus eum;* sicut Isaias ait quod Deus tribus digitis appendit orbem terrae,¹⁶ idest, magnitudo mundi totius tribus Dei digitis sustentatur, divina utique potentia, sapientia et bonitate. Sed singulariter tria haec considerantur in Virgine, et de tribus his locutus fuit Angelus Gabriel ad eam, postquam eam salutavit gratia plenam et super omnes mulieres benedictam;¹⁷ locutus inquam, de divina erga Virginem caritate: *Ne timeas, Maria, invenisti enim gratiam apud Deum, ideo concipies in utero et paries Filium Dei;*¹⁸ de divina sanctitate: *Spiritus Sanctus superveniet in te, et virtus Altissimi obumbrabit tibi... quod enim ex te nascetur Sanctum, vocabitur Filius Dei;*¹⁹ et de divina potentia: *Non erit impossibile apud Deum omne verbum.*²⁰ Sic civitas Ierusalem supra tres montes fundata erat: supra montem Sion, supra montem Moriah et supra montem Akra,²¹ vel supra unum montem tricipitem.

Tres bases
magnitudinis
Virginis: divina
potentia, sa-
pientia, bonitas.

Tria haec
in colloquio
Gabrielis.

IV. *Gloriosa dicta sunt de te, civitas Dei;* hebr. est: *Nicbadoth medubar bach hir Haelohim. Selah,* hoc est: *Gloriosa dictum est de te, ci- vitas Dei.* Quisnam hic barbarismus, aut soloecismus, error grammatices? Nesciebat loqui sua lingua Regius Vates? Imo Spiritus Sanctus, qui per eum loquebatur, ignorabat regulas grammaticalium concordantiarum? *Nicbadoth medubar, gloria dictum est.* Sed mysterium est.

Magnitudo
Mariæ erigitur
super basim
divinae
sapientiae.

Regina Saba multa audierat de sapientia Salomonis, et incredibilia videbantur ei, donec ipsa Ierosolymam ab Austro venit, et invenit quod vicit veritas famam. Hinc admiratione et stupore plena ait ad Salomonem:

Salomonis
magnitudo
admiranda, ma-
gis magnitudo
Mariæ.

15) Lc 1, 48-50.
19) Ibid. 1, 35.

16) Cf. Is 40, 12.
20) Ibid. 1, 37.

17) Cf. Lc 1, 28-29.
18) Ibid. 1, 30-31.
21) Cf. Joseph Hebr. *De Bello Iud.* lib. 6, cp. 8.

*Verus est sermo, quem audivi in terra mea super sermonibus tuis et super sapientia tua, et non credebam narrantibus mihi, donec ipsa veni, et vidi oculis meis, et probavi quod media pars mihi nunciata non fuerit. Maior est sapientia et opera tua, quam rumor quem audivi.*²² Hoc indicare voluit Spiritus Sanctus, dum ait: *Gloriosa dictum est de te;* quod licet multa dicantur in Sacris Litteris de divina magnitudine, sanctitate gloriaque coelesti Divinissimae Virginis, veritas tamen rei multo maior est, vix medietas dicitur, sicut etiam de laudibus Christi, de laudibus paradisi. Sicut enim totum coelum videri a nobis non potest, sed vix medietas eius conspicua nobis est, hemisphaerium sub polo Artico cum sex tantum aquilonaribus signis obliqui circuli, qui zodiacus dicitur; alia sex signa, aliam coeli medietatem, aliud hemisphaerium videre non possumus; ita plane de magnitudine Virginis sentiendum. Vix Angeli ipsi totam Mariae magnitudinem comprehendunt; neque enim sacerdotes, quibus tantum licebat templum Domini ingredi, totum Dei templum videre poterant, non enim licebat visere sanctum sanctorum,²³ qui locus templi sacratissimus erat; ita nec Angeli totam capiunt Virginis magnitudinem.

Simile:
hemisphaerii
tantum medietas
videtur; ita de
Virgine
sentiendum.

Admiratio
Psalmistarum.

Gloriosa dictum est de te civitas Dei. Selah. Vox est hebraica ab elevatione dicta, quasi tunc in contemplatione mirum in modum elevaretur mens Prophetae magna cum admiratione divini mysterii. Aiunt etiam nonnulli quod idem designat *quod in aeternum*, sic *Divus Hieronymus*,²⁴ *Aquila*,²⁵ *Chaldaeus Paraphrastes*²⁶ et *Talmudistae*;²⁷ alii quod nota sit affirmationis et asseverationis:²⁸ ita est, ita res est, ita veritas est. *Gloriosa dicta sunt de te, civitas Dei*, profecto ita est, magna cum elevatione mentis et admiratione, ita est. O rem magnam, o magnum, o divinum mysterium, vere mirabile!

Magnitudo
Mariae erigitur
super basim
divinae
potentiae.

V. *Gloriosa dicta sunt de te, civitas Dei; hir Haelohim*, idest, civitas plane divina. Nomen *Haelohim* hoc in loco adaequat duo magna Dei nomina, *Iehovah*, quod est nomen tetragrammaton, et *Adonai* simul iuncta, sicut in Sacris Litteris *Adonai Iehovih*.^{28a} Dicitur autem *Elohim* hebr. ab *el* quod est potestas: *Iesc leel iadi, est in potestate manus meae.*²⁹

22) 3 Rg 10, 6-7.

34: Hebr 9, 7.

25) In Psalm. in quinta et sexta edit.

Is. 22, 12, 14 et alibi.

23) Uni enim tantum summo sacerdoti semel in anno licebat. Cf. Lv 16,

24) Cf. Epist. 28 (alias 138) ad Marcellam. (P. L. 22, 433 sqq.)

26) In Psalm.

27) Cf. Lexic. Vigouroux et Buxtorf sub hoc verbo.

28) Cf. Calmet, Praefat. in Psalm.

28a) Cf. Gn 15, 2, 8;

29) Gn 31, 29.

Sic Deus dicitur *Potestates* plurali numero, quia in creaturis quidem potestas operandi divisa est: potest luna quod non potest stella, potest sol quod non potest luna; potest coelum quod non potest terra, potest terra quod non potest aqua, et aqua quae non potest terra; potest planta quod non potest lapis, animal quod non potest arbor, homo quod non potest animal, Angelus quod non potest homo; sed Deus omnia potest, sicut sol quod possunt omnia simul sidera et multo amplius, sicut rex in suo regno iudicare omnia quae iudices et ministri ab ipso constituti, sicut Papa in Ecclesia omnia potest quae simul omnes Episcopi et Sacerdotes et multo amplius. Ita Deus potest omnia, ideo dicitur *Elohim, Potestates.*

In creaturis
potestas
operandi divisa.

Deus omnia
potest.

Ait ergo: *Civitas Dei*, idest, in qua supra modum resplendet divina potentia; veluti si rex civitatem fabricaret totam ex auro et lapidibus pretiosis, sicut Cyrus Persarum rex aedificavit palatium, quod inter miracula orbis numeratur,³⁰ profecto in illa civitate supra modum splendoreret regis potentia et gloria. Deo autem nihil est impossibile. Civitatem coeli maximam quis non videt totam ex argento et auro constare? Nec nisi virtute coelestis influxus aurum et argentum in terra generantur.³¹ Ioannes autem in suis revelationibus vidit in coelo civitatem Ierusalem totam a fundamentis ex auro et gemmis pretiosissimis a Deo fabricatam, nec erat civitatula, sed civitas maxima in quadro posita aequalis longitudinis et latitudinis.³² Sed quanta erat longitudo aut latitudo civitatis? *Mensus est*, inquit, *civitatem... per stadia duodecim millia*,³³ idest, longitudo civitatis erat mille quingentorum milliarum, et tanta etiam erat latitudo. Quis unquam audivit civitatem tantae magnitudinis? Murus vero centum quadraginta quatuor cubitis altus erat, habebat duodecim portas ex gemmis pretiosis custoditas ab Angelis; per medium civitatis excurrebat perpetuum flumen procedens ex throno Dei, clarum instar crystalli; ex utraque autem parte fluminis lignum vitae, arbor paradisi novis semper et maturis fructibus onusta; civitas in qua dies perpetuus est, quoniam divina claritas illam perpetuo illustrat, cuius cives omnes Sancti sunt sicut Angeli; immundis enim non patet in eam aditus. Mirabilis etiam altitudo aedificiorum civitatis erat, nam inquit: *Longitudo et latitudo civitatis aequalia sunt*,³⁴ idest, omne civitatis aedificium tantae erat altitudinis, quantae longitudinis

Resplendet
divina potentia
in civitate hac
tota ex auro et
pretiosis.

Ioannes
admirabilem
coelestem civi-
tatem describit.

30) Cf. Ampel. *Libr. Memorial.* 8. Edit. 1638, Lugd. Bat.

cundum notiones scientif. sui temporis.

31) Ut patet, Auctor loquitur se-

32) De his et sqq. cf. Apc cp. 21 et 22, 1-5.

33) Ibid. 21, 16.

34) Ibid. loc. cit. Vulg. habet: *Longitudo et altitudo*, etc.

erat civitatis murus. O mirabilem aedificiorum altitudinem! Sunt aedificia civitatis huius instar altissimarum turrium, sicut erat templum Domini sexaginta cubitorum longitudinis, viginti latitudinis et centum et viginti cubitorum altitudinis³⁵ instar turris. Incredibilia videntur quae de magnitudine et gloria civitatis huius dicuntur; sed tamen omnia quae dicuntur de ea vix medietatem attingunt gloriae ipsius, quoniam fundator et habitator ipsius Deus est, quem *coelum et coeli coelorum capere... non possunt.*³⁶ *Gloriosa dictum est de te, civitas Dei.*

Tria oracula
de Virgine
in Vet. Test.

Parca admodum visa est Divina Scriptura in Virgine collaudanda. Pauca legimus de ea in Veteri Testamento, tria fere tantum oracula: unum in *Genesi*: *Inimicitias ponam inter te et mulierem, et inter semen tuum et semen illius; ipsa conteret caput tuum;*³⁷ alterum apud Isaiam: *Ecce Virgo concipiet et pariet filium, et vocabitur nomen eius Emmanuel*, sive ut hebr. *vocabit ipsa nomen eius Emmanuel;*³⁸ postremum apud Ieremiā: *Novum creavit Dominus super terram, femina circumdabit virum.*³⁹

Duodecim
mysteria de
Virgine
in Novo Test.

In Novo item Testamento pauca: matrimonium ipsius cum Ioseph, conceptionem et partum Unigeniti Filii Dei, educationem ipsius, praesentationem in templo, fugam in Aegyptum et redditum in terram Israel, et alia pauca, ita ut nonnisi duodecim mysteria in universa evangelica historia de ea legamus. Primum desponsationis ipsius;⁴⁰ secundum annunciationis;⁴¹ tertium divinae gravitationis: *Inventa est in utero habens de Spiritu Sancto;*⁴² quartum visitationis;⁴³ quintum divini partus;⁴⁴ sextum quod cum Christo inventa fuit a Magis;⁴⁵ septimum praesentationis et purificationis in templo;⁴⁶ octavum fugae in Aegyptum et redditus in terram Israel cum Christo;⁴⁷ nonum inventionis amissi Christi in templo;⁴⁸ decimum interventus in nuptiis in Cana Galilaeae, ubi mediatrix fuit miraculi, quod primum Christus edidit;⁴⁹ undecimum tempore passionis quod stabat iuxta crucem Christi;⁵⁰ et tandem duodecimum post Christi in coelum ascensionem cum Apostolis perseverabat in oratione, quoadusque Spiritum Sanctum acciperent a Christo promissum.⁵¹ Alia de ea non legimus, non parentes, non natalem, non infantiam, non tempus vitae, non mortem.

35) Cf. 2 Par 3, 3-4. 36) Ibid. 2, 6. Vulg.: *Capere nequeunt.* 37) 3, 15. 38) 7, 14.

39) 31, 22. 40) Cf. Mt 1, 18; Lc 1, 27. 41) Cf. Lc 1, 26 sqq. 42) Mt 1, 18.

43) Cf. Lc 1, 39 sqq. 44) Cf. Mt 1, 25; Lc 2, 7. 45) Cf. Mt 2, 11. 46) Cf. Lc 2, 22-38.

47) Cf. Mt 2, 13-23. Ms.: *Fuga.* 48) Cf. Lc 2, 41-50. 49) Cf. Io 2, 1-10. 50) Cf. ibid. 19, 25.

51) Cf. Act 1, 14.

Quoad laudes ipsius vero tria legimus singularia encomia: ab Angelo Gabriele, ab Elisabeth et a muliere de turba vocem extollente. In laudem ipsius Gabriel ait: *Ave, gratia plena, Dominus tecum, benedicta tu in mulieribus;*⁵² Elisabeth: *Benedicta tu in mulieribus, et benedictus fructus ventris tui. Et unde hoc mihi,* etc.;⁵³ mulier illa sancta: *Beatus venter, qui te portavit, et ubera quae suxisti.*⁵⁴

Tria encomia
de Virgine in
Evangelio
respondent
tribus encomis
Sion et mulieris
Apocalypsis.

In civitate Ierusalem tria singulariter laudantur: pulcritudo et magnitudo civitatis, arx Sion et templum Domini. Ioannes in *Apocalypsi* tria specialia vidit in Virgine Deipara: ornatum caput stellis, corpus sole, pedes luna. Tria praecipue laudantur in Virgine: fides viva, virginitas illibata mentis et corporis, et profunda humilitas; praedestinata fuit ad tria: ad gratiam, ad gloriam, et ad dignitatem maternitatis.

Duodecim autem mysteria supra posita sunt veluti duodecim fundamenta magnitudinis civitatis huius; et duodecim portae per quas animae piae et spiritus devoti et puri ingrediuntur ad videndam gloriam civitatis huius, quae dicitur *pulchra regio et gaudium universae terrae.*⁵⁶ Oritur gaudium ex praesentia et fruitione alicuius boni,⁵⁷ dignitatis, honoris, laudis, beneficii, utilitatis, aut magnae alicuius voluptatis. Terrena autem Ierusalem non potuit mundum universum hisce bonis replere nisi per Christum: *Quia de Sion exhibet lex, et verbum Domini de Ierusalem.*⁵⁸ Sed Maria mundo ipsum peperit Christum, mundi totius Salvatorem, desideratum cunctis gentibus.⁵⁹

Duodecim
mysteria Virgi-
nis respondent
duodecim funda-
mentis civitatis.

VI. *Gloriosa dicta sunt de te, civitas Dei.* Gloria dicitur a claritate, claritas autem lumen est quo clare videntur quae oculis patent. Lux autem bonitatis symbolum est: *Vidit... lucem quod esset bona;*⁶⁰ symbolum est nobilitatis, prosperitatis omnisque desiderabilis felicitatis; copia etiam divinarum gloria appellatur, sicut patet in Abraham, Iacob, Salomone. Virgo autem Beatissima glorificata a Deo est in mundo, in Ecclesia, in Scripturis, in paradyso apud Deum et Christum Filium eius.

Magnitudo
Virginis erigitur
super basim
divinae bonitatis.

⁵²⁾ Lc 1, 28. ⁵³⁾ Ibid. 1, 42-43. ⁵⁴⁾ Ibid. 11, 27. ^{54 a)} Cf. 12, 1. ⁵⁵⁾ Cf. 12, 1.
⁵⁶⁾ Ps 47, 3 ex hebr. ⁵⁷⁾ Ms.: *Bonis.* ⁵⁸⁾ Is 2, 3. ⁵⁹⁾ Cf. Gn 49, 10. ⁶⁰⁾ Ibid. 1, 4.

Deus iustorum
meritis, praeci-
pue Christi et
Virginis, mun-
dum servat.

VII. *Memor ero Rahab et Babylonis scientium me. Ecce alienigenae et Tyrus... hi fuerunt illic, etc.*⁶¹ Proponuntur merita Sanctorum apud Deum, maxime vero Christi et Mariae, qui inter Sanctos sunt sicut duo luminaria magna in coelo. *Memor ero Rahab, idest, Aegypti, et Babylonis, propter scientes, propter cognoscentes me, idest, propter electos meos filios Israel, nam: Notus in Iudea Deus, in Israel magnum nomen eius.*⁶² Populus autem Dei captivus detentus fuit tum in Aegypto tum in Babylone; saepe etiam afflictus ab alienigenis, idest, Palaestinis allophilis. Deus autem iustorum meritis mundum conservat atque sustentat.

In Rahab,
Babylone etc.
mundus
significatur.

Per Aegyptum enim, Babylonem, Philistaeos *pulverulentos*⁶³ et Tyrios *angustiatos*⁶⁴ mundus hic intelligitur, regnum tenebrarum, confusonis, pulverulentum, terrenum, angustiosum, calamitosissimum. Regnum tenebrarum, quia *non est scientia Dei in terra;*⁶⁵ *Lux in tenebris lucet, et tenebrae eam non comprehendenderunt;*⁶⁶ regnum confusionis, quia *mundus totus in maligno positus est;*⁶⁷ regnum pulverulentum: *Vos de deorsum estis*⁶⁸ propter terrenos affectus; et tandem regnum angustiae et calamitatis, quia nemo est sua sorte contentus, quia animus inordinatus infernus est sibi ipsi, unde: *Non est pax impiis, dicit Dominus.*⁶⁹

In diebus Noe
impius mundus
castigatus;

Cum autem nunc videat Deus mundi iniquitatem et malitiam, sicut vidit in diebus Noe: *Vidit enim Deus quod multa malitia hominum esset in terra, et cuncta cogitatio cordis intenta esset tantum ad malum omni tempore, poenituit eum quod hominem fecisset in terra, et tactus dolore cordis intrinsecus: Delebo, inquit, hominem, quem formavi, a facie terrae;*⁷⁰ sic misit diluvium aquarum et magno illo cataclysmo impium mundum perdidit; cur nunc etiam, cum *mundus totus in maligno positus sit, cum omne quod est in mundo sit concupiscentia carnis... et concupiscentia oculorum et superbia vitae;*⁷¹ cur, inquam, non simili modo castigat, sed conservat et multis providentiae suae beneficiis afficit? Utique, inquit, *propter scientes me memor ero Rahab et Babylonis;* sicut recordatus fuit Noe et cunctorum animalium quae erant in arca⁷² *propter scientes me, iustorum meritis.* Nam ait Dominus, *quod Deus oriri facit solem suum super bonos et malos, et pluit super iustos et iniustos,*⁷³ iustitia nanque

61) Ps 86, 4. 62) Ps 75, 2 63) Forsan ab hebr. *phalasc, se conspersit pulvere;* alii aliter.

64) Ab hebr. *tzōr, angustia;* alii aliter. 65) Os 4, 1. 66) Io 1, 5. 67) 1 Io 5, 19.

68) Is 48, 22. 69) Is 48, 22. 70) Gn 6, 5-7. 71) 1 Io 1, 16. 72) Cf. Gn 8, 1.

73) Mt 5, 45. Vulg. habet: *Solem suum oriri* etc.

basis, fundamentum et firma columna mundi est, sicut Salomon ait:
Zadik iesod holam, iustus fundamentum mundi. ⁷⁴

Quod si iustorum meritis Deus mundum hunc servat, maxime profecto omnium meritis Christi et Sanctissimae Virginis Deiparae. Sicut enim Moyses veluti ligavit manus Dei, ne perderet populum in deserto propter idolatriae impietatem, ⁷⁵ et sicut prudens Abigail quodammodo ligavit manus David, ne perderet domum et familiam Nabal Carmeli; ⁷⁶ ita Virgo Sanctissima cum Deo agit, ne peccatores perdat, ne pro delictorum meritis mundum puniat, immo ne in nihilum redigat, ut peccata merentur.

nunc meritis
iustorum,
Christi praecipue
et Mariae,
servatus.

74) Prv 10, 25.

75) Cf. Ex 32, 7-14.

76) Cf. 1 Rg 25, 14-35.

SERMO QUARTUS

DE NOBILITATE MYSTICAE CIVITATIS DEI MARIAE

*Nunquid Sion dicet: Homo et homo natus est in ea, et ipse fundavit eam Altissimus?*¹

In arce Sion
omnis nobilitas
Israel et Ierusalem collecta.

I. Prosequitur Regius Vates in spiritu praevisas laudes praestantissimas Virginis Divinissimae dulcissime decantare: *Ulezion ieamer isc veisc iullad bah, venu ieconeneah Helion: Sioni dicetur: Vir et vir natus est in ea, et ipse firmavit eam Altissimus.* In quo quidem Psalmo iterum Virgo Beatissima Sion appellatur, nam in primo versu dictum est: *Diligit Dominus portas Sion super omnia tabernacula Iacob.*²

Erat autem Sion arx et propugnaculum validissimum civitatis Ierusalem; quae quidem arx singulari nomine *civitas David* appellatur, ut in *Libris Regum* legimus,³ et in *Cantico Canticorum* dicta est turris David: *Collum tuum sicut turris David, quae aedificata est cum propugnaculis; mille clypei pendent ex ea omnis armatura fortium;*⁴ erat enim propugnaculum civitatis metropolis et armamentarium totius regni. Ibi erat regia,⁵ ibi natus fuit rex Salomon,⁶ regum omnium sapientissimus et fortunatissimus, singularis figura et imago Summi Regis Christi;⁷ erat etiam in Sion sanctuarium Domini, templum,⁸ inquam, et summi pontificis sedes sacerque

1) Ps 86, 5.

2) Ibid. vr. 2.

3) Cf. 3 Rg 5, 7, 9 et alibi.

4) 4, 4.

5) Cf. 2 Rg 5, 9; Par 15, 1.

6)

Cf. 2 Rg 5, 14.

7)

Ita communiter Patres, e quibus cf. Ambros. *De Instit. Virg.* cp. 16. (P. L. 16, 270¹); August. *Enarr. in Ps.* 126, n. 2. (P. L. 37, 1668).

8) In monte Sion sensu stricto inveniebatur tantum tabernaculum, quod David arcæ tetenderat (1 Par 15, 1); templum situm erat in monte Moria (2 Par 3, 1), qui tamen, praesertim post templum aedificatum, Sion communiter appellabatur (Ps 75, 3; 1 Mac 4, 37).

senatus principum sacerdotum et consistorium septuaginta seniorum; ita ut nobilitas quidem totius regni israelitici reducta esset atque collecta in civitate Ierusalem; nobilitas vero Ierusalem in Sion, quae civitas superior⁹ dicebatur, sedes principum et magistratus utriusque fori.

Ita plane in Virgine. Sicut enim Deus totius maioris mundi nobilitatem collegisse visus est et posuisse in homine; ita totius Ecclesiae et militantis in terra et triumphantis in coelo nobilitatem collegit in Virgine. Quod insinuasse visus fuit Ioannes in suis revelationibus, dum eam sole, luna et stellis ornatam in coelo se vidisse scribit;¹⁰ sic enim ex auro et lapidibus pretiosis optimisque Libani cedris aedificatum fuit templum Domini.¹¹ Sic Virgo Divinissima civitas superior est, quae erat thesaurus nobilitatis totius israelitici regni, et regina erat nobilissima omnium civitatum totius regni.

In Virgine
omnis nobilitas
totius Ecclesiae
et militantis et
triumphantis.

II. Quod autem singulariter canit hodie Divinus Psaltes est quod in hac civitate natus est Altissimus qui fundavit eam: *Homo natus est in ea, et ipse fundavit eam Altissimus.* In ea creator factus est creatura, Deus factus est homo, pater natus est ex filia et architectus natus est in domo, quam ipse a fundamentis aedificavit.

Singulariter
nobilis mystica
Sion, Maria,
quia in ea
Altissimus natus.

Praedicatur Virgo Divinissima in Sacris Litteris vera *Theotocos*, Dei Genitrix, vera Mater: *Ecce Virgo concipiet et pariet filium, et vocabitur nomen eius Emmanuel, nobiscum Deus,*¹² ait Isaia. *Quod ex te nascetur Sanctum, vocabitur Filius Dei...* *Hic erit magnus et Filius Altissimi vocabatur,*¹³ ait ad eam Gabriel Angelus. *Unde hoc mihi ut Mater Domini mei veniat ad me?*¹⁴ ait Elisabeth Spiritu Sancto plena. Non dicat impius Nestorius quod Virgo fuit *Christotocos*, Christipara, et non *Theotocos*, Deipara. Fuit enim vera Dei parens et genitrix, sicut Christus verus Deus et homo in una persona, in una hypostasi: *Homo natus est in ea, et ipse fundavit eam Altissimus.*

Maria vera
Theotocos.

Hic autem philosophandum nobis est. Hebr. *Veisc iullad bah, homo nobilis natus est in ea;* in lingua enim hebraica homo ignobilis appellatur *adam* sive *ben adam*, homo autem nobilis *isc*, sive *ben isc*. In Evangelio secundum Lucam Christus homo nobilis appellatur in parabola decem

Christus
nobilis omni
humana

9) Cf Joseph Hebr. *De Bello* I. lib. 6, cp. 8; 2 Rg 5, 9 text. graec.

10) Cf. Apc 12, 1.

11) Cf. 3 Rg capp. 6-7. 12) 7, 14. 13) Lc 1, 35. 32. 14) Ibid. 1, 43..

minarum: *Homo quidam nobilis abiit in regionem longinquam accipere sibi regnum et reverti.*¹⁵ Sed qualis et quanta Christi nobilitas sit, exco-gitari non potest. Regius Vates, cupiens utcumque explicare Christi nobilitatem ait plenus admiratione et stupore usque ad extasim: *Quid est homo, quod memor es eius, aut filius hominis, quia visitas eum? Minuisti eum paulo minus ab Angelis, gloria et honore coronasti eum, et constituisti eum super opera manuum tuarum, omnia subiecisti sub pedibus eius;*¹⁶ omnia, etiam Angelos. Hinc Paulus ait: *Sedet ad dexteram Maiestatis in excelsis, tanto melior Angelis effectus, quanto differentius prae illis nomen hereditavit.*¹⁷ Homo nobilis dicitur clarus et illustris; qualis Christi claritas? *Resplenduit facies eius ut sol.*¹⁸ Hinc eum Paulus splendorem divinae gloriae appellavit: *Qui, cum sit splendor gloriae et figura substantiae eius.*¹⁹ Saepe Dominus in Evangelio *Filius hominis* appellatur, *ios tu anthropu, non tis anthropu,* ut filius intelligatur mulieris, quia de Virgine natus est; sed filius hominis, idest, filius Adam legitimus, heres omnium bonorum quae Deus ab initio dedit Adamo, cum eum mundi principem et monarcham constituit;²⁰ hinc Regius Vates ait: *Quid est homo et filius hominis, ben adam, filius Adami, heres totius gloriae, quae Adamo collata fuit.*

et divina
nobilitate.

Talis autem est Christi nobilitas qualis et Dei est: *Homo natus est in ea, et ipse fundavit eam Altissimus. Quoniam tu Dominus Altissimus super omnem terram; nimis exaltatus es super omnes Deos.*²¹ Sic visus fuit Deus in vertice scalae coelestis,²² sic ab Isaia Rex exercituum sedens super solium excelsum et elevatum.²³ Hinc Isaias verba haec: *Homo natus est in ea, veluti paraphrasticos*^{23a} *interpretatus, ait: Parvulus... natus est nobis, et filius datus est nobis, et factus est principatus super humerum eius, et vocabitur nomen eius Admirabilis, Consiliarius, Deus, Fortis, Pater futuri saeculi, Princeps pacis. Multiplicabitur imperium eius, et pacis non erit finis,*²⁴ sive, ut hebr. *lemarbeh hamiscrah vesalom en kez, amplitudinis imperii et pacis non erit finis.* Infinita plane est Christi nobilitas, ait enim: *Data est mihi omnis potestas in coelo et in terra.*²⁵

Virgo nobilis
nobilitate

Nobilitas autem Virginis Beatissimae a Christi nobilitate pendet. Mu-

15) 19, 12.

16) Ps 8, 5-7.

17) Hebr 1, 3-4.

18) Mt 17, 2.

19) Hebr 1, 3.

20) Cf. Gn 1, 26. 21) Ps 96, 9.

22) Cf. Gn 28, 13.

23) Cf. Is 6, 1.

23a) *Paraphra-*

sticcos graec. loc.: *Paraphrastice.*

24) Ibid. 9, 6-7. Vulg.: *Eius imperium.*

25) Mt 28, 18.

Ier enim nobilitatem accipit vel a patre, sicut filia Pharaonis regis Aegypti, uxor Salomonis; vel a sposo, sicut Esther, humili loco nata, desponsata Assuero regi, facta fuit nobilissima et serenissima regina; vel a filio, sicut Bethsabee mater Salomonis, cum prius fuisse uxor Uriae militis stipendiarii, Salomone coronato rege Israelis, tanquam nobilissima regina ab omnibus honorabatur, quoniam vera mater regis cognoscebatur. Ita Virgo Divinissima, cum sit vera Mater Christi, summo digna honore est. Ipsa vera Bethsabee, *domus septenarii*, propter plenitudinem gratiae virtutumque omnium et donorum Spiritus Sancti. Bethsabee dicitur vera mater Salomonis, licet non animam ipsius genuerit; anima enim a solo Deo per creationem pendet. Quoniam vero ex anima et corpore unus constat homo, totus homo natus ex muliere dicitur filius mulieris; licet secundum animam non dependeat a muliere, sed tantum secundum carnem et corpus, dicitur tamen mater hominis, non mater corporis. Ita in Virgine; non pendet Christus a Virgine secundum divinitatem, secundum quam a solo Patre trahit originem, sed secundum humanitatem: *Qui factus est ei ex semine David secundum carnem.*²⁶

Christi, quia
vera Mater eius.

III. Non *factum* simpliciter dicit Apostolus Christum, sed *secundum carnem*; sed tamen *praedestinatus*, declaratus, demonstratus, *Filius Dei ex virtute, ex potentia, secundum spiritum sanctificationis,*²⁷ idest, secundum divinitatem, nam *Spiritus est Deus;*²⁸ demonstratus est autem Christus verus Deus *ex resurrectione mortuorum.*²⁹ Cum igitur non nisi secundum carnem Christus a Virgine dependeat, quoniam tamen ex divinitate et humanitate una est Christi persona: *Verbum caro factum est;*³⁰ nec sit persona Christus secundum humanitatem, sed secundum divinitatem, propterea dicitur Christus filius Virginis absolute et Virgo Mater Christi et Mater Unigeniti Filii Dei.

Christus nobilis
nobilitate
naturae: Deus.

Hinc Paulus ad *Galatas* absolute locutus fuit, dicens: *Cum venit plenitudo temporis misit Deus Filium suum factum ex muliere, factum sub lege, ut eos qui sub lege erant redimeret, et adoptionem filiorum recipieremus.*³¹ Absolute dicit Filium Dei factum ex muliere. Hinc Angelus ad pastores, annuncians Christi nativitatem, ait: *Evangelizo vobis gaudium magnum.... quia natus est vobis hodie Salvator, qui est Christus Domin-*

Christus nobilis
nobilitate gra-
tiae: Salvator.

26) Rom 1, 3.
31) 4, 4-5.

27) Ibid. 1, 4.

28) Io 4, 24.

29) Rom loc. cit.

30) Io 1, 14

*nus.*³² *Natus est*, inquit, *hodie*, utique ex Virgine. Sed quisnam natus est? *Salvator*, Christus, Messias, Summus Rex, Dominus hominum et Angelorum, Rex coeli et terrae. Sic Matthaeus: *Iacob autem genuit Ioseph virum Mariae, de qua natus est Iesus qui vocatur Christus,*^{32a} idest, Messias, verus Deus et homo. Sic igitur: *Homo natus est in ea.*

Hac phrasu dicendi usus est etiam Angelus ad Ioseph, dicens: *Ioseph fili David, noli timere accipere Mariam coniugem tuam, quod enim in ea natum est de Spiritu Sancto est.*³³ Non dixit: Quod in ea nascetur, sicut Angelus Gabriel Virgini dixit ante conceptionem Christi: *Quod ex te nascetur Sanctum, vocabitur Filius Dei;*³⁴ sed: *Quod... in ea natum est, de Spiritu Sancto est;* siquidem Christus ab ipsa conceptione fuit homo perfectus natura, gratia et gloria. Hinc Ieremias ait: *Novum creavit Dominus super terram, femina circumdabit virum.*³⁵ Hinc Ioannes ait: *Verbum caro factum est, et habitavit in nobis; et vidimus gloriam eius, gloriam quasi Unigeniti a Patre, plenum gratiae et veritatis.*³⁶ Fuit enim Christus non solum viator, verum etiam comprehensor: *Nemo ascendit in coelum, nisi qui descendit de coelo, Filius hominis qui est in coelo;*³⁷ sic in monte sancto manifestavit gloriam suam electis discipulis in beata transfiguratione.³⁸ *Homo nobilis*, omni nobilitatis genere insignis, nobilitate naturae, gratiae et gloriae.

Hinc Maria thesaurus fuit divinarum perfectionum, thesaurus gratiae, thesaurus gloriae, verus paradisus; nam ibi verus est paradisus, ubi Deus vere videtur, possidetur et dulcissima fruitione gustatur. Christus autem in utero Virginis Deum, ut Beati in patria, Angeli in coelo *semper vident faciem Patris,*³⁹ stellae in firmamento faciem solis aspiciunt, vidit, possedit, fruitione gustavit. Ergo Beatae Virginis uterus procul dubio verus paradisus fuit; unde sancta illa mulier: *Beatus venter qui te portavit, et ubera quae suxisti.*⁴⁰ *Homo nobilis natus est in ea et ipse fundator eius Altissimus.* O Deum infinitae maiestatis, quisnam vel cogitatione et mente capere possit Divinissimae huius Virginis altissimam ac plane infinitam dignitatem? Si enim a nobilitate filii etiam mater nobilitatem sortitur; nobilior enim est mater viri patritii quam privati civis, mater comitis quam privati patritii, mater marchionis quam comitis, ducis quam marchionis, regis quam ducis, imperatoris quam regis; ita ut pro nobilitate filii crescat

Christus nobilis
nobilitate
gloriae:
Comprehensor.

Maria nobilis
eadem triplici
nobilitate: verus
paradisus.

Gradus nobili-
tatis Virginis
incomprehen-
sibilis.

32) Lc 2, 10.
36) 1, 4.

32a) Mt 1, 16.
37) Ibid. 3, 13.

33) Mt 1, 20.
38) Cf. Mt 17, 1-8.

34) Lc 1, 35.
39) Ibid. 18, 10.

35) 31, 22.
40) Lc 11, 27.

nobilitas, gradus et dignitas matris; intelligi non potest qualis et quanta sit dignitas Virginis, nisi intelligatur qualis et quanta sit dignitas Christi, dignitas et nobilitas Dei: *Ipse fundavit eam Altissimus.*

IV. Nunquid Sion dicet: *Homo et homo natus est in ea, et ipse fundavit eam Altissimus?* Isaias propheta in laudem Sion canticum composuit, Divino Spiritu afflatus, dicens: *In die illa cantabunt canticum istud in terra Iuda: Urbs fortitudinis nostrae...; Salvator ponet in ea murus et antemurale. Aperite portas et ingrediatur gens iusta, custodiens veritatem.*⁴¹ Hebr. est: *Iesuhah iascith chomoth vachel, Iesus ponet muros et propugnaculum,* idest, ipse fundabit et aedificabit civitatem hanc, fortissimam et munitissimam arcem. Sed ad quid? Ut a iustis tantum inhabitetur: *Aperite portas et ingrediatur gens iusta, custodiens veritates,*^{41a} fidelitates, idest, servans fidem integerrimam. Sequitur autem in hebr.: *Iezer samuch tizor salom, figmentum firmatum custodies pacem,* idest, ipsam civitatem custodies, ut in ea semper sit pax et felicitas; *servabis pacem, pacem utique, quia in te speravimus,*⁴² *in te speratum est,* confisum est. Sic alibi apud eundem Vatem legimus de beata Ierusalem: *Occupabit portas tuas laudatio, muros tuos salus,*⁴³ ubi hebr. est: *Vekarath iesuhah chomothaich usceharaich thehillah, vocabis salutem muros tuos et portas tuas laudem,* sive laetitiam, idest, eris civitas absque ulla formidine mali et fruens omnibus bonis. Sic ait: *Servabis pacem, pacem quia in te speravimus. Sperasti in Domino in saeculis aeternis, in Domino Deo forti in perpetuum:*⁴⁴ *Bithchu baihovah hadehad chi beiah Iehovah zur holamim, sperate in Deum usque in aeternum, quia in Deo Dei petra saeculorum,* idest, firmitas perpetua, robur aeternum.

Laudatur ergo civitas a fortitudine: *Urbs fortitudinis nostrae;* a fundatore: *Salvator ponet in ea muros et antemurale,* Deus qui est ipsam salutem; sive *salutem ponet muros et antemurale,*^{44a} idest, ponet muros inexpugnabiles, sicut Ieremiae dicit: *Ego quippe dedi te in civitatem munitam et in columnam ferream et in murum aeneum.*⁴⁵ Si civitas muros ferreos haberet, profecto diceremus muros habere inexpugnabiles. Laudat etiam a sanctitate habitatorum: *Aperite portas et ingrediatur gens iusta;* tandem

Ab Isaia Sion
laudata
a fortitudine,
a fundatore,
a sanctitate ha-
bitatorum, a
divina
protectione,

41) 26, 1-2. Vulg. habet: *Cantabitur canticum, etc.* 41 a) *Veritates ex hebr.* 42) 26, 3. *In te speratum ex hebr.* 43) 60, 18. Vulg. habet: *Occupabit salutem muros tuos et portas, etc.*
44) Is 26, 4. 44 a) Sic etiam hebr. verbi potest. 45) Jer 1, 18.

Ita etiam a
David in hoc
Psalm.

a divina protectione: *Servabis pacem*. Ita etiam Regius Vates in hoc Psalmo hisce titulis laudat civitatem Sion a firmitate, a sanctitate, a fundatore et a divina protectione: *Fundamenta eius in montibus sanctis; diligit Dominus portas Sion super omnia tabernacula Iacob. Gloriosa dicta sunt de te, civitas Dei*.⁴⁶

Mystica Sion,
Maria, praeter
haec, laudata
quia in ea natus
est Deus.

Civitas Sion dicta fuit speciali nomine *civitas David*, quia eam aedificavit, quia in ea inhabitavit, quia possedit et sedem regni posuit, quia eam summopere dilexit et multis aedificiis exornavit, multisque gratiis et privilegiis nobilitavit ac illustravit. Sic Virgo Beatissima omnibus hisce titulis *civitas Dei* appellata est.

Sed adhuc alius superadditur titulus, cuius causa civitas Dei nuncupatur, quia in ea natus est Deus; qua ratione Sion dici non potuit civitas David, nam David non in Sion aut in Ierusalem, sed in Bethlehem natus fuit. De Sione autem hac mystica hodie dicitur: *Homo natus est in ea, et ipse fundavit eam Altissimus*.

A Moyse lauda-
tus paradisus a
plantatore, a
plantis, a
regione, a fine.

Maria,
paradisus Dei,
praecipue
laudata quia
in ea natus
Homo Deus.

Moyses laudavit paradisum a plantatore, a plantis, a fundo, a regione et a fine, dicens: *Plantaverat autem Dominus Deus paradisum voluptatis a principio, sive in Eden ab Oriente*,⁴⁷ et: *Tulit Dominus Deus hominem, et posuit eum in paradyso voluptatis, ut operaretur et custodiret illum*:⁴⁸ plantator Deus; plantae nobiles:⁴⁹ *Omne lignum pulcrum visu et ad vescendum suave; lignum etiam vilae in medio paradi*;⁵⁰ fundus in Eden, loco amoenissimo, a plaga orientali, sub benigniori utique coelo; tandem ut esset habitatio felix et beata hominis, quem ad imaginem et similitudinem suam formaverat.⁵¹ Ita plane ab his omnibus titulis laudatur Virgo Beatissima, paradisus deliciarum Dei, sed praecipue quod in ea et ex ea natus est homo Deus: *Homo natus est in ea, qui fundavit eam Altissimus*.

Maria
Mater Christi et
omnium
Christianorum.

V. Nunquid Sion dicet: *Homo, et homo natus est in ea, et ipse fundavit eam Altissimus?*^{51a} *Sioni dicetur: Vir et vir, nobilis et nobilis, natus est in ea, et ipse firmavit eam Altissimus*. Phrasis hebraica videtur esse *vir et vir*, multi viri, sicut: *Generatio et generatio laudabit opera tua*,⁵² idest, multae generationes, et apud Zachariam: *Familia et familia*,^{52a} idest, multae familiae; ita hic: *Vir et vir, multi viri nascentur*.

46) Ps 86, 1-3.

47) Gn 2, 8. In Eden ab Oriente ex hebr.

48) Ibid. 2, 15.

49) Ms.: *Nobile*.

50) Ibid. 2, 9. 51) Cf. Ibid. 1, 27,

51a) Ps 86, 5.

Sequitur idem vers. ex hebr.

52) Ps 144, 4. 52a) 12, 12. 14. Vulg. habet: *Familiae et familiae*.

Ex Virgine autem nonnisi Christus natus est, ipse Virginis et primogenitus et unigenitus exstitit; quomodo ergo *vir et vir* dicitur? Sed forte ita dictus est propter duas naturas, unde saepe nunc *Filius Dei*⁵³ nunc *Filius hominis*^{53a} appellatur; vel propter multiplicem in eo nobilitatem divinam et humanam, increatam et creatam; vel quia unus ipse pro multis est; vel tandem quia Christus non est privata persona tantum, sed publica, ita ut universalis Ecclesia, omnis fidelium multitudo, corpus ipsius sit,⁵⁴ et quilibet fidelis membrum est Christi;⁵⁵ ideo dicitur *vir et vir, isc veisc*, non *adam veadam*, non enim infideles, sed fideles tantum spectant ad hoc corpus.

Est autem discrimen inter fideles et infideles, sicut inter nobiles virosque patritios et ignobiles homines de plebe. Sic Beatissima Virgo Mater est Christi et mater etiam omnium Christianorum, qui vere sunt fideles et electi Christi, vere membra Christi. Dicitur autem hic homo christianus non *adam*, idest, terrenus, sed *isc* quasi *esc, ignis*, qui coelestia petit. Unde et Christus dictus est homo coelestis: *Primus homo de terra terrenus, secundus homo de coelo coelestis.*⁵⁶ Et quidem suapte natura nobiles alta petunt, vilia dedignantur. Ita Paulus monet: *Si consurrexitis cum Christo, idest, si vere christiani estis, quae sursum sunt quaerite, ubi Christus est in dextera Dei sedens, quae sursum sunt sapite, non quae super terram.*⁵⁷

Christiani
nobiles dicti ut
coelestia petant.

53) Mt 16, 16; Mc 3, 12; Io 1, 34 et alibi.

53a) Mt 8, 20; Mc 2, 28; Lc 7, 34 et alibi.

54) Cf. Eph 1, 23; 5, 23.

55) Cf. 1 Cor 12, 12, 27 et alibi.

56) 1 Cor 15, 47.

57) Col 3, 1-3.

SERMO QUINTUS

DE DIGNITATE MYSTICAE CIVITATIS DEI MARIAE

Dominus narrabit in scripturis populorum et principum, horum qui fuerunt...¹

Tanta dignitas est matrem Dei esse, ut ad eam credendam divina opus sit auctoritate,
I. Cum Regius Vates multa cecinisset in laudem civitatis Ierusalem et Sionis, quae incredibilia videbantur, et omnem fidem humanam excedere; imo, inquit, tanta est dignitas huius civitatis, ut solus Deus eam digne celebrare possit, – sicut ait quod Deus numerat *multitudinem stellarum, et omnibus eis nomina vocat*,² quod solus Deus novit magnitudinem coeli; – loquitur adhuc Regius Vates de Matris Dei dignitate. Siquidem hebraice est: *Iehovah iisphor bictob hamim zeh iullad scham. Selah: Dominus narrabit, cum describet populos: Hic natus est ibi*, sicut superius dixerat: *Homo natus est in ea, et ipse fundavit eam Altissimus.*³ Matrem autem Dei veri mulierem esse tanta res est, ut ad eam credendam, imo ad persuadendam ut vere credatur, divina opus sit auctoritate: *Dominus narrabit*. Hinc, nato ex Virgine Christo, non homo, sed Angelus, imo Angelorum princeps nunciavit ipsius nativitatem pastoribus, dicens: *Natus est vobis hodie Salvator, qui est Christus Dominus...* Et statim facta est cum Angelo multitudo coelestis exercitus, tanquam cum suo duce et imperatore, *laudantium Deum, et dicentium: Gloria in excelsis Deo.*⁴ Sic igitur ait: *Dominus narrabit*.

1) Ps 86, 6. 2) Ps 146, 4. 3) Ps 86, 5. 4) Lc 2, 11. 13-14. Vulg. habet: *Multitudo militiae coelestis; et: Gloria in altissimis Deo.*

Legimus Virginem Beatissimam laudatam ab hominibus et ab Angelis: ab hominibus tum Veteris tum Novi Testamenti, a Prophetis⁵ et ab Apostolis ac Evangelistis;⁶ laudatam^{6a} etiam a sexu femineo: *Beatus venter qui te portavit et ubera quae suxisti.*⁷ *Benedicta tu in mulieribus et benedictus fructus ventris tui.* Et unde hoc mihi ut Mater Domini mei veniat ad me?... *Beata quae credidisti, quoniam perficientur in te...* *quae dicta sunt tibi a Domino.*⁸ Archangelus Gabriel eam illustrissimo encomio divinis laudibus exornavit, dicens: *Ave, gratia plena, Dominus tecum, benedicta tu in mulieribus;* et item: *Ne timeas, Maria, invenisti enim gratiam apud Deum.*⁹ Sed quasi impar fuerit omnis lingua cum hominum tum Angelorum ad Virginem pro dignitate et merito collaudandam, ait: *Dominus narrabit:* ad eam digne laudandam solius Dei lingua potens et sufficiens est.

et ad eam
laudandam
solius Dei
lingua sufficiens.

II. Usque ab initio Deus Virginem hanc laudavit, dicens ad serpentem: *Inimicitiam ponam inter te et mulierem, et inter semen tuum et semen illius; ipsa conteret caput tuum;* sive, ut hebr. *ipsum semen, ipse filius conteret tibi caput, huiesuphcha rosc;* et tu conteres calcaneum eius.¹⁰ Intellexit autem tunc Eva quod nasciturus hic de muliere filius natura et virtute futurus erat Lucifero Angelisque superior, ut potens esset satanae vires superare; natura enim et viribus nonnisi Deus Angelis superior est. Hinc cum filium primogenitum peperit, gaudio perfusa, dixit: *Acquisivi virum per Deum;*¹¹ ubi hebr. est: *Kanithi isceth Iehovah, acquisivi virum Deum,* sive *virum cum Deo,* ubi nomen est tetragamma-ton, quod soli divinae naturae convenit. Ait igitur: *Acquisivi virum Deum,* arbitrata tunc adimpletum esse quod a Domino dictum fuerat serpenti.

Dignitas divinae
maternitatis
prope infinita,
ideo iam ab
initio a Deo
laudata.

Quare vaticinium illud fuit quod Christus, Deus et homo, fortior satana nasciturus erat de Virgine; unde Dominus seipsum satana fortiorum significavit in sua apologia contra scribas et phariseos, calumniantes quod in Beelzebub eiiceret daemonia: *Cum fortis armatus custodit atrium suum, in pace sunt omnia quae possidet;* cum autem fortior eo superveniens vicerit eum, universa arma eius auferet, in quibus confidebat, et spolia... distribuet.¹² Non, inquit, dividuntur et distribuuntur hostium spolia, nisi

5) Cf. Is 7, 14; Jer 31, 22; Ez 44, 1-3.

6) Cf. Lc 1, 28-56; 2, 19. 51; Io 2, 1-10.

6a) Ms.: *Laudata.*

7) Lc 11, 27.

8) Ibid. 1, 42-43. 45. Vulg. habet: *Benedicta tu*

inter mulieres, et: Ut veniat Mater Domini mei ad me? 9) Ibid. 1, 28. 30. 10) Gn 3, 15. *Inimicitiam* ex hebr. 11) Ibid. 4, 1. *Acquisivi virum* ex hebr. 12) Lc 11, 21-22.

parta victoria, hoste superato; nec superatur hostis, maxime constitutus in arce armis munitissima, nisi ab hoste viribus et potentia validiore multoque superiore. Hoc autem dixit Dominus, alludens ad vaticinium et oraculum illud. Quare usque ab initio saeculi Virgo Beatissima a Deo ipso praedicta et praedicata fuit Mater Dei: *Dominus narrabit, cum describet populos: Hic natus est ibi.*

*Dignitas divinae
maternitatis
prope infinita,
ideo inter
laudes Canticorum
praecipua.*

*Sacra humanitas
corona benignitatis infinitae.*

III. In *Cantico Canticorum* Virgo Divinissima multis mirisque laudibus divinitus exornatur. Saepe appellatur *pulcherrima mulierum*,¹³ et ab ipsis etiam mulieribus laudatissima.¹⁴ Aliquando eam Sponsus veluti cum admiratione laudat: *Ecce tu pulcra es, amica mea, ecce tu pulcra es;*¹⁵ aliquando eam sic laudat ut insinuet se vix eam satis pro dignitate laudare valere: *Quam pulcra es et quam decora, carissima!*¹⁶ Laudatur autem caput ipsius,¹⁷ capilli,¹⁸ oculi,¹⁹ genae,²⁰ dentes,²¹ labia,²² pectus, ubera,²³ gressus;²⁴ sed praecipue venter,²⁵ plane propter mysterium divinæ Incarnationis, nam etiam ibi mater agnoscitur: *Filiae Ierusalem, egredimini et videte regem Salomonem in diademate, quo coronavit illum mater sua in die desponsationis suae et in die laetitiae cordis sui.*²⁶ Sacra nanque humanitas, quam verus Salomon Unigenitus Filius Dei ex Virgine Sacratissima accepit, veluti corona [est] in capite Verbi, corona utique infinitæ benignitatis et humanitatis, quae summam laudem meretur; nam, cum homo facinus aliquod operatus fuerit dignum insigni laude et honore, dicimus eum sibi coronam in capite posuisse. Deum autem hac redimitum corona ostendit Paulus, dicens: *Apparuit benignitas et humanitas Salvatoris nostri Dei, non ex operibus iustitiae, quae fecimus nos, sed secundum misericordiam suam salvos nos fecit.*²⁷ Dicitur autem Christus coronatus hoc diademate in die desponsationis suae, idest, in die incarnationis suae cum factus est sponsus Ecclesiae; quod quidem tempus appellat diem laetitiae cordis sui, quoniam tunc quam maxime laetus dicitur Dominus, sicut homo in die nuptiarum, cum votis optatissimis potitur.

In hoc autem oraculo ostenditur Virgo Divinissima mater et coronatrix Christi; siquidem etiam Christus eatenus est filius David et heres coronæ

13) 1, 7; 5, 9, 17.

14) Cf. 6, 8-9.

15) 1, 14.

16) 7, 6.

17) Cf. 7, 5.

18) Cf. 4, 1; 6, 4.

19) Cf. 1, 14; 4, 1; 5, 12.

20) Cf. 1, 9; 5, 13.

21) Cf. 4, 2; 6, 5.

22) Cf. 4, 3, 11.

23) Cf. 4, 5; 7, 3.

24) Cf. 7, 1.

25) Cf. 7, 2.

26) 3, 11. Vulg. habet: *Egredimini et videte, filiae Sion, regem, etc.*

habet: *Cum autem benignitas et humanitas apparuit..., secundum suam, etc.*

27) Tit 3, 4-5. Vulg.

israelitici regni quatenus filius Virginis est de stirpe David. In eodem etiam libro dicitur Christo: *Sub arbore malo suscitavi te, ibi corrupta est mater tua, ibi violata est genitrix tua;*²⁸ hebr. *ibi parturivit te mater tua, parturivit te genitrix tua,* quia mortalem et passibilem peperit moriturum in cruce pro salute totius generis humani.

IV. Est Deus parcus admodum et sobrius in laudandis operibus suis. *Dixit... Deus: Fiat lux... Et vidit Deus lucem quod esset bona.*²⁹ Fiant luminaria in firmamento coeli... *Et vidit Deus quod esset bonum.*³⁰ Quanta potuisset dicere in laudem lucis, in laudem stellarum! Unum tantum dixit, quod bona essent. Nec laudat Deus nisi perfecta opera. Hinc non legimus laudatam terram in creationis initio, non laudatum coelum, aut firmamentum; sed terra laudata fuit tertio die, quando, divinitus fecunda, ornata fuit plantis tot generum et specierum; ³¹ firmamentum vero quarto die laudatum fuit, quando ornatum fuit stellis.³² Non laudavit Deus mare secundo die quando factum fuit, sed quarto quando piscibus plenum fuit.³³ Conditum hominem non laudavit Deus; non legimus post formatum Adamum, post aedificatam Eavam: *Et vidit Deus quod esset bonum,* quoniam natura humana perficienda adhuc erat virtutum meritis in hoc saeculo, et praemio atque corona in paradyso. Deus ergo nonnisi perfectissima laudat opera sua numeris omnibus absoluta, et sobrie valde atque parcissime.

In Virgine autem collaudanda multus est, et cum admiratione laudat: *Tota pulcra es, amica mea, et macula non est in te;*³⁴ summis quibus potest laudibus effert, nihil in ea non laudatum relinquens, ut in *Cantico Canticorum* manifestum est. Sic: *Dominus narrabit.*

V. *Selah.* Quam quidem vocem nonnulli aeternitatem interpretantur, alii affirmationem, alii elevationem, quod ubicunque ponatur magnum aliquod insit mysterium, magna cum attentione et elevatione mentis contemplandum, ita ut, in consideratione tanti mysterii mens veluti suspensa, remaneat attonita, obstupefacta.^{34a} In hoc autem Psalmo bis legitur *selah:* *Gloriosa dicta sunt de te, civitas Dei. Selah.* Et: *Dominus narrabit in scrip-*

*Dignitas divinae
maternitatis
prope infinita,
ideo super
omnia opera sua
a Deo laudata.*

28) Ct 8, 5.

29) Gn 1, 3-4.

30) Ibid. 1, 14, 18.

31) Cf. Ibid. 1, 25.

32) Cf. Ibid. 1, 18.

33) Cf. Ibid. 1, 21.

34) Ct 4, 7.

34a) De *selah* cf.

ipsum Auctorem *Serm. 3 in Ps. 86*, circa medium.

*Dignitas divinae
maternitatis
prope infinita,
ideo usque ad
admirationem a
Deo laudata.*

turis populorum: Hic natus est ibi. Selah. Quasi dicat: O magnum mysterium, o ineffabile sacramentum, o rem infiniti stuporis, o miraculum divinum! Cum admiratione etiam Deus ipse Virginem laudare videtur et significare quod vix pro dignitate laudare eam possit; quoniam dignitas divinae maternitatis in Virgine prope infinita est, quam vere nec omnes homines nec omnes simul Angeli capere possunt, sicut nec infinitam dignitatem humanitatis et personae Christi. Et eatenus dicitur quod vix potest Deus pro dignitate eam exprimere, quoniam infinitam hanc dignitatem creati omnes intellectus vix possunt capere. Vere est ineffabilis, quoniam vere est incomprehensibilis, sicut infinita dignitas Christi. O magnum miraculum! *Dominus narrabit.*

Dignitas divinae
maternitatis
prope infinita,
ideo similibus
laudibus quibus
Christus ab
omni lingua
laudata.

VI. Sicut Christus laudatus est lingua humana Prophetarum, Apostolorum et totius sanctae Ecclesiae; lingua etiam angelica: in nativitate: *Eangelizo vobis gaudium magnum..., quia natus est vobis hodie Salvator, qui est Christus Dominus;*³⁵ in resurrectione: *Iesum quaeritis Nazarenum crucifixum; surrexit, non est hic,*³⁶ *venite et videte locum ubi positus erat Dominus;*³⁷ in ascensione: *Hic Iesus, qui assumptus est a vobis in coelum, sic veniet quemadmodum vidistis eum euntem in coelum;*³⁸ et tandem lingua divina: in baptismo: *Hic est filius meus dilectus, in quo mihi complacui;*³⁹ in transfiguratione, cum resplenduit facies eius sicut sol, iterum: *Hic est filius meus dilectus;*⁴⁰ et in die palmarum, cum intrasset Iesus civitatem et orasset Dominus, ut Ioannes refert, venit ad eum vox de coelo: *Clarificavi et iterum clarificabo;*⁴¹ nam ad hoc misit Spiritum Sanctum de coelo, ad Christum per linguas Apostolorum et discipulorum ora digne laudandum; ita etiam Virgo Beatissima laudata reperitur lingua tum humana, a tota etiam universalis Ecclesia, lingua angelica et lingua divina; quoniam est ipsa similis Christo, sicut luna soli, sicut Eva Adamo, et Christus similis ei sicut filius amantissimae matri. Sicut igitur similes sunt Christus homo et Virgo Deipara natura, gratia, virtute, dignitate et gloria; ita similibus laudibus exornantur apud Deum et homines in coelo et in terra.

35) Lc 2, 10-11.

36) Mc 16, 6.

37) Mt 28, 6.

38) Act 1, 11.

39) Mt 3, 17.

40) Ibid. 17, 5.

41) Io 12, 28.

VII. *Dominus narrabit.* Scio, inquit, quod existimat mundus me stultitiam loqui et deliramenta docere, quod Deus infinitae maiestatis et magnitudinis concludendus sit in utero mulieris, et quod ex muliere nasciturus sit in mundo; sed tamen veritatem hanc, quae incredibilis et impossibilis videtur, Deus ipse, apud quem nihil est impossibile,⁴² et qui facturus est opus hoc mirabile, quod nemo credit cum narrabitur, ipse, inquam, *Dominus narrabit*, ipsem praedicabit, docebit, testificabitur veritatem hanc, ipse sua auctoritate confirmabit, fidemque hanc plantabit in hominum cordibus, in mentibus fidelium suorum. Incarnatio Verbi, Dei humanatio, passio, mors stultitia et deliramentum⁴³ videbatur; et tamen plantavit hanc fidem Deus in Ecclesia sua, sicut nunc clare videmus, quoniam *Dominus narrabit in scripturis populorum, cum describeret populos*, ut factum est in nativitate Christi, quando *exitit edictum... ut describeretur universus orbis.*⁴⁴ Quando singuli describebantur, tunc natus est Dominus, et ab Angelo Domini praedicata est nunciataque pastoribus ipsius nativitas.

Dominus narrabit in scripturis populorum: Hic natus est ibi. Scripturae populorum sunt sacrae Sanctorum imagines, quae pia veneratione colendae sunt, quoniam simplicibus populis divina mysteria praedicant, et quae a Deo gesta sunt pro mundi salute narrant;⁴⁵ ita ut sacrae imagines fidelem populum doceant pium cultum et religionem erga Deum et Sanctos eius, praecipue vero erga Virginem Beatissimam, Christi Matrem.

Dignitas divinae
maternitatis
prope infinita,
ideo fides in
eam ab ipso
Deo in homi-
num cordibus
plantata.

Scripturae
populorum sa-
crae imagines

42) Cf. Lc 1, 37.
3 De Imag. nn. 17. 42. (P. G. 94, 315. 63).

43) Cf. 1 Cor 1, 23.

44) Ibid. 2, 1.

45) Cf. Damasc. *Orat.*

SERMO SEXTUS

DE FELICITATE MYSTICAE CIVITATIS DEI MARIAE

*Sicut laetantium omnium habitatio est in te, sancta
Dei Genitrix. Amen.*¹

Civitas ab
habitoribus
maxime
commendatur.

I. Nobili et illustri corona Regius Vates encomiasticum hoc cantum redimitum esse voluit. Civitas enim ab ipsis etiam habitatoribus civibusque quam maxime commendatur, ne sit, ut dici solet, concha auri, sed plena serpentibus; aut paradisus a daemonibus habitatus, sicut legimus de Pentapoli, quae erat sicut paradisus Domini, sed tamen habitatores eius pessimi erant.²

Felix civitas
ob concordiam
et pacem.
Maria semper
in pace.

II. De civitate hac alibi cecinit, dicens: *Ierusalem quae aedificatur ut civitas, cuius participatio eius in id ipsum,*³ cuius societas unita est, habitatores quidem vere pacifici sunt, vere civium unitas. Quod quidem potissimum est in civitate, siquidem: *Ecce quam bonum et quam iucundum habitare fratres in unum!*⁴ idest, pacifice, in caritate et amore, absque ulla discordia et dissensione: haec nanque magna pars est publicae felicitatis, universalis pax civitatis, civium concordia et reciprocus amor. Nunc autem dicit habitatores civitatis huius laetos beatosque esse: *Sicut laetantium omnium nostrum habitatio est in te;* hebr. autem est: *Vesarim cheholelim, col mahianai bach, principes quasi choros ducentes, omnes*

1) Ps 86, 7; *Brev. Rom. Comm. Fest. B. M. V. 3 Ant. 2, Noct.*
3) Ps 121, 3. 4) Ps 132, 1.

2) Cf. Gn 13, 10. 13.

fontes mei in te: principes huius civitatis erunt semper gaudio perfusi, laeti, exultantes ac si iugiter nuptias celebrarent, tanta est pax, concordia, felicitas publica civitatis huius. Ubi enim Deus est, ibi pax summa est. Saepe in Sacris Litteris coniuncta simul legimus iustitiam et pacem: *Orietur in diebus eius iustitia et abundantia pacis;*⁵ *Suscipient montes pacem populo et colles iustitiam;*⁶ *Iustitia et pax osculatae sunt,*⁷ quoniam, ut Isaias ait, *opus iustitiae pax;*⁸ hinc Regius Vates: *Pax multa diligentibus legem tuam.*⁹

Virgo Beatissima semper summa in pace spiritus vixit, omni spirituali laetitia plena, quoniam semper summa cum sanctitate vixit; fuit ipsa semper paradisus deliciarum Dei, sicut in *Cantico Canticorum* legimus: *Hortus conclusus, fons signatus, emissiones tuae paradisus;*¹⁰ fuit sanctissimum cor Virginis sicut vas coelesti manna plenum.¹¹

III. Quod autem ait: *Omnes fontes mei in te,* metaphoricos^{11a} dictum est. Sicut, cum orator aliquis in oratione aliqua plurimum laboris et diligentiae adhibuit omnesque ingenii sui vires ac nervos, dici solet in ea oratione omnes ingenii sui fontes effudisse, idest, adhibuisse omne studium, pro sua virili provinciam illam obivisse, nullum non movisse lapidem; ita ait: *Omnes fontes mei in te.* Magna haec laus, mirabile encodium, nam Deus est qui loquitur.

Cum in laudem divinae huius civitatis multa dixisset, incipiens a fundatione eius: *Fundamenta eius in montibus sanctis;*¹² cum divinos favores erga eam in medium adduxisset: *Diligit Dominus portas Sion super omnia tabernacula Iacob;* cum cecinisset gloriam ipsius: *Gloriosa dicta sunt de te, civitas Dei;* cum Deum ipsius conditorem, natum in ea docuisse: *Homo natus est in ea, et ipse fundavit eam Altissimus;* cum ab ipso etiam Deo laudibus celebratam ac celebrandam praedicasset: *Dominus narrabit in scripturis populorum;* tandem concludit: *Omnes fontes mei in te;* sicut Sponsa in *Canticis* laudat Sponsum a singulis partibus: a capite, crinibus, oculis, genis, ore, pectore, cruribus, pedibus,¹³ tandem concludit: *Totus ipse desiderabilis,*¹⁴ idest, omni ex parte dignus est sum-

Felix civitas ob
bonorum co-
piam. In Maria
omnes fontes
bonorum Dei.

5) Ps 71, 7.

6) Ibid. vr. 3.

6 a) Ms.: *Populi.*

7) Ps 84, 11.

8) 32, 17.

9) Ps 118, 165.

10) 4, 13.

11) Alludit ad Ex 16, 33-34.

11 a) *Metaphoricos*

graec. loc.: *Metaphorice.*

12) Ps 86, 1. Sequuntur vrr. 2-3. 5-6.

13) Cf. Ct 5, 10-15.

14) Ibid. 5, 16.

ma laude, nihil in eo est quod non sit laude dignissimum; *totus ipse desiderabilis*, sicut apud logicos ex particularium inductione fit universalis propositio vera.

Fontes
bonorum Dei.

Omnes fontes mei in te. Plures fontes ex Divina Scriptura sacraque theologia reperiuntur in Deo. Divinus intellectus est fons perennis et aeternus genitae Sapientiae Verbique increati Unigeniti Filii Dei, qui a Patre procedit, sicut radius a sole, sicut rivus a fonte; divina voluntas fons est caritatis et amoris, fons Spiritus Sancti, qui nexus est et reciprocus amor Patris et Filii; divina potentia fons est totius naturae universalis bonorumque omnium, quae in coelo et in terra sunt, visibilium omnium et invisibilium; divina caritas est fons bonorum omnium supernaturalium gratiae in sancta Ecclesia; divina sapientia fons totius scientiae creatae in Angelis et hominibus; divina bonitas fons gloriae vitaeque aeternae et omnis felicitatis in paradyso; divina iustitia fons praemiorum et poenarum pro meritis virtutum et vitiorum; divina misericordia fons divinorum beneficiorum, ad sublevandam humanam miseriam.

Maria mare
omnium
gratiarum.

De Virgine autem Beatissima dicit: *Omnes fontes mei in te.* Sicut flumina omnia ex omnibus fontibus intrant in mare, sic Maria vere est mare omnium gratiarum et bonorum Dei: *Omnes fontes mei in te.* Fuit enim ipsa templum Dei, arca totius Divinitatis; in ea Filius: *Quod ex te nascetur Sanctum, vocabitur Filius Dei;*¹⁵ in ea Spiritus Sanctus, nam: *Spiritus Sanctus superveniet in te, et virtus Altissimi obumbrabit tibi;*¹⁶ in ea fons naturalium perfectionum.

De Eva in Sacris Litteris legimus decem praerogativas, sicut et de Adamo.¹⁷

15) Lc 1, 35. Vulg. habet: *Nascetur ex te.*

16) Ibid. loc. cit.

17) Ms. deficit.

7.

SUPER: SALVE REGINA

SERMONES SEX

*Salve, Regina, Mater misericordiae; vita, dulcedo et spes nostra,
salve. Ad te clamamus exules filii Evae. Ad te suspiramus gementes
et flentes in hac lacrimarum valle. Eia ergo, advocata nostra, illos
tuos misericordes oculos ad nos converte. Et iesum, benedictum fruc-
tum ventris tui, nobis post hoc exilium ostende. O clemens, o pia, o
dulcis Virgo Maria.*

SERMO PRIMUS

DE EXORDIO INVOCATIONIS: POTENTIA VIRGINIS

*Salve, Regina, Mater misericordiae, vita, dulcedo
et spes nostra, salve. Ad te clamamus.*

I. Sicut coelum sideribus ornavit Deus, ita Ecclesiam Christo, Maria et sanctis Apostolis, Martyribus, Confessoribus; nam Christus sol est iustitiae, Maria luna sanctitatis, Sancti stellae firmamenti, multo utiliores¹ sanctae Ecclesiae in coelo cum Deo regnantes, quam sidera naturali huic mundo. Invocat sancta Ecclesia Santos omnes, tanquam fidelissimos Dei servos, amicos carissimos, domesticos Dei familiarissimos fidissimosque ac tandem filios dilectissimos; sed praecipue Mariam. Muri templi Domini intrinsecus ornati erant figuris Cherubim, palmarum et variarum picturam, sive sculpturarum, aut florum apertorum;^{1a} ita nanque sancta Ecclesia ornata est Doctoribus, Martyribus, Virginibus, Sanctisque, virtutum floribus ornatissimis; sed praecipuum et singulare ornamentum templi illius arca erat testamenti sub divino propitiatorio in medio Cherubim.²

In Ecclesia
praecipuum or-
namentum
sanctitatis,
Maria; invocatio
et cultus eius
similis invoca-
tioni et cultui
Christi.

Virginem hanc Beatissimam, Sanctorum omnium coronam, cultu piissimo semper venerata fuit sancta mater Ecclesia, eamque fusis precibus magna cum devotione in necessitatibus suis post Christum invocavit. Quoniam autem Maria similis Christo est, sicut Eva Adamo, cui^{2a} similis formata fuit,³ invocatio Virginis similis esse debet invocationi Christi, honor et cultus Mariae exhibitus similis honori et cultui Christi.

1) Ms.: *Utiliore.*
3) Cf. Gn 2, 18.

1a) Cf. 3 Rg 6, 29 sqq.

2) Cf. 3 Rg 8, 6-7.

2a) Ms.: *Quam.*

Sicut in oratione
ad Deum, ita et
ad Virginem, a
laudibus exor-
dium capien-
dum, quia
magna
est gratiarum
copia.

Exemplum
Christi
et Archangeli.

Exemplum
Ecclesiae.

II. Cum Dominus orare nos docuit, iussit ut a divinis laudibus orandi caperemus exordium, dicentes: *Pater noster, qui es in coelis, sanctificetur nomen tuum;*⁴ ut prius divinam tum bonitatem tum omnipotentiam commemoraremus, Deum Optimum Maximum invocantes; sic enim et ipse ad Patrem fundens preces in horto iturus ad passionem, ait: *Pater mi, omnia tibi possibilia sunt: transfer calicem hunc a me.*⁵ Ita, cum invocanda nobis est Virgo gloria, a divinis ipsius laudibus sumendum principium est. Sic enim cum ea egit Archangelus Gabriel, cum ad eam missus a Deo fuit; miris laudibus eam prius exornavit et postea quod in mandatis habebat exposuit. Prius dixit: *Ave, gratia plena, Dominus tecum, benedicta tu inter mulieres;* et item: *Invenisti enim gratiam apud Deum;* et postea: *Ecce concipies in utero, et paries filium.*⁶ In *Canticis* etiam ita legimus: *Tota pulchra es, amica mea, et macula non est in te;* et postea advocatur: *Veni de Libano, sponsa mea, veni de Libano.*⁷

Sic igitur sancta Ecclesia, Deiparam Virginem invocatura, prius multis titulis atque nominibus eam honorat et laudat, dicens:^{7a}

« Salve, Regina, Mater misericordiae...
Ave, Regina coelorum, — Ave, Domina Angelorum...
Alma Redemptoris Mater, quae pervia coeli
Porta manes et stella maris...
Ave, maris stella, — Dei Mater alma,
Atque semper Virgo, — Felix coeli porta... »

Sic ab omnibus fidelibus sanctisque animabus miris modis multisque honestissimis illustrissimisque encomiis celebrata est, sicut in *Canticis* legimus: *Sexaginta sunt reginae... octoginta concubinae, et adolescentularum non est numerus; una est columba mea, una est perfecta mea, una est matri suae, electa genitrici suae; viderunt eam filiae et beatam dixerunt, reginae et concubinae... laudaverunt eam: Quae est ista quae progreditur, quasi aurora consurgens, pulchra ut luna, electa ut sol, terribilis ut castrorum acies ordinata?*⁸ Laudatur ab omnibus reginis, concubinis, idest, uxoribus inferioris ordinis, et adolescentulis regi dedicatis in sponsas, quibus designantur omnes animae fideles, incipientes, profi-

4) Mt 6, 9. 5) Mc 14, 36.

6) Lc 1, 28. 30-31. Vulg. habet: *Benedicta tu in mulieribus.*

7) 4, 7-8. 7a) Sequuntur initia antiphonar. et hymni B. M. Virginis e *Brev. Rom.* 8) 6, 7-9. Vulg. habet: *Beatissimam praedicaverunt, et: Matris suae.*

cientes atque perfectae; hinc ipsa ait: *Beatum me dicent omnes generationes, quia fecit mihi magna qui potens est, et sanctum nomen eius, et misericordia eius a progenie in progenies.*⁹ Tres causas divinae magnitudinis suae recenset: divinam potentiam, sanctitatem et misericordiam Dei aeternam. Quanta lux a tribus hisce immensis solibus! Quanta aquarum copia a tribus his fontibus infinitis!

III. Nec tantum propter hanc infinitam gratiarum copiam laudanda erat ab omnibus fidelibus animabus, verum etiam multis modis. Hinc appellatur aurora consurgens, luna pulcra, sol perfectus, acies castrorum terribilis. Sic igitur sancta Ecclesia multis modis Virginem Deiparam pro viribus laudat; hinc ait: *Salve, Regina, Mater misericordiae; vita, dulcedo et spes nostra, salve.* Videtis quot titulos, quot nomina, quam ardentem affectum! Sed praecipue Reginam appellat: *Salve, Regina;* ita saepe: «Ave, Regina coelorum, - Ave, Domina Angelorum; Regina coeli, laetare»;^{9a} O gloriosa Domina, - *Excelsa super sidera».*¹⁰

Dum sancta mater Ecclesia Deiparam Virginem Reginam appellat, alludit plane ad illud *Ps. 44: Astitit regina a dextris tuis in vestitu deaurato, circumdata varietate.*¹¹ Quo loco Regius Vates Reginam hanc multis nominibus laudat. Non solum a dignitate qua Regina est, sed a summo dignitatis et honoris gradu, nam prius ait: *Filiae regum in honore tuo,*¹² et postea: *Astitit regina, ita ut Regina haec pedissequas habeat nobilissimas filias regum.* Praeterea ab honore, quo ab ipso rege afficiebatur, nam ait: *Regina a dextris tuis, sicut Salomon, ad Bethsabee matrem honorandam, sedere eam fecit supra thronum regium ad dexteram suam.*¹³ Itemque ab ornatu vestium: *In vestitu deaurato,* hebr.: *In auro ophir,* idest, ornata pretiosissima veste aurea, sicut arca Dei tota induita erat auro purissimo intus et foris.¹⁴ Praeterea ab amore regis erga eam ob insignem pulcritudinem «quia concupivit rex speciem tuam»,¹⁵ cum tamen *ipse sit Dominus... tuus, et adorabis eum,* quem tu summa reverentia colis. Insuper ab honore accepto a proceribus: *Filiae Tyri in numeribus, vultum tuum deprecabuntur omnes divites plebis,*¹⁶ idest, proceres et primates populi. Adhuc etiam a splendore virtutum in animo:

In oratione ad
Virginem a
laudibus eius
exordium cap-
tendum, quia
magna est
multitudo titulorum,
Reginae
praesertim.

A Regio Vate
Maria
Regina dicta.

9) Lc 1, 48-50. 9a) Initia antiphonar. B. M. Virginis e *Brev. Rom.* 10) Ex hym. ad Laudes in Fest. B. M. V. secundum vetus Brev. 11) Vr. 10. 12) Ibid. loc. cit. 13) Cf. 3 Rg 2, 19. 14) Cf. Ex 25, 11. 15) Ps 44, 12 ex *Brev. Rom.* Fest. Comm. Virg. 1 Resp. ad Noct. Sequitur pars eiusdem vers. ex hebr. 16) Ps 44, 13.

Omnis gloria eius filiae regis ab intus, sive tota gloria filiae regis intrinsecus est, tota inclyta et gloriosa est intrinsecus; etiam: In fimbriis aureis, in vestitu ex auro contexto atque acu picto, opere phrygionico elaborato.¹⁷ Tandem ab honestissimo famulitio: Adducentur regi virgines post eam, proximae eius afferentur tibi; afferentur tibi in laetitia et exultatione, adducentur in templum, sive palatum, regis;¹⁸ hebr. autem transferri potest: In acu pictis adducetur regi ipsa scilicet regina; deinde: Virgines post eam, idest, ad regem adducetur elegantissimis induita vestibus et magno pedisseparum numero honestissime comitata, magna cum laetitia et exultatione. Et tandem a fecunditate: Pro patribus tuis nati sunt tibi filii;¹⁹ hebr.: Erunt filii tui; constitues eos principes super omnem terram. Nam omnes Apostoli fuerunt Virgini tanquam dilectissimi filii, sicut de cruce dixit ei Christus, Ioanne indicato: Ecce filius tuus;²⁰ Apostoli autem pro antiquis Patriarchis constituti sunt principes universalis Ecclesiae, quae toto orbe terrarum longe lateque diffusa est.

A S. Ioanne
Evangelista
Regina
praedicata.

Cum etiam Reginam eam appellat sancta Ecclesia, alludit ad illud *Apocalypsis: Signum magnum apparuit in coelo, mulier amicta sole, et luna sub pedibus eius, et in capite eius corona stellarum duodecim;*²¹ nam, si coronata est, Regina est, corona enim insigne regium est. Sed, bone Deus, qualis Regina? Quae filium parit, qui mox natus ad Deum rapitur et ad thronum ipsius.²² Ergo Sponsa et Mater summi Regis Dei et Christi Unigeniti Filii Dei, veri Dei, summi Dei.

Summae
Virginis dignitati
et auctoritati
respondet
quoque erga
nos caritas.

IV. Regina appellatur ad designandam summam ipsius dignitatem et auctoritatem, maiestatem et potentiam. Sicut enim summa ipsius dignitas est, ita etiam auctoritas, uti et in Christo: *Data est mihi omnis potestas in coelo et in terra;*²³ dignitas sine auctoritate contemnitur. Ab initio Deus homini non solum summam dignitatem contulit, verum et auctoritatem; non solum dixit: *Faciamus hominem ad imaginem et similitudinem nostram, verum etiam: Dominetur piscibus maris et volatilibus coeli,* etc.²⁴ Hinc Regina haec sole amicta dicitur, qui suapte natura et luce splendissimus et potentissimus est, naturae princeps: *Nec est qui se abscondat a calore eius;*²⁵ sic quanta ipsius est dignitas, tanta et auctoritas.

17) Vr. 14 text. hebr. illustrat.
20) Io 19, 26. 21) 12, 1.
habet: *Praesit pliscibus,* etc.

18) Vr. 15-16. *Palatum ex hebr.* 19) Vr. 17.
22) Cf. Apc 12, 5. 23) Mt 28, 18. 24) Gn 1, 26. Vulg.
25) Ps 18, 7.

Sed, quod nostra maximi refert, quanta ipsius est dignitas et auctoritas, tanta quoque est erga nos caritas; hinc Regina Mater misericordiae appellatur: *Salve, Regina, Mater misericordiae*, nam a Christo in cruce mater nostra facta est, dum dictum illi fuit: *Ecce filius tuus*, et Ioanni: *Ecce mater tua.*²⁶ Beatos Christianos, qui beatissimam hanc et divinisimam Virginem tanquam Reginam et Matrem venerantur, diligunt, colunt magno pietatis et devotionis affectu!

26) Io 19, 26-27.

SERMO SECUNDUS

DE EXORDIO INVOCATIONIS: POTENTIA ET MISERICORDIA VIRGINIS

Salve, Regina, Mater misericordiae.

Virgo Deipara
invocatur Re-
gina et Mater
similis Deo,
Regi potentis-
simo et Patri
clementissimo.

Thronus
Salomonis
et thronus Dei.

I. Duobus titulis ac nominibus Virgo Beatissima invocatur: *Regina*, *Mater*, quoniam ipsa Divinitatis quaedam imago est sicut luna solis; Christo simillima, sicut Eva Adamo.¹ Deo autem duo vel maxime tribuntur: omnipotentia et bonitas summa, hinc Optimus Maximus appellatur; et in Sacris Litteris Deus exercituum et Deus uberum, ^{1a} Rex et Pater, hinc apud Malachiam: *Si Pater ego sum, ubi est amor meus? Et si Dominus ego sum, ubi est timor meus?*² Christus etiam propter haec duo dicitur Rex et Pastor: *Rex regum*,³ idest, potentissimus, maximus; *Pastor bonus*.⁴ Sic igitur Virgo Sanctissima appellatur *Regina* et *Mater*; ideo *Virgo Regina*, quia Deus Rex, Christus Princeps, nam ipsa Sponsa Dei est, Mater Christi; *Regina Regi simillima*. Thronus Salomonis terribilibus leonibus ornatus erat hinc inde ex utraque parte,⁵ quoniam reges hominibus formidabiles sunt, tribunal regis tremendum. Leo nanque animal terribile admodum est; leo rugiet, quis non timebit? Thronus autem Dei non sic. In templo thronus Dei propitiatorium appellabatur,⁶ et Paulus thronum Dei appellat thronum gratiae, dicens: *Adeamus... cum fiducia ad thronum gratiae eius, ut misericordiam consequamur.*⁷ Hinc Ezechiel,⁸

1) Cf. Gn 2, 18. 1a) *Deus uberum*, idest, *Deus amoris*; de quo cf. etiam Ct 1, 1. 2) 1, 6.

3) 1 Tim 6, 15. 4) Io 10, 11. 5) Cf. 3 Rg 10, 2. 6) Cf. Ex 25, 22. 7) Hebr 4, 16.

8) Cf. 1, 28.

et Ioannes⁹ circa thronum Dei iridem viderunt, arcum coelestem, signum misericordiae et gratiae, ad designandum quod Deus rex est, sed clementissimus atque piissimus. Hinc etiam Dominus noster Christus Unctus dicitur: *Unxit te Deus, Deus tuus, oleo laetitiae;*¹⁰ oleum autem misericordiae symbolum est. Hinc Regis nostri facies sicut sol resplenduit,¹¹ qui princeps coeli est potentissimus et liberalissimus.

II. Ad haec autem duo in Virgine designanda, appellatur Regina, Mater misericordiae. Hinc dicta est *sole amicta,*¹² hinc *electa ut sol,*¹³ ut sciamus Reginam esse maximam et optimam, potentissimam et clementissimam. Sicut enim cum ad orandum ad Deum accedimus, duo haec consideranda nobis sunt, quod sit maximus et quod optimus, quod potest et quod vult praestare beneficium et gratiam, quam desideramus et petimus; ita, cum Virginem invocamus, duo haec consideremus, quod potest et quod vult praestare beneficium. Potest, quia Reginam potentissima; vult, quia Mater misericordiae optima, Mater clementissima, nam Reginam coeli est.

Virgo Deipara
est Reginam
potentissima.

Christus sol,
Maria luna.

Luna olim regina coeli¹⁴ appellabatur, sicut sol rex.^{14a} Magna est in coelo post solem lunae potentia, sed per virtutem et lucem quam accipit a sole; sic Virginis Beatissimae post Deum magna potentia est, virtute accepta ab ipsomet Deo. Ipsa sanctuarium Dei est, in quo perpetuo asservabatur virga potentiae Dei,¹⁵ qua innumera operata fuere miracula,^{15a} et urna mannae.¹⁶ In Virgine Beatissima virga Dei est, quia Reginam; urna autem mannae, quia Mater misericordiae. Ad haec duo designanda, Virgo Sanctissima dicta est *quasi aurora consurgens, pulcra ut luna, electa ut sol,*¹⁷ et *sole amicta.* Non enim dedit Deus^{17a} soli, lunae et stellis talem tantamque lucis copiam propter ornatum eorum, sed pro mundi beneficio; hinc ait: *Fiant luminaria in firmamento, et dividant diem ac noctem, et sint in signa et tempora et dies et annos, ut luceant in firmamento coeli et illuminent terram.*¹⁸ Sic Deus Virginem Beatissimam tanto honore et gloria coronavit, ut esset in salutem totius Ecclesiae, totius mundi; fecit eam Reginam similem Christo, de quo ait: *Gloria et honore coronasti eum, et constituisti eum super opera manuum tuarum; omnia subiecisti sub pedibus eius,*¹⁹ ut esset Mater misericordiae. Sicut Christus dictus fuit a

9) Cf. Apc 4, 3. Ms.: *Joanne.*

13) Ct 6, 9. 14) Cf. Jer 44, 17.

15a) Cf. Ex cпп. 7-9.

17a) Ms : *Dei.*

10) Ps 44, 8.

14a) Plin. *Hist. Nat.* lib. 2, cp. 6.

16) Cf. Ex 16, 33-34; Hebr 9, 4.

18) Gn 1, 14-15.

11) Cf. Mt 17, 2.

14) Apc 12, 1.

15) Cf. Nm 17, 10.

17) Ct 6, 9.

19) Ps 8, 6-8.

Balaamo stella ex Iacob et virga ex Israel: *Orietur stella ex Iacob, et exurget virga ex Israel;*^{19a} et cum declaratus fuit rex a Patre, medius visus fuit inter Moysem²⁰ mitissimum et Eliam^{20a} ardentissimum ac potentissimum prophetam;²¹ sic Regina haec nostra similis Christo est, quia rex venit in mundum potens ad salvandum: *Ecce rex tuus venit tibi iustus et salvator.*²² Esther divino beneficio sublimata fuit ad coronam regni pro salute populi sui; ipsius enim opera a persecutione gravissima impii Aman populus Iudeorum liberatus fuit;²³ Virgo autem Sanctissima multo amantior est fidelium Christi quam Esther Iudeorum.

Virgo Deipara
est Mater
misericordiae,
mare gratiarum.

Visitatio
ad Elisabeth.

III. Fons ille magnus positus fuit in paradiſo, ut paradiſum irrigaret et terram etiam extra paradiſum.²⁴ Sic in *Canticis* legimus: *Hortus conclusus, soror mea sponsa, hortus conclusus, fons signatus; emissiones tuae paradiſus. Fons hortorum, puteus aquarum viventium, quae fluunt impetu de Libano.*²⁵ Magnus fons est, sed vivus et copiosarum multarumque aquarum; hinc dicitur *fons hortorum, puteus aquarum viventium*. Quis dubitabit unquam ad fontem vivum aquarum multarum iturum se, et non inventurum aquas? Maria mare interpretata est;²⁶ in mari non inveniemus aquas? Maria mare illud est, de quo ait: *Omnia flumina intrant in mare, et mare non redundat.*²⁷ Omnia nanque flumina gratiarum Dei influunt in Mariam; hoc est enim illud *gratia plena*.²⁸ Videmus enim quod, ut Regina facta est, Mater evasit misericordiae. Nam statim, in incarnatione plena Spiritu Sancto et vera Dei Sponsa effecta, *abiit in montana cum festinatione... et salutavit Elisabeth. Et... ut audivit vocem Mariae Elisabeth, impleta est Spiritu Sancto... et ait: Unde hoc mihi ut Mater Domini mei veniat ad me?*²⁹ Videtis quomodo divinus iste fons aquas coelitus divinitusque acceptas refundit. Plena Spiritu Sancto replevit Spiritu Sancto Elisabeth et Ioannem in utero matris: *Spiritu Sancto replebitur adhuc ex utero matris suae;*³⁰ hinc: *Ut facta est vox salutationis tuae in auribus meis, exultavit in gaudio infans in utero meo.*³¹ Sic, statim ut Regina facta est, ostendit Matrem se esse misericordiae, fontem gratiarum: *Ut veniat Mater Domini mei ad me?*

19a) Nm 24, 17. Vulg. habet: *Et consurget... de Israel.* 20) Cf. Nm. 12, 3. 20a) Cf. 4 Rg 1, 1 sqq. 21) Cf. Mt 17, 3. 22) Zac 9, 9. 23) Cf. Est cp. 7. 24) Cf. Gn 2, 10. 25) 4, 12-13. 15. 26) Cf. ipsum Auct. *Serm. 3 in Salut. Ang.* 27) Eccl 1, 7. 28) Cf. Lc 1, 28. 29) Ibid. 1, 39-41. 43. Vulg. habet: *Repleta, loc.: Impleta.* 30) Lc 1, 15. 31) Ibid. 1, 44.

Mater misericordiae. Quam dulce est nomen matris! Dici non potest, comprehendendi non potest. Virgo autem Beatissima non solum Mater, sed Mater misericordiae dicta est, hoc est, misericordissima, Mater clementissima, Mater tenerima, amantissima.

Eva dicta est *mater... cunctorum viventium*; ³² Maria mater est amantissima omnium fidelium qui ad vitam ordinati sunt.

Caritatem suam erga homines Virgo Sanctissima ostendit in nuptiis; nam, deficiente vino, etiam non rogata, rogavit Dominum, dicens: *Vinum non habent*; et in causa facta fuit, ut Dominus primum omnium miraculorum ederet in salutem hominum, ad ostendendam divinam erga homines caritatem. Sic Virgo hominibus vinum optimum a Christo obtinuit. ³³

Nuptiae in
Cana Galilaeae.

IV. In mysterio Annunciationis Maria ostensa est Regina; in mysterio autem Visitationis Mater, fons spiritualium gratiarum: *Fons signatus, fons hortorum, puteus aquarum viventium.* Non fons horti, sicut fons qui paradisum et hortum Domini irrigabat, sed *fons hortorum*, quia paradisum irrigat coelestem et terrestrem, Ecclesiam triumphantem in coelo et Ecclesiam militantem in terra; *fons hortorum*, quia sufficit non unum tantum hortum irrigare, sed multos; etiam si Ecclesia infinitis partibus maior esset, totam irrigare valeret quam copiosissime. Nec tantum *fons signatus* et *fons hortorum*, sed etiam *hortus Domini et paradisus* dicta est: *Plantavit autem Dominus... paradisum deliciarum*, ³⁴ non pro se sed pro hominibus; paradisus ille non sibi sed hominibus fructificabat. Ita nunc Virgo Sanctissima in coelo non sibi sed nobis fructificat, non pro se sed pro nobis orat et impetrat, sicut Esther non pro se sed pro populo suo salutem a rege impetravit. Est autem infinitis partibus maior auctoritas Virginis apud Deum, apud Christum, quam Esther apud Assuerum; et quanto Christus maior est Assuero, tanto auctoritas Virginis apud Christum utilior nobis est, quam auctoritas Esther apud Assuerum utilis fuit Iudeis. Multo etiam maior est caritas Virginis erga fideles, quam caritas reginae Esther erga Iudeeos. Nam illa Iudeeos diligebat tanquam gentiles suos, populum et nationem suam; nos autem Virgo diligit tanquam filios suos, tanquam membra Christi, unici et dilectissimi Filii sui; Ecclesia enim corpus Christi est, ³⁵ fideles omnes membra Christi sunt. ³⁶

Virgo Deipara
Mater miseri-
cordiae, fons
gratiarum, sed
pro nostra
utilitate.

32) Cf. Gn 3, 20.
35) Cf. Col 1, 24.

33) Cf. Io 2, 1-10. 34) Gn 2, 8. Vulg. habet: *Plantaverat... voluptatis.*
36) Cf. 1 Cor 12, 27.

In mysterio Visitationis Maria fontem se ostendit magnum et mirabilem, nam *abiit in montana cum festinatione*. Ut aqua fontis deorsum descendat mirum non est, ut a monte descendat in vallem; sed ut a valle ascendat ad montem et cum impetu, hoc magnum est et mirabile. Maria autem, ad gratiam suam communicandam, *abiit in montana et cum festinatione*.

SERMO TERTIUS

DE VIRGINE DEIPARA ARBORE MAGNA GRATIARUM

*Salve, Regina, Mater misericordiae, vita,
dulcedo et spes nostra, salve.*

I. Veluti arbor ostenditur Virgo Beatissima onusta optimis et suavis-
simis fructibus: misericordia, vita, dulcedo, spes nostra; nam Virgo Sanc-
tissima arbor dicta est: *Ascendam in palmam et apprehendam fructus*
*eius... statura tua assimilata est palmae et ubera tua botris.*¹ *Ascendam*
in palmam. Christus etiam dictus est arbor: *Sub umbra illius quem desi-
deraveram sedi, et fructus eius dulcis gutturi meo.*² *Lignum vitae est*
tis qui apprehenderint eam, ait de sapientia Salomon.³ Arbor Christus,
Maria arbor; arbor fructifera Christus, arbor fructifera Maria. *Lignum quod*
*plantatum est secus decursus aquarum, quod fructum suum dabit in tem-
pore suo*⁴ Christus est, arbor semper onusta fructibus, nam lignum illud
est quod in *Apocalypsi* Ioannes^{4a} vidit iuxta flumen paradisi plantatum,
quod per singulos menses fructificabat.⁵ Christo autem Maria similis est
sicut luna soli, sicut Eva Adamo, sicut regi regina; quare sicut arbor
Christus, ita et Maria.

Apud Danielem legimus quod Nabuchodonosor, quia rex magnus,
ditissimus et potentissimus erat, in visione designatus est per arborem ma-
ximam, altissimam, latissimam, quae totum mundum occupare videbatur;
fructibus autem onustissima erat, ita ut infinitam pene multitudinem ani-

Maria et Christus
arbores dicti
quia magni et
onusti fructibus.

Nabuchodonosor
magna arbor,
magnus
princeps.

1) Ct 7, 8. 7. 2) Ibid. 2, 3. 3) Prv 3, 18. 4) Ps 1, 3. 4a) Ms.: *Ioanne.* 5) Cf. 22, 2.

malium, quae sub ipsa degebant, et avium, quae in ramis eius morabantur, suis fructibus perpetuo pasceret.⁶ Per magnam arborem fructibus onustam magnus princeps designatur, quia, cum multis divitiis abundet, servis et popularibus suis multa beneficia praestat. Quot millia hominum vivunt hodie sub umbra regis Hispaniarum! Quot ministri, quot equites, quot duces, quot milites, quot millia hominum vivunt sub umbra Summi Pontificis, quia multa, innumera beneficia confert. Sic magnus princeps, magna arbor est. Christus autem maximus princeps, quia *Rex regum et Dominus dominantium*,⁷ maxima igitur arbor; Maria autem Regina est in Christi regno unica, summa, ergo et ipsa arbor maxima.

Maria arbor
summe utilis
et iucunda, quia
fructus eius:
vita, dulcedo
et spes nostra.

II. Sed summe utilis et iucunda. En fructus arboris huius: *Mater misericordiae, vita, dulcedo et spes nostra, salve.* Arbor est, quia Mater misericordiae est; unde, sicut Eva *mater viventium* appellata est,⁸ ita et multo potiori iure Maria. Huius autem arboris fructus sunt: *vita, dulcedo, spes nostra.* Vita nostra dicitur, sicut et Christus: *Ego sum via, veritas et vita.*⁹ *Ego sum resurrectio et vita.*^{9a} Dicitur autem Christus vita, quoniam auctor est salutis et vitae nostrae; hinc fons vitae est appellatus: *Quoniam apud te est fons vitae, et in lumine tuo videbimus lumen.*¹⁰ Ipsa autem Virgo dicitur *vita, dulcedo et spes*, quoniam *Regina* est et *Mater misericordiae*.

Saepe Deus in Divinis Litteris Pater misericordiae appellatur. Hinc Regius Vates ait: *Quomodo miseretur pater filiorum, misertus est Dominus timentibus se.*¹¹ Hinc Paulus ait: *Benedictus Deus et Pater Domini nostri Iesu Christi, Pater misericordiarum et Deus totius consolationis, qui consolatur nos in omni tribulatione nostra.*¹² Sic ostenditur in parabola filii prodigi¹³ pater amantissimus, misericordissimus, tenerimorum viscerum, cordis dulcissimi et supra modum amantissimi; hinc ait: *Per viscera misericordiae Dei nostri visitavit nos Oriens ex alto.*¹⁴

Hinc Dominus noster in mundo viscera semper divinae misericordiae ostendit; nam omnia miracula, quae operatus est ad faciendam fidem Divinitatis suae, beneficia fuerunt operaque magnae misericordiae. Nec tantum exigentibus praestitit, ut Cananitidi: *Miserere mei, Domine, fili David,*¹⁵

6) Cf. Dn 4, 7 sqq.

7) 1 Tim 6, 15.

8) Cf. Gn 3, 20.

9) Io 11, 25.

9 a) Ibid. 14, 6.

10) Ps 35, 10.

11) Ps 102, 13.

12) 2 Cor 1, 3-4.

13) Cf. Lc 15, 11-32.

14) Ibid. 1, 78.

15) Mt 15, 22.

ut caeco Bartimaeo: *Iesu, fili David, miserere mei,*¹⁶ ut deceim leprosis: *Iesu, praceptor, miserere nostri;*¹⁷ sed eliam non requirentibus. Sic enim caecum natum illuminavit,¹⁸ sic languidum in piscina curavit,¹⁹ sic turbas famelicas pavit: *Misereor super turbam,*²⁰ sic filium viduae Naimitis suscitavit: *Quam cum vidisset Dominus, misericordia motus..., dixit...: Noli flere.*²¹ Sic, inquam, Dominus misericordissimum fontemque perennem et inexhaustum divinae misericordiae se ostendit.

III. At vero aliquando Virginem Beatissimam reperimus viscera quodammodo teneriora ac multo ad miserendum promptiora habuisse ad subveniendum miseris in necessitate constitutis, uti luce clarius manifestum est in nuptiis, ad quas invitatus Christus fuit, in Cana Galilaeae, cum vīnum defecit. Defectum vīni novit Christus, novit Maria; pietate autem magis mota videtur Maria quam Christus. Ac ne sponsi ex re cognita moestitia afficerentur, et pudore suffunderentur, ipsa ad Christum accedens, pietate mota, ait: *Vīnum non habent.* Intercedit pro eis, ut necessitati miraculo succurratur: *Vīnum non habent.* Nec fuit inefficax apud Christum ipsius supplicatio, nam [ad] intercessionem ipsius magno miraculo magnam vīni copiam providit, sex hydrias plenas, quae singulae capiebant metretas binas vel ternas. Metreta autem continet decem congios, congius autem sextarios sex, sextarius vero duas heminas, hemina libram liquoris appendit, libra sex ciatos, ciatus autem duas uncias liquoris; quare metreta una continet sexaginta sextarios, heminas autem sive libras centum viginti. Quam magnam ergo vīni copiam dedit Dominus ad Virginis intercessiōnem, cum sex hydriae caperent singulae metretas binas vel ternas! Concessit quindecim circiter vīni metretas, dicere possumus sex dolia vīni; nam hydriae adeo magnae erant, quod vinum inde non effundebatur, sed hauriebatur: *Haurite nunc, et ferte,* ait, *architriclino.* Sua igitur intercesſione Virgo Beatissima iis, qui benevolentiae causa eam cum Christo ad nuptias invitaverant, magnum operata est, obtinuitque beneficium et perfectum, nam vīnum erat optimum. Et non requisita intercessit; sed prudētia sua, praevidens necessitatem, providit quod opus erat sua benignitate.²²

Maria vita,
dulcedo, spes
qua Mater
misericordiæ.

Magnum mira-
culum vīni in
nuptiis.

16) Mc 10, 47.

17) Lc 17, 13.

18) Cf. Io 9, 1 sqq.

19) Cf. ibid. 5, 1-16.

20) Mc 8, 2.

21) Lc 7, 13.

22) Cf. Io 2, 1-12. De mensuris, de quibūs Auctor

loquitur, videsis Forcellinum.

Beati qui
Virginem colunt.

IV. O beatos, qui erga Virginem hanc divinissimam benevoli sunt,
pio sunt animo, devoti sunt! Agit enim cum ipsis, sicut amantissima mater
cum dilectissimis filiis carissimisque pignoribus, quoniam vere Mater mi-
sericordiae est. Mater autem, visceribus pietatis ipsaque natura mota, filiis
suis et praevidet et providet quaecumque necessaria sunt.

SERMO QUARTUS

DE VIRGINE DEIPARA ADVOCATA NOSTRA

*Ad te clamamus exules filii Evaе, ad te suspiramus
gementes et flentes... Eia ergo, advocata nostra.*

I. Recurrit sancta Ecclesia in necessitatibus suis, quandiu versatur in hac lacrimarum valle, ad Virginem Beatissimam, Matrem misericordiae, tanquam ad suam apud Deum patronam et advocatam: *Eia ergo, advocata nostra.* Est quidem Christus Dominus, mediator Dei et hominum, advocatus noster apud Patrem: *Ego rogabo Patrem, et alium Paraclitum dabit vobis.*¹ *Advocatum habemus apud Patrem, Iesum Christum iustum.*² *Christus Iesus qui mortuus est pro nobis... qui est ad dexteram Patris, qui etiam interpellat pro nobis,*³ sicut Moyses in monte pro populo.⁴ Dicitur autem a Ioanne Christus *advocatus iustus*, quoniam advocatus vir probus est dicendi peritus.^{4a} Sicut autem Christus advocatus noster est apud Patrem, ita Virgo Beatissima advocata nostra est apud Christum omnipotentem Filium.

Christus adv
ocatus, Maria
advocata nostra.

II. Et certe magni refert apud regem optimum habere advocatum, patronum, protectorem. Joseph advocatus fuit apud Pharaonem pro fratribus suis, et quidem optimus, obtinuit a rege pro fratribus quidquid petiit.⁵ Regina Esther optima fuit advocata pro Iudeis, obtinuit quidquid voluit.⁶

Magni refert
habere pro se
advocatum.

1) Io 14, 16. 2) 1 Io 2, 1. 3) Rom 8, 34. 4) Cf. Ex 32, 7 sqq. 4a) Ita M. Cato apud Quintil. *Inst. Orat.* lib. 12, cp. 1, prope initium. Edit. Lugduni 1536. 5) Cf. Gn 47 1-12, 6) Cf. Est cпп. 5 et 7.

Ita etiam apud Deum, Regem omnipotentem, habere optimum advocatum maximi refert christiana reipublicae totique mundo. Est autem Christus apud Deum optimus advocatus, sicut Ioseph apud Pharaonem, infinitis partibus melior Moyse, qui tamen apud Deum magnam vim habebat, et Deum quodammodo cogebat ut postulata concederet.^{6a} Virgo autem Beatissima apud Christum optima pro nobis advocata est, sicut Esther apud Assuerum pro gentilibus suis, sicut Bethsabee apud regem David pro filio Salomone; tam sapienter enim oravit, quod Salomoni filio regnum obtinuit ut Davidi in regno atque imperio totius Israelis succederet.⁷ Magni refert clientibus advocatum habere vere amantem sicut pater, sicut mater diligit filios; amor enim verba suggerit ad movendum et persuadendum efficacissima, maxime cum agitur de re gravi. Bethsabee optimam egit advocatam apud Davidem pro Salomone dilectissimo filio; at non sic apud Salomonem pro Adonia, petens Abisag reginam illi in uxorem; nam potius ad iram provocavit Salomonem, ita ut nedium petitam uxorem non dederit, sed vita eum privaverit.⁸

Qualitates
advocati plenis-
sime in Christo
et in Maria.

III. Requiritur in advocate primo quidem sapientia dicendique peritia et gratia, hinc mulier Thecuitis, quae advocate egit pro Absalom apud regem David, sapientiae [ratione] commendatur;⁹ deinde vero probitas, diligentia, caritas erga clientes suos, nam, si haec desit, non intendit nervos, non effundit ingenii fontes, non adhibet vivacitatem spiritus et energiam, languida erit oratio; tandem vero gratia et favor apud principem apud quem orat, ut non habeat principem iratum, infensem, male affectum, ut apud principem bonae sit exsistimationis, illique non sit ingratus. Quod si familiaris fuerit, amicus intimus, agaturque de causa vel iusta, vel pia, obtinet quod petit; si de principe optime meritus est, sicut fuit Ioseph apud Pharaonem, nihil non obtinet.

Talis advocate Christus est apud Patrem omnipotentem, talis Virgo Beatissima apud omnipotentem Filium. Mulier sapientissima est, optima, nostri amantissima, sicut Esther Assuero. O qualem habemus advocate apud Christum, de quo, ut mater optima, optime merita est! Vel nutibus omnia potest. Advocate egit in nuptiis in Cana Galilaeae, paucissimis verbis usa fuit, sed efficacissimis; duo tantum verba dixit: *Vinum non*

6a) Cf. Ex 32, 7-14.

7) Cf. 3 Rg 1, 11-40.

8) Ibid. 2, 13-25.

9) Cf. 2 Rg 14, 1 sqq.

habent, nihil aliud; et obtinuit sex hydrias, multas metretas vini optimi praestantissimi magno miraculo.¹⁰ Cum regina Bethsabee abiit ad regem Salomonem ad petendam gratiam pro Adonia, honoravit eam Salomon tanquam matrem optimam, surrexit de throno in occursum illius, adoravit eam, sedere eam fecit ad dexteram suam, et dixit: *Pete, mater mea; neque enim fas est ut avertam faciem tuam*,¹¹ idest, ut negem quae postulas, ut repulsam patiaris, ut contemnam praesentiam tuam, sicut suscipere faciem est honorare alicuius praesentiam in Sacris Litteris; nam facie vocabulo utuntur Hebraei, sicut nos Itali maiestatis, celsitudinis, excellentiae, reverentiae et similibus. Sicut igitur multis modis Salomon sapientissimus matrem honoravit, ita Christus Dominus Virginem Beatissimam honorat in coelo coram Angelis Dei.

IV. Quam grata autem sit advocata haec nostra Domino, expressit Angelus, dum eam gratia plenam dixit, et quod invenit gratiam apud Deum;¹² sed ipse etiam Dominus in *Canticis: Ostende... faciem tuam, sonet vox tua in auribus meis; vox enim tua dulcis, et facies tua decora.*¹³ Omnium quidem sanctorum animarum oratio grata Deo est, sed Virginis Beatissimae oratio super omnia gratissima est, ita ut nihil ab omnipotente Deo non obtineat. Si enim reginae Esther ait Assuerus: *Pete a me quod vis, et dabo tibi, licet dimidium regni mei,*¹⁴ eo quod eam valde diligeret; cum igitur Christus infinitis pene partibus ardentius Virginem diligat, quam rex Assuerus Esther, quid dicet, aut aget cum ea, cum ad interpellandum pro Ecclesia ad ipsum accedit?

Praesertim
qualitas gratiae
et favoris apud
Deum est in
Maria.

10) Cf. Io 2, 1-12.

11) 3 Rg 2, 19-20.

12) Lc 1, 28, 30.

13) Ct 2, 14.

14) Est 5, 3. Vulg. habet: *Etiam si dimidiā partem regni mei petieris, dabitur tibi.*

SERMO QUINTUS

DE VIRGINE DEIPARA SUMMA ADVOCATA NOSTRA

Eia ergo, advocata nostra, illos tuos misericordes oculos ad nos converte, et Iesum benedictum fractum...

Magnum beneficium synagogae Moyses, Aaron et Maria, quia advocati inter Deum et populum iudaicum.

I. Inter magna beneficia, quae Deus per Michaeam recenset praestitisse se populo suo, quem de Aegypto eduxit, singulariter unum veluti omnium maximum recenset, dicens: *Misi ante faciem tuam Moysem et Aaron et Mariam:*¹ Moysem ducem et principem divinumque legislatorem, Aaronem sacerdotem magnum summumque pontificem, Mariam prophetissam populi veluti matrem. Haec autem singulariter in Divinis Litteris prophetissa dicta est, et prima omnium quam legimus Divino Spiritu afflatam: *Sumpsit Maria, soror Aaron prophetissa, tympanum in manu sua, egressaeque sunt omnes mulieres post eam cum tympanis et choris, quibus praecinebat, dicens: Cantemus Domino, gloriose enim magnificatus est; equum et ascensorem deiecit in mare.*²

Praincipium autem munus prophetae est advocatum esse hominum apud Deum, cum enim primo legimus prophetam in Sacris Litteris, hoc munus ipsius legimus; sic enim Deus ad Abimelech regem dixit de Abrahamo: *Orabit pro te, quia propheta est, et vives;*³ postea vero, orante Abraham, sanavit Deus Abimelech.^{3a} Sic Prophetae omnes sequestres erant et mediatores, advocati hominum apud Deum; sic Moyses in monte,⁴ sic Aaron ingrediens in sanctum sanctorum.⁵ Hoc vere magnum divinumque

Abraham pro
Abimelech,

1) 6, 4. 2) Ex 15, 20-21. 3) Gn 20, 7. Vulg. habet: *Quia propheta est; et orabit pro te, et vives.* 3a) Cf. ibid. 20, 17. 4) Cf. Ex 32, 7 sqq. 5) Cf. Ex 28, 38; Hebr 9, 7.

beneficium ut populus apud Deum haberet tres optimos advocatos et patronos, Moysem, Aaron et Mariam. Multos etiam postea habuit patronos et advocatos. Nam cum cognovisset universus Israel quod fidelis Samuel propheta esset Domini, ingruente necessitate et in periculo constituti, ad eum recurrebant, ut pro ipsis oraret ad Dominum.⁶ Sic Ezechias rex, videns civitatem obsessam ab exercitu Sennacherib, misit ad Isaiam prophetam ut oraret ad Dominum.⁷ Sic Prophetae omnes interpres Dei erant ad homines, divina referentes oracula, et advocati hominum apud Deum. Singularissimi autem omnium in synagoga fuerunt Moyses, Aaron et Maria.

Samuel pro
Israel et Isalas
pro Samaria.

II. Ecclesia autem sancta, cum innumeros habeat in coelo patronos et advocatos, duos tantum habet singularissimos: Christum, qui simul summus est princeps ut Moyses, et sacerdos ut Aaron, rex et sacerdos ut Melchisedech: *Advocatum habemus apud Patrem;*⁸ post Christum vero Mariam, quae propterea dicta est prophetissa, ut apud Isaiam legimus: *Accessi ad prophetissam, et... peperit filium;* illam dicit prophetissam, de qua prius dixerat: *Ecce Virgo concipiet et pariet filium.*⁹ Fuisse autem eam veram prophetissam Canticum ipsius luce clarius ostendit: *Ecce enim ex hoc beatam me dicent omnes generationes.*¹⁰ Cum autem proprium prophetae munus sit Deum orare, et pro hominibus apud Deum advocatum et patronum agere, Maria propterea dicta est prophetissa, [quia] advocata nostra est.

Maximum bene-
ficium Ecclesiae
Virgo Deipara
quia advocata
summa
inter Deum et
Christianos.

Fuit quidem Maria soror Moysis prophetissa nobilissima, dux et princeps omnium sanctorum mulierum, sicut frater ipsius princeps summus totius populi; sed ut imago quaedam esset divinissimae huius prophetissae quae princeps est omnium sanctorum animarum, Sanctorum omnium sanctissima, quae nunquam, sicut illa, lepra respersa fuit,¹¹ nulla unquam peccati vel minimi macula infecta. Illa virgo habetur, quoniam non legitur ipsius coniugium; haec autem Virgo purissima semper virgo est, corona virginum: *Adducentur regi virgines post eam, proximae eius afferentur... in laetitia et exultatione.*¹² Sic igitur synagogae magnum Dei donum et beneficium fuit Maria soror Moysis; quale beneficium Ecclesiae existimanda est Maria, Mater Christi, divinissima haec prophetissa?

6) Cf. 1 Rg 3, 20; 7, 7-8.

7) Cf. Is 37, 1 sqq.

8) 1 Io 2, 1.

9) Is 8, 3; 7, 14.

10) Lc 1, 48.

11) Cf. Nm 12, 10.

12) Ps 44, 15-16.

Oratio advo-
catae Deiparae
super omnes
orationes
Sanctorum
Deo gratissima.

Simile: odor
incensi et sonus
musicæ.

Simile: vinum
optimum.

III. Sunt quidem Sanctorum omnium orationes Deo carae et supra modum gratae. Hinc legimus quod *viginti quatuor seniores* stantes coram Deo habebant in manibus *citharas et phalias... plenas odoramentorum, quae sunt orationes Sanctorum;*¹³ et iterum quod stetit Angelus Domini iuxta aram... *habens thuribulum aureum, et data sunt illi incensa multa ut daret de orationibus Sanctorum omnium super altare aureum, quod est ante thronum Dei.*¹⁴ Alludit ad altare aureum incensi in antiquo sanctuario, ubi a sacerdote adolebatur Domino thymiana odoris suavissimi;¹⁵ ad quod alludens Regius Vates, ait: *Dirigatur, Domine, oratio mea, sicut incensum in conspectu tuo.*¹⁶ Erat illud incensum odoratissimum simul et pretiosissimum; hinc iussit Deus ut supra altare aureum adoleretur, nec nisi a sacerdote poterat aduleri.¹⁷ Designatur gratas esse Deo Sanctorum orationes, sicut homini suavissimus odor et sicut musica. Hinc ait Ioannes quod audivit in coelo vocem laudantium Deum sicut vocem citharoedorum citharizantium;¹⁸ hinc cum musicis instrumentis laudabatur Dominus in templo,¹⁹ et David cum cithara divinos Psalmos canebat,²⁰ ut sciamus orationem Deo suavissimam esse harmoniam. Sic seniores habebant citharas in manibus et phalias aureas plenas odoramentorum. Pretium etiam orationis ostenditur, et quanti fit a Deo, dum in vasis aureis offertur.

Sed quam grata Deo sit Beatissimae Virginis Matris oratio, quis unquam vel mente vel verbis assequatur? Hoc in *Canticis* saepe indicatur: *Ostende mihi faciem tuam, sonet vox tua in auribus meis, vox enim tua dulcis et facies... decora nimis.*²¹ *Sicut vitta coccinea labia tua, et eloquium tuum dulce;*²² *favus distillans labia tua, soror mea sponsa, mel et lac sub lingua tua.*²³ Et adhuc: *Guttur tuum sicut vinum optimum, dignum dilecto meo ad potandum, dentibusque et labiis ipsius ad ruminandum;*²⁴ hebr.: *Guttur tuum sicut vinum bonum quod defluit dilecto meo quam directissime, loquens labiis dormientium;* idest, sermo tuus tam suavis mihi est, quam suave esse solet amico vinum optimum, quo epoto, veluti balbutiendo instar dormientium loquitur, nam vinum optimum mentem etiam sicut somnus alienat. Indicatur autem quod Sponsae Virginis oratio summam habet apud Deum efficaciam.

13) Apc 5, 8. 14) Ibid. 8, 3. 15) Cf. Ex 30, 7-10. 16) Ps 140, 2. 17) Cf. Ex loc. cit.

18) Cf. Apc 14, 2. 19) Cf. 1 Par 25, 6. 20) Cf. 2 Rg 23, 1 ubi *Psalmes Israel* dicitur; Ps 42, 4; Ps 70, 22. 21) 2, 14. 22) 4, 3. 23) 4, 11. 24) 7, 9. Vulg. habet: *Labiisque et dentibus illius.*

Oratio advo-
catae Deiparae
pro nobis
continua est.

IV. Quoniam autem in mundo hoc Virgo Beatissima sanctitati studuit et orationi, propterea in *Canticis* dicitur mons myrrhae et collis thuris: *Vadam ad montem myrrhae et ad collem thuris. Tota pulcra es, amica mea, et macula non est in te.*²⁵ Designat myrrha^{25a} incorruptam vitae sanctitatem, thus autem orationem. Quod si in hac vita Virgo Beatissima perpetuo operam dedit studio sanctae orationis, quid agere eam in coelis censendum est? Ipsa tabernaculum et templum Domini dicta est,²⁶ templum autem domus Dei, domus orationis est;²⁷ ipsa igitur perpetuo orat apud Deum. Sed pro quibus orat? Non pro Filio, quia bonorum nostrorum non indiget;^{27a} non pro se, quia iam beatissima est; non pro Angelis et Beatis, qui sunt in paradyso, quia iam Deo, infinito bonorum omnium thesauro, fruuntur. Non potest ergo nisi pro nobis orare, mater pro filiis adhuc in periculis constitutis.

V. Sed, o beatos illos, qui vera animi devotione feruntur in Virginem. Mater quidem est omnium, sed tamen praecipua quadam caritate prosequitur eos, qui in ipsam intima cordis devotione feruntur. Rebecca mater erat Esau sicut et Iacob, sed tamen hunc magis dilexit et benedictionem paternam ei procuravit, quoniam ipse Iacob matrem multo magis diligebat et venerabatur, quam Esau; ille nanque venatione delectabatur, hic autem, non ut ille ferus, sed lenis et mitis, domi libenter manebat cum matre; hinc magnam pietatis retributionem accepit.²⁸

Beati qui vera
animi devotione
feruntur in
Virginem, quia
ipsa est causa
omnium bene-
ficiorum Del.

Misi ante faciem tuam Moysem, Aaron et Mariam. Multa et quidem magna beneficia praestita recensere praetermittit: quod mare divisit, quod manna pluerit de coelo, quod aquam de petra dederit, quod serpentem exaltaverit, quod hostes prostraverit, quod legem de coelo dederit aliaque innumera; et hoc singulariter commemorat, quod Moysem, Aaron et Mariam miserit, plane, quod hoc in causa extiterit aliorum. Sic Maria post Christum maximum Dei beneficium est universalis Ecclesiae, beneficium beneficiorum, quo maius excogitari non potest, cum apud omnipotentem Deum pro nobis omnia possit; et, sicut Deo non deest velle aut posse concedere omne bonum, ita nec Virgini Deiparae posse aut velle deest intercedere.

25) 4, 6-7.

56, 7; Lc 19, 46.

25a) Ms.: *Myrrham.*

27a) Cf. Ps 15, 2.

26) Cf. Ps 45, 5 ex locis parallelis.

28) Cf. Gn cпп. 25-27.

27) Cf. Is

SERMO SEXTUS

DE DUODECIM TITULIS SANCTISSIMI MARIAE NOMINIS

O clemens, o pia, o dulcis Virgo Maria.

Habemus in hoc salutari cantico Deiparae nomen decem titulis ornatum. Nomen ipsius Maria est, tituli vero decem: regina, mater misericordiae, vita, dulcedo, spes nostra, advocata nostra, clemens, pia, dulcis, virgo. Quibus adhuc duo alii addi possunt: misericordes oculos; sicut Christus, cum vidisset viduam flentem ob mortem unici filii, misericordia motus illam consolatus fuit: *Noli flere, filiumque defunctum suscitavit;*¹ ac etiam Arbor vitae: *Iesum benedictum fructum ventris tui nobis post hoc exilium ostende.* Ubi ad illud Elisabeth alluditur: *Benedicta tu in mulieribus et benedictus fructus ventris tui.* Et unde hoc mihi ut... Mater Domini mei, etc.² Sic ex his duodecim titulis veluti corona stellarum duodecim composita est, quibus coelestis mulier sole amicta visa fuit a Ioanne in coelo coronata.³

1) Cf. Lc 7, 11-17. 2) Ibid. 1, 42-43. Vulg. habet: *Benedicta tu inter mulieres.* 3) Cf. Apc 1, 21.

SECUNDA PARS

SERMONES

DE FESTIS BEATAE MARIAE VIRGINIS

1. - In Conceptionem Immaculatam – Sermones undecim.
 2. - In Purificationem – Sermones sex.
 3. - In Visitationem – Sermones duo.
 4. - In Festum B. M. ad Nives – Sermones duo.
 5. - In Assumptionem - Sermones tres.
-

1.

IN CONCEPTIONEM IMMACULATAM

SERMONES UNDECIM

SERMO PRIMUS

DE CONCEPTIONE IMMACULATA IN GENERE

*Iacob autem genuit Ioseph, virum Mariae, de qua
natus est Iesus, qui vocatur Christus.¹*

I. Celebramus hodie, fratres, festum immaculatae, purissimae sanctissimaeque conceptionis Deiparae Virginis, quae ab Evangelista Matthaeo ex abrupto introducitur, sed in altissimo dignitatis gradu constituta: *Genuit Ioseph, virum Mariae, de qua natus est Iesus qui vocatur Christus.*

Sacer Evangelista, quaenam, quaeso, haec Maria? Ex quo genere orta? Ex quibus parentibus procreata? Quo loco? Quo tempore nata? Quae illius fortuna? Qui mores? Qualis vita? Unum hoc, inquit, sufficiat scire de ea, quod fuit Sponsa Dei et Mater Christi, Unigeniti Filii Dei: *De qua natus est Iesus qui vocatur Christus.*

Deus, creator omnium, omnipotens est, Sponsam, qualem voluit, elegit, formavit sibi; Christus similiter Deus, ^{1a} Deo Patri consubstantialis et coaequalis, Matrem ipse sibi elegit, formavit, prout voluit creavit. Cogitate quid Deus sit, quid possit, quid velit, quid deceat tantae Maiestati; deinde quod

Sanctissimam
domum Divinitatis Mariam
Deus supra
firmam petram
gratiae et
virtutis, et non
super arenam
peccati originalis
fundavit.

1) Mt 1, 16. Nunc Evangelium festi immaculatae conceptionis est: *Missus est*, etc. Lc 1, 26-28.
1a) Ms.: *Dei.*

Maria vera sit Sponsa Dei, vera et naturalis Mater Christi, Unigeniti Filii Dei vivi et veri, Dei omnipotentis: *De qua natus est Jesus qui vocatur Christus*; de qua egressus est sol iustitiae: *Ipse tanquam sponsus procedens de thalamo suo.*² O divinum thalamum!

Sapiens architectus Deus

In creatione,

in synagoga,

in Ecclesia,

praesertim quoad
arcam Divinitatis Mariam,

fundans eam
in montibus
sanctitatis

Quis fuit domus huius architectus et fundator? *Homo natus est in ea, et ipse fundavit eam Altissimus.*³ Sapiens architectus magnis aedificiis pro fastigii altitudine, iusta proportione et mensura, magna, firma solidaque et in aeternum stabilia fundamenta praeiacit. Sic Paulus ait: *Ut sapiens architectus fundamentum posui;*⁴ sic et Christus: *Omnis... qui audit verba mea... et facit ea, assimilabitur viro sapienti, qui aedificavit domum suam super petram; et descendit pluvia, et venerunt flumina, et flaverunt venti, et irruerunt in domum illam, et non cecidit; fundata enim erat super petram.*⁵ Voluit Deus fundare magnam molem totius naturae universalis, iecit prius stabilia ac perpetua fundamenta: *In principio creavit Deus coelum et terram,*⁶ ex his enim natura omnia procreantur; fundatus synagogam, iecit fundamenta Patriarcharum sanctissimorum; fundatus sacerdotium, fundamenta iecit magna Moysem et Aaronom, totius synagogae illustrissimos principes ac in sacris fundatores optimos: *Moyses et Aaron in sacerdotibus eius;*⁷ fundatus Ecclesiam, fundamenta iecit sanctissimorum Apostolorum: *Superaedificati super fundamentum Apostolorum et Prophetarum, ipso summo angulari lapide Christo Iesu;*⁸ fundamentum Petri: *Tu es Petrus, et super hanc petram aedificabo Ecclesiam meam, et portae inferi non praevalebunt adversus eam;*⁹ imo Christum posuit fundamentum, ut Paulus ait: *Fundamentum... aliud nemo potest ponere praeter id quod positum est, quod est Christus Iesus;*¹⁰ sic semper Deus sapientem architectum se ostendit. Et sacratissimam hanc domum Divinitatis Mariam non ut sapiens architectus supra firmam petram gratiae et virtutis, sed super arenam peccati originalis fundarit? Stultus vir dicitur a Christo, qui fundavit domum suam super arenam.¹¹

Ipse fundavit eam Altissimus. Sed quomodo fundavit eam? *Fundamenta eius in montibus sanctis,*¹² sive, ut est in hebreo, *in montibus sanctitatis.* Divinum tabernaculum a Moyse fundatum fuit super bases argenteas sicut in *Exodo* legimus.¹³ Salomon ex pretiosis lapidibus fecit divini templi

2) Ps 18, 6.

3) Ps 86, 5.

4) 1 Cor 3, 10.

5) Mt 7, 24-25.

6) Gn 1, 1-7.

7) Ps 98, 6.

8) Eph 2, 20.

9) Mt 16, 18.

10) 1 Cor 3, 11.

11) Cf. Mt 7, 26.

12) Ps 86, 5.

13) Cf. Ex 36, 24 sqq.

fundamenta,¹⁴ quoniam, ut pater eius dixerat, non homini sed Domino Deo habitatio praeparabatur.¹⁵ De coelesti Ierusalem ait Ioannes in *Apocalypsi* quod non solum muri erant ex auro et portae ex lapidibus pretiosis, verum etiam quod fundamenta erant omni lapide pretioso ornata.¹⁶ Quam ob causam? Quia: *Ecce tabernaculum Dei cum hominibus, et habitavit cum eis.*¹⁷ O mirabile fundamentum! Maria divinum habitaculum est a Deo fundatum, divinum habet fundamentum: *Sapientia aedificavit sibi domum, excidit columnas septem,*¹⁸ hoc est, super septem firmissimas columnas fundavit eam. Quid sunt autem hae septem columnae, nisi divinae virtutes et Spiritus Sancti dona coelestiaque charismata in fundamento divinae huius domus?

super septem
firmissimas
columnas do-
norum Spiritus
Sancti.

II. Tres Dei habitationes legimus in Sacris Litteris: una fuit tabernaculum Moysis,¹⁹ altera tabernaculum David, quod in suo regali palatio praeparaverat religiosissimus rex in Ierusalem,²⁰ tertia templum Salomonis.²¹ Nec sine mysterio. Nam primo quidem domus Dei Ecclesia est, de qua Paulus ad *Timotheum*: *Scias quomodo oporteat te in domo Dei conversari, quae est Ecclesia Dei vivi, columna et firmamentum veritatis.*²² Domus Dei Christus, *in quo inhabitat omnis plenitudo Divinitatis.*²³ *Solvite templum hoc...; dicebat autem de templo corporis sui.*²⁴ Sed etiam domus Dei Maria, cui Gabriel Angelus: *Ave, gratia plena, Dominus tecum,*²⁵ de qua Regius Vates: *Sanctificavit tabernaculum suum Altissimus.*²⁶

Sicut Spiritus S.
circa hoc taber-
naculum Divi-
nitatis Mariam,
relinquens
coniiciendum
quam augustum
sit a magnitu-
dine Dei,
et Christi.

Tres habitationes
Dei.

De tabernaculo Moysis, quale fuerit, multa scripta sunt in Sacris Litteris, similiter de templo Salomonis; de tabernaculo autem David nihil penitus, nisi quod levitae introduxerunt arcam Domini et imposuerunt eam in loco suo in medio tabernaculi, quod tetenderat ei David;²⁷ et alibi: *Aedificavit David locum arcae Domini, et tetendit ei tabernaculum,*²⁸ sed in domo sua. Nam, cum audisset quod benedixerat Deus domui Obededom propter arcam Domini, dixit: Ibo et reducam arcam cum benedictione in domum meam.²⁹ Spiritus Sanctus, quale fuerit hoc Davidis tabernaculum, quam ornatum, quam augustum, coniiciendum et intelligendum reliquit ex

David taberna-
culum figura
Mariae.

14) Cf. 3 Rg 5, 17.

15) Cf. 1 Par 29, 1.

16) Cf. 21, 18-21.

17) Ibid. vr. 3.

18) Prv 9, 1.

19) Cf. Ex ccc. 36-38.

20) Cf. 1 Par 15, 1.

21) Cf. 3 Rg 6, 1-38.

22) 1 Tim 3, 15.

23) Col 2, 9.

24) Io 2, 19-21.

25) Lc 1, 28.

26) Ps 45, 5.

27) Cf. 2 Rg 6, 17.

28) 1 Par 15, 1.

29) Cf. 2 Rg 6, 12.

magna regis David cum potentia tum religione et pietate in Deum, qui ad aedificandam domum Dei in impensas paraverat, praeter lapides, marmora, ligna et ferramenta, auri talenta centum millia et argenti mille millia talentorum.³⁰ O miram in Deum liberalitatem! Talentum pondus auri erat centum librarum, si auri talentum erat; similiter pondus centum librarum argenti, si argenteum.^{30a} Et praeter talem tantamque summam auri et argenti, praeparaverat lapides onychinos omnemque pretiosum lapidem et marmor parium abundantissime.³¹ Pro domo Dei aedificanda omnes thesauros suos exposuit, nam aiebat: *Domus..., quam aedificari volo Domino, talis esse debet, ut in cunctis regionibus nominetur.*^{31a} Ex hac igitur animi magnitudine et pietate regis potentissimi et pientissimi intelligendum reliquit quale esset tabernaculum quod praeparaverat Domino talis ac tantus rex tali tantaeque Maiestati.

Sic utique de Ecclesia multa legimus, multa de Christo; de Maria non item. Sed intelligendum ac meditandum reliquit Spiritus Sanctus quam magnum et augustum sit hoc tabernaculum a magnitudine Dei, a quo fuit aedificatum, et a magnitudine Christi, cui a Patre omnipotente et amantissimo fuit, ut par erat, dignissime praeparatum, ut talem tantamque Maiestatem decebat.

Status quaestio-
nis circa
immaculatam
conceptionem
Virginis Auctoris
tempore: liberum
est dogma,
sed, tanquam
pietati magis
consentaneum
et Virginis
magis favorable,
Ecclesia pro-
pendit ut Virgo
credatur sine
peccato con-
cepta.

III. De conceptione aut nativitate Virginis Deiparae nihil penitus litteris consignatum fuit a Sacris Evangelistis. Hinc contestata lis est apud theologos, an Virgo divina concepta fuerit in originali peccato, sicut ceteri omnes filii Adami: *Ecce enim in iniuritatibus conceptus sum, et in peccato concepit me mater mea,*³² an ex speciali gratia et privilegio praeservata fuerit ab illa labe, ne turpem illam maculam contraheret, qua ab immundo spiritu anima in conceptu foedatur et conspurcatur. Controversum est dogma, ac veluti theologicum problema; non est in Sacris et Canonis Scripturis definitum, uti sancta et immaculata Christi conceptio ex divina virtute et Spiritus Sancti operatione; nec in sacris Conciliis divina sacro-sanctae Ecclesiae auctoritate determinatum est, sicut perpetua Deiparae virginitas in partu, etiam et post partum, sicut etiam quod *Theolocos, Deiparens, appellanda sit;* liberum est dogma ut quisquis pro suo arbi-

30) Cf. 1 Par 22, 14-16. 30a) De valore talenti idem sentit Joseph Hebr. *De Antiq. Iud.* lib. 7, cp. 2; alii aliter sentiunt (cf. Vigouroux, *Manual. Bibl.* vol. 1, pag. 345 sqq.). 31) 1 Par 29, 2. 31a) 1 Par 22, 5. 32) Ps 50, 7. *In peccato ex hebr.*

tratu sentiat in hac re quid sibi decentius, rationabilius ac verosimilius visum fuerit, quoniam nec Divinarum Scripturarum nec sacrosanctae Ecclesiae ad item hanc dirimendam intercedit auctoritas; nisi quod in hanc partem, uti pietati magis consentaneum, propendere videtur Ecclesia, ut credatur sine peccato concepta.

IV. Et merito quidem hanc in partem Virgini, ut ita dicam, magis favorabilem propendit universalis Ecclesia. Neque enim fas est credere quod Deus non potuerit ex gratia et privilegio singulari Virginem Deiparam ab illa peccati labo praeservare, nam: *Non erit impossibile apud Deum omne verbum,*³³ dixit ad Virginem Gabriel, sicut et alias Angelus ad Sararam: *Nunquid Deo quicquam est difficile?*³⁴ Qui mundum ex nihilo potuit dicto citius solo voluntatis nutu creare, lucem ex tenebris educere, lunam luce plenam et solem ab initio lucidissimum facere, paradisum deliciarum omni voluptate refertum procreare, hominem ad imaginem et similitudinem suam gratia plenum formare, et mulierem homini simillimam efficere;^{34a} potuit et Virginem gratia plenam omnibusque virtutibus ac coelestibus charismatibus praeditam in utero matris divinitus procreare et praeservare a peccato; sicut liberavit Noe a diluvio,³⁵ Loth ab incendio,³⁶ rubum Moysi a flamma ignis, ne combureretur,³⁷ Moysem ab aquis Aegypti, ne cum ceteris infantibus praefocaretur,³⁸ sicut Rahab ab excidio Iericho,³⁹ Ionam a morte in mari,^{39a} Danielem in lacu leonum,⁴⁰ tres fideles adolescentes ab igne fornicis babylonicae, ubi procul dubio periissent, nisi divinitus ab Angelo coelesti servati non sine miraculo fuissent.^{40a}

Potuit Deus Virginem a communi lege peccati eximere, sicut Henoch⁴¹ et Eliam^{41a} a communi lege mortis, sicut Ioseph in Aegypto terram sacerdotalem a communi tributo,⁴² sicut Assuerus reginam Esther a communi et universalis decreto,^{42a} sicut Augusta ex privilegio non tenetur nec subiacet communibus legibus,⁴³ sicut sacrosancta oecumenica Synodus Tridentina in communibus ac generalibus canonibus et decretis de peccato originali ipsam Virginem includere non intendit,^{43a} sicut Deus ipse Virginem ipsam a communi lege conceptus et partus mulierum exemit, ut sine viro con-

Potuit Deus
Virginem ab
omni peccati
macula
praeservare.

Deus se
praebet
omnipotentem
in creatione,

in populi
israelitici
historia.

Deus derogavit
ali quando legi
universali
mortis,

33) Lc 1, 37.

34) Gn 18, 14.

34a) Cf. ibid. cпп. 1-2.

35) Cf. ibid. 6, 8 sqq.

36) Cf. ibid. 19, 15.

37) Cf. Ex 3, 2.

38) Cf. ibid. 2, 5-10.

39) Cf. Jos 6, 22-25.

39a) Cf. Jon 2, 1-11.

40) Cf. Dn 6, 19-22.

40a) Cf. ibid. 3, 46-50.

41) Cf. Gn 5, 24.

41a) Cf. 4 Rg 2, 11.

42) Cf. Gn 47, 22.

42a) Cf. Est 15, 13.

43) Cf. Cod. Iustiniani,

ff. De Legibus, I. Princeps.

43a) Sessio V De Peccato Orig.

ciperet, et sine dolore pareret, virgoque perpetua carnalis concupiscentiae ardore et libidinis flamas nunquam sentiret.

legi universalis
circumcislonis;

ergo potuit
derogare legi
universalis pec-
cati quoad
Virginem.

Voluit Deus
Virginem a
peccato pre-
servare, quia
honor Dei,
honor Christi,
honor Virginis

Deiparae
hoc requirit.

Hoc requirit
honor Dei,
Sponsi Virginis
amantissimi
virginitatis
spiritus magis
quam corporis.

Dederat Deus Hebraeis communem legem et universale praeceptum circumcisionis;⁴⁴ in deserto tamen, honesta causa et rationi consentanea intercedente, natos infantes a lege illa exemit, neque enim toto spatio quadraginta annorum in deserto circumcisi fuerunt.⁴⁵ Sic potest Deus, auctor omnis legis et omni lege superior, cum ei placuerit, latam solvere legem, sicut in adventu Christi veterem legem solvit atque delevit. Potuit ergo etiam in Maria communem peccati originalis legem solvere et intermittere; neque enim haec singulari privilegio divinas manus adeo obligavit et vinxit, ut eam solvere nullo modo posset, nullaque unquam ratione, honestissima licet intercedente causa, violare. Deus enim summus est imperator, summus monarcha, nullis omnino tenetur legibus: *Omnia quaecumque voluit Dominus fecit in coelo et in terra.*⁴⁶ Potuit igitur Virginem benedictam ab omni peccati macula praeservare.

V. Nec tamen potuisse statuendum est, quod nemini dubium esse potest, nisi omnino desipiat, verum etiam voluisse; decebat enim, sicut scriptum est: *Domum tuam... decet sanctitudo... in longitudine dierum.*⁴⁷ Hinc divino mandato intra sanctuarium Domini nihil penitus unquam admittebatur immundum; ⁴⁸ sicut etiam legimus quod nemo indutus sacco, idest, sordido vilique vestimento, intrare poterat aulam regis Assueri,⁴⁹ et quemadmodum de coelesti Ierusalem dixit Ioannes quod *non introibit in eam aliquid coquinatum*;⁵⁰ Deus enim summus est impuritatis osor, summus puritatis amator.

Decebat propter honorem Domini, sicut Augustinus contra Pelagianos ait: « Cum de peccatis agitur, de sancta Virgine Maria propter honorem Domini nullam prorsus habere volo quaestionem ». ⁵¹ Sacerdos magnus et pontifex, synagogae totius hierarcha, secundum legem non poterat uxorem ducere mulierem defloratam, sed tantum virginem de populo suo;⁵² et Deus Mariam sibi despontarit a satana violatam ac defloratam? virginem quidem carne, spiritu autem minime? ut satana obgannire posset et dicere tum Deo tum Christo: An non ego Mariam per originale peccatum

44) Cf. Gn 17, 10; Lv 12, 3.

Vulg. habet: *Longitudinem.*

50) Apc 21, 27.

45) Cf. Jos 5, 6.

48) Cf. Lv 12, 4; 21, 16-22; 22, 19-24.

51) *De Natura et Gratia* cp. 36. (P. L. 44, 267).

46) Ps 134, 6.

49) Cf. Est 4, 2.

47) Ps 92, 5.

52) Cf. Lv 21, 13-14.

mihi servam violavi, floremque virginalis innocentiae ex eius anima ego non legi? Si Deus, qui spiritus est,^{52a} tanti fecit corporalem virginitatem, ut eam omnino incorruptam et perpetua virginitate florentem voluerit, et in finem usque servaverit; cur spiritualem virginitatem contempserit, ut a satana eam violare permiserit?

Et quidem Virgo ipsa virginalem puritatem tanti faciebat, ut maternitati Dei, quae summa et infinita dignitas est, eam anteferret, malletque virgo permanere, quam Dei Mater esse cum virginitatis iactura. Hinc dicenti Angelo: *Invenisti... gratiam apud Deum; ecce concipies in utero et paries filium, et vocabis nomen eius Iesum; hic erit magnus et Filius Altissimi vocabitur,*⁵³ non statim assensit talibus tantisque mota divinis promissis, sed: *Quomodo, inquit, fiet istud, quoniam virum non cognosco?*⁵⁴ Videtis quam cara est Mariae virginalis puritas! Non praebuit Gabrieli assensum, nisi postquam audivit: *Spiritus Sanctus superveniet in te, et virtus Altissimi obumbrabit tibi...; quod enim ex te nascetur Sanctum, vocabitur Filius Dei;*⁵⁵ tunc Angelo assensa fuit, cum certo cognovit integra et illibata virginitate Unigenitum Dei Filium mundo paritum. Quod si Virgo prudentissima et sapientissima tanti fecit corporalem puritatem floremque virginitatis; quid de spirituali, quae multo praestantior est Deoque et Angelis similior, sentiendum?

Honestas dici solet mulierum honor; corporalis honestas honor est apud homines, spiritualis apud Deum. Cur censeamus Virginem honore hoc apud Deum privatam fuisse? Nam si originale peccatum contraxit, violata a satana fuit. Non habet ergo apud Deum spiritualis virginitatis honorem, quem Eva habuisset, si, antequam peccaret, in coelum translata fuisset.

Honor igitur Dei, honor Christi, honor Virginis Deiparae requirit ut eam sicut corpore, sic etiam anima et spiritu virginem omnino puram, illibatam, inviolatam existimemus, et utriusque virginitatis florem et honorem ei tribuamus.

Dignus est omni honore Christus. Pater autem, qui pro dignitate eum gloria et honore coronavit, et constituit eum super opera manuum suarum, ac omnia subiecit sub pedibus eius,⁵⁶ sicut omnipotens est, ita ut nullum non possit Filio praestare honorem; ita erga eum infinita est caritate af-

Hoc requirit
honor Virginis
utriusque
puritatis
amantissimae.

Hoc requirit
honor Christi
Virginis Filii.

52a) Cf. Io 4, 24.
Nascetur ex te, etc.

53) Lc 1, 30-32.
56) Cf. Hebr 2, 7-8.

54) Ibid. 1, 34.

55) Ibid. 1, 35. Vulg. habet:

fectus, ut omnem pro dignitate et merito praestare velit: *Hic est Filius meus dilectus in quo mihi bene complacui*,⁵⁷ ait tum in Iordane, tum in monte sancto, cum Christum gloria divina decoravit. Sic Deus Christum humilem pro nobis factum *exaltavit*, sive, ut graece est, *superexaltavit*, et dedit illi nomen, quod est super omne nomen,⁵⁸ idest, honorem et gloriam super omnem honorem et gloriam. Pertinebat autem ad Christi honorem, ut de matre nasceretur virgine corpore et spiritu omnino inviolata.

Divinae Litterae
non semper,
dum generaliter
loquuntur, in ea
generalitate
omnes et sin-
gulos includunt.

VI. Propendit etiam sacrosanta universalis Ecclesia in hanc sententiam immaculatae conceptionis Virginis Matris Dei, quoniam Sacris Litteris conformis et consentanea non minus quam rationi est. Videntur quidem Divinae Litterae generalibus quibusdam enunciationibus, quibus a peccato neminem excipiunt, Mariam quoque sub communi lege peccati inclusam involutamque enunciare: *Nemo mundus a sorde*;⁵⁹ *In quo omnes pecca- verunt*;⁶⁰ sed tamen scitum est familiare esse Divinis Scripturis generaliter loqui, nec tamen in ea generalitate, ut ita dicam, omnes et singulos includunt.

Legimus quod *omnis... caro corruperat viam suam*,⁶¹ nec tamen Noe; ^{61a} quod *omnes declinaverunt, simul inutiles facti sunt; non est qui faciat bonum*,⁶² nec unus quidem, et tamen multi semper iusti in Ecclesia Dei extitere; *omnis homo mendax*,⁶³ et tamen Prophetae et Apostoli veraces; *omnes avaritiam sequuntur*,⁶⁴ et tamen multi pauperes spiritu; *omnes... quae sua sunt quaerunt, non quae Iesu Christi*,⁶⁵ et tamen multi caritate praediti, quae non quaerit quae sua sunt;⁶⁶ *confluent ad eum omnes gentes*,⁶⁷ et tamen multae nationes in Christum minime credunt; *effundam spiritum meum super omnem carnem*,⁶⁸ et tamen multi carnales et animales non percipientes *quae sunt spiritus Dei*;⁶⁹ *vult omnes homines salvos fieri*,⁷⁰ multi tamen pereunt, multis dicet: *Ite, maledicti, in ignem aeternum*.⁷¹ Quid mirum ergo si a generali illa enunciatione: *In quo omnes peccaverunt, una excipiatur Virgo?* Sine expresso Divinae Scripturae testimonio excipitur Virgo ab omnibus theologis uno ore a generalibus enunciationibus actualium peccatorum: *Omnes nos sicut oves erravimus*,

57) Mt 3, 17; 17, 5. 58) Phil 2, 9. Vulg. loc.: *Dedit*, habet: *Donavit*.

textu hebr.

60) Rm 5, 12.

61) Gn 6, 12. 61a) Cf. ibid. 6, 9.

59) Job 14, 4. Ex

62) Ps 13, 3.

63) Ps 115, 2.

64) Jer 8, 10. 65) Phil 2, 21.

66) 1 Cor 13, 5.

67) Is 2, 2. Vulg.

habet: *Fluent*.

68) Joel 2, 28.

69) Cf. 1 Cor 2, 14.

70) 1 Tim 2, 4.

71) Mt 25, 41. Vulg. habet: *Discedite a me*, etc.

*unusquisque in viam suam declinavit; ⁷² In multis... offendimus omnes; ⁷³ Omnes declinaverunt, simul inutiles facti sunt; Non est... homo... qui faciat bonum, et non peccet; ⁷⁴ Septies in die cadit iustus; ⁷⁵ Omnes iustitiae nostrae sicut pannus mulieris menstruatae; ⁷⁶ cur ergo absque expresso Scripturae testimonio eximi non potest a communi enunciatione peccati originalis? Nam illi quoque sicut et isti communes sunt, universales, generales canones neminem excipientes. Quod si a generali illa enunciatione Paulus expresso verbo Virginem non exceptit, neque ab alia generali: *In omnes homines mors pertransiit,* ⁷⁷ exemit Enoch et Eliam; ac propterea censendi sunt diem obiisse?*

VII. At vero, licet in generalibus propositionibus inclusa videatur, dum tamen singulariter Divinae Litterae de Virgine Matre Dei sermonem habent, nullam penitus de peccato faciunt mentionem, sed tota immaculata praedicatur: *Tota pulcra es tu amica mea, et macula non est in te.* ⁷⁸ *Unica est columba mea, immaculata mea.* ⁷⁹ Hinc aurorae, idest, matutinae stellae, quae nunquam maculam novit, lunae plenae, quae sic a Deo creata fuit, soli purissimae lucis et candoris ab initio comparatur, prospicitur *quasi aurora consurgens, pulcra et luna, electa ut sol.* ⁸⁰ Num aliquando maculam aliquam obscuritatis et tenebrarum habuit lucidissimus sol? Hinc a Ioanne *muller sole amicta* dicitur et *luna sub pedibus eius.* ⁸¹ Quid luna haec plena instar basis sub pedibus Mariae, nisi quod tota in plenitudine gratiae fundata fuit? Paradisus deliciarum fuit: *Hortus conclusus, soror mea sponsa, hortus conclusus, fons signatus, emissiones tuae paradisus;* ⁸² sed ille divinitus plantatus fuit in terra nulli maledicto obnoxia. ^{82a} Lilio comparatur, flori pulcherrimo, sive rosae, nam *susan* hebraice utrumque significat: *Sicut lilium, sive rosa, inter spinas, sic amica mea inter filias.* ⁸³ Oritur quidem rosa ex spinis, sed absque ulla spina, tota pulcra, odorata, suavis; sic Maria ex peccatoribus orta est, sed sine peccato, tota similis Christo, sicut Eva Adamo. ^{83a}

Sine peccato Adam formatus fuit, totus purus, innocens, sanctus; erat enim, ut Paulus ait, *forma futuri,* ⁸⁴ idest, Christum praefigurabat; simi-

Cum tamen
S. Litterae
de Virgine ser-
monem habent,
nullam penitus
de peccato
faciunt
mentionem, sed
totam immacu-
latam praedicant
innumeris
figuris.

Figuræ
inanimatae.

Figuræ
animatae.

72) Is 53, 6. 73) Iac 3, 2. 74) Eccle 7, 21. 75) Prv 24, 16. 76) Is 64, 6. Vulg.

habet: *Et quast pannus menstruatae universae iustitiae nostrae.*

77) Rm 5, 12.

78) Ct 4, 7. 79) Ibid. 6, 8. *Immaculata ex hebr.* 80) Ibid. 6, 9. 81) Cf. Apc 12, 1.

82) Ct 4, 12-18. 82a) Cf. Gn 2, 8. 83) Ct 2, 2. 83a) Cf. Gn 2, 18. 84) Rm 5, 14.

liter Eva divinitus fuit efformata tota pura et sancta mente et corpore, virgo illibata; sicut autem Adam Christi fuit divina quaedam imago, ita plane Eva Virginis Deiparae. Mulier, quam praeparaverat Dominus filio Abrahami, virgo erat pulcherrima et incognita viro;⁸⁵ cur haec, quam praeparavit Deus sibi in sponsam et Unigenito Filio suo in matrem, cognita satanae ab eoque violata ac deflodata spiritu censenda est?

*Ex propitiatorio,
figura Christi,
et arca, figura
Mariae, eruitur
Mariae sanctitas
a primo concep-
tionis instanti;
ex eorum men-
suris autem
eruitur quod
Virgo Deipara
maior Sanctis
et Angelis est,
et ideo absque
peccati macula.*

*Omnibus men-
suris Christus
infinitus in
sanctitate,*

*Virgo latitudine
et longitudine,
non altitudine
sanctitatis
similis Christo.*

VIII. Locus specialis habitationis divinae sanctum sanctorum dicebatur,^{85a} idest, locus omnino sanctissimus; sic Maria. Ibi divinum erat propitiatorium, arca testamenti et Cherubim, nihil aliud.⁸⁶ Propitiatorium designabat Christum: *Ipse est enim propitiatio pro peccatis nostris*,^{86a} quem dedit Deus propitiatorem; Cherubim Angelos; arca Mariam: *Ingredere in requiem tuam, tu et arca sanctificationis tuae;*⁸⁷ *Beatus venter qui te portavit;*⁸⁸ *Dominus tecum;*⁸⁹ sic arca Dei Maria. Sed quid quod uno eodemque loco, qui Dei proprius erat, haec tria reposita fuere? Quoniam haec tria, sicut Deus, absque omni peccati macula.

Adverto autem ibi non contempnendum, ni fallor, mysterium. Comparatur arca divino propitiatorio eique commensuratur, imo aequalis omnino est in longitudine et latitudine, non autem in altitudine; nam divini propitiatorii altitudo non mensuratur, sed tantum longitudo et latitudo, cui arca erat omnino aequalis.⁹⁰ Sed quaenam longitudo divini propitiatorii? Longitudo Dei aeternitas est, latitudo immensitas, qua omnia replet, altitudo infinita omnis perfectionis excellentia. Longitudo Christi a primo instanti et momento suae conceptionis usque in finem vitae, latitudo ipsius divinorum charismatum plenitudo: *Verbum caro factum est... plenum gratiae et veritatis;*⁹¹ altitudo infinita est, mensurari non potest: *Non enim ad mensuram, ut Ioannes ait, Pater dedit ei spiritum,*⁹² infinita ipsius gratia et sanctitas, infinita merita.

Quid ergo est quod arca aequalis omnino propitiatorio in longitudine et latitudine, non autem in altitudine? Tota Mariae vita, sicut et Christi, a primo conceptionis instanti sancta fuit; tota Maria *gratia plena*^{92a} divinisque charismatibus ornata, sicut et Christus, non tamen quoad gradum perfectionis. Aequalis luna soli quoad longitudinem temporis, aequalis quoad

85) Cf. Gn 24, 16. 85a) Cf. Ex 26, 33-34. 86) Cf. ibid. loc. cit.; Hebr 9, 4. 86a) 1 Io 2, 2.

87) Ps 131, 8. Vulg.: *Surge, Domine, in requiem, etc.* 88) Lc 11, 27. 89) Ibid. 1, 28.

90) Cf. Ex 37, 1-6. 91) Io 1, 14. 92) Io 3, 34. Vulg.: *Dat Deus, etc.* 92a) Lc 1, 28.

latitudinem mundani spatii, quia sicut sol totum mundum illustrat, sed non quoad gradum lucis. Aequalis est gloria omnium Angelorum ac beatorum spirituum in coelo quoad longitudinem, quia ab initio beati, quoad latitudinem, quia omnes perfecte beati, sicut pisces in mari; sed non omnium unus ac idem est beatitudinis gradus, sed sicut *stella... differt a stella in claritate;*⁹³ sic Maria aequalis Christo in longitudine et latitudine sanctitatis et gratiae, non autem in altitudine, quia gratia quidem Christi infinita, Mariae autem finita et ab ipso Christo accepta et communicata, nam *de plenitudine eius nos omnes accepimus.*⁹⁴

Nec vacat mysterio quod altitudo arcae cubiti unius ac semis describitur,⁹⁵ idest, novem palmorum, nam cubitus sanctuarii sex palmos continebat, communemque cubitum palmo, idest, quatuor digitis excedebat, sicut Ezechiel insinuavit: *Ista est mensura altaris in cubito verissimo, qui habet cubitum et palmum;*⁹⁶ novem igitur palmos habebat altitudinis et tantumdem latitudinis. Quid hoc est nisi quod Maria omnem novem angelorum ordinum gratiam omnemque omnium Angelorum perfectionem in seipsa continebat? Unus ei palmus deest ad denarium divinae perfectionis; uno, ut ita dicam, gradu inferior Christo Filio suo est, vivo et vero Deo. Quod si omnium Angelorum gratiam, virtutem, sanctitatem, perfectionem Maria divinitus obtinuit, quis nescit quod Angeli purissimi omnino sunt et absque omnis penitus macula peccati? Quod Angeli omnes pulcherrimae sunt divinae puritatis et sanctitatis imagines?

Divinum propitiatorium magnitudinis ex longitudine et latitudine quatuor habebat integros perfectosque cubitos; quaternarius autem Divinitatis hieroglyphicum est, unde nomen Domini *tetragrammaton,*^{96a} et Pythagorici per *tetractin, quaternarium, iurabant;*⁹⁷ virtute etiam quaternarius denarium continet, numerorum omnium supremam sphaeram, numeros omnes continentem. Sed arca ex longitudine, latitudine et altitudine quinque cubitos et semissem magnitudinis continebat; semisse deficiebat a senario, qui perfectus est numerus et perfectorum primus, unde sex diebus perfecit Deus opus mundanae creationis,^{97a} candelabrum aureum sex calamos ha-

Ex arcae men-
suris sanctitas
Mariae superior
gratia
Angelorum, sed
uno gradu
inferior
gratia Christi.

Idem eritur
ex mensuris
propitiatoriis.

93) 1 Cor 15, 41. 94) Io 1, 16. 95) Ex 37, 1. 96) Cf. Ez 43, 13. Vulg. habet: *Ista autem mensurae, etc. De cubito sacro et communi idem sentit et Maldonatus, Comment. In Ez. 40, 5; alii aliter sentiunt.* 96a) Graec, idest, quatuor litteris constans. Est autem ΤΕΤΡΑ. 97) Cf. Macrob. *Somn. Scipionis*, lib. 1, cp. 6. Edit. Lugduni Bat. an. 1670. 97a) Cf. Gn 1, 1 sqq.

bebat,⁹⁸ et Seraph sex alas.^{98a} Indicat Spiritus Sanctus quod Virgo Dei para parum distat a summa perfectione sanctitatis Christi, paulo inferior est sanctitate et gratia Christi, sed tamen excedit quinarium, per quem omnis creatura Deo inferior designatur; unde in templo Salomonis mare aeneum quinque cubitorum erat altitudinis,⁹⁹ alae quoque Cherubim singulæ quinque cubitorum erant,¹⁰⁰ candelabra etiam et mensas posuit in templo quinque a dextris, quinque a sinistris;¹⁰¹ omnis enim creaturarum perfectio imperfecta est, si Deo componatur, sicut omnis splendor stellarum, si luci solari comparetur. Maria autem excedit quinarium, et semisse tantum a scenario distat, paulo minorata Christo, simillima tamen ei, unde Christus Sanctus Sanctorum, Maria vero Sancta Sanctarum et Sanctorum.

Omnis gratiae
creaturis datae
simil in
Maria collectae.

Unde apud Ezechielem legimus: *Ista est lex domus in summitate montis; omnis finis eius in circuitu sanctum sanctorum est.*¹⁰² Sic ipsa mons domus Domini in vertice montium.¹⁰³ O Virginem Sanctissimam, quae hominum vel etiam Angelorum lingua aut mens eloqui et capere poterit altitudinem gratiae et sanctitatis tuae? Quidquid Deus sparsim largitus fuerat Angelis in coelo et Sanctis suis in terra, omnia simul collecta contulit in Mariam.

Sic Isaías ait: *Laetabitur deserta et invia, et exultabit solitudo, et florebit quasi lilium; germinans germinabit, et exultabit laetabunda et laudans; gloria Libani data est ei, decor Carmeli et Saron.*¹⁰⁴ Desertum appellat Virginem, sicut alibi: *Ascendet sicut virgultum coram eo et sicut radix de terra sitienti*¹⁰⁵ propter virginitatem, quia virgo concepit et peperit, sicut ait ipsem: *Ecce Virgo concipiet et pariet filium;*¹⁰⁶ sic nunc: Terra, inquit, deserta germinans germinabit, sed maxima cum laetitia et exultatione: *Exultabit laetabunda et laudans.* Quam ob causam? Quia gloria Libani data est ei, decor Carmeli et Saron, qui montes erant in terra promissionis altissimi, pulcherimi, feracissimi ac deliciarum omnium abundantissimi,^{106a} unde Sponsus in *Canticis Libano comparatur: Species eius ut Libani.*¹⁰⁷ Sic quidquid boni et pulchri in synagoga, in Ecclesia, in paradyso repertum est boni, in Mariam collatum est, quoniam ipsa paritura erat verum Deum, sicut subiungit: *Ipsi videbunt gloriam Domini et decorum Dei nostri..., Deus ipse veniet et salvabit nos.*¹⁰⁸

98) Cf. Ex 37, 18.

98a) Cf. Is 6, 2.

99) Cf. 3 Rg 8, 23-24.

100) Cf. 3 Rg 6, 23-26.

101) Cf. 2 Par 4, 7-8.

102) 43, 12.

103) Is 2, 2.

104) 35, 1-2.

105) 53, 2.

106) 7, 14.

106a) Cf. *Lex. Bibl.* Vigouroux sub citatis verbis.

107) Ct 5, 15.

108) Is 85, 2-4.

Hinc idem Vates quasi divinum miraculum Virginem introduxit : *Dominus dabit ipse vobis signum: Ecce Virgo concipiet et pariet filium,*¹⁰⁹ sive, ut hebraice est: *Ecce Virgo concipiens et pariens filium.* Virginem autem *hahalmah* appellavit, idest, *absconditam, secretam, incognitam*, hebraica pharsi, qua mulierem cognoscere, licet maritali complexu, dicunt turpitudinem revelare, sicut in *Levitico* saepe legimus.¹¹⁰ Virgo haec vere abscondita, intacta etiam spiritu, quia a satana tacta nequaquam fuit, sed semper sancta extitit sicut et Christus. Hinc ipse idem Vates agens de plenitudine gratiae Christi, Mariam cum eo coniunxit dicens: *Egredietur virga de radice Iesse, et flos de radice eius ascendet, et requiescat super eum Spiritus Domini,*¹¹¹ idest, omnis fons Spiritus Sancti. Sic etiam Gabriel Angelus Mariam cum Christo coniunxit: *Ave, gratia plena, Dominus tecum;*¹¹² sic et Elisabeth Spiritu Sancto repleta: *Benedicta tu in mulieribus et benedictus fructus ventris tui.*¹¹³ Quidnam singularis ista coiunctio? Quaenam ista singularis gratiae plenitudo? Singularis ista benedictio, qua, sicut et Christus, benedicta dicitur? Si cum ceteris maledicta ob peccatum, quomodo ab Angelo et ab Elisabeth supra omnes mulieres benedicta dicitur et praedicatur?

IX. Et quidem a Gabriele *gratia plena* salutatur; nec tamen explicatur quando fuerit gratia divinitus plena, sicut nec quando nata aut quando concepta. Ab Elisabeth etiam una cum Angelo *benedicta inter mulieres* praedicatur, nec tamen quando tali ac tanta benedictione coelestium charismatum fuerit veluti ingenti thesauro locupletata. Quid igitur censendum, nisi quod gratia plena et benedicta fuerit in matris utero divinitus procreata atque formata?

Solem nunc videmus, sed talem utique qualem ab initio condidit illum Deus in primo momento creationis suae. Legis quod patriarchae Iacob ortus fuit sol postquam transgressus fuit Phanuel, ubi cum Angelo luctatus fuerat, eumque vicerat ac superaverat.¹¹⁴ Qualis sol ortus fuit Iacob? Qualis utique ab initio creatus fuit a Deo. Quando accepit sol a Deo tantam lucis copiam? Quando creatus fuit. Quando coelum tantam claritatem? Quando creatum fuit.

Maria puritatis
miraculum.

A S. Scriptura
nobis relinquitur
ut credamus
tunc Virginem
fuisse sanctifi-
cata cum in
matris utero
procreata fuit.

Sol luce plenus
in primo
momento suae
creationis;

109) 7, 14.

110) Cf. 18, 6-18,

111) 11, 1-2.

112) Lc 1, 28.

113) Ibid. 1,

48. Vulg. habet: *Benedicta inter mulieres.*

114) Cf. Gn 32, 24-26.

Angeli et
protoparentes
sanctificati
quando creati;

ergo et Virgo.

Ieremia et
Ioannes in utero
sanctificati,
Virgo in sancti-
tate concepta.

Legimus Angelos sanctos,^{114*} nec legimus quando sanctificati sint; quando ergo sanctificati fuerunt? Utique quando creati. Legimus primos parentes natos cum dono innocentiae et iustitiae originalis,¹¹⁵ nec tamen legimus quo temporis momento donum hoc acceperint; sed credimus quod quando a Deo ad imaginem et similitudinem suam creati formatique fuerunt. Cur non etiam de Virgine Deipara ita sentiamus? Sanctam legimus, gratia plenam, benedictam a Domino, nec legimus quando sit sanctificata; liberum igitur relinquitur nobis ut credamus tunc fuisse sanctificatam, cum in matris utero, licet naturaliter, non tamen sine divino miraculo fuit procreata.

Si Prophetam Christi Deus in utero matris sanctificavit, Ieremiam dico;^{116*} si Praecursorem Christi Ioannem nendum sanctificavit, sed etiam Spiritu Sancto replevit, priusquam ex matris utero nasceretur;¹¹⁷ cur non Matrem Christi sanctificaverit, et Spiritu Sancto repleverit statim ab initio, ita ut sanctitas et gratia cum illa sit concreata, sicut lux cum stellis firmamenti? Si Angelos, ut digni essent divini Numinis ministri, ab omni peccato praeservavit, statimque ab ipso initio suaे conditionis eos sanctificavit; quomodo non Mariam, ut digna esset Sponsa et Mater? Si, cum coelum elegerit in habitaculum suum et sanctorum Angelorum, purum omnino esse voluit et ab omni impuritate et corruptionis labore alienum; cur non et animatum coelum suumque habitaculum Mariam? Si Salomon, Divino Spiritu afflatus, omnibus quibus licuit modis divinum templum ornavit^{118*} pro infinita Dei dignitate et maiestate; cur non sic Spiritus Sanctus maiestati Unigeniti Filii Dei dignum habitaculum praepararit? Imo si Salomon thronum regium sibi fecit mirabili artificio et magnificentia totum ex candidissimo ebore et auro purissimo, praestantissimo, optimo;¹¹⁷ cur non similem thronum sibi Christus, Verbum et Sapientia Dei omnipotentis, operatus fuerit?

Ecclesia in
sententiam
immaculatae
conceptionis
propendit.
Concilium Ba-
siliense.

X. Multis igitur rationum momentis sancta Ecclesia in sententiam immaculatae conceptionis propendit, quoniam, sicut in Basiliensi Synodo dicitur, « sententia haec pia est, consona cultui ecclesiastico, fidei catholicae, rectae rationi et Sacrae Scripturae ». ¹¹⁸ Licet autem Synodus illa

114*) Cf. Mt 18,20. Angelos in gratia creatos communiter tenent theologi, quos videre potes apud Suarez, *De Angelis*, lib. 5, cp. 4. 115) Cf. Gn 1, 27; Eccl 7, 30; Eph 4, 23-24. Certum est primos parentes in actu creationis ad statum supernat. per gratiam fuisse elevatos. Cf. eundem, *De Opere Sex Dierum*, lib. 3, cp. 17. . . 115 a) Cf. Jer 1, 5. . . 116) Cf. Lc 1, 15. 116 a) Cf. 3 Rg 6, 1-38. 117) Cf. ibid. 10, 18-20. 118) Sessione 36, *De Concepcione Virginis*.

non sit Romanae Ecclesiae calculo probata,¹¹⁹ unde nec plenam habet concilii auctoritatem, conventus tamen doctissimorum Antistitum et lectissimorum theologorum coetus, qui omnes uno ore hanc protulere sententiam, non potest apud cordatos et sapientes viros non magnum pondus habere; sicut et parisiense gymnasium et omnis fere toto orbe christiano academia, omnis schola, omnes universitates florentium studiorum immaculatae conceptionis sententiam suis calculis comprobarunt.¹²⁰ Et ipsa Romana Ecclesia, matrix et regina omnium ecclesiarum, festum celebrat immaculatae conceptionis, et multi Romani Pontifices festum hoc multis propositis indulgentiis corroborarunt et cohonestarunt pro eximia in Deiparam Virginem pietate. Sic totus fere christianus orbis celebrat solemne festum immaculatae conceptionis. Nec solum Romana Ecclesia, verum etiam Graeca.

Et nos igitur sacratissimum festum hoc cum universalis Ecclesia devotissime celebremus, ut sicut ipsa Virgo Deipara ex praevisa morte Unigeniti Filii sui ab omni peccati labore divinitus praeservata ac praeliberata fuit, ita per sanctissimam ipsius intercessionem ipsi quoque, ab omni sorde peccatorum purgati, ad Deum puri et mundi pervenire tandem valeamus.

119) Cf. Mansi, t. 29, pag. 1168 sqq. 120) Cf. Passaglia S. I. *De Conceptu Virg.* p. 3, sect. 7.

Scholae.

Ecclesia Romana
et Graeca
festum
immaculatae
conceptionis
celebrant,

Celebremus
et nos.

SERMO SECUNDUS

LUX INFINITA GRATIAE MARIA IDEO IMMACULATA

Liber generationis Iesu Christi, Filiil David, Filiil Abraham. Abraham genuit Isaac, Isaac autem genuit Iacob, Iacob autem genuit Iudam et fratres eius.¹

Sicut ex infimis
elementis
pretiosissimae
et pulcherrimae
res et e tenebris
lux; ita e peccatoribus Maria
Immaculata.

I. Si in terrae visceribus obscuris illis quidem et tenebricosis, intra vilissimum hoc elementum, quod excrementum et sordida immundaque faex est omnium elementorum, generantur tamen metalla summi pretii: argentum, ex quo coelum factum esse videtur, et aurum, quo sol constare videtur, gemmaeque pretiosissimae illis persimiles, quibus firmamentum appareat pulcherimo spectaculo ornatum; si nascitur ex spinoso rubo rosa, pulcherimus flos, et ex insipida arbore fructus sapidissimi ac suavissimi; mirum enim est, si, Dei operante virtute, ex parentibus peccatoribus Beata Virgo Maria, Mater Dei, nata est tota pura, munda et sancta, absque omni macula peccati vel actualis vel originalis, sola post Christum singulari hoc privilegio dotata tanquam unica phoenix, sicut sola electa fuit, ut tanti Dei Mater et Genitrix esset? Sic, cum totus mundus tenebris esset opertus, Deus lucem produxit, ex qua solem postea formavit, eamque a tenebris omnibus divisam ore suo tanquam bonam laudavit: *Terra erat inanis et vacua... et spiritus Domini ferebatur super aquas. Dixitque Deus: Fiat lux. Et facta est lux. Et vidi Deus lucem quod esset bona, et divisit eam a tenebris; appellavitque lucem diem.*²

1) Mt 1, 1-2.

2) Gn 1, 2-5.

Lux aliquando in Scripturis Divinis dicitur Deus: *Deus lux est, et tenebrae in eo non sunt ullaे;*³ *Dominus lux mea et salus mea;*⁴ aliquid Christus: *Ego sum lux mundi;*⁵ *Ego lux in mundum veni;*⁶ *Quandiu sum in mundo, lux sum mundi;*⁷ *Erat lux vera quae illuminat omnem hominem;*⁸ lux Apostoli: *Vos estis lux mundi;*⁹ lux Angeli: *Transfigurat se in angelum lucis;*¹⁰ lux omnes fideles: *Eratis... ali quando tenebrae, nunc autem lux in Domino, ut filii lucis ambulate;*¹¹ lux lex: *Mandatum lucerna est, et lex lux;*¹² lux Evangelium: *Populus, qui habitabat in tenebris, vidit lucem magnam, habitantibus in regione umbrae mortis lux orta est eis;*¹³ lux fides: *Filii huius saeculi prudentiores filiis lucis in generatione sua sunt;*¹⁴ lux iustitia: *Luceat lux vestra coram hominibus, ut videant opera vestra bona;*¹⁵ lux gratia: *Lux orta est iusto, rectis corde laetitia;*¹⁶ lux gloria: *Erit tibi Deus in lucem sempiternam.*¹⁷

Quinam lux in
Scripturis.

II. Sed specialissime Maria lux dicenda est; nam si Deus lux est, haec Sponsa Dei, si ille Rex, ista Regina; si Christus lux est, Maria est Mater Christi; si lux Apostoli, haec super omnes Apostolos fuit; si lux Angeli, haec Domina Angelorum; si lux Sancti omnes, haec Regina est Sanctorum; si lux lex et Evangelium, haec utriusque fuit perfectissima observatrix; si lux fides, haec fidelissima; si lux iustitia, haec iustissima; si lux gratia, haec *gratia plena;*^{17a} et si lux gloria, haec vere beata. Hinc in Divinis Scripturis tota lucida nobis demonstrata est Maria: *Quae est ista quae progreditur quasi aurora consurgens, pulcra ut luna, electa ut sol.*¹⁸ *Signum magnum apparuit in coelo, mulier amicta sole, et luna sub pedibus eius, et in capite eius corona stellarum duodecim.*¹⁹ Haec lux illa de qua Iob: *Expectet lucem, et non videat nec ortum surgentis aurorae;*²⁰ haec de qua David rex: *Sicut lux aurorae mane oriente sole absque nubibus rutilat.*²¹ Maria enim aurora est et lucifer, de qua Regius Vates: *Ante luciferum genui te;*²² *de matrice ex aurora tibi ros generationis, sive nativitatis suae;* ubi Christum rorem appellat, ros

Maria lux,
quia praesertim
aurora ex qua
sol iustitiae
Christus.

3) 1 Io 1, 5. 4) Ps 26, 1. Vulg. loc.: *Lux mea, habet: Illuminatio mea.* 5) Io 8, 12.
 6) Ibid. 12, 46. 7) Ibid. 9, 6. 8) Ibid. 1, 9. 9) Mt 5, 4. 10) 2 Cor 11, 14.
 11) Eph 5, 8. 12) Prv 6, 23. 13) Is 9, 2. Vulg. loc.: *Habitabat, habet: Ambulabat.*
 14) Lc 16, 8. 15) Mt 5, 16. 16) Ps 96, 11. 17) Is 60, 19. 17a) Cf. Lc 1, 28.
 18) Ct 6, 9. 19) Apc 12, 1. 20) Job 3, 9. 21) 2 Rg 23, 4. Vulg. loc.: *Sicut lux aurorae mane oriente sole, etc., habet: Sicut lux aurorae oriente sole mane, etc.* 22) Ps 109,
 3. Sequitur idem vers. ex textu hebr.

enim est super vellus Gedeonis; ^{22a} *Descendet sicut pluvia in vellus et sicut stillicidia stillantia super terram;* ²³ Mariam vero auroram quae rorem hunc parit solemque mundo affert. Sic ex prima illa luce factus est sol, genitus natusque ex Maria sol iustitiae Christus.

Maria lux,
quia in luce
gratiae concepta
et a tenebris
peccatorum
segregata.

III. *Et vidit Deus lucem quod esset bona; Maria gratia plena, semper gratia plena, in gratia concepta Spiritus Sancti. Et divisit lucem a tenebris;* Maria ab omni peccato segregata. Tres sunt tenebrae peccatorum, quae luci gratiae eiusque perfectioni opponuntur: tenebra peccati originalis, tenebra peccati actualis mortalis et tenebra peccati venialis. Ad excludendas autem has tenebras omnes, tribus lucidis hieroglyphicis Maria designatur: *Quae est ista quae progreditur quasi aurora consurgens, pulcra ut luna, electa ut sol; Mulier amicta sole, et luna sub pedibus eius et in capite eius corona stellarum duodecim;* ut in luce aurorae designetur gratia contra peccatum originale, in luna gratia contra peccatum mortale, et in sole gratia contra peccatum veniale.

Maria lux, quia
lucem habet
aurorae, que
nunquam eclipsari potest,
contra peccatum
originale;

IV. Aurora enim ex nocturnis tenebris emergit, nullis tamen tenebris infecta, sed stella est omnium splendidissima atque pulcherrima, quae soli semper proxima nullo modo eclipsari potest. Sic, inquam, Maria nascens ex parentibus peccatoribus, nascitur absque omni peccato, sicut prima mulier sine peccato formata fuit. Sed tamen peccare potuit, haec autem peccare non potuit. Ea gratia plena ab initio fuit, sicut nec lucifer eclipsari potest, neque per interpositionem terrae, sicut eclipsatur luna, quoniam nunquam tantopere elongatur a sole, sed semper prope illum manet, neque per alterius stellae interpositionem, ut eclipsatur sol interposita luna, quoniam inter ipsam et solem nulla alia intermedia stella consistit. Sic homo peccavit concupiscentia boni terreni, Angelus autem concupiscentia boni coelestis; Maria autem soli Deo inhaerens, dicebat: *Quid enim mihi est in coelo, et a te quid volui super terram?... Deus cordis mei et pars mea Deus in aeternum... mihi autem adhaerere Deo bonum est, ponere in Dominum Deum spem meam.* ²⁴

lucem habet
lunae plenae
contra peccatum

Quoniam vero stella haec parva valde videtur, ne parvam esse putemus gratiam Mariae, comparatur lunae plenae: *Pulcra ut luna;* luna enim

22a) Cf. Idc 6, 36-38.

23) Ps 71, 6.

24) Ps 72, 25-28. Vulg. habet: *Domino Deo.*

magnum est luminare coeli. Et quoniam in luna, quamvis plena, nonnullae maculae videntur, ne putemus vel minimas fuisse in Beata Virgine maculas venialium peccatorum, comparatur soli, in quo nulla est macula: *Electa ut sol; sic: Tota pulcra es, amica mea, et macula non est in te.*²⁵ Quoniam item nullum unquam peccatum quamvis minimum commisit, hinc sole amictam videt Ioannes et lunam sub pedibus eius; sic enim universam Ecclesiam gratia innocentiae vicit.

Et in capite eius corona duodecim stellarum. Caput initium designat; in conceptionis ipso initio Maria ornamentum accepit duodecim coelestium virtutum, quae sunt duodecim portae et duodecim fundamenta civitatis Ierusalem.²⁶ In initio primoque conceptionis sua instanti data ei gratia fuit, quae duodecim Apostolis postmodum, accepto Spiritu Sancto, data fuit. Nam si Ieremias, ut Christi propheta esset, sanctificatus fuit in utero,²⁷ et Ioannes Baptista nedum sanctificatus in utero sed etiam plenus Spiritu Sancto fuit,^{27a} ut dignus Christi praecursor esset; multo magis Maria, ut digna Christi Mater esset, plena ab initio conceptionis omni Spiritus Sancti gratia fuit, quam postea Apostoli receperunt.

Hoc est quod ait: *Fundamenta eius in montibus sanctis, diligit Dominus portas Sion super omnia tabernacula Iacob.*²⁸ Montes dicuntur sancti: *Suscipient montes pacem populo et colles iustitiam;*^{28a} *fundamenta,* inquit, civitatis Ierusalem *in montibus sanctis, super montes sanctitatis.*²⁹ Ipsa autem Beata Virgo Ierosolymae comparatur in *Canticis:* *Pulcra es, amica mea, suavis et decora sicut Ierusalem.*^{29a} Sed quid est quod fundamenta civitatis huius sunt super cacumina montium sanctitatis? Profecto quod fundata et concepta est civitas haec in sanctitate et gratia; nec qualcumque, sed maiori omni gratia Sanctorum; quod maior fuerit gratia Beatae Virginis in primo instanti immaculatae conceptionis ipsius, quam fuerit gratia Apostolorum in fine vitae ipsorum, quando positi erant in summo perfectionis gradu.

Hoc est quod Isaias vaticinatus fuit: *Erit in novissimis diebus praeparatus mons domus Domini in vertice montium.*³⁰ Domus autem Domini et Filii Dei habitaculum Sanctissima Virgo est; *mons domus Domini in vertice montium* fundatus in cacuminibus ceterorum montium, Maria concepta in excellentissima gratia et caritate, sicut sol fuit luce plenus

mortale, et solis,
in quo nulla
macula,
contra peccatum
veniale;

et lucem habet
duodecim stellarum
in capite,
quod initium
significat,
quia ab initio
sanctorum quam
Sancti omnes
in fine vitae
ipsorum;

fundata
in montibus
sanctitatis,

in vertice
montium.

25) Ct 4, 7. 26) Cf. Apc 21, 12-14. 27) Cf. Jer 1, 5. 27a) Cf. Lc 1, 15. 28) Ps 86, 1-2.
28a) Ps 71, 3. 29) Ex hebr. 29a) Ct 6, 3. 30) Is 2, 2.

creatus: *Mons domus Domini in vertice montium.* Hoc est quod David ait: *Domus... quam aedificari volo, talis esse debet ut in ceteris nationibus nominetur.*³¹ Ideo praeparavit infinitam copiam auri, argenti et lapidum pretiosorum,³² ut fundamenta etiam divini illius templi, mirabile dictu! ex pretiosis lapidibus essent. Sic et Ioannes in *Apocalypsi* ait: *Fundamenta... civitatis Ierusalem omni lapide pretioso ornata.*³³ Sicut autem civitas illa templumque Beatam Virginem³⁴ praefigurabant; ita fundamenta illa sacrosanctam conceptionem ipsius in omni gratia sanctissimam.

Maria lux, quia
anima ipsius,
in luce prima
et nova ab ore
Dei procedente
figurata,
sine ulla peccati
macula concepta.

V. Et quidem dum in sacrosanto mysterio immaculatae conceptionis Sanctissimae Virginis contemplor sanctam eius animam venientem a Deo descendenteremque de coelo ad informandum sanctissimum eius corpus, videre mihi videor primam illam lucem infinito cum splendore ab ore Dei exeuntem: *Nova lux oriri visa est, gaudium, honor et tripudium,*³⁵ qualis fuit Esther Hebraicis, cuius gratia salutem consecuti sunt una cum summo honore, gloria et nominis claritate; videre descendantem illam mulierem: *Signum magnum apparuit in coelo, mulier amicta sole;* videre descendantem illam civitatem, de qua ait: *Vidi civitatem sanctam Ierusalem novam descendantem de coelo a Deo paratam sicut sponsam ornatam viro suo; et audivi vocem magnam de throno dicentem: Ecce tabernaculum Dei cum hominibus,*³⁶ et de qua iterum: *Ostendit mihi civitatem sanctam Ierusalem descendantem de coelo a Deo habentem claritatem Dei.*³⁷ Lux nova, civitas nova, signum magnum.

Sicut sol inter
stellas, ipsa
una praefulget
inter animas
sanctas

Non est res nova in mundo videre mulierem sanctam, nam sancta fuit Sarah, sancta Rebecca, sanctae Rachel et Lia, sanctae Debora, Maria, Anna, Abigail, Iudith, Esther, Susanna; sed hoc novum videre mulierem non in terra, sed in coelo nulla terrena contagione aut macula foedata, absque illo penitus peccato, semper gratia plenam; haec nova sanctitas est, nunquam amplius visa in mundo. Hinc una lux, una mulier, una civitas; quoniam, etsi multae sunt animae sanctae sicut stellae in coelo, haec inter omnes sicut sol est. Hinc ait: *Sexaginta sunt reginae... octoginta concubinae et adolescentularum non est numerus; una est columba mea, perfecta mea, una est matri suae, electa genitrici suae. Viderunt*

31) 1 Par 22, 5. Vulg. loc.: *Ceteris nationibus, habet: Cunctis regionibus.*

32) Ibid. vr. 14.

33) Apc 21, 19.

34) Ms.: *Beata Virgine.*

35) Est 8, 16.

36) Apc 21, 2-3.

37) Ibid. 21, 10-11.

*eam filiae, et beatam dixerunt, reginae et concubinae... laudaverunt eam: Quae est ista, etc.*³⁸ Hic enim universalis Ecclesia describitur, cuius quidem tres sunt status personarum. Sicut tabernaculum Moysi^{38a} et templum Salomonis³⁹ tribus partibus, atrio, sancta et sancta sanctorum constabant; sic, inquam, Ecclesia incipientibus, proficientibus et perfectis in Christi fide et caritate, cognitione et dilectione, virtutibus et sanctis operibus consistit. Et incipientes quidem adolescentulas appellat, quae nondum veri Salomonis Christi dulces expertae sunt nuptialesque amplexus; proficientes vero concubinas, idest, sponsas et uxores, non tamen principales, qualis fuit Abrahamo Agar et Iacobo Zelpha et Balam; perfectas vero reginas, principales uxores et dominas, uti Abrahamo fuit Sarah et Iacobo Rachel et Lia; at super omnes, inquit, *una est columba mea, perfecta mea, una est in matrem et genitricem electa*, sic enim verti potest ex hebraeo.

incipientes,
proficientes,
perfectas.

VI. Ideo eam omnes admirantur, laudant, et beatam dicunt: *Viderunt eam filiae, etc.*, iuxta ipsius Virginis vaticinium: *Ecce enim ex hoc beatam me dicent omnes generationes*,³⁹ idest, omnes animae fideles, *quia fecit mihi magna qui potens est.*^{39a} *Fecit mihi magna: Quae est ista, quae progreditur quasi aurora consurgens?* In principio pulcra ut luna, in medio electa ut sol, in fine terribilis ut castrorum acies ordinata, ad deferensionem Ecclesiae et daemonum terrorem. *Fecit mihi magna qui potens est;* ipsa enim lectulus ille est Salomonis, de quo dicitur: *En lectulum Salomonis sexaginta fortis ambiant ex fortissimis Israel; omnes tenentes gladios et ad bella doctissimi, uniuscuiusque ensis super femur suum propter timores nocturnos,*⁴⁰ sic semper ab Angelis diligentissime custodita fuit.

Maria lux, ideo
supra omnes et
ab omnibus
exaltata,

Sed qualis natura lectulus iste erat? *Ferculum fecit sibi rex Salomon de lignis Libani, columnas eius fecit argenteas, reclinatorium aureum, ascensum purpureum, media caritate constravit propter filias Ierusalem.*⁴¹ Columnae argenteae virtutes sunt cardinales, reclinatorium aureum theologicae, ascensus purpureus regia dignitas, medium caritate constratum sanctissimus eius uterus, in quo Deus, qui *caritas est*,⁴² factus est homo pro salute Electorum suorum, qui hic dicuntur filiae Ierusalem. Sic omni-

ab Angelis
custodita,

38) Ct 6, 7-9. Vulg. loc.: *Matris* hebr., habet: *Matris*, loc. vero: *Beatam*, habet: *Beatissimam*.

38a) Cf. Ex cпп. 26-27; Hebr 9, 2-3.

39) Cf. 2 Par 3, 1 sqq.

39a) Lc 1, 48-49.

40) Ct 3, 7-8.

41) Ibid. 3, 9-10.

42) 1 Io 4, 16.

bus fuit virtutibus ornata Beata Virgo; unde aiunt admirantes animae: *Quae est ista quae ascendit de deserto quasi virgula fumi ex aromatibus myrrae et thuris et universi pulveris pigmentarii?*⁴³ Sic fuit ipsa omni gratia plena, virgo corpore spirituque pulcherrima inter mulieres ipsa dicitur: *Si ignoras te, o pulcherrima inter mulieres.*⁴⁴ *Quam pulcra es, amica mea, quam pulcra es!* *Tota pulcra es, amica mea.*⁴⁵

a dilecto a
capite usque
ad pedes
laudata,

Hinc tota laudatur a capite ad pedes usque. Caput primum, dicens: *Caput tuum sicut Carmelus, et comae capitinis tui sicut purpura regis vincta canalibus;*⁴⁶ capillos, dicens: *Capilli capitinis tui sicut greges caprarum, quae ascenderunt de monte Galaad;*⁴⁷ oculos: *Oculi tui columbarum absque eo quod intrinsecus latet,*⁴⁸ et iterum: *Oculi tui sicut piscinae in Hesebon;*⁴⁹ genas, dicens: *Genae tuae sicut fragmenta mali punici absque eo quod intrinsecus latet,*⁵⁰ itemque: *Pulcrae sunt genae tuae sicut turturis, collum tuum sicut monilia;*⁵¹ nasum laudat, dicens: *Nasus tuus sicut turris Libani, quae respicit contra Damascum;*⁵² laudatos: *Labia tua sicut vitta coccinea;*⁵³ laudat dentes, dicens: *Dentes tui sicut greges tonsarum, quae ascenderunt de lavacro, omnes gemellis fetibus et sterili non est in eis;*⁵⁴ laudat vocem atque eloquium: *Favus distillans labia tua, sponsa, mel et lac sub lingua tua;*⁵⁵ *Fac me audire vocem tuam;*⁵⁶ *Vox enim tua dulcis et facies tua decora;*⁵⁷ laudat guttur, dicens: *Guttur tuum vinum optimum dignum dilecto meo ad potandum;*⁵⁸ laudat collum: *Sicut turris David collum tuum, quae aedificata est cum propugnaculis;*⁵⁹ laudat pectus et ubera: *Duo ubera tua sicut duo hinnuli capreae gemelli;*⁶⁰ *Quam pulcrae sunt mammae tuae, soror mea sponsa, pulcriora sunt ubera tua vino;*⁶¹ laudat corpus: *Venter tuus sicut acervus tritici vallatus liliis;*⁶² laudat ventrem: *Umbilicus tuus crater tornatilis, nunquam indigens poculis;*⁶³ laudat femora tibiasque: *Iuncturae tuae... sicut monilia, quae fabricata sunt manu artificis;*⁶⁴ laudat pedes: *Quam pulcri sunt gressus tui in calceamentis, filia principis!*⁶⁵ laudat corporis staturam: *Statura tua assimilata est palmae, et ubera tua botris;*⁶⁶ et

43) Ct 3, 6. Vulg. loc.: *De deserto quasi*, etc., habet: *Per desertum sicut*, etc.

44) Ibid. 1, 7.

45) Ibid. 4, 1. 7. 46) Ibid. 7, 5. 47) Ibid. 4, 1. 48) Ibid. 4, 1.

49) Ibid. 7, 4.

50) Ibid. 4, 3. Vulg. habet: *Sicut fragmen mali punici, ita genae tuae absque*, etc.

51) Ibid. 1, 9.

52) Ibid. 7, 4. 53) Ibid. 4, 3. Vulg. loc.: *Labia tua*, etc., habet: *Sicut vitta coccinea*, etc.

58) Ibid. 7, 9.

54) Ct 4, 2. 55) Ibid. 4, 11. 56) Ibid. 8, 13. 57) Ibid. 2, 14.

58) Ibid. 7, 9.

59) Ibid. 4, 4. 60) Ibid. 4, 5. 61) Ibid. 4, 10. 62) Ibid. 7, 2.

63) Ibid. 7, 2.

64) Ibid. 7, 1. 65) Ibid. 7, 1. 66) Ibid. 7, 7.

tandem universam collaudat: *Tota pulra es, amica mea, et macula non est in te.*⁶⁷

Nec finem facit eam laudandi, nunc vocans amicam: *Sicut lileum inter spinas, sic amica mea inter filias;*⁶⁸ nunc dilectam: *Adiuro vos, filiae Ierusalem, ne suscitetis neque evigilare faciatis dilectam, donec ipsa velit;*⁶⁹ nunc speciosam: *Surge, amica mea, speciosa mea, et veni;*⁷⁰ nunc sponsam: *Veni de Libano, sponsa mea, veni de Libano, veni, coronaberis;*⁷¹ nunc sororem: *Vulnerasti cor meum, soror mea sponsa, vulnerasti cor meum in uno oculorum tuorum et in uno crine colli tui,*⁷² et iterum: *Hortus conclusus, soror mea sponsa, hortus conclusus, fons signatus, emissiones tuae paradisus;*⁷³ nunc columbam: *Aperi mihi, soror mea, amica mea, columba mea, immaculata mea,*⁷⁴ et iterum: *Una est columba mea, perfecta mea;*⁷⁵ sic nullum finem facit eam mille modis laudandi.

et omnibus
modis.

VII. In hisce autem laudibus multa magnaue ac plane ineffabilia mysteria continentur, quae neque Angeli quidem pro dignitate possent exprimere. Sunt tamen tria quae praecipue laudantur: caput cum contentis in eo, medium corpus cum contentis, et tandem pedes, forte quia homo tribus partibus constat: corporea carne, rationali anima et mente spirituali, in qua Dei consistit imago. In his vero partibus eluent residentque virtutes: in mente quidem theologicae: fides, spes, caritas, contemplatio, cognitio et amor Dei; in anima virtutes cardinales: prudentia, iustitia, fortitudo, temperantia aliaeque actrices et operatrices virtutes; in corpore ipso: castitas, abstinentia, mortificatio sensuum, morum compositio et aliae id genus, morales et politicae virtutes. Sanctissima autem Virgo in omnibus perfectissima absolutissimaque fuit, unde *Sulamitis*^{75a} dicitur, idest, *perfecta* per antonomasiem et singularem excellentiam, sicut Deus dicitur ens: *Sum qui sum;*⁷⁶ sic utique Beata Virgo perfecta dicitur, quia omni perfectione plenissima.

Maria lux, ideo
in tribus
potioribus par-
tibus laudata :

Laudatur autem eius caput et in capite capilli, oculi, genae, nasus, guttur, labia, collum, dentes. Et caput quidem, suprema pars corporis, mentem designat, superiorem animae portionem. Assimilatur autem Carmelo,

in superiori
portione quoad
mentem, ut
Carmelus

67) Ibid. 4, 7.

68) Ibid. 2, 2.

69) Ibid. 8, 4.

70) Ibid. 2, 13.

71) Ibid. 4, 8.

72) Ibid. 4, 9.

73) Ibid. 4, 12-13.

74) Ibid. 5, 2.

75) Ibid. 6, 8.

75a) Ibid. 6, 12.

76) Ex 3, 14.

eminentem, frugiferam,
illustriſſimam;

qui mons est valde eminens, summe frugifer^{76a} et habitatione sanctorum prophetarum Eliae⁷⁷ et Elisei^{77a} illuſtrissimus; sic mens Mariae alta per contemplationem divinorum, per fidem et cognitionem summe frugifera, per summam Dei dilectionem et caritatem totius Trinitatis inhabitatione illuſtrissima. Laudantur comae atque capilli, assimilanturque purpurae regali novae ac nihil detritae, gregibusque caprarum ascendentium de Galaad; quoniam capilli quidem in capite cogitationes in mente designant. Sunt autem purpurei, rufi igneique coloris, quia a caritate manantes; cogitationes purpurae regali similes, quoniam non humiles et abiectae, sed altae vereque regiae mentis erant, et summum Regem gloriae semper tanquam vestimentum circumdabant. Nec erant cogitationes Mariae sine intellectu, a quibus aufert se Spiritus Sanctus,⁷⁸ neque cogitationes timidae et incertae, dum corpus... *quod corrumpitur aggravat animam*; ^{78a} sed, multae cum essent, ordinatae erant firmaeque, vivaces et a mentali pastore semper directae ac optime gubernatae; hinc gregibus caprarum optimarum assimilantur.

His sanctissimis optimisque cogitationibus frugifer erat Carmelus iste, non sicut ager cultura destitutus aut male cultus, qui nonnisi spinas et tribulos vilesque ac inutiles herbas producit, sed sicut paradiſus quem plantavit Dominus: *Hortus conclusus.... fons signatus, emissiones tuae paradiſus*. Et quidem, cum ea cogitare soleamus quorum studio, amore et nimia cupiditate tenemur, ut in amatoribus cernimus et in pecuniarum impense cupidis, Maria solum Deum summopere ac super omnia diligebat; hinc divina tantum cogitabat.

quoad oculos
ut columbae et
piscinae, ob
simplicitatem
et scientiam;

Laudat oculos, qui intellectum designant; hic enim in anima est sicut in corpore oculus, intellectus autem et contemplativus et operativus est. Hos oculos columbis albis assimilat atque piscinae in Hesebon in porta filiae multitudinis. Hoc est quod Dominus ait: *Estote... prudentes sicut serpentes et simplices sicut columbae*.⁷⁹ In Mariae intellectu multa simplicitas, imo omnis simplicitas fuit absque omni malitia, sed multa scientia; hinc magnae piscinae comparatur, nam aqua scientiam designat, Hesebon vero artem. Designant etiam oculi dona Spiritus Sancti; hinc septem oculi super lapidem unum,⁸⁰ et Spiritus Sanctus in columbae specie supra

76a) Cf. Vigouroux, *Diction. Bibl.* sub hoc verbo. 77) Cf. 3 Rg 18, 19, 46. 77a) Cf. 4 Rg 2, 25; 4, 25. 78) Cf. Sap 1, 5. 78a) Ibid. 9, 15. 79) Mt 10, 16. 80) Zach 3, 9.

Christum descendit.⁸¹ Aqua etiam Spiritum Sanctum designat: *Qui biberit ex aqua, etc.*⁸² *Si quis sicut veniat ad me, et bibat.*⁸³

Fuit etiam Beata Virgo altissimi firmissimique iudicii; hinc nasus eius turri Libani comparatur; Libanus autem mons erat altissimus, turris autem firmitudinem designat. Fuit animi pulcherrimi, candidissimi et ornatissimi; hinc comparantur genae eius, in quibus residet pulcritudo faciei et animi pudor, candore ruboreque gaudentes, fragmini mali punici; quod quidem qua parte solem respicit ruborem quendam habet candori coniunctum, cum quadam orbicularitate, ad instar etiam milii, quod qua parte sole aspicit candori ruborem mixtum magno cum decore habet. Fuerunt autem haec genae Virginis miro modo virtutibus coelestibus ornatae; hinc ait: *Pulcrae sunt genae tuae sicut turturis, vel in ornamentis, collum tuum in monilibus, sive torquibus.*⁸⁴

quoad nasum,
ut turris, ob
firmum et rectum
iudicium;
quoad genas, ut
turturis, ob
pulcritudinem
animae;

Fuit etiam Beata Virgo mirae cuiusdam eloquentiae in orationibus, quibus summopere delectabatur Deus, unde ait: *Fac me audire vocem tuam; vox enim tua dulcis et facies tua decora.* Fiebant enim omnes eius [orationes] summa cum caritate; hinc labia eius, per quae eloquentia exprimitur, vittae coccineae comparantur; vitta autem coccinea caritatis est signum, cum signo vittae coccineae salvata fuerit Rahab.⁸⁵ Et quidem apta oratio animos hominum vincit, ac strictissime ligat; sic Deus orationibus ligatur ac veluti constringitur, unde Moysi ait: *Sine me, ut irascatur furor meus.*⁸⁶ Et quoniam summa cum gratia et sapientia Beata Virgo orabat, praefigurata in sapiente illa muliere Tecuitide,⁸⁷ hinc ait: *Eloquium tuum dulce.*⁸⁸ Unde guttur eius, ubi vox formatur, comparatur vino optimo digno dilecto,⁸⁹ sive, ut hebr. *sicut vinum bonum quod pergit ad dilectum meum directe*, idest, quod summa cum suavitate bibitur, *loquens labiis dormientium*, idest, quod inepti facit bibentes, sicut vinum, de quo Proverbiorum 23: *Ne aspicias vinum cum rubescit, et cum splendet in vitro color eius; ingreditur enim blande et in novissimo mordebit ut coluber, et sicut regulus venenum diffundet.*⁹⁰ Significatur autem quod orationes Beatae Virginis laudesque divinae in ipsis ore Deo gratissi-

quoad labia
ut vitta coccinea,
et quoad guttur
ut vinum
optimum, ob
miram et
acceptam
eloquentiam in
orationibus ad
Deum;

81) Mt 3, 16. 82) Io 4, 13.

83) Ibid. 7, 37.

84) Ct 1, 9. In ornamentis et: *In monili-*

bus, torquibus ex hebr.

85) Jos 2, 18.

86) Ex 32, 10. Vulg. loc.: *Sine me, habet:*

Dimitte me.

87) 2 Rg 14, 2 sqq.

88) Cf. ibid. 7, 9.

88) Cf. ibid. 7, 9.

90) Prv 23, 31-32.

Vulg. loc.: *Ne aspicias vinum cum rubescit, et cum splendet in vitro color eius; ingreditur enim blande et in novissimo etc., habet: Ne intuearis vinum quando flavescit, cum splenderit in vitro color eius; ingreditur blande, sed, etc.*

mae erant: *Mel et lac sub lingua eius*, itemque potentissimae sicut optima vina.

item quoad guttur, ob optimam voluntatem, et quoad dentes ut greges, ob ordinatas affectiones et passiones;

Per guttum autem, ubi vis appetendi residet, sive per palatum, quod sedes est gustus saporumque receptaculum, voluntas Beatae Virginis designatur, quae optima fuit; unde dulcissimo optimoque vino comparatur. Huic autem deserviunt affectiones atque passiones virium irascibilis et concupiscibilis: spes, timor, gaudium, dolor et aliae huiuscemodi, sicut gustui dentes; his enim desideratus cibus disponitur, dispositusque, remoto omni impedimento saporis, fracta duritie, gustui traditur. Hae vero animi affectiones atque passiones, designatae per dentes, gregibus ovium tonsarum ascendentium de lavacro assimilantur, et his quidem fecundis, absque ulla sterili, imo cum gemellis fetibus comparantur. Fuerunt autem hae animi passiones in Beata Virgine non efferatae, ut in plerisque hominibus, in quibus adeo ferociunt, ut domari vix possint; hinc mitissimis ovibus comparantur, nam erant omnes rationis iudicio, tanquam oves pastori, subiectae; mundae etiam semper, quia nulla spes turpis lucri, nullum gaudium mali, nullus timor turpis ac vilis, nullus dolor indignus, ut in ceteris mulieribus, in ea usquam conspectus fuit; *tonsaes oves*, quia absque omni superfluitate; *sterilis non est in eis*, nulla vana spes, vana laetitia, vanus timor aut dolor; sed *omnes gemellis fetibus*, summi apud Deum meriti, Deum enim timebat, in Deo sperabat, de Deo gaudebat, de iis quae Deo displicant dolebat, Deum desiderabat, eique soli placere studebat, et displicantia Deo summe abominabatur, ac tanquam serpentes aspidos ac basiliscos fugiebat. Sicut ergo in dentibus ad eorum pulcritudinem et utilitatem requiritur integritas, numerositas, firmitas, aequalitas, candor atque munditias; sic in hisce animi passionibus aut affectionibus in Beata Virgine nullus fuit defectus, nulla infirmitas, nulla inaequalitas, nulla denigratio aut turpis color, nulla superfluitas et immunditia nulla.

et quoad collum,
ob firmitatem et
constantiam in
virtute.

Fuit in Beata Virgine summa animi fortitudo atque constantia in spe et fiducia Dei, nam *turris fortissima nomen Domini*; ⁹¹ hinc haec per collum designata, ubi nervi in quibus totius corporis fortitudo ac vis operandi consistit, turri fortissimi Davidis comparatur: *Collum tuum sicut turris David, quae aedificata est cum propugnaculis, mille clypei pendent ex ea, omnis armatura fortium*; hinc ipsa dicitur *terribilis ut castrorum*

91) Ibid. 18, 10.

acies ordinata, ipsa enim mulier est illa fortis a Salomone tantopere decantata.⁹² Comparatur etiam turri eburneae^{92a} collum hoc ob nimium candorem ac pulcritudinem, et quia virtus haec rara valde in mulieribus est.

VIII. Fuit in ea summa pietas erga proximos, qualis est amantissimae matris erga dilectissimos filios; haec per ubera designata botris comparatur et gemellis hinnulis caprarum. Et quidem ob pietatem Deus ipse habere ubera dicitur: *Meliora sunt ubera tua vino*,⁹³ sive *amores tui*, desideria iuvandi, uti matres plenis lacte uberibus filiis lac dare exoptant; hinc *Scadai* hebraice dicitur quasi *uberosus*. Et naturale est omnibus, sicut soli lucere, igni calefacere et fonti aquas emittere, cum ad sui generis iustum perfectionem devenerint, quaerere per generationem eam quae in ipsis est bonitatem aliis quoque impertiri. Sic arbores, iustum iam aetatem adeptae, fructificant, animalia filios gignere et procreare amant, adolescentibus mulieribus, cum ad aetatem nubilem venerint, ubera turgent; sic omnis bonus, uti Deo similis, prodesse aliis cupit quantum fas est. Sic Beata Virgo plenissima haec ubera habuit. Quoniam vero virtus haec pulcherrima est, pulcherrimis caprarum hinnulis comparatur, et, quia utilis valde, assimilatur botris.

Fuit in Beata Virgine summa animi temperantia *quoad* omnium temporalium bonorum affectiones, sive utilium sive delectabilium sive honorabilium, sicut integerima fuit purissimaque virgo corpore et spiritu. Haec designatur per ventrem, idest, pectus stomachumque, quod gustui delectabilibus delectatur, et umbilicum, ubi luxuria mulieribus inest: *Venter tuus ut acervus tritici vallatus liliis*, triticei enim panis temperatissimus sapor est. Virtus autem temperantia multis fuit ornata virtutibus; hinc ait ornatum liliis ventrem. Temperantia autem libidinis summa fuit, hinc ait: *Umbilicus tuus crater tornatilis non indigens poculis*. *Crater*, inquit, *tornatilis*, sive rotundus, sive lunaris, ad instar lunae plena, *non indigens poculis*, sive potibus, quoniam nulla penitus fuit in ea libidinis concupiscentia, sed perfectissima fuit in ea virginitas, sicut rotunditas figurarum perfectissima est, et sicut in luna nulla libido est, cum sit virginalis planeta.^{93a}

Maria laudata
in media
portione, quoad
ubera, ob sum-
mam maternam
pietatem
erga nos;

et quoad
ventrem, ob
temperantiam in
delectabilibus.

92) Ibid. 31, 10 sqq.

92a) Cf. Ct 7, 4.

93) Ct 1, 1. *Ubera* hebr. *dodin* dicuntur, quae vox etiam *amores* designat. 93a) Ita veteres. Cf. I. Perin in *Onomast. sub luna* verbo; A. Lapide, *Comment. in Ct 6, 9.*

Maria laudata in
inferiori por-
tione quoad
femora, ob
fortitudinem
ad observandam
legem Dei;

et quoad
gressus, ob
rectitudinem et
perfectionem
in actionibus.

Maria ideo tota
pulra et
immaculata,
quia totam
vitam duxit cum
Christo in virtu-
tibus omnibus,

IX. Adfuit etiam Beatae Virgini maxima virtus et fortitudo ad bene operandum observandamque adamussim universam legem Dei; ipsa enim non tantum Rachel, sed etiam Lia fuit; non tantum Maria, sed etiam Martha, sicut semper virgo, sed fecunda tamen mater. Haec autem per femora designatur, quae ob fortitudinem, qua praedita sunt ad ambulandum regendumque totum corpus, *viri fortissimi* a Salomone *Ecclesiastis* ultimo appellantur.⁹⁴ Comparantur autem haec monilibus factis manu artificis: *Iuncturae*, inquit, *femorum*, sive vertebrae femorum tuorum, *sicut monilia quae fabricata sunt manu artificis*, sive fidelis, ex auro purissimo, quod metallum purissimum ac pretiosissimum est, et quod neque ignis dissolvit. Fiunt autem monilia summa cum arte, studio ac diligentia.

Tandem gressus Beatae Virginis laudantur, per quos bona opera et virtutum officia designantur: *Quam pulcri sunt*, inquit, *gressus tui in calceamentis, filia principis*. Nunquam enim haec a dextris vel a sinistris claudicavit vel levissime peccando in prosperis vel in adversis; sed omnes eius cum internae tum etiam externae actiones rectissimae, sanctissimae, perfectissimae optimaeque fuerunt; hinc ait: *Quam pulcri sunt gressus tui!* ineffabiliter pulcri. Sic tota pulra est et corpore et spiritu, in utroque ineffabiliter pulra; hinc ait: *Quam pulra es, amica mea, quam pulra es!* Sic ait: *Tota pulra es, amica mea, et macula non est in te.*

X. Fuit autem Beata Virgo tota pulra et immaculata, quoniam duxit vitam cum Christo in perpetua carnis mortificatione, in ieuniis et vigiliis aliquis afflictionibus corporis, et in perpetua oratione et contemplatione; hinc vocatur mons myrrae et collis thuris, ait enim: *Vadam ad montem myrrae et ad collem thuris.*^{94a} Per myrrham vero amaram poenitentia designatur, unde: *Manus meae distillaverunt myrrham;*⁹⁵ sic: *Fasciculus myrrae dilectus meus mihi*,⁹⁶ quia propter Deum multa pati voluit. Sed non tantum mons myrrae, verum etiam collis thuris fuit: *Dirigatur oratio mea sicut incensum in conspectu tuo.*⁹⁷ *Phalias... plenas odoramentorum, quae sunt orationes Sanctorum.*⁹⁸ Hinc, postquam eam vocavit montem myrrae et collem thuris, dixit: *Tota pulra es, amica mea, et macula non est in te;* atque ad declarandum innocentiae eius perpetuae candorem, ait: *Veni de Libano, soror mea sponsa, veni de Libano, veni, coronaberis;* Libanus enim *candor* interpretatur, et mons altissimus est. Vocatur etiam

94) Vr. 3. 94a) Ct 4, 6. 95) Ibid. 5, 5. 96) Ibid. 1, 12. 97) Ps 140, 2. 98) Apc 5, 8.

*de capite Amana, quod est fides, de capite Sanir et Hermon,*⁹⁹ qui quidem tres sunt altissimi montes, ad designandas tres theologicas virtutes, quae in Beata Virgine summe fuerunt perfectae; hinc ait: *De capite.*

Hinc omnia opera tum interna tum externa Beatae Virginis Deo gratissima erant, ipsamque semper apud se volebat; hinc vocat eam ter: *Veni... veni... veni,* quia *vulnerasti cor meum... in uno oculorum tuorum, et in uno crine,* sive *torque, colli tui.* Quam pulcrae sunt mammae tuae, soror mea sponsa, pulcraiora sunt ubera tua vino, et odor unguentorum tuorum super omnia aromata. Favus distillans labia tua, sponsa, mel et lac sub lingua tua, et odor vestimentorum tuorum sicut odor thuris. Hortus conclusus... fons signatus... Emissiones tuae paradisus malorum punicorum cum pomorum fructibus. Cypri cum nardo, nardus et crocus, fistula et cinnamomum cum universis lignis Libani; myrrha et aloë cum omnibus primis unguentis; fons hortorum, puteus aquarum viventium.¹⁰⁰

semper
gratissima et
unita Deo

Sed haec per singula explicare quis poterit? Plane incomprehensibilis et ineffabilis est magnitudo Mariae super omnes Sanctos: *Odor unguentorum tuorum super omnia aromata.* Sic omnes et adolescentulæ et concubinae et reginae intuentur, admirantur, laudant et beatificant eam,^{100a} quoniam ipsa amica, dilecta sponsa et filia summi Dei est, Christi autem soror et mater: soror spiritu, mater carne.

Et quidem quatenus Mater Christi tanto melior est Angelis effecta quanto differentius præ illis nomen hereditavit.¹⁰¹ Angeli servi Dei sunt: Qui facit Angelos suos spirilus et ministros suos flammam ignis,¹⁰² Omnes sunt administratorii spiritus;¹⁰³ Millia millium ministrabant ei, et decies millies centena millia assistebant ei,¹⁰⁴ tanquam servi Domino; Et omnes Angeli stabant in circuitu throni... et ceciderunt in conspectu throni in facies suas et adoraverunt Deum;¹⁰⁵ at haec Mater est Dei, unde assistit a dextris, sedens sicut Bethsabee a dextris Salomonis:¹⁰⁶ Astitit regina a dextris tuis in vestitu deaurato, circumdata varietate.¹⁰⁷ Sic præparatus est mons domus Domini in vertice montium, super omnes Sanctos omnesque Angelos.

super omnes
Sanctos et
Angelos ut filia
sponsa et mater

99) Cf 4, 8. Vulg. habet: *De vertice Sanir.*

100a) Cf. Cf 6, 8-9.

104) Dn 7, 10.

101) Cf. Hebr 1, 4.

105) Apc 7, 11.

100) Cf 4, 9-15. *Torque ex hebr.*

102) Ibid. 1, 7.

106) 3 Rg 2, 19.

103) Hebr 1, 14.

107) Ps 44, 10.

Maria nova lux,
nova mulier,
qua sine peccato
originali con-
cepta,

XI. Sic nova lux est nova mulier, siquidem: *Novum creavit Dominus super terram, femina circundabit virum*,¹⁰⁸ nova civitas descendens de coelo,^{108a} novum illud vas, in quo Eliseus posuit sal ad sanandas steriles pessimasque aquas Iericho,¹⁰⁹ Christus enim sal est divinae sapientiae positum in incarnatione in hoc novo vase novae huius mulieris; haec plaustrum illud novum, super quod imposita fuit arca foederis Domini ad asportandam eam de terra Philisthiim in terram Israel¹¹⁰ et de domo Abinadab in domum David;¹¹¹ haec novum tabernaculum, quod pro arca Domini fecit David,¹¹² novumque templum, quod aedificavit Salomon;¹¹³ haec pallium novum Ahiae prophetae;¹¹⁴ haec atrium novum in quo pius rex Iosaphath Dominum oravit pro salute sui populi;¹¹⁵ haec novus uter in quo dixit Dominus mittendum esse vinum novum,¹¹⁶ sic enim ipse mortuus in novo monumento poni voluit;¹¹⁷ haec domus illa nova, quam dedicare voluit sua inhabitatione Christus, antequam ad bellandum pergeret contra diabolum, *Deut.* 20;¹¹⁸ domus illa nova, cui iussit Dominus ut superaedificaretur murus in circuitu tecti, ne quis de tecto caderet et morreretur;¹¹⁹ sic ne spiritus Beatae Virginis praeceps caderet in originale peccatum, Deus perfectam illi gratiam supernaturalem contulit in ipso suae conceptionis instanti, replens eam gratia Spiritus Sancti, sicut Ioannes in utero repletus Spiritu Sancto fuit.¹²⁰

statim ab initio
tota amore
anguens,

Hinc eam Angelus gratia plenam invenit: *Ave, gratia plena;* hinc in *Canticis* introducitur ipsa tota amore languens in ipso statim initio: *Osculetur me osculo oris sui, quia meliora sunt ubera tua vino, fragrantia unguentis optimis. Oleum effusum nomen tuum, ideo adolescentulae dilexerunt te. Trahe me, post te curremus...* Introduxit me rex in atria sua, exultabimus et laetabimur in te, memores uberum tuorum super vinum; recti diligunt te.¹²¹ Introducitur, inquam, eius beatissima anima tota amore languens et nonnisi Deum desiderans atque suspirans, veluti si qua sponsa prae amoris viri magnitudine viribus corporis destituantur, spiritu, qui plus est ubi amat quam ubi animat, fugiente semperque cum dilecto manente, nonnisi sponsi praesentia, osculis amplexuque laetificari potest. Quare a maximo caritatis gradu incepit Maria, ab amoris languore:

108) *Jer* 31, 22.

108a) Cf. *Apc* 21, 2.

109) 4 *Rg* 2, 20-22.

110) 1 *Rg* 6, 7 sqq.

111) 2 *Rg* 6, 3 sqq.

112) 1 *Par* 15, 1.

113) 3 *Rg* 6, 1-38.

114) 3 *Rg* 11, 29.

115) 2 *Par* 20, 5 sqq.

116) *Mc* 2, 22.

117) *Io* 19, 41-42.

118) *Vr.* 5.

119) *Dt* 22, 8.

120) *Lc* 1, 15. 121) *Cf* 1, 1-3. *Vulg.* loc.: *Atria sua*, habet: *Cellaria sua*.

Fulcite me floribus, stipe me malis, quia amore langueo. Laeva eius sit sub capite meo, et dextera illius amplexetur me. ¹²²

Frui tamen dilecto datum est illi, nam inquit: *Sub umbra illius, quem desideraveram, sedi, et fructus eius dulcis gutturi meo.* ¹²³ Comparat enim dilectum arbori malo, sicut malus pulcherrima arbor dum floribus, foliis fructibusque aureis onusta cernitur: *Sicut, inquit, malus inter ligna silvarum, sic dilectus meus inter filios;* ¹²⁴ fructus enim huius arboris oculis aureo colore ac modicum subrubente iucundissimus est, olfatui odore, gustui sapore melleo, et tactui nimia levitate perquam suavis.

Sic divinae huius caritatis affectibus Beatae Virginis anima, Spiritu Sancto repleta, ab ipso conceptionis suae primo instanti ad Deum vi amoris conversa affici, his amoris incendiis aestuare coepit. O res nova et super omnem novitatem novissima! Anima haec sanctissima nec proprii corporis sculi nec materni uteri carcere teneri poterat; sed libera, tanquam pura columba alis aquileis praedita, in coelum volabat, suoque volatu coelorum altissima petebat, altissime super omnes Angelorum choros evolabat, in altissima semper summi Dei contemplatione vitam ducens.

dilecto fruens,

in altissima
contemplatione
Dei vitam
ducens.122) Ct 2, 5-6. Vulg. habet: *Amplexabitur me.*

123) Ibid. 2, 3.

124) Ibid. 2, 3.

SERMO TERTIUS

VERA DIVINITATIS ARCA MARIA IDEO IMMACULATA

*Iacob autem genuit Joseph virum Mariae, de
qua natus est Iesus, qui vocatur Christus.¹*

Maria formata
fuit ut esset
dignum habitaculum Dei
humanati.

I. Celebrans hodie sancta mater Ecclesia solemne festum immaculatae conceptionis Deiparae Virginis, legit Evangelium, in quo agitur de nativitate Christi, ubi de Sanctissima Virgine nihil aliud dicitur nisi quod fuerit Mater et Genitrix Christi: *Virum Mariae, de qua natus est Iesus, qui vocatur Christus.* Haec autem summa est Mariae dignitas quod sit Mater Dei, *Theotocos.* Proponitur scopus et finis, ad quid creata sit a Deo Maria, ad quid nata in mundo: ut esset Mater Christi, Mater Dei vivi et veri, ut esset dignum habitaculum Dei incarnati, humanati.

Mulieris ^{1a} formationem Divina Scriptura vocat *aedificationem:* *Tulit unam de costis eius..., et aedificavit... eam in mulierem,* ² ut insinuet quod ad hoc formata fuit mulier, ut esset primum habitaculum hominis concepti et nati formatique in utero; uterus enim mulieris prima est domus et habitatio hominis, ubi novem mensibus habitat. Haec autem mulier formata fuit, ut esset dignum aptumque habitaculum Dei humanati.

Proponitur nobis finis altissimus, ad quem ordinata et praedestinata fuit Maria. Alta prophetia profecto haec est hodierni Evangelii, quae ut ineffabilem incomprehensibilemque dignitatem et nobilitatem Mariae mira-

1) Mt 1, 16. 1a) Ms.: *Muller.* 2) Gn 2, 21-22. Vulg.: *Et aedificavit... costam in mulierem.*

bili modo declaret, silentio id facit, sciens quod nullo modo explicari potest. Sed, altissimo fine proposito, rem nostro iudicio relinquit expendendam, ut iudicemus ipsi qualis formata fuerit manu omnipotentis Dei Maria, ut digna esset Dei Sponsa et Mater Unigeniti Filii Dei.

II. Rex serenissimus pariter et sanctissimus David, ut templum et sacra domus pro humanis viribus Deo digna aedificaretur, immensam paravit copiam auri, argenti, aeris, ferri et marmorum nobilissimorum lignorumque, quoniam, inquit, *domus... quam aedificari volo..., talis esse debet ut in cunctis nationibus nominetur*. Hinc praeparavit auri talenta centum millia, argenti vero mille millia, aeris vero et ferri sine pondere et mensura, *1 Paralip. 22.*³ Nec his contentus, addidit adhuc tria millia talenta auri et septem millia argenti probatissimi, cap. 29.⁴ Cumque pro animi sui magnitudine parva copia haec tanta videretur, petuit a principibus regni auxilium, accepitque ab eis quinque millia talenta auri, decem millia talenta argenti, aeris decem et octo millia et ferri centum millia talenta,⁵ ita ut pro templi aedificio parata fuerint centum et octo millia talentorum auri et millies mille decem et septem talentorum argenti, – talentum autem erat apud Hebraeos pondus centum minarum sive librarum, libra autem hebraica erat unciarum triginta; – ita ut tot talenta auri et argenti summam faciant incredibilem, nam talentum auri nunc efficeret plus quam mille aureos, cum contineret centum libras auri triginta unciarum; quare mille talenta plus continet uno, ut dicitur, *millione auri*.

Sed ad quid tantum auri et argenti impendium, o David? Quoniam, inquit, *grande... opus..., neque enim homini praeparatur habitatio, sed Deo*;⁶ ut Deo digna fieret habitatio, tot praeparavit impensas. Aedificare autem voluit David templum ut in eo requiesceret arca foederis Domini, quae Christum praefigurabat. Ait enim *Paralip. 22: Aedificate sanctuarium Domino Deo, ut introducatur arca foederis Domini;*^{6a} cap. 28: *Cogitavi ut aedificarem domum, in qua requiesceret arca foederis Domini et scabellum pedum Dei nostri;*⁷ imo sic dixit ad Nathan: *Vides... quod ego habitem in domo cedrina, et arca Dei posita sit in medio pellium.*⁸

Si igitur rex David ex animi pietate, ut dignum locum praepararet arcae foederis Domini, omnes thesauros evacuavit, totumque fere aerarium

Quae fecit David
ad reponendam
dignissime
arcam Dei
figura eorum
quae Deus
facturus erat
circa veram
Divinitatis
arcam Mariam.

3) Cf. vrr. 3-17.
6a) Ibid. 19.

4) Cf. vrr. 3-4.
7) Vr. 2.

5) Cf. ibid. 29, 6-9.
8) 2 Rg 7, 2.

6) 1 Par 29, 1.

regum effudit, cum tamen arca illa non nisi figura et umbra quaedam esset Christi venturi; quid igitur credendum est quod Deus fecerit, ut dignum praepararet locum vero Christo, qui per arcum praefigurabatur? Plane quod omnes thesauros divinarum gratiarum ad hoc opus impenderit, nam Christi infinita est dignitas, infinitum meritum.

Maria, vera
arca Dei, ex
pretiosissimis
condita quoad
naturam et
gratiam,

III. Ut tabulae legis, Dei digito conscriptae, honesto loco reponerentur, ac perpetuo tanquam inestimabilis thesaurus asservarentur, iussit Deus ex nobilissimis lignis arcam fieri, et optimi auri laminis intrinsecus extrinsecusque vestiri, ac sacratissimo loco, in ipso sancto sanctorum collocari sub divino propitiatorio in medio Cherubim gloriae.⁹ Tabulae illae procul dubio Christum praefigurabant, arca vero Mariam semper Virginem. Haec ex lignis nobilissimis facta est quoad naturam, et auro optimo induita intrinsecus et extrinsecus quoad gratiam.

et perfectionibus
paulo minor
Christo.

Advertendum est autem quod in mensuris arcae huius latent mysteria. Statuitur longitudine arcae duorum cubitorum et semis, latitudo unius cubiti cum dimidio, et similiter altitudo;¹⁰ qui omnes cubiti faciunt quinque cubitos et semissem, deficientes a senario, qui est numerus perfectus ac primus perfectorum, cum constet ex omnibus suis partibus aliquotis. Propitiatorium autem, quod erat supra arcam, totum ex auro mundissimo, et Christum designabat, habebat duos cubitos et semissem in longitudine et cubitum cum dimidio in latitudine,¹¹ quae faciunt quatuor cubitos; quaternarius autem virtute denarius est, qui est sphaera omnium numerorum. Sic Christus perfectissime in seipso omnia continet. Mariae autem deest aliqua perfectio. Non enim de virgine concepta est opera Spiritus Sancti ut Christus; nec in seipsa continet omnem plenitudinem Spiritus Sancti sicut Christus, de quo scriptum est: *Requiescat super eum Spiritus Domini, spiritus sapientiae et intellectus*, etc.;¹² nec a se gratiam habet ut Christus, qui est sol iustitiae, ipsa enim luna est.

Divinitatis arca
Maria
immaculatissima
evincitur ex
auctore
Spiritu Sancto,

IV. Tanti tamen fecit Deus arcam illam, ut ad eam optime construendam artificem prius coelesti sapientia donarit, et Spiritu Sancto replerit;¹³ ita ut Spiritus Sanctus censensus sit auctor illius arcae, ut in ea coelestis reponeretur legis thesaurus. Et non existimandum hoc idem est de hac

9) Cf. Ex 25, 10-20. 10) Cf. ibid. 37, 1. 11) Cf. ibid. 37, 6. 12) Is 11, 2. 13) Cf. Ex 36, 1.

Divinitatis arca quod Spiritu Sancto auctore constructa sit magno miraculo? Voluit Deus formari arcam illam quadrangulari figura triplicique mensura longitudinis, latitudinis et altitudinis mensurari propter quatuor virtutes cardinales, quae etiam quatuor circulis sive anulis aureis in quatuor angulis arcae designantur, et tres theologicas fidem, spem et caritatem: *Deaurabis*, inquit, *eam auro mundissimo*,¹⁴ gratia perfectissima, qua sub Deo maior non possit.

Iussit eam collocari in sancto sanctorum,¹⁵ qui sacratissimus erat locus Dei et Angelorum Christique, in signum quod Virgo locum tenuit divinae sanctitatis. Nulla penitus peccati macula in Deo, nulla in Christo, nulla in Angelis; sic nulla in Maria. Hoc significat aurum mundissimum ex quo divinum propitiatorium et Cherubim gloriae effecta erant;¹⁶ hoc sanctissimus et sacratissimus locus sanctuarii, ubi posita arca fuit. Sic auro mundissimo deauratam locoque sanctissimo positam Angelus demonstravit, dicens: *Ave, gratia plena, Dominus tecum, benedicta tu in mulieribus*;¹⁷ subiunxit Elisabeth ex afflato Spiritus Sancti: *Et benedictus fructus ventris tui*:¹⁸ simili ac fere eadem gratiae benedictione tu benedicta, qua fructus ventris tui.

Gratia plena. Ubi consistit gratia? In anima, in animo hominis. Sed quaenam est magnitudo, capacitas, amplitudo animi et cordis humani? Plane infinita; mundus totus parvus est, amplitudinem animi nostri implere non potest, nec mille aut millies mille mundi, ita ut plenus sit animus, nihil amplius desiderare possit. *Ave, gratia plena*, omni gratia desiderabili; ergo et gratia angelicae innocentiae et puritatis. *Deaurabis eam auro mundissimo*. Num excogitare possumus metallum auro nobilium et pretiosius? Minime. Hoc ergo significat quod Beata Virgo ea sanctitate nituit, plenaque fuit, qua maior sub Deo nequit intelligi. Sicut etiam in *Canticis* dicitur: *Quae est ista quae progreditur quasi aurora consurgens, pulcra ut luna, electa ut sol*.¹⁹ Quaesito, notate gradus. Comparatur primo stellae pulcherrimae Veneri in aurora. Sed adhuc lucem maiorem excogitare possumus, qualis est lunae plenae. Sed adhuc possumus maiorem qualis est lux solis; luce autem solis maiorem non possumus intelligere. Sic ait: *Quasi aurora consurgens, pulcra ut luna, electa ut sol*. Ob eandem causam legimus in *Apocalypsi*: *Signum magnum apparuit in coelo, mulier*

qui ornavit eam
omnibus vir-
tutibus,

collocavit
in sancto
sanctorum,

locupletavit
gratia qua maior
nequit intelligi;
hinc luce amic-
ta stellarum,
lunae et solis.

14) Ex 25, 11.
18) Ibid. 1, 42.

15) Cf. ibid. 25, 20.
19) 6, 9.

16) Cf. ibid. 25, 17-18.

17) Lc 1, 28.

amicta sole, etc.²⁰ Ornatur luminibus ac splendoribus stellarum; sed maius est lumen plenae lunae et adhuc maximum lumen solis: *Mulier amicta sole. Deaurabis eam auro mundissimo.*

Maria magnum
miraculum
puritatis.

Sed notate verba illa: *Signum magnum. Signum*, idest, miraculum: *Propter hoc dabit Dominus ipse vobis signum*,²¹ idest, miraculum; *Volumus a te signum videre*,²² idest, miraculum. *Signum magnum*, idest, magnum miraculum. Post mundi creationem duo cernimus genera operum Dei: quaedam sunt ordinaria ac naturalia, qualia sunt opera universalis providentiae et regiminis naturae; alia sunt extraordinaria ac supernaturalia insolitaque, et ideo miracula dicuntur, qualia sunt quae legimus in Divinis Scripturis Veteris et Novi Testamenti. Maria profecto opus Dei est, creatura Dei, sed opus extraordinarium, opus mirabile, magnum miraculum; hinc ait: *Novum creavit Dominus super terram, femina circumdabit virum*,²³ mulier concipiet Deum. Non, inquit, faciet, sed *creabit*, et *creabit novum*, rem nunquam visam, creabit magnum miraculum: *Signum magnum apparuit in coelo*, magnum miraculum divinae sanctitatis nunquam visum.

Sanctificatio in utero non est res nova; fuit sanctificatus in utero Ieremias propheta Dei,²⁴ sanctificatus Ioannes praecursor Christi;²⁵ sed *novum creavit Dominus super terram: Mulier amicta sole*, plena sanctitate qua maior nec intelligi nec excogitari potest: *Deaurabis eam auro mundissimo*. Quod si Deus ministros suos in coelo voluit esse omnino sine vel minima macula peccati, purissimos, immaculatissimos, quid mirum si talem elegit Matrem?

Divinitatis arca
Maria immaculatissima evincitur
ex habitatore
Christo, qui, pro
facultate eligendi, Matrem
purissimam
voluit,

V. Sed, quaequo, audite meam hanc meditationem. Si homo, antequam nasceretur, crearetur a Deo purus spiritus, cum facultate eligendi sibi parentes quales vellit pro libito; dicite: Quales sibi parentes eligeret? Nonne honestissimos, nobilissimos, optimos? Solus Christus hanc habuit potestatem. Videte, quaequo, qualem sibi Patrem elegit, si potuit meliorem eligere! Noluit alium habere patrem in terra, sed solum Deum in coelo, ut Deus Pater ipsius esset etiam secundum humanitatem. Videlicet optimam electionem! Et non vultis, ut Matrem sibi elegerit similem Patri? Potuit eligere, imo formare sibi optimam Matrem, omnino sanctissimam, similem Patri;

20) 12, 1.

21) Is 7, 14.

22) Mt 12, 38.

23) Jer 31, 22.

24) Cf. Ibid. 1, 5.

25) Cf. Lc 1, 15.

et existimandum est quod noluerit? Quod Matrem sibi elegerit, quae aliquando fuerit vile diaboli mancipium, ut diabolus possit Christo reprobare et dicere: Cuiusnam filius tu es? An non mulieris, quae meum aliquando fuit mancipium? quae a me fuit dehonesta? a me deflorata? Absit, absit, ut diabolus tale quid possit reprobare Christo.

Originale autem peccatum hominem efficit inimicum Dei, diaboli mancipium, animam diaboli scortum; hinc enim peccatum fornicatio dicitur.²⁶ Hoc est quod Divus Augustinus, lib. *De Natura et Gratia contra Pelagianos*, cap. 36, dixit disertis verbis: « Excepta sancta Virgine Maria, de qua propter honorem Domini nullam prorsus, cum de peccatis agitur, habere volo quaestionem; inde enim scimus quod ei plus gratiae collatum sit ad vincendum omni ex parte peccatum, quia concipere et parere meruit eum quem constat nullum habere peccatum ».²⁷ Ubi Augustinus contra Pelagianos loquitur, qui originale negabant peccatum; nam, si de actualibus loqueretur, non solum Virginem exceperisset, nam multi Sanctorum cum solo originali absque ullo actuali decesserunt, ut Sancti Innocentes; sed « nullam, inquit, volo habere quaestionem propter honorem Domini »; nullam ergo nec de originali propter honorem Domini, ne diabolus haberet quod Christo reprobare posset.

Sic Christus immaculatam sibi Matrem elegit omni ex parte sibi similem. Sic legimus quod *sapientia aedificavit sibi domum, excidit columnas septem*,²⁸ domum aedificavit fundatam supra septem columnas, quae sunt Spiritus Sancti dona; sic quod *Salomon rex ferculum sibi fecit ex lignis Libani, columnas eius fecit argenteas, reclinatorium aureum, ascensum purpureum*,²⁹ idest, composuit sibi cubile pretiosissima nobilissimaque materia pro viribus ditissime ornatissimum. Sicut etiam thronum quod sibi fecit ex ebore, vestivit auro optimo,³⁰ ita ut nil mirabilius videri possit.

VI. Sed aliam adhuc, quaequo, considerationem audite. Divus Petrus ad ostendendam Christi innocentiam id tantum dixit: *Qui peccatum non fecit, nec inventus est dolus in ore eius*.³¹ Super quae verba Divus Augustinus, lib. 5 *Contra Julianum Pelagianum*, cap. 15, ait: « Notandum est quod iudicaverit Apostolus sufficere ad ostendendum in Christo nullum

non mancipium
satanae

sed similem
sibi.

Divinitatis arca
Maria immacu-
latissima
evincitur quia
nullum actuale
peccatum
commisit ergo
non habuit
originale.

26) Cf. Jer 3, 2-3; 13, 27; Ez 16, 15-25; 23, 5-43; Os 5, 13; 8, 9; 12, 1 et alibi. 27) P. L. 44, 267.

28) Prv 9, 1. 29) Ct 3, 9. Vulg. habet: *Ferculum fecit sibi rex Salomon de lignis Libani*, etc.

30) Cf. 3 Rg 10, 18. 31) 1 Petr 2, 22.

fuisse peccatum, dicere nullum eum fecisse peccatum, ut diceret, quia qui non fecit, habere non potuit. Omnino verissimum est, profecto enim peccatum etiam maior fecisset, si parvulus habuisset, nam propterea nullus est hominum praeter ipsum qui peccatum non fecerit grandioris aetatis accessu, quia nullus est hominum praeter ipsum qui peccatum non habuerit infantilis aetatis exortu ». ³² Ubi docet Augustinus quod omnis qui in originali peccato conceptus, aliquod commiserit adulta aetate actuale peccatum, nam originale radix est actualium. Sed Beata Virgo nullum actuale commisit, ergo nec originale contraxit. Et si ad probandum quod Christus originale peccatum non habuerit, iudicio Petri Apostoli sufficit dicere quod peccatum non fecerit; ergo similiter de Beata Virgine dicendum est, cum sine omni macula praedicetur in Divinis Scripturis. ³³

Divinitatis arca
Maria immacu-
latissima evin-
citur a gloria
Dei manife-
stanta.

VII. Et adhuc, quis nesciat quod quaecumque Deus extra se operatus est, omnia effecit ad ostendendos thesauros infinitos potentiae, sapientiae et bonitatis suae, ad gloriam nominis sui? Ob id enim tot tantaque miracula facta legimus tum in Veteri tum in Novo Testamento, ad declarandam manifestandamque divinam gloriam et maiestatem; eaque magis credenda de Deo sunt, quae ad Dei gloriam promovendam magis conducunt. Sed procul dubio immaculata conceptio Virginis Deiparae huiusmodi est, declarat enim Dei potentiam, sapientiam et bonitatem.

Magis eluet
potentia pre-
servatione quam
liberatione a
peccato.

Potentiam, de qua ipsamet ait: *Fecit mihi magna qui potens est, et sanctum nomen eius.* ³⁴ Exercuit, inquit, magnam potentiam suam, ut magna sanctitate me sanctificaret. Non dicit: Qui misericors est ad delendum peccatum, sed *potens* ad creandam naturam et gratiam. Declarat mysterium hoc quod Deus potuit creare animam in gratia in hoc mundo, sicut ab initio creavit Angelos in coelo; quod divina Maiestas non est suis legibus subiecta, sed potest contra communem legem ex gratia et privilegio aliquid concedere; quod potest redimere a peccato non solum liberando, sed etiam praeservando a peccato, ut sic declaretur perfectus Redemptor, ne quis diceret id quod Iudei in morte Lazari dicebant: *Non potuit hic, qui aper- ruit oculos caeci nati, facere ut hic non moreretur,* ³⁵ praeservando eum a morte, sicut praeservavit servum centurionis ³⁶ et filium reguli, ³⁷ quos dicimus liberatos a morte. Maiorem declarat Dei potentiam, quia haec

32) P. L. 44, 815. Ms. loc.: Cap. 15, habet: Cap. 9.

35) Io 11, 37. Vulg. *Non poterat*, etc.

33) Cf. Ct 4, 7.

36) Cf. Mt 8, 5-13.

34) Lc 1, 49.

37) Cf. Io 4, 46-53.

maior est gratia, animamque Deo et Christo efficit absque omni macula multo similiorem.

Declarat Dei sapientiam quod in Beatae Virginis anima uno momento depinxerit perfectissimam Christi imaginem vivis coloribus, absque ulla penitus macula; quod multo melior sit virginitas illibata perpetuaque spiritus quam carnis; sicque efficit Deus, ut sicut illibata Virgo fuit corpore, ab homine minime tacta, ita et spiritu nunquam violata a diabolo. Nam insipientiae fuisset eligere potius corpoream virginitatem quam spiritualem; et stultitiae tribueretur regi, si permetteret sponsam sibi mox copulandam ab inimicis prius capi et violari, ut eam postea vi de manibus eorum eriperet, cum honoris iactura sit irreparabilis.

Declarat Dei bonitatem, qua voluit purae creaturae communicare perfectum gratiae thesaurum, perfectam sanctitatem, omnem perfectionem gratiae, perfectam puritatem et innocentiam, perfectam divinae bonitatis et sanctitatis similitudinem imaginemque. Et cur non omnem gratiae thesaurum conferret cui contulit omnes Divinitatis thesauros, collocans in ea omnem Divinitatis plenitudinem, quando *sic eam dilexit, ut ei Filium suum Unigenitum daret?*³⁸ Quomodo non simul cum eo omnia ei donavit? ^{38a}

Vere liceat mihi hoc dicere, aurumque ex Aegypto in terram promissionis transferre.³⁹ Videtur mihi Virgo Sanctissima sicut Pandora illa, quam finxit Hesiodus^{39a} primam mulierem iussu Iovis a Vulcano formatam, cui omnes dii dona dederunt: Pallas sapientiam, Venus pulcritudinem, Mercurius eloquentiam, Apollo musicen, sicque dii omnes suis muneribus eam cumularunt. Sic, inquam, coelestis haec mulier omnibus coelestium spirituum Sanctorumque omnium dotibus, virtutibus donisque et gratis exornata cumulataque a Deo fuit; ita ut nihil sit candoris, nihil sit splendoris, nihil sit virtutis, quod non resplendeat in Virgine Gloriosa.

Declarat tandem perfectam Dei erga Christum caritatem: *Hic est Filius meus dilectus, in quo mihi bene complacui.*⁴⁰ Semper Deus modis omnibus quibus potuit Christi unici Filii sui honorem et gloriam quaesivit ac procuravit. Hinc ante ipsius adventum Prophetas sanctificavit, Spiritu Sancto replevit miraculisque illustravit, ut futuram Christi gloriam pro dignitate praedicarent; sic postea Apostolos Spiritu Sancto misso de coelo, veluti deificavit, ut essent idonei ministri Christi: *Idoneos ministros nos fecit*

Magis elucet
sapientia elec-
tione virginitatis
spiritus et carnis
quam carnis
tantum.

Magis elucet
bonitas commu-
nicatione
perfectae quam
imperfectae
puritatis.

Maria coelestis
Pandora.

Magis elucet
Dei erga
Christum caritas.
Christi probrum
esset Matrem
habere a diabolo
violatam.

38) Io 3, 16. 38a) Rom 8, 32. 39) Alludit ad Ex 12, 35. 39a) Cf. *Opera et Dies* (graec. Ἐργα καὶ Ἡμέραι) p. 1, vrr. 42-104. Edit. Basiliæe an. 1544. 40) Mt 17, 5.

Novi Testamenti, inquit Paulus.^{40a} Ad hoc sanctificavit Ieremiam in utero matris,⁴¹ ad hoc Ioannem Baptistam non solum sanctificavit, sed etiam Spiritu Sancto replevit;^{41a} sic modis omnibus Christi honorem procuravit. Et tandem, cum magna Christi ignominia permiserit, ut nasceretur ex muliere violata a satana? Quis nesciat quod Deus honoris sui zelantissimus est: *Honorem meum alteri non dabo?*⁴² Et permiserit eam quae ipsius Sponsa futura erat et Mater Unigeniti Filii sui a diabolo stuprari et deflorari? Quid magis desideratur in sponsa quam honor? Et non desideraretur in Sponsa Dei, in Matre Christi?

Divinitatis arca
Maria immacu-
latissima
evincitur a
natura peccati,
summi mali.

VIII. Natura quoque ipsius peccati eandem hanc veritatem demonstrat atque evincit. Nam, cum suapte natura peccatum infinitum quoddam sit malum, adeo ut nos infinita Dei caritate, gratia, bonitate et gloria indignos in aeternum constituat, procul dubio malum est multo maius quovis alio malo, privatione cuiusvis boni; maius est malum quam mors, quam privatio vitae, gloriae et cuiusvis dignitatis, adeo ut sapienti viro mors sit potius eligenda et infernus quam peccatum; ita ut, si animae Virginis data fuisset optio, potius elegisset non esse nec nasci, quam peccato foedari, ad instar Arminii, quod animal mori potius elitit quam pollui quovis modo et foedari.^{42a} Ad quid ergo Deus tale tantumque malum permiserit? Nunquam enim Deus magnum permittit malum nisi propter maius bonum. Ad quid ergo Deus permiserit Virginem Sanctam a diabolo violari, cum multae virgines sanctae mortem potius elegerint, quam se violari permiserint? Si Deus propter divinam maternitatem, infinitam plane dignitatem, praeservare voluit Virginem a minoribus malis, a venialissimis culpis, a quam minimis peccatalis, quae animam nihil fere laedunt et maculant; cur non ab originali, quod animam interimit tanquam letale et mortiferissimum venenum? Si corpus a corruptione praeservare voluit, cur non animam?

A nobis munus
fidei de
immaculata

IX. Sed tandem ex humanis rationibus aliquid dicam. Non praecepit Summus Pontifex ut sanctae Romanae Ecclesiae Cardinales aut nobilissi-

40a) 2 Cor 3, 6. Vulg.: *Qui et idoneos nos fecit ministros Novi Testamenti.* 41) Cf. Jer 1, 5. 41a) Cf. 1, 15. 41. 42) Is 42, 8. Vulg.: *Gloriam meam, etc.* 42a) Arminius (*Serm. 2 in Signum Magnum*, pag. 25 huius vol., *topus albus etiam vocatus*) est mustela alba vel (secundum Linnaeum) *mustela herminea*, ital. *ermellino*. Ferdinandus I Neapolis rex an. 1483 sub hoc nomine militarem ordinem (*L'Ordine dell'Ermellino*) instituit, eique pro insigni hoc animal dedit cum hac inscriptione: Malo mori quam foedari. Cf. Lex. *Encyclopedie Italiana*, sub verbo *Ermellino*. Edit. Venetiis an. 1837.

marum ecclesiarum Antistites, Episcopi, Archiepiscopi et Patriarchae dicuntur Illustrissimi; honoris tamen causa et ad illorum dignitatem honordam nedum a servis, sed ab omnibus fere Illustrissimi vocantur, sicut Venetiis summi senatores et procuratores reipublicae. Et multis ducibus Italiae non concessit imperator titulum Altitudinis Serenissimae; attamen, quia non prohibet, ab omnibus fere et maxime a vassallis dignissimo hoc titulo honorantur. Ita, inquam, non praecipit Deus ut credamus immaculatam Virginis conceptionem, nec manifeste legimus in Divinis Litteris privilegium hoc imperiale a sacra caesarea Maiestate Summi Imperatoris Dei Virgini concessum; at nec prohibitum aut vetitum legimus ne Sanctam Virginem honestissimo hoc titulo honorare possimus.

Sicut autem principibus quaedam quidem dantur ex debito, ut tributa et census, quaedam vero, ut munera, praesentantur honoris causa et benevolentiae ergo; ita in Divinis Litteris serenissimae huic Principi, Reginae, Imperatrici quaedam necesse est ut offeramus tanquam debita: quod sit Mater Dei, perpetua virgo, gratia plena etc.; quaedam vero tanquam munera: quod sit assumpta in coelum corpore et spiritu, quod sit nata sancta, quod sit sine peccato concepta. Offeramus ergo hoc munus Sanctissimae Virgini, etc.

Levit. 21, ⁴³ mandatum dedit Deus ut summus pontifex non posset ducere uxorem nisi virginem et de populo suo, non alienigenam aut viduam vel repudiatam aut meretricem. Sed quidnam summus pontifex tunc Ecclesiae hierarcha designabat nisi Deum? Accepturus erat uxorem Deus; sed virginem omnino illibatam, sanctam corpore et spiritu, non a satana stupratam et violatam, absit, magis enim spirituali quam corporea virginitate delectatur Spiritus Domini.

Oraculum templi, in quo arca reponenda erat, totum fuit laminis aureis tectum, ita ut tota domus aurea videretur, etiam pavimentum, ita ut, sicut *Paralip.* lib. 2, cap. 3 ⁴⁴ legimus, sexcenta auri talenta ad hoc opus impensa [fuerint]. Sic Deus locum habitationis Filii sui voluit pro dignitate auro pretiosissimo omni ex parte ornatum esse. In oraculum sive sanctum sanctorum nonnisi solus pontifex ex decreto Dei ingredi poterat; ⁴⁵ et permiserit Deus, ut intra hoc sanctuarium prius diabolus intraverit, ad foedandum et polluendum illud?

conceptione,
saltē ex
devotione et de-
cēntia Mariæ
offerendum,

et Deus
imitandus, qui
Sponsam elegit
immaculatam.

Simile:
sponsa summi
sacerdotis,

oraculum
templi,

⁴³) Cf. vir. 13-15.

44) Cf. vr. 8.

45) Hebr 7, 24.

Moyses et rubus, Ad locum, in quo Deus erat, nec Moyses calceatis pedibus permissus est accedere: *Ne accedas... huc; solve calceamenta de pedibus tuis, locus enim in quo stas terra sancta est;*⁴⁶ et permissus fuerit satanas accedere ad polluendum illum? Deponenda sunt involucra carnalium cogitationum,⁴⁷ si accedere volumus ad locum divinae habitationis, ubi rubus ardet, et non comburitur, quoniam Deus ibi est.

Pharao et terra sacerdotalis. Si Pharao rex Aegypti universam terram tributariam effecit, excepta terra sacerdotali, ob sacerdotii honorem a tributo eam exemit, *Gen. 47;*⁴⁸ quid mirum si Deus ad honorem Unigeniti Filii sui, qui *sempiternum habet sacerdotium,*⁴⁹ terram hanc semper benedictam a tributo peccati originalis liberam esse voluit?

46) Ex 3, 5. Vulg.: *Ne approples, inquit, huc, etc., et Calceamentum.*
Serm. in Dominic. infra Oct. Assumpt. B. M. V. n. 5. (P. L. 183, 1008).

49) Hebr 7, 24.

47) Cf. D. Bernard.

48) Cf. vr. 26.

SERMO QUARTUS

DOMUS INCARNATI VERBI MARIA IDEO IMMACULATA

*Beatus venter qui te portavit, et ubera
quae suxisti.*¹

I. Exclamat haec mulier ex nimia admiratione, cognita Christi Divinitate ex Spiritu Sancti afflatu, totaque admirabunda prorumpit in laudem mulieris, quae talem ac tantum concepit et peperit filium. Sicut sanctus patriarcha Iacob, habita coelesti visione, qua Deum in humana forma sibi apparentem vidit in Luza, exclamavit, dicens: *Vere Dominus est in loco isto, et ego nesciebam; pavensque: Quam terribilis est, inquit, locus iste; non est hic aliud nisi domus Dei et porta coeli;*² ita de beatissimo utero hoc. *Vere Dominus fuit in loco isto;* non tantum sicut in universo mundo per potentiam, essentiam et praesentiam, non sicut in Ecclesia per gratiam, per fidem, spem et caritatem, non tantum per gloriam, visionem, fruitionem et possessionem sicut in paradiſo; sed per mysterium divinae Incarnationis, per hypostaticam unionem divinae cum humana natura. *Hic domus Dei est,* venter hic beatissimus domus Dei specialissima supra mundum, supra Ecclesiam, supra paradiſum; domus illa, de qua legimus, Prov. 9: *Sapientia aedificavit sibi domum, excidit columnas septem, immolavit victimas suas, miscuit vinum, et posuit mensam, et misit ancillas suas, ut vocarent ad arcem et ad moenia civitatis,* hebr. *ut vocarent ad excelsam arcem urbis.*³

Mulier
evangelica et
patriarcha Iacob
de Incarnati
Verbi Domo
admirabundi.

1) Lc 11, 27.

2) Gn 28, 16-17.

3) Vrr. 1-3.

Mirabiles domus
pro creaturis a
Deo factae,
mirabilior
pro seipso.

II. Divina sapientia plenus Salomon aedificavit tria magna ac prodigiosa aedificia: templum Domini et palatum regium itemque palatum reginae filiae Pharaonis.⁴ Deus aedificavit mundum hunc pro hominibus, paradisum pro Angelis et habitationem pro Filio, imo Filius ipse, qui est sapientia Patris,⁵ pro seipso; ipse enim et mundum et paradisum fabricatus est. Quod si tam magnam domum Deus fabricatus est pro servis suis hominibus, qualis mirabilis hic mundus est, tam mirabilem pro Angelis, qui nobilioris ac principalioris quidem nobilitatis supra homines, sed tamen ipsi quoque nonnisi servi Dei sunt; quid fecerit pro Filio? Quid pro seipso? *Sapientia aedificavit sibi domum*, non homini, non Angelo, sed *sibi*. Qualis est Christi dignitas supra homines et supra Angelos, talis, data proportione, est dignitas huius aedificii supra mundum, supra paradisum.

Mulier geniti
hominis primus
locus et domus.
Maria, Incarnati
Verbi Domus,
maximo sumptu
et artificio
aedificata.

III. *Aedificavit sibi domum*. Ab initio Deus dictus fuit agricola, cum plantavit paradisum;⁶ a figulus et plastes, dum produxit Adamum: *Formavit Dominus Deus hominem de limo terrae*,⁷ et fabricator, cum Eavam constituit, nam *tulit costam et aedificavit...* eam *in mulierem*;⁸ nam creata fuit mulier propter generationem humanam, ut geniti hominis esset primus locus ac domus, in qua per novem menses habitat. Virgo autem Beatisima aedificata est in domum Unigeniti Filii Dei.

Aedificavit sibi domum maximo sumptu. Sicut David, ut aedificaret templum Domino, exposuit impensas incredibiles, totum effudit aerarium ac thesaurum regium, dicens *quia non homini, sed Deo habitaculum praeparatur*, propterea non poterat sibi facere satis;⁹ ita plane Deus fecit quidquid potuit ad honorem Filii pro ipsis dignitate in hoc aedificio construendo.

Aedificata magno cum artificio optimeque fundata, nam *excidit columnas septem*. En omnes Spiritus Sancti dona coelestesque virtutes. Sed domum aedificavit sacram, templum sanctum; propterea *immolavit victimas, miscuit vinum et posuit mensam*. *Domum Dei decet sanctitudo*.¹⁰

Maria, Incarnati

IV. Sed ubi fundata? *Ad excelsam arcem urbis*, sicut templum Do-

4) Cf. 3 Rg 6, 1 sqq.; 7, 1-8.

5) Cf. 1 Cor 1, 24.

5a) Cf. Gn 2, 8.

6) Cf. Gn 2, 8.

7) Ibid. 2, 7.

8) Cf. Ibid. 2, 22.

9) 1 Par 29, 1-5. Vulg. habet:

Neque enim homini praeparatur habitatio sed Deo.

10) Ps 92, 5.

mini in Ierusalem supra montem Sion,¹¹ loco omnium celsissimo. Mira legimus de mirabili hac fundatione. Ezechiel ait, cap. 43: *Lex domus Domini in summitate montis, et omnis finis, idest terminus, eius... sanctum sanctorum*, hebr. *sanctitas sanctitatum*,¹² idest, erit omni ex parte omnis templi terminus supra modum sanctissimus. Ita plane in summo sanctitatis gradu fundata est domus Dei haec. Est autem sanctitas ibi ubi gratia Dei est, ubi nullum in conscientia est peccatum mortale; sed non est sanctitas sanctitatum. Datur sanctitas maior, qualis est cum per gratiam Dei conscientia pura est etiam a peccatis venialibus, qualis fuit sanctitas Ioannis Baptiste et Apostolorum post acceptum Spiritum Sanctum; sed adhuc reperitur sanctitas maior, Christi et Angelorum absque ulla macula peccati etiam originalis. Sic fundata est domus haec in *sanctitate sanctitatum*; propterea in sancto sanctorum erat propitiatorium, Cherubim et arca:¹³ Christus, Maria, Angeli sine omni peccato.

David autem fundatam dicit supra montes: *Fundamenta eius in montibus sanctis*, hebr.: *Fundatio eius in montibus sanctitatis*. *Montes sanctitatis* dicit maximam et incredibilem sanctitatem, sicut Latini dicunt montes aureos. Hoc autem quia dicit: *Diligit Dominus portas Sion super omnia tabernacula Sion*;¹⁴ idest, diligit Dominus Mariam super omnes animas et creature electas. Hinc est quod tam gloriose divinitus ditata est coelestibusque divinisque Spiritus Sancti opibus divitiisque, ut omnem supereret dicendi facultatem: *Gloriosa dicta sunt de te, civitas Dei*,¹⁵ hebr.: *Gloriosa dictum de te*.

Isaias cum Michaea dicit fundatam domum hanc in vertice montis fundati supra excelsos montes: *Erit... praeparatus mons domus Domini in vertice montium*.¹⁶ Montes enim sunt Patriarchae, Prophetae, Apostoli, Angeli, Cherubim, Seraphim; sed mons hic sanctitatis Mariae est *in vertice montium*.

V. Sed ad quid talem tantamque copiam gratiarum? Ut satisfaceret Deus infinitae dignitati Christi, ut ostenderet quali quantoque honore dignus Christus est, propterea talem tantamque domum ei aedificavit; deinde ut satisfaceret necessitatibus, ut posset haec Virgo subvenire paupertati nostrae.

Verbi Domus,
supra montem
celissima sancti-
tatis fundata,
idest, sine pec-
cato originali,

et omnibus
Spiritus Sancti
opibus ditata.

Maria tam mire
ditata, ut
satisfaceret Deus
infinitae digni-
tati Christi et
nostrae
necessitati.

11) Templum situm erat in monte Moria (2 Par 3, 1); qui tamen, praesertim post templum aedificatum, Sion communiter appellabatur. (Ps 75, 3; 1 Mac 4, 37). 12) Vr. 12. 13) Cf. 3 Rg 6, 19-28; 8, 4-7. 14) Ps 86, 2. 15) Ibid. vr. 3. 16) 2, 2; 4, 1. Ms. loco *Isaias*, habet: *Ieremias*.

Sicut enim ad communem utilitatem, commodum et voluptatem totius mundi posuit Deus in coelo inter inumeras stellas duo luminaria magna luce ditissima ad totum illuminandum mundum;¹⁷ ita plane ingentibus divinarum divitiarum et gratiarum thesauris Deus Christum et Mariam ditavit ad totius mundi communem utilitatem; ut posset omnes iuvare, omnibus benefacere Virgo Beatissima tantopere ditata a Deo in perpetuum fuit. In hoc mundo qui multis dat, non potest nisi parum dare nec diu, quoniam deficiunt opes, siccantur fontes terrenarum divitiarum. Non sic autem coelestium; inexsiccables sunt, exhausti nonnquam possunt, sicut solis lux nonnquam deficit, omnes illuminat, omnibus dat lucem copiosam larga manu et semper. Talis est Beata Virgo Maria, vere beatissima: *Beatus venter qui te portavit; beatissima est quia potest semper et omnibus benefacere; beatius autem est magis dare quam recipere.*¹⁸ Beati qui spirituali affectu serviunt ei.

17) Cf. Gn 1, 16-18.

18) Act 20, 35. Vulg.: *Accipere.*

SERMO QUINTUS

HABITACULUM DEI MARIA IDEO IMMACULATA

*Liber generationis Iesu Christi Filli David, Filli
Abraham. Abraham genuit Isaac, Isaac autem
genuit Iacob, Iacob autem genuit, etc.* ¹

I. Mirandum profecto quod Evangelistae nullam faciunt mentionem de conceptione aut nativitate Sanctissimae Virginis, sicut de conceptione et nativitate Christi, nam Moyses quidem non tantum de hominis, sed etiam de mulieris creatione scripsit historiam; ^{1a} sed introducitur ipsa Virgo in Evangelio sine patre, sine matre, sine genealogia ad instar Melchisedech regis Salem, sacerdotis Dei Altissimi ² et ad instar Eliae prophetae, ³ imo ad instar Angelorum et paradisi coelestis, de quibus, quomodo creati fuerint aut quando, nullam Moyses fecit mentionem, sicut de creatione coeli et terrae, solis et lunae, hominis et terrestris paradisi. ⁴

Quid, quaeso, num indigna res Moysi visa fuit mentionem facere de creatione coelestis paradisi sicut de terrestris, de creatione Angelorum sicut de creatione hominum? Sed, quia Divino Spiritu afflatus Moyses non humano impulsu scribebat, noluit Deus ut coelestis paradisi et Angelorum creationem litteris consignaret, ne animales homines de Angelis et coelesti illo paradiſo quid vile putarent, et spirituales viri ex consideratione creationis hominis et terrestris paradisi surgerent ad contemplationem paradisi coelestis beatorumque spirituum, quod quanto est coelum terra nobilius et

Virgo Deipara
immaculata est,
quia conceptio
eius conceptioni
immaculatae
Christi
persimilis.

Nulla mentio in
Scripturis de
creatione coele-
stis paradisi et
Angelorum, ne
quid vile
putentur.

1) Mt 1, 1-2.

1a) Cf. Ibid. 1, 20-30; 2, 7. 21-24.

2) Cf. ibid. 14, 18-24; Hebr 7, 3.

3) Cf. 3 Rg 17, 1.

4) Cf. Gn cпп. 1-2.

sol luna lucidior, tanto coelestis paradisus terrestri beatior, et Angelus homine dignior atque nobilior.

sic nulla mentio
de conceptione
Deiparae, sed
tantum Filii eius,
qua persimiles.

Sic utique, cum Evangelistae non humano spiritu ducti, sed Spiritu Sancto inspirati sacram Evangelii divinamque historiam monumentis aeternis demandarent, noluit Spiritus Sanctus ut de Mariae Virginis conceptione et nativitate quidpiam dicerent, ne quid vile putaremus de ea audientes eam ex patre matreque ad instar aliorum quorumvis hominum natam atque conceptam; sed sacro silentio voluit eam honorare, sicut silentio honestata est coelestis paradisi et Angelorum creatio, et ut ex Christi conceptione atque nativitate Beatae Virginis intelligeremus sanctam nativitatem immaculatamque conceptionem. Nam sicut creatio coeli et terrae, solis et lunae, hominis et mulieris persimilis fuit, quamvis coelum sit terra nobilius, sol luna lucidior, homo muliere dignior; sic, quamvis Christi conceptio multo nobilior ac dignior fuerit conceptione Beatae Virginis, haec tamen illi persimilis fuit, sicut formatio Evae formationi Adami: *Faciām, inquit, ei adiutorium simile sibi.*⁵ Sicut formata fuit Eva a latere Adae,⁶ illi quidem similis, quamvis inferior; sic Maria a Christi latere quoad gratiam, uti illa quoad naturam.

Maria in omni-
bus Christo
similis;

ergo et in con-
ceptione
Immaculata.

Et quidem Maria in omnibus Christo similis est quoad naturam, quoad gratiam et quoad gloriam: quoad naturam eiusdem cum Christo naturae, quoad gratiam ipsa quoque sancta, gratia et Spiritu Sancto plena,⁷ et quoad gloriam Christo similis uti luna soli, regina regi: *Astitit regina a dextris tuis.*⁸ Imo similis Christo Maria in praedestinatione, similis in nativitate, similis in vita, similis in morte, similis in resurrectione, similis in assumptione, similis in glorificatione. Similis, inquam, in praedestinatione, quoniam Christus praedestinatus est non ut Deus, sed ut homo Filius Mariae, ergo una cum Christo praedestinata est Maria; similis in nativitate, quoniam sancta nata est, uti Christus; similis in vita, quoniam sanctissime vixit; similis in morte, quoniam sine aliqua culpa mortua fuit; similis in resurrectione, quoniam gloriosa surrexit et ascendit in coelum, ibique in summa gloria a dextris Christi sedet super omnes Angelorum choros. Sic etiam in conceptione similis Christo existimanda est, ut sicut Christus sine peccato fuerit concepta, sancta et gratia plena, sicut sol, luna et stellae, quibus comparatur,⁹ luce pleni creati fuerunt. Ob id ergo

5) Ibid. 2, 18. *Faciām ex hebr.*

9) Cf. Ct 6, 9.

6) Cf. Ibid. 2, 21.

7) Cf. Lc 1, 28, 35.

8) Ps 44, 10.

Ecclesia in conceptione et nativitate Beatae Virginis legit Evangelium conceptionis et nativitatis Christi, ob nimiam, inquam, similitudinem. Et quidem, si Christus vere est filius Mariae, genealogia Christi utique est genealogia Mariae.

II. Deinde legit sancta Ecclesia hoc Evangelium, in quo vel sola haec laus Beatae Virginis continetur quod sit Mater Christi: *Virum Mariae, de qua natus est Iesus, qui vocatur Christus*, quia haec sola sufficit. Haec enim, sicut unitas suo simplicissimo sinu omnium numerorum species, veluti thesauro complectitur omnes Beatae Virginis laudes, quod praedestinata fuerit a Deo nataque in mundo, ut Dei Mater esset. Id solum, si intelligatur, sufficit.

Sicut enim sapiens architectus, regale palatum construens, loca pro dignitate distribuit; sic et Deus, mundum veluti regale quoddam palatum fabricans, quibusque rebus apta loca constituit: animalibus terram, piscibus aquam, avibus aera, stellis firmamentum; homini paradisum terrestrem, Angelis paradisum coelestem, et in coelesti quidem paradiso nobilioribus Angelis nobiliora loca constituit: *In domo Patris mei mansiones multae sunt*,¹⁰ Filio autem suo super omnes Angelorum choros ad dexteram suam locum constituit.¹¹ Quem ergo locum existimandum est Filio suo in terris incarnando et humanando praeparasse? Quam habitationem, ut digna tanto habitatore esset? Plane, si quo Angelus natura nobilior homine est, eo coelestis paradiſus Angelis deputatus gloriosior beatiorque fuit terrestri pro homine condito; dicendum est quod, quo Filius Dei Angelis est nobilior, eo ipsis habitationis locus domicilio Angelorum.

Neque enim Deo deerat vel potentia vel sapientia vel bonitas, ut vel non potuisse, vel nescisse vel noluisse dignum Filio suo habitaculum praeparare censemendum sit. Sic in divino tabernaculo locum, ubi arca foederis Domini reponenda erat, omnium sacratissimum esse voluit, et sancta sanctorum appellavit.¹² Sic Salomon pro arca Domini reponenda ac pro dignitate collacanda augustissimum templum aedificavit, cuius etiam fundamenta ex pretiosis lapidibus esse voluit, totumque induit auro a summo usque deorsum, nullis parcens expensis, ut templum illud digna habitatio esset arcae foederis Domini.¹³ Quare a dignitate Christi petenda et intelligenda nobis est

Virgo Delpara
immaculata est,
qua quia Mater
Dei digna ha-
bitaculum eius.

Deus, sapiens
architectus, loca
pro dignitate
distribuit; Filio
suo in coelo
locum
nobiliorem dat;

ergo et in terra
dat matrem sine
peccato originall,

sicut Salomon
dedit arcae
nobiliissimum
templum.

10) Io 14, 2. 11) Cf. Mc 16, 19. 12) Cf. Ex 26, 34. 13) Cf. 3 Rg cp. 6; 2 Par cpp. 3-4.

dignitas Mariae, et ab hoc principio eliciendaes conclusiones ceterarum laudum ipsius; ab hac radice rami, flores, folia, fructus laudum naturae, gratiae et gloriae singularisque excellentiae super omnes Sanctos, etiam Angelos. Quare hodie non terrestrem paradisum aut coelestem, sed supercoelestem tanto utroque illo gloriosorem effecisse Deum hodie in Beatae Virginis conceptione putandum est, quanto Christus est hominibus Angelisque superior, qui *tanto melior est Angelis effectus, quanto differentius prae illis nomen hereditavit;*¹⁴ illi enim ministri sunt Dei, hic autem Filius Dei.

Ideo Virgo
Deipara nobilissima facta est
quoad naturam,
gratiam
et gloriam.

Sed plane sicut incomprehensibilis omnino est dignitas Christi, ita et dignitas Mariae, quae ex Christi dignitate immediate pendet, cum illius sit Mater. Id tantum dicere possumus quod voluit Deus eam et quoad naturam et quoad gratiam et quoad gloriam nobilissimam esse. Quoad naturam, quoniam ex progenie Abrahae aliorumque sanctissimorum Patriarcharum et clara ex stirpe David Maria genus duxit,^{14a} quare summa nobilitas sanguinis. Sic nobilitati huic naturalia omnia voluit respondere: ut corpore esset pulcherrima, aspectu venustissima, moribus gratiosissima, eloquio suavissima. Et quoad animam summi voluit esse iudicii atque prudentiae, altissimi intellectus atque discursus, generosissimi cordis animique nobilissimi, et si quidem aliud laude dignum in humana natura reperiri potest, in ea summo in gradu cumulare omnia voluit super omnes mulieres: *Benedicta tu in mulieribus... et benedictus fructus ventris tui.*¹⁵ Idest, sicut Christus omnes viros excelluit, ita Maria mulieres; nam uti de illo dicitur: *Sicut malus inter ligna silvarum, sic dilectus meus inter filios,*¹⁶ ita de ista: *Sicut lilyum, sive rosa, inter spinas, sic amica mea inter filias.*¹⁷ Naturae autem gratia respondet, gratiae vero gloria; hinc ipsa regina est mundi, domina Angelorum, princeps Sanctorum, corona virginum, imperatrix universi, scala coeli, porta paradisi, via salutis, quoniam Mater est Christi.

Virgo Deipara
est immaculata,
quia habitaculum
Dei,

III. Dum hodie Beatae Virginis immaculatam sanctamque conceptionem contemplor, videre mihi videor aedificatam hodie esse arcam testamenti ad reponenda in ea vas mannae, tabulas legis et virgam Dei;¹⁸ haec enim Christum designant ob divinam eius potentiam, sapientiam et bonitatem,

14) Hebr 1, 4.

17) Ibid. 2, 2.

14a) Cf. Lc 1, 27; Rom 1, 3.

18) Cf. Ex 37, 1-9; Hebr 9, 4.

15) Lc 1, 28. 42.

16) Ct 2, 3.

arca vero Mariam, quae Christum concepit. Fuit illa composita ex lignis setim, sed tota intrinsecus extrinsecusque auro induita, superposito aureo propitiatorio cum duobus Cherubim gloriae,¹⁹ quo designatur eam semper thronum Dei fuisse, et angelicae conversationis in vita tum activa tum contemplativa, nam Angeli alii sunt assistentes et alii ministrantes.

Thronus Dei Maria, praefiguratus in throno Salomonis, de quo sic legimus: *Fecit... rex Salomon thronum de ebore grandem, et vestivit eum auro fulvo nimis; et habebat sex gradus, et summitas throni rotunda erat in parte posteriori, et duae manus hinc atque inde tenentes sedile, et duo leones stabant iuxta manus singulas, et duodecim leones stantes super sex gradus hinc atque inde; non est factum tale opus in universis regnis,* 3 Reg. 10;²⁰ alibi vero legimus quod etiam scabellum aureum habebat, 2 Paral. 9.²¹ Salomon Christum designat, sicut dicitur: *Ego ero illi in patrem, et ipse erit mihi in filium;*²² thronus autem iste Ecclesiam, sed praecipue Mariam, cui per singularem excellentiam competit quidquid laude dignum in Ecclesia reperitur, cum in triduo mortis Christi in ipsa sola fides Ecclesiae conservata fuerit. Haec solium Salomonis eburneum et auro mundissimo vestitum; ebur fuit Maria quoad naturam, aurum quoad gratiam.

Aurum triplicem habet apud Hebraeos nomenclaturam. Nunc enim **זהב** *zahab* dicitur, quod commune aurum designat, nunc **כְּהֵם** *paz*, quod aurum defaecatum et purum, omni impura admixtione segregata, et nunc **כְּהֵם** *chetem*, quod aurum summe perfectum est, unde regum fiebant coronae. Et, cum caritas per aurum in Scripturis designetur: *Suadeo tibi emere a me aurum ignitum,*²³ triplici hoc nomine triplex caritas mihi designari videtur: caritas perfecta quidem Sanctorum, perfectior Mariae et perfectissima Christi, de quo dicitur: *Caput eius aurum optimum,*²⁴ ubi est *chetem paz*.

Huic simillima fuit caritas Mariae, unde: *Astitit regina a dextris tuis in vestitu deaurato;*²⁴ ubi hebr. *bechetem Ophir, in auro de Ophir,* idest, valde excellenti atque perfecto. Sed aurum, quo indutus est thronus Salomonis, aurum *muphasz* dicitur, idest, aurum selectum, purgatissimum absque omni impura admixtione; sic fuit Mariae caritas. Quare ebur candidum et imputrescibile Mariae virginitatem designat in carne et spiritu absque ullo

Auri apud
Hebraeos triplex
nomenclatura
pro gradu
puritatis.

In auro puris-
simō optimā
caritas Mariae
significata.

19) Cf. Ex loc. cit.

22) 2 Rg 7, 14; Hebr 1, 5.

20) Vrr. 18-20. Vulg. habet: *Duodecim leunculi.*

22a) Apc 3, 18.

23) Ct 5, 11.

21) Cf. vr. 18.

24) Ps 44, 10

ardore concupiscentiae, nam ob id Christi etiam venter eburneus dicitur: *Venter eius eburneus, distinctus sapphiris;*²⁵ aurum vero caritatem; scabellum vero fidem, quae basis ac fundamentum est omnium spiritualium bonorum: *Fides est substantia sperandarum rerum;*²⁶ scabellum aureum fides perfectissima; aureum etiam sedile caritas est, nam *Deus caritas est, et qui manet in caritate, in Deo manet et Deus in eo.*²⁷ *Si quis diligit me, sermonem meum servabit, et Pater meus diligit eum, et ad eum veniemus, et mansionem apud eum faciemus.*²⁸ Hanc caritatem Christus pacem appellavit, dicens: *Beati pacifici, quoniam filii Dei vocabuntur,*²⁹ quoniam ipsa est sedile pacifici Salomonis Christi. Sed ad hoc sedile sex gradibus ascendebarunt; sic Christus sex gradus posuit antequam perveniret ad pacem: *Beati pauperes spiritu... mites... qui lugent... qui esuriunt et sitiunt... misericordes... et mundo corde.*³⁰ In his omnibus Beata Virgo perfectissima fuit. Leones autem a dextris et a sinistris animi fortitudinem designant ad virtutes has conservandas tum in prospera tum in adversa fortuna: *Per arma iustitiae a dextris et a sinistris;*³¹ non enim peccavit haec unquam sicut Adam, David, Salomon et alii in prosperitate, nec sicut Saul in adversitate consulens mulierem pitonissam.³² Sic semper in omnibus perfecta fuit Beata Virgo, quod rotunditas in summitate throni designat; rotunditas enim perfectionem designat, rotunditas autem in summitate summam perfectionem. Non fuit autem talis thronus in universis regnis, quoniam nunquam reperta fuit in terra aut in coelo similis sanctitas.

Virgo Delpara
est immaculata
qua habitaculum
Dei, quia ipsa
tabernaculum
Dei et templum
Salomonis.

Stella Iacob et
virga lesse.

IV. Video constructum hodie tabernaculum Domini ad reponendam arcam foederis: *Sanctificavit tabernaculum suum Altissimus.*³³ Video aedicatum gloriosissimum templum Salomonis in monte Moria,³⁴ qui vel ipso nomine Mariam designat; mons quidem Moria naturam, templum autem gratiam Mariae in virtutibus moralibus, cardinalibus et theologicis, quae in tribus templi partibus designantur. Video oriri stellam ex Iacob: *Orietur stella ex Iacob, et exurget virga ex Israel;*³⁵ nasci virgam illam de radice lesse: *Egredietur virga de radice lesse, et flos de radice eius ascendet, et requiescat super eum Spiritus Domini;*³⁶ virga in qua nec nodus ori-

25) Ct 5, 14. 26) Hebr 11, 1. Vulg.: *Est autem fides sperandarum substantia rerum.*

27) 1 Io 4, 16. 28) Io 14, 23. 29) Mt 5, 9. 30) Ibid. 5, 3-8. 31) 2 Cor 6, 7.

32) Cf. 1 Rg 28, 7 sqq. 33) Ps 45, 5. 34) Cf. 2 Par 3, 1. 35) Nm 24, 17.

Vulg. habet: *Consurget... de.*

36) Is 11, 1-2.

ginalis nec cortex actualis culpae fuit, virga rectissima Virgo Sanctissima. Est enim Deus peccati inimicissimus; hinc et a paradiſo coelesti Angelos et a terrestri homines peccantes eiecit. Hinc in Beata Virgine nullam permettere voluit maculam peccati vel originalis vel actualis: *Tota pulcra es, amica mea, et macula non est in te.*³⁷ Sic locus, in quo Deus Moysi apparuit, sanctus erat: *Locus, inquit, in quo stas, terra sancta est;*³⁸ *solve calceamenta de pedibus tuis:* « depone involucra carnalium cogitationum ». ³⁹ Sic nihil indignum de Virgine cogitandum est; ipsa enim domus Dei et porta ac scala coeli est, per quam ad nos Deus descendit.⁴⁰

Video hodie novam Eevam formatam, cuius quidem formatio formationi Adae non tantum similis, sed quodammodo etiam nobilior fuit; nam Adam quidem de terra,⁴¹ Eva de carne;⁴² Adam extra paradisum,⁴³ Eva in paradiſo;⁴⁴ Adam sexto die,⁴⁵ Eva forte septimo formata fuit, nam, si quid egit Deus die septimo, ut in eo opus creationis explerit, formatio mulieris fuit. Sic formatio ac conceptio Virginis similis fuit conceptioni Christi ac quodammodo mirabilior. Sicut enim mirabilius est ex terra aurum efficere, quam ex auro vas aureum; sic mirabilius fuit ut ex parentibus peccatoribus Beata Virgo sanctissima conciperetur et nasceretur, quam ut ex Sanctissima Virgine Christus, quamvis multo sanctior, sicut mirabilior fuit formatio lucis ex tenebris, quam formatio solis ex luce: Christus sol, Maria lux, parentes tenebrae.

Eva
nobilior in
creacione quam
Adam;

sic Maria mira-
bilio in con-
ceptione quam
Christus.

V. Video arcā salutis super aquas diluvii ferri,⁴⁶ quoniam facta ex lignis levigatis erat, et intrinsecus atque extrinsecus bitumine optime linita.⁴⁷ Caro levigata caro sine peccato, bitumen gratia, diluvium originale peccatum est, quo totus mundus submersus fuit: *In quo omnes peccaverunt et egent gloria Dei.*⁴⁸ Sola haec arca salva facta est ab his aquis per gratiam Dei, quoniam invenit Noe gratiam coram oculis Domini;⁴⁹ sic et de Maria dicitur: *Invenisti enim gratiam apud Dominum;*⁵⁰ hinc salutem peperit mundo: *Ecce concipies... et paries filium, et vocabis nomen eius Iesum.*⁵¹ *Ipse enim salvum faciet populum suum a peccatis eorum.*⁵² Video, cum transit arca Dei viventis, Iordanem cursum suum retinere;⁵³

Virgo Deipara
est immaculata
quia arca salvata
ex aquis diluvii
et Iordanis.

37) Ct 4, 7. 38) Ex 3, 5. Vulg. habet: *Solve calceamentum...; locus enim, etc.* 39) D. Bernard. *Serm. in Dom. infra Oct. Assumpt. B. M. V. n. 5.* (P. L. 183, 1009). 40) Cf. Gn 28, 12-19.
41) Cf. ibid. 2, 7. 42) Cf. ibid. 2, 21. 43) Cf. ibid. 2, 15. 44) Cf. ibid. 2, 15. 21.
45) Cf. ibid. 1, 27. 31. 46) Cf. ibid. 7, 18. 47) Cf. ibid. 6, 14. 48) Rom 5, 12.
49) Ibid. 3, 23. 50) Cf. Gn 6, 8. 51) Lc 1, 30. 52) Ibid. 1, 31.
53) Mt 1, 21. 54) Cf. Jos 3, 15-16.

generatio enim, ubi peccatum originale contrahitur, veluti flumen est. Video genti hebraeae in medio tenebrarum splendere lucem,⁵⁵ et in medio maris Rubri divino patere viam.⁵⁶

*Virgo Deipara
est immaculata,
quia a Deo hoc
privilegio
donata.*

*Multa privilegia
donata,*

*principue Maria
ut sit
immaculata.*

VI. Solent reges et imperatores principibus suis, qui sibi vel sanguine vel amicitia coniuncti sunt, vel saltem ob merita, concedere singularia magnaque privilegia, sicut Esther ex privilegio ingressa ad Assuerum non vocata fuit,⁵⁷ quoniam regina erat. Sic Deus Sanctis suis concedit privilegia magna. Privilegium fuit Enoch ne moreretur, sed vivus raperetur,⁵⁸ sicut et Elias;⁵⁹ privilegium Noe ut salvaretur ab aquis diluvii cum sua familia,⁶⁰ sicut Loth ab incendio Pentapolis;⁶¹ privilegium Moysis vivere quadraginta diebus sine cibo,⁶² sicut et Elias;⁶³ privilegium Hebraeorum transire per mare Rubrum⁶⁴ et per Iordanem sicco pede,⁶⁵ cibari manna de coelo,⁶⁶ potari aqua de petra.⁶⁷ Sic ex privilegio singulari concessit Beatae Virginis ut sine peccato conciperetur, ut pro omnibus, sed non pro ipsa lex ista facta esset, ut in hoc etiam Christo similis esset; veluti si speculum coram sole formaretur in ipso suae formationis initio, sol ipse in eo lucidissimam sui imaginem ac quasi parelium efformaret, sicut in nube rorida et speculari, quae perpendiculo sub sole sit posita. Est enim Beata Virgo nubes illa quae de mari ascendens pluviam salutarem mundo effudit terramque universam fecundavit;⁶⁸ nubes illa divina in deserto, in qua erat Angelus Domini.⁶⁹ Huic sol iustitiae Deus statim in ipsius formationis initio radios lucis suae immittens suam in ea imaginem efformavit, veluti in clara aqua puri fontis efformari videtur solis imago, quae oculos potentissime repercutit omnium temere aspicientium. Sic fuit semper Beata Virgo in sanctitate et virtutis perfectione Deo simillima.

55) Cf. Ex 10, 21-23; 13, 21. 56) Cf. ibid. 14, 29. 57) Cf. Est 15, 44 sqq. 58) Cf. Gn 5, 24.

59) Cf. 4 Rg 2, 11. 60) Cf. Gn cпп. 7-8. 61) Cf. ibid. 19, 15-23. 62) Cf. Ex 34, 28.

63) Cf. 3 Rg 19, 8. 64) Cf. Ex 14, 29. 65) Cf. Jos 3, 15-16. 66) Cf. Ex 16, 13-21.

67) Cf. Nm 20, 11. 68) Cf. 3 Rg 18, 44-45. 69) Cf. Ex 13, 21; 14, 19.

SERMO SEXTUS

CIVITAS DEI MARIA IDEO IMMACULATA

Fluminis impetus laetificat civitatem Dei, sanctificavit tabernaculum suum Altissimus: Deus in medio eius, ideo, etc.¹

I. In sacra *Apocalypsi* legimus duo flumina: alterum procedens a throno Dei, quod per plateam paradisi fluit,² alterum quod ab ore draconis immissum^{2a} fuit ad submergendarum mulierem sole amictam stellisque coronatam et positam in coelo supra lunam, quae Filium Dei peperit. Quae sivit enim draco magnus et rufus, habens capita septem et cornua decem, devorare filium coelestis mulieris; cum autem non potuisset, quoniam Filius in coelum raptus fuit ad thronum Dei, ipsam mulierem persecutus fuit.³ Scriptum est enim: *Inimicitias ponam inter te, - serpentem antiquum, - ^{3a} et mulierem, et inter semen tuum et semen, sive filium, illius; ipsa, sive ipse filius, conteret caput tuum, et tu insidiaberis calcaneo eius.*⁴

Primum flumen significat gratiam Spiritus Sancti, nam: *Qui credit in me..., flumina de ventre eius fluent aquae vivae; hoc autem dixit de Spiritu;*⁵ secundum vero flumen iniquitas diaboli est, scriptum enim legimus: *Qui bibit quasi aquam iniquitatem,*⁶ diabolus enim fons est omnis iniquitatis, quae sunt flumina Babylonis. At flumen serpentis non tetigit coelestem mulierem, quoniam, antequam pervenisset ad eam, divino miraculo aperta est terra et absorbut flumen;⁷ sic Maria divino miraculo

Flumen gratiae
laetificavit
civitatem Dei
Mariam, et
impedit ne vel
gutta fluminis
iniquitatis eam
tangeret.

1) Ps 45, 5-6. 2) Cf. 22, 1-2. 2a) Ms.: *Procedentem... qui... qui immissus.* 3) Cf. 12, 1-16.
3a) Apc 20, 2. 4) Gn 3, 15. 5) Io 7, 38-39. 6) Job 15, 16. 7) Cf. Apc 12, 16.

praeservata fuit a peccato originali, quod est flumen Aegypti, in quod Pharao mergebat ac necabat omnes Hebraeorum infantes.⁸ Hoc autem est quod diabolus super omnia desiderabat, hoc flumine coelestem hanc mulierem praefocare; nam specialiter contra eam immisit draco flumen, quoniam eam speciali odio prosequebatur. At Deus miraculo impedivit ne vel gutta aquae huius fluminis eam tangeret; dedit enim ei alas ut fugeret in desertum;^{8a} pium enim est credere quod Maria a primo conceptionis suae instanti alas habuit divinae contemplationis.

Fundamenta
huius civitatis,
idest, initium
Mariae, in altissimo sanctitatis
gradu.

Visa autem haec mulier prius in coelo quam in terra fuit, quoniam prius mente conversata in coelo fuit quam corpore in terra. Ergo: *Fluminis impetus laetificat civitatem Dei*, illam utique, de qua Regius Vates alibi dixit: *Fundamenta eius in montibus altis; diligit Dominus portas Sion super omnia tabernacula Iacob; gloriosa dicta sunt de te, civitas Dei.*⁹ *Fundatio eius in montibus sanctis*, habet textus hebraicus. Fundata est haec divina civitas in altissimo sanctitatis gradu, in altissima fide, spe et caritate et gratia Spiritus Sancti, ita ut multo maior fuerit gratia Mariae in primo instanti conceptionis suae quam gratia sanctorum Patriarcharum in fine vitae, cum omni virtutum perfectione altissima praediti essent. Hoc autem, quoniam civitatem Sion *diligit Dominus super omnia tabernacula Iacob*; diligit Deus Mariam super omnes Electos, nam: *Iacob dilexi*.¹⁰ Sunt autem civitatis duae portae: conceptio et mors; diligit Deus has portas Mariae super omnia tabernacula Electorum suorum. Maria enim civitas Dei fuit, in qua Deus semper habitavit, civitas Sion per contemplationem et civitas Ierusalem per caritatem; hinc in *Canticis* dicitur formosa tanquam Ierusalem.¹¹ *Gloriosa dicta sunt de te*; quoniam etiam, ut in *Apocalypsi* legimus, *fundamenta... civitatis Ierusalem omni lapide pretioso ornata*.¹² Dicitur *civitas Dei*, hoc est, excellentissima, gloriosissima, nobilissima, civitas divina, digna Deo. Ait ergo: *Fluminis impetus. Fluminis pelagi laetificant civitatem Dei*, habet hebraica veritas, ob infinitam gratiarum copiam. Hinc sequitur: *Sanctificavit tabernaculum suum Altissimus*; omni sanctitate replevit, specialissima sanctitate donavit quem Pater *sanc-tificavit*, etc.,^{12a} statimque hoc tabernaculum inhabitavit, ideo dicitur: *Deus in medio eius*, ideo non commovebitur. Fuit confirmata in gratia

8) Cf. Ex 1, 22..

11) Cf. Ct 6, 3.

8a) Cf. Apc 12, 14.

12) Cf. Apc 21, 19-20.

9) Ps 86, 1-3.

12a) Io 10, 36.

10) Rm 9, 13.

statim a primo instanti ob inhabitationem divinam: *Adiuvabit eam Deus mane diluculo*,¹³ ante auroram, in primo instanti et puncto diei.

II. *Gloriosa dicta sunt de te, civitas Dei.* Triplici ratione Maria dicitur *civitas Dei*: primo quia ab ipso Deo condita est et aedificata, hinc eodem in *Psalmo* dicitur: *Ipse fundavit eam Altissimus*;¹⁴ secundo propter divinam inhabitationem, nam: *Factus est in pace, idest, in Ierusalem, locus eius, et habitatio eius in Sion*;¹⁵ tertio propter divinam excellentiam, nam in Divinis Litteris excellentissima quaeque, Dei divinaque esse dicuntur; hinc legimus montem Dei,¹⁶ cedros Dei,¹⁷ ignem Dei,¹⁸ virum Dei.¹⁹ Et haec praecipua ratio est ob quam Maria civitas Dei dicitur, hinc ait: *Gloriosa dicta sunt de te, civitas Dei.* Additur in hebraeo *selah*, quod chaldaeus Paraphrastes vertit *leholamim, in perpetuum.* Ait ergo: Semper, o civitas, gloriosissima divinissimaque fuisti.

Triplici ratione
civitas
Dei Marla.

III. Caput autem divinissimae huius gloriae est quod Dominus fundavit hanc civitatem: *Ipse fundavit eam Altissimus.* Sed ad quid? Pro gloria et honore Unigeniti Filii sui, pro inhabitatione divini Verbi sui. Quod si Deus pro homine creavit paradisum terrestrem, et pro Angelis coelestem multo nobiliorem, quia Angelus homine natura nobilior est; qualem pro Filio suo paradisum creaverit? *Fundavit eam Altissimus*, specialissimum est opus Dei. Sed ubi fundavit? *Fundamenta eius in montibus sanctis. Erit in novissimis diebus praeparatus mons domus Domini in vertice montium, et exaltabitur super omnes colles.*²⁰ Loco altissimo fundata est, super omnes montes et super omnes colles; colles dicit homines, montes Angelos. Magna est altitudo gratiae et perfectionis, quam Deus contulit sanctis Patriarchis, Prophetis, Apostolis; multo maior, saltem ratione innocentiae, quam contulit Angelis; sed domus haec fundata est super omnes montes et colles. Sanctitas et innocentia Mariae a primo conceptionis instanti maior altiorque fuit sanctitate et innocentia omnium Sanctorum et Angelorum. At nullum penitus peccatum in Angelis reperitur, nulla macula; nulla ergo in Maria: *Tota pulra es, amica mea, et macula non est in te.*²¹

Civitas Dei
Maria quia a
Deo condita
super omnes
montes, idest,
Electos, ideo
immaculata.

Gratia Mariæ
maior gratia
Sanctorum et
Angelorum.

13) Ps 45, 6. 14) Ps 86, 5. 15) Ps 75, 3. *In Ierusalem* ex hebr. 16) Cf. Ps 35, 7.
17) Cf. Ps 79, 11. 18) Cf. Nm 11, 1. 19) Cf. 3 Rg 13, 1-31. 20) Is 2, 2. Vulg.
loc.: *Exaltabitur, habet: Elevabitur.* 21) Ct 4, 7.

Civitas Dei
Maria quia a
Deo inhabitata
et dilecta super
omnia
tabernacula.

Electi
tabernacula Del.

Deus in Electis
habitat per
gratiam et
per gloriam.

Deus specialis-
sime habitat in
Maria quia in
ea natus.

IV. Hoc autem est, quoniam *diligit Dominus portas Sion super omnia tabernacula Iacob*. Dilexit Deus Mariam super omnes Electos suos; maiorem ergo contulit gratiam Mariae, quam omnibus Electis contulerit; ipsa enim est luminare magnum in coelo post solem iustitiae Christum. Nec dicit: *Diligit Dominus Sionem*, quae suprema et altissima pars erat civitatis Ierusalem, *civitas David* dicta, quoniam ab eo condita et inhabitata fuit, plurimumque dilecta et illustrata omnibus quibus potuit modis,²² sic Maria civitas Dei est; sed *diligit*, inquit, *portas*, introitum et exitum Mariae, principium et finem. At si in originali concepta fuisset, non dilexisset portas has *super omnia tabernacula Iacob*, idest, super omnes Electos. Electi enim tabernacula Dei dicuntur,^{22a} quoniam, sicut Deus inhabitat in seipso per comprehensionem essentiae suae, domus enim intellectus est obiectum intellectile et domus voluntatis obiectum delectabile, Deus autem plenissime divinam essentiam intelligit diligitque; et sicut in universo habitat per naturam, per essentiam, sicut rex in solio per praesentiam sicut in regia, et per potentiam sicut rex in regno; sic etiam in Electis suis Deus habitat per gratiam in Ecclesia militante et per gloriam in triumphante. Angelos autem electos Deus et hominem Adam et Evam creavit sine macula peccati, in innocentia, in gratia; originale autem peccatum odium Dei est et ira Dei. *Diligit ergo portas Sion super omnia tabernacula Iacob*; ideo singularissima civitati huic contulit privilegia, eamque omnibus quibus potuit modis illustravit: *Gloriosa dicta sunt de te, civitas Dei*.

Sed specialissima ratione Maria *civitas Dei* dicitur, quoniam Deus in ea natus est. Redduntur aliquando civitates illustres ob natalem principum, regum, imperatorum, Pontificum, et virorum etiam sapientum maximorumque philosophorum. Hinc Regius Vates divinam hanc civitatem comparat cum illustrissimis civitatibus Aegypti, Babylonis, Palaestinae, Tyri et Aethiopie; hoc est enim: *Memor ero Rahab*, idest, Aegypti, et *Babylonis*, quae gloriosissima fuit metropolis imperii Chaldaeorum; *ecce alienigenae*, idest Palaestini, et *Tyrus et populus Aethiopum*; omnes enim hi populi habuere magnificentissimas et celeberrimas civitates, illustresque fuerunt ex natali principum et sapientum: *Hi fuerunt ibi, - hic natus est ibi*, -²³ hic vir aliquis magni nominis et fama celebris natus est ibi, quod

22) Cf. 2 Rg 5, 9. 22a) Cf. 1 Cor 3, 16-17.

hebr. idem sunt ac: *Hi fuerunt ibi* Vulg.

23) Ps 86, 4. Verba: *Hic natus est ibi* ex

magnum est civitatis decus. Sed, inquit, hac ratione divina haec civitas longe celeberrima est: *Nunquid Sioni dicetur: Homo? Homo natus est in ea, et ipse qui fundavit eam Altissimus?*^{23a} In civitate hac natus est Deus, auctor naturae, fons gratiae, pater gloriae, rex, imperator et monarca universi, infinitae potentiae, sapientiae et maiestatis. *Dominus narrabit inscribendo populos: Hic natus est ibi, hic Altissimus, verus Deus.*²⁴

V. De hac autem eadem civitate idem Regius Vates sic alibi canit: *Magnus Dominus et laudabilis nimis in civitate Dei nostri, in monte sancto eius; fundatur exultatione universae terrae mons Sion, latera aquilonis, civitas regis magni; Deus in domibus eius cognoscetur cum suscipiet eam.*^{24a} Quis ignorat, sancte Vates, quod magnus est Dominus, quem *coeli coelorum... capere non possunt?*²⁵ Quod magnus est virtute, magnus potentia, magnus sapientia, magnus bonitate, magnus iustitia, misericordia, caritate, gloria, maiestate, aeternitate? Magnae utique et infinitae magnitudinis. Sed *magnus* est, inquit, *et laudabilis nimis in civitate Dei nostri, in monte sancto eius; in civitate,* inquit, *Dei nostri,* idest, Dei humanati, Verbi incarnati eluet magnitudo, potentia, sapientia et bonitas ipsius infinita laude digna, imo dignissima.

Sed quaenam est huiusce civitatis Dei nostri tanta magnificentia, ut Deus tanquam summus architectus ipsius talem tantamque ex hoc opere laudem promereatur? Opus laudat opificem; hinc: *Coeli enarrant gloriam Dei, et opera manuum eius annunciat firmamentum,*²⁶ respondet. *Pulchra civitas, vel regio aut provincia, gaudium universae terrae, latera aquilonis, civitas regis magni; Deus in palatiis eius in refugium cognoscitur sive cognitus est.*^{26a} Laudat civitatem hanc a situ et prospectu pulcherrimo atque ab ornamento, quod tanquam ornata sponsa videatur: *Vidi civitatem sanctam Ierusalem novam, descendentem de celo a Deo, paratam sicut sponsam ornatam viro suo;*²⁷ laudat a deliciis: *Gaudium universae terrae ob copiam omnium bonorum; laudat ab altitudine: Latera aquilonis, quia fundamenta eius in montibus; laudat a nobilitate: Civitas regis magni; laudat ab aedificiis: Deus in palatiis eius; laudat ab inexpugnabili fortitudine: Quoniam ecce reges terrae congregati sunt, convenerunt in*

Civitas Dei
Maria quia
praestanti ma-
gnitudine Deo
digna, ideo
immaculata.

Opus laudat
opificem.
In hac civitate
cognoscitur ma-
gnificentia Dei.

Civitas haec
pulcherrima situ,
ornata, deliciis,
altitudine,
nobilitate,
aedificiis,

praesertim
inexpugnabili
fortitudine.

23a) Ibid. 86, 5. Partim ex hebr. Vulg. habet: *Nunquid Sion dicet: Homo et homo, etc.*
24) Ibid. 86, 6 ex hebr. 24a) Ps 47, 1-3. 25) 3 Rg 8, 27. 26) Ps 18, 1.
26a) Ps 47, 3-4 ex hebr. 27) Apc 21, 2.

*unum; ipsi videntes sic admirati sunt, conturbati sunt, commoti sunt, tremor apprehendit eos; ibi dolores ut parturientis; in spiritu vehementi conteres naves Tharsis.*²⁸ Inexpugnabilis, inquit, civitas est, nec expugnari potest vel exercitibus in terra nec navali classe in mari; nulla ex parte sperari potest ab inimicis victoria, sed damnum et perditio timeri; est enim *terribilis ut castrorum acies ordinata.*²⁹ Hoc autem, quoniam Deus est civitatis huius architectus: *Sicut audivimus, sic vidimus in civitate Domini virtutum, idest, exercituum, in civitate Dei nostri; Deus fundavit eam in aeternum.*³⁰ Fundavit autem eam circumquaque munitissimam: *Circumdate Sion et complectimini eam, narrate in turribus eius, - numerate turrem eius -, ponite corda vestra in virtute eius, - in exercitu eius -, distribuite domos eius, - aspice palatia eius -, ut enarretis in progenie altera, - generationi et aetati novissimae.*³¹

Haec civitas est
Maria; turris et
mille clypei ex
ea pendent
omnes virtutes.

Sed quaenam, quaeso, potest esse haec civitas tam mirabilis? De Ierusalem et Sion civitate sancta procul dubio loquitur; sed non de illa materiali. Sponsa in *Canticis* dicta est civitas Ierusalem pulcherrima et fortissima: *Pulcra es..., decora et suavis sicut Ierusalem,*³² *terribilis ut castrorum acies ordinata;*^{32a} nec dubium quin in *Canticis* specialissime et principaliter de Sanctissima Virgine sit sermo. Vir etiam iustus civitas munita dicitur in Divina Scriptura: *Ego quippe dedi te hodie in civitatem munitam... et bellabunt adversum te, et non praevalebunt.*³³ De fortitudine autem inexpugnabili Sanctissimae Virginis legimus: *Sicut turris David collum tuum, quae aedificata est cum propugnaculis; mille clypei pendent ex ea, omnis armatura fortium.*³⁴ Per collum corpus unitur capiti, et per caritatem anima unitur Deo; caritas autem secum omnes virtutes habet, turris autem haec Sanctissimae Virginis habet omne genus armorum: *Pendent ex ea mille clypei, sive scuta, quae ad defensionem faciunt, et omnis armatura fortium, omne genus armorum ad inimicos offendendos et exagitandos.*

Maria in gratia,
non in origi-
nali peccato
fundata.

Ad designandam etiam fortitudinem Virginis contra omne peccatum eiusque prudentiam et vigilantiam, legimus: *Nasus tuus sicut turris Libani, quae respicit contra Damascum.*³⁵ Nasutos autem dicimus viros acri iudicio praeditos multaque prudentia. Sic Deus divinam hanc civitatem

28) Ps 47, 4-8. 29) Ct 6, 9. 30) Ps 47, 9. 31) Ibid. vrr. 13-14. *Numerate, etc., aspice, etc., generationi... novissimae ex hebr.* 32) Ct 6, 3. Vulg.: *Pulcra es... suavis et decora sicut Ierusalem,* 32a) Ibid. 6, 9. 33) Jer 1, 18-19. 34) Ct 4, 4. 35) Ct 7, 4

omnino inexpugnabilem fundavit super altos sanctitatis montes; non loco humili in originalis peccati vilitate, sed loco altissimo, in gratia et altissimo gradu perfectionis, sic: *Magnus Dominus et laudabilis nimis in civitate Dei nostri, in monte sancto eius.*

VI. Dicitur autem Virgo Sanctissima in hoc *Psalmo civitas Dei, civitas regis magni, mons sanctus, mons Sion et templum Dei: Suscepimus Deus misericordiam tuam in medio templi tui. Secundum nomen tuum, Deus, sic et laus tua in fines terrae; iustitia plena est dextera tua;*³⁶ *incarnatio enim opus est infinitae misericordiae et caritatis: Sic Deus dilexit mundum ut Filium suum Unigenitum daret.*³⁷ Dicitur Virgo templum propter divinam inhabitacionem et propter sanctissimam Virginis in Deum religionem cultumque pietatis; dicitur *mons Sion* propter altissimam contemplationem; *mons sanctus* propter altissimam sanctitatem, et *civitas regis magni ac Dei*, ob magnitudinem et multitudinem meritorum copiamque omnium virtutum et spiritualium bonorum nec non et excellentiam et nobilitatem super omnes alias electas creatureas.

Omnis homo civitas quaedam est: pars rationalis gerit vicem magistratus regentis civitatem, pars irascibilis militiae custodientis et defendantis, pars concupiscibilis est tanquam vulgus et populus, sensus externi sunt portae civitatis, caput regale palatum, cor et pectus platea magna. Quae libet autem persona sancta civitas Dei est, spectans ad regnum Dei, Deum regem cognoscit et recognoscit eique obedit et servit. Sed Maria est *civitas regis magni*, civitas regia, metropolis, ubi sedes est regni, quae omnium regni civitatum nobilissima et excellentissima est dominaque. In hac autem civitate Regius Vates specialiter miranda proponit palatia et tresses. Magnum erat palatum intellectus, scientia sapientiaque ornatus, memoria imaginibus omnium beneficiorum et operum Dei, voluntas caritate et virtutibus omnibus; tresses erant virtutes cardinales firmissimae ac inexpugnabiles altissimaeque.

Maria templum
Dei ob Dei
inhabitationem;
mons Sion ob
altam contem-
plationem,
civitas Dei ob
magnitudinem
meritorum.

Omnis homo
civitas, Sanctus
civitas Dei,
Maria metropolis
sedes Dei.

36) Ps 47, 10-11.

37) Io 3, 16.

SERMO SEPTIMUS

TEMPLUM DOMINI SECUNDUM MARIA IDEO IMMACULATA

*Iacob autem genuit Ioseph virum Mariae, de qua
natus est Iesus, qui vocatur Christus.*¹

Festum concep-
tionis Mariæ
salutis humanæ
exordium.

I. Celebramus festum diem sanctae et immaculatae conceptionis Sanc-
tissimae et Beatissimae Matris Dei Mariae, quae principium extitit redemp-
tionis nostræ, unde beneficium salutis humani generis sumpsit exordium:
De qua natus est Iesus, – Salvator, – qui vocatur Christus, quando a Deo
peccati regnum destrui coeptum est et satanae principis mundi huius po-
testas diminui; nam Virgo sine peccato concepta est, potestati satanae ex
singulari gratia et speciali Dei beneficio ac privilegio minime subiecta,
quoniam ipsa est quae serpentis antiqui nequissimum caput contrivit,^{1a}
quae peperit aeternæ salutis Auctorem.

Fundatio
secundi templi
magnificentior
quam primit.

II. Hodie fundatum est templum Domini, quod nihil commune habet
cum idolis. Cum templum Domini fundatum fuit a Zorobabel et Iosue
magno sacerdote post babylonicam captivitatem, universus populus totus
laetabundus præ iubilo et cordis laetitia exultavit; sic enim apud Esdram
legimus: *Fundato... a caementariis templo Domini, steterunt sacerdotes in
ornatu suo cum tubis, et levitae filii Asaph in cymbalis, ut laudarent
Deum per manus David regis Israel. Et concinebant in hymnis et con-
fessione Domino: Quoniam bonus, quoniam in aeternum misericordia
eius super Israel. Omnis quoque populus vociferabatur clamore magno in*

1) Mt 1, 16.

1a) Cf. Gn 3, 15; Apc 12, 9.

*laudando Dominum, quoniam fundatum esset templum Domini.*² Tunc Aggaeus vates, Divino Spiritu afflatus, vaticinatus fuit, dicens: *Quis in vobis est derelictus, qui vidit domum istam in gloria sua prima?... Implebo domum istam gloria, dicit Dominus exercituum. Meum est argentum et meum est aurum... Magna erit gloria domus istius novissimae magis quam primae, dicit Dominus exercituum; et in loco isto dabo pacem, dicit Dominus exercituum,*³ idest, Deus omnipotens. Magnificentissimum, inquit, fuit prius templum a Salomone constructum, sed hoc posterius multo magnificentius erit.

III. Templum Dei Ecclesia maius synagoga, templum Dei Christus maius Adamo, templum Dei Maria maius Eva, quae utique non formata, sed aedificata dicitur a Domino.^{3a} Nam, cum forma esset Ecclesiae, sicut Adam Christi, in Spiritus Sancti templum condita fuit, et quidem magna cum honorificentia et gloria, tota, sicut templum Salomonis auro et argento, ornata decore gratiae et iustitiae originalis: *Quis ex vobis est derelictus, qui vidit domum hanc in gloria sua prima?* Nam Eva, sicut et Adam, creata fuit ad imaginem et similitudinem Dei, et ut mundi esset princeps ac domina, sicut ait: *Faciamus hominem ad imaginem et similitudinem nostram, et dominetur piscibus, etc.*⁴ hebr.: *Faciamus adam;* sed postea vocavit nomen eorum.^{4a} *Adam* commune nomen est maris et feminae sicut Latinis *homo* et Graecis *anthropos*.

Eva templum
Dei primum
tota decore
gratiae et iusti-
tiae originalis
ornata.

In verbis autem Dei creationis humanae duplex assignatur finis: prior est: *Ad imaginem et similitudinem nostram;* posterior vero: *Et dominetur.* Ad duplice quippe felicitatem et gloriam creatus est homo: naturalem et supernaturalem, temporalem et aeternam, mundanam, ut ita dicam, in terra et divinam in coelo, quando *similes ei erimus, quoniam videbi-
mus eum sicuti est.*⁵

Duplex
finis hominis

Ad supernaturalem finem consequendum accepit gratiam, quae ipsum Deo gratum acceptumque reddebat, filiumque adoptivum constituebat, ut, sicut filius in hereditatem paternam, ius haberet in supernaturalem beatitudinem; viresque homini praestabat per virtutes et dona Spiritus Sancti ad servanda omnia Dei iussa atque mandata, sicut anima praebet corpori

consecutio finis
supernaturalis
per gratiam,

2) 1 Esr 3, 10-11. 3) 2, 4. 8-10. 3a) Cf. Gn 2, 22. 4) Ibid. 1, 26. Vulg. loc.: *Et dominetur
piscibus, habet: Et praesit piscibus.* 4a) Cf. ibid. 2, 23. 5) Io 3, 2.

sentiendi facultates; tandem reddebat omnia opera hominis ex virtute digna coelestis gloriae ac vitae sempiternae.

naturallis per
iustitiam origi-
nalem, quae erat
quaedam sanitas
perpetua sine
metu, passione,
dolore,
indigentia,

Ad assequendum autem alterum finem sortitus est originalis iustitiae divinum plane ac supernaturale donum, quo efficiebatur ut mens hominis Deo humillime esset subiecta, menti autem et spiritui caro, rationi sensus omnes, animae totum corpus absque corruptionis alicuius gravamine; etenim hominem impassibili immortalitate donabat, et tandem mundana omnia imperio eius subiciebat. Quare originalis iustitia erat perpetua quaedam sanitas, integritas et perfectio omnium partium hominis; sic enim *Dei perfecta sunt opera*; ⁶ sic *vidit Deus cuncta quae fecerat et erant valde bona*; ⁷ sic *fecit Deus ab initio hominem rectum*; ⁸ sic ad imaginem et similitudinem suam hominem condidit usquequaque perfectum. Sic hominem anima et corpore felicem ac, ut ita dicam, beatum reddebat absque metu vel mortis vel cuiusvis mali, nam post peccatum coepit metus: *Vocem tuam audivi... et timui eo quod nudus essem*; ⁹ absque rebellione carnis, ob quam exclamat Apostolus: *Infelix ego homo, quis me liberabit de corpore mortis huius?* ¹⁰ ipsi autem, cum nudi essent, non erubescabant; ¹¹ absque ullo labore aut passione, nam post peccatum audivit: *Maledicta terra in opere tuo, in laboribus comedes ex ea omnibus diebus vitae tuae...; in sudore vultus tui vesceris pane tuo*; ¹² absque ullo sensu doloris, nam in peccati poenam audivit mulier: *Multiplicabo aerumnas tuas et conceptus tuos, in dolore paries filios et sub viri potestate eris*; ¹³ absque rei alicuius indigentia, nam post peccatum fecit Dominus eis tunicas pelliceas et induit eos; ¹⁴ cum dono immortalitatis, siquidem: *Stipendia... peccati mors*, ¹⁵ post peccatum audivit: *Pulvis es, et in pulverem reverteris*; ¹⁶ cum bonorum omnium abundantia: *Tulit... Dominus Deus hominem, et posuit eum in paradyso voluptatis*: ¹⁷ sic ex dono divinae innocentiae et originalis iustitiae perpetua felicitate fruebantur. Haec gloria est primae domus quae tota auro argentoque fulgebat ob gratiae plenitudinem divinumque donum originalis iustitiae; sic a Deo mulier formata fuit divinaque perfectione donata ad munia quaeque tum naturalia tum supernaturalia facilissime obeunda et felicissime persolvenda.

cum dono
immortalitatis et
bonorum
abundantia.

6) Dt 32, 4. 7) Gn 1, 31. 8) Eccl 7, 30. Vulg. loc.: *Fecit, habet: Fecerit.* 9) Gn 3, 10.

10) Rom 7, 24. 11) Cf. Gn 2, 25. 12) Ibid. 3, 17-19. 13) Ibid. 3, 16. 14) Ibid. 3, 21.

15) Rom 6, 23. 16) Gn 3, 19. 17) Ibid. 2, 15.

IV. At vero domus haec a rege Babylonis igne combusta ac diruta funditus fuit.^{17a} Plane ignis fuit cupiditas promissorum satanae: *Nequaquam... moriemini... sed eritis sicut dii, scientes bonum et malum;* hinc enim: *Vidit... mulier quod bonum esset lignum ad vescendum et pulcrum oculis aspectuque delectabile, et tuit de fructu eius et comedit.*¹⁸ Haec domus huius ruina extitit. Hinc ingens malorum chaos in mundum invectum est quae homini prius nihil nocere poterant, sicut nec aquae maris Rubri Hebraeis propter virtutem virgae divinae in manu Moysi,¹⁹ nec aquae Iordanis propter arcam Dei.²⁰ Sicut enim virga mare divisit, solidumque reddidit,^{20a} instar montium crystalli concretum in glaciem, absque ullo fluxu atque refluxu, motum enim omnem undasque mari ademit, et arca Iordani cursum, ita ut veluti alterum montem aquarum a tergo constituerit, impeodiens ne in declive fluerent; sic iustitia illa omne impeditiebat malum, quod suapte natura homini obesse et nocere utcumque poterat; illo autem impedimento ablato, immensa malorum abyssu obrutus homo est. Sicut, egresso Moyse de mari et arca de flumine, ad pristinam qualitatem et consistentiam naturae consentaneam reversae sunt aquae; sic homo post amissam iustitiam ex divini mandati transgressione audivit: *Pulvis es, et in pulverem reverteris.* Sic funditus dirutum fuit gloriosum hoc divini Numinis templum a rege Babylonis Lucifero.

Templum Dei
Eva a satana
combustum igne
cupiditatis, et
inde malorum
chaos.

V. Sed non est passus Deus templi sui ruinam perpetuam; reaedificat templum, et: *Magna, inquit, erit gloria domus istius novissimae plus quam primae. Implebo domum istam gloria..., quia meum est argentum et meum est aurum.* Magna cum gloria condita divinitus fuit Eva, ut digna esset sponsa Adami principis mundi huius dignaque mater hominis nascituri; multo maiori cum gloria Maria, ut digna esset Sponsa Dei dignaque Mater Christi Unigeniti Filii Dei. Fundata est domus haec nunquam ruitura; hinc in fundatione templi clamabant: *Confitemini Domino, quoniam bonus, quoniam in aeternum misericordia eius super Israel.*²¹ Eva gloriam accepit, qua privanda ac destituenda erat per peccatum; non sic Maria, sed in aeternum gloriosissima domus Dei fundata est. Similis fundatio, sed non similis aetas atque permansio. Similis fundatio: sine peccato Eva, sine peccato Maria, innocens Eva, innocens Maria, pura sancta-

Templum Del
Maria maiori
cum gloria
reaedificatum
nunquam
ruitarum,

17a) Cf. 4 Rg 25, 8-10.

18) Gen 3, 4-6.

19) Ex 14, 21 sqq.

20) Jos 3, 14 sqq.

20a) Ms.: Reddit.

21) 1 Esr 3, 11.

Vulg. loc.: *Confitemini*, etc. habet: *Et concinebant in hymnis et confessione Domino, etc.*

que virgo corpore et spiritu Eva, sic et Maria. De hoc habitaculo ait Moyses; *Plantabis eos in monte hereditatis tuae, firmissimo habitaculo tuo..., sanctuarium tuum, Domine, quod firmaverunt manus tuae.*²² Sic divinitus fundatum hoc templum est; sic nanque per Aggaicum dicitur templi secundi aedificatoribus: *Facite, quoniam ego vobiscum sum, dicit Dominus exercituum..., et spiritus meus erit in medio vestrum.*²³

quia in monte
sanctitas
fundatum,

Sed ubinam templum hoc fundatum est? Utique ubi prius fundatum fuit, in innocentia, puritate et sanctitate, in qua prius templum divinitus fundatum extitit; non in planicie Sennaar sicut turris Babel,²⁴ sed in monte alto sicut turris et arx David:²⁵ *Quoniam elegit Dominus Sion, elegit eam in habitationem sibi. Haec requies mea in saeculum saeculi, hic habitabo quoniam elegi eam, sive desideravi eam;*²⁶ sic alibi: *Tribum Ephraim non elegit, sed elegit tribum Iuda, montem Sion quem dilexit; et aedificavit sicut unicornium sanctificium suum;*²⁷ hebr.: *Aedificavit sicut excelsos sanctuarium suum. Quid est sicut excelsos?* Utique vel coelos intelligit, nam subiungitur hebr.: *Sicut terram quam fundavit in saecula,*²⁸ coelos autem Deus purissimos condidit; vel Angelos, quos novimus in summa puritate ac sanctitate creatos absque ulla penitus peccati macula.^{28a} Fundatum fuit templum in monte Sion, sive Moriah,²⁹ altiori utique parte et editiori situ civitatis Ierusalem, imo supra montem in vertice montium.^{29a} Gratia nanque et sanctitas Mariae, quam in sua conceptione accepit, mons fuit in vertice montium, sublimior omni tum hominum tum Angelorum gratia et sanctitate. Nam, cum gratia effectus sit divinae dilectionis et caritatis, Deus multo magis Virginem dilexit in primo instanti conceptionis sua quam Angelos in momento creationis, vel homines; nam illos quidem dilexit ut ministros, hanc autem ut Sponsam suam et veram ac naturalem Matrem Unigeniti Filii sui. Sic: *Fundamenta eius in montibus sanctis. Quam ob causam? Quia diligit Dominus portas Sion super omnia tabernacula Iacob.*³⁰

in vertice
montium, idest,
supra sanctita-
tem hominum
et angelorum;
ergo sine pec-
cato originali.

Si ergo tunc Deus Virginem tantopere dilexit, quomodo odisse potuit? Peccatum autem originale hominem constituit inimicum Dei et natura filium irae.³¹ Si gratia effectus est divinae caritatis, sicut radius solaris lucis,

22) Ex 15, 17.

23) 2, 5-6.

24) Gn 11, 2-4.

25) 2 Rg 5, 7-9.

26) Ps 131, 13-14. *Desideravit ex hebr.*

27) Ps 77, 67-69.

28) Ps 77, 69.

28a) Vide not. 114a *Serm. 1 in Immac. Concept.*

29) 2 Par 3, 1.

29a) Cf. Is 2, 2.

30) Ps 86, 1.

31) Cf. Eph 2, 3.

quomodo tenebrae peccati originalis, ubi tanta lux divinae dilectionis? Sol lunam coram se positam sibi quam similem reddit; quomodo Maria pulcra ut luna³² coram lucentissimo sole iustitiae peccati eclipsim passa maculisque foedata? Quomodo soli dissimilis?

VI. Est autem originale peccatum ex Dionysio in *Ecclesiastica Hierarchia* cap. 2,³³ « habitus dissimilitudinis ad Deum homini inditus », quod alii dicunt « habitualem voluntatis aversionem a Deo », sive, ut Anselmus loquitur,³⁴ « privatio est originalis iustitiae debitae », aut « concupiscentia mali », ut Augustinus,³⁵ ita tamen ut per concupiscentiam intelligat non tantum concupisibilem, ut aiunt, appetitum, verum etiam voluntatem et ceteras animae facultates [quae], quatenus gratia et originali iustitia virtutumque habitibus, quae cum illa erant, destitutae, manent, perturbato ordine, ad exequendas sine crimine virtutum actiones et munera ineptae et impotentes, ad vitia vero quaeque contra divinas leges et iussa proclives:³⁶ *Sensus enim et cogitatio cordis humani ad malum prona sunt ab adolescentia sua.*³⁷ Hac autem virtutum privatione, hisce vitiorum seminibus atque radicibus malis fit anima Deo quam dissimilis atque odibilis, satanae autem simillima ipsiusque potestati subiecta.

Sed quid luci ad tenebras?³⁸ *Deus lux est, et tenebrae in eo non sunt ulla*e.³⁹ Sol lucidissimus est; ubi sol est, tenebrae et nocturna obscuritas reperiri non potest. Deus semper cum Maria et in Maria, nam ipse fundavit eam Altissimus.⁴⁰ Qui templum aedificabant, ut in *Esdra* legimus, noluerunt alienigenas idololatras habere cooperatores et coaedificatores; sic enim illis Zorobabel et Iosue sacerdos dixerunt: *Non est nobis et vobis ut aedificemus domum Deo nostro, sed nos ipsi soli aedificabimus domum Domino Deo nostro.*⁴¹ Et Deus diabolum voluerit coadiutorem, ut ipse satanas in templi huius fundatione primum lapidem miserit? Creditu plane plus quam dici potest indignum!

Maria sine
peccato originali
quia Deus
semper cum ea.
Peccatum ori-
ginale habitus
dissimilitudinis
cum Deo.

Deus semper
cum Maria, dia-
bolus nunquam.

32) Cf 6, 9. 33) § 5. (P. G. 3, 172). 34) Cf. *De Concept. Virg.*, etc. cp. 3. (P. L. 158, 98).
 35) Cf. *De Peccat. Meritis et Remis*. cp. 9, n. 10. (P. L. 44, 115); cp. 29, n. 57. (P. L. 44, 142);
De Nuptiis, etc. cp. 26. (P. L. 44, 430); *Contra Iulianum Pel.* lib. 5, cp. 7, n. 29. (P. L. 44, 802);
Serm. 151, (alias 45) nn. 5-7. (P. L. 38, 817-18) et alibi. 36) Praeter loc. cit. cf. *Contra Iu-
lianum Pel.* lib. 4, cp. 5. (P. L. 44, 756-57); cp. 14. (P. L. 44, 769 sqq.); *De Genesi ad Lit.* lib. 11,
 cpp. 31-32. (P. L. 34, 445 sqq.) et alibi; cf. etiam Berti qui de hac Augustini sententia fusius
 agit in op. *De Locis Theolog.* lib. 13, cp. 4. 37) Gn 8, 21. Vulg. habet: *Humani cordis*, etc.
 38) 2 Cor 6, 14. 39) 1 Io 1, 4. 40) Ps 86, 5. 41) 1 Esr 4, 3.

Maria sine peccato originali,
quia propinquior
Deo.

VII. Deus suapte natura summus est munditiei, puritatis et sanctitatis amator. Hinc neminem ad se nec ad sanctuarium suum accedere permettebat impurum; ⁴² hinc in habitationem suam purissimum coelum elegit, in ministros purissimos Angelos, populum voluit purum et sanctum: *Eritis mihi gens sancta, regnum sacerdotale;* ⁴³ sic: *Facta est Iudea sanctificatio eius, Israel potestas eius;* ⁴⁴ nec descendere voluit ad dandam legem nisi post sanctificatum populum; ⁴⁵ levitas voluit omnino puros, ⁴⁶ sacerdotes purissimos, ⁴⁷ pontificem autem, cui soli licebat ad divinum thronum accedere, ⁴⁸ omnino purum, sanctum, immaculatissimum; ⁴⁹ templum voluit sanctissimum, ita tamen ut quo magis appropinquarent templi partes divino propitiatorio, quod sedes erat maiestatis eius, ⁵⁰ eo essent sanctiores; nam atrium quidem sanctum erat, tabernaculum vero exterius, quod erat veluti aula divini palatii, sanctum sive sanctitas appellabatur, tabernaculum autem interius, quod erat veluti cubiculum secretum ubi thronus erat divinae maiestatis, sanctum sanctorum, sive sanctitas sanctitatum dicebatur, quasi summa sanctitas. ⁵¹ Sic et in coelo Angeli quo Deo sunt propinquiores eo etiam sanctiores; sic et in Ecclesia omnes Christi discipuli sancti, sed septuaginta sanctiores, Apostoli autem, Christo omnium proximi, sanctissimi.

Maria purissima
qua Mater et
Sponsa Dei.

Sed quis Deo magis propinquus quam Virgo, cum Sponsa sit Dei? Quis proximus magis Christo Maria, quae eius est Mater? Ipsa ergo omnium Angelorum sanctissima, omnium purissima, omnium immaculatissima. Deus nanque summopere delectatur et gaudet sanctitate. Hinc Seraphim, qui divinam voluntatem optime norunt, nonnisi sanctitatis titulo Deum honorant, trisagium canentes: *Sanctus, sanctus, sanctus Dominus... exercituum;* ⁵² similiter quatuor coelestia animalia in *Apocalypsi* hoc ipsum perpetuum trisagium canunt; ⁵³ sic voluit sanctissimum habere Filium, per omnia sibi simillimum; cur non sic et Sponsam? Assuerus propterea accepit Esther in sponsam, quia omnium mulierum vidit pulcherrimam; ⁵⁴ cur non et Deus omnium sanctissimam elegerit?

Voluit Deus Christum Filium suum nobilissimum esse: *Ut sit ipse primogenitus in multis fratribus;* ⁵⁵ hominis autem nobilitas ex utroque

42) Cf. Lv 12, 4; 21, 1 sqq.; 22, 1-3.
43) Ex 19, 6. Vulg. habet: *Eritis mihi in regnum sacerdotale, etc.*

44) Ps 113, 2.

45) Cf. Ex 19, 9-15.

46) Cf. Nm 8, 5-15.

47) Cf. Lv 21, 1-9. 16-23.

48) Cf. ibid. 16, 1; Hebr 9, 7.

49) Cf. ibid. 21, 10-15.

50) Cf. Ex 25, 22-23.

51) Cf. 2 Par 3, 1, sqq.; Ex cpp. 26-27; Hebr 9, 2-3.

52) Is 6, 3.

53) Cf. 4, 3.

54) Cf. Est 2, 15-17.

55) Rom 8, 29.

parente pendet. Si Christus nobilissimus ex patre, cur non etiam ex matre? Quomodo autem nobilissima Virgo dicenda est, si aliquando satanae per peccatum mancipium fuit? Est item Deus honoris sui ac Unigeniti Filii sui zelantissimus; quomodo ergo permiserit Virginem Sanctissimam a satana stuprari? Si hoc egit, quomodo Deus *zelotes*? ^{55a}

VIII. Aiunt theologi, et in primis Divus Thomas Aquinas, theologorum nemini secundus, non esse admittendum in Virgine nec minimum quidem peccatum veniale, alioquin non fuisset digna Mater Dei. In 3 part., quaest. 27, art. 4, sic docet Aquinas: «Quos Deus ad aliquid eligit, ita praeparat et disponit, ut ad id ad quod eliguntur inveniantur idonei, iuxta illud Pauli: *Qui et idoneos ministros nos fecit Novi Testamenti.*⁵⁶ Beata autem Virgo fuit electa divinitus, ut esset Mater Dei; et ideo non est dubitandum quod Deus per suam gratiam eam ad hoc idoneam reddidit, secundum quod Angelus ad eam dixit: *Invenisti... gratiam apud Deum.*⁵⁷ Non autem fuisset idonea Mater Dei, si peccasset aliquando, quia honor parentum redundat in prolem, secundum illud *Proverbiorum* 17: *Gloria filiorum patres eorum.*⁵⁸ Unde per oppositum ignominia matris in Filium redundasset, tum etiam quia singularem affinitatem habuit ad Christum, qui ex ea carnem accepit; dicitur autem: *Quae... conventio Christi ad Belial?*⁵⁹ Et ideo simpliciter fatendum est quod Beata Virgo nullum actuale peccatum commisit, nec mortale nec veniale, ut sic in ea impleretur quod dicitur: *Tota pulcra es, amica mea, et macula non est in te.*⁶⁰ Sic Thomas.

At rogo: Si veniale peccatum poterat Virginem indignam reddere ne Mater Dei esset, quanto magis originale piaculum? Non enim veniale facit hominem irae filium, Dei inimicum, vita aeterna indignum, satanae mancipium et vitiorum omnium putidam sentinam; sed originale, per quod totus damnatus est mundus, nam *per unum hominem peccatum intravit in... mundum et per peccatum mors, et sic in omnes homines mors pertransiit;*⁶¹ sic *modicum fermentum totam massam corrupit.*⁶² Si minimus naevus adeo potuit Virginis faciem deturpare, quomodo non foedissima macula et vulnus, quo universa natura fuit turpissime conspurcata et sauciata?

Maria sine
peccato actuali,
ergo et sine
originali.

55a) Ex 34, 14.

57) Lc 1, 30. 58) Vr. 6.

56) 2 Cor 3, 6. Vulg. habet: *Qui et Idoneos nos fecit ministros, etc.*

59) 2 Cor 6, 15. 60) Ct 4, 7. 61) Rom 5, 12. 62) Gal 5, 9.

Expenditur sententia Sanctorum
Thomae et
Bernardi.

Et quidem Divus Thomas,⁶³ Bernardum, sicut etiam Bonaventura,⁶⁴ secutus, tenuit Virginem in originali conceptam; primus enim omnium Divus Bernardus, licet Virginis devotissimus, in ea fuit sententia, et hanc veluti contestatus est item. Scribens enim ad Lugdunenses Canonicos,⁶⁵ qui festum hoc solemnri ritu in sua Ecclesia celebrare cooperant, multis eos conatur avertere ab hoc instituto. Timebat nanque vir pientissimus ac religiosissimus novum aliquod dogma ex nova hac celebratione, cum nulla alia Ecclesia festum hoc celebraret, nec ad illud celebrandum sanctae Romanae Ecclesiae auctoritas intercederet; nam illa epistola Bernardus hoc maxime titulo Lugdunenses Canonicos coarguit, quod, in consulta Romana Ecclesia, novam hanc celebritatem admittere et introducere voluissent.

Quid igitur egisset Bernardus, si praesentis Ecclesiae faciem vidisset? An non festum hoc cum Romana et universalis Ecclesia devotissime celebret? Nam in hac ipsa celebritate Romanae Ecclesiae iudicium exposcebat et desiderabat, ipsiusque auctoritati et iudicio sententiam suam humillime submittebat. Neque enim mordicus hanc sententiam defendit aut tenuit Bernardus, sed anticipi animo; hinc enim aliquando hac de re pavide loquitur, agens de Virginis assumptione. « Quod si, inquit, originalem a parentibus maculam traxit; sed minus a Ieremia sanctificatam in utero, aut non magis a Ioanne Spiritu Sancto repletam credere prohibet pietas christiana ».⁶⁶ Dubitanter loquitur, « si traxit », non cum asseveratione.

Talis mihi semper visus est Thomas. Licet enim aliquando docere visus sit cum Bernardo Virginem esse in originali conceptam, alibi tamen contrarium docuit. Exponens enim angelicam salutationem, immunem eam facit ab originali peccato;⁶⁷ et *1 Sent.*, dist. 44, art. 3, docet eam nituisse ea puritate, qua maior sub Deo nequit intelligi, quoniam ab omni peccato originali et actuali pura fuit; eodem etiam lib. dist. 17, art. 4, idem tradidit, docens intendi puritatem per remotionem a contrario; quae plane indicio sunt eum non sibi plene satisfecisse in hac sententia. Mitto eum alibi docere talem fuisse Mariam, ut maius quid agere minime potuerit

63) Cf. *3 Sent.* dist. 3, q. 1, a. 1, ad 2; *Summa Theolog.* 3 p. q. 27, a. 2. 64) Cf. *3 Sent.* dist. 3, a. 1, q. 2. (3, 65 sqq.). 65) *Epist. 174.* (P. L. 182, 169 sqq.). 66) *Serm. 2 In Assumpt. Virg.* n. 8. (P. L. 183, 999). 67) *Opuscul. 8. Expos. in Salut. Ang.* — S. Auctor certe prae manibus habebat editionem in qua legebatur: *Maria purissima fuit ad omnem culpam quia, nec originale nec veniale peccatum aliquando incurrit.* Sic in antiquis editionibus iuxta Salmeron et D. Petrum Canisium apud Lambuschini in *Dissert. Pol. sull'Im. Conc. di Maria*, n. 41. Vide etiam Edit. 1881 C. Raulx, Parisiis; Campana, *Maria nel Dog. Cat.* Marietti, 1923, pag. 407.

Deus ratione maternitatis divinae, sicut nec coelestem beatitudinem, nec Christum maiorem aut meliorem facere potuit, 1 part., quaest. 25, art. 1.

IX. Quod si Divus Thomas, vir plane uti doctissimus et sapientissimus ita piissimus et candidissimus, in praesentiarum civis esset Ecclesiae, procul dubio existimo eum in hanc sententiam immaculatae conceptionis pedibus manibusque venisset, cernens quod Romana Ecclesia, cui ille maxime semper detulit, summoque in honore, ut modestissimus et obedientissimus filius, habuit, festum hoc solemini ritu celebrat; docuit enim ipse, 2 2^{ae} quaest. 10, art. 12, Romanae Ecclesiae auctoritatem et consuetudinem praevalere omnium doctorum auctoritati. Nunc autem Romanae Ecclesiae consuetudo iam inolevit, ut non solum celebret festum hoc, sed celebrandum etiam moneat indulgentiarum copiosis largitionibus, licet neminem cogat.

Maria sine peccato originali ex festo ab Ecclesia instituto.

X. Cumque ipsa sit magistra omnium ecclesiarum, *columna et firmamentum veritatis*,⁶⁸ quae a Spiritu veritatis recta errare nullatenus potest, ipsaque concedat nobis, ut de Virgine Dei Genitrice pro pietate et decentia sentiamus, et ut ab omnibus Divinarum Scripturarum enunciacionibus, quae de peccato in universum loquuntur, ipsam excipere possimus. Digna est Mater Dei ut honoris hoc spontaneum munus illi offeramus, ut, sicut Magi Unigenito Filio suo aurum, thus et myrrham obtulere,⁶⁹ ita nos Virgini aurum exhibeamus caritatis, ut illam tanquam Dei Matrem diligamus et veneremur tanquam coeli Reginam, thus piarum precationum tanquam omnipotenti advocatici nostrae apud Unigenitum suum, et myrrham fidei immaculatae conceptionis, qua ex gratia speciali praeservata fuit a labe peccati, sicut myrra praeservantur corpora a corruptione.

Dignum est nos
Mariam titulo
Immaculatae
honorare;

Dignum est ut Matri Dei hunc exhibeamus honorem, nam mysteria gratiae, quae in Virgine operata sunt, non sunt ordinariis legibus metienda, sed divina omnipotentia: *Quia, inquit, fecit mihi magna qui potens est, et sanctum nomen eius*,⁷⁰ uti in virginali conceptu et partu liquido apparet. Dignum est ut hoc illi praestemus, ne Virgini negatum dicamus aliquod privilegium gratiae cuivis alteri creaturae donatum, nam Deus Angelos et homines primos in gratia creavit. Et si Virgo prudentis-

ne Virgini
negatum dica-
mus ultum
privilegium,

68) 1 Tim 3, 15.

69) Cf. Mt 2, 11.

70) Lc 1, 49.

sima et sapientissima tanti faciebat carnis virginitatem, ut potius elegisset intacta virgo manere, quam, violata virginitate, Mater Dei fieri: *Quomodo, inquit, fiet istud, quoniam virum non cognosco;*⁷¹ quid, si data fuisset ei optio, ut quid libere magis eligeret vel integrum utriusque hominis puritatem omnino illibatam, vel maternitatis divinae altissimam dignitatem? Multo enim maius malum est originale peccatum, quae totius divinae gratiae carentia est cum ira et indignatione, quam dignitatis huius carentia. Mortem potius elegisset et non nasci. Talis tantaque est peccati pravitas! Ad quid ergo Deus tantum malum permiserit Virgini sine causa? Quae inde utilitas aut emolumentum? Num ne Virgo magnitudine munerum divinorum extolleretur? Sed potius permittendum ei erat veniale peccatum, nam hoc magis voluntarium est. Sed Virginis humilitas fuit humilitati Christi simillima; humilitas autem Christi oriebatur non ex mali alicuius agnitione, sed ex perfecto lumine et cognitione suipsius, ut homo erat.

ne potissimum
divino titulo
sanctitatis eam
privemus.

Tandem dignum est ut Virgini hunc exhibeamus honorem. Nam iidem tituli tribuuntur augustis atque reginis qui regibus et imperatoribus; titulus autem Dei sanctitas est, quoniam vere sanctissimus est, Maria autem vera Sponsa Dei et Summi Imperatoris, vera Christi Regis regum Mater; sic divino titulo sanctitatis honoranda est. Licet non id praeceptum sit nobis, neque enim praeceptum est legibus ut augustis dentur tituli maritorum; dantur tamen, quia sic decet et gratum principibus maritis est, ut sic honorentur. Et quis nostrum est, fratres, cui si pro suo arbitratu Deus dedisset, ut Virginem vel servaret ab illo peccato puram, vel a satana foedari permetteret; pro eximia in Virginem pietate, sciens quod futura erat Mater Christi, Sponsa Dei, Angelorum Domina, coeli Regina, illam satanae potestati permisisset? Non eam immaculatam servasset? Permittitur autem nobis ut pro nostro arbitratu eam veneremur; cur ergo non potius omnino immaculatam et divina puritate praeditam arbitremur ac veneremur?

71) Ibid. 1, 34.

SERMO OCTAVUS

VERA SPONSA ET MATER DEI MARIA IDEO IMMACULATA

*Iacob autem genuit Joseph virum Mariae, de qua
natus est Iesus, qui vocatur Christus.* ¹⁾

I. In sacrosancto hodierno Evangelio de Sanctissima Virgine Deipara, cuius immaculatam conceptionem hodie solemniter celebrat sancta mater Ecclesia, nihil aliud habemus nisi quod ipsa sit vera et naturalis Mater Christi: *De qua natus est Iesus, qui vocatur Christus.* Et quidem haec prima est et summa dignitas Virginis Gloriosae, ex qua omnis eius gloria honorque dependet. Sicut enim in qualibet scientia statuitur primum aliquod principium et axioma, ex quo omnes fere illius scientiae conclusiones educuntur, et comprobantur, uti in theologia quod Deus sit primum ens, in naturali philosophia quod natura est principium motus, in morali quod bonum est faciendum et fugiendum malum; ita in hodierno Evangelio statuitur hoc primum principium nobilitatis et dignitatis Mariae, quod ipsa sit vere *Theotocos*, naturalis, vera et propria Mater vivi et veri Dei, Unigeniti Filii summi Patris, ex quo principio concluditur quod ipsa sit Sponsa Altissimi, quod sit Domina Angelorum, Regina Sanctorum omnium, Imperatrix totius universi, etc. Ex hoc autem eodem principio educenda nobis est hodie conclusio haec, quod ipsa fuerit semper sanctissima, semper gratia plena, absque omni macula peccati, quod sine originali peccato concepta sit.

Ex primo principiis in scientiis omnes conclusiones; ex principio quod Virgo est vere *Theotocos* omnes eius praerogativaes, etiam exemplio a peccato originali.

1) Mt 1, 16.

Maria sine
peccato originali,
quia vera
Sponsa et
Mater Dei.

II. Audite, quaeso: Si Maria vera Mater est Christi Unigeniti Filii Dei, ergo vera Sponsa est vivi et veri Dei omnipotentis. Sed quomodo Deus infinitae maiestatis mulierem despensavit, sibique vero matrimonio copulavit? Utique ex amore, sicut magnus rex Assuerus Esther pulcherrimam humili loco natam, amore captus, duxit in uxorem, reginamque constituit.²⁾ Hoc ergo manifestissimum signum et evidentissima demonstratio est infiniti amoris Dei erga Virginem Sanctissimam. Quod maius amoris indicium demonstrare potest rex aut imperator in puellam pulcram quidem, sed pauperem humilemque, quam si in uxorem legitimam eam ducat, reginamque constitutat? Quid amplius aut maius facere ei potest? Potest ne eam sublimius exaltare? Num maiorem dignitatem conferre? Indicat ergo locus iste quod Deus, ex nimio amore Virginem despensans, eam quantum potuit exaltavit, omnem quam potuit dignitatem ei contulit.

Nunc quid dicendum, quod non potuit Deus animam Sanctissimae Virginis sanctam, in gratia creare, sicut creavit Angelos et primos homines? Non potuit omnipotentia Dei praeservare Virginem a peccato originali? Num Deus suis tenetur legibus, ut eas dispensare non possit? Absit; potuit, potuit, imo et debuit. An non infinito honore et gloria dignus est Christus? Ergo Deus omni quo potuit honore et gloria donare eum debuit. Sed, an non dedecus Christo fuisse nasci ex muliere a diabolo violata et per peccatum spiritu stuprata? Si ergo potuit et debuit ob Christi honorem et infinitam maiestatem, cur noluit? Cur hac in re non complacuit Christo et Virgini?

Hinc, sicut ad
supremam
gloriam, ita
etiam et ad
supremam
gratiam prea-
destinata.

Praeterea, si Deus ex amore et caritate solam Virginem sibi despensavit, ergo solam Virginem super omnem aliam creaturam in terra et in coelo dilexit. Quid enim sunt omnes Sancti? Omnes Angelii? Imo ad quid creavit Deus omnes Santos omnesque Angelos paradisi? Ut essent servi Dei, ministri Christi; Mariam vero, ut esset Sponsa Dei et vera Mater Christi. Diligit Deus Mariam unicam Sponsam suam super omnes Santos, super Angelos post Christum. Nec novus hic amor est, sed caritate perpetua ab aeterno dilexit eam,^{2a)} cum eam Sponsam suam et Christi Matrem praedestinavit atque elegit. Sicut enim in paradyso super omnes Santos et Angelos tanquam Sponsam suam Angelorum Dominam et Reginam ad Christi dexteram collocavit; ita ab aeterno super omnes Santos et Angelos eam praedestinavit. Sed quid est praedestinatio? Utique praeparatio gratiae

2) Cf. Est 2, 5-18.

2a) Cf. Jer 31, 3.

et gloriae, sanctitatis et felicitatis. Sicut ergo praedestinata fuit in maiorem gloriam in paradiſo, ita ad maiorem gratiam et sanctitatem in hoc mundo. Sanctitas ergo Mariae in hoc mundo multo maior fuit quam sanctitas Angelorum in coelo. Sed Angelorum sanctitas est omnino immaculata, absque omni vel minimo naeve peccati, ergo et sanctitas Mariae.

Imo quid est quod Deus plus diligit Mariam quam omnes Santos et Angelos: *Fundamenta eius in montibus sanctis; diligit Dominus portas Sion super omnia tabernacula Iacob?*³ Diligere nobis quidem est velle ac desiderare bonum alicui, quem diligimus; Dei autem diligere et velle bonum est facere et conferre. Magis dilexit Mariam, maiora bona ei contulit; ergo maiorem gratiam, maiorem sanctitatem; nam spiritualibus bonis delectatur Deus, haec suis, quos diligit, libentissime confert. Si maiorem Spiritus Sancti gratiam contulit Mariae, maiori eam sanctitate donavit, Angelis multo puriore effecit, ita ut merito dicere possimus quod *tanto melior est Angelis effecta, quanto differentius p[ro]ae illis nomen hereditavit.*⁴ O infinitam dignitatem Mariae, qua vera est Sponsa Dei, vera Mater Christi vivi, veri et summi Dei!

III. Non enim tantum voluit Deus ut Virgo Sanctissima esset Mater Christi, sed ut digna esset Mater, sicut non solum voluit ut Apostoli essent praedicatores et ministri Christi, sed ut digni, apti et idonei essent;⁵ hinc Spiritum Sanctum, omnium coelestium gratiarum thesaurum, eis donavit.⁶ Non solum voluit ut Ioannes praecursor esset Christi, sed ut dignus esset praecursor; hinc eum ex matris utero Spiritu replevit.⁷ Non solum ut Salomon rex esset Israel, sed ut rex dignus et aptus esset; hinc ei thesaurum coelestis sapientiae dono dedit.⁸ Sic, inquam, voluit Deus ut Maria digna esset Mater Dei, dignum Christi habitaculum. Sicut pro digna hominis habitatione condidit paradisum terrestrem, pro digna habitatione Angelorum paradisum coelestem, sicut Salomon, factus rex, palatium sibi aedificavit dignum regia maiestate,⁹ reginae quoque sponsae suae, filiae regis Aegypti, aliud extruxit palatium tanta regina dignum;¹⁰ ita Deus, cum Mariam formavit, palatium fabricavit dignum tanto Filio, qui infinito dignus est honore, infinita gloria, cuius est infinita dignitas. Salomon palatium suum et reginae,¹¹ sicut et templum Domini,¹² ex lapidibus pre-

Hinc inter omnes
creatures
dilecta, ergo
super omnes
gratia dedita.

Maria sine
peccato originali,
quia non solum
vera Mater sed
etiam digna
Mater Christi
digni infiniti
honoris.

3) Ps 86, 1-2.

4) Hebr 1, 4.

5) Cf. 2 Cor 3, 6.

6) Cf. Act 2, 4.

7) Cf. Lc 1, 15. 41.

8) Cf. 2 Par 1, 12.

9) Cf. ibid. 7, 1-2.

10) Cf. ibid. 7, 8.

11) Cf. ibid. 7, 1-12.

12) Cf. ibid. cпп. 6-7.

tiosis, hoc est, finissimis et pretiosissimis marmoribus aedificavit, ut regia maiestate dignum videretur. Ex quibus lapidibus aedificasse hoc Divinitatis palatum Unigenito Filio suo censendus est Deus?

Hinc prima elius
gratia maior fuit
quavis gratia
Sanctorum.

Audite quid Isaias dicat: *Erit in novissimis diebus praeparatus mons donus Domini in vertice montium.*¹³ Aedificabitur, inquit, domus Domini supra montem, qui erit in vertice montium, positus super cacumina aliorum montium. Montes sunt omnes Patriarchae, montes Prophetae, montes Apostoli, montes omnes Sancti, montes omnes Angeli; sed mons domus Domini fundatus est super cacumina montium. Prima gratia, quae collata fuit Mariae, fuit superior maiorque quavis gratia Sanctorum et Angelorum. Sic enim Divus Gregorius ait, *I Regum* 1: «Mons Dei Genitrix Maria fuit, quae omnem electae creaturae altitudinem electionis suae dignitate transcendit. An non mons sublimis Maria, quae ut ad conceptionem aeterni Verbi pertingeret, meritorum verticem supra omnes Angelorum choras, usque ad solium Deitatis erexit?... Mons in vertice montium fuit, quia altitudo Mariae super omnes Sanctos refulxit».¹⁴ O plane infinitam altitudinem dignitatis! Hoc est esse Matrem Christi, unicam Sponsam Dei!

Et quaequo: Quis est hominum, qui ducturus uxorem, si posset eam iuxta cordis sui desiderium formare intrinsecus et extrinsecus, sicut pictor excellentissimus quam vult imaginem, non talem sibi formaret uxorem, quae omnibus esset gratiis virtutibusque ornata? Quis sciens et volens eam a sordidissimo homine violari permiserit? Solus Deus hoc potuit, sponsam sibi adamussim formare talem quallem voluit iuxta omne desiderium cordis sui, ad libitum voluntatis suae; et non formaverit eam omni gratia, omni virtute, omni dono coelesti praeditam? Et permiserit eam a satana violari? Hoc est: *Ioseph virum Mariae, de qua natus est Iesus, qui vocatur Christus, Unetus, Rex, sed Rex regum et Dominus dominantium.*¹⁵

Hinc voluit Deus
ut esset nobilis-
sima secundum
carnem, sed
magis secundum
spiritum.

Et quidem quo dignior esset Mater Christi voluit Deus eam nasci ex semine Abrahae, Isaac et Iacob, gente omnium nobilissima et illustrissima, ex tribu Iuda, omnium tribuum nobilissima et principalissima ex illa gente, ex domo et familia David, nobilissima familia illius tribus,¹⁶ et ut materno ex genere descendenter ex Aaron summo pontifice,¹⁷ ut eo magis nobilitaretur, adeo ut etiam secundum carnem Deus pro viribus voluerit eam nobilissimam nasci; quanto magis secundum spiritum? Nobilitas autem

13) 2, 2.

14) Lib. I, n. 5. (P. L. 79, 9). 15) 1 Tim 6, 15. 16) Cf. Le 1, 27; Rom 1, 3.

17) Cf. Le 1, 5.

spiritus in virtute consistit; nec carnis sed spiritus nobilitate Deus, qui spiritus est,^{17a} apprime delectatur. Sed videte seriem verborum: Maria proxima Christo statuitur. Christus autem sol est iustitiae, omnes autem Sancti et Angeli stellae sunt; omnes stellae a sole lumen accipiunt, omnes Sancti et Angeli a Christo lumen et splendorem iustitiae, bonitatis et sanctitatis. Maria stella est, sed proxima soli; ergo in tenebris esse non potest, nec pati eclipsim aut quamvis obscuritatis maculam: *De qua natus est Iesus tanquam sol ab aurora clara; nam clarissima est aurora cum sol nascitur, nullasque habet tenebras obscurae noctis.*

Maria sine
peccato originali
quia coelestis
mulier, ex qua
homo coelestis
Christus.

IV. *De qua natus est Iesus, qui vocatur Christus.* De primo homine Deus formavit mulierem coadiutricem ad propagandum genus humanum, ei per omnia similem quoad naturam et quoad gratiam.¹⁸ Nunc ex secunda muliere producit secundum hominem. Inquit autem Paulus quod *primus homo de terra terrenus* fuit, sed *secundus homo de coelo coelestis*,¹⁹ veluti dicens quod de coelesti muliere coelestis homo Christus formatus est. Sicut sol ex purissimis coeli partibus Dei manu formatus fuit, ita Christus ex coelesti Maria. Regius Vates inquit quod Deus coelum creavit, ut esset solis habitaculum: *Lascemesc scam ohel bahem, idest, bascamaim, soli posuit tabernaculum in coelis;*²⁰ sic pro tabernaculo solis iustitiae Christi coelum creavit Mariae. Adhuc; si Deus primum hominem formare voluit de terra nulli adhuc maledictioni subiecta,²¹ cur non sic secundum hominem? Et si Deus filio Abraham Isaac praeparavit in sponsam matremque totius Israel virginem pulcherrimam et incognitam viro, idest, nullatenus violatam,²² cur non talem praeparaverit Unigenito Filio suo? Si propter merita Noe, quoniam iustus fuit et perfectus coram Domino,²³ salvavit Deus ab aquis diluvii per arcum familiam ipsius,^{24a} cur propter merita Christi non salvaverit ipsius Matrem a diluvio peccati originalis? Rahab ob hospitalitatis officium meruit ut universa ipsius familia et cognatio servaretur a perditione civitatis Iericho, quae divino decreto universa totaliter perdenda erat.²⁴

V. *Jacob autem genuit Joseph virum Mariae, de qua natus est Iesus, qui vocatur Christus.* Hodiernum mysterium immaculatae conceptionis

Duplex carnis
et spiritus virgini-
tate delectatur

17a) Cf. Io 4, 24. 18) Cf. Gn 2, 18. 19) 1 Cor 15, 47.
21) Cf. Gn 2, 7. 22) Cf. ibid. 24, 16. 23) Cf. ibid. 6, 8-9.
24) Cf. Jos 6, 17, 25.

20) Ps 18, 6 hebr.
23a) Cf. ibid. 7, 1 sqq.

Deus sicut in
n Virgine,

Virginis Sacratissimae ostendit quod duplice virginitate delectatur Deus: virginitate corporis, virginitate spiritus. Sic Paulus ait: *Muller innupta et virgo cogitat quae Domini sunt, ut sit sancta corpore et spiritu, quomodo placeat Deo.*²⁵ Res est Deo placens et gratissima sanctitas corporis et spiritus; in Virgine autem Sanctissima maxima fuit utraque sanctitas. Sed mirabile dictu est quod sanctitatem utramque Virgo Beatissima absconditam tanquam thesaurum tenuerit. Virginitatem corporis sub veri matrimonii velo; quis eam virginem existimasset, cum et virum haberet et filium? Ita quoque infinitam mentis sanctitatem celabat, vivens in saeculo viro subiecta, domus curam gerens et veluti communem vitam cum reliquis mulieribus ducens. Sic erat veluti tabernaculum Domini foris quidem viibus pellibus opertum,²⁶ intus autem auro resplendens.²⁷

Ita in quavis
anima fidei,

Non solum autem a Sanctissima Virgine duplicem hanc sanctitatem requisivit Deus, sed a quavis anima fidei requirit: *Despondi... vos uni viro*, inquit Paulus, *virginem castam exhibere Christo;*²⁸ et alibi: *Christus dilexit Ecclesiam, et seipsum tradidit pro ea, ut illam sanctificaret, mundans eam lavacro aquae in verbo, ut exhiberet ipsam sibi gloriosam Ecclesiam non habentem maculam aut rugam...*, sed ut sit sancta et immaculata.²⁹ Sic Deus in Divinis Litteris ostenditur semper cupidissimus verae sanctitatis ac puritatis, et e contra inimicissimus omnis iniquitatis, qui summo infinito odio omnem impietatem omneque peccatum prosequitur. Ita vel maxime in originali peccato, primo nostrorum parentum piaculo, demonstratur; unum enim illud peccatum omnibus saeculis punivit, nec punire desinet unquam, ita ut ob illud innocentes parvuli morti et multis passionibus sint subiecti tanquam filii perditionis et irae,^{29a} donec *per lavacrum regenerationis et renovationis Spiritus Sancti*³⁰ emundentur ab illo peccato. Sic implacabilis est ira Dei contra peccatum, nisi vera poenitentia et Sacramentorum divina virtute deleatur.

quae et a vitiis
abstinere debet,
et in virtutibus
proficere.

Nec tantum requirit a nobis Deus innocentiam vitae, qua a vitiis et peccatis abstineamus, sed etiam vitae sanctitatem in virtutibus et bonis operibus. Sic Paulus ait: *Apparuit benignitas et humanitas Salvatoris nostri Dei omnibus hominibus, erudiens nos, ut, abnegantes impietatem et saecularia desideria, sobrie et iuste et pie vivamus in hoc saeculo, expectantes*

25) 1 Cor 7, 34.

26) Cf. Ex 36, 14-19.

27) Cf. ibid. 36, 20 sqq.; 37, 1 sqq.

28) 2 Cor 11, 2.

29) Eph 5, 25-27.

29a) Cf. 2 Thess 2, 3; Eph 2, 8.

30) Cf. Tit 3, 5.

*beatam spem et adventum gloriae magni Dei.*³¹ Requirit a nobis virginalem puritatem, castitatem corporis et mentis, carnis et spiritus, ut in nobis inhabitet; nam spiritus sapientiae, spiritus Domini, Deus ipse non habitabit in corpore subdito peccatis.³² Requirit a nobis ut in carne non secundum carnem vivamus,³³ sed tanquam Angeli in carne simus. Sed utinam vitio nostro non evaserimus bestiis multo animaliores et carna- liores! Ubi est virginitas et castitas mentis? Imo ubi virginitas et castitas corporis?

31) Ibid. 2, 11-13. Verba: *Benignitas et humanitas... Dei* ex cp. 3, 4.

32) Cf. Sap 1, 4.

33) Cf. 2 Cor 10, 2-3.

In calce huius sermonis in manuscripto invenitur hoc commentariolum super *Psal. 45*, vrr. 5-6, quo immaculata Mariae conceptio illustratur, quod, cum evidenter non pertineat ad praecedentem sermonem, hic separate posuimus.

Regius Vates Psal. 45¹ ad vivum exprimere, ac veluti vivis colo-ribus depingere visus est mysterium sanctissimae conceptionis Deiparae Virginis, dum ait: *Fluminis impetus laetificat civitatem Dei, sanctificavit tabernaculum suum Altissimus. Deus in medio eius, non commovebitur; adiuvabit eam Deus mane diluculo.* Hebr. est paulo aliter: *Flumen pelagorum eius laetificabit civitatem Dei, sanctum tabernaculorum Altissimi, idest, sanctissimum. Deus in medio eius – subintelligendum – est, propterea non commovebitur ipsa*, nam hebr. [verbum] est generis feminini: praecente Deo nutare non poterit ipsa. *Aduerbit eam Deus mane diluculo;* hebr.; *Ad respicere diluculum*, idest, quam primum, opportunissimo tempore, quam citissime, cum opus fuerit.

1) Vrr. 5-6.

2) Vulg. habet: *Aduerbit.*

SERMO NONUS

SANCTIOR SANCTORUM SPONSA DOMUS ET PORTA DEI MARIA IDEO IMMACULATA

*Iacob autem genuit Ioseph virum Mariae, de qua natus est Iesus, qui vocatur Christus.*¹

Conceptio et
nativitas Virginis
similis conce-
ptioni et nati-
vitati Christi,

I. Celebrat hodie [Ecclesia] festum conceptionis Virginis Gloriosae, Matris Dei beatissimae atque dignissimae, et legit Evangelium conceptionis et nativitatis Christi: *Liber generationis Iesu Christi, filii David...,² genuit Ioseph, virum Mariae, de qua natus est Iesus, qui vocatur Christus;* plane ad insinuandum quod nativitas et conceptio Virginis similis fuit nativitati et conceptioni Christi, sicut creatio lunae similis creationi solis, formatio Evae similis formationi Adami. Sancta Christi nativitas, immaculata conceptio; sancta nativitas Virginis, pura conceptio; non quod Virginem Christo aequalem paremque faciamus, absit, sicut nec lunam soli, nec Ebam Adamo. Christus enim natura sanctus est, omnino purus et immaculatus Sanctorum, sol iustitiae, fons gratiae: *De plenitudine eius nos omnes accepimus;*³ Maria autem sancta et sine peccato per gratiam, quam a Christo accipit, sicut luna a sole splendorem lumenque suum.

sicut creatio
lunae similis
creationi solis.

Sol ab initio lunam a tenebris praeservavit; in tenebris enim creata fuisset, nisi a sole lumen accepisset, quoniam a seipsa lumen non habet, sed a sole, suapte natura opaca est, obscura est, non sicut sol lucida; in

1) Mt 1, 16.

2) Ibid. 1, 1.

3) Io 1, 16.

primo tamen sue creationis instanti lumine plena soli similis, ut fratri soror, aut sponsa sposo, in coelo apparuit. Sic dicimus de Maria, sic quod Mariae conceptio similis extitit conceptioni Christi, sicut plenitudo gratiae Mariae similis fuit plenitudini gratiae Christi, et nunc in coelo splendor gloriae Mariae similis splendori gloriae Christi. Sicut enim rex coeli Christus, ita Maria regina: *Astitit regina a dextris tuis in vestitu deaurato.*⁴

Sic hodie festum immaculatae conceptionis celebramus in quo accidisse mihi visum est, sicut usu venire solet dum in stadio curritur; is enim accipit bravium qui cursu velociori prior pervenit ad metam.^{4a} In Mariae conceptione ad bravium animae ipsius currebant simul Spiritus Sanctus et satanas, sicut ad Christi sepulcrum Petrus et Ioannes; sed citius praecurrit Ioannes, et prior venit ad monumentum.⁵ Veluti si in creatione mundi, quando creata fuerunt luminaria, extitissent sol et luna, ut astrologi loquuntur, prope caput et caudam draconis, ubi per terrae interpositionem fieri solet eclipse luna, tunc in ipsam lunam carent aut cucurrisse duo veluti flumina: a sole quidem, qui fons est omnis lucis, magnus radius veluti luminis flumen, a terra vero, quae fons et origo est omnium tenebrarum, magna umbra veluti flumen tenebrarum; sed praecurrit in hanc lunam fluvius luminis, lunam illustravit, et ab umbra terrae servavit.

In conceptione nostra interponit se satanas inter Deum, solem iustitiae, et animam nostram, quae veluti luna [est]; sic obscuratur anima tenebris originalis peccati. Sunt Deus et anima veluti in capite et cauda draconis, quando necessario fit lunae eclipsis. Si autem sol paululum dimoveatur a capite draconis, ablato terrae obstaculo, recta lunam respicit eamque suo lumine replet.

Est satanas minister divinae iustitiae, nam in poenam primi peccati parentum nostrorum nascimur *filii irae*,⁶ inimici Dei, sub potestate satanae. In conceptione Virginis currebant simul divina misericordia et divina iustitia; haec exigebat ut Maria conciperetur in peccato, quoniam vera erat filia Adami peccatoris et inimici Dei, misericordia autem ut conciperetur sine peccato, ut vera et naturalis Mater Christi. Sed praecurrit misericordia, prior ad metam pervenit, accepit bravium, obtinuit palmam, quoniam Christus Adamo multo maior est, gratia Christi quam peccatum^{6a}

Lunae eclipsis
fit per interpo-
sitionem terrae.

Eclipsis Mariae
per
interpositionem
peccati facta
non fuit.

4) Ps 44, 10. 4a) Cf. 1 Cor 9, 24. 5) Cf. Io 20, 5. 6) Eph 2, 3. 6a) Ms.: *Peccati.*

Adami, meritum obedientiae Christi quam demeritum inobedientiae Adami. Si Maria ut filia Adami debebat incurrire in originale peccatum, multo magis praeservari debebat ut Mater Christi. Praecucurrit misericordia, et citius ad Mariam pervenit, quoniam Deus suapte natura multo propensior est ad misericordiam quam ad iustitiam, et tum maxime cum causa intercedit rationi et aequitati consentanea.

Simile :
Ionathas damnatus ad mortem sed non occisus.

Accidit sicut olim accidisse legimus Ionathae. Promulgaverat Saul edictum terribile, dum pugnaret contra Philisthaeos: *Maledictus*, inquit, *vir qui comedenter panem hodie usque ad vesperam.*⁷ Ionathas autem filius eius, cum hoc patris edictum ignoraret, oppido lassus et viribus destitutus, ita ut prae esurie lumen oculorum ei defecerit, gustavit paululum mellis; sic nesciens patris praeceptum transgressus fuit. Qua re cognita, pater tanquam reum mortis capitalem in eum sententiam tulit;⁸ non tamen executus fuit, quia populus Ionatham liberavit, dicens: *Ergone Ionathas morietur, qui fecit salutem hanc magnam in Israel? Hoc nefas est; vivit Dominus, si ceciderit capillus de capite eius in terram, quia cum Deo operatus est hodie.*⁹ Sic gratia et caritas populi regnique totius erga Ionatham praevaluit magnae illi severitati regis.

Sic, inquam, comedit Maria in lumbis Adami vetitum fructum, suapte natura erat mortis rea; sed divina misericordia eam a morte peccati liberavit ac praeservavit, quia salutem mundo paritura erat: *Genuit Joseph virum Mariae, de qua natus est Iesus, idest, salvator, salus. Ipse enim salvum faciet populum suum a peccatis eorum.*¹⁰ Sic Maria divinitus ab originali peccato praeservata fuit. Hoc autem videtur esse quod in *Apocalypsi* legimus misisse draconem de ore suo flumen contra coelestem mulierem ad perdendam eam; sed nihil ei nocuit, quoniam divino miraculo aperuit terra os suum et flumen illud absorbuit.¹¹ Sic, inquam, divino miraculo Dei Mater ab omni peccato praeservata fuit.

Conceptio immaculata Virginis conveniens fuit, ut impletetur vacuus locus in

II. *Genuit Joseph virum Mariae, de qua natus est Iesus.* Ponitur Maria in medio inter Joseph et Christum, inter sponsum et filium, sicut arca Domini inter duos Cherubim, qui alis eam protegebant.¹² Sanctus Joseph, de quo legimus: *Ioseph autem vir eius cum esset iustus,*¹³ sanc-

7) 1 Rg 14, 24. 28.
11) Cf. 12, 15-16.

8) Cf. ibid. 14, 27-44.
12) Cf. Ex 25, 10-21.

9) Ibid, 14, 45.
13) Mt 1, 19.

10) Mt 1, 21.

tus Christus: *Quod ex te nascetur Sanctum.*¹⁴ Uterque protexit Mariam; Ioseph ut sponsus custos fuit corporalis virginitatis, quam perpetuo servavit inviolatam et integerrimam; protexit eam Christus ut filius animam Virginis divina protectione, custodiens in purissima et immaculatissima spiritus virginitate. In medio posita est sicut stella matutina inter lunam et solem, sicut coelum inter mundum elementalem et paradisum, sicut angelica natura inter humanam et divinam, sicut in tabernaculo Moysis¹⁵ et templo Salomonis¹⁶ sanctum erat inter atrium et sanctum sanctorum.

sanctitate et in
emundatione a
peccato.

Intra atrium, ubi erat altare holocaustorum et aqua lustratoria, non admittebantur nisi levitae mundi et puri;¹⁷ intra sanctum, ubi erat altare incensi, aureum candelabrum et mensa propositionis, nonnisi sacerdotes sancti et immaculati;¹⁸ intra sanctum sanctorum vero, ubi propitiatorium, Cherubim et arca, nonnisi unus sacerdos summus.¹⁹ Magna erat sanctitas atrii, maior sancti, maxima sancti sanctorum. Sic magna sanctitas Ioseph, iustificati per gratiam a peccato originali, sicut quivis alias Sanctus et Electus Dei; maior sanctitas Mariae praeservatae a peccato originali per gratiam et merita Christi; maxima sanctitas Christi, qui natura nullum omnino habet peccatum, sed natura sanctissimus est, Sanctus Sanctorum et sol iustitiae. Sic Maria inter Christum et omnes Sanctos medium locum obtinet.

Mariae sanctitas
media inter
magnum sancti-
tatem Ioseph et
maximam
Christi.

Sicut enim Deus in natura vacuum dari minime voluit, ita nec in gratia. Non est vacuum in mundo nec in Ecclesia. Hinc videmus quod, cum tres essent gradus procreationis humanae: sine mare et femina sicut Adam, ex mare sine femina sicut Eva, ex mare et femina sicut quilibet nostrum; implere voluit locum, qui vacuus remanere videbatur, Christum procreans ex femina sine mare. Sicut in mundi creatione, cum prius nulla esset creatura nec corporalis nec spiritualis, creavit primam materiam, quae suapte natura, ut philosophi autumant, nec corpus nec spiritus est,^{19a} creavit etiam Angelos mere spirituales, coelum, elementa, plantas, animalia, corporalia, tandem hominem corporalem et spiritualem simul; ita plane in Maria vacuum locum implere voluit, ut esset perfectus redemptor et sanctificator, sicut perfectus conditor et creator: *Dei perfecta sunt opera, et omnes viae eius iudicia,*²⁰ idest, omnia opera eius sapientissime, summo

Maria redempta
per praeserva-
tionem ab omni
peccato et
actuali et
originali.

14) Lc 1, 35. Vulg. habet: *Quod nascetur ex te*, etc. 15) Cf. Ex 40, 1 sqq. 16) Cf. 2 Par 3, 1 sqq.
17) Cf. Nm 8, 5-22. 18) Cf. Ex 30, 17-21; Hebr 9, 6. 19) Cf. Hebr 9, 7. De
his, quae in his tribus locis inveniebantur cf. Ex 40, 1 sqq.; Hebr 9, 1-5. 19a) Cf. Arist. 7, *Me-
taiph.* (tex. 8, 35); August. *Confes.* lib. 12, capp. 6, 8, (P. L. 32, 828-829) et alios, quos videre potes
apud Suarez *Metaph. Disput.* d. 13, ss. 4-6. 20) Dt 32, 4.

cum iudicio facta, ita ut nihil in eis reperiatur quod iure reprehendi possit.

Est autem nobilis redemptionis modus per praeservationem ac, ut ita dicam, praeliberationem. Multos iustificavit atque redemit a peccato originali et actuali, sicut Apostolos ceterosque fideles; nonnullos ab originali iustificavit, et praeservavit ab actuali, ut Ioannem Baptistam.^{20a} Vacuuus restabat locus, praeservationis ab originali; hunc implevit in Virgine perfectus redemptor, siquidem eam ab omni penitus peccato praeservavit et actuali et originali. Sicut in incarnatione alium implere voluit vacuum locum. Erat in mundo Deus tantum creator, non creatura; erat mundus creatura, non creator; erant multa quae iam interierant vel nondum orta erant, quare nec creator nec creatura; Christum misit in mundum simul creatorem et creaturem.

Conceptio immaculata Virginis
conveniens fuit,
ut digna esset
Spiritus Sancti
Sponsa.

III. *Genuit Ioseph virum Mariae, de qua natus est Iesus.* Virgo Sanctissima sponsa ostenditur nobilissimi viri Ioseph de stirpe David, sicut Angelus dixit ei: *Ioseph, fili David, noli timere accipere Mariam coniugem tuam.*²¹ Imo, quid dico sponsa Ioseph? Sponsa Dei, per coelestem paranyphum et pronubum Gabrialem Deo despensata;²² Mater item nobilissimi et dignissimi Filii Christi: *De qua natus est Iesus, qui vocatur Christus, Rex utique regum et Dominus dominantium.*²³ O infinitam Virginis nobilitatem et dignitatem!

Nobilitatis
origo in
mulleribus.

Mulier enim tanto nobilior est, quanto nobiliori viro despensatur; et tanto dignior, quanto digniorem filium genuit. Quae nobilitas Dei,²⁴ cuius sponsa Maria! Quae dignitas Christi, cuius ipsa naturalis mater et vera genitrix! Sed adhuc; tanto maiora ac pretiosiora ornamenta tribuuntur sponsae, quanto nobiliori sponso copulanda est. Quis ergo ornatus gratiae a Spiritu Sancto datus est Virgini, ut dignus esset divina Maiestate? Eliezer multa dedit ornamenta Rebeccae,²⁵ ut Isaac digna appareret sponsa; et Esther datus omnis ornatus est quemcumque ipsa petiti et prout libuit.²⁶

Conceptio immaculata Virginis
conveniens fuit,

IV. *Genuit virum Mariae, de qua natus est... Christus.* Ostenditur Virgo Sanctissima domus et porta Christi, per quam in hunc mundum

20a) Cf. Suarez, *De Incarnat.* q. 38, disp. 26, s. 4. 21) Mt 1, 20. 22) Cf. Lc 1, 26 sqq.

23) 1 Tim 6, 15.

24) Ms.: *Deus.*

25) Cf. Gn 24, 53.

26) Scriptura vero dicit quod Esther non quaesivit mundum muliebrem, sed quod Egeus eunuchus eam ornavit (Est 2, 15), ornatu quidem electissimo, utpote quae ipsi prae ceteris placuerat (2, 9).

ingressus est, et domus in qua novem mensibus habitavit. Hinc nanque mulier aedificata dicitur a Deo,^{26a} quoniam nascentis hominis ipsa est prima domus. Qualis autem esset prima haec Christi domus in mundo hoc, legimus quidem: *Ave, gratia plena, Dominus tecum, benedicta tu in mulieribus:*²⁷ domus omnium honestissima, magnificentissima, pulcherrima. Sed quando et quomodo aedificata ac fundata sit non legimus, sed tantum divinae huius domus archetypa exemplaria ac descriptiones in tabernaculo Moysis,²⁸ in templo Salomonis,²⁹ in mirabili aedificio Ezechieli.³⁰

Ad construendum tabernaculum implevit Deus constructorem Beseelel Divino Spiritu et coelesti sapientia;³¹ similiter Salomoni magnum contulit sapientiae divinae thesaurum ingentesque divitias ad aedificandam domum Deo dignam.³² Sic domus haec a Spiritu Sancto, a Sapientia Dei aedificata, fundataque est. Quomodo ergo hic satanas partem habuit? Quomodo primum lapidem, qui in ecclesiis aedicandis sacratissimus est, ipse posuit? Quid luci ad tenebras? Quid Christo ad Belial? Quid templo Dei et idolis?³³

Umbra terrae, licet magna sit, ut lunam etiam obscureret aliquando, non pervenit tamen nec pervenire potest usque ad stellas firmamenti; quomodo in paradisum usque coelumque empyreum omnium altissimum penetrabit? Malitia satanae non potuit inficere sanctos Angelos; quomodo ergo usque ad solium Divinitatis pertingere potuerit illudque coquinare et conspurcare? Stella matutina, quae lucifer dicitur, stellarum omnium splendidissima, nunquam ab umbra terrae tangitur nec inficitur, quoniam soli semper proxima est, fonti lucis, qui suis radiis omnem terrae umbram dissipat et longissime fugat. Maria autem, omnium Sanctorum sanctissima, Christo semper proxima et vicinissima, Christo semper coniunctissima fuit, qui sol est iustitiae; quomodo ergo umbra satanicae iniquitatis infici potuit?

Si domum Angelorum Deus supra coelum altissimo loco constituit, longissime a loco corruptionis, miseriae et tenebrarum; quanto altiori ac digniori loco constituisse domum Unigeniti Filii Dei par est ut credamus? Hinc ait: *Quoniam tu, Domine, spes mea, altissimum posuisti refugium tuum; non accedet ad te malum, et flagellum, sive plaga, non appropinquabit tabernaculo tuo.*³⁴ Sic igitur Maria altissimum Dei habitaculum coelo ipso empyreo multo altius, ad quod satan accedere non valuit.

26a) Cf. Gn 2, 22. 27) Lc 1, 28. 28) Cf. cpp. 36-38. 29) Cf. 2 Par cpp. 3-4.
30) Cf. Ez cpp. 40-41. 31) Cf. Ex 31, 1-5. 32) Cf. 2 Par 1, 7-12; 2, 12. 33) Cf. 2 Cor 6, 14-16.
34) Ps 90, 9-10. *Plaga ex hebr.*

ut digna esset
domus Incarnati
Verbi.

Spiritus Sancti
cura quadam
inanimatam
suam domum,

coelum
empyreum,

domum
Angelorum.

Conceptio immaculata Virginis conveniens fuit, ut digna porta esset per quam ingredieretur in terram Incarnatum Verbum.

Virgo porta ter
clausa, quia
omni peccato
clausa.

Mensura huius
portae mystice
accipienda pro
sanctitate absque
omni macula
peccati.

V. Ipsa item porta per quam Dominus in mundum ingressus est: *De qua natus est..., qui vocatur Christus*; porta, de qua apud Ezechiem legimus: *Duxit me ad portam, quae respiciebat viam orientalem; et ecce gloria Dei Israel ingrediebatur..., et maiestas Domini ingressa est templum per viam portae, quae respiciebat ad orientem*; ³⁵ de qua item: *Convertit me ad portam sanctuarii..., quae respiciebat ad orientem et erat clausa...; porta haec clausa erit, non aperietur, et vir non transibit per eam, quoniam Dominus Deus Israel ingressus est per eam, eritque clausa.* ³⁶ Ter dicitur *clausa*, quoniam virgo ante partum, in partu et post partum; ter *clausa*, quia omni peccato clausa, soli Deo et Spiritui Sancto aperta. De sub limine huius portae inquit Vates quod egrediebatur fluvius aquarum; ³⁷ quia ipsa post Christum facta nobis est fons coelestium gratiarum, porta orientalis semper lucida, per quam ingressus est et *visitavit nos Oriens ex alto.* ³⁸ Si solus Deus per hanc portam transiturus erat, quomodo satanas per eam transisse credendus est?

Sed non vacat mysterio quod de magnitudine portae huius dicitur ab eodem Vate; quandoquidem aureo calamo mensurata porta haec ab Angelo, inventa est constare decem cubitis in latitudine, tredecim vero in longitudine sive altitudine. ³⁹ Architectus huius aedificii non servavit canones et decreta architectonicae scientiae, non praecepta Vitruvii, ^{39a} ut porta esset in altitudine dupla pro latitudine; sed in his mensuris mysterium attenditur. Latitudo caritatem designat, sicut legimus: *Latum mandatum tuum nimis,* ⁴⁰ haec decem cubitorum est, quoniam *plenitudo... legis est dilectio;* ⁴¹ altitudo autem gradum et perfectionem caritatis et gratiae designat, sive, ut aiunt, intensionem. Summa autem caritatis et sanctitatis perfectio visa est in Apostolis constitisse, postquam Spiritu Sancto divinitus repleti fuerunt. ⁴²

At vero Deipara Virgo excessit omnem sanctitatem Apostolorum, et usque ad sanctitatem Christi pervenit; sanctitas autem Christi purissima et candidissima extitit, absque omni peccati macula, propterea *resplenduit facies eius sicut sol, vestimenta autem eius facta sunt alba sicut nix.* ⁴³ Quoniam ergo ad hanc sanctitatem Virgo pervenit: *Tota pulchra es, amica mea, et macula non est in te,* ⁴⁴ propterea tredecim cubitos altitudinis

35) 43, 1-2. 4. 36) 44, 1-2. Vulg. habet: *Et convertit me ad viam portae sanctuarii*, etc.
 37) Cf. 47, 1. 38) Lc 1, 78. 39) Cf. 40, 11. 39a) Cf. *De Architec.* lib. 4, cp. 6.
 Edit. 1584 Venetiis. 40) Ps 118, 96. 41) Rom 13, 8. 42) Cf. Act 2, 4. 43) Mt 17, 2.
 44) Ct 4, 7.

habuit, duodenarium perfectionis Apostolorum excessit. Sic igitur Virgo Deipara domus et porta Christi ostenditur: *De qua natus est Iesus, qui vocatur Christus.* Porta Maria et porta Christus: *Ego sum, dixit, ostium; per me si quis introierit, salvabitur;*⁴⁵ *Haec porta Domini, iusti intrabunt per eam;*⁴⁶ et porta orientis Maria: *Hic... domus Dei est et porta coeli.*⁴⁷

VI. Porta coeli Maria, et porta coeli Christus; sed Maria porta per quam Deus venit ad nos, Christus autem porta per quam nos ad Deum. Porta item Christus, quia mediator Dei et hominum, Deus homo; sic porta Maria, quia mediatrix inter Christum et fideles. Et sicut Christus, mediator Dei, naturam habuit Dei; ita Maria, mediatrix Christi, sanctitatem habet Christi, omnino pura et immaculata sicut Christus.

Hinc Regius Vates portas iustitiae dixit Christum et Mariam: *Aperte mihi portas iustitiae, et ingressus in eas confitebor Domino.*⁴⁸ Tunc subiunxit specialiter de Virgine: *Haec porta Domini, – hebr.: Haec porta Adonai, Domino, – iusti intrabunt per eam;* per merita et intercessionem ipsius intrabunt in Christi gratiam et amicitiam familiarem, salutemque perpetuam consequentur. Nam sic etiam Apostoli dicuntur esse portae coeli, unde coelestis Ierusalem duodecim portas habere dicitur;⁴⁹ sic Maria: *Haec porta Domini, iusti intrabunt per eam,* sicut per eam Dominus ingressus est in mundum.

Porta coeli
Maria, per quam
Christus intravit
in mundum et
iusti intrant
in coelum.

45) Io 10, 9. 46) Ps 117, 20. Vulg. habet: *In eam.* 47) Gn 28. 48) Ps 117, 19.
49) Cf. Apc 21, 12.

SERMO DECIMUS

RADIX HUMANITATIS CUBICULUM DEI ET AQUA PURA MARIA IDEO IMMACULATA

Maria est
immaculata,
quia, qua radix
arboris huma-
nitatis, ab exter-
mino praeser-
vata.

Contagium
peccati
et infelicitas.

Radix Maria et
germen
Christus servati.

I. Magna erat felicitas humanae naturae in paradiso ante originale peccatum, quandiu in statu innocentiae et iustitiae originalis permansit homo. Erat tunc humana natura sicut arbor illa, visa regi Nabuchodonosor in somnis, procerrima, cuius altitudo coelum tangebat, amplissima, cuius rami mundum universum occupabant, pulcherrimis frondibus floribusque et optimis fructibus maxima in copia ornata; sed, mox sententia per Angelum de coelo lata, arbor illa eximia, praecisis omnibus ramis et trunco, bonis omnibus expoliata, ad nihilum redacta fuit; nisi quod iussum fuit ut radix cum germe incolumis et intacta servaretur.¹ Devenit humana natura ex maxima felicitate in maximam infelicitatem ob peccatum; lux conversa fuit in tenebras, clarissimus dies in obscurissimam noctem, luna plena eclipsata fuit.

Sed a contagione illius peccati servatum fuit germen quod Christus est, et radix, ex qua germen istud oriturum erat. Arbor illa significabat gloriam Nabuchodonosor; sed ad nihilum redacta gloria illa fuit, cum, divina sententia ob peccatum mutatus in bestiam, omnem gloriam amisit:² *Homo cum in honore esset non intellexit; comparatus est iumentis insipientibus, et similis factus est illis.*³ Sic multo magis significare potest hominem in statu ante peccatum et post peccatum. Videmus autem in sacra Genesi praeservatam radicem cum germine, nam, antequam infligeretur poena homini pro peccato, dictum est serpenti: *Inimicitias ponam*

1) Cf. Dn 4, 7-12.

2) Cf. Dn 4, 17-25.

3) Ps 48, 13.

*inter te et mulierem, et inter semen tuum et semen illius; ipsa conteret caput tuum.*⁴

II. Sicut si rex palatum aedificet pro decenti et honesta habitatione suipsius et familiae suae, totum quidem, ut regia maiestate dignum est, magnificum aedificat et regia magnificentia exornat, – sicut fecit Salomon aedificando domum suam, –⁵ praecipue tamen cubiculum suum, ubi statuit thronum maiestatis sua, magnificentissime et ditissime exornat; sic Deus sanctam Ecclesiam aedificans, quod Dei vivum templum est: *Ecce tabernaculum Dei cum hominibus;*⁶ *Vos estis templum Dei,*⁷ templum fabricatum ex vivis lapidibus, totum quidem divina magnificentia constructum est, sicut templum Salomonis;⁸ sed praecipue cubiculum suum Deus magnificentissime exornavit, quod est Sanctissima Virgo, quemadmodum Salomon sanctum sanctorum, divinae habitationis locum, totum auro vestivit, mirabiliterque ornavit.⁹

Maria est
immaculata, quia
intimum
cubiculum regis
Dei facta.

III. Peccatum originale fuit sicut fonticulus ille amarus qui totum Hypanim fluvium reddit amarum ac impotabilem; sic enim ferunt apud Scythas flumen esse, cuius aqua in principio quidem pura et dulcis est, ad potandum commodissima, fonticulo autem amaro ex latere vicini montis influente, totius fluminis aqua inficitur. De hoc flumine Virgilius in *Georgicis* mentionem facit.¹⁰ Sic peccatum originale totam inficit naturam humanam: *Modicum fermentum totam massam corruptit,*¹¹ modicum lethiferi veneni totum inficit corpus, morsus etiam venenati serpentis.

Maria est
immaculata, quia
in decursu
generationum
a fonticulo ori-
ginalis peccati
non infecta.

IV. *Iacob autem genuit Ioseph virum Mariae,* etc.¹² De Virgine Dei para tria ostenduntur: nobilitas, humilitas et auctoritas. Nobilitas, quia filia Abrahae, filia Davidis; humilitas coniugii: *Ioseph virum Mariae.* Absque ullo titulo dignitatis et honoris nominatur tanquam mulier de plebe, quoniam Divinarum Litterarum mos est res ita referre, uti visae sunt; sic enim ait quod serpens locutus est ad mulierem,¹³ sic quod tres viri appuerunt Abrahae,¹⁴ etc.; quoniam igitur Virgo Sanctissima humillimae erat conversationis – similis Christo, qui ait: *Mitis sum et humili corde –:*¹⁵

Ostenduntur
Mariae
nobilitas,
humilitas
et auctoritas.

4) Gn 3, 15.

5) Cf. 3 Rg 7, 1-12.

6) Apc 21, 3.

7) 2 Cor 6, 16.

8) Cf. Rg 6, 1-18.

9) Cf. ibid. 6, 19-36.

10) Cf. *Georg.* 4, vr. 370. Est fluvius in Sar-

matia europaea inter Tyram (Dniester) et Borysthenem (Dnieper), in Euxinum pontum influens ad Olbiam. Cf. I. Perin in *Onomast.* sub cit. verbo.

11) 1 Cor 5, 6.

12) Mt 1, 16,

13) Cf. Gn 3, 1-5.

14) Cf. ibid. 18, 1-2.

15) Mt 1, 16.

Respexit humilitatem ancillae suae;¹⁶ Ecce ancilla Domini,¹⁷ cum in matrem esset electa. Humilitas honorata rara. Tertio auctoritas, quod ipsa supra Christum regem eam habet auctoritatem quam vera mater supra filium: De qua natus est Iesus, qui vocatur Christus.

ideo
summa cum
reverentia et
fiducia ad Virgi-
nem
accedendum,

Tria haec consideranda nobis sunt, cum ad Virginem invocandam accedimus: summa ipsius nobilitas cum carnis tum spiritus, ut summa cum reverentia ad eam accedamus; summa humilitas, ut summa cum fiducia; summa auctoritas, sed cum summa caritate coniuncta, qua sicut potest, ita vult nos beneficiis cumulare, etc.

Maria imma-
culata, quia
in ea nulla un-
quam macula,

*V. Tota pulra es, amica mea, et macula non est in te.¹⁸ In hebr.: Macula non in te legitur, absque verbo est. Sicut Moyses de Deo ait: Deus fidelis et absque ulla iniquitate,¹⁹ absque verbo est; et David: Quoniam non Deus volens iniquitatem tu es,²⁰ hebr.: Non Deus volens iniquitatem tu, idest, nunquam fuisti, es, aut eris volens iniquitatem, nunquam fuit, est, aut erit in Deo iniquitas; ita: Macula non in te, idest, nunquam fuit, est, aut erit. Sic igitur intelligendum: Macula non in te. Unica est columba mea, una est perfecta mea,²¹ hebr. *immaculata mea*; sunt enim hebr. tres voces similes: *tham, thamah et thamim*, quarum prima *simplicem* significat, media *immaculatum*, postrema *perfectum*; hic autem hebr. media est. Hac autem ratione Virgo Sanctissima una tantum est super omnes reginas, concubinas et adolescentulas,²² quoniam immaculata est, sicut purissima columba, sicut ipse sol, qui luce plenus conditus fuit. Hinc etiam dicitur: *Tota tu pulra, amica mea, et macula non in te.* Singulariter loquitur: *Tota tu*, et: *Non in te*, quia haec singularis est gratia Mariae.*

et a flammis
concupiscentiae
omnino illaes.

Anima Virginis Deiparae in conceptione fuit sicut rubus Moysi in medio flammarum omnino intactus, incombustus, illaesus.²³ Sic anima corpori infusa a flammis carnalis concupiscentiae et fomitis peccati nil laesa fuit. Tres potentiae ipsius animae, sicut tres pueri in fornace Babylonis quos flamma ignis nil laesit omnino, quoniam Angelus Domini descendebat in fornacem,²⁴ sine quo laesi fuissent, sic etc.

16) Lc 1, 48.

17) Ibid. 1, 38.

18) Ct 4, 7.

19) Dt 32, 4.

20) Ps 5, 5.

21) Ct 6, 8.

22) Cf. ibid. 6, 7.

23) Cf. Ex 3, 2.

24) Dn 3, 19-50.

SERMO UNDECIMUS

MULTIS RATIONIBUS MARIA IMMACULATA

*Iacob autem genuit Ioseph virum Mariae, de
qua natus est Iesus qui vocatur Christus.
Matth. cap. I.¹*

I. Sicut Melchisedech sacerdos Dei Altissimi introducitur a Moyse in sacra *Genesi* sine patre, sine matre, sine genealogia,² et similiter Elias propheta Dei sanctissimus;³ sic Virgo Beatissima introducitur in Novo Testamento. Haec sunt prima verba quae de ea legimus: *Ioseph virum Mariae, de qua natus est Iesus, qui vocatur Christus*, idest, *Messias*. Introducitur prius maritata quam nata, prius mater quam filia: *Ioseph virum Mariae*. Quaenam est ista Maria, o sacer Evangelista? Cuius filia est? Quomodo nata in mundo? Cuius fortunae et status? Cuius conditionis? Sufficit, inquit, scire quod sit Mater Messiae, Genitrix Unigeniti Filii Dei, Filia, Sponsa, Mater vivi et veri Dei, Summi Regis gloriae, Imperatoris mundi, Monarchae totius universi.

Sicut Melchisedech ita Maria paucis verbis in Scripturis introducitur,

At, si in Divinis Scripturis non legitur eius nativitas vel conceptio, quomodo eam solemini festo celebrat sancta Ecclesia? Celebrat sanctam nativitatem Ioannis Praecursoris, quoniam ab Angelo Gabriele didicit illum sanctificatum fuisse et Spiritu Sancto plenum; manifeste enim in Evangelio legimus Ioannem prius sanctificatum quam natum,⁴ et manifestissima est sancta ipsius nativitas.^{4a} At de Virgine Deipara nihil tale aut simile legitimus.

tamen Ecclesia,
Spiritu Sancto
afflata, celebrat
eius
conceptionem,

1) Vr. 16. 2) Cf. Gn 14, 18-24; Hebr 7, 3. 3) Cf. 3 Rg 17, 1. 4) Cf. Lc 1, 15.
4a) Cf. ibid. 1, 57 sqq.

sicut et
assumptionem.

Quomodo ergo aut quibus rationibus mota sancta Ecclesia celebrat sanctam et immaculatam non solum nativitatem, sed etiam conceptionem Mariae? Regitur Ecclesia Christi a Spiritu Sancto, et errare non potest, sicut synagoga in deserto semper directa fuit ab Angelo Dei in columna nubis et ignis, ne errare posset in vastissima illa solitudine.⁵ Celebrat ergo sancta Ecclesia festum hoc ex afflato et instinctu Spiritus Sancti, qui spiritus est veritatis et pietatis, spiritus sapientiae et intellectus.^{5a} Quibus igitur rationibus Ecclesia, ex divina inspiratione et afflato Spiritus Sancti, mota fuit ad celebrandam sanctam nativitatem et mirabilem gloriosamque assumptionem Beatae Virginis in coelum in anima simul et corpore, cum tamen nihil horum legatur in Scripturis Sanctis, iisdem mota est ad celebrandam sanctam et immaculatam conceptionem.

Objectionibus
respondetur.
Christus
sine peccato
per naturam,
Maria
per gratiam.

II. Nec tamen intendit sancta Ecclesia facere Mariam Christo aequalem, quia Christus sine peccato conceptus est per naturam, quia de Spiritu Sancto conceptus, Maria autem per gratiam et privilegium singulare; sicut rex et imperator solitus legibus suis est suapte natura, regina autem et augusta ex privilegio et gratia principis; et si ponatur luna creata in plenilunio, non ob id dicetur soli aequalis, nam multo maior est lux solis quam lunae, et sol a seipso lucem habet, luna autem a sole, ita ut, si non esset radius solis eam illuminans, perpetuum pateretur deliquium.

Maria redempta,
at perfectissimo
redemptionis
modo.

Nec intendit sancta Ecclesia docere quod Maria non sit redempta a Christo tanquam immunis a peccato originali, sed quod sit redempta perfectissimo redemptionis modo, quia, nisi Christi gratia et merito praeservata fuisset, procul dubio incurisset originalem labem; sicut dicimus quod omnes Electi per Christi gratiam liberati sunt a morte aeterna et poenis inferni, quia utique mala haec sempiterna incurrisse, nisi per Christi gratiam praeservati fuissent. Sic David liberatum se dicit ex inferno inferiori⁶ et erutum a morte.⁷

Omnis in Adam
peccaverunt
per naturam,
sed non Maria
per gratiam.

Nec in hoc sancta Ecclesia contraria Divinis Scripturis, quae praedicant quod omnes in Adam peccaverunt;⁸ sed interpretatur Scripturas quod omnes peccaverunt per naturam, cum in Adam essent in potentia, sicut fructus autumni in arbore sunt incipiente vere, florentibus ramis; sed haec praeservata est ex gratia et privilegio, sicut regina Esther non fecit contra

5) Cf. Ex 13, 21-22; 14, 19-20.

8) Cf. Rom 5, 12.

5a) Cf. Is 11, 2.

6) Cf. Ps 85, 13.

7) Cf. Ps 114, 8.

legem imperatoris ingressa ad Assuerum non vocata;⁹ hinc ait: *Non enim pro te, sed pro omnibus haec lex constituta est.*¹⁰

III. Multis autem rationibus movetur sancta Ecclesia ad sic interpretandum Divinas Scripturas. Prima est ex merito Christi. Si enim Deus ex merito Noe non solum ipsum, sed etiam totam ipsius familiam salvavit ab aquis universalis diluvii,¹¹ cum tamen dixerit: *Finis universae carnis, - col bascar, omnis carnis, - venit coram me,*¹² et iterum: *Interficiam omnem carnem, in qua spiritus vitae est;*¹³ et idem Deus non solum beatum Loth salvavit ab incendio Pentapolis, sed ob meritum ipsius etiam duas filias;¹⁴ cur Deus ob infinitum meritum Christi non praeservarit a diluvio et incendio peccati originalis sanctissimam Matrem Christi? Et si ex praevisis meritis Christi, salvavit Deus innumerabiles animas sub lege naturae et Moysi a peccato et morte aeterna; cur non potuit unam tantum salvare a peccato originali, quae specialissime super omnem creaturam electa erat ut esset vera Mater Salvatoris mundi? Si potuit, — nec minor est Dei voluntas et bonitas quam potentia, — cur, queso, non fecerit? non concederit privilegium hoc Sponsae suae?

Maria a peccato
originali
praeservata
ob meritum
Christi.

Christus potuit
Matrem
praeservare,
ergo fecit.

IV. Secunda ratio est ex Divinis Scripturis, quae ostendunt Deum sanctitate et puritate maxima summopere delectari. Hinc non solum voluit ut divinum ipsius habitaculum sanctum omnino esset: *Facient... mihi sanctuarium, et habitabo in medio eorum;*¹⁵ sed voluit ut specialis locus divinae habitationis, in quo arca foederis cum divino propitiatorio reponenda erat, esset sanctissimus, et sanctum sanctorum diceretur,¹⁶ idest, locus supra omnem sacratissimus: *Sanctificavit tabernaculum suum Altissimus.*¹⁷ Voluit Deus ut bases tabernaculi essent ex purissimo argento, ut in *Exodo* legimus,¹⁸ et fundamenta templi Salomonis fuerunt ex lapidibus pretiosis,¹⁹ fundatumque fuit templum in monte Moria,²⁰ ubi Abraham immolavit Isaac,²¹ quod fuit opus perfectae in Deum caritatis, quo nullum perfectius opus factum ab eo legimus. Sed in cacumine huius montis fundatum fuit sacrosanctum hoc Divinitatis templum. Prima gratia collata Mariae fuit multo maior quam ultima et perfectissima caritas Abrahami:

Maria a peccato
originali
praeservata ob
officium ad quod
electa.

Maria Divinitatis
templum, ergo

9) Cf. Est 15, 4-9. 10) Cf. ibid. 15, 13. 11) Cf. Gn cпп. 7-8. 12) Ibid. 6, 13 partim ex hebr.
13) Ibid. 6, 17. 14) Cf. ibid. 19, 15-23. 15) Ex 25, 8. 16) Cf. Ex 26, 34.
17) Ps 45, 5. 18) Cf. 26, 19-25. 19) Cf 2 Par 3, 6. 20) Cf. ibid. 3, 1,
21) Cf. 22, 2, 14.

pura ab originali
peccato.

*Fundamenta eius in montibus sanctis.*²² Sancta est anima quae pura est a peccatis mortalibus, sanctior quae pura est a venialibus, sanctissima quae pura ab originali; Deus autem in loco sanctissimo in ipso sancto sanctorum posuit thronum Divinitatis suae, elegit specialem locum suae habitationis.^{22a}

Lux gratiae
Mariae triplices
contra triplices
peccatum.

Nulla penitus
macula in Maria,
imo conceptio
eius omnibus
virtutibus ornata

Hoc est quod triplici lucis symbolo declaratur sanctitas Mariae in Scripturis: *Aurora consurgens, pulcra ut luna, electa ut sol;*²³ *Mulier amicta sole, et luna sub pedibus eius.* etc.,²⁴ contra triplicem culpam maculamque peccati. Hoc est quod Sponsus ait in *Canticis*: *Tota pulcra es, amica mea, et macula non est in te,*²⁵ ubi hebr. est: *Cullach iaphah rahaiathi umum en bach, tota tu pulcra, amica mea, et macula non in te.* Non habetur verbum *est*, sed *macula non in te*, ut referatur ad omne tempus: macula non fuit, nec est, nec erit in te; nulla macula reperitur in te, nulla penitus macula. Ideo dicitur *amicta sole*; nam in sole nulla unquam fuit macula sicut in luna; quo ostenditur quod sicut sol creatus fuit a Deo plenus luce, sic anima Mariae plena gratia.^{25a} Et quid designant duodecim stellae in capite? Haec profecto metaphora est; caput principium designat, principium autem hominis conceptio est. Hoc caput ornatum fuit stellis duodecim: omnibus virtutibus, gratis et donis Spiritus Sancti, quae sunt in anima Mariae sicut duodecim signa Zodiaci in coelo.

Ex Evangelio
Maria quadruplici ratione
immaculata.

V. Sed ex hodierno Evangelio desumuntur rationes. In hodierno quidem Evangelio quatuor ostenduntur de Virgine Deipara: nobilitas, quod orta sit ex Patriarchis, Prophetis et regibus; matrimonium, quod desponsata erat Ioseph; nomen, quod dicebatur Maria; et dignitas, quod fuerit Mater Christi: *Iacob autem genuit Ioseph virum Mariae, de qua natus est Jesus, qui vocatur Christus.*

Prima ratio:
Maria
immaculata
ex nobilitate.

Nobilis carne,
nobilis spiritu.

Quoad primum declaratur nobilitas Virginis, quoniam ostenditur nata ex patriarchali progenie Abrahae et ex regali stirpe David; unde cernitur quod Deus omnibus quibus potuit modis voluit Sanctam Virginem nobilitare etiam secundum carnem. Hinc nata est ex nobilissima gente, ex nobilissima tribu illius gentis, ex nobilissima familia illius tribus. Duplex autem nobilitas reperitur in hodierno Evangelio: nobilitas secundum spiritum ex virtute in sanctissimis patriarchis Abrahamo, Isaac et Iacob, et

22) Ps 86, 1.

22a) Cf. Ex 25, 22.

23) Ct 6, 9.

24) Apc 12, 1.

25) 4, 7.

25a) Cf. Lc 1, 28.

nobilitas secundum carnem et sanguinem in stirpe regali; illa prior est et veluti causa, haec autem posterior et veluti effectus illius, nam Deus ob virtutem elegit David in regem.²⁶ Nobilitas spiritus maximi momenti est apud Deum, nobilitas autem carnis minimi. Quod si Deus voluit Virginem nobilissimam esse etiam secundum carnem, multo magis ergo secundum spiritum. At peccatum originale est contra nobilitatem spiritus, quoniam facit hominem servum et mancipium vilissimum diaboli;²⁷ igitur, ut summa spiritus nobilitate Sanctissimam Virginem donaret, Deus a peccato originali eam praeservavit, a vilissima servitute et captivitate.

Peccatum originale destruit spiritus nobilitatem.

VI. Quoad secundum agitur de matrimonio inter Mariam et Ioseph, quod symbolum est spiritualis matrimonii inter ipsam Virginem et Deum. Maria desponsata est Ioseph cum esset virgo,^{27a} voluitque Deus ut esset perpetua virgo; hinc hebr. dicitur *halmah*,²⁸ quod *virginem perpetuam* designat. Procul dubio autem multo magis placet Deo virginitas spiritualis quam corporalis; nam sine virginitate corporali multi salvari possunt in matrimonio sancte viventes, et cum corporali virginitate multi damnari possunt, sicut quinque virgines fatuae.²⁹ At non sic in virginitate spirituali. Potuisset Maria sanctissimam vitam ducere, matrimonio consummato cum viro suo Ioseph; Deus tamen voluit ipsius virginitatem corporalem perpetuo praeservare et conservare.

Secunda ratio:
Maria
immaculata
ex matrimonio
cum Deo.

Virginitas
corporis
et spiritus.

Quod si Deus corporalem virginitatem voluit in Maria omnino illibatam esse, ergo multo magis spiritualem. Peccatum autem violatio virginitatis est, spirituale adulterium et fornicatio inter animam et diabolum. Quis autem vir honoris non cupiat illibatam virginem in uxorem ducere? Quis non acutissimos sentit in animo aculeos, si noverit sponsam suam prius ab aliquo defloratam fuisse? Quomodo ergo Deus, cum ab aeterno elegerit Sanctissimam hanc Virginem in Sponsam suam et Matrem Unigeniti sui, sua sponte prostituerit eam, et diabolo supposuerit per originale peccatum? Noluit tactam esse ab homine secundum carnem, quod esse poterat absque omni culpa; et permiserit tactam esse a diabolo secundum spiritum et coinquinatam iniquitate peccati? Praeservavit ab actu matrimonii legitimi et sancti corpus; et non praeservavit animam a turpissima fornicatione et adulterio cum diabolo?

Deus Mariæ
virginitatem
corporalem
illibatam voluit,
ergo multo
magis
spiritualem.

26) Cf. 4 Rg 13, 14.
29) Cf. Mt 25, 12.

27) Cf. Io 8, 34.

27a) Cf. Lc 1, 27.

28) Cf. Is 7, 14.

Tertia ratio:
Maria
immaculata ex
nominis
significatione.

Quid nomen
Maria.

Maria amaritudo
maris ob fletum
super peccata et
Filium, victimam
peccatorum, ex
infinita caritate
erga illum.

Peccatum
est destruc-
caritatis.

Maria incorrup-
tio, peccatum
corruptio.

VII. Quoad tertium exprimitur nomen Virginis, quod est *Maria*, nomen sacrum et ter sanctum, multis mysteriis plenum. Hebr. autem nomen Virginis est *Miriam*, sic enim appellatur soror Moysi *Miriam*; ³⁰ et apud Lucam, 1 cap. sui Evangelii, sic graece scriptum est: *Che to onomatis parthenu Mariam, et ipsum nomen Virginis ipsius Mariam.* ³¹ Interpretatur autem multis modis: vel *amaritudo maris*, vel *myrrha maris*, vel *odor maris*, nam myrrha sumitur pro odore: *Labia eius lilia, sive rosae, stillantia myrrham optimam,* ³² idest, suavissimum odorem. Interpretari etiam potest ex syriaco *domina maris*, vel a verbo *irah*, quod est *docere*, unde *moreh doctor*, interpretari potest *doctrrix eorum*. Habemus autem nomen hoc *Nehemiae* cap. 9 *Miriam*, quod est *rebellio eorum*, sive *contentio eorum*, ³³ a verbo *marah*. ³⁴ Omnia autem haec interpretamenta competit Virginis Sanctissimae.

Amaritudo maris, idest, maxima ac plane infinita, ut: Facta est... *velut mare contritio tua.* ³⁵ Amaritudinis autem animi et doloris amor in causa est; non possumus non amaro animo ferre laesiones eorum quos diligimus. Maria autem infinita prope caritate Deum diligebat, ergo divinas offensiones summopere dolebat, cum totus mundus in maligno positus esset. ³⁶ Divus Petrus ait quod Sodomaei iniquis operibus cruciabant iustum animam Loth, quoniam aspectu et auditu iustus erat; ³⁷ quanto magis ergo anima Beatissimae Virginis cruciabatur mundi peccatis? Maximum autem infinitumque dolorem sensit in passione et morte Filii sui ex infinita caritate.

At si intentum Dei erat Mariam infinita implere caritate, nam et secundum acrostichida idem est מִרְיָם ac min ruah leohovah melua, ac de spiritu Dei plena, ad quid eam prius cupiditate implere, quae venenum est caritatis? Non enim potest caritas cum originali manere. Si voluit eam spiritu Dei implere, ad quid eam permittere satanae spiritu prius impleri? Si voluit ut esset specialissimum ac sacrosanctissimum templum Spiritus Sancti, ad quid permittere ut prius satanae domus fieret?

Deinde *myrrha* dicitur *maris*. Quis autem nesciat quod myrrha incorruptionem quandam habeat, ita ut mortua etiam corpora a corruptione praeservet? Voluit Deus Virginem omnino incorruptam esse, non tantum

30) Cf. Ex 45, 20.

33) Vr. 17.

35) Thren 2, 13.

31) Vr. 27.

32) Ct 5, 13. Vulg. habet: *Myrrham primam.*

34) Auctor data opera agit de Mariae nomine in *Serm. 3 in Salut. Ang.*

36) Cf. 1 Io 5, 19.

37) Cf. 2 Petr 2, 8.

carne sed etiam spiritu, non corpore solum sed etiam anima. Originale autem peccatum corruptio spiritus est; at Virgo tota est myrrha incorrupta.

*Odor etiam maris. Christi bonus odor sumus in omni loco.*³⁸ Virtus perfecta odor est suavissimus; peccatum autem originale potentissima vitiorum sentina est, potentissimum stercus.

Et si volebat Deus ut Maria mundi Domina esset et Angelorum etiam Regina, ad quid eam servituti satanae prius subiugare, ut exprobrare Angelis posset diabolus quod Regina ipsorum sit quae serva extitit suiipsius, et quod quae aliquando mancipium fuit daemonum nunc Domina sit Angelorum?

Tandem interpretatur *rebellio eorum*, idest, causa rebellionis hominum ut, a principe mundi huius tanquam pessimo tyranno et crudelissimo Pharaone deficiente, Aegyptum mundanae vanitatis relinquenter, et in desertum sacrae poenitentiae exirent ad serviendum Deo.³⁹ Si Hebrei iugum excusserunt aegyptiacae servitutis, Maria soror Moysi divinae illius libertatis magna ex parte in causa extitit, quia Moysem liberatorem servavit;⁴⁰ multo magis Maria in causa est salutis et libertatis nostrae.

Significat hoc nomen quod futura erat capitalis inimica diaboli, iuxta illud oraculum: *Inimicitiam ponam inter te et mulierem*, et ut vinceret ipsum diabolum: *Ipsa conteret caput tuum*,⁴¹ ut esset mulier non victa sicut Eva, sed victrix, mulier fortissima; ⁴² ut quid ergo eam debilitare prius infirmitate originalis peccati? Ad vincendum diabolum non infirmitate peccati, sed infinita opus erat virtute gratiae, divina spiritus fortitudine.

VIII. Tandem quoad quantum declaratur hic dignitas Mariae: *De qua natus est... Christus*. Infinita haec dignitas est ut Maria vera sit Mater et Genitrix veri Dei, summi Dei. Quod si Dei propositum erat Virginem ad talem tantamque dignitatem promovere; ad quid eam prius tam indignae servituti subiicere, ut per peccatum originale esset mancipium diaboli, ut dici vere posset quod Christus Unigenitus Filius Dei natus sit ex mancípio satanae? Absit!

38) 2 Cor 2, 16. 15.

41) Gn 3, 15. *Inimicitiam ex hebr.*

39) Alludit ad Ex 12, 31 sqq.; 4, 23. 40) Cf. ibid. 2, 1-10.

42) Cf. Prv 31, 10 sqq.

Maria odor
virtutis
suavissimus,
peccatum foetor.

Maria Domina
Angelorum,
peccatum ser-
vitus diaboli.

Maria causa
rebellionis
hominum
contra satanam.

Capitalis inimica
satanae, ergo
sine peccato.

Quarta ratio:
Maria immacu-
lata ex dignitate.
Maria Mater Dei,
ergo non
mancipium
satanae
per peccatum.

2.

IN PURIFICATIONEM

SERMONES SEX

SERMO PRIMUS

DE CHRISTI OBLATIONE DEQUE VIRGINIS MAIORI PURIFICATIONE
IN HODIERNA FESTIVITATE

Postquam impleti sunt dies purgationis Mariae secundum legem Moysi, tulerunt illum in Ierusalem.¹

I. Post celebratas festivitates nativitatis, circumcisionis et epiphaniae Domini, occurrit hodie solemnitas praesentationis eius in templo, quae postrema est solemnitas infantiae Salvatoris. Sicut autem in primis ordinamentis universi, quarto creationis die, una cum sole apparuit in coelo etiam luna plena, apparuerunt et sidera splendentia;² ita hodie in hac quarta solemnitate Salvatoris, in primordiis mystici huius mundi, sanctae, inquam, Ecclesiae Dei, una cum sole iustitiae^{2a} Christo apparet in templo Domini etiam luna perfecta in aeternum³ Virgo Sanctissima, apparent etiam stellae splendidissimae Ioseph parens Christi, Virginis sponsus, Simeon iustus, Spiritu Sancto plenus, Anna Phanelis prophetis et alii, qui exspectabant consolationem Israel. In hodierna autem festivitate duo simul celebrantur mysteria, duo sacramenta: alterum est purificationis Deiparae Virginis, alterum praesentationis Christi in templo.

Duo mysteria
in festivitate
hodierna:
oblatio Christi
et Deiparae
purificatio.

1) Lc 2, 22.

2) Cf. Gn 1, 14-18.

2a) Cf. Mal 4, 2.

3) Cf. Ps 88, 38.

Oblatio Christi
in oblatione
Samuelis
figurata.

II. Discessit hodie Virgo Sanctissima una cum dilectissimo sponso Ioseph a civitate Bethlehem, abiit in Ierusalem ad visitandum templum Domini, ad suscipiendum divinae purificationis sacramentum, ad praesentandum Primogenitum suum et Unigenitum Dei aeterno Patri, sicut egit Anna mater Samuelis. Cum enim magno Dei beneficio, imo miraculo optatissimum filium a Deo multis precibus obtinuisse ac suscepisset, cum esset natura sterilis, postquam susceptum filium ablactavit, abiit cum viro suo in templum Domini, et illum Deo obtulit, et praesentavit, sicut voverat, Domino.^{3a}

Ante Christum de nullo alio legimus quod Domino fuerit praesentatus, non Abel, non Enoch, non Noe, non Abraham, non Isaac, non Iacob, non Ioseph, non Moyses aut Aaron, non Iosue aut Gedeon vel Samson, non David aut Salomon, non Elias aut Eliseus; unus tantum Samuel legitur Domino praesentatus. Fuit autem Samuel singularis figura et imago Christi; Christus enim verus est *Samuel, postulatus a Deo,*⁴ *desideratus cunctis gentibus,*⁵ summis precibus sanctae Ecclesiae impetratus, mundi Redemptor et Salvator; Christus, sicut Samuel, sacerdos et princeps, summus rex et pontifex sicut Melchisedech; Christus, sicut Samuel salvator populi de manu Philisthaeorum, qui salvavit *populum suum a peccatis eorum;*⁶ Christus, sicut ille de quo nullum in Sacris Litteris peccatum legimus,^{6a} totus sanctus, totus immaculatus, *excelsior coelis factus;*⁷ Christus verus filius Elcanae, quod interpretatur *Deus zelotes*, verus et primogenitus Filius omnipotentis Dei.

Mater Christi
in Samuelis
matre figurata.

Oblatus fuit Samuel a matre sancta prophetissa, quae pro sua reverentia exaudita fuit a Deo, quae a viro suo Elcana diligebatur, quae dicebatur *Anna*, idest, *gratia*, tota gratiosa. Haec sunt quae de matre Samuelis leguntur: quod mulier erat sterilis, Elcanae desponsata, viro valde dilecta, quod mulier erat valde devota, sancta et patiens, quod exaudita a Deo fuit et divino munere fecundata, quod spiritu prophetico divinitus praedita fuit, quod Deo divinas laudes cecinit, quod magnum prophetam genuit, quod Deo praesentavit in sancto templo.

Sed sicut Samuel Christi imaginem retulit, ita Anna mater eius Beatisimam Christi Matrem Mariam praefiguravit. Haec vere *Anna*, tota *gratia*, quam Archangelus Gabriel gratia plenam salutavit: *Ave, gratia plena,*

3a) Cf. 1 Rg 1, 1 sqq.
6a) Cf. 1 Rg 12, 3-5.

4) Sic hebr. *Samuel sonat.*
7) Hebr 7, 26.

5) Ag 2, 8.

6) Mt 1, 21.

*Dominus tecum;*⁸ haec Deo Sponso maxime dilecta: *Benedicta tu in mulieribus;*^{8a} *Invenisti... gratiam apud Deum;*⁹ haec non sterilis divino munere fecundata, sed virgo perpetua divinitus fecundata: *Spiritus Sanctus superveniet in te, et virtus Altissimi obumbrabit tibi;*¹⁰ haec sicut Anna,¹¹ Divino Spiritu afflata, Canticum Domino cecinit: *Magnificat anima mea Dominum, et exultavit spiritus meus in Deo salutari meo,*¹² *Iesu meo.*^{12a} Credidit Anna Heli sacerdoti conceptum Samuelis promittenti; credidit Maria Archangelo Gabrieli: *Beata quae credidisti, quoniam perficiuntur in te... quae dicta sunt tibi a Domino.*¹³ Sancta Anna et virtutibus omnibus ornata accessit ad templum Domini in Siloh, et filium suum primogenitum Deo obtulit; sanctissima Maria et superhumanis et superangelicis virtutibus ornatissima, primogenitum et unigenitum suum Deo in sacratissimo templo praesentavit.

III. Magnum donum obtulit Anna, sicut et Abraham, cum obtulit Deo dilectissimum filium suum Isaac,¹⁴ sed maximum Maria. Bone Deus, quale donum, qualis donatrix, qualis donatarius, cui munus et donum deferatur! Donum Christus est, ingens thesaurus in agro carnis absconditus,¹⁵ *in quo inhabitat omnis plenitudo Divinitatis corporaliter;*¹⁶ *In quo sunt omnes thesauri sapientiae et scientiae Dei,*¹⁷ donum inestimabile, thesaurus infinitus. Dedit Deus dono David regnum Israelis, Moysi summum principatum populi et divinam auctoritatem, Aaron summum pontificatum totius synagogae, Adamo mundum totum dono dedit, Christo regnum paradisi omnemque potestatem in coelo et in terra; sed comparatione huius doni nullius fere valoris est omne aliud donum, est enim donum hoc vere Deo, cuius est infinita maiestas, dignissimum.

Deus autem, qui donatarius est, quis non videt quanti facit hoc donum? Ad suscipiendum illud non Angelum mittit vel Archanghelum, non unum de Cherubim aut supremis Seraphim, sed ipsum Spiritum Sanctum, qui verus est Deus, coaeternus, consubstantialis et coaequalis sibi. Hoc est quod ait: *Homo erat in Ierusalem, cui nomen Simeon, et homo iste iustus et timoratus, - eulabis pius, religiosus -..., et Spiritus Sanctus erat in eo...;* hic venit in spiritu in templum;¹⁸ Spiritus Sanctus eum impulit duxitque

Oblatio Marie
maxima a dono
Christo,
a donatario
Spiritu Sancto,
a donatrice
Maria,
coelesti Regina.

8) Lc 1, 28.

11) Cf. 1 Rg 2, 1 sqq.

14) Cf. Gn 22, 1 sqq.

18) Lc 2, 25, 27. *Eulabis* ex graec.

8a) Ibid. loc. cit.

12) Lc 1, 46-47.

15) Cf. Mt 13, 44.

9) Ibid. 1, 30.

12a) Hab 3, 18.

16) Col 2, 9.

10) Ibid. 1, 35.

13) Ibid. 1, 45.

17) Ibid. 2, 3.

in templum. *Et... accepit puerum Iesum in ulnas suas, et benedixit Deum,*¹⁹ commendans divinum hoc donum, appellans in suo cantico Christum auctorem pacis, salutare Dei, lumen gentium et gloriam Israelis.²⁰ Ubi designatur Christus verus Deus, auctor naturae, fons gratiae et thesaurus gloriae, quoniam Unigenitus Filius Dei, verus Deus et verus homo.

Sed quaenam est haec mulier, quae tales ac tantum donum potuit Summo Deo, regum Regi et Imperatori offerre? Utique mulier illa mirabilis, de qua Ioannes in suis *Revelationibus*: *Signum magnum apparuit in coelo, mulier amicta sole, et luna sub pedibus eius, et in capite eius corona stellarum duodecim, nam peperit filium masculum..., qui raptus est... ad Deum et ad thronum eius.*²¹ Ecce munus divinum, donum infinita Dei maiestate dignum, donum Deo gratissimum et acceptissimum per manus Spiritus Sancti sanctorumque Angelorum ei praesentatum, sicut apud Danielem legimus: *Ecce in nubibus coeli quasi filius hominis..., et usque ad Antiquum diuum pervenit, et coram eo obtulerunt eum.*²² Mulier tanti doni praesentatrix et donatrix Regina est, sicut regina Saba, ditissima, quae magna munera obtulit Salomoni;²³ Regina, sed non auro, argento et gemmis ornata; Regina coeli est, non terrenis sed coelestibus ornamentis, sole, luna et stellis decorata.

Purificatur
Deipara non a
sordibus, quia
sanctior
Angelis, sed ut
obediat legi.

In Maria nulla
impuritas,

IV. Sed si tota lux coelestis est, in capite stellae, in pedibus luna, toto corpore sol; si in coelo purissimo est, ubi nullae penitus sordes, ubi imundum nihil reperitur, quomodo purgatur hodie? *Postquam impleti sunt dies purgationis Mariae.* Purgatio omnis a sordibus est. Impurum argentum et aurum purgantur in formace, impuri ac sordidi panni lavantur ac purgantur in aquis, impurus aer ventis, luce et calore purificatur a caligine, nebulis crassisque vaporibus, quibus saepe noxie et pestilenter inficitur et corrumpitur. Ubi nulla est impuritas, nulla opus est purgatione; nam etiam canonica et saecularis ac vulgaris purgatio a criminibus est, quibus veluti sordibus honor et fama hominis deturpatur. In Maria vero nulla penitus reperta est impuritas: *Tota pulra es, amica mea, et macula non est in te;*²⁴ tota gratia plena, benedicta in mulieribus, Spiritu Sancto superplena, mulier vere omnium Sanctorum sanctissima, Angelis, Archangelis, Cherubim, Seraphim multo purior sanctiorque, Deo, fonti omnis puritatis atque

19) Ibid. 2, 28.

20) Ibid. 2, 28-32.

21) Apc 12, 1. 5.

22) 7, 13.

23) Cf. 3 Rg 10, 10.

24) Cl 4, 7.

sanctitatis, proxima atque simillima, quae prius fuit sancta quam nata. Nam si Deus Ieremiam prophetam Christi sanctificavit in utero matris,²⁵ et Ioannem proximum praecursorem nedum sanctificavit, verum etiam Spiritu Sancto replevit intra materna viscera;²⁶ quanto magis Matrem Christi? Qui enim servum principis honorat, multo magis matrem, et princeps qui religionis ergo clericalem ordinem statumque veneratur, multo magis sacerdotalem, episcopalem, pontificiam dignitatem. Si igitur Maria sanctior Ieremia, sanctior Joanne, sanctior Prophetis, sanctior Patriarchis, sanctior Apostolis, sanctior ipsis Angelis est, nihil commune habens cum illa Isaiae sententia: *Omnes immundi nos..., quasi pannus menstruatae omnes iustitiae nostrae,*²⁷ sed tota pura, tota immaculata semper extitit; quomodo purgatur? Quomodo purificatur hodie?

sed sanctior omnibus.

Sed purgari voluit Maria secundum legem Moysis, sicut Christus unigenitus eius et Dei Filius circumcidi. Sicut assumpsit Christus *similitudinem carnis peccati*,²⁸ imaginem hominis peccatoris sine peccato, ut serpens aeneus figuram habebat serpentis non venenum, sicut Jacob assumpsit similitudinem Esau fratris sui non qualitatem; sic et Maria, ut Christo esset similis, assumpsit imaginem mulieris peccatrixis, ac si communi et naturali modo cum ceteris mulieribus concepisset ac peperisset.

V. Sic legem purgationis servare voluit, cui tamen vere subiecta non erat, sicut nec Christus legi circumcisionis, nam lex purgationis conditionalis erat, sic enim habet in *Levitico*: *Mulier, si suscepto semine pepererit masculum, immunda erit.*²⁹ Quid est: *Si suscepto semine*, vel, ut est hebr.: *Si semificaverit*? Num absque semine potest mulier concipere et parere? Ad quid ergo illa conditio: *Si suscepto semine?* Si naturali via, modo et usu communi conceperit et pepererit? Utique, quia futura praevidebatur in spiritu mulier, quae absque semine viri, usu insolito, via supernaturali, modo mirabili conceptura ac paritura erat, sicut Isaías ait: *Ecce Virgo concipiet et pariet filium.*³⁰ Illa igitur lex mulieres obligabat, quae naturali usu concipiebant ac pariebant, Maria autem supernaturali modo per Spiritum Sanctum concepit: *Spiritus Sanctus superveniet in te, et virtus Altissimi obumbrabit tibi..., quod enim nascetur ex te Sanctum, vocabitur Filius Dei.*³¹

Lex purgationis,
quia conditio-
nalis, non
obligabat
Deiparam.

25) Cf. Jer 1, 5. 26) Cf. Lc 1, 15. 27) 64, 6. Vulg. habet: *Facti sumus ut immundus omnes nos... universae iustitiae, etc.* 28) Rom 8, 3. 29) 12, 2. 30) 7, 14. 31) Lc 1, 35.

Plura Deus
praeter iustitiae
debitum
largitur;

In legibus autem et pactis conditionalibus non exurgit obligatio nisi stante conditione secundum rigorem iustitiae. Promittit Deus vitam aeternam et gloriam paradisi hominibus; sed si divinam legem servaverint: *Si vis ad vitam ingredi, serva mandata.*³² Minatur perpetuam mortem poenasque inferni iisdem; sed si peccaverint. Promisit homini immortalitatem et perpetuam felicitatem in paradyso deliciarum; sed si innocentiam servasset. Sed, sicut aliquando, Deus praeter debitum iustitiae multa largitur hominibus ex bonitate, clementia et caritate sua. Cum misit operarios in vineam suam primo mane, conventionem egit cum eis ex denario diurno; iis autem, quos misit circa tertiam, sextam et nonam, dixit: *Ite et vos in vineam meam, et quod iustum fuerit dabo vobis.* At vero, facto vespero, primi qui a summo mane laboraverant in vinea et portaverant pondus diei et aestus, dedit promissam mercedem ex debito iustitiae, cum pacti conditionem implevissent; aliis vero, etiam novissimis, qui una tantum hora laboraverant, eandem mercedem dare voluit ex sua bonitate: *Quia, inquit, bonus sum... et licet mihi quod volo facere... nec facio... iniuriam.*³³

plura Sancti
praeter legis
praeceptum
praestant;

Sic etiam veri electi Dei, qui *Spiritu Dei aguntur*,³⁴ multa opera bona praestant, ad quae ex divinae legis praescripto minime tenentur, sicut in Ioanne Baptista manifestum est.³⁵ Hoc autem singulare signum et stigma est animae electae, ut in Rebecca praefiguratum fuit: *Puella cui... dixeris*, ait Eliezer: *Da mihi aquam de hydria tua, et illa dixerit: Bibe, domine, quin et camelis tuis potum tribuam,*³⁶ ipsa est... quam praeparavit Dominus filio Domini mei.^{36a}

Ita Delpara
implendo
purgationis
legem.

Sic igitur Virgo Sanctissima, Spiritu Sancto plena, servare voluit legem Moysi, legem purgationis, ad quam minime tenebatur; honorare voluit sacramentum purificationis, revereri legem purgationis, quoniam a Deo per Moysem data erat. Sicut Simeon hodie in Spiritu: *Et venit... in templum*, ita etiam Maria ex impulsu et interno motu Spiritus Sancti venit hodie in templum. In quo elucet et mirum in modum effulget in Virgine magna in Deum pietas et religio, magna animi gratitudo, magna divinae legis reverentia, spontanea obedientia, profundissima humilitas et modestia; ceteris mulieribus nihilo meliorem aut sanctiorem seipsam existimabat. Columba erat purissima, quam Regius Vates describit: *Pennae*

32) Mt 19, 17.

33) Cf. ibid. 20, 1-16.

34) Rom 8, 14.

35) Cf. Mt 3, 4.

36) Gn 24, 14. Vulg. habet: *Inclina hydriam tuam ut bibam; et illa responderit: Bibe, quin et camelis tuis dabo potum.*

36a) Ibid. 24, 44.

*columbae deargentatae, et posteriora dorsi eius in pallore auri;*³⁷ de qua item Sponsus: *Una est columba mea, perfecta mea, immaculata mea;*³⁸ sed divinam sanctitatem suam veluti ignorabat, sicut Moyses splendorem faciei suea;³⁹ hinc quasi vulgaris mulier pergit in templum sacrificio purificanda.

VI. At vero in Sacris Litteris non omnis purgatio a sordibus est. Quis nescit quod in sacra theologia ex magno Dionysio⁴⁰ suprema Angelorum monarchia a Deo purgari, illuminari et perfici dicitur, media a supra, infima a media et ecclesiastica ab angelica; et tamen in Angelis nulla est impuritas, nulla obscuritas, nulla imperfectio; sed per maioris luminis infusionem et manifestam divinorum arcanorum revelationem haec dicuntur. Purificare autem in Divinis Litteris idem est ac sanctificare: *Fide purificans corda eorum,*⁴¹ idest, sanctificans. Sed etiam Christum sanctificatum legimus: *Quem Pater sanctificavit, et misit in mundum.*⁴² Sed, sicut sol clarificare dicitur coelum et illuminare stellas, quae tamen nunquam fuerunt in tenebris et obscuritate, vere tamen dicuntur haec clarificari et illuminari a sole, quia nisi a solaribus radiis claritatem lumenque acciperent aut accepissent ab initio, semper in tenebris et obscuritate mansissent, quoniam haec non a seipsis habent sed a sole; ita dicimus sanctificatos et purificatos Angelos a Deo, ita Christi humanitatem, ita Virginem Beattissimam. Etiam Angeli sancti impuri fuissent, ut nunc sunt daemones, nisi supernaturalis gratiae munere divinitus purificati et ab omni impuritate servati fuissent. Ita de anima Christi sentiendum, ita de Virgine Deipara.

Differt autem gratia et sanctitas Virginis a gratia et sanctitate Christi; nam haec ab initio summa fuit, sicut lux solis, augeri minime potuit: *Verbum caro factum est... plenum gratiae et veritatis..., et de plenitudine eius nos omnes accepimus.*⁴³ At vero gratia Virginis augeri potuit; unde in *Canticis* de ea legimus: *Quae est ista quae progrederit quasi aurora consurgens, pulcra ut luna, electa ut sol;*⁴⁴ ubi manifestus processus est semper ad maioris lucis copiam, usque ad summam perfectionem, qua sub Deo nequit maior intelligi.

Quis autem piae mentis homo dubitare potest quin hodie magnum a et aucta fuit

Purificatur
Deipara non a
sordibus, sed
per maiorem
puritatis
infusionem.

Gratia Christi
ab initio
summa, gratia
Deiparae poterat
augeri,

37) Ps 67, 14. 38) Cf 6, 8. *Immaculata ex hebr. loc. Perfecta.* 39) Cf. Ex 34, 29.
40) Cf. *De Coelest. Hierarchia*, cp. 7, § 3. (P. G. 3, 55-57). 41) Act 15, 9. 42) Io 10, 36.
43) Ibid. 1, 14, 16. 44) 6, 9.

Simeonis
benedictione,
idest, benefi-
ciorum
collatione;

Deo pro tali tantoque munere suscepit coelestis gratiae donum? Anna mater Samuelis benedicta fuit ab Heli summo sacerdote, cum filium praesentavit Domino; sic enim legimus: *Benedixit Heli Elcanae et uxori eius, dixitque ei: Reddat tibi Dominus semen de muliere hac pro foenore, quod commodasti Domino,*⁴⁵ idest, pro filio Samuele quem praesentasti et tradidisti Domino, idest, divino cultui dedicasti. Abraham etiam offerens filium suum Isaac, magnam a Domino benedictionem consecutus fuit: *Per memetipsum iuravi, dicit Dominus; quia fecisti hanc rem, et non pepercisti filio tuo unigenito propter me, benedicens benedicam tibi, et multiplicabo semen tuum sicut stellas coeli.*⁴⁶ Sic etiam hodie; ait enim: *Benedixit eis Simeon, et dixit ad Mariam matrem eius: Ecce positus est hic in ruinam et in resurrectionem multorum in Israel, et in signum cui contradicetur; et tuam ipsius animam pertransibit gladius, ut revelentur ex multis cordibus cogitationes.*⁴⁷ Erat hic Simeon pro Deo legatus Dei ad Christum suscipiendum; ideo pro Deo benedixit hodie Mariae. Spiritus Sanctus, Deus verus, per os et linguam eius loquebatur.

Benedictio autem Dei nihil aliud est nisi beneficiorum collatio, nam: *Ipse dixit, et facta sunt.*⁴⁸ Quare sicut Abraham ab oblatione domum reversus fuit magno cum thesauro divinarum benedictionum una cum filio; sic hodie Virgo Beatissima magnum consecuta est in benedictione hac divinae gratiae, superangelicae puritatis thesaurum; sic divinitus purificata multo magis sanctificata domum rediit.

sicut in
Apostolorum et
Abrahae
circumcisione
non fuit deletum
peccatum sed
maior
gratia infusa.

Accidit Mariae in oblatione et sacrificio purificationis sua, sicut Apostolis in baptismo. Sacramentum hoc divinitus institutum fuit a Christo ad delendum originale peccatum; Apostoli autem per sacramentum circumcisionis iam a peccato illo emundati erant,⁴⁹ et tamen a Christo baptizati fuerunt. Quare baptismo illo non fuit deletum peccatum originis, quod iam erat deletum per circumcisionem, sed magnum munus divinae gratiae collatum fuit: *Salvos nos fecit per lavacrum regenerationis et renovationis Spiritus Sancti, quem effudit in nos abunde.*⁵⁰ Fuit sicut circumcisione Abrahamo; nam, cum circumcisus fuit, iam Dei electus erat, iam crediderat et reputatum ei fuerat ad iustitiam;⁵¹ quare circumcisione Abrahamo non delevit peccatum, sed magnum contulit gratiae munus. Fuit sacrificium hoc

45) 1 Rg 2, 20. 46) Gn 22, 16. 47) Lc 2, 34-35. 48) Ps 148, 5. 49) Circumcisione peccatum orig. deleri certum est; disputatur de ratione qua deleretur Cf. Hurter S. I. *Comp. Theolog. Dogm.* t. 3, tract. 9, n. 278. 50) Tit 3, 5-6. 51) Cf. Gn 15, 6; Rom 4, 9.

Mariae sicut baptismus Christi Ioanni Baptistae, qui purus erat ab omni peccato; imo sicut ipsi Beatissimae Virgini, nam ipsa quoque baptismi sacramentum suscepit et in Christo baptizata fuit, ut Christum magis magisque indueret;⁵² sic erat divinae puritatis avidissima.

Imo, ut tandem finiam, sic hodie Virgo purificata est sicut Christus sanc-tificatus, nam ait: *Sanctifica mihi omne primogenitum.*⁵³ Quia enim omnes primogeniti Hebraeorum sanctificabantur et consecrabantur, Deique templo praesentabantur, et postea quinque siclis redimebantur, ut est in *Numeris;*⁵⁴ propterea hodie Christus ut filius primogenitus praesentatus in templo est. Sicut nulla sanctitas addita Christo est hodie, ita a nulla penitus impuritate purificata est Virgo, cum omnis esset impuritatis expers.

VII. Videmus hodie arcam Domini una cum divino propitiatorio sub tecto divini sanctuarii, sub pelliibus tabernaculi mosaici;⁵⁵ videmus Christum et Mariam legi Moysi subiectos: Christum legi oblationis et presentationis in templo, Mariam vero legi purificationis, ac si Christus sanctitate egeret et Maria purificatione, cum Maria esset coelo purior et Christus Angelis sanctior, Sanctus Sanctorum et verus aeternusque sol iustitiae.

Sed nostra haec est instructio, ne velimus exleges esse sicut filii Belial,⁵⁶ libertatis secundum carnem nimium cupidi et *voluptatum amatores magis quam Dei.*⁵⁷ Moveat, urgeat nos exemplum Christi, exemplum Mariæ, qui licet divinis hisce legibus minime tenerentur, servare tamen voluerunt.

Imitemur Mariam. Quadraginta diebus purgari ac purificari voluit per maiora semper gratiarum augmenta, priusquam templum Domini ingredie-retur. Numerus hic quadragesimalis symbolum purificatoriae poenitentiae est. Ad purgandum mundum Deus quadraginta diebus pluit super terram;⁵⁸ quadraginta dies poenitentiae dati fuerunt Ninivitis;⁵⁹ quadraginta diebus Moyses ieunavit, ut populo veniam peccati obtineret novasque tabulas acciperet;⁶⁰ quadraginta diebus Elias ieunavit, ut ad montem sanctum Domini perveniret;⁶¹ et populus quadraginta annis mansit in deserto, priusquam ad optatissimam terram promissionis perveniret.⁶² Sic etiam Beatissima Virgo quadraginta diebus purgari voluit, priusquam templum

Imitemur
Mariam purifi-
catoria et
graduali
poenitentia,

52) Cf. Gal 3, 27.

53) Ex 13, 2.

54) 18, 16.

55) Cf. Ex 40, 15-19.

56) Cf. Idc 19, 22.

57) 2 Tim 3, 4.

58) Cf. Gn 7, 17.

59) Jon 3, 4.

60) Cf. Ex 34, 28.

61) Cf. 3 Rg 19, 8.

62) Cf. Dt 1, 3; 2, 7.

Domini ingrederetur, et Filium suum Domino praesentaret. Noverat enim quod Deus summus est puritatis amator, summa puritate delectatur, nec in coelum introibit aliquod *coquinatum*,⁶³ nonnisi *innocens manibus et mundo corde ascendet in montem Domini*, stabitque, etc.⁶⁴

et oblatione
pretiosiarum
rerum
nostrarum, idest,
totius corporis
et animae.

Obtulit Maria Domino Filium suum primogenitum sed circumcisum; de Samuele oblationem legimus non circumcisionem;⁶⁵ de Isaac circumcisionem^{65a} et oblationem in monte Moria,⁶⁶ ubi templum aedificatum fuit a Salomone.⁶⁷ Filium suum primogenitum et unigenitum obtulit hodie Domino Virgo Sanctissima; neque enim gemellos peperit, sicut Rebecca,⁶⁸ ut, primogenito oblato, alterum sibi retineret, sed unicum tantum genuit Filium Dei. Fuit autem acceptissima oblatio, quoniam ex humili promptaque et hilari obedientia.

*Sicut scriptum est in lege Domini.*⁶⁹ Mandavit autem Dominus primogenita sibi offerri;⁷⁰ meliora quaeque a nobis requirit Deus sicut ab Abraham dilectissimum Isaac,⁷¹ ab Hebraeis pro constructione divini tabernaculi requisivit non ferrum et plumbum sed aurum et argentum; non linum qualecumque sed byssum; non qualecumque lana sed pilos caprarum, ex quibus fit cimatile, unde fiunt undulatae vestes; non qualecumque pannos sed purpuram et hyacinthum.⁷² Sic requirit a nobis totum cor tamquam animam, ut videat quanti divinam Maiestatem faciamus, cum ipse Dominus sit et Pater noster.

Grata fuit oblatio Abели, quoniam Deo obtulit de primogenitis gregis sui et de pinguibus,⁷³ idest, meliora quaeque; gratissima oblatio Abrahami, quoniam obtulit ex magna in Deum religione et pietate dilectissimum filium, quo nihil habebat carius, nihil antiquius.⁷⁴

Hodierna
oblatio magna
ratione
offerentis,
muneris oblati,
personae
acceptantis

VIII. Hodierna oblatio et praesentatio magna est ratione offerentis, ratione muneris oblati et ratione personae acceptantis. Magna ratione personae offerentis, cuius gratia exiguum aliquando munus et nullius pretii gratissimum est principi cui offertur; sicut aqua de cisterna Bethlehem quam tres fortis milites Davidi regi obtulerunt, exiguum munus fuit, nihilo enim melior erat ceteris aquis; sed magni eam fecit David, ita ut eam

63) Apc 21, 27.

64) Ps 23, 3-4.

65) Cf. 1 Rg 1, 24-28.

66) Cf. Gn 22, 2-14.

67) Cf. 2 Par 3, 1.

68) Cf. Gn 25, 24-25.

69) Lc 2, 23.

70) Cf. Ex 13, 2; 34, 19; Lev 27, 28.

71) Cf. Gn 22, 1-14.

72) Cf. Ex 35, 20-29.

73) Cf. Gn 4, 4.

74) Cf. Gn 22, 15-18.

Domino libarit, quoniam cum magno vitae discrimine allata fuit ab illis per medias acies hostium; quare illam sanguinem hominum illorum appellavit et animarum periculum.⁷⁵ Ex animo magni fecit offerentium, quoniam illi, ut regi optatam aquam offerrent, contempserunt omne periculum. Sic Dominus magni fecit duo aeris minuta pauperculae viduae ex magna devotione.⁷⁶ Sic *Dominus respxit ad Abel et ad munera eius;*⁷⁷ munus acceptavit ratione personae. Sic gratum illi fuit sacrificium Noe,⁷⁸ quoniam vir erat iustus atque perfectus, et propterea invenit gratiam coram Domino.^{78a} Sic per Malachiam Dominus ait quod, purgatis instar auri et argenti in fornace sacerdotibus et levitis, *placebit Domino sacrificium Iuda et Ierusalem sicut dies saeculi et sicut anni antiqui,*⁷⁹ idest, sicut placuere sacrificia antiqua Abel, Noe et sanctorum Patriarcharum ob fidem, pietatem et sanctitatem illorum; nam aliquod sacrificium impiorum hominum abominatio est apud Dominum; hinc per Isaiam abominari se dicit Deus omnia Iudeorum sacrificia, quoniam manus eorum sanguine plenae erant.⁸⁰

Hodiernum autem munus magnum est omni ex parte, magnum etiam remuneratione; sicut munera quae regina Saba obtulit Salomoni magna fuerunt a munerante, a pretio et copia munерum,⁸¹ a munerato et a remuneratione, quia multo maiora munera a Salomone ipsa recepit.⁸² Persona munerans hodie Virgo Sanctissima est, Deo gratissima: *Gratia plena... invenisti... gratiam apud Dominum.*⁸³ Accedit in templum cum turturibus et pullis columbarum, quae mysteria erant purissimae sanctitatis et sanctissimae puritatis ipsius. Regina est sole amicta, supra lunam posita, stellis coronata.⁸⁴

et remunera-
tions.

75) Cf. 2 Rg 23, 15-17.

76) Cf. Lc 21, 1-4.

77) Gn 4, 4. Vulg.: *Rexpexit Dominus, etc.*

78) Cf. Gn 8, 20-22.

78a) Cf. Gn 6, 9. 8.

79) 3, 3-4.

80) Cf. 1, 15.

81) Cf. 3 Rg 10, 10.

82) Cf. ibid. 10, 18.

83) Lc 1, 28. 30.

84) Cf. Apc 12, 1.

SERMO SECUNDUS

DE CAUSIS QUIBUS MARIA OFFERT CHRISTUM DEQUE SIMEONE
PERFECTORUM EXEMPLIO IN FESTIVITATE HODIERNA

Omnia
a Deo sunt,
ad Deum ergo
referenda.

I. Sicut flumina exeunt a mari et ad mare iterum revertuntur, ut iterum fluant, et sol oritur et occidit iterumque in orientem revertitur,¹ et vapor, qui vi solaris caloris de terra in sublimen aerem ascendit, demum satus in nubem ac in aquam solutus iterum descendit in terram; sic utique, cum *omne datum optimum et omne donum perfectum desursum sit, descendens a Patre luminum,*^{1a} in Deum bonorum omnium auctorem grato animo multisque gratiarum actionibus omne donum ab ipso acceptum in ipsummet donatorem referendum et offerendum est in ipsius laudem, gloriam et honorem. Hoc est quod ipse mandavit in lege, ut rerum omnium non tantum decima sed primitiva offerrentur animaliumque et hominum primogenita.²

Maria se hodie
in templo
Domini sistit,
ut Filium Deo
Patri offerat.

II. Hinc iuxta hoc divinum mandatum hodie Sanctissima Virgo Maria primogenitum et unigenitum Filium suum ducit in templum, aeternoque Patri, a quo acceperat eum, praesentat et offert: *Postquam impleti sunt dies purgationis Mariae secundum legem Moysi, tulerunt illum in Ierusalem, ut sisterent eum Domino.*³

Oblatio Samuelis
figura oblationis
Christi.

Sicut sancta illa prophetis Anna mater Samuelis, cum multis orationibus a Deo filium obtinuisse, divinaque virtute conceptum peperisset,

1) Cf. Eccle 1, 5-6.

1 a) Iac 1, 17.

2) Cf. Ex 22, 29-30.

3) Lc 2, 22.

ascendit una cum viro suo Elcana in templum Domini, postquam ablatus fuit infans, et obtulit eum Domino cunctis diebus vitae suae,⁴ ac, Spiritu Sancto afflata, in ea oblatione canticum composuit: *Exultavit cor meum in Domino, et exaltatum est cornu meum in Deo meo,*⁵ gratias agens Deo pro tam insigni beneficio; sic hodie Sanctissima Virgo Maria, vere Anna, *gratiosa, gratia plena,*⁶ acceptum divinitus Filium hodie in templum Domini ascendens Deo Patri offert, et praesentatum coram eo sistit mysticum hunc Samuelem, quem a Deo petierunt omnes Patriarchae atque Prophetae Sanctique omnes.

Et illa quidem magna fuit oblatio, haec autem maxima; quoniam ibi oblatus fuit Deo purus homo, hic autem Deus et homo; ibi homo sanctus, hic autem Sanctus Sanctorum; ille oblatus a matre sterili et sancta, iste a matre virgine et sanctissima, omni gratia Spiritus Sancti plena; quo enim Christus maior Samuele, eo Maria Mater Christi sanctitate, gratia et dignitate maior Anna matre Samuelis. Hinc illa cecinit quidem canticum laudis et gratiarum actionis Domino, sed multo tempore nonnullisque annis post partum; haec vero ante partum, paucis post conceptionem diebus: *Magnificat anima mea Dominum; et exultavit spiritus meus in Deo salutari meo.*⁷ Illa obtulit filium suum Domino, sed multis mensibus imo annis post natum infantem; haec vero quadraginta diebus secundum legem Domini; si enim ante licuisset, utique ante multoque ante obtulisset. Hinc ait: *Postquam impleti sunt dies purgationis Mariae secundum legem Moysi, tulerunt illum in Ierusalem, ut sisterent eum Domino, sicut scriptum est in lege Domini, quia omne masculinum,* etc.

Oblatio Samuelis
magna,
oblatio Christi
maxima.

III. Duas leges afferit sanctus Evangelista: altera est purgationis matris, altera oblationis filii primogeniti. Prima, purgationis matris, habetur Levitici 12: *Mulier, si suscepto semine pepererit masculum, immunda erit septem diebus iuxta dies separationis menstruae, et die octavo circumcidetur infantulus; ipsa vero triginta tribus diebus manebit in sanguine purificationis sua; omne sanctum non tanget, nec ingredietur in sanctuarium, donec impleantur dies purificationis sua:*⁸ haec una pars est legis purgationis matris. Altera vero ponitur ibidem, in qua describitur modus purgationis: *Cumque expleti fuerint dies purgationis pro filio sive*

Maria se hodi
in templo sistit,
ut dei hostiam
pro sua
purificatione.

4) Cf. 1 Rg 1, 1-28.
8) Vtr. 2-4.

5) Ibid. 2, 1.

6) Lc 1, 28.

7) Ibid. 1, 46-47.

*pro filia, deferet agnum anniculum in holocaustum et pullum columbae sive turturem pro peccato ad ostium tabernaculi testimonii, et tradet sacerdoti qui offeret illa coram Domino, et orabit pro ea, et sic mundabitur a profluvio sanguinis sui.*⁹ Et ad alteram hanc legem purgationis alludit Evangelista cum ait: *Et ut darent hostiam, secundum quod dictum est in lege Domini, par turturum aut duos pullos columbarum;*¹⁰ sic quidem Moyses subiungit: *Quod si non invenerit manus eius, nec potuerit offerre agnum, sumet duos turtures aut duos pullos columbarum, unum in holocaustum et alterum pro peccato; orabitque pro ea sacerdos, et sic mundabitur.*¹¹

Quare oblato hostiae spectat ad legem purgationis matris, non ad legem oblationis filii primogeniti; nam lex purgationis in quocumque partu sive maris sive feminae, sive primogeniti sive cuiusvis alterius filii praecipit offerri vel agnum vel turtures aut columbas; sed lex oblationis filiorum est tantum pro primogenitis, sic enim legimus Exodi 13: *Sanctifica mihi omne primogenitum quod aperit vulvam in filiis Israel..., et omne... primogenitum hominis de filiis tuis pretio redimes,*¹² idest, quinque siclis, ut legimus Numerorum 3¹³ et 18.¹⁴ Sic redemptus fuit hodie Christus communis hoc pretio.

Maria se hodie
in templo sistit
ut, humilitatem
in purificatione
exerceat.

IV. *Postquam impleti sunt dies purgationis Mariae.* Sicut Christus voluit circumcidi, sic Maria purgari; hinc ait: *Secundum legem Moysi, ut, inquit, praeceptum illud legis impleret, non quod purgatione aliqua indigeret, cum esset gratia plena,*^{14a} mulier amicta sole, supra lunam posita et stellis coronata,¹⁵ idest, fide, spe et caritate perfectissima. Voluit ergo ex humilitate secundum legem purgari, cum humillima esset: *Quia respexit humilitatem ancillae suae.*¹⁶ *Ecce ancilla Domini.*¹⁷ Noverat Beata Virgo quam displiceret Deo superbia ex lapsu Angelorum in paradiso coelesti et lapsu hominum in terrestri. Superbia supremum Angelum primamque creaturam Dei infimo ultimoque loco constituit, et mundi totius salutem vitaeque perpetuam immortalitatem omnemque gloriam perdidit. Hinc humilitate summa semper voluit placere Deo, sciens quod Deus *humilia respicit et alta a longe despicit;*¹⁸ et sicut Christus venit *in similitudinem carnis*

9) Ibid. 12, 6-7.

10) Lc 2, 24.

11) Lv 12, 8.

12) Vrr. 2, 13.

13) Vr. 47.

14) Vr. 16.

14a) Cf. Lc 1, 28.

15) Cf. Apc 12, 1.

16) Lc 1, 48.

17) Ibid. 1, 38.

18) Ps 137, 6. Vulg. habet: *Alta... cognoscit.*

peccati,¹⁹ formam servi accipiens,²⁰ sic ipsa quoque tanquam communis mulier voluit hodie haberi peccatrix. Sicut regina Israelis, uxor Ierobohami regis, mutato habitu suo, ivit ad inveniendum sanctum prophetam Ahiam;²¹ sic hodie Beata Virgo sumit habitum communis mulieris, ac si Filium suum communi modo concepisset ac peperisset.

*V. Tulerunt illum in Ierusalem, ut sisterent eum Domino, tanquam filium primogenitum, peperit enim Maria filium suum primogenitum ac unigenitum;²² sicut scriptum est in lege Domini, quia omne masculinum adaperiens vulvam, sanctum Domino vocabitur, idest, offeretur et consecrabitur Domino. Iussit hoc Dominus in memoriam liberationis ex aegyptiaca captivitate, eo quod una nocte interfecit omnia primogenita Aegypti, et tunc Hebraei libertate donati fuerunt;²³ sic hodie Beata Virgo gratissimo animo pergit in templum, ut pro accepto beneficio gratias ingentes ageret Deo. Humilis animus adeo gratus est, ut magna iudicet beneficia parva, magna vero maxima; et quo humilior est animus, eo, cum se indignorem omni bono existimet, semper magis magisque accepta beneficia maiora existimat. Sanctissima autem Virgo, cum sicut omnium Sanctorum esset sanctissima, erat etiam humillima; hoc est: *Nigra sum sed formosa..., decoloravit me sol.*²⁴ Beneficium autem acceptum erat magnum adeo, ut Deus non posset beneficium maius concedere; sic enim eam dilexit Deus ut ei Filium suum Unigenitum daret.²⁵ Quae ergo fuerit Beatae Virginis animi gratitudo, quas gratias Deo reddiderit? Ineffabile est, nec cogitari et mente capi potest.*

Maria se hodie
in templo sistit,
ut pro tanto
Filio gratias
agat.

*VI. Tulerunt illum in Ierusalem ut sisterent eum Domino. Noverat Beata Virgo odium diaboli in Christum, iuxta illud oraculum: *Inimicitias ponam inter te et mulierem et inter semen tuum, o serpens, et semen illius; ipsa conteret caput tuum, et tu insidiaberis calcaneo eius.*²⁶ Hinc sanctissimus eius animus magnopere angustiabatur, timens ne diabolus Christum per Herodem et Iudeos perderet, sciens quod ad ingressum Magorum audiens... Herodes... turbatus est et omnis Ierosolyma cum illo.²⁷ Hoc est quod Ioannes ait quod mulier amicta sole, habens in utero,*

Maria se hodie
in templo sistit,
ut Filium suum
seculo loco
constitutus, idest,
in manu Dei.

19) Rom 8, 3.

20) Phil 2, 7.

21) Cf. 3 Rg 14, 1 sqq.

22) Lc 2, 7.

23) Cf. Ex 13, 11-16.

24) Ct 1, 4-5.

25) Alludit ad Io 3, 16.

26) Gn 3, 15.

27) Mt 2, 3.

*clamabat parturiens, et cruciatur ut pariat;*²⁸ non utique ex partus dolore, cum Beata Virgo non fuerit subiecta maledictioni illi: *Multiplicabo conceptus tuos et aerumnas tuas; in dolore paries filios,*²⁹ sed quia draco magnus et rufus habens capita septem et cornua decem expectabat, ut, cum mulier peperisset, devoraret filium eius.³⁰ Hic autem draco, inquit Ioannes, est *serpens antiquus, qui dicitur diabolus,*³¹ qui cauda sua traxit de coelo in terram tertiam partem stellarum.³² Hinc cruciabatur Beata Virgo ne diaboli arte infinitum thesaurum perderet; hinc hodie pergit in templum, ut Filium suum securo loco constitutus, veluti dicens Deo: *Pater, in manus tuas commendo*³³ filium meum, qui etiam filius tuus est, quem ex te concepi. Sic ait Ioannes quod *peperit* mulier *filium masculum, qui recturus est... gentes..., et raptus est filius eius ad Deum et ad thronum eius;*³⁴ thronus autem Dei erat in Ierusalem, in templo, in sancta sanctorum super Cherubim et arcum in propitiatorio.³⁵

Christus vivens
arca in templum
introductus.

Tulerunt illum in Ierusalem, ut sisterent eum Domino. Sicut, aedificato templo Domini, introducta fuit arca Domini in templum illud;³⁶ sic hodie vivens arca, in qua *inhabitat omnis plenitudo Divinitatis corporaliter,*³⁷ in templum introducitur. *Omne masculinum adaperiens vulvam sanctum Domino vocabitur,* in figuram Christi, qui futurus erat Sanctus Sanctorum, cui Seraphim trisagium canunt, dicentes: *Sanctus, sanctus, sanctus Dominus Deus exercituum.*³⁸

Maria se hodie
in templo sistit,
ut paupertatem
exerceat et
offerat hostiam
pauperum.

VII. *Et ut darent hostiam, sicut scriptum est in lege Domini, par tur turum aut duos pullos columbarum, quae oblatio erat non divitum, sed pauperum; una enim cum humilitate Christi in mundo hoc paupertatem elegit, ut non haberet ubi caput suum reclinaret.*³⁹ Haec autem hostia spectabat ad legem purgationis; purgabatur autem mulier a legali immunditia dupli sacrificio. Hinc, si dives erat, tenebatur offerre agnum in holocaustum, quod totum in honorem Dei cremabatur, et pullum turturis sive columbae in sacrificium pro peccato, quod est sacrificii genus distinctum ab holocausto et hostia pacifica;⁴⁰ pauper vero offerebat duos pullos columbarum aut turtures, unum in holocaustum, alterum in sacrificium pro

28) Apc 12, 2. Vulg. habet: *Cruciabatur.*

29) Gn 3, 16.

30) Apc 12, 4.

31) Ibid. 12, 9.

32) Cf. ibid. 12, 4.

33) Lc 23, 46.

34) Apc 12, 5.

35) Cf. Ex 25, 22.

36) Cf. 2 Par 5, 1 sqq.

37) Col 2, 9.

38) Is 6, 3.

39) Cf. Mt 8, 20.

40) De holocausto et de his omnibus cf. Lv cпп. 1-4.

peccato; hoc autem in signum quoniam omnes iustitiae nostrae sunt sicut pannus mulieris menstruatae.⁴¹

VIII. Sunt opera nostra bona mille imperfectionibus plena. Sicut enim vitis non producit in uva purum ac defaecatum vinum sed etiam vinacia et multam faecem, et olea in olivis non producit purum oleum sed impurum et parum, quamvis multas producat olivas; sic in operibus nostris parum valde est caritatis purae *de corde puro, conscientia bona et fide non facta.*⁴² Si quid tamen boni est in operibus nostris, Deo utique tribuendum est, a quo *omne datum optimum et omne donum perfectum.*⁴³ Quid enim *habes quod non acceperisti?* Quod si... acceperisti, *quid gloriaris quasi non acceperis?*⁴⁴ Hoc est holocaustum in honorem Dei. Mala autem quae in operibus nostris bonis reperiuntur per poenitentiam expianda sunt: hoc est sacrificium pro peccato.

De bono in
operibus nostris
honor Deo
tribuendus, de
malo poenitentia
agenda.

Et in omni partu cuiusvis boni operis offerenda sunt haec sacrificia Deo, sive filium sive filiam pepererit. Producit anima filium cum facit opus perfectionis, filiam cum imperfectionis opus operatur. Sed parienti filiam tempus purgationis duplicatur; pariens enim masculum, manet una hebdomada in sanguine purificationis suae, sed pariens feminam, manet duabus; prima purificatur quadraginta diebus, sed secunda octoginta.⁴⁵ Sic qui in mundo ducunt genus perfectae vitae: *Si vis perfectus esse, etc.,*⁴⁶ in hac tantum vita purgantur; qui vero imperfecte vivunt, non solum in hac vita igne tribulationum purgantur, sed multo magis postea in igne purgatorii. Sterilis autem mulier in lege maledicta erat;⁴⁷ sic: *Omnis arbor, quae non facit fructum bonum, excidetur, et in ignem mittetur.*⁴⁸

Qui multum
accepit, maiora
reddat.

Quod autem divites agnum tenebantur offerre, pauperes vero in holocaustum turtures vel columbam, mysterium est, ut, qui maiorem habet a Deo gratiam, maiora operetur; sic qui quinque talenta accepit, lucratus fuit alia quinque, et qui duo accepit, alia duo lucratus fuit.⁴⁹ Designatur etiam in agno innocentia et in turture poenitentia.

Christus
accipitur a
perfectis
quorum
Simeon Imago.

IX. *Et ecce homo erat in Ierusalem, cui nomen Simeon, et homo iste iustus et timoratus expectans consolationem Israel, et Spiritus Sanctus erat in eo.*⁵⁰ Dominus noster in nocte nativitatis suae fuit adoratus a pa-

41) Cf. Is 64, 6.

42) 1 Tim 1, 5.

43) Iac 1, 17.

44) 1 Cor 4, 7.

45) Cf. Lv 12, 1-5.

46) Mt 19, 21.

47) Cf. Ex 23, 26; Dt 7, 14,

48) Mt 7, 19.

49) Cf. ibid. 25, 14-17.

50) Lc 2, 25.

storibus in praesepio,⁵¹ decima tertia autem die a Magis in domo;⁵² hodie autem quadragesimo die^{52a} a Simeone in templo; ubi universalis Ecclesiae, quae Christum adorat, tres video status, sicut divinum templum tribus utique partibus constabat.⁵³ Primo pastores ab Angelo admoniti relinquunt greges, et veniunt ad adorandum Christum; secundo Magi a stella coelesti duce ducti veniunt ad Christum, nec tantum adorant, sed etiam offerunt munera, aurum, thus et myrrham; tertio Simeon Christum et adorat, et accipit in ulnas suas, et praedicat de Christo magnalia, ductus in templum a Spiritu Sancto. Pastores designant incipientes, Magi proficiientes, Simeon perfectos.

Simeon imago
perfectorum
quia:
virtutibus omni-
bus ornatus,

Ecce utique perfecti viri imago naturalis et sincera: *Homo erat in Ierusalem, cui nomen Simeon. Homo, fidelis israelita, Simeon, obediens*^{53a} *mandatis divinae legis; hinc homo iste iustus erat et timoratus, eulabis,*⁵⁴ *pius sive religiosus, expectans redemtionem, quae perfecta est consolatio Israel, et Spiritus Sanctus erat in eo, Spiritus utique propheticus; et venit in Spiritu Sancto in templum... cum inducerent puerum Iesum parentes eius.*⁵⁵ Hinc tanquam perfectus accipit Christum in ulnas suas; perfectus erat quoad proximum quia iustus, quoad Deum quia timoratus, pius, religiosus, quoad seipsum quia expectabat consolationem Israel. Nec tantum expectabat, sed etiam instanter petebat, perpetuisque clamoribus divinas aures pulsabat; hinc ait: *Responsum acceperat a Spiritu Sancto non visurum se mortem nisi... videret Christum Domini... Expectans consolationem Israel,*⁵⁶ sicut ait Iacob: *Salutare tuum expectabo, Domine.*⁵⁷

quia
unione intimâ
Dei potitus et
consolationibus
perfusus.

Et sicut Iacob videns dilectissimum filium suum Ioseph factum principem terrae Aegypti et salvatorem mundi eumque amplexatus, dixit ei: *Nunc laetus moriar, quia vidi faciem tuam, et superstitem te relinqu;*⁵⁸ sic sanctus iste senex Christum in ulnas suas accipiens, omni laetitia superlusus, ait: *Nunc dimittis servum tuum, Domine, secundum verbum tuum, in pace.*⁵⁹ In quo cantico Christum vocat *salutare Dei* ab aeterno paratum pro salute mundi, *lumen gentium lucemque mundi et gloriam Israelis,*⁶⁰ quia Deus nunquam Angelos assumpsit sed semen Abrahae assumpsit.⁶¹

51) Cf. ibid. 2, 15-16.

2 Par cp. 3; Hebr 9, 1-3.

56) Ibid. 2, 26.

60) Cf. ibid. 2, 30-32.

52) Cf. Mt 2, 11.

53a) Sic hebr. *Simeon.*

57) Gn 49, 18.

61) Cf. Hebr 1, 16.

52a) Lv 12, 2-4

54) Ex graec.

58) Ibid. 46, 30.

53) Cf. Ex cp. 40;

55) Lc 2, 27.

59) Lc 2, 29.

Sunt autem in hoc cantico multo plura mysteria quam verba, sacramenta quam voces, si quis enarrare vellet quid ista *pax*, quid *salutare* istud ab aeterno paratum, quid *lumen* istud *ad revelationem gentium*, et quid *gloria* ista *plebis Israel*. Sed quis pro dignitate poterit ineffabilia haec imo incomprehensibilia Divinitatis mysteria humana lingua humanis-que verbis explicare? Videtur canticum istud universae theologiae omnium-que Divinarum Scripturarum utriusque Testamenti compendium et anache-phaleosis absolutissima. Id nobis sufficiat, quod Christus declaratur totius mundi Salvator Auctorque gratiae et gloriae secundum aeternum consilium ac dispositionem divinae praedestinationis.

Simeon exultans profert canticum, compendium Veteris et Novi Testamenti.

X. Non tantum a Simeone sed etiam ab Anna filia Phanuel de tribu Aser, sanctissima vidua, adoratur in templo.⁶² Quare in medio quatuor personarum perfectarum videtur hodie Christus in templo, sicut Ezechiel Christum vidit in medio quatuor animalium et rotarum,⁶³ quae designant viros in quatuor cardineis virtutibus perfectos, quorum alii perfectissimi sunt in temperantia, alii in iustitia, alii in fortitudine et alii in prudentia. Primi sunt tanquam homo, cuius temperatissima est complexio; secundi tanquam vitulus, mundum animal, ruminans et dividens ungulas,⁶⁴ animal utile et honestum; tertii sicut leo animal fortissimum, et quarti sicut aquila acutissimi et perspicacissimi visus.

Christus habitat inter perfectos.

Simeon et Anna,

Sic Christus hodie videtur in medio quatuor personarum sanctissima-rum ac perfectissimarum, in medio duorum parentum, Sanctissimae, inquam, Virginis et sancti Ioseph, sancti Simeonis et sanctae Annae, viduae sanctissimae, quae non discedebat de templo, ieconiis et orationibus vacans nocte et die.⁶⁵ Ubi designatur quod status perfectae virtutis non tantum reperiri potest in sexu virili ut in Ioseph et Simeone, sed etiam in femineo ut in Virgine Sanctissima et Anna prophetissa, et quod in utroque sexu in multis reperiri potest perfectio. Nam dualis numerus principium est multitudinis; videmus autem duos viros perfectos et duas perfectas mulieres, diverso tamen gradu perfectionis, sicut stella differt a stella in lumine et claritate.⁶⁶

Ioseph et Maria.

A perfectorum statu nemo arcessitur.

62) Cf. Lc 2, 36-38.

63) Cf. Ez 1, 1 sqq. habet: *Obscurationibus et serviens et ac.*

64) Cf. Lv 11, 2.

66) Cf. 1 Cor 15, 41.

65) Lc 2, 37. Vulg.

Actus perfectorum : carissima quaeque Deo offerre,

et Deum, contemptis omnibus diligere.

Praemium perfectorum est ipse Christus,

thesaurus omnium bonorum,

quia Christus donum Dei,

XI. Accepit eum Simeon in ulnas suas, et benedixit Deum, dicens :
Nunc dimittis servum tuum, Domine. Diversos actus perfectionis reperimus in hodierno Evangelio; nam Maria offert Christum Deo, et Simeon accipit Christum a Deo. Perfectissimus virtutis actus, quem [in] Abraham patriarcha legimus, est quod iussus a Deo unigenitum filium suum in holocaustum obtulit,⁶⁷ in quo ostendit quod vere Deum super omnia ex animo diligebat; sic Maria Deo unicum Filium offert, quem plus quam animam suam amore ardentissimo amabat. Simeon vero accipit Christum in manibus, eoque suscepto, omnia alia contemnit, hinc ait: **Nunc dimittis servum tuum, Domine.** Hic status est perfectae virtutis, solum Deum non tantum super omnia, sed, aliis omnibus contemptis, diligere, sicut Regius Vates ait: *Quid enim mihi est in coelo, et a te quid volui super terram? Defecit caro mea et cor meum, Deus cordis mei, et pars mea Deus in aeternum.*⁶⁸ Sic Simeon puerum Iesum accipit in ulnis, stringit ad pectus, eoque accepto, omnibus renuntiat, quoniam thesaurum invenit absconditum in agro et pretiosissimam margaritam, hinc vendit omnia bona sua ad comparandum hunc thesaurum, hanc margaritam:^{68a} *Quia viderunt oculi mei salutare tuum, quod parasti ante faciem omnium populorum*, etc.

XII. Accepit eum Simeon in ulnas suas. Cernitur hic virtus et prae-mium virtutis. Dixerat Deus Abrahae: *Ego protector tuus sum, et merces tua magna nimis.*⁶⁹ Legimus magnam utique perfectamque virtutem Simeonis: *Erat homo... iustus... timoratus, expectans consolationem Israel, et Spiritus Sanctus erat in eo: magna virtus, sed quam mercedem accipit?* Ipsummet Deum, Christum, qui est Israelis consolatio: *Accepit Christum in ulnas suas, accepit consolationem Israel, accepit thesaurum omnium bonorum.* O mercedem! *Ostendam tibi omne bonum,*⁷⁰ dabo tibi omne bonum! Habere Deum in manibus, ut homo faciat de Deo quidquid libet: *Voluntatem timentium se faciet,*⁷¹ magna merces, infinita merces, qua maior cogitari non potest!

Accepit eum in ulnas suas. Dicitur Christus in Divinis Litteris donum Dei: *Parvulus... natus est nobis, et filius datus est nobis.*⁷² *Sic... Deus dilexit mundum ut Filium suum Unigenitum daret.*⁷³ *Si scires donum*

67) Cf. Gn 22, 1 sqq.

68) Ps 72, 26-27.

68a) Cf. Mt 13, 44-46.

69) Gn 15, 1.

70) Ex 33, 19. Vulg. habet: *Ostendam... bonum tibi.*

71) Ps 144, 19.

72) Is 9, 6.

73) Io 3, 16.

*Dei.*⁷⁴ Fecit Deus donationem inter vivos. Ad hanc autem donationem, ut fiat, instrumentum requiritur, non tantum donator, qui facit donationem, sed etiam donatarius, cui fit donatio, qui accipit donationem. Simeon hodie extitit veluti donatarius qui accepit a Deo donationem hanc infiniti thesauri: *Qui... proprio Filio suo non pepercit, sed... nobis omnibus tradidit illum, quomodo non etiam cum illo omnia nobis donavit?*⁷⁵

Cum accepisset Simeon puerum Iesum in ulnas suas, Deum benedixit, dicens: *Nunc dimittis servum tuum, Domine.* Homo erat secundum cor Dei; gratissimus Deo, accepto beneficio, statim benefactori gratias agit: *Benedixit Deum, et dixit.* Cognovit beneficium, et recognovit benefactorem; cognovit beneficij magnitudinem, hinc vocat Christum pacem et quietem mundi, salutare Dei, lumen gentium et gloriam Israelis: *Ipse... est pax nostra.*⁷⁶ *Pax Dei, quae exsuperat omnem sensum;*⁷⁷ imo Deus pacis et dilectionis.⁷⁸ *Hic est vere salvator mundi.*⁷⁹ *Salutare tuum expectabo, Domine.*⁸⁰ *Ego sum lux mundi.*⁸¹ *Surge, illuminare...* quia venit lux tua, et gloria Domini super te orta est...; et ambulabunt gentes in lumine tuo et reges in splendore ortus tui.⁸² Quis possit talis tantique doni, talis et tanti beneficij magnitudinem pro dignitate explicare? Unum hoc sufficiat dicere, quod donum hoc donum est perfectum, conferens homini felicitatem, perfectam consolationem, omne explens animi nostri desiderium: *Nunc dimittis servum tuum... in pace,* in tali tantaque consolatione, tali et tanta felicitate.

Ad perfectam felicitatem tria vel maxime requiri videntur: vitae immortalitas, scientiae plenitudo et gloriae sublimitas; haec enim tria Lucifer parentibus nostris promisit in paradyso: *Nequaquam... moriemini..., sed eritis tanquam dii scientes bonum et malum,*⁸³ idest, scientes omnia; sic eis perfectam ac perpetuam felicitatem in paradyso promisit. *Nunc dimittis servum tuum... in pace:* ecce paradius; *quia viderunt oculi mei salutare tuum,* auctorem vitae aeternae, patrem aeternitatis: ecce immortalitas vitae; *lumen ad revelationem gentium:* ecce scientiae plenitudo; *et gloriam plebis tuae Israel:* ecce sublimitas divinae gloriae: *Ego dixi: Dii estis et filii Excelsi omnes.*⁸⁴ Sic videmus hominem hunc hodie sanctissimum Simeonem, accepto dono hoc, perfecte contentum, nihil amplius deside-

et singillatim
thesaurus pacis,
salutis, luminis
et gloriae;

quia ad
perfectam felici-
tatem tria
necessaria: vitae
immortalitas,
scientiae ple-
nitudo et gloriae
sublimitas.

74) Ibid. 4, 10.

75) Rom 8, 32.

76) Eph 2, 14.

77) Phil 4, 7.

78) 2 Cor 13, 11.

79) Io 4, 42.

80) Gn 49, 18.

81) Io 8, 12.

82) Is 60, 1, 3. Vulg. loc.: *Lux tua, habet: Lumen tuum.*

83) Gn 3, 4-5.

84) Ps 81, 6.

rantem, quoniam Christum accepit thesaurum omnium desiderabilium bonorum, thesaurum pacis, salutis, luminis et gloriae.

Simeon dignus
hoc dono.

Dignus autem fuit Simeon talis tantique thesauri, quoniam homo erat *iustus et timoratus... et Spiritus Sanctus erat in eo.* Erat Spiritus Sancti habitaculum dignum propter iustitiam et sanctitatem; virtutes enim sunt quae cor nostrum efficiunt dignam Dei habitationem: *Iustitia et iudicium praeparatio sedis tuae.*⁸⁵ *Si quis diligit me, sermonem meum servabit, et Pater meus diligit eum, et ad eum veniemus, et mansionem apud eum faciemus.*⁸⁶

85) Ps 88, 15.

86) Io 14, 23.

SERMO TERTIUS

DE VIRGINIS INCREMENTO PURITATIS DEQUE CHRISTO DONO DEO
ET HOMINIBUS DATO IN FESTIVITATE HODIERNA

Postquam impleti sunt dies purgationis Mariae secundum legem Moysi, tulerunt illum in, etc. ¹

I. In hodierna solemnitate duo mysteria celebrantur iuxta duo decreta legis mosaicae: mysterium Purificationis Sanctissimae Virginis iuxta decretum *Levitici* 12, quo iubetur omnes mulieres post partum purificari, et pro purificatione sacrificium offerre;² et mysterium Praesentationis et Oblationis Christi in templo iuxta decretum *Exodi* 13, quo praecipitur ut omne primogenitum offeratur et consecretur Deo pro primogenitis Aegyptiorum occisis causa filiorum Israel, ut liberarentur a servitute Pharaonis et captitate aegyptiaca.³

II. Et quoad primum, nescio an praesens festivitas dicenda potius sit puritatis Mariae quam purificationis, cum ipsa semper fuerit purissima et immaculatissima, virgo corpore et spiritu sanctissima. Sed tamen in hoc differt puritas et sanctitas Mariae a puritate et sanctitate Christi, quoniam puritas et sanctitas Christi fuit sicut puritas et sanctitas Dei, quae augeri nullo modo potest, cum sit infinita. Hinc Christus dicitur sol iustitiae, quoniam, sicut lux solis a primo instanti sua creationis semper fuit eadem, nunquam fuit diminuta aut aucta, ita Christi gratia a primo instanti

Duo mysteria
celebrantur :
purificationis
Deiparae et obla-
tionis Christi.

Hodie Maria
purificatur,
idest, puritati
eius maius in-
crementum
datur.

Sola puritas
Christi infinita ;

1) Lc 2, 22.

2) Cf. vr. 1 sqq.

3) Cf. vrr. 11-16.

suae conceptionis; hinc Ioannes ait: *Verbum caro factum est... plenum gratiae et veritatis...; et de plenitudine eius nos omnes accepimus, gratiam pro gratia; quia... gratia et veritas per Iesum Christum facta est.*⁴ Sic Ioannes demonstrat Christum esse solem iustitiae.

*puritas Virginis
augeri potuit,*

Sed puritas et sanctitas Mariae, licet a primo instanti immaculatae conceptionis nunquam fuerit diminuta, augeri tamen potuit, iuxta illud: *Qui iustus est, iustificetur adhuc, et qui sanctus est, sanctificetur adhuc.*⁵ Sic Angelus ostendit, cum prius eam gratia plenam appellavit: *Ave, gratia plena, Dominus tecum, benedicta tu inter mulieres;*⁶ sed postea dixit: *Spiritus Sanctus superveniet in te, et virtus Altissimi obumbrabit tibi;*⁷ sic in conceptione [Christi] multo maiorem accepit gratiae plenitudinem quam ante habuerit. Hoc est quod in *Canticis* legimus: *Quae est ista quae progreditur quasi aurora consurgens, pulcra ut luna, electa ut sol?*⁸

*et aucta fuit ex
liberalitate Dei,*

Aurora lumen habet magnum, luna plena maius, sol lucidissimus maximum; magnam gratiam accepit Maria in sua conceptione, maiorem in Verbi incarnatione, maiorem adhuc in praesentatione; magna fuit gratia Mariae in principio, maior in medio, maxima in fine. Et sicut luna, licet semper eadem videatur, in plenilunio tamen multo luminosior appetat cum est in auge quam cum est in opposito augis, quoniam tunc multo sublimior est ac soli propinquior, sic maius ac purius lumen a sole accipit; ita Virgo Sanctissima a sole iustitiae semper maius puriusque lumen gratiae coelestis accepit.

*et ex sui ipsius
industria.*

Omne opus meretur apud Deum non solum augmentum mercedis et praemii in futuro, in paradyso, sed etiam augmentum gratiae et caritatis in praesenti, in Ecclesia. Maria semper ex impulsu Spiritus ob nimium caritatis fervorem magnamque animi devotionem exercebat seipsam in operibus virtutum; semper ergo accipiebat a Deo incrementa gratiae et sanctitatis, semper fiebat in sanctitate et gratia purior atque perfectior. Sicut Divus Paulus, ad *Philipenses* scribens, ait se minime perfectum esse: *Non quod iam acceperim, aut iam perfectus sim; sequor autem, si... comprehendam, in quo et comprehensus sum;*⁹ sic gratia et virtus in iustis semper perficitur in hac vita, ut sit Deo simillima in futura vita. Virtus perfecta fit multo perfectior, et tandem fit perfectissima; sicut etiam in coelo perfecta est virtus Angelorum, perfectior Archangelorum, perfectissima autem

4) 1, 14. 16-17.
8) 6, 9.

5) Apc 22, 11.
9) 3, 12.

6) Lc 1, 28. Vulg. habet: *In mulieribus.*

7) Ibid. 1, 35.

Cherubim et Seraphim, qui inferiores Angelos purgant, illuminant et perficiunt.^{9a} Hoc igitur est festum, quod hodie celebramus, purificationis Sanctissimae Virginis: purificata hodie fuit, idest, purior multo multoque sanctior et gratia plenior facta.

III. Humilitas, gratitudo animi et caritas virtutes sunt Deo gratissimae; has enim quam maxime a nobis Deus requirit. Virgo autem Sanctissima hodie opus operata est infinitae humilitatis, gratitudinis indicibilis et inefabilis caritatis. Humilitatis, quoniam sicut Christus ex humilitate servare voluit legem circumcisionis, ita ipsa legem purificationis, et offerre aves in holocaustum et in sacrificium pro peccato iuxta legem purificationis, cui tamen subiecta non erat, sicut nec Christus legi circumcisionis. O infinitam humilitatem! Considerate Mariae altitudinem et sublimitatem, qua Mater Dei facta erat, Regina coeli, Domina Angelorum, et videbitis infinitam eius humilitatem, qua tanquam simplex muliercula ceteris similis accedit ad templum veluti a peccato purificanda, cum Angelis esset purior sanctiorque. Sicut Christus voluit apparere *in similitudine carnis peccati*,¹⁰ sic Maria in similitudine mulieris peccatricis similis ceteris. Cum autem Dominus dicat quod *omnis... qui se humiliat exaltabitur*,¹¹ talis tantaque humilitas hodie qualem meruit exaltationem? *Quia respexit humilitatem ancillae suae, ecce... ex hoc beatam me dicent omnes generationes*, etc.¹²

Puritas Mariae
hodie aucta
exercitio
humilitatis,

Gratissimum item animum erga Deum Virgo Sanctissima hodie ostendit, cumque prius post Verbi conceptionem magnifico illo Cantic¹³ pro accepto beneficio [gratias] egisset Deo, hodie [illud] retulit. Est enim gratus animus instar speculi pellucidi, quod qualem recipit cuiusvis rei imaginem, talem reddit. Dedit Deus Virgini unicum Filium suum, eundem hodie ipsa Virgo ipsimet Deo offert. Luna, cum plena est, radios in solem rectos reflectens luminosissima appareat.

gratitudinis,

Ostendit etiam ardentissimam ac perfectissimam caritatem, quam Abraham erga Deum ostendit, cum ei unicum filium suum in holocaustum ob tulit; quo facto divinam meruit sibi et semini suo in perpetuum benedictionem valde copiosam.¹⁴

caritatis

Purificata est Beatissima Virgo, idest, maiora semper puritatis et sanctitatis in dies incrementa suscepit, divinarum virtutum actiones exercens,

^{9a)} Cf. Dion. Areopag. *De Coelesti Hierarchia*, cp. 8, § 3. (P. G. 3, 55-56). ¹⁰⁾ Rom 8, 3. Vu'g.: *Similitudinem*. ¹¹⁾ Cf. Lc 14, 11. ¹²⁾ Ibid. 1, 48. ¹³⁾ Cf. ibid. 1, 46 sqq. ¹⁴⁾ Cf. Gn 22, 1-18.

devotionis et
paupertatis

obedientis promptissima voluntate diligentique studio divinae legi, summa cum humilitate, qua tanquam immunda iuxta legem¹⁵ abstinere voluit a templo et locis sacris. Maiorem igitur semper purificationem Maria virtute perfectissimae obedientiae acquirebat, virtute profundissimae humilitatis, qua puritatem et sanctitatem suam abscondebat, virtute gratitudinis in Deum, virtute caritatis et virtute religionis ac devotionis, qua ad templum accessit, locum divini cultus, ubi Deus adorabatur, et sacrificiis etiam celebatur, afferens etiam ipsa par turorum aut duos pullos columbarum pro sacrificio purificationis tanquam paupercula mulier,¹⁶ nam divites agnum offerebant.¹⁷ Maria autem paupertate spiritus divinam mentis puritatem conservabat. Sic fuit Virgo purissima, humillima et pauperrima spiritu.

Puritas Mariae
hodie aucta per
renovationem
sacrificii triplicis
concupiscentiae.

IV. Divus Ioannes ait quod triplex est mundi, *qui totus in maligno positus est*,¹⁸ impuritas, videlicet: *concupiscentia carnis*, affectus voluptatum et sensualium delectationum, *concupiscentia oculorum*, affectus inordinatus divitiarum, *et superbia vitae*,¹⁹ ambitio et affectus vanitatum mundi, nam triplex est bonum: delectabile, utile et honorabile. Inordinatus autem horum bonorum affectus inquinat animam. Maria autem, ut animum suum semper purissimum ab omni vel minima macula impuritatis servaret, contra divitiarum affectum elegit voluntariam paupertatem, contra superbiam profundissimam humilitatem et contra sensuales voluptates perpetuam virginitatem carnisque mortificationem, exhibens corpus suum *hostiam viventem, sanctam, Deo placentem*.²⁰ Hinc hodie sacrificium offert columbas aut turtures, munda quidem animalia,²¹ innocentes aves.

Sed ad honorem Dei et pro peccatis mundi; nam una avis offerebatur in holocaustum, quod totum in honorem Dei cremabatur, altera vero in sacrificium pro peccato;²² cumque ipsa nullum haberet peccatum, pro nostris utique peccatis corpus suum ieuniis et vigiliis affligebat.

Puritas Mariae
hodie aucta quia
summam pu-
ritatem adeptia.
Triplex puritas:
sufficientiae,

V. Triplex est puritas aut sanctitas. Quaedam est sufficientiae, qualis est fidelium qui divinae legis mandata custodiunt: *Si vis ad vitam ingredi, serva mandata*;^{22a} sic a Divo Paulo omnes christifideles, qui fide et caritate sunt praediti, *sancti* appellantur;²³ alia est perfectionis, qualis

15) Cf. Lv 12, 4.

16) Cf. Lc 2, 24; Lv 12, 8.

17) Cf. Lv 12, 6.

18) 1 Io 5, 19.

19) Ibid. 2, 16.

20) Rom 12, 1.

21) Cf. Lv 11, 13-19.

22) Cf. Ibid. 12, 6.

22a) Mt 19, 21.

23) Rom 1, 7; 1 Cor 16, 1 et alibi.

est religiosorum, qui Deo totaliter sunt dedicati: *Si vis perfectus esse, vade, vende omnia quae habes..., et veni, sequere me;*²⁴ tercia est singularis excellentiae, qualis fuit Apostolorum, postquam Spiritu Sancto repleti fuere. Sic etiam morales philosophi statuunt virtutes animi purgatorias, virtutes animi purgati, et virtutes heroicas et exemplares.^{24a}

In templo Domini, ubi Christus hodie Deo oblatus et praesentatus fuit, erant tres partes. Prima dicebatur atrium sanctum et *mikdasc sanctuarium*, ubi offerebantur sacrificia et populus fidelis orabat; secunda dicebatur *bet hamikdasc domus sanctuarii*, sive *kodesc sanctitas*, quo non nisi sacerdotibus ingredi licebat ad offerendum incensum Domino et panes propositionis lucernasque concinnandas;²⁵ tercia dicebatur *debir oraculum* et *kodesc kodascim sanctitas sanctitatum*, idest, locus sanctissimus, ubi erat arca et propitiatorium divinum, quo non nisi summus pontifex ingredi poterat.²⁶ Hoc autem designat quod multi sunt gradus puritatis et sanctitatis, sicut in coelo maior est puritas Angelorum supremae hierarchiae quam mediae, et maior mediae quam infimae; sic etiam in Ecclesia. Unde a tribus generibus personarum adoratus fuit Christus Dominus in sua infantia: primo a pastoribus in praesepio,²⁷ secundo a magis in domo,²⁸ tertio a Simeone et Anna in templo,²⁹ in quibus adorationibus et adoratoribus clare cernitur veluti scala virtutis et perfectionis.

Magna fuit puritas hominis in paradiſo terrestri ante peccatum, sed multo maior erat puritas Angeli in coelesti paradiſo. Puritas Virginis Sanctissimae a primo instanti suae conceptionis fuit sicut puritas hominis in statu innocentiae; sed in processu vitae ascendit ad angelicam, ad cherubicam, ad seraphicam divinamque puritatem, perfectione virtutum tendens in coelum instar Angelorum in scala Iacob.³⁰ Sic homo, si in statu innocentiae permansisset, profecisset utique in virtutum perfectione, crescens semper in Deum, ut eum semper magis magisque cognosceret et diligeret cherubica scientia et seraphica caritate; sic Virgo Sanctissima. Sciebat enim Deum amantissimum esse ac zelantissimum sincerissimae puritatis omnemque impuritatem et immunditiam summopere abominari; hinc centies in lege praecepit ut nemo penitus auderet post contactum cuiusvis immun-

in tribus templi
partibus figurata

Maria a puritate
innocentiae ad
puritatem
quasi divinam
ascendit

24) Mt 19, 22. 24a) Cf. Plotin. *De Virtute*, cp. 1. Edit. 1492 Florentiae; D. Thom. p. 1-2, q. 61, a. 5. 25) Cf. Lv 18, 7; Ex 30, 7-10. 26) Cf. Lv 16, 1; Hebr 9, 7. De tribus partibus templi deque his quae in ipsis asservabantur cf. Ex 26, 31 sqq.; 40, 1 sqq.; Hebr 9, 1-5; 2 Par 8, 1 sqq. 27) Cf. Lc 2, 16. 28) Cf. Mt 2, 11. 29) Cf. Lc 2, 28-38.
30) Cf. Gn 28, 12.

ditiae ad eum accedere, sed a templo omnino abstinere.³¹ Sed si corporales immunditiae et sordes prohibebant homines, licet fideles, a templo et domo Dei, quanto magis spirituales vitiorum sordes?

Oblatio Christi
in templo
maxima omnium
ex dono Deo
oblato.

VI. Verum non solum purificationis Virginis festum hodie celebramus sed etiam praesentationis et oblationis Christi, quoniam filius primogenitus est et unigenitus. Magna oblatio, magnum munus, quo maius nec ex cogitari quidem potest. Gratum fuit Deo munus Abel, cum obtulit ei de primogenitis gregis sui et de adipibus eorum, idest, pinguora et meliora primogenita;³² gratum Davidi munus quod ei obtulit prudentissima Abigail, quod non solum magnam ipsius iram placavit contra Nabal et dominum ipsius, sed etiam meruit ut eam in uxorem acciperet reginamque Israelis constitueret;³³ sed hodierni muneris magnitudinem et maiestatem quae hominum vel Angelorum lingua poterit pro dignitate exprimere? Thesaurus Christus est omnium bonorum, infinitus thesaurus omnium thesaurorum Dei. Magnum munus obtulit regina Saba regi Salomoni, thesaurum inestimabilem auri, argenti gemmarumque pretiosissimarum;³⁴ sed omnis thesaurus etiam paradisi nihil est in comparatione hodierni muneris quod Virgo Sanctissima Regina coeli hodie in templo sacratissimo offerat Deo.

Oblationes V. T.
nihil sunt
respectu oblati
Christi.

Legimus multa munera Deo oblata in Divinis Litteris. Noe post diluvium obtulit munera Domino de mundis animalibus;³⁵ Abraham unicum filium Deo obtulit in sacrificium, quod quidem munus maximi fecit Deus;³⁶ filii Israel egressi ex Aegypto obtulerunt munera pretiosa pro constructione tabernaculi;³⁷ principes Israel in dedicatione sanctuarii magna munera obtulere;³⁸ Salomon in dedicatione templi magnum Domino obtulit palatum in habitaculum perpetuum;³⁹ sed respectu huius muneris nihil sunt alia omnia. Maximum munus Deo oblatum fuit munus Abraham, cum unicum filium Deo obtulit; sed quid est Isaac respectu Christi? Quid minuta coeli stella solis comparatione? Ille servus fuit, hic Dominus; ille filius hominis, hic Filius Dei; ille merus homo, hic verus Deus; ille imago Christi, hic verus Christus: *Tulerunt illum in Ierusalem ut sisterent eum Domino, quia omne masculinum adaperiens vulvam, sanctum Domino vo-*

31) Cf. Lv 12, 5; cpp. 21-22. et alibi.

32) Cf. Gn 4, 4.

33) Cf. 2 Rg 25, 14 sqq.

34) Cf. 2 Par 9, 9.

35) Cf. Gn 8, 20.

36) Cf. ibid. 22, 1 sqq.

37) Cf. Ex 35, 20-29.

38) Cf. 1 Par 29, 6-8.

39) Cf. 2 Par cpp. 3-4.

cabitur; Sanctifica mihi omne primogenitum... de filiis Israel; ⁴⁰ Christus autem primogenitus est Filius Dei: *Qui est imago Dei invisibilis, primogenitus omnis creaturae.* ⁴¹

Magnitudo huius muneris describitur in hodierno Evangelio, quia vocatur munus hoc *primogenitus filius Virginis,* ⁴² vocatur *consolatio Israel,* ⁴³ vocatur *Christus Domini,* ⁴⁴ vocatur *pax mundi,* ⁴⁵ *salutare Dei,* ⁴⁶ *lumen gentium et gloria Israelis.* ⁴⁷ Magnum munus, *in quo inhabitat omnis plenitudo Divinitatis corporaliter;* ⁴⁸ magnum munus in seipso, quoniam thesaurus est infinitus; magnum respectu donantis, quoniam Regina coeli est, et magnum, quia Deo donatur, qui Rex est et Monarcha universi.

Magnitudo oblationis descrip̄ta in Evangelio.

VII. Non misit munus hoc Virgo Beatissima, sed ipsa personaliter venit ad offerendum illud. Deus autem ad honorandum hoc munus misit ad accipiendo illud honestissimam personam: *Et ecce homo erat in Ierusalem, cui nomen Simeon, et homo iste iustus et timoratus, sive, ut graece est, eulabis religiosus, pius, expectans consolationem Israel, et Spiritus Sanctus erat in eo. Hic venit in Spiritu in templum..., et accepit eum in ulnas suas, et benedixit Deum.* ⁴⁹ Virum hunc misit Deus ad accipiendo hoc munus, imo, quid dico virum? misit Spiritum Sanctum, verum Deum, nam *Spiritus Sanctus erat in eo... venit in Spiritu in templum*, ita ut non per Angelorum aut Archangelorum manus divino conspectui praesentatum est hodie divinum hoc munus sed per manus Spiritus Sancti. *Accepit eum in ulnas suas, et laudare coepit ac magnificare accepti muneris praestantiam ac nobilitatem et magnitudinem, talibusque ac tantis laudibus extollere, quod erant pater eius et mater eius mirantes super his quae dicebantur de illo.* ⁵⁰

Oblatio Christi maxima omnium ex persona donante et acceptante.

VIII. Multa audierant ab Angelis et pastoribus in sacri natalis nocte: *Evangelizo vobis gaudium magnum, quod erit omni populo, quia natus est vobis hodie Salvator, qui est Christus Dominus;* ⁵¹ *Gloria in excelsis Deo, et in terra pax hominibus bonae voluntatis;* ⁵² et mirati sunt quidem pro rei admiranda magnitudine. ⁵³ Sed hodie multo magis admirati sunt,

Oblatio Christi maxima omnium ex dono homini facta.

Christus pax,

40) Ex 13, 1. 41) Col 1, 15. 42) Lc 2, 7, 23. 43) Ibid. 2, 26. 44) Ibid. 2, 26.
 45) Ibid. 2, 25, ut postea Auctor habet. 46) Ibid. 1, 29. 47) Ibid. 2, 32. 48) Col 2, 9.
 49) Lc 2, 25-28. 50) Ibid. 2, 33. 51) Ibid. 2, 10. 52) Ibid. 2, 14. Vulg. habet: *In altissimis.* Cf. Ibid. 2, 18.

salus et lumen
mundi ex
oraculo
Simeonis in
N. T.

quoniam ab ipso Spiritu Sancto audient Christum tantopere collaudari, nam a Spiritu Sancto per os Simeonis vocatur Christus *pax mundi*, idest, felicitas et vera consolatio, nam hoc verbo alluditur ad illud: *Expectans consolationem Israel*; ⁵⁴ consolatio autem haec Christus ipse futurus erat: *Responsum acceperat a Spiritu Sancto non visurum se mortem, nisi prius videret Christum Domini*. ⁵⁵ Nec tantum pax, idest, vera felicitas et perfecta consolatio appellatur, sed etiam *salutare Dei* paratum *ante faciem omnium populorum*, idest, ad salvandos omnes populos, hoc est, potens omnes aeterna vita donare; tertio *lumen gentium*, lux mundi, ⁵⁶ sol iustitiae: *In quo sunt omnes thesauri sapientiae et scientiae Dei*; ⁵⁷ et tandem quarto *gloria Israel*, Rex Israel gloriosissimus, aeterna gloria donans omnes fideles suos. Pax mundi Christus in incarnatione, salvator in passione, lumen gentium in resurrectione et gloria Israel in ascensione. Sic videmus hic quatuor facies admirabiles sacri animalis apud Ezechiel: ⁵⁸ faciem hominis in incarnatione, vituli in passione, leonis in resurrectione et aquilae, avium reginae, in ascensione cum super omnes coelos et Angelorum choros volavit. Haec autem audientes et intelligentes Virgo Sanctissima et Ioseph beatissimus erant pro dignitate rei mirantes.

Christus the-
saurus
omnis felicitatis
et pacis ex
oraculo Aggaei
in V. T.

Bone Deus, quanta gloria repletum fuit hodie templum Dei in Ierusalem ob Christi praesentationem! *Veniet ad templum suum Dominator, quem vos quaeritis, et Angelus Testamenti, quem vos vultis*. ⁵⁹ Existimo quod omnes Angeli paradisi hodie descenderunt de coelo ad videndum et honorandum tale tantumque munus; nam hoc forte est quod Dominus per Aggaicum ait: *Adhuc unum modicum est, et ego commovebo coelum et terram..., et movebo omnes gentes, et veniet Desideratus cunctis gentibus, et implebo domum istam gloria, dicit Dominus exercituum. Meum est argentum et meum est aurum, dicit Dominus exercituum. Magna erit gloria domus istius novissimae magis quam primae, dicit Dominus exercituum, et in loco isto dabo pacem, dicit Dominus exercituum*. ⁶⁰ Ubi nos legimus: *Veniet Desideratus cunctis gentibus, hebr. est: Venient Desideria omnium gentium*, nam felicitatem desiderant omnes.

Christus omnium
consolatio.

Christus autem thesaurus et fons perennis est instar solis omnis desiderabilis felicitatis, *Deus totius consolationis*; ⁶¹ hinc *totus est desiderabilis*, ⁶² in eo omne desiderium nostrum. Sed quid est quod ait: *In loco*

54) Ibid. 2, 25.

55) Ibid. 2, 26.

56) Io 8, 12.

57) Col 2, 3.

58) Cf. 1, 1 sqq.

59) Mal 3, 1.

60) 2, 7-10.

61) 2, Cor 1, 3.

62) Ct 5, 6.

isto dabo pacem, dicit Dominus exercituum, dictum Dei omnipotentis? Hodie Deus accipit et dat; accipit Christum a Maria et dat Christum Simeoni: *Accepit eum Simeon in ulnas suas;* accipiens autem Christum pacem accepit et omnem consolationem: *Nunc dimittis,* sive absolvis, *Domine, servum tuum in pace;*⁶³ quoniam acceperat iam consolationem Israel, quam tantopere expectaverat. Sic adimpletum est: *In loco isto dabo pacem, dicit Dominus exercituum;* et etiam: *Implebo domum istam gloria, quoniam veniet Desideratus sive Desiderium cunctarum gentium.*

IX. Tria mysteria habemus in hodierno Evangelio: primum est purificationis et sanctificationis Mariae per augmentum gratiae Spiritus Sancti; secundum est oblatio Christi facta Deo a Virgine; tertium est donatio Dei facta homini iuxta promissionem divinam: *Responsum accepit Simeon a Spiritu Sancto non visurum se mortem, nisi prius videret Christum Domini,* videret consolationem Israel. Hodie autem non tantum vidit, sed etiam *accepit eum in ulnas suas.* Multum promisit homini huic Deus, sed plus attendit; plus dedit quam promisit, dedit enim perfectam consolationem. Unde sicut patriarcha Iacob, cum vidisset dilectissimum Ioseph Aegypti principem factum, quem mortuum credebat, incredibili laetitia et ineffabili consolatione plenus, dixit: *Laetus moriar, quia vidi faciem tuam, et te superstitem relinqu;*⁶⁴ sic sanctissimus hic senex, viso Christo, ait: *Nunc dimittis servum tuum, Domine, secundum verbum tuum in pace,* idest, laetus et felix morior; et instar cygni cantando piae laetitia et mentis iubilo vult mori, mortemque desiderat non secus ac detentus in carcere multis annis desiderabilem omnibus libertatem. Hoc est: *Nunc dimittis, nunc absolvis: Cupio dissolvi et esse cum Christo.*⁶⁵

Primum mysterium purificationis est per excellentem gratiam Spiritus Sancti, quae principium habet, medium et finem; arbor enim virtutis primo quidem plantatur, postea crescit, tandem, facta perfecta, fructus optimos edit. Principium gratiae timor Domini est, ait enim: *Initium sapientiae timor Domini;*⁶⁶ sic iustificatur et sanctificatur anima, ut *declinet a malo et faciat bonum.*⁶⁷ Medium est ardens perfectionis desiderium, fames et siti iustitiae: *Si vis perfectus esse.*⁶⁸ *Estote... perfecti sicut Pater vester*

Synthesis sermonis. Tria mysteria hodie celebrantur: purificationis Virginis, oblatio Christi Deo, donatio Dei hominibus.

Purificatio significat excellentem gratiam Deiparae in supremo gradu caritatis constituta,

63) Lc 2, 29. Vulg. habet: *Servum tuum, Domine.* 64) Gn 46, 30. Vulg. habet: *Et superstitem te, etc.* 65) Phil 1, 23. Vulg. habet: *Desiderium habens, etc.* 66) Ps 110, 10.

67) 1 Petr 3, 11; Ps 36, 27. 68) Mt 19, 21.

*coelestis perfectus est.*⁶⁹ Finis autem est perfecta caritas, nam *finis... praecetti est caritas de corde puro et conscientia bona et fide non facta.*⁷⁰ *Super omnia... caritatem habete, quod est vinculum perfectionis.*⁷¹ Perfecta caritas Deum diligit ex toto corde, ex tota anima, ex tota mente et viribus,⁷² ita ut nihil diligit animus contra Deum, nihil supra Deum, nihil aequum ac Deum, sed vere Deum super omnia diligit.

cuius fructus
est oblatio Filii.

En fructus perfectae caritatis in Maria: dilectissimum Filium animo promptissimo offert Deo. Hinc in passione Christi, licet Virgo Sanctissima iuxta crucem staret,⁷³ non tamen insanos eiulatus edebat ex animi impotentialia, ut mulieres solent, sed fortissimo animo summum dolorem ferebat, dicens intra se: Iam Deo Filium meum obtuli, Deo dedi; si ita divinae Maiestati placet, fiat semper ipsius voluntas, sicut Christus in horto oravit.⁷⁴ Hic est perfectae caritatis fructus, quae maxime diligimus Deo sponte offerre ex animo, vero corde. Perfecta autem caritas donum Dei est, nam *caritas Dei diffusa est in cordibus nostris per Spiritum Sanctum, qui datus est nobis.*⁷⁵ Sic Virgo Beatissima a Deo per Spiritum Sanctum perfectissime fuit purificata.

In Simeone videmus initium, medium et finem sanctitatis: initium, quia *iustus erat*; medium, quia *eulabis, religiosus, pius*, Dei cultor et servus, *expectans consolationem Israel*; finem, quia *Spiritus Sanctus erat in eo* per caritatem perfectam.

Deus duo
requirit a nobis:
purgationem a
peccatis et
oblationem
bonorum
operum.

X. Duo sunt quae a nobis Deus requirit: purgationem ab omni immunditia cuiusvis peccati aut vitii, et oblationem primogenitorum ac primitarianum; Deus enim instar principis est, cui nonnisi optima ac pretiosissima praesentanda sunt donoque a servis offerenda. Haec duo perfectam complectuntur iustitiam: *Declina a malo et fac bonum, inquire pacem, idest, perfectionem, et prosequere eam.*⁷⁶ Sic etiam Paulus ait quod Deus venit in mundum *ut mundaret sibi populum acceptabilem sectatorem bonorum operum,*⁷⁷ et alibi, *ut, abnegantes impietatem et saecularia desideria, sobrie et iuste et pie vivamus in hoc saeculo, expectantes beatam spem et adventum gloriae magni Dei,*⁷⁸ nam hoc est *expectans consolationem Israel.*

69) Ibid. 5, 48. 70) 1 Tim 1, 5. 71) Col 3, 14. 72) Mt 22, 37; Lc 10, 27. 73) Cf. Io 19, 25. 74) Cf. Mt 26, 43. 75) Rom 5, 5. 76) Ps 33, 15. Vulg. loc.: *Declina* (Ps. 36, 27) et: *Prosequere* habet: *Diverte* et: *Persequere.* 77) Tit 2, 14. 78) Ibid. 2, 12-13.

SERMO QUARTUS

DE SINGULARI VIRGINIS PURITATE IN FESTIVITATE HODIERNA

Postquam impleti sunt dies purgationis Mariae secundum legem Moysi, tulerunt illum in Ierusalem, etc. ¹

I. Duo magna mysteria proponuntur in sacrosancto hodierno Evangelio, alterum quidem circa personam Virginis Sacratissimae, alterum vero circa personam Salvatoris; circa personam Virginis servatur lex purgationis muliebris ab immunditiis partus, circa personam vero Salvatoris lex sanctificationis primogenitorum, nam ait: *Sanctifica mihi omne primogenitum.* ² Mysteria haec duo sunt luminaria magna in coelo, magna sunt fidei et religionis nostrae sacramenta: alterum est divinae puritatis Mariae, alterum vero superhumanae, imo superangelicae ac divinissimae sanctitatis Christi.

Duo mysteria
in praesentatione: puritas
Mariae et
sanctitas Chsisti.

II. Sed quomodo sanctificatur hodie Christus, qui fons est omnis sanctitatis, *Sanctus Sanctorum et sol iustitiae?* A Malachia hodie ostenditur Christus verus Deus, omnis puritatis et sanctitatis auctor, ait enim: *Veniet ad templum suum Dominator, quem vos quaeritis, et Angelus testamenti, quem vos vultis.* ³ En Christi divinitas quoad naturam et personam; nam quoad naturam dicitur Dominus, cuius est templum, quoad personam vero et officium Angelus testamenti, ante quem aliis missus est praecursor angelus: *Ecce ego mitto angelum meum.* ⁴ Ostenditur etiam auctor puritatis

Sanctitas Christi
hodie non facta,
sed praesentata,
oblata ut hostia
sancta, agnita
et laudibus
celebrata.

1) Lc 2, 22.

2) Ex 13, 2.

3) 3, 1.

4) Ibid. 3, 1.

omnis et sanctitatis, cum dicitur: *Ipse... quasi ignis conflans*, idest, purificans metalla, *et sicut herba fullonum*, sive sapo, *sedebit conflans et emundans argentum*, et purgabit filios Levi, et colabit eos sicut aurum et tanquam argentum, et erunt Domino offerentes sacrificia in iustitia: ⁵ ecce puritas. Sic etiam Paulus docuit: *Qui, cum sit splendor gloriae et figura substantiae eius, portans... omnia verbo virtutis sua, purgationem peccatorum faciens, sedet ad dexteram Maiestatis in excelsis;* ⁶ hoc est quod Ioannes dixit: *Ecce Agnus Dei, ecce qui tollit peccata mundi.* ⁷

Quomodo ergo sanctificatur hodie? Quomodo ipse etiam in lege primogenitorum comprehenditur: *Sanctifica mihi omne primogenitum?* Legimus Christum sanctificatum a Deo: *Quem Pater sanctificavit et misit in mundum.* ⁸ Legimus unctum Spiritu Sancto: *Unxit te Deus, Deus tuus, oleo laetitiae p[re]a consortibus tuis;* ⁹ *Spiritus Domini super me, eo quod unxit... me;* ¹⁰ et in *Actis*: *Unxit eum Deus Spiritu Sancto et virtute,* ¹¹ sed quia: *Verbum caro factum est... plenum gratia et veritate.* ¹² Legimus etiam Christum sanctificatum a seipso, ait enim: *Pro eis ego sanctifico meipsum, ut sint et ipsi sanctificati in veritate,* ¹³ sed quia *per Spiritum Sanctum semetipsum obtulit immaculatum Deo,* ¹⁴ hostiam sanctam in ara crucis. Primogenita vero sanctificabantur, quia Deo consecrabantur, divinoque cultui dedicabantur, Christus autem templum fuit Deo dicatum: *Hoc autem dicebat de templo corporis sui,* ait Ioannes, cum dixit Christus: *Solvite templum hoc, et ego in tribus diebus excitabo illud.* ¹⁵ Sanctificatus est hodie Christus, quoniam semetipsum obtulit aeterno Patri in templo hostiam immaculatam, sanctam, Deo placentem: ¹⁶ Fiebat huiusmodi oblatio iuxta altare holocausti, ^{16a)} per quod ipsa Christi passio praesignificabatur. Sic igitur hodie sanctificatus est Christus, ut nos essemus sanctificati in veritate. Sanctificatus item est, quoniam in templo agnita est hodie et laudibus celebrata Christi sanctitas a Simeone et Anna. ¹⁷

Puritas Mariae
hodie super
omnem purita-
tem appetet,

III. Sicut autem sanctificatus est hodie Christus, ita purificata Maria: *Impleti sunt dies purgationis Mariae. Apparet in conspectu Dei perfecte pura, perfecte immaculata et sancta: Tota pulcra es, amica mea, et macula*

5) Ibid. 3, 2-3. 6) Hebr 1, 3. 7) 1, 29. Vulg.: *Peccatum; peccata ex edit. Sixt.* 8) Ibid. 10, 36.

9) Ps 44, 8. 10) Is 61, 1. Vulg. habet: *Unxerit, loc.: Unxit Lc 4, 18.* 11) 10, 38.

12) Io 1, 14. Vulg.: *Plenum gratiae et veritatis.* 13) Ibid. 17, 19. 14) Hebr 9, 14.

15) Io 2, 21, 19. 16) Cf. Rom 12, 1. 16a) Cf. Ex 40, 5-6; Lv 12, 6-7.

17) Cf. Lc 2, 28-32. 38.

non est in te.^{17 a)} Ipsa templum Dei totum sanctum: *In templo eius omnes dicent gloriam;*¹⁸ ex hebraeo possumus interpretari: *Omnia dicent gloriam*, hoc est, nihil est in templo Domini quod non sit gloriosum, splendidum, illustre, sicut in coelo nulla non splendet stella; templum namque Domini totum auro fulgebat.¹⁹

In templo Domini tres erant principales partes, atrium, sanctuarium et sanctum sanctorum,²⁰ designantes tres status sanctae Ecclesiae sub lege naturae, sub lege Moysi, et sub Evangelio Christi; sic enim Ecclesia semper profecit in melius in Dei cultu, in religione, in pietate, in sanctitate. Designabant etiam tres status fidelium, quos Dominus designavit per tres partes terrae bonaे, quarum altera attulit ex accepto semine triginta, altera sexaginta, altera centum:²¹ *Qui in corde bono et optimo.*²² Sic videmus crevisse Christi fidem pietatemque. Incepit in sanctis pastoribus,²³ profecit in Magis, qui et adoraverunt, et de thesauris suis munera obtulerunt,²⁴ perfecta videtur hodie in Simeone, qui accepit eum in ulnas suas benedicens Deum, Spiritu Sancto plenus.²⁵ Videmus in hoc Domini templo hodie tria templa sacratissima: templum Domini Simeon, quia *Spiritus Sanctus erat in eo*; templum Domini Mariae: *Ave, gratia plena, Dominus tecum...; Spiritus Sanctus superveniet in te;*²⁶ templum Domini Christus *in quo inhabitat omnis plenitudo Divinitatis corporaliter.*²⁷ Sanctus Simeon sicut tabernaculum Moysi,²⁸ sanctior Maria sicut templum Salomonis,²⁹ sanctissimus Christus sicut templum Ezechielis.³⁰ Sanctus Simeon, quia: *Homo erat in Ierusalem... iustus et timoratus*, idest, pius erga Deum, *expectans consolationem Israel, et Spiritus Sanctus erat in eo.*³¹

Divus Paulus, sanctitatem tribus partibus conclusit, dicens: *Sobrie et iuste et pie vivamus..., expectantes beatam spem et adventum gloriae magni Dei.*³² Omnes hae partes adamassim reperiuntur in Simeone. Sed qualis erat haec sanctitas in Maria? Qualis [plane] in ea sobrietas, quae Virgo erat castissima, purissima, sanctissima, Angelis multo purior sanctiorque; sic vere Spiritu Sancto erat plenissima. Qualis iustitia. In hodierno Evangelio quatuor vicibus lex Domini commemoratur, summa cum diligentia observata in omnibus est: *Impleti sunt dies purgationis Mariae secundum*

quia ipsa perfectam sanctitatem exercuit
in sobrietate,

in iustitia

17 a) Ct 4, 7. 18) Ps 28, 9. 19) Cf. 3 Rg 6, 22. 20) Cf. 2 Par 3, 1 sqq.; Hebr 9, 2-3.
21) Cf. Mc 4, 1-9. 22) Lc 8, 15. 23) Cf. ibid. 2, 8-20. 24) Cf. Mt 2, 9-12. 25) Cf. Lc 2,
28. 25. 26) Ibid. 1, 28. 35. 27) Col 2, 9. 28) Cf. Ex 40, 1 sqq. 29) Cf. 2 Par
3, 1 sqq. 30) Cf. Ez cпп. 40-42. 31) Lc 2, 25. 32) Tit 2, 12.

*legem Moysi.*³³ *Tulerunt eum in Ierusalem, ut sisterent eum Domino, sicut scriptum est in lege Domini.*³⁴ *Et ut darent hostiam secundum quod scriptum est in lege Domini.*³⁵ *Cum inducerent puerum Iesum, ut facerent secundum consuetudinem legis pro eo.*³⁶ Haec vera ac perfecta iustitia omnem vitam suam moderari ad normam divinae legis. Ipsius autem devotion, religio, pietas in Deum, vera caritas hodie conspicitur, nam cum Abraham³⁷ iussu divinae legis Deo offert unicum ac dilectissimum Filium etiam in sacrificium, in mortem; ideo cum turturibus sive pullis columbarum obtulit,^{37a} qui in mysterium passionis Christi immolabantur, alter quidem in holocaustum, alter vero in sacrificium pro peccato,³⁸ sicut ipse etiam Christus per *Spiritum Sanctum semetipsum obtulit immaculatum Deo.*^{38a} Virginis apparet divina puritas, quoniam puritas cordis et animi idem est ac sanctitas, idem ac caritas, qua super omnia ex corde diligitur Deus. Sanctitas autem perfecta consistit in perfecta divinarum legum observatione; divina autem lex a Virgine Sacratissima ad unguem servata est in omnibus. Caritas autem erga Deum tunc vera perfectaque est, cum carior nobis est rebus quibuscumque carissimis, ita ut prompto hilarique animo propter Deum etiam carissimarum rerum iacturam faciamus, sicut in Abraham patuit; Maria autem hodie, ut divinis mandatis obtemperaret, sicut et Abraham, unicum et superdilectissimum Filium Deo obtulit. De caritate Dei erga Mariam dici potest quod *sic... Deus dilexit Mariam, ut ei Filium suum Unigenitum daret;*³⁹ sic item de caritate Mariae erga Deum, sic Maria dilexit Deum, ut Filium suum unigenitum daret offeretque Deo.

Mariae puritas
apparet in
plenitudine
Spiritus Sancti
et in coniunctione
intima
Christi.

IV. Consistit puritas in gratia et plenitudine Spiritus Sancti; Maria autem gratia et Spiritu Sancto plena et superplena fuit.⁴⁰ Consistit in unione spiritus nostri cum Deo, qui fons est omnis puritatis, sicut sol fons omnis lucis. Quo stella est soli vicinior, eo est splendidior clariorque, uti in stella matutina liquido patet. Christus autem fons est omnis puritatis et sanctitatis, cum Deus sit; Maria autem Christo coniunctissima, unus cum eo spiritus, unum cor.⁴¹

33) Lc 2, 22.

34) Ibid. loc. cit.

35) Ibid. 2, 24.

36) Ibid. 2, 27.

37) Cf. Gn 22, 1 sqq.

37a) Cf. Lc 2, 24.

38) Cf. Lv 12, 6.

38a) Hebr 9, 14.

39) Io 3, 16.

40) Cf. Lc 1, 28. 35.

41) Cf. 1 Cor 6, 17)

V. Purificata dicitur hodie per augmentum magnum divinae puritatis, sanctitatis et gratiae. Sicut per accessum solis ad nos ab australibus signis ad aquilonaria coelum nostri hemisphaerii multo magis clarificatur et illuminatur, et dies ipse, licet a primo mane clarus, ad meridiem usque, ascendentे sole usque ad summum coeli, semper fit clarior; ita crevit semper sanctitas divinaque gratia in Maria usque in finem.

Puritas Mariae
hodie apparet,
quia per sacrificium oblationis
Fili magnum
acepit augmentum puritatis.

Pro purificanda muliere offerebantur duo turtures sive duo pulli columbarum, alter in holocaustum, alter vero in sacrificium pro peccato,⁴² quia in nostra iustificatione deletur peccatum, et infunditur gratia Spiritus Sancti divinaque caritas, quae *diffusa est in cordibus nostris per Spiritum Sanctum, qui datus est nobis.*⁴³ In iustificatione autem Mariae, quoniam ab omni peccato praeservata fuit, sicut etiam divinitus praeservata fuit a profluvio sanguinis menstrui ex partu; si enim naturaliter tantum Christum concepisset et peperisset, fuisset utique secundum legem immunda propter fluxum sanguinis menstrui; sed quia divinitus praeservata fuit ab huiusmodi sanguine ob divinum Filii sui partum, non eguit vere tali purgatione secundum legem; sic etiam in iustificatione; quoniam ab omni peccato divinitus praeservata fuit, in ipsius iustificatione gratia tantum infusa fuit, cum nulla esset quae deleretur culpa. Purificata tamen dicitur per gratiam, quoniam, sicut proprium lucis est purificare aerem a tenebris, nec quia superveniens nova lux in clarum illuminatumque aerem ideo non habere vim purificandi censenda est; similiter de gratia dicendum. Cum in animam infunditur, purificat eam ab omnibus peccatis, quod, si nullum in anima reperit peccatum, magis magisque purificat et clarificat.

Quare fuit iustificatio Mariae sicut sanctificatio Angelorum in coelo, sicut sanctificatio Adami et Evae in paradyso. Quare, si in ipsius legali purificatione, quae tota mystica extitit, avis etiam in sacrificium pro peccato immolata fuit, per sacrificium illud Virgo magnam accepit gratiae divinae copiam, qua magis magisque ab omni praeservaretur peccato; nam naturaliter peccare poterat etiam sine peccato concepta, sicut peccavit Eva, sicut peccaverunt Angeli; sed per divinam gratiam ab omni penitus peccati macula praeservata fuit et minima et venialissima. Sic fuit sanctitas Virginis quam simillima sanctitati Christi, licet gradibus multo inferior, ut luna sole.

42) Cf. Lv 12, 8.

43) Rom 5, 5.

SERMO QUINTUS

DE VIRGINIS SANCTIFICATIONE IN FESTIVITATE HODIERNA

*Postquam impleti sunt dies purgationis, etc.*¹

Maria hodie
purificata, idest,
maxime sancti-
ficata.

I. Loquitur de purificatione legali, quae corporalis quidem erat, sed tamen spiritualem significabat per sanctificationem spiritus. Maria hodie purificata est, maxime sanctificata: *Qui sanctus est sanctificetur adhuc; qui iustus est iustificetur adhuc.*² Solus Christus adeo sanctus fuit quod non potuit amplius sanctificari, nec maiori gratia repleri: *Verbum caro factum est... plenum gratiae et veritatis... et de plenitudine eius,* etc.,³ hinc a Seraphim ter sanctus dicitur.⁴ Maria autem plena quidem fuit gratia et sanctitate, ita inventa ac salutata fuit ab Angelo;⁵ sed tamen adhuc capax erat maioris gratiae, maioris sanctitatis; hinc dixit ei Angelus: *Spiritus Sanctus superveniet in te,* etc.⁶ Quare semper crescebat in virtute, in gratia, in sanctitate; hinc de ea Salomon ait: *Quae est ista quae progradientur quasi aurora,* etc.,⁷ procedit a minori lumine ad maius usque ad summum, quod est in sole.

Maria hodie
maxime sancti-
ficata
oblatione Filii.

II. Augetur autem gratia in Sanctis actibus pietatis erga Deum, maxime vero actibus caritatis: *Faciens misericordiam in millibus his qui diligunt me.*⁸ *Ego diligentes me diligo.*⁹ Sic Abraham diligendo Deum et offe-

1) Lc 2, 22. 2) Apc 22, 11. Vulg. habet: *Qui iustus est... et sanctus,* etc. 3) Io 1, 14, 16.
4) Cf. Is 6, 3. 5) Cf. Lc 1, 28. 6) Ibid. 1, 35. 7) Ct 6, 9. 8) Ex 20, 6.
Vulg. habet: *In millia.* 9) Prv 8, 17.

rendo ei dilectissimum filium maximam meruit benedictionem: *Per me met ipsum iuravi, dicit Dominus*, etc.¹⁰ Qualem ergo meruit hodie Virgo Sanctissima benedictionem offerendo Unigenitum suum! Bone Deus, quale munus! quale donum! quale homagium! Ad suscipiendum hoc munus misit Deus Simeonem, imo misit Spiritum Sanctum qui erat in eo,¹¹ qui munus accepit in manibus, et summopere laudavit: *Quia viderunt oculi mei salutem... omnium populorum, lumen ad revelationem gentium et gloriam... Israel.*¹²

III. Cum autem Deus munera sibi facta centuplo remuneret,¹³ quid egerit hodie, ut tale tantumque munus remuneraret! De remuneratione autem nihil dicitur nisi quod *benedixit* eis *Simeon*.¹⁴ Benedictio autem in Divinis Litteris copiam bonorum significat. Bona autem sunt vel naturae aut fortunae in hoc mundo, vel gratiae in Ecclesia, vel gloriae in paradiſo. Hodie autem Maria non accepit dona corporalia a Deo nec bona gloriae, et tamen remunerata fuit benedictione, sicut regina Saba remunerata fuit a Salomone;¹⁵ benedictione ergo et copia bonorum spiritualium gratiae et donorum Spiritus Sancti. At vero non dicitur qua benedictione, sed tantum quod *benedixit* eis *Simeon*, in quo erat Spiritus Sanctus; plane quoniam ineffabilis est haec benedictio, si consideremus dignitatem offentis, magnitudinem rei oblatae sive oblationis, et naturam principis munerantis, qui munera centuplo remunerare solet. Cum igitur hodie Virgo Deipara ineffabile donum gratiae et singularis sanctificationis a Deo acceperit; quid mirum si purificata dicitur! Sicut enim aget Deus cum sole, cum eum septuplo maiori luce donabit, et cum lunam plenam solari luce donabit;¹⁶ ita egit hodie cum Virgine. Dives valde erat donis gratiae, hodie multo ditionem ac locupletiorem fecit ineffabili gratiarum thesauro donatam.

Maria hodie
maxime sancti-
ficata benedic-
tione Simeonis,
idest, copia
bonorum spiri-
tualium gratiae.

IV. Videndum autem quibus mediis Virgo Sanctissima talem tantumque puritatis et sanctitatis thesaurum hodie meruit et acquisivit. Videtur autem mihi quod principio quidem gratitudine animi, nam redonat hodie Deo donum quod ab eo accepit; deinde humili obedientia legis,¹⁷ cui tamen

Maria hanc
sanctificationem
meruit gratitu-
dine animi,
humili obedi-
entia legi, actibus
pietatis.

10) Gn 22, 16. 11) Cf. Lc 2, 25. 12) Ibid. 2, 30-42. Vulg. loc.: *Salutem*, habet: *Salutare*.
12 a) Cf. Mt 19, 29. 13) Ibid. 2, 34. 14) Cf. 3 Rg 10, 13. 15) Cf. Is 30, 26.
16) Cf. Lc 2, 23-24. 39.

non erat hac in parte subiecta; tertio actibus pietatis, orationibus et oblationibus in templo, offert enim puras aves Deoque acceptas.¹⁷ Hisce actibus nos quoque puritatem et sanctitatem possumus mereri. Simus grati Deo de acceptis beneficiis, obediamus divinis mandatis, simus erga Deum pii.

17) Cf. Lc 2, 24; Lv 11, 13-19.

SERMO SEXTUS

DE VIRGINIS SANCTITATE CARITATE ET DIGNITATE IN FESTIVITATE HODIERNA

Postquam impleti sunt dies, etc. ¹

I. Duo sunt quae proponuntur nobis in hodierno Evangelio: purificatio Virginis et praesentatio ac oblatio Filii, et utrumque novum, nullius enim alterius matris purificationem legimus in Scripturis, nec primogeniti filii oblationem, licet utrumque mandatum esset in lege.² Obtulit quidem Anna mater Samuelis filium suum, sed ratione voti, non ratione praecepti legis divinae; hinc obtulit ablactatum, ut perpetuo maneret in templo prout voverat Domino.³

In his autem duobus mysteriis in Beata Virgine tria nobis conspicua fiunt: ipsius sanctitas, ipsius caritas et ipsius divina dignitas atque auctoritas.

II. Sanctitas in divinarum legum diligentissima observatione; hanc enim statuit omnium actionum suarum regulam rectissimam iustissimamque amussim. Hinc toties in hodierno Evangelio mentio fit divinae legis: *Postquam impleti sunt dies purgationis... secundum legem Moysi, tulerunt illum in Ierusalem... sicut scriptum est in lege Domini...; et ut darent hostiam, secundum quod dictum est in lege Domini.*⁴ *Et... ut facerent secundum consuetudinem legis pro eo.*⁵ *Et ut perfecerunt omnia secundum legem Domini.*⁶ Sic luce clarius videtur diligentissima observatio divinarum legum, perfectissima obedientia in omnibus et per omnia, et quidem maxime

Duo proponuntur
hodie: oblatio
Christi et purifi-
cationis Virginis,
et in his sancti-
tas, caritas
et dignitas
Deiparae.

Sanctitas Dei-
parae per omni-
modam obe-
dientiam legis.

1) Lc 2, 22.

2) Cf. Lv 12, 6-8; Ex 12, 2, 12.

3) Cf. 1 Rg 1, 24-28.

4) Lc 2, 22-24.

5) Ibid. 2, 27.

6) Ibid. 2, 39.

spontanea et summa cum humilitate coniuncta; neque enim divinis hisce legibus subdita erat, cum supra naturam, supra legem concepisset ac peripisset ipsum naturae et legis Auctorem.

Caritas Deiparae
in oblatione
Fili.

III. Elucet etiam caritas, quia unicum Filium Deo sicut Abraham⁷ offerebat; nam obtulit in templo, in loco sacrificii, quod passionem et mortem Christi designabat. Sic summa Virginis erga Deum caritas una cum summa animi gratitudine hoc facto praecclare ostenditur. Ipsa enim ut *gratia plena*⁸ Deum super omnem creaturam ex toto corde totaque anima et viribus dilexit; ⁹ summopere dilecta et amata redamavit. *Sic enim Deus dilexit Virginem ut Filium suum ei Unigenitum daret;*¹⁰ ipsa vero hodie hunc redonavit.

Dignitas Dei-
parae, quia
offert qua vera
Mater Christi.

IV. Tandem elucet in his mysteriis Beatae Virginis divina dignitas et auctoritas, nam ut vera et naturalis Mater Christi eum Deo munus offert, praesentat donatque.

Deus autem ad tale tantumque munus accipiendum non Angelum aut Archangelum sed ipsum Spiritum Sanctum in Simeone mittit,¹¹ ad ostendendam talis tantique muneris dignitatem. Declaraverat Spiritus Sanctus per Elisabeth Virginem Beatam veram Dei Matrem, dum adhuc Filium gestaret in utero: *Unde hoc mihi, ut veniat Mater Domini mei ad me?*¹² Nunc autem ipsa Virgo Beata tanquam vera Mater Dei et Domini Angelorum ipsum Deo Patri offert munus aeternum, thesaurum inaestimabilem, in quo sunt omnes thesauri divitiarum Dei.¹³

Deus respexit
ad oblationem
Mariae.

V. Sicut autem olim *respexit Deus ad Abel et ad munera eius,*¹⁴ ita hodie respexit ad Virginem et ad munus ipsius, ac propterea ipsum Spiritum Sanctum misit in Simeone et Anna sanctissima muliere, qui acceptum hoc munus in manibus tanquam gratissimum divinis laudibus celebrarent.¹⁵ Solemne enim est ut munus quod accipitur pro dignitate laudetur; sic enim ostenditur quam gratum sit acceptumque munus.

7) Cf. Gn 22, 1-10.

8) Lc 1, 28.

9) Cf. Dt 6, 5; Lc 10, 27.

10) Io 3, 15.

11) Cf. Lc 2, 26-27.

12) Ibid. 1, 43.

13) Cf. Col 2, 3.

14) Gn 4, 4.

15) Cf. Lc 2, 28-38.

3.

IN VISITATIONEM

SERMONES DUO

SERMO PRIMUS

DE VISITATIONIS MYSTERIO INFINITAE HUMILITATIS ET CARITATIS OPERE

Exurgens... Maria... abiit in montana cum festinatione..., et intravit in domum Zachariae, et salutavit Elisabeth.¹

I. Visitat hodie Sanctissima et Beatissima Virgo sanctam matrem Praecursoris Christi Elisabeth, opus plane infinitae tum humilitatis tum caritatis, non tantum ipsius Virginis, sed ipsius Christi Unigeniti Filii Dei, qui hodie in Virgine Ioannem visitavit, sanctificavit Spiritu Sancto, gaudio et exultatione replevit. Bone Deus, *quid est homo, quod memor es eius, aut filius hominis*, quia *visitas eum?*² Deus hodie hominem visitat, et Mater Dei hominis matrem: *Unde hoc mihi, ut veniat Mater Domini mei ad me?*³ Altissima Regina et Imperatrix humillimam visitat servam ad eam ditandam et magnis beneficiis afficiendam.

Visitatio opus infinitae humilitatis et caritatis, non tantum Virginis sed etiam Christi.

Maria luna
humilitatis et so
caritatis.

1) Lc 1, 39-40.

2) Ps 8, 5.

3) Lc 1, 43.

4) Ct 6, 9.

omnes Santos paradisi superat luce gratiae et ardore caritatis. Hinc *nigra* dicitur, *sed formosa*:⁵ nigra ex humilitate, *quia decoloravit me sol*,⁶ sicut enim candidissimus solis radius faciei candorem denigrat, sic altissima lux cognitionis divinae in mente humilitatem parit; *sed formosa* ex caritate: *Tota pulcra es, amica mea.*⁷

Maria, arca Dei,
benedictionem
domui Zachariae
impertit.

Conduxit David rex arcum Dei viventis in domum Obededom sacerdotis, ibique tribus mensibus eam dimisit. *Et benedixit Dominus Obededom et omnem domum eius*,⁸ idest, multis eum beneficiis affecit. Sic Deus hodie conduxit in domum Zachariae sacerdotis vivam arcum Divinitatis Mariam Virginem, ubi tribus mensibus manet. Hinc diffundit benedictionem suam Deus super domum hanc; nam Spiritu Sancto repletur Zacharias,⁹ Spiritu Sancto repletur Elisabeth,¹⁰ Spiritu Sancto Ioannes in utero matris, saltans veluti alter David coram arca Domini: *Exultavit infans in gaudio in utero meo.*¹¹ Hoc autem ad vocem Virginis, quoniam post Verbi Dei incarnationem et cum Unigenitum Filium Dei Spiritus Sancti opera conceperat, Beatissima Virgo *exurgens... abiit in montana cum festinatione...*, et *intravit in domum Zachariae, et salutavit Elisabeth; et factum est ut audiret salutationem Mariae Elisabeth..., repleta est Spiritu Sancto*, eodem Spiritu quo plena erat Maria, sicut luna coram sole lumine solis repletur.

Quis visitat?
Maria mulier
infinitae
excellentiae

II. Videndum autem nobis est quis visitat, quis visitatur, quomodo et ad quid visitatio ista facta est.

Visitat Maria Elisabeth, Christus Ioannem, Deus hominem, Mater Dei matrem hominis: *Unde hoc mihi, ut veniat Mater Domini mei ad me?* Visitans dicitur Maria *benedicta inter mulieres*,¹² *Mater Domini, et beata quae credidit.*¹³ Mulier infinitae excellentiae quoad naturam, quia *Mater Domini*, quoad gratiam, quia *benedicta inter mulieres*, et quoad gloriam, quia *beata quae credidisti*.

quoad naturam,
quia Mater Dei;

Est Beata Virgo vera et naturalis Mater Christi, qui verus et naturalis est Deus; ergo infinitis gradibus omnem excedit etiam Angelorum dignitatem, *tanto melior Angelis effecta quanto differentius p[re]ae illis nomen hereditavit.*¹⁴ Omnis dignitas Angelorum Sanctorumque omnium dignitati

5) Ibid. 1, 4.

9) Cf. Lc 1, 67.

infans in utero meo.

14) Hebr 1, 4.

6) Ibid. 1, 5.

10) Cf. ibid. 1, 41.

12) Ibid. 1, 43.

7) Ibid. 4, 7.

11) Ibid. 1, 44. Vulg.: *Exultavit in gaudio*

8) 2 Rg 6, 10-11.

13) Lc 1, 45. Vulg.: *Beata quae credidisti.*

Virginis comparata luna est respectu lucidissimi solis; hinc ipsa sole amicta est et stellis coronata, lunam sub pedibus habet.¹⁵

Quoad excellentiam vero gratiae: *Benedicta tu in mulieribus*,¹⁶ sic dicit ei Elisabeth; sic prius dixerat ei Archangelus Gabriel: *Ave, gratia plena, Dominus tecum, benedicta tu inter mulieres*:¹⁷ tu sola super omnes mulieres benedicta, divinis beneficiis affecta, quia sic Virginem hanc dilexit Deus ut ei Unigenitum Filium suum daret.¹⁸ Hoc est *Dominus tecum*, cum omni plenitudine Divinitatis; *benedicta tu in mulieribus*, quia *benedictus fructus ventris tui*. Gratia plenus Christus, gratia plena Maria; gratia plenus Christus super omnes Santos, quia Filius Dei; gratia plena Maria similiter super omnes Santos post Christum, quia Mater Dei. Benedicta fuit Eva mox ut formata fuit,^{18a} sed multo magis Maria; illa enim peccare potuit, fuitque causa perditionis, haec vero peccare non potuit, et causa fuit aeternae salutis.

Benedicta tu super omnes mulieres, quoniam in te nulla penitus reperitur maledictio; *benedicta tu*, omni gratia plena. Est anima natura infinitae capacitatis in intellectu et voluntate; in intellectu quidem ad cognoscendum verum, et in voluntate ad desiderandum bonum. Maria autem *gratia plena* est. Viduae illi de uxoribus Prophetarum tantum olei divino miraculo collatum fuit, quantum vasa capere potuerunt; tunc stetit oleum, cum non fuit amplius vas quod impleretur.¹⁹ Sic omnia vasa potentiarum animae Sanctissimae Virginis divina gratia repletae fuerunt. Hoc est: *Benedicta tu in mulieribus*. Est Maria vas illud novum plenum sale ad sanandas pessimas aquas Iericho,²⁰ vas plenum coelesti manna,²¹ mare aeneum plenum aquis in templo Dei in medio duarum columnarum Iachim et Booz.²² Gratia enim suapte natura duo requirit: rectitudinem animi cordisque firmitatem, ubi nulla sit vitiorum obliquitas, nulla infirmitas; et virtutum vigorem ad bonum operandum. Primum significat *Iachin*, quod *firmum rectumque* significat, alterum vero *Booz*, quod est *virtus et fortitudo*. Sic Beata Virgo turris est David aedificata cum propugnaculis, ex quā mille clypei pendent, omnis armatura fortium.²³ *Benedicta tu*, omni plenitudine Spiritus Sancti plena, adeo ut Angelos etiam superaret sanctitatem, quā nihil sub Deo sanctius esse posset, sicut arca sub divino propitiatorio.²⁴

15) Cf. Apc 12, 1. 16) Lc 1, 42. Vulg.: *Benedicta tu inter mulieres*. 17) Ibid. 1, 28. Vulg.: *Benedicta tu in mulieribus*. 18) Io 3, 16. 18a) Cf. Gn 1, 27-28. 19) Cf. 4 Rg 4, 1-7.
20) Cf. ibid. 2, 20-22. 21) Cf. Ex 16, 33; Hebr 9, 4. 22) Cf. 3 Rg 7, 21-27.
23) Cf. Ct 4, 4. 24) Cf. 3 Rg 8, 6-7.

quoad gratiam,
qua gratia
plena super
omnes Santos,

in omnibus
potentias ani-
mae,

similis vasis
in S. Scriptura
numeratis,
et columnis in
templo.

quoad gloriam,
quia Mater,
Filia et
Sponsa Dei.

Et tandem infinitae excellentiae quoad gloriam: *Beata quae credidisti,*
nihil enim sub Deo gloriosius esse potest, haec enim Regina coeli est,
Domina Angelorum, Imperatrix paradisi, Filia summi Patris, Mater Unigeniti
Filii Dei, Sponsa Spiritus Sancti: *Spiritus Sanctus superveniet in te,*
*et virtus Altissimi obumbrabit tibi.*²⁵ Visitat mulier, in qua *omnis* habitat
*plenitudo Divinitatis corporaliter.*²⁶

Visitatur Elisabeth, mulier
infinitis gradibus
minor Maria; hinc istius
humilitas et
caritas.

III. Visitatur autem Elisabeth, mulier quidem nobilis apud Deum et homines, sed infinitis gradibus inferior in omni nobilitatis genere Maria. Hinc elucet Beatissimae Virginis infinita humilitas; sed non minor caritas, pergit enim ex caritate, ut congratularetur Elisabethae, quod divino miraculo magnoque Dei beneficio filium concepisset, sicut ab Angelo didicerat: *Ecce Elisabeth cognata tua, et ipsa concepit filium in senectute sua, et hic mensis est sextus ei, quae vocatur sterilis, quia non erit impossibile apud Deum omne verbum.*²⁷ In nativitate Ioannis vicini et cognati congratulabantur sanctae Elisabethae, eo quod Dominus magnificarat misericordiam suam cum illa;²⁸ sed Beata Virgo ante omnes ei congratulari voluit.

Visitatio fit cum
festinatione,
idest, cum
spiritus ardore,

IV. Sed videamus quomodo ad visitandum pergit. *Exurgens*, inquit, *Maria... abiit in montana cum festinatione.* Pergit non lento gradu, sed *cum festinatione*, quod quidem indicium est fervoris spiritus et ardentissimae caritatis. Erat plena Deo, Deus autem ignis est;²⁹ erat plena Spiritu Sancto, is autem super Christifideles in igne descendit;³⁰ ignis vero operatorius est, magna cum vehementia et celeritate operatur. Corpus non movetur nisi ab anima, sine qua nonnisi pondus est inutile terrae. Anima autem Sanctissimae Virginis nonnisi a Deo, a Spiritu Sancto movebatur, cui per omnia ad nutum obediebat. Sicut militaris equus optime instructus equitis, a quo regitur, nutui facillime et promptissime parens; sic erat Beatissima Virgo Deo obediens. A Deo igitur impulsa et Spiritu Sancto sugerente Virgo Deo plena iter hoc aggressa est, et iter quidem arduum; nam *abiit in montana*, sed *cum festinatione*, tanquam aquila pernicissimo³¹ volatu ad supera tendit.

25) Lc 1, 35.

26) Col 2, 9.

27) Lc 1, 36-37. Vulg. habet: *Et hic mensis sextus est illi, etc.*

28) Cf. ibid. 1, 58.

29) Cf. Dt 4, 24.

30) Cf. Act 2, 3-4.

31) Ms.: *Pernicissimo.*

Sed, si divino impulsu Virgo Deipara in montana perrexit, quidnam, quae, Spiritus Sanctus festinatione hac indicare fidelibus voluit? Multa quidem. Primo ad ostendendam spiritus ferventiam et ardentissimam caritatem Virginis, nam « nescit tarda molimina Spiritus Sancti gratia ». ³² Erat enim veluti Angelus Domini tota spiritus et flamma ignis. ^{32a} Diligebat toto corde et viribus Deum et proximum propter Deum; unus est enim habitus caritatis, ex quo duae hae dilectiones oriuntur, veluti ex una radice duo rami et ex uno fonte duo rivuli. Fruebatur Maria, quae *optimam partem elegit*, ³³ Deo in otio et quiete contemplationis; hoc est enim: *Exurgens*. Surrexit a quiete divinae contemplationis, seu non minus sollicita erat cum Martha ³⁴ in officio pietatis ex divina caritate; hinc, quiete contemplationis dimissa, *exurgens abiit in montana*, sed *cum festinatione* ad vetulam cognatam solatio et consolatione afficiendam, imo ad eam coelestium gratiarum participem faciendam Sanctoque Spiritu implendam, ut, sicut Deus de spiritu Moysis dedit septuaginta senioribus, ³⁵ ita Christus de spiritu Mariae daret etiam Elisabethae.

Deinde hac festinatione Spiritus Sanctus ostendere voluit Sanctissimae Virginis promptissimam obedientiam, qua divinis inspirationibus, nutibus obtemperabat. Hoc enim primum est quod a fidelibus suis Deus requirit, obedientiam magis vult quam sacrificia. ³⁶ Ob hanc sanctus Abraham Deo acceptissimus fuit, propter quam nec unigenito filio pepercit. ³⁷

Tertio ad ostendendam Christi obedientiam, missus enim fuit Christus a Patre in mundum ad redimendum genus humanum de potestate diaboli, ad destruendum peccatum, ad sanctificandas animas; hoc in mandatis accepit a Patre. Ipse vero statim post incarnationem summa cum festinatione divinum hoc opus incipere voluit; hinc cum festinatione perrexit ad sanctificandam animam Ioannis, ad delendum originale peccatum, ad eripiendam eam de manu diaboli; non enim Ioannes uti Christus ex Spiritu Sancto et Sanctissima Virgo ex gratia speciali sine peccato originali conceptus fuit, sed *conceptus filius irae*. ^{37a} Hinc Christus hodie cum festinatione incepit opus redemptionis humanae; siquidem de eo scriptum est: *Voca nomen eius: Accelera spolium, festina praedari*; ³⁸ ideo cum festinatione perrexit.

ad ostendendam
ardentissimam
caritatem

et promptissi-
mam obedien-
tiā Virginis

et etiam Christi
qui statim
incipit opus
redemptionis
humanae;

³²) D. Ambros. *Exposit. Evang. sec. Lc* 1, 39-40, lib. 2, n. 19. (P. L. 15, 1288). ^{32a)} Cf. Ps 103, 4; Hebr 1, 7. ³³) Lc 10, 42. ³⁴⁾ Cf. ibid. 10, 40. ³⁵⁾ Cf. Nm 11, 25. ³⁶⁾ Cf. Os 6, 6; Mt 9, 13. ³⁷⁾ Cf. Gn 22, 1 sqq. ^{37a)} Cf. Eph 2, 3.
³⁸⁾ Is 8, 3. Vulg. loc: *Accelera spolium, ex hebr., habet: Accelera spolia detrahere.*

item ad ostendam pietatem
Dei, qui, facilior
ad miserendum
et tardior ad
puniendum,

Quarto ad ostendendum divinae caritatis et pietatis ingenium. Sunt quidem in Deo misericordia et iustitia aequales, sicut in homine manus dextera et sinistra, infinita iustitia sicut et misericordia; in sole lux et igneus calor paria sunt; sed *miserationes eius super omnia opera eius.*³⁹ Promptior ad operandum est manus dextera quam sinistra, sol multo faciliter illuminat, quam calefaciat uratque; ad miserendum promptus est Deus, sed tardus ad vindictam, tardus ad iram.^{39a} Cum peccasset Adam, lento gradu venit Deus ad peccatum illud puniendum, venit enim ambulando ad auram post meridiem;⁴⁰ videns impietatem hominum tempore Noe, distulit vindictam per centum annos,⁴¹ *nolens aliquos perire, sed omnes ad poenitentiam converti,*⁴² *ut salvi fiant;*⁴³ veniens ad comburendam Pentapolim lento gradu incessit cum Abraham;⁴⁴ volens flagellare Aegyptum, Pharaonem prius non semel aut bis, sed pluribus datis signis admonuit,⁴⁵ ut divinam effugeret iram; sic tardus ad iram Deus, quoniam totus bonitas et benignitas est. Punire autem alienum est opus ab eo, ut Isaias ait 28,⁴⁶ proprium autem misereri semper et parcere;^{46a} non enim absque demeritis punit, sed absque ullis meritis miseretur. Sic enim hodie absque ullis praexistentibus meritis Joannem sanctificavit, et Spiritu Sancto replevit; et ad hoc agendum non lento gradu, sed cum festinatione venit: *Exultavit ut gigas ad currēdā viam.*⁴⁷ O admiranda Dei misericordia! Hinc Cherubim in sancta sanctorum veluti admirantes divinum propitiatorium intuebantur;⁴⁸ instituit enim in divino sanctuario propitiatorium, locum indulgentiae et remissionis omnium peccatorum, instituit clementissimae misericordiae sedem ad delenda peccata, non ad punienda ex severa iustitia et rigido iudicio.

ut hodie ostendit
replendo
Spiritu Sancto
Elisabeth

Sic festinat hodie ad miserendum, ad praestandum beneficia, ad communicandam gratiam bonitatemque suam. Ad vocem enim Virginis, qua veluti instrumento usus est, sicut cithara Davidis ad expellendum malum spiritum a Saule,⁴⁹ et sicut ad cantum psaltis Eliseus Spiritu Sancto repletus fuit,⁵⁰ magno miraculo replevit Spiritu Sancto Elisabeth et Ioannem infantulum adhuc in matris utero delitescentem: *Ut audivit salutationem Mariae Elisabeth, exultavit infans in utero eius, et repleta est*

39) Ps 144, 9. 39a) Cf. Iac 1, 19. 40) Cf. Gn 3, 8. 41) Cf. ibid. 5, 31; 6, 3; 7, 6.

42) 2 Petr 3, 9. 43) 1 Cor 10, 33. 44) Cf. Gn 18, 16 sqq. 45) Cf. Ex cпп. 5-7.

46) Cf. vr. 21. 46a) Cf. Miss. Rom. 1 Orat. in Missa pro die obitus. 47) Ps 18, 6.

48) Cf. Ex 25, 17-22; 26, 34; 2 Par 3, 10-13. 49) Cf. 1 Rg 16, 23. 50) Cf. 4 Rg 3, 15.

*Spiritu Sancto Elisabeth... Statim ut facta est vox salutationis tuae in auribus meis, exultavit infans in gaudio in utero meo.*⁵¹

Praedixerat Angelus Gabriel Zachariae de Ioanne: *Erit... magnus coram Domino, et Spiritu Sancto replebitur adhuc ex utero matris suae.*⁵² et Ioannem. O res mirabilis! Infantulus Ioannes in matris utero Spiritus Sancti aqua lavatur a sordibus peccati originalis, a vitiisque omnibus carnis emundatur, sanctificatur magno divinae gratiae munere, repletur Spiritu Sancto, spiritu sapientiae et intellectus. Quis haec unquam audivit, infantem nondum natum plenum sapientia, intellectu et scientia esse? Summa sapientia est Deum cognoscere eumque puro corde diligere totis visceribus. Hoc datum Ioanni est, dum adhuc in obscuro materni uteri thalamo conclusus maneret, priusquam ederetur in lucem, sexto mense conceptionis suae;⁵³ et quidem multo maiori spiritu repletus fuit Ioannes quam mater, nam repletus ipse replevit parentem.

V. Genitrix autem magno utique repleta spiritu fuit, propheticō quidem spiritu, quem triplicem esse aiunt, omni repleta est. Triplex est enim prophetiae genus: unum quidem quod praeterita omnino incognita humanis mentibus affert in medium, quod Moyses egit maxime in enarranda serie creationis mundi,⁵⁴ sic Daniel cognovit somnum phantasmataque Nabuchodonosor;⁵⁵ alterum est quod praesentia, soli Deo cognita, divinitus intuetur, sic Samuel cognovit Saulem a Deo in regem electum, dixitque ei: *Omnia quae sunt in corde tuo indicabo tibi,*⁵⁶ sic Ioseph⁵⁷ et Daniel somnia interpretabantur, sic Eliseus vidit in spiritu, dum Giezi acciperet munera a Nahaman syro;⁵⁸ tertium est quod futura, soli Deo cognita, praefatur certissime eventura, multo certius quam cum astrorum peritissimi lunae et solis deliquia multo ante praedicunt; tales fuerunt Isaías, Ieremias, Ezechiel et alii.

Elisabeth autem Spiritu Sancto repleta, divino afflatu et praeterita et praesentia et futura vidit et elocuta est: praeterita quidem: *Benedicta tu in mulieribus et benedictus fructus ventris tui... Beata quae credidisti;* praesentia: *Unde hoc mihi, ut veniat Mater Domini mei ad me?* Sic cognovit filii sanctificationem in utero: *Ut facta est vox salutationis tuae*

Spiritus, quo
repleta est
Elisabeth, fuit
triplex spiritus
propheticus,

quo cognovit
praeterita,
praesentia et
futura

51) Lc 1, 41-44. Vulg. habet: *Exultavit in gaudio infans, etc.*

52) Ibid. 1, 15.

53) Cf. ibid. 1, 36. 39.

54) Cf. Gn ep. 1.

55) Cf. Dn 2, 31 sqq.; 4, 16-24.

56) 1 Rg 9, 19.

57) Cf. Gn 40, 3-19.

58) Cf. 4 Rg 5, 26.

in auribus meis, exultavit infans in gaudio in utero meo; cognovit futura: Beata quae credidisti, quoniam perficientur in te... quae dicta sunt tibi a Domino.

et omnia
mysteria
Incarnationis.

Cognovit Elisabeth Spiritus Sancti afflatu mysteria omnia quae in beata annunciatione pertractata fuerunt inter Mariam et Angelum, cognovit Incarnationis Verbi mysterium, adventum Filii Dei in mundum, cognovit Christi conceptionem Spiritus Sancti opera in Virginem factam, cognovit infinitam Dei bonitatem caritatemque erga genus humanum, qua *sic... dilexit mundum, ut Filium suum Unigenitum daret*,⁵⁹ cognovit sanctissimae et humillimae Virginis infinitam dignitatem praesentem gloriamque futuram; hinc piae admiratione et stupore exclamat: *Benedicta tu inter mulieres... Unde hoc mihi, ut veniat Mater Domini mei ad me?... Beata quae credidisti.* Cognovit Deiparae Virginis praeteritam gratiam: *Benedicta tu;* praesentem dignitatem: *Mater Domini mei;* et futuram gloriam: *Beata quae credidisti, quoniam*, etc. Omni igitur spiritu prophetiae repleta fuit Elisabeth ad Virginis salutationem. Quali ergo spiritu repletus fuit Ioannes? *Exultavit infans in gaudio in utero meo.*

Spiritus, quo
repleta est
Elisabeth, de
spiritu Mariae
acceptus fuit,

quia et Virgo
plena erat
triplici spiritu
prophetiae,

VI. Sic Maria Deo plena sono vocis sua et spiritu oris sui replevit Spiritu Dei Ioannem et Elisabeth. Sicut enim olim Deus accepit de spiritu Moysis, et dedit septuaginta senioribus, qui statim prophetare coeperunt;⁶⁰ sic hodie accepit de spiritu Mariae, et dedit Ioanni et Elisabeth, supervenit enim Spiritus Sanctus in Mariam et virtus Altissimi obumbravit ei.⁶¹

Fuit ipsa quoque Virgo Sanctissima plena spiritu prophetiae, sicut Maria soror Moysi prophetissa dicitur, ac Spiritu Sancto plena canticum Domino cecinit ob acceptum salutis beneficium, demerso Pharaone cum universo exercitu suo in mari Rubro, gratias agens Deo.⁶² Sic Beatissima et Sanctissima Virgo prophetis divinissima fuit, et prophetico spiritu hodie divinitus afflata cecinit, dicens: *Magnificat anima mea Dominum, et exultavit spiritus meus in Deo salutari meo; quia respexit humilitatem ancillae suea, ecce enim ex hoc beatam me dicent omnes generationes.*⁶³ Ubi et de praesentibus et de praeteritis et de futuris loquitur: *Magnificat anima mea Dominum, cuius iam facta sum Mater: Ut veniat Mater Domini mei ad me; Exultavit spiritus meus..., respexit humilitatem ancillae suea...;*

59) Io 3, 16.

60) Cf. Nm 11, 25.

61) Cf. Lc 1, 35.

62) Cf. Ex 15, 20-21.

63) Lc 1, 46-48.

beatam me dicent omnes generationes, quia fecit mihi magna qui potens est, et sanctum nomen eius. ⁶⁴

Magnificat autem Virgo magnitudine spiritus sui magnitudinem divinae potentiae, sanctitatis et misericordiae: *Fecit mihi magna, sive magnalia, qui potens est, et sanctum nomen eius; et misericordia eius a progenie in progeniem timentibus eum.* ⁶⁵ Deum dicit simpliciter potentem, simpliciter sanctum et perpetuae misericordiae. Aperit altissima sacrae theologiae mysteria divinissima ista Prophetis. Tria de Deo sacra theologia docet: essentiam, virtutem, operationem. Sic Maria: *Magnificat anima mea Dominum, Iehovah, nomen divinae essentiae; virtutem: Fecit mihi magna qui potens est..., sanctum nomen eius; et misericordia eius a progenie in progeniem;* operationem: *Fecit potentiam in brachio suo,* ⁶⁶ mundum creando, conservando, regendo; ostendit mirabilibus operibus potentiam suam: *Dispersit superbos mente cordis sui,* ⁶⁷ omnes daemones, qui mente cordis sui alta de se sentientes superbierunt, et contra Deum elevati fuerunt, dispersit in aeternum; sic: *Deposuit potentes de sede, et exaltavit humiles.* ⁶⁸ Sic altissime de Deo loquitur Sanctissima Virgo Spiritu Sancto plena. Sic videmus hodie in domo Zachariae duas mulieres Spiritu Sancto plenas; sed una est velut sol, altera velut luna. Tota plena Spiritu Sancto Maria sicut sol; unde, si nomen Virginis secundum achrostichidas rationes Graecorum interpretari velimus, erit *מִרְיָם min ruah Iehovah melua, de spiritu Dei plena, sive plenitudine spiritus Dei plena, melo ruah Iehovah melua:* plena in corde, plena in ore, plena in opere; in corde: *Magnificat anima mea Dominum,* etc.

quo aperuit
altissima theolo-
giae mysteria.

VII. In hodierno Evangelio habemus quatuor consideranda: primum est insignis omniisque honore digna Beatissimae Virginis humilitas; alterum est ipsius divina caritas, qua Elisabetham visitare constituit voluitque, nihil morata itineris difficultatem atque laborem; tertium est altissima dignitas: *Unde hoc mihi, ut veniat Mater Domini mei ad me;* et quartum ipsius in Deum ardentissima pietas, qua Deum toto spiritu laudat: *Magnificat anima mea Dominum, et exultavit spiritus meus in Deo salutari meo.*

Synthetica
recapitulatio
sermonis.

64) Ibid. 1, 49.
67) Ibid. loc. cit.

65) Lc 1, 50. Vulg. habet: *A progenie in progenies.*
68) Ibid. 1, 52.

66) Ibid. 1, 51.

SERMO SECUNDUS

DE VISITATIONIS MYSTERIO FIDELIS ANIMAE TYPO

Beata Virgo
exemplar
omnium vir-
tutum.

I. Proponitur nobis hodie Sanctissima et Beatissima Virgo tanquam exemplar perfectissimum omnium virtutum, quod omnes fideles animae imitentur. Sicut enim omnes Israelis mulieres post transitum maris Rubri Mariam sororem Moysi prophetissam divinas laudes canentem, sequebantur ipsae quoque canentes;¹ sic omnes fideles animae debent sequi et imitari Sanctissimam Virginem, dum *exurgens... abit in montana cum festinatione in civitatem Iuda, in civitatem laudis et confessionis.*²

Anima Deo
plena sursum
tendit
intellectu.

II. Mox ut anima Deo plena fuerit, statim exurget, relinquit ocia carnis, incipit operari; abit autem non deorsum, sed sursum. Anima plena spiritu mundi deorsum tendit mente, cogitatione et desiderio, grave enim corpus ex terra compactum suapte natura non potest nisi deorsum tendere; at vero leve ut ignis sursum, sic anima levis et immunis ab omni gravitate peccati, spiritu Dei plena, sursum tendit mente, cogitatione et desiderio in civitatem Iuda, in supernam Ierusalem, ubi omnes Angeli et Sancti Deum incessanter collaudant: *Beati qui habitant in domo tua, Domine; in saecula saeculorum laudabunt te.*³

Anima Deo
plena exercet
memoriam in

III. *Intravit in domum Zachariae,*⁴ quod interpretatur *divina memoria:* recenset omnia beneficia a Deo sibi collata. *Salutavit Elisabeth,* quod est

1) Cf. Ex 15, 20. 2) Lc 1, 39. *Iuda* hebr. idem est ac *laus, confessio.* 3) Ps 83, 5. 4) Lc 1, 40.

divinum iuramentum, divina saturitas, divinum septenarium, significatque voluntatem Deo dicatam, sanctam, beneplacentem et perfectam.^{4a} *Abit in intellectu, intravit memoria, salutavit voluntate;* salutatio enim est bonorum omnium impletatio signumque amoris et caritatis.

beneficiis et
voluntatem in
bonis operibus.

IV. Extollitur divinis laudibus Maria ab Elisabeth, Spiritu Sancto afflata; ipsa vero, auditis laudibus, nil seipsam extollit, sed Deum laudat, dicens: *Magnificat anima mea Dominum, et exultavit spiritus meus in Deo salutari meo.*⁵ *Anima mea,* mens et intellectus meus, *magnificat Dominum,* cognoscit, admiratur, et extollit omnibus viribus Dei magnitudinem; sed *spiritus meus,* animus et voluntas mea, *exultavit summo gaudio et laetitia in Deo salutari meo.* Laudatur hodie Maria a Spiritu Sancto, qui verus est Deus; ipsa vero in eundem Deum laudes reflectit, sciens quod *omne datum optimum et omne donum perfectum desursum est, descendens a Patre luminum.*⁶ Sic Beatissima Virgo gratias agit Deo ob acceptum beneficium, sicut Anna mater Samuelis canticum Domino cecinit: *Exultavit cor meum in Domino,*⁷ quoniam magno Dei beneficio filium acceperat. Sic anima Spiritu Dei plena Deum semper laudat, gratias agens pro beneficiis a Deo acceptis et pro susceptis donis, quibus a Deo magnificata est; non gloriatur in seipsa, sed Deum glorificat: *Magnificat anima mea Dominum, et exultavit spiritus meus in Deo..., quia fecit mihi magna,*⁸ non quidem ex meis meritis, sed ex sua bonitate. *Quia respexit humilitatem ancillae suae.*⁹ Humilitatem dicit abiectionem et vilitatem sicut Paulus ait: *Reformabit corpus humilitatis nostrae,*¹⁰ idest, corpus abiectum et vile; est enim graece *tapinosin*, quod *vilitatem* significat, non *tapinophrosinin*,¹¹ quod significat *virtutem humilitatis* in animo, qui de se humiliiter sentit. Hinc eluet profundissima humilitas Beatissimae et Sanctissimae Virginis; existimabat enim se nullius meriti et virtutis esse, ideo non tantum ancillam se dicit, sed humilem, idest, vilem et abiectam ancillam.

Anima Deo
plena Deum
laudat et
gratias agit;

non gloriatur in
seipsa, sed
Deum glorificat.

4a) Allud. ad Rom 12, 2. 5) Lc 1, 46-47. 6) Iac 1, 17. 7) 1 Rg 2, 1.
8) Lc 1, 49. 9) Ibid. 1, 48. 10) Phil 3, 21. 11) Ms. habet: *Tapinosophrinin.*

4.

IN FESTUM B. M. AD NIVES

SERMONES DUO

SERMO PRIMUS

DE DUPLICI CAUSA BEATITUDINIS VIRGINIS DEIPARAE

*Beatus venter qui te portavit, et ubera quae
suxisti. At ille dixit: Quinimo.¹*

I. Praedicatur beata hodie sanctissima Virgo, Dei et Domini nostri Iesu Christi Mater semper intacta. Huius autem beatitudinis ratio duplex assignatur: una quidem in Evangelio: *Beatus venter qui te portavit*, id est, beata, quia Christi Mater, quia Christum divinitus concepit, et miraculo peperit, natumque aluit, et suis uberibus lactavit; altera vero causa in ho- dierna solemnitate indicatur, celebramus enim festum Sanctae Mariae ad Nives propter miraculum omnibus notum.²

Beatitudinis
Deiparae duplex
ratio: Mater
Christi, mira-
culum nivis.

Nix autem in Sacris Litteris sanctitatis et puritatis hieroglyphicum est. Hinc Deus visus fuit Danieli nive indutus: *Vestimentum eius candidum sicut nix*; ³ hinc Christus in transfiguratione similiter: *Resplenduit facies eius sicut sol, vestimenta autem eius facta sunt alba sicut nix*; ⁴ Christus Ioanni in *Apocalypsi* apparuit cano capite, albis capillis sicut nix; ⁵ Angelus nuncians Christi resurrectionem apparuit nive indutus: *Erat autem*

Nix in Scripturis
insigne est
sanctitatis.

1) Lc 11, 27-28. 2) Cf. *Brev. Rom.* die 5 August. 3) Dn 7, 9. 4) Mt 17, 2. 5) Cf. 1, 14.

*aspectus eius sicut fulgur, vestimentum autem eius sicut nix;*⁶ hinc de sanctis servis Dei Ieremias ait: *Nazaraei eius nive candidiores;*⁷ hinc de anima, quae a Deo sanctificatur et innocentiae baptismali restituitur, ait Regius Vates: *Lavabis me, et super nivem dealbabor;*⁸ et per Isaiam Dominus: *Si fuerint peccata vestra quasi coccinum, quasi nix dealbabuntur;*⁹ Iob 9 cap. ait: *Si lotus fuero aquis nivium et fulserint velut mundissimae manus meae;*¹⁰ de hac forte in eodem libro cap. 37 ait: *Qui praecepit nivi ut descendat,*¹¹ nam gratia Dei, quae animam sanctificat, donum Dei est optimum et perfectum, descendens a Patre lumen. Quoniam vero ineffabile est iustificationis mysterium, dicitur in eodem libro cap. 38: *Nunquid ingressus es thesauros nivis?*¹² Solemnitas igitur nivium in Deipara Virgine designat summam ipsius secundum Deum sanctitatem.

Delpara duplice
titulo beata,
quia sancta et
qua Mater Dei,
praedicatur
a Gabriele
Archangelo,

ab Elisabeth,

ab Isaia,

a muliere
evangelica.

II. Duplici igitur titulo beata praedicatur: ob summam sanctitatem et ob summam dignitatem, qua Mater Dei effecta est. Haec duo simul coniunxisse visus fuit Gabriel Angelus, cum ad eam dixit: *Ave, gratia plena, Dominus tecum, benedicta tu inter mulieres;*¹³ idem enim est *benedicta inter mulieres et beata.* Sed quare benedicta? quare beata? Utique quia *gratia plena* et quia *Dominus tecum.* Quomodo autem *Dominus tecum?* *Ecce concipies... et paries filium...; hic erit magnus, et Filius Altissimi vocabitur.*¹⁴ Haec duo coniunxit Elisabeth Spiritu Sancto plena: *Benedicta tu inter mulieres... Et unde hoc mihi ut veniat Mater Domini mei ad me?.... Beata quae credidisti, quoniam perficientur ea quae dicta sunt tibi a Domino.*¹⁵ Cum ait: *Mater Domini, ad dignitatem spectat;* cum vero: *Beata quae credidisti,* pertinet ad sanctitatem. Haec duo Isaías cum ait: *Ecce Virgo concipiet et pariet filium, et vocabitur nomen eius Emmanuel,* sive, ut hebraice est: *Vocabit ipsa nomen eius,*¹⁶ auctoritate utique matris. Virginem appellat propter sanctitatem, nam fuit sancta et corpore et spiritu; Matrem Dei propter summam dignitatem. In hodierno Evangelio reperitur haec duplex beatitudo, non solum dignitatis: *Beatus venter qui te portavit, verum etiam sanctitatis: Beati qui audient verbum Dei et custodiunt illud.* Et beatitudo quidem sanctitatis saepissime in Di-

6) Mt 28, 3.

7) Thren 4, 7. Vulg. habet: *Candidiores Nazaraei, etc.*

8) Ps 50, 9.

9) 1, 18.

10) Vr. 30. Vulg. habet: *Aquis nivis.*

12) Iac 1, 17.

13) Vr. 22.

14) Lc 1, 28. Vulg. habet: *Benedicta tu in mulieribus.*

15) Ibid. 1, 31.

16) Ibid. 1, 42-43. 45. 17) 7, 14.

vinis Litteris praedicatur, maxime vero in *Psalmis David, 18 Proverbiis Salomonis 19 et Evangelio Christi.* 19^a

Virgo Deipara saepe in Divinis Litteris beata praedicatur. In Veteri quidem Testamento: *Surrexerunt filii eius, et beatissimam praedicaverunt, vir eius et laudavit eam;*²⁰ sed hoc propter summam virtutem, nam sequitur: *Multae filiae congregaverunt divitias, tu supergressa es universas; fallax gratia et vana est pulcritudo, mulier timens Dominum ipsa laudabitur.*²¹ Alio item loco: *Viderunt eam filiae, et beatissimam praedicaverunt, reginae et concubinae... laudaverunt eam;*²² hoc autem propter summam dignitatem, nam sequitur: *Quae est ista quae progreditur quasi aurora consurgens, pulcra ut luna, electa ut sol, terribilis ut castrorum acies ordinata?*²³ *Beatissima,* quoniam bonis omnibus cumulatissima, quibus alios ditare potest, sicut sol et luna illuminare, defendere etiam a periculis *sicut castrorum acies ordinata.*

In Novo autem Testamento similiter beata praedicatur, sed nominata: *Beata quae credidisti. Beatam me dicent omnes generationes.*²⁴ *Benedicta tu inter mulieres. Beatus venter qui te portavit.*

et passim in
Test. Veteri

et in Novo.

III. Cum autem duplii titulo semper Virginem Deiparam Catholica Ecclesia cum muliere hac evangelica beatam praedicari, praedicetque, summisque laudibus secundum Deum celebret; sciendum est quod primogenitus diaboli filius Calvinus, Virginis inimicus sicut et pater eius, hoc loco et mentitur et calumniatur; haec enim duo propria sunt diaboli: mentiri et calumniari; ait enim mulierem hanc Deiparae Virginis laudatricem reprehensam fuisse a Christo.²⁵ Nec tantum hoc loco Calvinus hoc scribit, verum etiam *Ioannis 7 cap. super illud: Neque enim parentes eius credebant in eum;*²⁶ utroque loco ait reprehensam fuisse a Christo hanc mulierem, quam ipse pro sua modestia «mulierculam» appellat.

Sed ubinam novus hic magister in Israel,^{26a} qui nonnisi Evangelium negat, reperit in Evangelio hanc reprehensionem? Ego honoratam reperio, quia dignatus eam fuit Christus divino responso, reprehensam non reperio. Vult Calvinus negasse Christum quod mulier dixerat, et affirmasse quod

Deipara duplci
hoc titulo etiam
ab Ecclesia beata
praedicatur,
quamvis
calumniose

et inscite hoc
neget Calvinus,

18) Cf. Ps 1, 1; Ps 111, 1 et alibi. 19) Cf. 14, 21; 28, 14 et alibi. 19a) Cf. Mt 11, 6; 16, 17.
20) Prv 31, 28. 21) Ibid. 31, 29-30. 22) Ct 6, 8. 23) Ibid. 6, 9. 24) Lc 1, 48.
25) Harm. Evang. Lc 11, 27-28. Edit. 1667, Amsterdam. 26) Comment. in Io 7, 5. Vulg. habet:
Fratres eius. 26a) Cf. Io 3, 10.

non dixerat; sed ubi est haec negatio? Hoc tantum Christus dixit: *Quinimo, beati qui audiunt verbum Dei et custodiunt illud.* Hoc est negare? Ubi invenit Calvinus coniunctionem *imo*, sive *quinimo*, vel, ut ipse super *Ioannem* habet,²⁷ *quinpotius*, negationem esse? Num, si dico: Argentum bonum est, et alius respondeat: Imo aurum, negabit bonum esse argentum? Si dicam legem Dei bonam sanctamque fuisse, et alius respondeat: Imo Evangelium, negabit legem? Si dicam Moysem legislatorem fuisse, et quis dicat: Imo Christum, negabit Moysem legislatorem? Grammaticen docendus erat Calvinus.

Sed in Ecclesiam Catholicam utroque loco maxime invehitur Calvinus. Et super *Ioannem* quidem ita mentitur et calumniatur: « Ridicula est, inquit, papistarum superstitione, qui in Virgine Maria, posthabitibus omnibus aliis, solum sanguinis honorem efferunt, quasi non reprehensa ab ipso Christo fuerit mulier, quae ex media turba clamabat: *Beatus venter qui te portavit*». ²⁸ Hoc autem loco super *Lucam* scribens, iterum mendacii calumnia uititur; ait enim: « Mirus vero papatus stupor, quod in Mariae honorem cantillant haec verba, quibus tam diserte refellitur eorum superstitione ». ²⁹ Plane, dicam ego, tam est superstitione haec verba in laudem Virginis pie decantare, quam diserte refellitur, cum ne unum quidem verbum sit quo laus haec refellatur; et tam ridicula est Catholicorum superstitione, quam verum est quod non nisi sanguinis honorem efferunt in Maria. Quod caput insanum! Non laudent Catholicci in Maria perpetuam virginitatem? non plenitudinem gratiae? non fidem, qua beata praedicatur, quia credidit? non divinam benedictionem? non Spiritus Sancti dona et virtutes? non summam sanctitatem?

mentiens
sibi ipsi.

Docet hoc loco Calvinus quod mulier haec Christi excellentiam extollere voluit non Mariae, quam forte non noverat. Bene, sed si Christi excellentiam extulit, quomodo reprehensa fuit? Quomodo Christus negavit quod mulier alta voce praedicaverat? Quomodo haec sibi cohaerent? Num si praedicavit Christi excellentiam, et postea Christus adauxit, credendi sunt meliores Christo credentes in Christum? *Mentita est iniquitas sibi.*³⁰

De parva duplice
hoc titulo etiam
a Christo,

IV. Haec autem est veritas, quod cum mulier haec evangelica, fide plena et Divino Spiritu affiliata, in maiorem Christi laudem celebravit lau-

27) Loc. cit.

28) Loc. cit.

29) *Harm. Evang.* Lc 11, 27-28.

30) Ps 26, 12

dibus Matrem, quae eum concepit, peperitque et lactavit, tanquam tanto Filio beatissimam; Christus transit a beatitudine dignitatis et felicitatis ad beatitudinem sanctitatis, quae omnibus potest esse communis. Sicut in *Psalmo 143* legimus: *Beatum dixerunt populum cui haec sunt, beatus populus cuius Dominus Deus eius*,³¹ hebr.: *Beatus populus cui sic*, idest, cui sunt multa bona opesque, de quibus locutus fuerat, sed *beatus populus cuius Dominus est Deus ipsius*: transit a felicitate temporali et mundana ad spiritualem et divinam, quae apud Deum vera felicitas est; ita hoc loco Dominus transit a beatitudine, ut ita dicam, fortunae, ad beatitudinem virtutis. Summa plane est dignitas Dei Matrem esse, summa gloria; sed, sicut in mundo non qui praestantiores sunt dignitate sunt etiam praestantiores virtute, meliores sanctioresque, nec qui gloriosiores et honoratiores sunt apud homines, statim tales sunt apud Deum et Angelos ipsius, sunt enim haec diversi generis bona, illa enim ad fortunam, haec ad virtutem spectant; ita in Virgine Beatissima maternitas veluti ad fortunam spectabat, sed sanctitas ad virtutem, quae quo perfectior est, eo hominem Deo gratiorem et cariorem reddit, qua si Virgo caruisset, aeternam in coelo gloriam minime consecuta fuisset.

Laudamus Dei Matrem, quoniam digna Mater fuit. Sicut Apostolus ait de ministris: *Idoneos ministros nos fecit Novi Testamenti*,³² ita de Virgine habet Ecclesia quod, Spiritu Sancto cooperante, Deus eam præparavit ut dignum Filii habitaculum fieret.³³ Et ita semper summa cum dignitate coniuncta summa sanctitas fuit; imo praecessit sanctitas dignitatem, et propterea tantopere laudatur in Sacris Litteris maternitas, quia summa cum dignitate fuit semper summa sanctitas coniuncta: *Gratia plena, Dominus tecum*.³⁴

Praeferre videtur Dominus sanctitatem dignitatis Matris, nam, sicut Divus Augustinus, lib. *De Sancta Virginitate*, docet « beator fuit Maria concipiendo mente quam ventre, felicius gestavit corde quam carne ».³⁵ Imo hoc ipsum visa est ipsa fecisse ac præteluisse sanctam virginitatem dignitati maternitatis divinae. Cum enim audisset ab Angelo: *Ecce concipies in utero et paries filium, et vocabis nomen eius Iesum; hic erit magnus, et Filius Altissimi vocabitur*, etc.;³⁶ non statim adhibuit consensum, sed ait: *Quomodo fiet istud, quoniam virum non cognosco?*³⁷ Timuit

31) Vr. 15. 32) 2 Cor 2, 6. Vulg. habet: *Idoneos nos fecit*, etc. 33) Orat. post Ant. Final. « Salve Regina » Off. Can. 34) Lc 1, 28. 35) Cp. 3. Ad sensum. (P. L. 40, 398). Verb.: « Mente quam ventre » videntur esse e *Serm. 225*, n. 4. (P. L. 38, 1074). 36) 1, 31-32. 37) Ibid. 1, 34.

tacet
implicite,
praedicatur,

quia non
tantum Mater
sed digna Mater.

Christus e
Deipara præfe-
runt tamen
titulum
sanctitatis.

ne cum Virginitatis iniuria aut laesione aliqua fieret Mater Dei, indicans se virginitatem maternitati präferre; ac tunc demum consensit cum intellectus salva integraque virginitate futuram Dei Matrem, quoniam non naturali more, sed supernaturali Spiritus Sancti operatione conceptura Filium Dei erat. Sic sanctam virginitatem präetulit summae dignitati.

Deipara
omnibus titulis
beata: a Patre,
a Sponso,
a Filio

et a propria
virtute, quia
perfectissime
credidit,

et legem ple-
nissime
observavit.

V. Beatus venter. Ex quatuor capitibus evenire solet mulieribus beata fortuna: vel a patre, quia, ditissimo patre nata, summopere ab ea diligitur, ac propterea ditissima dote donatur, multisque bonis a patre pro voto ditatur, sicut legimus de filia Caleb;³⁸ aliquando a marito, cum, mulier humili licet loco nata, vir ditissimus accipit eam in uxorem, sicut accidit Ruth moabitidi,³⁹ sicut accidit reginae Esther;⁴⁰ aliquando a filio ad summos gradus evecto, sicut accidit Bethsabee matri Salomonis;⁴¹ aliquando tandem a propria virtute, sicut evenit Iudith,⁴² sicut etiam Debora facta fuit principes totius populi ob virtutem, unde et contra Sisaram obtinuit victoriam.⁴³

Ita plane Virgo Deipara beata prädicatur a patre, a sponso, a filio et a propria virtute et sanctitate. A Patre Deo ditata fuit summis divinarum gratiarum divitiis; hinc ab Angelo salutata fuit: *Gratia plena et benedicta inter mulieres...*; sponsus etiam sortita est optimum, ipsummet Deum; filium optimum, Unigenitum Filium Dei; tandem a propria virtute: *Beata quae credidisti, quoniam perficiuntur ea quae dicta sunt tibi a Domino. Beati qui audiunt verbum Dei et custodiunt illud.* Hoc etiam in laudem Virginis Deiparae scriptum est semel et iterum: *Maria conservabat omnia verba haec, conferens in corde suo.*⁴⁴

Fuit etiam divinarum legum observantissima, sicut Divus Lucas testis est locupletissimus, dum narrat Christi circumcisionem et präsentationem in templo.⁴⁵ Ita quod et fidem habuit plane perfectissimam et opera item sanctissima, nam alioquin *fides sine operibus mortua est.*⁴⁶ Hoc loco Dominus et fidem et opera requirit, nam, ut ipse ait Matthaei 7: *Qui audit verba mea... et facit ea, assimilabitur viro sapienti, qui, etc.; qui autem audit verba mea... et non facit... assimilabitur viro stulto, qui, etc.*⁴⁷ Hinc Paulus: *Non... auditores legis iusti sunt apud Deum, sed factores legis, etc.*⁴⁸ Hinc Iacobus: *Estote factores legis et non auditores tantum fallentes vosmetipos. Quia, si quis auditor, etc.*⁴⁹

38) Cf. Jos 15, 19. 39) Cf. Ruth 4, 13. 40) Cf. Est 2, 5-17. 41) Cf. 3 Rg 1, 1 sqq. 42) Cf. Jdt 13, 1 sqq.
43) Cf. Ide 4, 1 sqq. 44) Lc 2, 19. 51. 45) Cf. ibid. 2, 21-39. 46) Iac 2, 20. 47) Vrr. 24. 26. Vulg.
habet: *Similis erit viro stulto.* 48) Rom 2, 13. 49) 1, 22-23.

SERMO SECUNDUS

DE VIRGINIS DEIPARAE PURITATE NIVE CANDIDIORE

*Beatus venter qui te portavit, et ubera quae
suxisti. At ille dixit, etc.* ¹

I. Dominus ad beatum Iob de turbine verba faciens, magnam movit quaestionem, dicens: *Nunquid ingressus es thesauros nivis? Aut thesauros grandinis aspexisti?*² Sed quinam, quae, sunt thesauri hi nivis? Si de materiali nive loquitur, quis non videt nives in altis montibus?

Nix in Scripturis
hieroglyphicum
puritatis et
sanctitatis.

Hodie mysterium hoc declaratur in solemnitate nivina. Nix in Divinis Litteris hieroglyphicum est puritatis et sanctitatis. Hinc Isaias ait: *Si fuerint peccata vestra sicut coccinum, quasi nix dealbabuntur;*³ [hinc] Regius Vates aiebat: *Lavabis me et super nivem dealbabor;*⁴ hinc Ieremias: *Candidiores sunt Nazarei eius nive;*⁵ hinc Deus apparuit Danieli indutus veste candida ad nivis instar: *Vestimentum eius candidum tanquam nix;*⁶ sic Christum videbimus cras in gloriosa transfiguratione: *Resplenduit facies eius sicut sol, vestimenta autem eius facta sunt alba sicut nix.*⁷ Beati qui audiunt verbum Dei et custodiunt illud. Quemadmodum, inquit per Isaiam 55 Dominus, *descendit imber et nix de coelo, et illuc ultra non revertitur, sed inebriat terram, et infundit eam, et germinare eam facit, et dat semen serenti et panem comedenti; sic erit verbum meum quod egredietur de ore meo: non revertetur ad me vacuum, sed faciet quaecumque volui.*⁸

1) Lc 11, 27-28. 2) Job 38, 22. 3) 1, 18. 4) Ps 50, 9. 5) Thren 4, 7.
6) Dn 7, 8. 7) Mt 17, 2. 8) Vrr. 10-11. Vulg. loc.: *Quemadmodum*, habet: *Quomodo.*

Maria nive
candidior, quia
eius anima
absque macula
peccati,

II. *Beati qui audiunt verbum Dei.* Causam reddit Christus singularis beatitudinis Mariae: singularis sanctitas; quia fuit per divinae legis perfectam observantiam nive candidior, absque omni penitus macula peccati. Hoc est quod in *Canticis* legimus: *Tota pulcra es, amica mea, et macula non est in te; veni de Libano, sponsa mea, veni de Libano, veni, coronaberis.*⁹ Libanus hebraice idem est ac *candor*, quoniam mons ille semper conspicitur nive coopertus; hinc Ieremias 18 cap. ait: *Nunquid deficit de petra agri nix Libani.*¹⁰ Vocatur ergo Sponsa de Libano puritatis et sanctitatis ad coronam gloriae.

Niveus candor in anima consistit in perfecta divinae legis observantia; non maculat animam et conscientiae puritatem nisi peccatum, peccatum autem non est nisi dictum, factum aut concupitum contra legem Dei,^{10a} divinae legis transgressio et coelestium inobedientia mandatorum;¹¹ consistit in fide et caritate integra atque perfecta: *Beati qui audiunt verbum Dei, per fidem, et custodiunt per caritatem; nam: Qui diligit me, sermonem meum servabit.*^{11a}

et purior
Angelis.

Niveo candore indutos legimus Angelos: *Erat autem aspectus eius sicut fulgur, vestimentum autem eius sicut nix,*¹² Christum et Deum; sic etiam hodie Mariam, quae etiam solari luce induta legitur in *Apocalypsi.*¹³ Ostendit hodiernum miraculum quod Beata Maria ea puritate nivit, qua sub Deo maior nequit intelligi.^{13a} Quid enim nive candidius? Purior Angelis est atque Archangelis, Cherubim et Seraphim. Ostendit quod supra modum mirabilis fuit eius puritas et sanctitas; non enim mirum est si hieme ningit, sed aestate, cum maximi calores exaestuant. Sic supra modum mirabilis fuit Mariae sanctitas, sicut nix de coelo cadens media aestate in calidissima regione, ubi nunquam fere hieme ningit nisi horridissima supra modum.

Maria nive
candidior per
observantiam
legis et
victoriām
in daemones.

III. Sed quomodo tam candida fuit Beata Virgo Maria? Regius Vates ait: *Si dormiatis, vel quiescatis, inter medios clerros, idest, sortes aut terminos, pennae columbae deargentatae et posteriora dorsi eius in paleo auri, dum discernit coelestis reges..., nive dealbabuntur, sive dealbabitur, in Selmon;*¹⁴ hoc est, si intra terminos iustitiae Dei legem servaveritis,

9) 4, 7-8. 10) Vr. 14. 10a) Cf. D. Aug. *Contra Faustum* M. lib. 22, cp. 27. (P. L. 42, 418).

11) Cf. D. Ambros. *De Paradiso*, cp. 8, n. 39. (P. L. 14, 161). 11a) Io 14, 23. 12) Mt 28, 3.

13) Cf. Apc 12, 1. 13a) Cf. D. Anselm. *De Conceptu Virg.*, etc. cp. 18. (P. L. 158, 103).

14) Ps 67, 14-15. Verb.: *Quiescatis, terminos, dealbabitur ex hebr., sortes ex graec.*

non declinantes neque ad dexteram neque ad sinistram, erit anima vestra tanquam pulcherrima columba, quae nitet tanquam argentum candidissimum, et fulget ut aurum optimum; et dum coelestis Rex dispergit reges inimicos, vincendo daemonum tentamenta, anima tanquam nix candida erit, sicut nix quae perpetuo manet in monte Selmon. Sic Beata Virgo Maria fuit semper tanquam nix candidissima, divinam legem perfectissime observando, et omnes daemonum tentationes, Deo opitulante, vincendo.

Candidissima fuit semper Beata Virgo Maria; et tamen in *Canticis nigrum* se dicit, quoniam, inquit, *decoloravit me sol*¹⁵ iustitiae, Deus, cuius comparatione omnis candor creatae sanctitatis nigredo est, omnis lux obscuritas. Sic nix dum in nubibus manet in aere nigra videtur, quoniam coelo solique comparata nigra est.

Gratia Spiritus Sancti in Divinis Litteris nunc ignis dicitur,¹⁶ nunc aqua¹⁷ et nix,¹⁸ sicut ipse Spiritus Sanctus in aqua promissus fuit,¹⁹ et datus in igne,²⁰ quia effectus operatur tum ignis tum aquae, extinguendo amorem carnalem atque terrenum et accendendo spiritualem atque coelestem; ubi animus nive opertus est, friget ad carnalia atque terrena, tunc purus ab omni labe est superbiae, luxuria, avaritiae et aliorum vitiorum.

IV. *Beatus venter qui te portavit.* In hoc beatissimo ventre sunt omnes thesauri nivis gratiae; per mysterium enim divinae Incarnationis habitavit in eo omnis plenitudo Divinitatis corporaliter.²¹

Maria nive
candidior quia
in ea omnes
thesauri nivis
gratiae.

V. Nix aliquando in Divinis Litteris in bonam sumitur partem, gratiamque significat; aliquando malam, et designat peccatum. Sapiens *Proverbiorum* 25 ait: *Sicut frigus nivis in die messis, ita legatus fidelis ei qui miserit illum; animam illius requiescere facit;*²² hoc est: sicut gratum est frigus nivis in tempore magni aestus, ita legatus fidelis. Cap. autem 26, ait: *Quomodo nix in aestate et pluvia in messe, sic indecens est stulto gloria.*²³ Nix aliquando malum significat: *Non timebit domui suaee a frigoribus nivis.*²⁴ Quoniam abundantabat iniquitas, refrigerescet caritas.²⁵ In Divinis Litteris lepra candori nivis similis dicitur, ut legimus de lepra Mariae sororis Moysis et Aaron.²⁶ O quanta nivis huius abundantia

Non candorem
leprae peccati,
sed puritatis
a nobis
requirit Deus.

15) 1, 4-5. 16) Lc 12, 49. 17) Io 4, 10-15. 18) S. Auctor se referit ad Ps 50, 9 et Is 1, 18, quia nix sua albedine Spiritus Sancti gratiae effectum exprimit, ut serm. praeced. n. 8 et postea ipse innuit. 19) Io 7, 38-39. 20) Act 2, 2-3. 21) Col 2, 9. 22) Vr. 13. 23) Vr. 1. 24) Prv 31, 21. 25) Mt 24, 12. 26) Nm 12, 10.

hodie in mundo! Candor autem puritatis ubi reperitur? *Denigrata est super carbones facies eorum,*²⁷ ait Ieremias; et Nahum cap. 2: *Facies omnium... sicut nigredo ollae.*²⁸ Candorem niveum a nobis requirit Deus: *Omni tempore,* inquit Ecclesiastes, cap. 9, *sint vestimenta tua candida.*²⁹ Ministros templi Deus omnes voluit albis vestibus indui;³⁰ in *Apocalypsi* legimus quod omnes Sancti amicti sunt stolis albis;³¹ Angeli vel semper in albis apparuerunt hominibus;³² de sponsa Christi legimus in *Apocalypsi* 19 quod datum est ei, ut cooperiat se byssino splendenti et candido; byssinum enim iustificationes Sanctorum sunt.³³

27) Thren 4, 8. 28) Vr. 8. 29) Vr. 8. 30) Cf. Ex 28, 4 sqq. 31) Apc 7, 9.
32) Mt 28, 3; Mc 16, 5; Lc 24, 4; Io 20, 12 et Act 1, 10. 33) Apc 19, 8.

5.

IN ASSUMPTIONEM

SERMONES TRES

SERMO PRIMUS

DE GLORIFICATIONE MYSTICAE ARCAE DEI MARIAE
EX INFINITO MERITO GRATIAE IPSIUS

Porro unum est necessarium. Maria optimam partem elegit, quae non auferetur ab ea in aeternum.¹

I. Habendus nobis est sermo de laudibus Sanctissimae Virginis, quae viva arca Divinitatis est, hodie cum totius Israelis exultatione in terram promissionis, in ipsamque civitatem Ierusalem et in templum sanctum Domini translata et in sancta sanctorum in medio Cherubim collocata. Quoniam vero infinitis laudibus digna est, postulat ratio ut ad ipsius laudes ora solvamus; digna enim est ut ab omnibus tum hominiibus in terra tum Angelis in coelo pleno ore collaudetur, quamvis nec Angeli pro dignitate eam laudare sufficient. Orandus nobis est Deus, ut cor nostrum et labia nostra emundet sicut labia Isaiae,² ne cum Oza sacrosanctam hanc arcam indigne tangentes mortis rei efficiamur.³

Hodie Maria Virgo Deipara, *Theotocos* et *Christotocos*, assumpta in coelum est ad aethereum thalamum, in quo Rex regum stellato sedet

Mariam veram
Divinitatis arcam
laudemus, cum
sit infinitis
laudibus
digna;

festivis gaudis
exultemus, quia
hodie intra

1) Lc 10, 42.

2) Cf. Is 6, 6-7.

3) Cf. 2 Rg 6, 6-8.

sancta sanctorum
collocata est.
solio; ⁴ unde exultant Angeli et omnes Sancti una cum Christo, dignumque est ut nos simul cum eis festivis gaudiis exultemus. Hodie noster Salomon, Rex pacificus matrem suam Bethsabee statuit a dextris suis in superna Ierusalem supra omnes Angelorum choros et sedes. ⁵ Hodie arca testamenti Domini in templum illata est intra sancta sanctorum; ⁶ haec enim arca illa est quam se vidisse in coelo Ioannes in *Apocalypsi* ait cap. 11: *Apertum est templum Dei in coelo, et visa est arca testamenti eius in templo eius.* ^{6a} Nam ipsemet Ioannes, cum hoc dixisset in calce 11 capitinis, statim initio 12 veluti declarans mysterium, ait: *Signum magnum apparuit in coelo, mulier amicta sole, et luna sub pedibus eius, et in capite eius corona stellarum duodecim.* ⁷ Haec autem mulier procul dubio Deipara Virgo est, nam subiungit quod *peperit mulier filium masculum, qui recturus erat omnes gentes..., et raptus est filius eius ad Deum et ad thronum eius;* ⁸ Christus autem est qui assumptus in coelum sedet a dextris Dei. ^{8a} Arca igitur testamenti, quam Ioannes in coelesti templo vidit, Sanctissima Virgo Maria est, arca Divinitatis, in qua inhabitavit *omnis plenitudo Divinitatis corporaliter;* ⁹ arca intus et foris deaurata, ¹⁰ Virgo corpore et spiritu sanctissima; arca in medio Cherubim posita, ^{10a} Virgo semper in coelestibus cum Angelis conversata, moribus et vita tota angelica; arca divino propitiatorio tecta: ¹¹ *Spiritus Sanctus superveniet in te, et virtus Altissimi obumbrabit tibi;* ¹² arca in qua divinae legis tabulae perpetuo asservatae sunt ¹³ per observantiam perfectissimam et omnibus numeris absolutissimam; urna plena colesti manna, ¹⁴ plenitudo gratiae coelestis: *Ave, gratia plena;* ¹⁵ virga quae miraculo floruit et fructificavit, ¹⁶ fecunda virginitas qua virgo concepit, virgo Deum et hominem peperit, virgo post partum permansit; ^{16a} hinc dicitur *halmah* ¹⁷ quod est *virgo perpetua.* Hanc igitur arcam Ioannes in Dei templo supercoelesti vidit.

Locus arcae
nobilissimus;
Maria vera arca
Dei supra
Angelos exal-
tata in Ecclesie
triumphant;

II. Erat autem locus arcae in templo Dei non atrium, ubi erat altare sacrificiorum et mare aeneum ad abluendas sordes, non tabernaculum exteriorius, quod dicebatur sanctum, ubi erat altare incensi, candelabrum aureum et mensa panum propositionis; sed tabernaculum interiorius, quod dicebatur

4) *Brev. Rom.* in Offic. Assumptionis, Ant. 2 ad Laudes. 5) Cf. 3 Rg 2, 19. 6) Cf. Ibid.
8, 3-9. 6a) Vr. 19. 7) Vr. 1. 8) Apc 12, 5. 8a) Cf. Mc 16, 19.
9) Col 2, 9. 10) Cf. Ex 37, 1. 10a) Cf. ibid. 37, 7-9. 11) Cf. Ibid. 37, 6.
12) Lc 1, 35. 13) Cf. 3 Rg 8, 9. 14) Cf. Hebr 9, 4. 15) Lc 1, 28. 16) Cf. Nm 17, 8.
16a) Cf. *Brev. Rom.* in Fest. Purificat. B. M. V. Resp. 1 ad 1 Lect. Matut. 17) Cf. Is 7, 14 hebr.

sanctum sanctorum,¹⁸ ubi erat divinum propitiatorium et Cherubim gloriae, locus sacratissimus et secretissimus, in quem solus summus sacerdos semel tantum in anno poterat introire pro salute totius populi ad salvandum eum a peccatis eorum.¹⁹ Sanctissimo ergo et nobilissimo loco arca testamenti in templo Dei sita erat. Sic « exaltata est sancta Dei Genitrix super choros Angelorum ad coelestia regna »,^{19a} quoniam *Maria optimam partem elegit.*

Gloria autem gratiae respondet sicut praemium merito; maiori gratiae maior gloria datur. Maria tota gratia plena supremum gratiae et caritatis gradum tenuit in Ecclesia militanti; ergo et supremum gradum gloriae in triumphanti. Sicut enim templum Salomonis in Ierusalem constructum fuit forma et figura simile tabernaculo Moysi, quod in deserto factum fuit;²⁰ sic Ecclesia triumphans in coelis proportione quadam respondet Ecclesiae militanti in terris. Tabernaculum Moysi in deserto figura et typus fuit Ecclesiae militantis in mundo, templum vero Salomonis in Ierusalem figura et typus Ecclesiae triumphantis in coelo.

III. Tribus partibus constabat tabernaculum: atrio, sancto et sancto sanctorum,²¹ ad designandos tres status fidelium electorum in Ecclesia militanti; quorum primus infimus quidem sed bonus est incipientium et poenitentium, secundus superior et multo melior est proficientium et activorum, tertius supremus et optimus est perfectorum et contemplativorum. Hinc in domo hac, quam hodie Christus ingreditur, tres erant personae, quas Christus diligebat, Lazarus, Martha et Maria: *Diligebat autem Iesus Martham et sororem eius Mariam et Lazarum;*²² horum autem *Maria optimam partem elegit.*

Primus status designatur per atrium, ubi erat altare sacrificii pro peccatis et vasa aquarum ad abluerendas sordes:²³ *Sacrificium Deo spiritus contribulatus. Lavabis me, et super nivem dealbabor.*²⁴ Secundus status per sanctum tabernaculum exterius, qui sacerdotum locus erat Deo ministrantium;²⁵ hinc Martha ministrat et satagit circa frequens ministerium²⁶ in operibus misericordiae et caritatis. Tertius status per sanctissimum tabernaculum interius, ubi Cherubim divino propitiatorio assistebant.²⁷ Haec

quia tenuit
supremum
gradum
gratiae in Eccle-
sia militanti.

Tres partes
templi Salo-
monis designant
tres animarum
status: incipi-
tium, proficien-
tium, perfectum.

Atrium
et incipientes;

sanctum
et proficientes;

sanctum sancto-
rum et perfecti.

18) Cf. Ex 40, 19; 2 Par 5, 7; Hebr 9, 4. De his tribus locis deque his quae in ipsis asservabantur cf. Ex 40, 1 sqq. 2 Par cpp. 3-4; Hebr 9, 1-8. 19) Cf. Lv 16, 2; Hebr 9, 7. 19a) *Brev.*
Rom. in *Offic.* Assumpt. 1 Amt. 1 Noct.

21) Cf. Ex et 3 Rg loc. cit.; Hebr 9, 1-7.

24) Ps 50, 19. 9.

25) Cf. Hebr 9, 6.

19) Cf. Lv 16, 2; Hebr 9, 7. 19a) *Brev.*
20) Cf. Ex cpp. 36-38. 40; 3 Rg cpp. 3-4.

22) Io 11, 5. 23) Cf. Ex 40, 27-28; 30, 1-21.

26) Cf. Lc 10,40.

27) Cf. Ex 37, 1-9.

In sancto
sanctorum arca.

Maria supremum
gradum obtinet
inter fideles
animas

a Spiritu S.
et a I. Christo
in tres ordines
distinctas.

est pars optima, locus divinae habitationis et quietis; hic locus erat arcae testamenti, quae inter Cherubim sita erat honoratori loco; medius enim locus honoratori est, et honoratori convenit personae, sicut sacerdos in altari medius stat inter ministros, Cherubim autem ibi veluti ministri erant.

Sic Maria supremum locum et gradum tenuit in statu perfectorum. Hoc est quod in *Canticis* legimus: *Sexaginta sunt reginae..., octoginta concubinae et adolescentularum non est numerus; una est columba mea, una est perfecta mea, una est matri suae, electa genitrici suae. Viderunt eam filiae et beatam dixerunt, et reginae et concubinae... laudaverunt eam*, dicentes: *Quae est ista, quae progreditur quasi aurora consurgens, pulcra ut luna, electa ut sol, terribilis ut, etc.*²⁸ Quo quidem loco Spiritus Sanctus omnes fideles animas, Christi veri Salomonis sponsas, in tres ordines distinguit: in adolescentulas, quas postea filias dicit, ad designandum statum incipientium; in concubinas, quae superiori et honoratori loco graduque potiebantur tanquam regi matrimonio coniunctae, sed superiores habebant reginas; priores enim uxores erant, sed servae, qualis fuit Agar Abrahamo,²⁹ Balam et Zelpha Iacobo;³⁰ sed reginae liberae erant et dominiae, sicut fuit Sara Abrahamo,³¹ Lia et Rachel Iacobo.³²

Docet etiam hoc loco Spiritus Sanctus quod animae imperfecta caritate praeditae multae sunt ac veluti innumerae, perfectiori autem caritate donatae pauciores: *Octoginta sunt concubinae,*³³ sed perfectissima optimaque virtute perfectae multo pauciores: *Sexaginta sunt reginae.* Quod etiam Christus ostendit, qui omnes fideles suos in tres ordines digessit: in ordinem apostolicum eligens duodecim Apostolos,³⁴ in ordinem discipulatus eligens septuaginta duos discipulos,³⁵ et tandem in reliquam multitudinem veluti innumeram credentium.

Super has autem omnes electas animas unam statuit Spiritus Sanctus, quae est veluti sol inter astra: *Una est columba mea, perfecta mea, una est matri suae, electa genitrici suae*, vel, ut ex hebraico textu possumus interpretari, *una est in matrem, pura in genitricem.* Hanc omnes animae et admirantur et collaudant: *Quae est ista quae progreditur, etc.*; quod quidem omnes animae dicunt et adolescentulæ et concubinae et reginae, nam ipsamet ait: *Beatam me dicent omnes generationes.*³⁶ Sicut autem

28) Ct 6, 7-9. Vulg. habet: *Una est matris suae*, et: *Beatissimam praedicaverunt. Verba: Matri suae ex hebr.* 29) Cf. Gn 16, 1-3. 30) Cf. ibid. 30, 3-9. 31) Cf. ibid. 11, 29. 32) Cf. ibid. 29, 18-30. 33) Ms.: *Reginae.* 34) Cf. Lc 6, 13. 35) Cf. ibid 10, 1. 36) Lc 1, 48.

Ioannes sole, luna et stellis eam vidit ornatam luminibusque divinis res fulgentem; ³⁷ ita hic quoque Spiritus Sanctus eam sole, luna et stellis exornat: *Quae progreditur quasi aurora consurgens, pulcra ut luna, electa ut sol?*

Sic Maria in militanti Ecclesia super omnes fideles animas plenitudine gratiae fuit sublimata; sic ergo et in triumphanti; nam arca Dei sicut in tabernaculo Moysi locum habuit sacratissimum et supremum in sancta sanctorum collocata, ³⁸ ita et in templo Salomonis nobilissimo et honoratissimo omnium loco posita fuit in sancta sanctorum in medio Cherubim. ³⁹ Sic ergo Ioannes divinam hanc arcam vidit in coelesti templo uno tantum gradu infra thronum Dei, ⁴⁰ propitiatorium enim thronus Dei erat, ^{40a} arca vero immediate sub propitiatorio collocata erat. ⁴¹ Sedet Christus in throno Dei ad dexteram Patris, Maria autem ad Christi dexteram collocata est, sicut Bethsabee ad dexteram regis Salomonis filii sui. ⁴² Thronus igitur Mariae in coelo uno gradu distat a throno Dei tanquam Genitrix et vera Mater Dei.

ergo et in gloria.

IV. Maxima autem et supra modum solemnissima festivitas celebrata fuit in Ierusalem, cum sacrosanctissima arca translata fuit in templum Domini. Legimus enim 3 Reg. 8 quod *congregati sunt omnes maiores natu in Israel cum principibus tribuum et duces familiarum filiorum Israel ad regem Salomonem in Ierusalem, ut deferrent arcam foederis Domini de civitate David, idest, de Sion. Convenitque ad regem Salomonem universus Israel... Veneruntque cuncti senes de Israel, et tulerunt arcam sacerdotes... Rex autem Salomon et omnis multitudo Israel, quae convenierat ad eum, gradiebatur cum illo ante arcam, et immolabant oves et boves absque aestimatione et numero. Et intulerunt sacerdotes arcam foederis Domini in locum suum, in oraculum templi, in sanctum sanctorum subter alas Cherubim.* ⁴³ Idipsum legitur etiam 2 Paral. 5; et additur quod omnes sacerdotes et levitae cantoresque omnes vestiti byssinis, cymbalis, psalteriis, cytharis, organis, tubis et aliis musicis instrumentis concrepabant. ⁴⁴ Sic sacrosanctissima haec Divinitatis arca summo cum gudio et exultatione totius paradisi translata hodie in coelum est, Christo, omnibus Angelis Sanctisque omnibus comitata.

Arca maxima
solemnitate
translata in tem-
plum Domini;sic hodie Maria
in coelum.

37) Cf. Apc 12, 1. 38) Cf. Ex 26, 33-34; 40, 18. 39) Cf. 3 Rg 8, 6. 40) Cf. Apc 11, 19.
40a) Cf. Ex 25, 22. 41) Cf. Ibid. 26, 34. 42) Cf. 3 Rg 2, 19. 43) Vrr. 1-6. 44) Cf. vrr. 1-13.

Tres translationes arcae;

Sciendum autem quod de arca illa sacrosancta in Divinis Litteris tres solemnes translationes legimus. Prima fuit a deserto in terram promissionis facta a Iosue in transitu Iordanis, *Iosue 3*; ⁴⁵ altera vero facta fuit a David, cum transtulit arcam de civitate Cariathiarim in Ierusalem in montem Sion, *2 Reg. 6* ⁴⁶ et *1 Paral. 13*; ⁴⁷ postremo a Salomone translata fuit a civitate David in templum Domini positaque fuit in sancto sanctorum, ubi eius fuit perpetua sedes et locus. ^{47a} Ita hodie Sancta Ecclesia triplicem transitum celebrat divinae huius arcae. Primus est per mortem a deserto huius mundi ad *terram* promissionis *fluentem lacte et melle*, ⁴⁸ qui fuit transitus sanctissimae et beatissimae animae; alter fuit transitus resurrectionis cum etiam caro et corpus ipsius fuit ab anima beata et gloria per redivivam resurrectionem glorificatum; tertius est transitus assumptionis a terra in coelum in anima simul et corpore.

triplex transitus
Mariae: mortis,
resurrectionis,
assumptionis.

Primus arcae
transitus, idest,
Iordanis est
transitus ad
iudicium.

Maria nullum
iudicium passa
est in morte;

Mariae mors
dulcissima quia
pergebat ad
Filium.

V. Omnes transitus arcae fuerunt solemnissimi, in unoquoque enim ab universo exercitu et populo Israel comitata fuit, et in primo magnum miraculum accidit; mox enim ut arca ad Iordanem fuerit, stetit aquarum cursus, et siccatus est alveus fluminis. ^{48a} Iordanis *fluvius iudicii* interpretatur; omnis autem homo in morte iudicium patitur, iudicatur enim a Deo iustitia supra modum severissima et summo cum rigore de minimis etiam delictis; necesse est ut homo reddat rationem etiam de omni verbo otioso ⁴⁹ et vana cogitatione, et solvere opus est omne debitum usque ad minimum quadrantem. ^{49a} Sanctissima autem Virgo in morte nullum passa iudicium est, nullam condemnationem, quoniam nullum unquam debitum contraxit, nullum penitus peccatum vel minimum commisit. Poterat enim ipsa tanquam omni gratia plena cum filio dicere: *Venit princeps mundi huius, et in me non habet quidquam*, ⁵⁰ nam ait: *Tota pulchra es, amica mea, et macula non est in te*. ^{50a}

Non fuit mors Sanctissimae Virginis amara, non terribilis, sed dulcisissima et suavissima; nam si *pretiosa in conspectu Domini mors Sanctorum eius*, ⁵¹ mors Matri eius non potuit non esse pretiosissima, sicut ipsa sanctissima erat. Et si Paulus cupiebat *dissolvi et esse cum Christo*, ⁵² quoniam Apostolus erat Christi et vas electionis; quanto magis Maria,

45) Cf. vrr. 2-17.

48) Ex 33, 3.

50) Io 14, 30.

46) Cf. vrr. 1-18.

48a) Cf. Jos 3, 14-17.

50a) Ct 4, 7.

47) Cf. vrr. 3-14.

49) Cf. Mt 12, 36.

51) Ps 115, 15.

47a) Cf. 2 Par 5, 2-17.

49a) Cf. ibid. 5, 26.

52) Phil 1, 23.

quae Mater erat Christi et arca Divinitatis? Quod si sanctus patriarcha Iacob libentissime reliquit terram Chanaan cum omnibus possessionibus quas ibi habebat, ut descenderet in Aegyptum ad videndum dilectissimum filium suum Ioseph, quem audierat ibi vivere et regnare;⁵³ quanto libentiori animo existimandum est Sanctissimam Virginem reliquisse hunc mundum, ut ad Filium suum pergeret, quem sciebat regnare in coelo? Fuit igitur mors Sanctissimae Virginis absque ullo dolore, absque ulla tristitia, absque ullo timore vel afflictione animi vel corporis, sed laetissima summoque gaudio plena, vocata a Filio, perrexit in coelum anima illius sanctissima omnibus Angelis et Sanctis paradisi una cum Christo comitata; sic enim arca transivit Iordanem comitata universo populo Israelis.

Quod si laetissimus primus iste transitus fuit, secundus procul dubio fuit multo laetior, cum Virgo transivit per redivivam resurrectionem a morte corporis ad vitam sempiternam per corporis glorificationem. Sic David arcam transtulit in novum tabernaculum, quod ei in domo sua paraverat honorificentissimum,⁵⁴ ut regia maiestate dignum erat. Sic videmus glorificatum Virginis corpus: *Mulier amicta sole;*⁵⁵ in resurrectione enim omnes *Iusti fulgebunt sicut sol in regno Dei,*⁵⁶ sed Virgo multo erit gloriosior Iustis quibuscumque, quam sit sol ceteris astris lucidior. Hoc enim est quod *luna Ecclesiae erit sub pedibus eius,*⁵⁷ quoniam ipsa Domina et Regina est omnium Sanctorum; omnesque Angeli tanquam ministri assistent ei, et ministrabunt uti supremae Imperatrici, sic: *In capite eius corona stellarum duodecim;*⁵⁸ Angeli enim per duodecim alas Seraphim apud Iosaiam designantur,⁵⁹ in duos divisi ordines assistantium et ministrantium. Quilibet autem ordo perfectus est, ideo senario numero, qui primus est perfectorum, describitur. Sicut autem sol excedit lucem tum lunae tum stellarum; sic Maria excedit gloriam in coelo tum hominum tum Angelorum; ideo *amicta sole* conspicitur, corpore glorificato.

Cum translata fuit a David arca in Ierusalem per singulos sex passus offerebantur Deo holocausta; David autem ante arcam psallebat cythara et totis viribus saltabat amictus ephod lineo; sacerdotes omnes et levitae musicis instrumentis omnis generis concrepabant, et universus populus summa laetitia et exultatione iubilabat, tandemque David universo populo convivium fecit, *2 Reg.* 6⁶⁰ et *1 Paral.* 15.⁶¹ Sic hodie Beatissima Virgo

Secundus arcae
transitus, idest
ad tabernaculum
Davidis, est
secundus Mariæ
transitus, idest,
ad corporis
resurrectionem.

Sicut sol inter
asta, ita Maria
resuscitata
inter Angelos et
Sanctos.

In secundo arcae
transitu multa
huc holocausta et
laudes;

53) Cf. Gn 45, 28. 54) Cf. 2 Rg 6, 17. 55) Apc 12, 1. 56) Mt 13, 43. 57) Apc 12, 1.
58) Ibid. 12, 1. 59) 6, 2. 60) Cf. vtr. 13-19. 61) Cf. 15, 25 sqq.; 16, 3.

summa cum exultatione Angelorum et Sanctorum omnium translata est per carnis resurrectionem et glorificationem corporis ad paradisi gloriam perfectam, in Ierusalem *pacis visionem* et *duplicis pacis*, nam hebraice dicitur *Ierusalaim* duali numero, quoniam duplex est gloria animae et corporis. Existimo autem quod hodie omnes Angeli omnesque Sancti innumeris laudum sacrificia et holocausta gratiarum actionum Deo obtulerint, quod voluerit tali tantoque thesauro ditare et honorare paradisum. Sicut enim sol honorat potius et decorat coelum, quam honoretur et decoretur a coelo; ita Maria honorat et glorificat paradisum sua praesentia.

in resurrectione
Mariae innu-
mera laudum
sacrificia.

Tertius arcae
transitus, idest,
ad sanctum
sanctorum
templi Salomo-
nis, est Mariae
transitus ad
supremam coeli
partem.

Tertio tandem a Salomone translata fuit arca a civitate David in templum et nobilissimam supremamque partem templi, in sanctum sanctorum. Sic tandem Maria anima et corpore glorificata translata fuit assumptaque in coelum et supremam coeli partem iuxta thronum Dei, constituta super omnes Angelorum choros et sedes, coronata Imperatrix mundi, Domina Angelorum et Regina Sanctorum omnium. Sic igitur D. Ioannes vidit sacrosanctissimam arcam hanc in coelesti templo Dei, quoniam eo hodie a Christo assumpta perductaque fuit.

Christus Matri
dedit in coelo
optimam gloriae
partem, quia in
terris sua
industria opti-
nuit optimam
gratiae partem.

VI. Causa autem talis tantaeque gloriae et exaltationis in hodierno Evangelio exprimitur: *Maria optimam partem elegit*. Si enim hic Maria habuit optimam partem gratiae, testante Angelo; qui ait: *Ave, gratia plena*; ⁶² necesse est ut in coelo habeat optimam partem gloriae, nam, uti diximus, gloria respondet gratiae, sicut praemium merito et messis sementi: *Qui parce seminat, parce et metet, et qui seminat in benedictionibus*, hoc est abundanter, in *benedictionibus et metet*, ⁶³ abundanter metet fructum centuplum vel sexagesimum vel tricesimum, prout terra bona vel melior aut optima fuerit ⁶⁴ cordis praediti caritate magna, maiori, maxima.

Non fuit a Christo assumpta Maria in coelum et super omnes Angelorum choros collocata ex affectu carnis, eo quod Mater ipsius carnalis fuerit, nam ait: *Sedere... ad dexteram meam vel sinistram non est meum dare...* nisi *quibus paratum est a Patre meo*. ⁶⁵ Deus autem *spiritus est*, nec diligit nisi *eos qui adorant eum in spiritu et veritate*; ⁶⁶ nec Christus largitor est gloriae quatenus homo est, sed quatenus Deus est, et cum in terris esset ex affectu carnis Matrem nihili curare visus est. Hinc in nup-

62) Lc 1, 28.

63) 2 Cor 9, 6.

64) Cf. Mt 13, 8.

65) Ibid. 20, 23.

66) Io 4, 24.

Vulg.: *Spiritus est Deus*, etc.

tiis dixit ei: *Quid mihi et tibi est, mulier?*⁶⁷ Alibi quoque: *Quae est mater mea?... Quicumque... fecerit voluntatem Patris mei..., ipse meus frater et soror et mater est.*⁶⁸ Mulieri etiam dicenti: *Beatus venter qui te portavit, et ubera quae suxisti,* respondit: *Quinimo beati qui audiunt verbum Dei, et custodiunt illud.*⁶⁹ Affectu igitur spirituali Christus Matrem diligebat, non intuitu carnis sed spiritus, non respectu naturae sed gratiae, sed virtutis, sed sanctitatis. Propterea igitur hodie Matri dedit in coelo optimam partem gloriae, quia in terris habuit optimam partem gratiae: *Maria optimam partem elegit.* Respondet magnitudo praemii magnitudini meriti, magnitudini virtutis, magnitudini gratiae; et sicut hic *plena gratia* fuit, ita in coelo plena est gloria. Cognoscat magnitudinem gratiae, qui vult cognoscere magnitudinem gloriae.

Sed quae nam lingua dicere unquam poterit qualis et quanta fuerit gratia et sanctitas Mariae? *Ave, gratia plena.* Si vas plenum est, a magnitudine vasis sciri potest magnitudo eius quod continetur in eo. Vas autem gratiae et caritatis cor nostrum est, voluntas nostra est, anima nostra est, ad imaginem et similitudinem Dei creata,⁷⁰ quae, sicut Deus infinitus est, ita desiderio et affectu infinitae capacitatis et magnitudinis est, quam nec totus implet mundus, nec nisi solus Deus potest implore. Hinc primi parentes Dei similitudinem et aequalem gloriam concupivere.⁷¹ Si igitur vas istud infinitae capacitatis est, infinita ergo quodammodo gratia plena fuit, tanta ut nec desiderare potuerit maiorem: *Ave, gratia plena.* Et merito Angelus non dixit: *Ave, fide plena,* aut spe vel caritate vel iustitia aut prudentia, sed *gratia plena*, quoniam gratia omnes virtutes continet et dona Spiritus Sancti.

Magnitudo
gratiae Mariae
infinita, sicut
infinita capacita
ipsius animae.

VII. Quod autem omni *gratia plena* fuerit Maria, Spiritus Sanctus, qui fons est totius gratiae, multis ostendit in *Cantico Salomonis*. Primo cum ait: *Tota pulca es, amica mea, et macula non est in te,* idest, nulla tibi deest gratia; itemque cum ait: *Quae est ista quae ascendit de deserto sicut virgula fumi ex aromatibus myrrae et thuris et universi pulveris pigmentarii?*⁷² Assimilatur Maria ascendens in coelum fumo et nubeculae ex odoratissimis aromatibus omnis generis, quae reperiuntur in aromatoria apotheca Spiritus Sancti. Assimilatur nubeculae ascendent in coelum; et

Anima Virginis
vere omni gratia
referta, quia in
Canticis nubi
assimilata ob
gratiarum plen-
itudinem,

67) Ibid. 2, 4.

68) Mt 12, 48-50.

69) Lc 11, 27-28.

70) Cf. Gn 1, 27.

71) Ibid. 3, 4-6.

72) Ct 3, 6. Vulg.: *Quae est ista quae ascendit per desertum, etc.*

forte est allusio ad nubeculam illam quae ad preces Eliae ascendit de mari, moxque totum replevit coelum et copiosissimas aquas dimisit in terram ad ditandum mundum, qui tunc magna rerum penuria et maxima annonae caritate laborabat.⁷³ Sic Maria ascendens in coelum replevit totum paradisum gloria et Ecclesiam in terra gratia.

Hanc eandem gratiarum omnium plenitudinem in iisdem *Canticis* ostendit Spiritus Sanctus, dicens: *Sicut turris David collum tuum, quae aedificata est cum propugnaculis; mille clypei pendent ex ea, omnis armatura fortium.*⁷⁴ Mystici corporis sanctae Ecclesiae, cuius caput est Christus, nam omnes unum corpus sumus in Christo,⁷⁵ Maria collum est, quod super omnia alia membra constitutum capiti immediate coniungitur; sic Maria Christo super omnes Santos. Per collum caput inclinatur, per Mariam Dei misericordiam consequimur; per collum descendit influxus capitum in corpus, et ascendunt vapores a corpore in caput; sic per Mariam ascendunt orationes Ecclesiae ad Deum, et descendunt gratiae a Deo in Ecclesiam.

collo assimilata
ob altiorem et
utiliorem partem
in mystico
corpo Christi,

et collo ut turris
David fortis ob
virtutis robur

Collum autem hoc turris fortissima dicitur, *turris David*, arx Sion, in qua *omnis armatura fortium*. Virtutes designantur per arma in symbolica theologia. Hinc Paulus: *Induamur arma lucis.*⁷⁶ *Arma militiae nostrae non carnalia sunt, sed potentia Deo.*⁷⁷ Accipite... armaturam Dei, ut possitis stare adversus insidias diaboli; nam *non est nobis collectatio adversus carnem et sanguinem, sed adversus principes et potestates, adversus mundi rectores tenebrarum harum, contra spiritualia nequitiae in coelestibus.* Propterea accipite armaturam Dei, ut possitis resistere in die malo et in omnibus perfecti stare. *State ergo succincti lumbos vestros in veritate et induit loricam iustitiae et calceati pedes in praeparatione Evangelii pacis, in omnibus sumentes scutum fidei, in quo possitis omnia tela nequissimi ignea extinguere; et galeam salutis assumite et gladium spiritus, quod est verbum Dei.*⁷⁸ Ait ergo quod ex turri hac pendent *mille clypei*, mille scuta, *omnis armatura fortium*, omnes virtutes Sanctorum; hinc dicitur *terribilis ut castrorum acies ordinata,*⁷⁹ et quasi *chorus castrorum;*⁸⁰ propterea adhuc in *Canticis* paradisus dicitur hortusque conclusus cum omnibus lignis Libani et omnibus primis aromatibus.⁸¹

73) Cf. 3 Rg 18, 43.

74) Ct 4, 9.

75) Cf. Gal 3, 28.

76) Rom 13, 12

77) 2 Cor 10, 4.

78) Eph 6, 11-17.

79) Ct 6, 3.

80) Ibid. 7, 1.

81) Cf. Ct 4, 12-14.

VIII. Alia adhuc via ostendit Spiritus Sanctus omnem gratiae plenitudinem in Maria, dum eam a capite usque ad pedes laudat per singulas corporis partes; laudat enim ipsius comas,⁸² tempora, sive frontem, oculos,⁸³ nasum,⁸⁴ genas,⁸⁵ labia,⁸⁶ dentes,⁸⁷ linguam, sive eloquium,⁸⁸ colum,⁸⁹ pectus, ubera,⁹⁰ ventrem,⁹¹ tibias et pedes,⁹² ut eam ostendat omni gratia plenam. Manus tantum laudatas minime legimus, quoniam *omnis gloria eius filiae regis ab intus in fimbriis aureis, circumamicta varietate*,⁹³ nam cum hodierna Maria optimam partem elegit contemplationis. Ipsa tamen de manibus suis dicit: *Manus meae stillaverunt myrrham, et digitii mei pleni sunt myrrha probatissima*,⁹⁴ hoc est, fuerunt eius opera perfectissima, quae suavissimum spargebant odorem, sicut, cum Maria effudit unguentum super caput et pedes Christi, domus repleta fuit ex odore unguenti.⁹⁵ Tota igitur per singulas partes laudata est, ut ostendatur omni gratia plena.

Quoniam vero multos legimus gratia plenos ut Ioannem Baptistam, de quo Angelus: *Spiritu Sancto replebitur... ex utero matris suae*,⁹⁶ Stephanum, de quo Lucas: *Stephanus... plenus gratia et fortitudine*,⁹⁷ Apostolos: *Repleti sunt omnes Spiritu Sancto*;⁹⁸ ne hos putaremus aequales fuisse Mariae in plenitudine gratiae, ostendit Spiritus Sanctus excellentiam Mariae super omnes Santos, dum eam unicam statuit super omnes reginas, concubinas et adolescentulas virgines,^{98a} idest, super omnes fideles electasque animas. Hoc ipsum ostendit dum ait: *Sicut lillum inter spinas, sic amica mea inter filias*,⁹⁹ idest, quantum excedit lillum, sive rosa, spinosas frondes roseti, tantum Virgo excedit alias omnes electas animas. Et item cum ait: *Quam pulcrae sunt mammae tuae, soror mea sponsa, pulcriora sunt ubera tua vino, et odor unguentorum tuorum super omnia aromata*.¹⁰⁰

Videte, quaeso, quomodo Spiritus Sanctus laudat Deiparam Virginem: *Quam pulcrae sunt mammae tuae. Quam pulcra es, amica mea, quam pulcra es!*¹⁰¹ *Quam pulcri sunt gressus tui in calceamentis, filia principis!*¹⁰² *Quam pulcra es et quam decora, carissima, in deliciis!*¹⁰³ Docet

Anima Virginis
vere omni gratia
referta, quia
a Spiritu S.
a capite usque ad
pedes laudata.

Multi gratia
pleni, Maria
supra omnes.

Plenitudo gratiae
Mariae vix
a Spiritu S.
digne laudari
potest.

- | | | | |
|--|-----------------------------------|-----------------------------|---------------------|
| 82) Cf. ibid. 5, 11. | 83) Cf. ibid. 1, 14. ⁷ | 84) Cf. ibid. 7, 4. | 85) Cf. ibid. 1, 9. |
| 86) Cf. ibid. 4, 3, 11. | 87) Cf. ibid. 4, 2. | 88) Cf. ibid. 4, 3. | 89) Cf. ibid. 1, 9. |
| 90) Cf. ibid. 1, 1. | 91) Cf. ibid. 5, 14. | 92) Cf. ibid. 5, 3. | 93) Ps 44, 14-15. |
| Vulg.: <i>Varietatibus.</i> | 94) Ct 5, 5. | 95) Cf. Mc 14, 3; Io 12, 3. | 96) Lc 1, 15. |
| 97) Act 6, 8. | 98) Act 4, 31. | 98a) Cf. 6, 7-8. | 99) Ct 2, 2. |
| 99a) Hebr. enim sôsannat vel sôsann lîlum et rosam significat. | | | 100) Ibid. 2, 2. |
| 101) Ct 4, 1. | 102) Ibid. 7, 1. | 103) Ibid. 7, 6. | |

modus iste loquendi quod talis tantaque fuit plenitudo gratiae, talis et tanta excellentia sanctitatis, ut nedum omnis lingua tum humana tum angelica impar sit ad Virginem hanc pro dignitate laudandam, sed quod vix Spiritus Sancti lingua satis est ad eam dignis laudibus pro merito celebrandam, vel quod non potest humanis verbis exprimere sanctitatis ipsius divinam excellentiam, ut eam nos capere et intelligere possimus. Hinc ait: *Odor unguentorum tuorum super omnia aromata:*¹⁰⁴ virtus tua super omnes virtutes est, sanctitas tua super omnem purae creaturae sanctitatem, gratia tua super omnem gratiam quae vel in hominibus vel in Angelis reperitur vel reperiri potest.

Anima Virginis
vere omni gratia
referta quia
duplici sanctita-
tis parte donata.

IX. Perfectionem item et excellentiam gratiae et sanctitatis Beatissimae Virginis adhuc longa oratione describit Spiritus Sanctus in *Canticis*, dicens: *En lectulum Salomonis sexaginta fortis ambiant ex fortissimis Israel, omnes tenentes gladios et ad bella doctissimi, uniuscuiusque ensis super femur suum propter timores nocturnos. Ferculum fecit sibi rex Salomon de lignis Libani, columnas eius fecit argenteas, reclinatorium aureum, ascensum purpureum, media caritate constravit propter filias Ierusalem.*¹⁰⁵ Haec verba dicta sunt a Spiritu Sancto immediate post illa: *Quae est ista quae ascendit de deserto, quasi virgula fumi ex aromatibus myrrhae et thuris et universi pulveris pigmentarii?* Quae plenitudinem gratiae Beatissimae Virginis exprimunt, cuius excellentissimam perfectionem postea duabus metaphoris elegantissime declarat.

Prima sanctitatis
pars: omni
carere vitio.

Lectulus Salo-
monis a timori-
bus securus,
quia a fortibus
defensus;

Sanctitas nanque suapte natura duo requirit: puritatem et candorem animi, qui ab omni vitio liber sit, et copiam virtutum omnium, quae animum omni ex parte perficiant. Primam autem partem sanctitatis prima declarat metaphora, dum lectulo Salomonis regioque cubiculo, ad cuius custodiā fortissimorum militum magna deputata sit manus, comparatur. Fuit Sanctissimae Virginis cor et pectus sacratissimum semper Sancti Spiritus templum et Divinitatis habitaculum ob gratiae plenitudinem et caritatis perfectionem.

Caritatem autem perpetuo sex virtutes comitantur: fides, spes et quatuor cardinales. Virtutes autem omnes a daemonibus multis temptationibus impugnantur. Sunt autem multi qui fortissimo quidem animo praediti sunt

104) Ibid. 4, 10.

105) Ct 3, 7-10.

ad pugnandum contra quasvis tentationes in defensionem alicuius virtutis, puta fidei, aut iustitiae vel castitatis, qui parati sunt mortem potius subire quam virtutem, quam maximi faciunt, deserere aut violare; sed erga alias virtutes remisso et debili animo sunt; hinc facile peccant levibus tentationibus cedentes. Multi maximi faciunt fidem, sed quasi nihili caritatem; alii magni faciunt iustitiam, sed minimi castitatem; alii castitatem maxime colunt, sed non humilitatem ceterasque virtutes.

Beatissima autem Virgo fortissimo animo praedita fuit in defensionem et tutelam non unius tantum, sed omnium simul virtutum, vivacissimisque et fortissimis animi spiritibus omnes defendebat a quavis daemonum tentatione; tentata enim per omnia fuit sicut et Christus,¹⁰⁶ sed omnem superavit temptationem; hic nullum unquam vel minimum admisit peccatum. Hoc est quod ait: *Sexaginta fortes ambient ex fortissimis Israel*, quasi unaquaeque virtus decem haberet fortissimos milites in sui perpetuam custodiā praeparatos, qui militari arte praeditissimi sint, et semper armati propter timores nocturnos, idest, propter daemonum tentationes. Sic nullus unquam patuit inimicis accessus, et securissima semper mansit absque ulla hostium laesione, sicut lectus Salomonis in regio cubiculo. Sic declaratur prima pars sanctitatis, illibatissima innocentia et puritas animi. Constat custodia haec militum numero denario, qui sphaera numerorum est, per senarium ducto, qui primus est perfectorum, ad denotandum quod Sanctissima Virgo maxima ac supramodum perfectissima custodia cor suum perpetuo custodivit.

Quoad alteram vero sanctitatis partem, quae in virtutum copia consistit, ait: *Ferculum fecit sibi rex Salomon*. Quod prius dixerat lectum, nunc ferculum dicit, declaratque qualisnam lectus ille erat. *Lectulum*^{106a} *fecit sibi rex Salomon de lignis Libani*, ex lignis nobilissimis et excellentissimis, quae tunc temporis in summo pretio habebantur; *columnas eius fecit argenteas, reclinatorium aureum, ascensum purpureum*. Totum composuit ex natura nobilissima et excellentissima, qualia sunt cedri Libani inter ligna, argentum et aurum inter metalla, purpura regium indumentum inter pannos. Sed tandem, ut declaret quidnam haec significant, ait: *Medium eius caritate constravit propter filias Ierusalem*,¹⁰⁷ hebr.: *mibanoth Ierusalaim, supra filias Ierusalem*, idest, super omnes perfectas ani-

sanctitas Mariae
a vitiis secura,
quia a fortissimo
eius animo
defensa.

Secunda pars
sanctitatis:
virtutibus abun-
dare.

Ferculum Salo-
monis natura
nobilissimum
significat
Virginis
caritatem.

106) Cf. Hebr 4, 15.
107) *Medium* ex hebr.

106a) Sic etiam hebr. verti potest. Vulg. habet: *Ferculum*.

mas. Haec est excellentia sanctitatis, quae in caritate consistit, nam caritas est vinculum perfectionis.^{107a} Hanc eandem excellentiam ostendit Regius Vates, dicens: *Fundamenta eius in montibus sanctis, diligit Dominus portas Sion, hoc est civitatem Sion, super omnia tabernacula Iacob. Gloriosa dicta sunt de te, civitas Dei.*¹⁰⁸

X. Pendet gratia et gloria in Electis a Deo, sicut in astris lux a sole: *Chi scemesc umagen Iehovah Elohim, hen vecabod iitten Iehovah, sol et scutum Dominus Deus, gratiam et gloriam dabit Dominus.*¹⁰⁹ Omne datum optimum et omne donum perfectum desursum est, descendens a Patre luminum.¹¹⁰ Sicut igitur illa stella in coelo maiori lumine praedita est, cui sol maiorem lucem communicat; ita illa anima maiori gratia plena est, quam Deus magis diligit, nam diligere Dei est bene velle et bene agere. Sed diligit, inquit, *Dominus portas Sion super omnia tabernacula Iacob*, idest, super omnes electas et dilectas animas, nam Iacob Electorum typum gessit: *Iacob dilexi.*¹¹¹ Sicut igitur maxima et excellentissima fuit gratia et sanctitas Mariae in hoc mundo; ita maxima et excellentissima est gloria in paradyso: *Maria optimam partem elegit.*

Sicut in corporei mundi creatione Deus in unoquoque entium genere posuit unum aliquod ens, quod est omnium, quae sub illo sunt, genere excellentissimum, uti inter astra solem, inter animalia hominem, inter metalla aurum, inter lapides adamantem; sic etiam in mundo spirituali inter virtutes caritatem, inter Sacraenta Eucharistiam, inter Scripturas Evangelium; sic inter Patriarchas Abrahenum, inter Prophetas Moysem, inter sacerdotes Aaronom, inter iudices Iosue, inter reges David, inter Apostolos Petrum, inter Evangelistas Ioannem, inter diaconos Stephanum; sic inter omnes electas animas Mariam. Hoc est: *Maria optimam partem elegit*; hoc item est quod in *Canticis* legimus: *Veni de Libano, sponsa..., veni de Libano, veni; coronaberis, de capite Amana, de vertice Sanir,*¹¹² hebr.: *Mecum de Libano, o sponsa, mecum de Libano venies, prospicies de capite Amana*, quod interpretatur *fides, de capite Scenir*, idest, quod est *lucerna*; caput enim, idest, sumnum et perfectissimum gradum fidei et caritatis obtinuit. Sic: *Optimam partem elegit.*

Anima Virginis
vere omni gratia
referta quia
a Deo inter
Sanctos magis
dilecta, inter
Electos praeci-
pua, inter omnia
nobilior.

Sancti eo
sanctiores quo
a Deo magis
dilecti.

In unoquoque
entium genere
Deus praeci-
puum posuit;

inter Electos
Mariam.

Triplex aurum,

Sicut in natura reperitur aurum bonum, melius et optimum; unde hebr.

107a) Col 3, 14.

108) Ps 86, 1-3.

109) Ps 83, 12 ex hebr.

110) Iac 1, 17.

111) Rom 9, 13.

112) Ct 4, 8.

aurum triplici nomine designatur, vocatur enim *zahab* et *chethem* et *paz*; sic in virtutibus datur virtus bona, melior et optima; dantur enim virtutes purgatoriae, quae bonae sunt, virtutes animi purgati, quae sunt meliores, et virtutes exemplares et heroicae, quae sunt optimae.¹¹³ *Maria optimam partem elegit.*

Maria aurum optimum.

Fecit Deus mundum hunc ad instar statuae illius, quam Nabuchodonosor vidit in somnis, cuius partes quo superiores erant eo etiam nobiliores; nam pedes fictiles erant, tibiae autem ferreae, sed venter aeneus, pectus argenteum et caput aureum.^{113a} In mundo hoc partes quo sunt superiores eo etiam nobiliores; super terram nobiliora elementa, super elementa nobilius coelum, supra coelum hoc visibile invisibile empyreum, supra hoc nobiliores substantiae, spiritus angelici. Idem in spirituali sanctae Ecclesiae mundo efficit; hinc in admirabili illa visione Iacob Ecclesia per scalam ascendentem in coelum designatur: *Hic domus Dei est et porta coeli*; Deus autem summitati scalae innixus erat,¹¹⁴ qui Christus est, sanctus Sanctorum. In tabernaculo Domini semper ab ignobiliori ad nobiliorum partem ascendebatur, et in atrio quidem erat altare aeneum, in sancto altare aureum, idest, totum auro vestitum, sed in sancta sanctorum propitiatorium cum Cherubim, quod totum erat ex purissimo auro.^{114a} In vestibus quoque summi pontificis, in quibus designabatur Ecclesia, infima erat byssina, media nobilior hyacinthina coelestis coloris, suprema, quae superhumeralē dicebatur, pretiosissima erat, mira colorum varietate et multis gemmis ornata; tandem in capite laminam auream gestabat divino nomine insignitam;¹¹⁵ auro autem nullum vel desiderari vel excogitari potest nobilius aut pretiosius metallum. Sic est pars optima Mariae, vere optima, qua nulla potest esse melior in pura creatura; optima pars quae sub Deo nec superiorem nec aequalem habere potest sanctitatem.

In mundo partes superiores sunt etiam nobiliores;

ita in Ecclesia, in qua Maria optimam partem obtinet in sanctitate.

XI. Nunc, quaeso, consideremus hinc quali et quanta gloria in coelo donata sit Sanctissima Virgo Maria. Ex magnitudine et excellentia gratiae et sanctitatis coniiciamus magnitudinem et excellentiam gloriae, nam gloria respondet gratiae et magnitudini meritorum, ut Christus docuit in parabola decem mnarum; eum enim qui, una accepta mna, decem lucratus fuit,

Ex magnitudine gratiae coniicitur magnitudo gloriae.

113) Cf. Plotin. *De Virtute*, cp. 1. Edit. 1492, Florentiae; D. Thom. p. 1-2, q. 61, a. 5.

113a) Cf. Dn 2, 31-34. 114) Cf. Gn 28, 11-19. 114a) Cf. Ex 40, 1 sqq.; Hebr 9, 1-5.

115) Cf. Ex 28, 4-37.

constituit super decem civitates, et eum, qui quinque lucratus fuit, constituit supra quinque civitates.¹¹⁶ Sic respondet gloria gratiae.

Minimus
Beatorum fulge-
bit sicut sol.

Agens autem Christus de gloria Sanctorum in coelo, ait: *Fulgebunt Iusti sicut sol in regno Patris eorum*, sicut etiam Debora prophetis in suo cantico ait: *Qui diligunt te, sicut sol in ortu suo splendet, ita rutilent.*¹¹⁷ Minimus igitur Beatus in coelo, cum iustus sit et caritate praeditus, fulgebit sicut sol. Nec simpliciter ait Christus quod *fulgebunt Iusti sicut sol*, sed *in regno Patris eorum*, idest, in paradiso, in empyreco coelo, quod secundum theologos totum est multo fulgidius sole isto. Quilibet autem Iustus in empyreco fulgebit sicut sol, tanto erit empyreco coelo lucidior, quanto sol iste reliquo coelo. Minimus igitur Beatus in empyreco coelo infinitis prope partibus splendidior erit sole isto.

Sunt gradus
inter Beatos,

sicut in numeris
et in scala.

Ineffabilis gloria
supremae
animaee;

D. Ioannes Chrysostomus, 2 Expositio in Matthaeum, homilia 27, exponens illud: *Inter natos mulierum non surrexit maior Ioanne Baptista*, ait quod «omnes Sancti invicem sibi aut inferiores sunt aut priores; quare qui maiorem non habet, maior omnibus est»;¹¹⁸ sicut in numeris non possunt reperiri duae numerorum species aequales, sed omnis numerus alteri comparatus vel inferior vel superior est, et propterea forte Ecclesia per scalam Iacob designatur, nam in scala non reperiuntur gradus aequales, sed semper alius alio vel superior vel inferior est. Hoc est quod Paulus ad Corinthios ait quod *in Christo omnes vivificabuntur*, sed *unusquisque... in ordine suo*, sive gradu suo; *primitiae Christus, deinde ii qui sunt Christi;*¹¹⁹ et sicut *stella... differt a stella in claritate, sic erit in resurrectione mortuorum.*¹²⁰ Erit igitur in paradiso multitudo Sanctorum quamvis innumerabilis, ut Ioannes in Apocalypsi ait: *Vidi turbam magnam, quam dinumerare nemo potest,*¹²¹ veluti ordinatissima acies imperturbabili ordine et modo mirabili elegantissime disposita. Si igitur qui inter Sanctos ordine infimus est, infinitis prope gradibus sole lucidior erit, et gloria in reliquis qui sequuntur semper crescit pro meritis sicut in serie numerorum; bone Deus, cum sit Sanctorum innumerabilis multitudo, quisnam, inquam, mente excogitare poterit quaenam et qualis sit gloria eius animae, quae supremo gradu supra omnes Sanctos et Electos est consti-

116) Cf. Lc 19, 12-20.

117) Idc 5, 31.

118) P. G. 57, 775. Opus imperfectum in Matthaem inter opera D. Chrysostomi; nunc cuidam Ariano saec. 5 vel 6 adjudicatum. Cf. Bardenheuer, Manuale di Patrologia (vers. ital.) Roma Desclée e C. 1908. vol. 2, § 74.

22-23.

119) 1 Cor 15, 22-23.

120) Ibid. 15, 41-42. Vulg.: *Sic et resurrectio mortuorum.*

121) Apc 7, 9. Vulg. habet: *Poterat.*

tuta? Et si vera Div. Thomae opinio quod omnes Angeli specie differunt,¹²² ita ut quilibet Angelus veluti phoenix unica et singularis speciem constitutat, sintque species rerum sicut numeri una alia semper perfectior et nobilior, et unus omnium infimus Angelus plusquam mille soles resplendent; quis erit splendor supremi omnium?

Quae igitur gloria Mariae quae hodie super omnes Angelorum choros est ad Christi dexteram exaltata? Gloria est supra modum Angelicis etiam linguis et mentibus ineffabilis et incomprehensibilis. Sic Regius Vates ait: *Astitit regina a dextris tuis in vestitu deaurato, circumdata varietate;*¹²³ hebr.: *Filiae regum in honoribus tuis, sed astitit coniux ad dexteram tuam in diademe aureo.* Omnes electae animae in paradisi gloria loco resident honoratissimo tanquam filiae regum; sed Virgo Sanctissima tanquam regina omnium, summi Regis coniux ad dexteram Christi augustinissimi Imperatoris sedet; nam si *multae filiae congregaverunt sibi divitias, haec supergressa est universas.*^{123a} Sic igitur Beatissima Virgo in coelo maxima ac prope infinita gloria et honore est coronata ex meritorum et gratiae magnitudine. Hinc ubi *Psalmo 44* legimus: *Omnis gloria eius filiae regis ab intus in fimbriis aureis, circumamicta varietatibus; adducentur regi virgines post eam,*¹²⁴ hebr.: *Tota gloriosa filia regis intrinsecus propter intertexturas, induita auro in recamatis; adducentur regi virgines post eam concomitantes eam.*

XII. Pendet autem magnitudo gloriae primo quidem a magnitudine divinae caritatis, quae fons est omnium bonorum: *Sic... Deus dilexit mundum ut Filium suum Unigenitum daret, ut omnis, etc.*^{124a} Quod si magna est Dei caritas erga omnes Electos, profecto erga Sanctissimam Virginem maxima est, cui Filium suum dedit non tantum in Redemptorem, Sanctificatorem et Glorificatorem, sed in verum naturalemque Filium. Hinc ipsa in *Canticis* divinum erga ipsam amorem ob magnitudinem plurali numero amores dicit: *Meliora sunt ubera tua vino: meliores sunt amores tui vino.*¹²⁵ Et etiam quoniam, cum multiplex sit hominis amor, in parentes, in filios, in uxorem, in fratres et sorores, in amicos et in bona quae possidet, Virgo Sanctissima omnibus hisce potita est divinis amoribus; hinc

gloria Mariae
supra omnes
exaltatae omnino
incomprehen-
sibilis.

Pendet magni-
tudo gloriae a
magnitudine
amoris Dei erga
animam; Maria
a Deo supra
omnes dilecta,
ergo supra
omnes exaltata.

122) Cf. *Contra Gent.* lib. cp. 2, 93; *S. Theol.* 1. q. 50. a, 4. 123) Ps 44, 10. 123a) Prv 31, 29.

124) Vtr. 14-15.

124a) Io 3, 16.

125) Ct 1, 1. *Meliores... amores ex hebr.*

in *Canticis* dicitur mater, ¹²⁶ soror, ¹²⁷ sponsa, ¹²⁸ amica, ¹²⁹ filia ¹³⁰ Christi; dicitur civitas regia, ^{130a} hortus, ¹³¹ paradisus, ¹³² fons, ¹³³ lectus ¹³⁴ et thronus Salomonis, ¹³⁵ idest Christi. Hoc autem totum ad designandam exprimendamque amoris magnitudinem. A maximo igitur amore orta est maxima gloria, veluti a maximo sole maximus radius, et maximo igne maximus calor, a maximo fonte maximus rivus.

pendet a ma-
gnitudine amoris
animae erga
Deum; Maria
supra omnes
Deum dilexit,
ergo supra
omnes exaltata;

Pendet item magnitudo gloriae a magnitudine gratiae et caritatis; caritas enim est quae meretur gloriam, ut Paulus docet: *Caritatem autem non habeam, nihil sum..., nihil mihi prodest.*¹³⁶ Maria autem plena fuit gratia, plena caritate: *Ave, gratia plena;* hinc introducitur in *Canticis* flagrans ardentissima caritate: *Quia amore langueo.*¹³⁷ Maria vere *ex toto corde... ex tota anima... ex tota mente et ex totis viribus* Deum dilexit,¹³⁸ adeo ut sicut vas plenum usque ad summum capax non sit maioris copiae liquoris; sic cor Mariae tanta plenum fuit caritate, ut non potuerit capax esse maioris et intensioris amoris. Sicut igitur maxima caritate Virgo Deum dilexit supra omnes Santos post Christum; ita a Deo maxima gloria supra omnes Electos post Christum donata in perpetuum est.

pendet a magi-
tudine doloris
tolerati; Maria
supra omnes
doluit,
ideo supra
omnes exaltata;

Tribuitur etiam gloria patientiae et martyrio, nam ait: *In patientia vestra possidebitis animas vestras.*¹³⁹ *Beati qui patiuntur persecutiones propter iustitiam, quoniam ipsorum est regnum coelorum.*¹⁴⁰ Maria autem acerbissimum martyrium passa fuit, iuxta quod Simeon praedixit ei: *Tuam ipsius animam pertransibit gladius ob Christi passionem,* dixit enim: *Positus est hic... in signum cui contradicetur,*¹⁴¹ ideo *tuam ipsius animam pertransibit gladius.* Mortalissimo enim dolore veluti acutissimo gladio transverberatum fuit sanctissimum cor Virginis in passione Christi, cum staret iuxta crucem.¹⁴² Nam amor mensura doloris est; qui magis amat, magis dolet, maximus amor maximi causa doloris est; Virgo autem Unigenitum Filium suum infinito prosequebatur amore tanquam unicum Dei Filium, infinitae pulcritudinis, virtutis et bonitatis. Sicut igitur acerbissimum

126) Cf. ibid. 3, 11. 127) Cf. ibid. 4, 9-12. 128) Cf. ibid. 4, 8-12. 129) Cf. Ct 2, 10-13. 130) Cf. ibid. 7, 1. 130a) Cf. ibid. 6, 3, ubi Sponsa comparatur Ierusalem; text. hebr. comparat eam etiam *Theresa* (Vulg.: *Suavis*), quae prius fuit sedes regum Chananaeorum (Jos 12, 24) et postea regum Israelis ante Samariam (3 Rg 14, 17; 15, 33). 131) Cf. ibid. 4, 12. 132) Cf. ibid. 4, 13. 133) Cf. ibid. 4, 15. 134) Cf. ibid. 3, 7. 135) Cf. ibid. 3, 7. 136) 1 Cor 13, 2-3. Vulg.: *Non habuero.* 137) Ct 2, 5. 138) Mc 12, 30. Vulg.: *Ex tota virtute tua.* Cf. etiam Lc 10, 27. 139) Ibid. 21, 19. 140) Mt 5, 10. Vulg.: *Beati qui persecutio- nem patiuntur, etc.* 141) Lc 2, 35. 34. 142) Cf. Io 19, 25.

maximumque fuit ipsius martyrium in mundo, ita maxima ipsius gloria est in coelo.

Datur etiam gloria humilitati, nam *qui se humiliat, exaltabitur*.¹⁴³ *Ego Deus exaltavi lignum humile, et humiliavi lignum sublime*.¹⁴⁴ Sanctissimae autem Virginis maxima ac plane infinita humilitas fuit; nam in Matrem electa et exaltata ancillam se dicit: *Ecce ancilla Domini, fiat mihi secundum verbum tuum*.¹⁴⁵ *Quia respexit humilitatem ancillae suae*.¹⁴⁶ Qualis igitur et quanta eius humilitas fuit, talis et tanta nunc eius gloria in coelo est. Sicut enim Deus, quoniam Moyses omnium hominum humillimus erat,^{146a} super omnes homines electi populi exaltavit;¹⁴⁷ ita Mariam super omnes Sanctos, quoniam omnes vera cordis humilitate vicit; et sicut humillimum Davidem Deus maxime exaltavit,¹⁴⁸ sic Beatam Virginem. Sicut cum rex Assuerus Esther, quam ob nimiam pulcritudinem et gratiam in uxorem duxit, quamvis humillimo loco natam, in regale palatum introduxit reginamque coronavit, solemne celebravit convivium;¹⁴⁹ sic Deus, cum Mariam Virginem ob nimiam sanctitatem et gratiam adornasset, et in uxorem desponsasset, hodie introducens eam in regale palatum paradisi reginamque constituens, festivissimum diem maxima cum solemnitate celebravit. Sicut autem Assuerus propterea super omnes uxores et concubinas suas Esther adamavit et honoravit reginamque constituit, quoniam omnium pulcherrima et gratiosissima fuit;¹⁵⁰ sic Deus propterea super omnes electas animas Mariam glorificavit in coelo, quoniam omnium sanctissima et gratia plenissima fuit.

XIII. Sicut etiam pro salute populi Iudeorum, qui tunc electus Dei populus erant, operante Deo, ab humillimo loco ad altissimum honoris et gloriae gradum Esther sublimata fuit, ut liberarentur ab immanissima persecuzione impiissimi Aman qui totum cupiebat Dei populum perdere;¹⁵¹ quapropter, cum notificatum populo fuit quod hebraea mulier regina et imperatrix constituta esset, *Iudeis... nova lux oriri visa est, gaudium honor et tripudium*;¹⁵² ita profecto pro salute populi Christiani Maria exaltata in coelum est reginaque et imperatrix universi coronata, ut sicut vult, ita pro bona erga nos voluntate possit Dei populum ab omni adver-

143) Lc 14, 11. 144) Ez 17, 24. Vulg.: *Ego Dominus humiliavi lignum sublime, et exaltavi*

lignum humile.

145) Lc 1, 38.

146) Ibid. 1, 48.

146a) Cf. Nm 12, 3.

147) Cf. Ex. cp. 3.

148) Cf. 1 Rg 16, 12; 24, 15.

149) Cf. Est 2, 5-18.

150) Cf. ibid. 2, 15.

151) Cf. Est 4, 14; cпп. 7-8. 152) Ibid. 8, 16.

pendet a magnitudine humilitatis; Maria supra omnes humilis, ergo supra omnes exaltata. •

Simile: Moyses,

David,
Esther.

Maria ad utilitatem nostram exaltata, quia, ut sancta et mater nostra, vult nos adiuvare, et, ut possit, hodie thesaurorum Dei thesauraria constituta est.

sitate liberare. Vult quidem, quoniam *gratia plena* est, idest, caritate, amore, desiderio ardentissimo salutis nostrae, quoniam ipsa mater est amantissima omnium nostrum, quasi unumquemque nostrum Christus in cruce una cum Ioanne in filium dederit, dicens: *Mulier, ecce filius tuus.*¹⁵³ Ut igitur pro voluntate et materno erga omnes animo omnes iuvare posset, in coelum assumpta est, et veluti thesauraria omnium thesaurorum Dei constituta.

153) Io 19, 26.

Aliud exordium.

Celebramus hodie mysterium plane ineffabile Assumptionis in coelum Virginis Deiparae, unde D. Bernardus aiebat: « Christi generationem et Mariae assumptionem quis enarrabit? »¹ Hinc de hoc mysterio Divinae Litterae cum admiratione loquuntur, sicut et de mysterio Ascensionis Christi: *Quae est ista quae ascendit per desertum sicut virgula fumi ex aromatibus myrrae et thuris, etc?*² *Cant. 3.*³ Et item 6: *Quae est ista quae progreditur quasi aurora consurgens, pulcra ut luna, electa ut sol?*⁴ Et cap. 8: *Quae est ista quae ascendit de deserto delictis affluens, innixa super dilectum suum?*⁵ Mirabilis fuit assumptio Eliae in coelum;⁵ innumeris partibus mirabilior assumptio Mariae: assumpta est super omnes Angelorum choros coelestesque hierarchias usque ad dexteram Filii in dextera Dei sedentis.

1) *Serm. I in Assumpt. B. V. M. n. 4.* (P. L. 183, 996). 2) Vr. 6. 3) Vr. 9. 4) Vr. 5.
5) Cf. 5 Rg 2, 11.

Item aliud
exordium.

*Porro unum est necessarium. Maria optimam partem elegit, quae non auferetur.*¹

Assumptionem Deiparae Virginis hodie celebramus, quae^{1a} cum legitime certaverit, coronam gloriae accipit;² et sicut socia passionum fuit, sic fit et consolationis,³ et sicut compassa⁴ est, ita etiam conregnnet.⁵ Sic hodie Maria in coelum assumpta, regina coeli coronatur a Deo, sicut Esther ab Assuero coronata fuit, sicut legimus quod *adamavit eam rex plus quam omnes mulieres, habuitque gratiam et misericordiam co-*

1) Lc 10, 42. 1a) Ms.: *Qua.* 2) Cf. 2 Tim 2, 5. 3) Cf. 2 Cor 1, 7
4) Ms.: *Compassae.* 5) Cf. 2 Tim 2, 12.

ram eo super omnes mulieres, et posuit diadema regni in capite eius, fecitque eam regnare..., et iussit convivium praeparari permagnificum cunctis principibus et servis suis pro coniunctione et nuptiis Esther, et dedit requiem universis provinciis, et dona largitus est iuxta magnificantiam principalem. ⁶

Virgo Beatissima hodie assumpta est in coelum carne simul et spiritu, sicut Christus in aethera ascendit. Sicut enim usu venit quod cum rex magno principum et equitum comitatu equitat, tunc descendunt omnes ab equis cum rex descendit; sed cum ad fores regii palatii ventum fuerit, omnes relinquunt equos, solus rex equitans palatum ingreditur, et regina uxor aut mater regis pro dignitate personae; ita plane, cum Christus sit *Rex regum et Dominus dominantium,* ⁷ quem Ioannes in *Apocalypsi* vidit equitantem cum magno equitum comitatu, ⁸ nam omnes Sancti sunt equites Christi; quando ventum est ad fores palatii, omnes Sancti relinquunt equos corporum suorum, solus Christus Rex ingressus est coeleste palatum cum equo albo corporis sui; cum eo autem ingressa est super equum corporis sui Regina coelorum Virgo Beatissima.

6) Est 2, 17-18.

7) 1 Tim 6, 15.

8) Cf. 19, 11-14.

SERMO SECUNDUS

DE VIRGINE SILENTIO HONORATA ET DE GEMINA IPSIUS CARITATE

*Intravit Iesus in quoddam castellum, et mulier
quaedam, Martha nomine, exceptit illum in
domum, etc.¹*

Maria in
S. Litteris sacro
silentio a
Spiritu S. ho-
noratur, quia
maior in
silentio laus.

I. Quoniam in Sacris Litteris nihil aperte legimus de transitu Beatae Virginis nec de gloriosissima ipsius in coelum assumptione, legit sancta Ecclesia hodie Evangelium hoc de Martha et Maria Magdalena, sanctis mulieribus, devotissimis Christi hospitiatricibus.

Voluit Spiritus Sanctus in Divinis Scripturis sacro quodam silentio Sanctissimam Virginem honorare, sicut arca Dei in sanctuario semper sub velo manebat abscondita,² ne a populo posset videri, sed sic abscondita fidelibus omnibus maximae esset venerationi. Multa tacendo et admirando potius laudantur quam loquendo, quoniam pro dignitate verbis laudari minime possunt. Hinc ait Regius Vates: *Te decet hymnus, Deus, in Sion;*³ hebr.: *Tibi silentium laus, Deus, in Sion*, hoc est; cum incomprehensibilia et ineffabilia sint Divinitatis mysteria, sacro silentio in mentis admiratione et stupore magis laudantur, quam lingua et pleno ore. Cherubim in sancto sanctorum veluti mirantes divinum propitiatorium perpetuo silentio intuebantur.⁴ Timanthes, pictor excellentissimus, cum suo penicillo luctuosissimam Iphigeniae mortem aeternitati consignaret, propinquos omnes demisso vultu flentes et lacrimantes magnumque animi dolorem exprimentes depinxit; Agamemnonen vero, amantissimum patrem, non flentem aut la-

1) Lc 10, 38.

2) Cf. Ex 26, 33.

3) Ps 64, 2.

4) Cf. Ex 25, 20.

crimantem, sed nigro velo vultu capiteque coopertum depinxit,⁵ arbitratus quod sic multo melius posset summum patris dolentissimi et afflictissimi dolorem exprimere. Sic Spiritus Sanctus fecit in Virgine, ut eam Deo similem declararet.

II. Duo Seraphim apud Isaiam caput sive faciem et pedes Dei alis suis operire dicuntur, tantumque media ostendebant;⁶ quoniam duo Testamenta sic Dei caput et pedes velant, ut nec quod ante mundi constitutionem fuerit, nec quod post mundi finem futurum sit, explicent. Per caput enim et pedes principium et finis designantur; media tantum Dei opera ostendunt creationem, providentiam, redemptionem mundi et tandem Electorum glorificationem reproborumque damnationem manifestando. Sic de Sanctissima Virgine Spiritus Sanctus in Divinis Scripturis nec principium nec finem expressit, nec nativitatem, nec mortem; sed tantum media: quod fuerit virgo, gratia plena, super omnes mulieres benedicta,⁷ quod Unigenitum Filium Dei concepit⁸ et peperit virgo manens,⁹ quod ipsum educaverit¹⁰ et quod in illius passione iuxta crucem steterit,¹¹ aliaque id genus ipsius opera; de eius autem vel nativitate vel morte nihil omnino legimus. Hinc in *Canticis* dicitur: *Hortus conclusus, soror mea sponsa, hortus conclusus, fons signatus, emissiones tuae paradisus malorum punicorum cum pomorum fructibus, sive fructibus suavibus, cypri cum nardo; nardus et crocus, fistula et cinnamomum cum universis lignis Libani, myrrha et aloë cum omnibus primis unguentis, sive aromatibus; fons horitorum, puteus aquarum viventium, fluenta de Libano.*¹² O qualis paradius, vere paradius deliciarum Dei! Sed conclusus est; per rimulas quasdam et foramina tantum conceditur ut videri possint paradisi huius deliciae, quandiu in hoc saeculo peregrinandum nobis est. Sed satagendum pro viribus est, ut taliter in sanctitate et iustitia omnibus diebus vitae nostrae Domino serviamus,^{12a} ut tandem in patria divini huius paradii deliciis in aeternum perfui mereamur una cum Sanctis omnibus et beatis spiritibus.

III. Legens autem sancta Ecclesia Evangelium hoc in hodierna solemnitate, in Martha et Maria veluti exemplaria quaedam virtutum Sanctissimae

Maria a Spiritu
Sancto sacro
silentio hono-
ratur, quia ita
similis Deo
declaratur.

De Deo et de
Virgine media
opera tantum
nobis nota.

Maria hortus
conclusus, idest,
occultus.

Legitur hodie
Evangelium de
Martha et

5) Cf. Plinius, *Hist. Nat.*, lib. 35, ep. 10, pag. 620.

6) Cf. Is 6, 2.

7) Cf. Lc 1, 28.

8) Cf. ibid. 1, 31.

9) Cf. ibid. 2, 7.

10) Cf. Mt 2, 19-23; Lc 2, 40-51.

11) Cf. Io 19, 25.

12) Cf 4, 12-15. Vulg.: *Quae fluunt impetu de Libano.* Verb.: *Fructibus suavibus ex hebr.*

12a) Cf. Lc 1, 74-75.

Magdalena, quia imagines sanctitatis Deiparae, Virginis ostendit; sunt enim hae duae sanctae mulieres veluti duae imagines sanctitatis Beatissimae Virginis. Sicut enim omnes Sancti Veteris Testamenti fuerunt figurae Christi, ipse autem Christus omnes excessit, sicut veritas corporis figuram picturam vel statuae: *Ecce plus quam Ionas hic..., ecce plus quam Salomon hic;*¹³ sic omnes sanctae mulieres fuerunt figurae Beatissimae Virginis, quae super omnes benedictas mulieres fuit benedicta. Quare ex figuris coniicienda nobis est sanctitas Mariae; ex sanctitate autem et magnitudine gratiae et meritorum magnitudo gloriae.

*Sanctitas in caritate Dei et proximi.
In Martha dilec-*
tio proximi, in Magdalena
*dilectio Dei,
in Deipara per-*
fectio utriusque
caritatis.

IV. Omnis autem sanctitas in duabus hisce sanctis mulieribus designatur. Nam omnis sanctitas in caritate consistit, quae *est vinculum perfectionis*,¹⁴ caritatis autem perfectio in perfecta dilectione Dei et proximi; in duabus autem hisce sanctis mulieribus elucet perfectio geminae huius caritatis et dilectionis. Hinc enim sacer evangelista Lucas, cum verba fecisset de duobus praeceptis caritatis,¹⁵ statim hodierni Evangelii historiam enarrat, quoniam in ea elucet perfectio utriusque dilectionis: erga proximum quidem in Martha, quae *satagebat circa frequens ministerium*,¹⁶ maxima cum sollicitudine intenta ad ministrandum suo hospiti Christo; erga Deum vero in Maria, *quae... sedens secus pedes Domini audiebat verbum ipsius*,¹⁷ eligens optimam partem.¹⁸ Sic designatur in Maria Sanctissima perfectio geminae caritatis, quae perfectissima fuit in ea erga Deum et hominem.

13) Mt 12, 41-42. 14) Col 3, 14. 15) 10, 25-37.
18) Cf. ibid. 10, 42.

16) Ibid. 10, 40.

17) Ibid. 10, 39.

SERMO TERTIUS

DE SANCTITATE ET EXALTATIONE VIRGINIS DEIPARAE

Maria optimam partem elegit, etc. ¹

I. Agitur in hoc Evangelio non quidem de Maria Virgine, sed de Maria Magdalena. Sicut D. Paulus adducit de Christo quod dictum erat de Salomone: *Ego ero illi in patrem, et ipse erit mihi in filium,* ² quoniam Salomon figura et imago quaedam Christi fuit; ita plane hodie proponitur Maria Magdalena tanquam imago quaedam Virginis Deiparae, licet non in omnibus, sicut nec Salomon Christum in omnibus repraesentavit, neque enim possibile est ut picta imago aut sculptum simulacrum in omnibus repraesentet suum prototypum. Retulit Salomon Christum quatenus rex Israel fuit, filius Davidis, a Deo dilectus et divina sapientia plenus, non autem quoad cetera, licet etiam quatenus templum Domino aedificavit. Ita Maria Magdalena refert Virginem Beatissimam in actione quae in hodierno Evangelio tantopere laudatur a Christo; sed quatenus imago quaedam est summae virtutis summaeque sanctitatis. Sicut omnes Sancti sunt vivae quaedam imagines Christi: *Praedestinavit conformes fieri imagini Filii sui,* ³ sed semper sicut Dominus ait: *Ecce plus quam Salomon hic... ecce plus quam Ionas hic;* ⁴ sicut homo plus est quam imago ipsius depicta; ita plane omnes sanctae mulieres in Divinis Litteris imagines quaedam fuerunt sanctissimae huius mulieris, quae *benedicta* dicitur *inter mu-*

Proponuntur
Magdalena et
Martha ut
figurae sancti-
tatis Deiparae :
Magdalena in
affectu caritatis,
Martha in servi-
tutis diligentia.

Sancti imagines
Christi, sanctae
imagines
Deiparae.

1) Lc 10, 42. 2) 2 Rg 7, 14; Hebr 1, 6. 3) Rom 8, 29. Vulg.: *Imaginis.* 4) Mt 12, 42, 41.

*lieres,*⁵ idest, super omnes mulieres benedicta, quia super omnes mulieres *gratia plena.*^{5a} Sic duae hae sanctae mulieres Beatissimam Virginem referunt: Martha quidem in diligentia qua Christo pro summis viribus ministrabat; Maria autem in summo cordis affectu, pietate, devotione, caritate qua tota a Christo pendebat. Sed *ecce plus quam* Martha *hic, ecce plus quam* Maria *hic.*

Proponuntur
etiam ut figura
dilectionis Dei
erga Deiparam
super omnes
dilectam
et exaltatam.

II. Dilectae erant Christo duae hae sanctae mulieres pietatis ergo: *Dilegebat... Dominus Martham et sororem eius Mariam;*⁶ sed super omnes creaturas dilecta est a Deo Maria. Non legimus mulieres magis laudatas: Martha in diligentia qua satagebat, ut Christo ministraret, et Maria in affectu cordis et caritate erga Christum. Sic Maria mulier est omnium laudatissima et omni laude dignissima, quoniam omnium sanctissima, omnium Deo gratissima, omnium dilectissima meritisque virtutum omnium supra quam dici aut cogitari possit plenissima, propterea omnium beatissima, omnium in coelo gloriosissima: *Beatam me dicent omnes generationes.*⁷ *Beatissimam praedicaverunt.*⁸ Nunc revera potest dicere Virgo Beatissima: *Quia fecit mihi magna qui potens est;*⁹ neque enim sub Deo maior gloria excogitari potest gloria Virginis Beatissimae in coelo, quoniam tanquam Regina mundi sedet ad dexteram Filii ubique regnantis: *Astitit regina a dextris tuis in vestitu deaurato.*¹⁰ Magna fecit Assuerus rex reginae Esther, sed maiora praestare potuisset, nam obtulit ei dimidium imperii sui;¹¹ sed Deus tali tantaque gloria donavit Mariam, ut sub Deo maior gloria excogitari non possit.

Deipara super
omnes exaltata
et in coelo
collocata ad Dei
gloriam et ad
communem
humani generis
utilitatem.

III. Non immerito Beatissima Virgo in Divinis Litteris soli, lunae et stellae comparatur;¹² sicut enim haec condita a Deo fuerunt et in sublime coelorum posita ad perpetuam Dei gloriam et ad communem universalemque mundi utilitatem, commodum et beneficium; ita plane Virgo Beatissima creata a Deo est opus perfectissimum omnique gratia plenum, hodie autem in sublime coelorum posita et ad Christi dexteram collocata ad sempiternam Dei omnipotentis gloriam, qui tale tantumque opus super omnia Dei opera mirabilia mirabilissimum potuitque, voluitque efficere, et ad totius humani generis utilitatem efformare. Sicut autem divinitus regina

5) Lc 1, 42. 5a) Cf. Lc 1, 28. 6) Io 11, 5. 7) Lc 1, 48. 8) Ct 6, 8. 9) Lc 1, 49.
10) Ps 44, 10. 11) Cf. Est 5, 3. 12) Cf. Ct 6, 9.

Esther ad communem populi sui salutem exaltata fuit, ita ut pro salute suorum nec verita fuerit se mortis periculo exponere ac vitam veluti prodigere,¹³ tanta fuit praedita caritate; - mirabilis in muliere caritas erga gentiles et populares suos summa cum auctoritate coniuncta -; ita plane ad communem totius humani generis maxime vero fidelium utilitatem Virgo Deipara hodie exaltata est; ut sicut in ea summa erat caritas, unde dicta est *gratia plena*,¹⁴ ita etiam summa apud Deum hodie ei daretur auctoritas, cum summa maiestate donata, altissima coeli Regina omniumque creaturarum Domina declarata et constituta est.

IV. Sciendum autem ad nostram consolationem quod, cum Deus nihil faciat frustra, Virgo autem Beatissima divinum opus sit super omne aliud opus creatum mirabile, non sine causa Deus ipsam summa caritate summaque auctoritate donavit: summa caritate qua dicitur *gratia plena*, et summa auctoritate qua *benedicta* dicitur *inter mulieres*, super omnes mulieres, super omnes creaturas divinis benedictionibus ditata. Sed sicut solem tali tantaque luce et calore donavit ad mundi utilitatem; ita ad humani generis salutem summa caritate et auctoritate ditavit. Ad ipsam igitur recurramus in nostris necessitatibus, quia, divina auctoritate fulta, potest, et, divina caritate affecta, vult nobis prodesse, sciens quod nostri causa sic ditata est.

Ad ipsam ergo
recurramus.

13) Cf. Est 4, 10 sqq.; 5, 1-5.

14) Lc 1, 28.

INDEX SYNTHETICO-ANALYTICUS

SERMONUM

PRIMA PARS

DE LAUDIBUS ET INVOCATIONE VIRGINIS DEIPARAE

1.

IN VISIONEM S. IOANNIS

SERMONES SEPTEM

SERMO PRIMUS

De Admirabilitate Virginis Deiparae

- I. Christus multis apparitionibus Ioannem consolatur, praesertim in tribulatione. — II. Sic etiam B. Virgo Ioannem apparitionibus consolatur tanquam Mater carissima filium amantissimum. — III. Singulari apparitione in Patmos Mariae magnitudo et gloria ostenduntur. — IV. Pauca in Scripturis de Virgine sicut de Deo et divinis dicuntur propter eius excellentiam. — V. Visio haec Ioannis divina Mariæ magnalia demonstrat, quia excedit magnitudine et gloria apparitiones Dei et Christi. — VI. Signum significat miraculum. Maria miraculum probatur ex verbis SS. Patrum, ex figuris V. T. ipsam respicientibus, ex similitudine cum Christo, qui est inter omnia opera Dei triplex miraculum: natura, gratia, gloria. — VII. Maria miraculum in omnibus, quia miranda in conceptione, vita, morte, praesertim sanctitate. — VIII. Maria miraculum misericordiae, quia omnium et singulorum mater. — IX. Maria miraculum post mortem quia in ea omne ornamentum coeli. Pag. 1-15

SERMO SECUNDUS

De Nobilitate Virginis Deiparae

- I. Virgo omni coeli luce circumfusa conspicitur, ut ipsius altissima nobilitas demonstretur, quia lux est nobilitatis symbolum. — II. Virgo nobilissima quadruplici nobilitate: praedestinatione, natura, gratia et gloria. — III. Nobilissima praedestinatione, quia electa Mater Dei et suprema post Christum creatura; — IV. Nobilissima natura, quia anima, corpore, stirpe, moribus et

Dei favore nobilis; — V. Nobilissima gratia, quia nunquam servivit peccatis, et quia princeps post Christum in gratia; — VI. Nobilissima gloria, quia omnium creaturarum a Deo in coelo Regina coronata. — VII. Haec nobilitas in ea debita, quia Sponsa et Mater Dei. — VIII. Deus despicit mundanam nobilitatem, maximi vero facit nobilitatem virtutis. Maria nobilis Deo, sicut Christus et Sancti, non mundo. — IX. Quaeramus veram animi nobilitatem in puritate et gratia viventes Pag. 17-25

SERMO TERTIUS

De Inaestimabilibus Thesauris Virginis Deiparae

I. Maria omni coeli luce amicta, ut ostendatur thesaurus omnium bonorum coelestium: — II. Thesaurus omnis bonitatis, ideo mundo utilior sole, luna et stellis; — III. Thesaurus scientiae omnium rerum creatarum; — IV. Thesaurus scientiae Dei, imo visionis immediateae divinae essentiae, potiori iure quam Moyses et Paulus; ideo praeter Deum nonnisi tenebras Maria videre sibi videbatur; — V. Thesaurus plenissimae possessionis Dei qua Sponsi et Filii; — VI. Thesaurus perfectae felicitatis et gloriae aeternae, maximae et altissimae. — VII. Thesaurus perfectae sanctitatis; — VIII. Thesaurus salutis omnium hominum etiam peccatorum, qui ad eam recurrent Pag. 27-37

SERMO QUARTUS

De Exaltatione Virginis Deiparae

I. Analytica comparatio statuae Nabuchodonosor, gloriae ipsius imaginis, cum Maria, imagine Dei, ostendit miram ipsius exaltationem. — II. Exaltatio Mariae supra lunam demonstrat: exaltationem ipsius supra omnes creaturas; Deus enim sol, omne quod sub Deo est, luna; luna sub pedibus Mariae, creaturae omnes sub eius imperio; — III. Exaltationem ipsius supra Ecclesiam militantem et triumphantem; — IV. Exaltationem ipsius supra mundum et eius bona per eorum contemptum; — V. Exaltationem ipsius supra omnem creaturam perfecta fide, qua basi beatitudinis; — VI. Exaltationem ipsius supra omnem creaturam eadem fide qua vita supernaturali animae. — VII. Maria imitanda est, quia omnium virtutum perfectissimum exemplar Pag. 39-48

SERMO QUINTUS

De Singularibus Virginis Deiparae Praerogativis

I. De variis coronarum generibus apud antiquos et in S. Scriptura. Per coronam duodecim stellarum Maria ostenditur universalis Regina, quia duodenarius est numerus universitatis. — II. Virgo habet coronam regalitatis, quia Regina omnium Electorum et creaturarum; — III. Habet coronam gloriae, quia omnibus specialibus gratis coronata super omnes Sanctos; — IV. Habet coronam duodecim stellarum significantium duodecim praerogativas ipsius: tres ex praedestinatione, tres ex temporali conceptione, tres ex Verbi incarnatione, tres ex glorificatione in coelo; — V. Habet coronam sapientiae, quia possidet cognitionem creaturarum et mysteriorum Dei; — VI. Habet coronam gaudii, quia Dei Electi eius corona et gaudium. — VIII. Virgo coronata sole, luna et stellis, ut possit illuminare omnes iustos et peccatores; omnes ergo ad eam recurrent Pag. 49-58

SERMO SEXTUS

De Virginis Deiparae Doloribus

- I. Per discruciationem mulieris Apocalypsis in partu maximus Deiparae dolor ob passionem Filii significatur, quae doluit non ex partu, sed ex visione persecutionis satanae contra Filium suum. — II. Maximus dolor Virginis, a prophetia Simeonis incepitus, in passione Filii ex summo amore erga ipsum. — III. Nec fides resurrectionis nec caritas in Deum a summo dolore Virginem cohibuit, quia virtus non destruit, sed perficit naturam. — IV. Virgo multum doluit in vita Filii, maxime vero in eius passione et morte. — V. Virgo iuxta crucem exemplar patientiae in adversis tolerandis Pag. 59-69

SERMO SEPTIMUS

De Gaudiis Virginis Deiparae

- I. Quanto dolore Virgo affecta fuit in passione Filii, tanto gaudio in eius resurrectione. — II. Virgo pluries Filii causa exultavit in vita, maxime vero in eius resurrectione. — III. Virgo summo gaudio in resurrectione repleta, quia Filium recepit a Deo Regem universi et Ecclesiae Pontificem Pag. 71-74

2.

SUPER: MISSUS EST

SERMONES SEXDECIM

SERMO PRIMUS

De Incarnationis Mysterio Ante Omnia Praedestinato

- I. Incarnatio est sacramentum infinitae caritatis ab initio Angelis et Adamo revelatum. — II. Incarnatio fuit ante omnia volita: quia revelata ante peccatum et sine mentione peccati effecta; — III. Quia Christus plus omnibus dilectus, caput omnium praedestinatus et omnia in gloriam eius creata; — IV. Quia Christus causa exemplaris et finalis praedestinationis Sanctorum; — Quia Christus fundamentum creationis mundi; — VI. Quia praescientia peccati praeponit praescientiam gratiae; — VII. Quia peccatum causa occasionalis tantum incarnationis.

Pag. 77-83

SERMO SECUNDUS

De Causis Divinae Incarnationis

- I. Per Evasum et satanam ruinam; per Mariam et Angelum salutem. — II. Redemptio respicit non tantum hominum salutem sed et glorificationem. — III. In Evangelio vero annunciationis triplex invenitur causa: salus mundi, gloria Christi et potentia Dei Pag. 84-87

SERMO TERTIUS

De Magnitudine Legationis In Mysterio Incarnationis

- I. Mysterium Incarnationis, sicut omnia alia mysteria, praefiguratum fuit in SS. Litteris et praedictum a Deo, a Prophetis et ab Angelis. — II. Magna legatio Archangeli ob excellentiam mittentis, qui est Pater excelsus; — III. Ob excellentiam personae ad quam mittitur, quae est Maria Virgo, Domina mundi, omni gratia superplena; ideo laetandum nobis est quia ad nostram salutem Regina et Sponsa Dei facta est; — IV. Ob excellentiam Gabrielis, qui est Angelorum principis, cuius nomen idem est ac Vir Deus, Homo Deus; — V. Ob excellentiam finis, qui fuit salus mundi in conceptione et nativitate Christi Pag. 88-93

SERMO QUARTUS

De Legatione Incarnationis Omnim Maxima

- I. Omni tempore Deus beneficia mundo contulit, praesertim vero quando incarnatione facta est. — II. Praenuntiatio incarnationis Christi omnium maxima: quia per Prophetas, per Angelos et SS. Trinitatem facta; — III. Quia sex personae omnium maximae ingrediuntur: Pater, Verbum, Spiritus S., Christus homo, Maria, Joseph et Gabriel. — IV. Speciatim loquendum de Christo, quia mysticus Isaac, Samson et Salomon est; — V. Et de Virgine, quia mundi Regina et templum Dei, in quo oblatum fuit sacrificium omnium gratissimum et infiniti valoris, et quia porta coeli, imo paradisus. — VI. Ergo omni laude digna; et non blasphemis dehonora Pag. 94-101

SERMO QUINTUS

De Incarnationis Mysterii Circumstantiis

- I. Concipitur Dominus, Deus, Filius Altissimi, Rex, Iesus, Filius Dei; — II. A Virgine gratia plena, benedicta inter mulieres, obumbrata a virtute Altissimi; — III. Modo supernaturali; — IV. Ut ipse salvaret homines, et regnaret in domo Iacob Pag. 102-103

SERMO SEXTUS

De Archangeli Salutatione In Mysterio Incarnationis

- I. Hodie Virgo maxime honorata a Deo, qui eam requirit in Sponsam per summum Angelum, a quo amplissime laudatur. — II. Prima laus, quod Virgo sit sanctitate Deo gratissima et caritate coniunctissima; — III. Secunda, quod sit ingenti spirituali thesauro cumulata; — IV. Tertia, quod sit Deo simillima Pag. 104-107

SERMO SEPTIMUS

De Causis Matrimonii Virginis Deiparae

- I. Annuntiatio est festum Dei, Angelorum et hominum, quia incarnatione vertitur ad gloriam Dei, ad reparandas angelicas ruinas et ad salutem hominum. — II. Deus Mariam tanquam mulierem principem per nobilissimum legatum requirit in sponsam. — III. Causae matrimonii huius caritas Dei et pulchritudo Mariae virtutibus ornatissimae Pag. 108-110

SERMO OCTAVUS

De Nobilissimo Virginis Deiparae Matrimonio

- I. Dies Annunciationis est dies laetitiae, quia Dominus venit in mundum ad salutem nostram et ad matrimonium cum Virgine contrahendum quintuplici ratione nobilissimum. — II. Matrimonium hoc est nobilissimum: a pronubo, summo Angelorum; — III. A Sponso, qui est Deus, rex, omnipotens; — IV. A fructu, qui est Christus natura, gratia, gloria perfectissimus; — V. A sponsa, numeris omnibus absoluta; — VI. A tempore et loco Pag. 111-116

SERMO NONUS

De Excellentia Super Omnia Virginis Deiparae Matrimonio

- I. Celebratio matrimonii facta inter verum Deum et Mariam. — II. Matrimonium hoc excedit omnia alia matrimonia: ob excellentiam Sponsi, qui est Dominus Deus omnipotens; — III. Ob excellentiam paranymphi, Angelorum principis nobilissimi; — IV. Ob excellentiam Sponsae, virtutibus et gratiis ornatissimae; — Ob excellentiam fructuum, qui sunt placatio irae Dei, misericordiae aedificatio, creatio paradisi voluptatis Dei et conceptio Filii Dei Pag. 117-123

SERMO DECIMUS

De Magnitudine Mysterii In Virginis Matrimonio

- I. Summus princeps Angelorum ostendit magnitudinem mysterii loquens de magnitudine Dei, Christi et Mariae. — II. Ostenditur magnitudo Dei, quia altissimus, omnipotens, infinitus; — III. Magnitudo Christi, quia rex magnus, princeps pacis, et per Ecclesiam mundum miraculo sibi subiecturus; — IV. Magnitudo Mariae, quia ex regali stirpe, gratia et Spiritus S. donis plena et habitaculum Dei electissimum Pag. 124-129

SERMO UNDECIMUS

De Insignibus Deiparae Dotibus Praesertim Qua Virginis

- I. Archangeli legatio ad Virginem exordium reparationis nostra. — II. Virgo super omnes mulieres in Scriptura celebrata: — III. Quia virgo non tantum corpore, sed et spiritu; — IV. Quia absque ulla maledictione imo omni laude donata, ab omnibus et quoad omnia celebrata; — V. Ideo a Deo concupita, amata, honorata et laudata Pag. 130-133

SERMO DUODECIMUS

De Insignibus Deiparae Dotibus Praesertim Qua Sponsae

- I. Nobis laetandum in hodierna festivitate, quia consensus Virginis ad divinam maternitatem mundo causa salutis. — II. Speciatim vero festum hoc est Dei Patris, Christi et Mariae, quorum laudes multae sunt in hodierno Evangelio. — III. Singulariter agitur de qualitatibus Sponsae quae sunt: nomen, generis nobilitas, sponsus, patria, honoris integritas, pulcritudo et maxima gratiarum dos, qua digna facta est Sponsa Dei Pag. 134-136

SERMO DECIMUS TERTIUS

De Insignibus Deiparae Dotibus Qua Virginis Sponsae Et Matris

- I. In Evangelio solemnitatis ostenditur Deipara virgo, sponsa et mater. — II. Ostenditur virgo mirabilis virginitate corporis et spiritus, quam voto Deo consecravit, sicut Patres uno ore affirmant, negantibus impio Calvinio et Centuriatoribus; — III. Virgo autem singularis, purissima et laudatissima. — IV. Ostenditur Sponsa et Mater Dei, singulari exaltatione, virtute fortunae admiranda; — V. Singulari gratia, qua super omnes imago Dei simillima; — VI. Singulari dignitate, potentia, sapientia et bonitate. — VII. Virgo, quia imago Dei praestantisima, omni laude digna; — VIII. Et, quia singulari potentia praedita, in ea omnis fiducia ponenda Pag. 137-147

SERMO DECIMUS QUARTUS

De Divinae Incarnationis Animata Domo

- I. Nobis gaudendum, quia Maria, quae hodie Sponsa et Mater Dei fit, ex nostra stirpe est. — II. Scala Iacob est Christus, locus scalae Virgo, quia in ea Deus per hypostaticam unionem inhabitat. — III. Ob specialissimam hanc inhabitationem Maria fit: domus orationis, quia in ea Christus oravit ad Patrem; — IV. Domus sacrificii, quia in ea se Christus obtulit Patri; — V. Domus sanctitatis, quia in ea Auctor gratiae et sanctitatis; — VI. Paradisus, quia in ea Christus habuit visionem beatificam. — VII. Quatuor mysteria in Christo, quorum sublimissimum est incarnationis in utero Virginis facta ad salvandos homines et perdendos daemones, quae theophaniis V. T. praefigurata fuit. Pag. 148-153

SERMO DECIMUS QUINTUS

De Effectibus Matrimonii Virginis Deiparae

- I. Incarnationis manifestat caritatem Dei. — II. Deus fons gratiarum, Christus fluvius, Maria aqueductus. — III. Divinae bonitatis duplex effluxus: minor per creationem, maior per incarnationem, qua per Mariam ad nos Christus venit et cum eo omnia bona Pag. 154-156

SERMO DECIMUS SEXTUS

De Annunciationis Mysterio Vitae Christianae Typo

- I. Praenunciata fuit Christi nativitas, quia ipse futurus erat Sanctificator et Redemptor noster. — II. Ut salvemur, necessariae sunt fides et caritas. — III. Virtutes necessariae, ut Spiritus S. in animam veniat. — IV. Perfectio nobis cooperantibus a Spiritu S. efficitur Pag. 157-159

3.

IN SALUTATIONEM ANGELICAM

SERMONES DECEM

SERMO PRIMUS

De Salutatione Angelica In Genere

- I. In mundo lux a Deo praecipue laudata, quia symbolum bonitatis; sic in Ecclesia Maria eadem ratione laudata per Prophetas, maxime vero per Angelum. — II. Encomium angelicum in Virginem illustrissimum: ex laudatore, Angelorum principe; — III. Ex eo quod affirmat, idest, felicitatem, salutem, integritatem, perfectionem, gaudium et laetitiam; — IV. Ex eo quod excludit, scilicet, triplicem effectum peccati. — V. Honoremus Mariam, quia cultus Virginis Electorum et Catholicorum tessera est. — VI. Salutemus Mariam, maxime cum salutatione angelica, quia est compendium totius Evangelii, Redemptionis mysterium continens.

Pag. 163-173

SERMO SECUNDUS

De Salutatione Angelica In Genere

- I. De Eva in S. Litteris dicitur quod similis fuit primo homini, ei coniuncta, cum ipso benedicta, mater omnium. — II. Similiter de Maria quod Christo similis fuit, ei coniuncta, cum eo benedicta, mater omnium

Pag. 174-175

SERMO TERTIUS

De Sacrosancto Mariae Nominе

- I. Gabriel ex reverentia Mariae nomen silet, sicut Hebrei nomen divinum. Nomen Mariae non ignotum in Scripturis, quia soror Moysis hoc nomine insignita ut typus Mariae fieret. — II. Mariae nomen significat: *domina* ob principatum eius super omnes creaturas; — III. *Visio maris* ob ipsius magnitudinem, *mare amaritudo* ob eius martyrium spirituale, *mare doctrinae* ob abundantiam gratiarum, *gutta maris* ob humilitatem; — IV. *Rebellio eorum*, idest Angelorum, et *exaltans*, quia super omnes Angelos exaltata; — V. *Luminare maris*, quia ipsa mundi, Ecclesiae et paradisi lux; — VI. *Stella maris* ob protectionem in mundi procellis; — VII. *Myrrha maris*, ob virginalem incorruptionem in se et pro omni hominum genere.

Pag. 176-186

SERMO QUARTUS

De Gratiae Plenitudine In Maria

- I. Sicut Eva Adamo in dono iustitiae originalis, immortalitatis et felicitatis similis fuit; ita Maria Christo in plenitudine gratiae. — II. In Christo triplex gratia: unionis hypostaticae, capituli et personae. Quoad gratiam personae Maria simillima Christo. — III. Maria gratia plena erga Deum, erga mundum, erga seipsam.

Pag. 187-188

SERMO QUINTUS

De Virginis Deiparae Gratiae Plenitudine

I. Singularis gratiae plenitudo super omnes Sanctos in Maria figuris praesignata et ab Angelo praedicata. — II. Quid gratia in S. Scripturis. Maria est gratia plena, quia donis omnibus locupletata et ab omni peccato immunis. — III. Plenitudo gratiae in Maria pene infinita longitudine ob diuturnitatem innocentiae, latitudine ob summam caritatem, sublimitate ob perfectionem et contemplationem, profunditate ob humilitatem et fidem. — IV. Item Mariae gratia pene infinita a magnitudine amictus, idest, solis et a magnitudine Filii sui. — Item Mariae gratia pene infinita a magnitudine amoris Dei erga eam; — VI. Et a praestantia laudum et figurarum in S. Scripturis, praesertim in Canticis Pag. 189-203

SERMO SEXTUS

De Virginis Gratiae Plenitudine

I. Parallelismus Evaæ et Mariae. Quid sit Eva, ex quibus causis consistat, cur sit, qualis sit. —
II. Quid sit gratia, quae causæ, qui effectus, qualis et quanta gratia Mariæ Pag. 204-205

SERMO SEPTIMUS

De Virginis Deiparae Divina Dignitate

I. Deus ubique est, singulari modo in aliquibus locis et personis, singularissimo in Maria. — II. Maria habet quasi aequalitatem cum Deo ob infinitum divinae maternitatis favorem, quia Dominus cum ea. — III. Deus totus in omnibus est essentia, sed non idem operatur in omnibus. — IV. Deus hypostatica unione tam arcte Mariae coniunctus est, ut ipsa sit supremus gradus scalae creaturarum, imo suprema creatura. — V. Deus cum Maria perfecta caritate et mysteriorum mirifica operatione in anima et corpore. — VI. Deus cum Maria in immaculata conceptione, in vita sanctitatis et in assumptione in coelum. Item Angeli semper cum Maria Pag. 206-216

SERMO OCTAVUS

De Singularibus Virginis Deiparae Benedictionibus

SERMO NONUS

De Virginis Deiparae Divina Maternitate

I. Divina maternitas summa laus est et basis omnium laudum Virginis. — II. Virgo Deipara ob divinam maternitatem haereticorum persecutionibus semper lacaessita, ab Ecclesia vero benedicta. — III. Virgo omni laude digna: quia hac dignitate nobilissima; — IV. Quia hac dignitate eandem habet quam Filius benedictionem; — V. Quia fructum ab initio statim undequaque perfectum protulit; — VI. Et ab omnibus in Scripturis benedictum Pag. 232-242

SERMO DECIMUS

De Virginis Deiparae Potentia Et Misericordia

I. Arca testamenti Israelitarum spes; Maria arca Divinitatis spes Christianorum. — II. Maria a Christo omnipotentia donata, quia ab ipsa rex Ecclesiae incarnatione coronatus fuit; — III. Et quia ab ipsa regni davidici heres incarnatione factus. — IV. Maria tota bonitas erga fideles in terris ut patet in nuptiis in Cana Galilaeae; — V. Ergo et in coelis, quia in ea sublimatio amorem erga nos non minuit sed auxit. — VI. Virgo summopere colenda, imitanda, invocanda. — VII. Contra haereticos Virginis cultus defenditur ex Patribus, ex Scriptura, ex more Ecclesiae et ex ratione Pag. 243-254

4.

IN CANTICUM VIRGINIS

SERMONES DECEM

SERMO PRIMUS

Magnificat Canticum Laudis

I. Magnificat laudis canticum est. — II. Tripliciter mirabile ab auctore, ab actione et ab obiecto. — III. Auctor est Maria, nobilissima natura et gratia super omnes creature. — IV. Ideo actio eius sive laus, super omnes laudes nobilissima; — V. Qua actione obiectum, Deum, affectu maiorem facit Pag. 257-259

SERMO SECUNDUS

Magnificat Canticum Sapientiae Et Pietatis

I. Magnificat primum canticum N. T. — II. Plenum sapientia et pietate, quia Maria in sapientia et pietate est perfecta. — III. Ideo plenum sapientia, quia de Deo altissime loquitur; plenum pietate, quia Deo ferventi cordis affectu gratias agit. — IV. Plenum item sapientia, quia Dei magnitudinem laudat; et pietate, quia in Deo exultat Pag. 260-265

SERMO TERTIUS

Magnificat Canticum Excellentiae

- I. Magnificat excellentissimum ab auctore, subiecto, causa et arte. — II. Ab auctore, qui est Maria regiae stirpis, at humilis, fervida et Deo simillima; — III. A subiecto quod est Deus, summa bonitas; — IV. A causa, quae est Deus, summus benefactor, praesertim Virginis; — V. Ab arte, quae divina est ex septuplici Spiritu Sancti dono Pag. 266-269

SERMO QUARTUS

Magnificat Canticum Encomii Gratiarum Actionis Et Laudis

- I. In Magnificat quatuor consideranda sunt: Quis canit, quid, quomodo et ad quid canitur. — II. Canit Deipara humillima; — III. Devotissima, quia laudat Deum ex toto corde; — IV. Gratiissima, quia Deo gratias agit animo, lingua, opere; — V. Laetissima spirituali gaudio.

Pag. 270-272

SERMO QUINTUS

Magnificat Canticum Suavitatis

- I. Magnificat canticum suavitatis: a consonantia facultatum Canentis; — II. Ab amabilitate Canentis; — III. Ab intensitate affectus Canentis; — IV. A dulcedine cantus tripliciter nobilis.

Pag. 273-276

SERMO SEXTUS

Magnificat Canticum Humilitatis Et Exaltationis

- I. Summa humilitas et summa exaltatio Deiparae. — II. Deipara simillima Christo in humilitate; — III. Simillima et in gloria coelesti Pag. 277-279

SERMO SEPTIMUS

Magnificat Canticum Humilitatis

- I. Insignis humilitas necessaria in Deipara, ut Dei habitatio fieret. — II. Deipara hac humilitate Deo grata et ab omnibus glorificata. — III. In hac a nobis imitanda, ut exaltationem consequamur; — IV. Propter hanc cum fiducia ad Mariam accedendum; — V. Et haec suo exemplo a nobis exercenda. Pag. 280-283

SERMO OCTAVUS

Magnificat Canticum Humilitatis Glorie Et Gratiae

- I. B. Virgo suam glorificationem praedita; — II. Quam summa humilitate consecuta est. — III. Humilitas Deiparae basis eius gratiae. — IV. Humilitas Deiparae profundissima fuit.

Pag. 284-288

SERMO NONUS

Magnificat Canticum Magnificentiae

- I. *Magna* significat miracula. — II. Deipara ideo magna: quia Deus in ea magna miracula operatus est; — III. Quia cumulo bonorum omnes creaturas excedit. — IV. Virgo magna ad utilitatem nostram Pag. 289-293

SERMO DECIMUS

Magnificat Canticum Potentiae Sanctitatis Et Misericordiae

- I. Virgo B. Deum celebrat titulis potentiae, sanctitatis et misericordiae. — II. Virgo Deipara super omnia potentiae, sanctitatis et misericordiae opus. — III. Virgo Deipara quidquid a Deo accepit ad nostram utilitatem confert Pag. 294-298

5.

SUPER: BEATUS VENTER

SERMONES QUINQUE

SERMO PRIMUS

De Virginis Deiparae Divina Maternitate

- I. Insignis mulieris evangelicae laus in Deiparam ratione temporis, loci, modi et finis laudis. — II. Deipara laudata ab omnibus, etiam a Christo. — III. A muliere evangelica Deipara laudata a dignitate, quia vera et naturalis Mater Dei, ut patet ratione theologica, testimonio S. Scripturae et Traditionis. — IV. Deipara etiam a nobis laudanda Pag. 301-308

SERMO SECUNDUS

De Virginis Deiparae Fecunda Virginitate

- I. Semper Virgo laudanda. — II. Virgo laudanda a virginali fecunditate, quae probatur ex figuris bibliis, vaticinis, testimonio Patrum et Sibyllarum. — III. Deus animi puritatem et bonorum operum fecunditatem requirit Pag. 309-313

SERMO TERTIUS

De Praeclara Virginis Deiparae Beatitudine

- I. Virgo bonis cumulata propter divinam inhabitacionem. — II. Beatitudo bonorum omnium affluentia. Virgo beatissima: quia bonis locupletata; — III. Quia Deum possidet, fontem bonorum omnium et amantissimum Patrem, Filium et Sponsum; — IV. Quia Deum communicatione et coniunctione omnium maxima possidet. — V. Virgo beatissima beatitudine interiori. — VI. Reverentia et fiducia honoranda est Virgo Deipara Pag. 314-320

SERMO QUARTUS

De Nonne Virginis Deiparae Debito

- I. Honoranda est Virgo Deipara convenienti honore et reverentia; — II. Secundum suae virtutis et dignitatis proportionem. — III. Ex Scriptura S. eruitur quod Sancti honorandi sunt; potiori iure Virgo. — IV. Arca testamenti adoranda; magis Virgo, vera arca Dei. — V. Virgo honoranda propter divinam praesentiam, dignitatem, sanctitatem et gloriam. Pag. 321-327

SERMO QUINTUS

De Beatitudine Et Patrocinio Virginis Deiparae

- I. Beatiudo titulus Dei proprius, quam ipse etiam Sanctis communicat. — II. Virgo Deipara tripli-
citer beata, quia beatitudinem gratiae, gloriae et ipsius Dei possidet. — III. Virginis beati-
tudo beatitudini divinae similis, quae maxime in communicatione consistit. — IV. Virgo
benefacere potest, scit et vult. — V. Ideo beatus qui sub eius protectione vivit.

Pag. 328-332

6

SUPER: FUNDAMENTA EIUS

SERMONES SEX

SERMO PRIMIUS

De Fundatione Mysticae Civitatis Dei Mariae

- I. David multa de Christo et Maria canit, de qua praesertim in Ps. 86. — II. Prima Virginis laus est eius omnimoda perfectio; — III. Secunda est infinitus eius valor: — IV. Ob pretiositatem fundamentorum; — V. Ob civitatis fundatae principallitatem; — VI. Ob foundationis solemnitatem; — VII. Ob foundationis nobilitatem; — VIII. Et sublimitatem. — IX. Etiam nos cum Maria commune habemus fundamentum fidei, quae in contemplatione, in humilitate et caritate est exercenda. Pag. 335-344

Page 335-344

SERMO SECUNDUS

De Singulari Dei Amore Erga Mysticam Civitatem Dei Mariam

SERMO TERTIUS

De Magnitudine Mysticae Civitatis Dei Mariae

- I. Ierusalem laudata ut civitas perfecti decoris et gaudium universae terrae, Maria vero multiplici ratione celebrata. — II. Magnus Dominus in omnibus operibus suis, maior in Maria. — III. Magnitudo Mariae erigitur super bases potentiae, sapientiae et bonitatis Dei: — IV. Super basim divinae sapientiae, ob eius admirabilitatem; — V. Divinae potentiae ob gratiarum et mysteriorum ornamenta; — VI. Et divinae bonitatis ob eius supremam glorificationem in terra et in coelo. — VII. Mundus servatur eius sanctitatis meritis . . . Pag. 355-363

SERMO QUARTUS

De Nobilitate Mysticae Civitatis Dei Mariae

- I. In arce Sion omnis nobilitas Israel et Ierusalem collecta, in Virgine omnis totius Ecclesiae nobilitas. — II. Maria nobilis nobilitate Christi, quia in ea Altissimus natus est. — III. Christus nobilis nobilitate naturae, gratiae et gloriae; item Maria. — IV. Ab Isaia et David Sion laudata a fortitudine, a fundatore, a sanctitate civium et a divina protectione, Maria, praeter haec, laudata quia in ea Deus natus est. — V. Maria mater Christi et omnium Christianorum.

Pag. 364-371

SERMO QUINTUS

De Dignitate Mysticae Civitatis Dei Mariae

- I. Dignitas divinae maternitatis tanta est ut, ad eam credendam, divina opus sit auctoritate. — II.
 Dignitas divinae maternitatis prope infinita, ideo iam ab initio a Deo praedita; — III. Ideo
 inter laudes Canticorum praecipua; — IV. Ideo a Deo super omnia opera sua laudata; —
 V. Usque ad admirationem; — VI. Et similibus laudibus, quibus Christus, ab omni lingua
 exaltata; — VII. Ideo fides in eam ab ipso Deo in hominum cordibus plantata.

Pag. 372-377

SERMO SEXTUS

De Felicitate Mysticae Civitatis Dei Mariae

- I. Civitas ab habitatoribus maxime commendatur. — II. Civitas felix ob concordiam et pacem; Maria semper in pace. — III. Felix etiam ob bonorum copiam; in Maria omnes fontes bonorum Dei Pag. 378-380

39

7.

SUPER: SALVE REGINA**SERMONES SEX****SERMO PRIMUS****De Exordio Invocationis: Potentia Virginis**

- I. Praecipuum Ecclesiae ornamentum Maria. Cultus Mariae cultui Christi similis. — II. In oratione ad Virginem a laudibus exordium capiendum, ut ab Ecclesia fit in Salve Regina, quia Virgo fons omnium gratiarum. — III. Quia multis titulis laudabilis, praesertim Reginae. — IV. Summae Virginis dignitati et auctoritati respondet erga nos caritas . . . Pag. 383-387

SERMO SECUNDUS**De Exordio Invocationis: Potentia Et Misericordia Virginis**

- I. Virgo invocatur ut Regina et Mater, quia similis Deo, cui praecipue potentia et bonitas tribuuntur; et Christo, qui est Rex et Pastor. — II. Virgo Regina potentissima; — III. Mater misericordiae, mare gratiarum. — IV. Mater misericordiae et fons gratiarum, sed pro nostra utilitate. Pag. 388-392

SERMO TERTIUS**De Virgine Deipara Arbore Magna Gratiarum**

- I. Christus et Maria magnae arbores dicti, quia magni et onusti fructibus. — II. Maria arbor summe utilis et iucunda, quia fructus eius sunt vita, dulcedo et spes nostra. — III. Maria vita, dulcedo et spes nostra, quia mater misericordiae. — IV. Beati qui Virginem colunt Pag. 393-396

SERMO QUARTUS**De Virgine Deipara Advocata Nostra**

- I. Christus advocatus noster, Maria advocata nostra. — II. Magni refert pro se advocationem habere. — III. Qualitates advocationis: sapientia, probitas, caritas dicendique peritia plenissime in Christo et Maria. — IV. Maria advocata nostra, gratissima apud Deum, et ideo omnia obtinet. Pag. 397-399

SERMO QUINTUS**De Virgine Deipara Summa Advocata**

- I. Magnum beneficium Hebreis habuisse mediatores apud Deum. — II. Maria magnum Ecclesiae beneficium, quia inter Deum et Christianos mediatrix. — III. Eius oratio super omnes Sanctorum orationes Deo gratissima. — IV. Eius oratio pro nobis continua. — V. Beati qui vera devotione in Virginem feruntur, quia ipsa omnium beneficiorum causa est Pag. 400-403

SERMO SEXTUS**De Duodecim Titulis Sanctissimi Mariae Nominis**

Pag. 404

SECUNDA PARS

SERMONES

DE FESTIS BEATAE MARIAE VIRGINIS

1.

IN CONCEPTIONEM IMMACULATAM

SERMONES UNDECIM

SERMO PRIMUS

De Conceptione Immaculata In Generis

- I. Deus mysticam suam domum, Mariam, non in peccato originali, sed in gratia et virtute fundavit, ut eius dignitatem decuit. — II. De hac mystica domo, ut eius magnitudo a magnitudine Dei coniciatur, S. Scriptura silet. — III. Tempore D. Auctoris hoc dogma liberum erat; sed ut Maria crederetur sine peccato concepta, tanquam pietati magis consentaneum et Virgini magis favorable, Ecclesia propendebat; — IV. Quia Deus Virginem a peccato praeservare potuit; — V. Et quia voluit ob Christi, Dei et ipsius Virginis honorem; — VI. Et quia SS. Litterae, dum generaliter loquuntur, non omnes et singulos semper includunt; — VII. Imo, cum de Virgine loquuntur, nullam de peccato mentionem faciunt, quin potius totam immaculatam innumeris figuris praedicant; — VIII. Praesertim ligula arcae eiusque mensuris. — IX. A S. Scriptura nobis relinquitur, ut credamus Virginem sanctificatam in primo instanti sua Conceptionis. — X. Ecclesia in sententiam immaculatae conceptionis propendit.

Pag. 407-421

SERMO SECUNDUS

Lux Infinita Gratiae Maria Ideo Immaculata

- I. Sicut ex infinitis elementis pretiosissimae res, et e tenebris lux, ita e peccatoribus Maria immaculata. — II. Maria lux: quia aurora ex qua sol iustitiae, Christus; — III. Quia in luce gratiae concepta et a tenebris peccatorum segregata; — IV. Quia lucem habet aurorae contra peccatum originale, lunae plenae contra peccatum mortale, solis contra peccatum veniale, et duodecim stellarum in capite ad designandam eius gratiam initialem maiorem quam gratiam consummatam omnium Sanctorum; — V. Quia in luce prima et nova ab ore Dei procedente figurata; — VI. Ideo supra omnes et ab omnibus, praesertim a Sponso in Canticis laudata: — VII. In superiori portione quoad mentem, ob contemplationem, fidem et caritatem, scien-

tiam spiritus, iudicij rectitudinem, eloquentiam in oratione, optimam voluntatem, ordinatas passiones et constantiam in virtute; — VIII. In media portione quoad pectus, ob summam maternam pietatem erga nos et quoad ventrem ob temperantiam in delectabilibus; — IX. In inferiori portione quoad femora, ob fortitudinem et quoad gressus ob rectitudinem et perfectionem in actionibus. — X. Maria ideo immaculata, quia totam vitam duxit cum Christo in omnibus virtutibus. — XI. Maria nova lux est, nova mulier, quia sine peccato originali concepta Pag. 422-437

SERMO TERTIUS

Vera Divinitatis Arca Maria Ideo Immaculata

I. Maria formata fuit, ut dignum habitaculum Dei humanati esset. — II. Res pretiosissimae et innumeræ, quas paravit David ad reponendam dignissime arcam Dei, figura eorum quae Deus facturus erat circa veram Divinitatis arcam Mariam. — III. Maria, vera arca Dei, ex pretiosissimis condita quoad naturam et gratiam. — IV. Divinitatis arca Maria immaculata evinatur: ex auctore Spiritu Sancto; — V. Ex habitatore Christo, qui pro facultate Matrem immaculatam voluit; — VI. Ex Mariae immunitate ab omni peccato actuali. — VII. Ex Dei potentia, sapientia et bonitate manifestandis; — VIII. Ex natura peccati originalis. — IX. Ergo, saltem ex devotione et decentia, Virgo immaculata credenda est Pag. 438-448

SERMO QUARTUS

Domus Incarnati Verbi Maria Ideo Immaculata

I. Mulier evangelica et Iacob admirabundi de Incarnati Verbi domo. — II. Mirabiles domus creaturarum, mirabilior domus Dei. — III. Mulier geniti hominis prima domus, Maria Incarnati Verbi, ideo ab ipso magnificentissime exornata; — IV. Et fundata supra celsissimam sanctitatem, sine originali peccato. — V. Maria omnibus gratis Spiritus Sancti ditata pro dignitate Christi et hominum necessitate Pag. 449-452

SERMO QUINTUS

Habitaculum Dei Maria Ideo Immaculata

I. Virgo immaculata est: quia eius conceptio Christi conceptioni persimilis; — II. Quia dignum Christi habitaculum; — III. Quia Dei habitaculum et arca; — IV. Quia tabernaculum Dei et templum Salomonis; — V. Quia arca salvata ex aquis diluvii et Iordanis; — VI. Quia hoc privilegio a Deo donata Pag. 453-460

SERMO SEXTUS

Civitas Dei Maria Ideo Immaculata

I. Flumen gratiae laetificavit civitatem Dei Mariam et impedivit ne vel gutta fluminis iniquitatis eam tangeret. — II. Maria triplici ratione civitas Dei: — III. Quia, scilicet, a Deo condita supra montes, idest, supra omnes Electos, ideo immaculata; — IV. Quia a Deo inhabitata et

super omnia tabernacula ab ipso dilecta, ideo immaculata; — V. Et quia praestantissima magnitudine, pulcritudine et fortitudine fabricata, ideo immaculata. — VI. Maria templum Dei ob eiusdem inhabitationem in ea, mons Sion ob eius altam contemplationem, civitas Dei ob magnitudinem meritorum Pag. 461-467

SERMO SEPTIMUS

Templum Domini Secundum Maria Ideo Immaculata

I. Conceptio immaculata Mariae humanae salutis exordium. — II. Fundatio secundi templi magnificientior quam primi. — III. Eva, templum Dei primum, toto decore gratiae iustitiae originalis ornata; — IV. A satana igne cupiditatis combustum et inde malorum chaos. — V. Templum Dei Maria maiori cum gloria reaedificatum, nunquam ruiturum, fundatum in vertice sanctitatis ceterarum creaturarum, ideo immaculata. — VI. Maria immaculata quia similis Deo; peccatum enim est habitus dissimilitudinis cum Deo. — VII. Maria immaculata, quia Deo propinquior. — VIII. Maria sine peccato actuali, ergo et sine originali. Expenditur Sanctorum Thomae et Bernardi sententia. — IX. Maria immaculata ex festo ab Ecclesia instituto. — X. Dignum est nos Mariam titulo immaculatae honorare Pag. 468-478

SERMO OCTAVUS

Vera Sponsa Et Mater Dei Maria Ideo Immaculata

I. Sicut ex primo principio in scientiis omnes conclusiones, ita ex eo quod Virgo est Dei Genitrix omnes eius praerogativa et etiam immaculata conceptio. — II. Maria immaculata: quia vera Sponsa et Mater Dei; — III. Quia non solum Mater, sed digna Mater Christi, qui infinito honore dignus est; hinc nobilissima secundum carnem et spiritum creata; — IV. Quia coelestis mulier ex qua homo coelestis, Christus. — V. Deus delectatur spiritus et carnis virginitate; ideo animae a vitiis se abstinere et in virtutibus proficere debent Pag. 479-485

SERMO NONUS

Sanctior Sanctis Sponsa Domus Porta Dei Maria Ideo Immaculata

I. Conceptio et nativitas Mariae similis conceptioni et nativitatibus Christi. — II. Conceptio immaculata Virginis conveniens fuit: ut vacuus locus in emundatione a peccato et in sanctitate impletetur; — III. Ut Maria digna Spiritus Sancti Sponsa esset; — IV. Et domus Incarnati Verbi; — V. Et porta, per quam ingredieretur in mundum Incarnatum Verbum. — VI. Maria est porta coeli, per quam Christus intravit in mundum, et iusti intrant in coelum.

Pag. 486-493

SERMO DECIMUS

Radix Humanitatis Cubiculum Dei Aqua Pura Maria Ideo Immaculata

I. Maria immaculata est: quia radix humanitatis ab exterminio peccati originalis praeservata. — II. Quia intimum cubiculum Dei facta; — III. Quia in generationum cursu a fonticulo originalis peccati non infecta. — IV. Summa cum reverentia et fiducia ad Mariam accedendum. — V. Maria immaculata, idest, semper sine macula et a flammis concupiscentiae omnino illaesa Pag. 494-496

SERMO UNDECIMUS

Multis Rationibus Maria Immaculata

I. Quamvis nulla mentio in Scripturis de conceptione immaculata Mariae, Ecclesia tamen, Spiritu Sancto afflata, eam festo celebrat. — II. Christus est sine peccato per naturam, Maria per gratiam. — III. Maria praeservata fuit a peccato originali ob Christi meritum. Christus potuit Matrem praeservare, ergo fecit. — IV. Maria a peccato originali praeservata, quia Mater Dei puritatis amantissimi. — V. Hodierni festi Evangelium ostendit Mariam immaculatam: ex nobilitate carnis et spiritus; — VI. Ex matrimonio cum Deo; — VII. Ex nominis significacione; — VIII. Ex divina maternitate Pag. 497-503

2.

IN PURIFICATIONEM

SERMONES SEX

SERMO PRIMUS

**De Christi Oblatione Deque Virginis Maiori Purificatione
In Hodierna Festivitate**

I. Duo mysteria in purificatione: Christi oblatio et Deiparae purificatio. — II. Oblatio Christi in Samuelis oblatione figurata. — III. Oblatio Christi maxima a dono, Christo; a donatario, Spiritu Sancto; et a donatrice, Maria, Regina coeli. — IV. Maria purificatur non a sordibus, quia Angelis sanctior, sed ut, obediens legi, similis esset Christo, qui similitudinem carnis peccati assumpsit. — V. Maria purificatur non ex obligatione legis, ad quam non tenebatur, quia eius conditio in ea non adimpta utpote Virgo immaculata, sed ex animi sui erga Deum devotione et erga legem reverentia. — VI. Maria purificatur non a sordibus, sed per maiorem puritatis infusionem. — VII. Maria imitanda in purificatoria et graduali poenitentia, — VIII. Oblatio Christi magna ratione offerentis, munera oblati, personae acceptantis et remunerantis Pag. 505-515

SERMO SECUNDUS

**De Causis Quibus Maria Offert Christum Deque Simeone Perfectorum
Exemplo In Festivitate Hodierna**

I. Omnia a Deo sunt, ad Deum ergo referenda. — II. Maria hodie se in templo sistit Filium suum: ut Deo Patri offerat; — III. Ut det hostiam pro sua purificatione; — IV. Ut humilitatem in purgatione exerceat; — V. Ut pro tanto Filio gratias Deo agat; — VI. Ut Filium suum in Dei manu constitutus; — VII. Ut paupertatem exerceat, hostiam pauperum offrendo. — VIII. De bono in operibus nostris honor Deo tribuendus, de malo poenitentia agenda. — IX. Christus a perfectis accipitur, quorum imago Simeon. — X. Christus inter perfectos habitat. — XI. Actus perfectorum sunt carissima quaeque Deo offerre, et, contemptis omnibus, Deum diligere. — XII. Praemium perfectorum Christus est, thesaurus omnium bonorum, quae ad felicitatem requiruntur Pag. 516-526

SERMO TERTIUS

**De Virginis Incremento Puritatis Deque Christo Dono Deo
Et Hominibus Dato In Festivitate Hodierna**

I. Hodie celebrantur mysteria purificationis Virginis et oblationis Christi. — II. Maria purificatur per puritatis augmentum et per plenioram gratiae infusionem. — III. Puritas Mariae hodie aucta exercitio humilitatis, gratitudinis, caritatis, devotionis et paupertatis; — IV. Et per renovationem sacrificii triplicis concupiscentiae. — V. Maria a puritate innocentiae ad divinam quasi puritatem ascendit. — VI. Oblatio hodierna in templo maxima: quia ipse Christus, thesaurus omnium thesaurorum Dei, offertur; — VII. Quia a Virgine offertur et a Spiritu Sancto acceptatur; — VIII. Et quia Christus hominibus a Deo Patre redditur, ut salus, lumen et gloria fidelium sit. — IX. Synthesis sermonis: Virgo purificata, Christus Deo oblatus, a Deo Christus hominibus donatus. — X. A fidelibus Deus requirit purgationem a peccatis et bonorum operum oblationem. Pag. 527-536

SERMO QUARTUS

De Singulare Virginis Puritate In Festivitate Hodierna

I. In festivitate purificationis celebrantur puritas Mariae et sanctitas Christi. — II. Sanctitas Christi hodie non facta sed praesentata, oblata ut hostia sancta, agnita et laude celebrata. — III. Puritas Mariae hodie super omnem puritatem manifestatur: in eius sobrietate, iustitia, pietate, in Filii carissimi oblatione; — IV. In plenitudine Spiritus Sancti, in intima cum Christo coniunctione; — V. Et in augmentatione sanctitatis et gratiae per sacrificium oblationis Filii.

Pag. 537-541

SERMO QUINTUS

De Virginis Sanctificatione In Festivitate Hodierna

I. Maria in purificatione maxime sanctificata: — II. Filii oblatione; — III. Copia spiritualium bonorum per Simeonis benedictionem; — IV. Et exercitio virtutum praesertim animi gratitudinis, humilitatis, obedientiae et pietatis. Pag. 542-544

SERMO SEXTUS

De Virginis Sanctitate Caritate Et Dignitate In Hodierna Festivitate

I. In Evangelio festivitatis proponuntur oblatio Christi et Virginis purificatio, et in his sanctitas, caritas et dignitas Deiparae. — II. Proponitur sanctitas Deiparae in omnimoda legis obedientia; — III. Caritas in Filii oblatione; — IV. Dignitas, quia offert qua vera eius Mater. — V. Eius munus Deo acceptum et laudibus celebratum Pag. 545-546

2.

IN VISITATIONEM

SERMONES DUO

SERMO PRIMUS

De Visitationis Mysterio Infinitae Humilitatis Et Caritatis Operे

I. Visitatio infinitae caritatis et humilitatis opus Virginis et Christi. — II. Visitatio fit a Maria, muliere infinitae excellentiae quoad naturam, gratiam et gloriam; — III. Fit ad Elisabetham infinitis gradibus Maria inferiorem; — IV. Fit cum festinatione ad ostendendam ardentissimam caritatem et obedientiam Virginis et etiam Christi qui statim incipit redemptionem; ad ostendendam etiam pietatem Dei, qui replet Spiritu Sancto Elisabeth et Ioannem. — V. Spiritus quo repleta est Elisabeth fuit triplex spiritus propheticus quo cognovit praeterita, praesentia et futura et omnia mysteria Incarnationis; — VI. Hic propheticus spiritus de spiritu Mariae sumptus est Pag. 547-555

SERMO SECUNDUS

De Visitationis Mysterio Fidelis Animæ Typo

I. B. Virgo exemplar omnium virtutum. — II. Anima Deo plena: sursum tendit intellectu; — III. Exercet memoriam in beneficis et voluntatem in bonis operibus; — IV. Deum laudat et gratias agit; non gloriatur in seipsa, sed Deum glorificat Pag. 556-557

4.

IN FESTUM B. M. AD NIVES

SERMONES DUO

SERMO PRIMUS

De Duplici Causa Beatitudinis Virginis Deiparae

I. Beatitudinis Deiparae duplex ratio: Mater Christi, miraculum nivis, quae symbolum est sanctitatis. — II. Hac duplice ratione, scilicet quia sancta et quia Mater Dei, praedicatur: in Sacris Scripturis; — III. Ab Ecclesia, quamvis calumniosa et inscrite hoc neget Calvinus; — IV. Etiam ab ipso Christo quamvis implice. — V. Deipara omnibus titulis beata a Patre, a Sponso, a Filio et a propria virtute Pag. 559-564

SERMO SECUNDUS

De Virginis Deiparae Puritate Nive Candidiore

- I. Nix in Scripturis hieroglyphicum puritatis et sanctitatis. — II. Maria nive candidior: quia eius anima absque peccati macula; — III. Quia legis observatrix et daemonum victrix; — IV. Quia in ea omnes thesauri nivis gratiae. — V. Deus etiam a nobis requirit puritatis candorem Pag. 565-568

5.

IN ASSUMPTIONEM

SERMONES TRES

SERMO PRIMUS

**De Glorificatione Mysticae Arcae Dei Mariae
Ex Infinito Merito Gratiae Ipsius**

- I. Mariam veram Divinitatis arcam laudemus, cum sit infinitis laudibus digna; festivis gaudiis exultemus, quia hodie intra sancta sanctorum collocata est. — II. Maria supra Angelos in Ecclesia triumphanti collocata, quia tenuit supremum gradum gratiae in Ecclesia militanti. — III. Tres partes templi Salomonis designant tres animarum status: incipientium, proficientium, perfectorum. Maria supremum gradum gratiae obtinet inter fideles animas; ergo etiam supremum gradum gloriae. — IV. Arca maxima solemnitate translatâ in templum Domini, sic hodie Maria in coelum. Tres translationes arcae, triplex transitus Mariae: mortis, resurrectionis, assumptionis. — V. Primus arcae transitus est ad Iordanem; Maria nullum iudicium passa in morte. Secundus arcae transitus est ad nobiliorum et regalem locum a Davide paratum; secundus Mariae transitus est ad meliorem vitam, hoc est, ad gloriosam resurrectionem. Tertius arcae transitus est ad supremam partem templi; tertius transitus Mariae ad supremam partem coeli. — VI. Christus Matri dedit in coelo optimam gloriae partem, quia ipsa in terris sua industria obtinuit optimam gratiae partem. — VII. Anima Virginis vere omni gratia referta: quia in Canticis nubi assimilata ob gratiarum plenitudinem; collo assimilata quia altior et utilior pars in mystico corpore Christi, et collo forti ut turris David ob virtutis robur; — VIII. Quia a Spiritu Sancto a capite usque ad pedes laudata; — IX. Quia duplice sanctitatis parte dotata, idest, carentia vitiorum et virtutum abundantia; — X. Quia a Deo inter Sanctos magis dilecta, inter Electos praecipua, inter omnes creaturas nobilior. — XI. Ex magnitudine gratiae conicitur magnitudo gloriae. Gloria minimi Beatorum splendidior sole, supremi omnino ineffabilis, Deiparae omnino incomprehensibilis. — XII. Pendet magnitudo gloriae a magnitudine amoris Dei erga animam, a magnitudine amoris animae erga Deum, a magnitudine doloris tolerati, a magnitudine humilitatis; Deipara infra omnes amata, amans, dolens et humiliata, ergo supra omnes exaltata. — XIII. Maria ad utilitatem nostram exaltata, quia ut sancta et Mater nostra vult nos adiuvare, et, ut possit hodie thesanaria Dei constituta est. — Duo alia exordia Pag. 569-589

SERMO SECUNDUS

De Virgine Silentio Honorata Et De Gemina Ipsius Caritate

- I. Maria in Sacris Litteris sacro silentio a Spiritu Sancto honoratur: quia maior in silentio laus; —
 II. Quia ita similis Deo declaratur. — III. Martha et Magdalena imagines sanctitatis Deiparae; — IV. In Martha dilectio proximi, in Magdalena dilectio Dei, in Deipara perfectio utriusque caritatis Pag. 590-592

SERMO TERTIUS

De Sanctitate Et Exaltatione Virginis Deiparae

- I. Proponuntur Magdalena et Martha ut figurae sanctitatis Deiparae: in affectu caritatis, in diligentia servitutis; — II. Et in dilectione Dei erga eam supra omnes exaltatam. — III. Deipara in coelo supra omnes exaltata ad Dei gloriam et ad nostram utilitatem. — IV. Ad ipsam ergo recurramus. Pag. 593-595
-

INDEX ALPHABETICUS

NOMINUM ET RERUM NOTABILIUM

Numeri indicant paginam; lineola indicat divisionem conceptuum, quorum qui lineolam sequuntur relationem immediatam ad Virginem habent.

A

Aaron. Princeps synagogae 177, 178.

— Primus inter sacerdotes 54, 217, magnus dignitate 219, advocatus populi 400, 401 et *Maria*.

Abel. Sanctus et innocens 164, Deus respicit ad munera eius 167, 532, 546 et *Maria*.

Abigail. Mulier humillima 141, 277, 280, prudentissima 109, 131, 224, placat iram David 131, 363, postulata ab eo in uxorem 104 et *Maria*.

Abraham. Electus in patrem fidei 54. Ei praenuntiata incarnatio et nativitas Christi 89, 95. Nomen ei mutatum et quare 177. Deus et Angeli ei apparent 9, 10, 152. A Melchisedech benedictus 281. Tentatus a Deo in amore Isaac 62, 186.

— Humilis 285, 287, magnus 292, advocatus 400, benedictus 164, primus inter Patriarchas 217, tanta in eo caritas ut Deo sacrificaret filium 186, 524, 529, Deus cum eo 208, mittit nuncium ad quaerendam uxorem pro filio 89, 134, ditat omnibus suis bonis uxorem filii 91, 126, 136, accipit magnum gratiam et beneficia in circumcisione propria 512 et in oblatione filii 512, 542, 543 et *Maria*.

Acre. Unus montium super quos Ierusalem 344.

Adam. Cum duplice fine creatus naturali et supernaturali 54, 469, 490. Mirabilis eius formatio 240. Prius sanctus quam peccator 82. Parallelismus cum Christo 88. Matrimonium eius imago matrimonii Christi cum Ecclesia 116. Non Christus propter Adam sed Adam propter Christum 80.

— Typus Evae 9, Evae amore captus 135, imago Dei 143, 469, e terra benedicta 483, forma Christi 416, 419, in gratia creatus 420, 469, 480 et *Maria*.

Adolescentulæ. Animas incipientes designant 227, 276, 427, 572 et *Maria*.

Advocatus. Vir probus dicendi peritus 397. Magni refert habere optimum advocatum 397. Advocatum agere munus prophetæ præcipuum 300, 301.

— Requiruntur in eo sapientia, caritas erga clientes, favor apud principem 57, 58, 398 et *Maria*.

Aegyptus. Ibi regnat Joseph 10. Ibi sacra familia 66. Ibi captivitas populi hebraici 82. Ibi regnum tenebrarum 362.

Agamemnon. A Timanthe depictus facie velatus et quare 61, 590.

Agar. Humilis et superba 280.

Aggaeus. De Maria loquitur sub figura templi Zorobabel 469.

Amana. Mons, fides interpretatur 582.

Ambrosius (S). De cultu Virginis 172. De plenitudine eius gratiae 190. De Christi perfectione in utero 239.

Amor. Iucunda voluptas 202. Mensura doloris et odii 62, 72, 586. Amantem amentem reddit 198. Obiectum et cibus amoris pulcritudo et bonitas 128, 345, 346. Natura amoris amanti nihil negare 351. — Amor causa coniugii 109, oritur ex boni cognitione 265, causae naturales amoris in matribus 68 et *Maria*.

Anabaptistæ. Haeretici Mariam Christi matrem negantes 234.

Angeli. Scriptura de eis silet et quare 8, 453, 454.

Per malum angelum ruina, per bonum reparatio
84, 120, 130. Sunt stellae 483. Eorum splendor a
sole Christo 483. Ministri Dei et Christi 86, 143,
154, 180, 181, 208, 534. Descriptio eorum 179,
559, 568. De eorum specie 585. Praenunciant Chri-
stum 88, 89, 96. Eis adoratio Verbi incarnati
iniuncta 181. Fideles 181. Rebelles in daemones
mutati 181, 182.

— Eorum summa gratia 420, 462, eorum humilitas
et magnitudo 278, 291, eorum domus 450, 455,
463, sunt stellae in capite Virginis 549, 575, quo-
modo purgantur 511, 529, in Cherubim arcae
figurati 451, infinitus plusquam mille soles fulgebit
585, Mariae gratia et gloria etiam ipsis ineffabilis
et incomprehensibilis 358, 376, 580, 585, adorant
Virginem ab initio 100, 101, 327, plus potest unus
quam innumeri homines 144, mire salutant Ge-
deonem 167, inferiores Maria 23, 100, 101, 143,
144, 549 et saepissime, honorandi 323 et *Maria*.

Anima. Idem ac mens 257. Una tantum in homine
258. Est in toto corpore et in singulis partibus,
singulariter in aliquibus 207, 209. In ea cognitio
258. Duae praecipuae vires eius 258. Quid tribuat
corpori 271. Animarum genera tria in Ecclesia incipientium, proficientium, perfectarum figuratarum
in reginis, concubinis et adolescentiis 227, 427,
522, in tribus partibus templi 427, 522, in pasto-
ribus, Magis, Simeone 522, in triplici terra bona
539. Figurata in luna 487. Infinitae capacitatibus 549,
577. Solam animam requirit Deus 159. Animae in
gratia per Ezechiel et Isaiam descriptio 200,
201. Anima fidelis quid agat 556, 557. In quo can-
dor eius 506, 567. In muliere parenti masculum
figurata 521, in hoc mundo tantum purgabitur 521.
Anima imperfecta quid agat 556, in muliere parenti
feminam figurata 521, in hoc mundo et in altero
purgabitur 521; item figurata in muliere sterili,
ideo maledicta 521.

Anna (mater Samuelis). Gratiosa 506. Sterilis 221.
Impetrat lacrimis filium 221.
— Figura Mariae 506, 507, laudata ob sanctitatem
et prophetiam 131, 221, 224, 262, 292, 505, divinis
beneficiis et gratia aucta 221, 512, bonum virum
accipit 221, a viro dilecta 506, 507, 517, 557,
nobilis a virtute 235, offert filium 506, 507, 517,

tria in cantico eius 276, cum pietate et Spiritu
Sancto afflata canit 262 et *Maria*.

Anna (filia Phanuel). Prophetis laudata 224, 505,
perfecta 523.

Annuntiatio. Vide *Maria* n. 8.

Antidicomarianitae. Haeretici virginitatem Ma-
riae negantes 172.

Anselmus (S). De dolore Virginis 64. De voto
virginitatis Mariae 138. De cultu Virginis 172, 253.
De excellentia Mariae 184, 230, 231, 250.

Apellitae. Haeretici Virginem Christi matrem ne-
gantes 234, 254.

Apollinarii. Haeretici Virginem Christi matrem
negantes 234, 251.

Apostoli. Donis a Deo ditati 54, magni gratia 292,
eorum gratia et virtus post acceptum Spiritum Sanctum 425, 451, 531, lux dicti 423, idonei ministri Dei
481, montes dicti 425, 451, 463, 482, portae coeli
493, baptizati a Christo 512 et *Maria*.

Aquila (auctor). De selah 358.

Ariani. Haeretici, Virginem matrem Dei negant 234.

Arminius. Topus albus munditiae amantissimus
25, 446.

Arca. Pro ea templum, pro Christo mundum 86.

— Figura Mariae 11, 258, 416, 440, 441, 455, a
Beseieel et Oliab constructa 325, 440, 441, etiam
intrinsece aurea 24, 36, 205, 325, 440, 441, 570, ex
lignis nobilissimis 24, 325, 440, 441, Israelitarum
spes 243, causa salutis piis, causa mortis impiorum
36, 569, summe veneranda et venerata 41, 101, 324,
aurea corona ornata 49, causa laetitiae 111, similis
propitiatorio 144, continet tria 144, potens ad pro-
teendum 146, miracula operatur 146, 186, causa
beneficiorum 170, 171, 221, exercitibus circumstipata
202, 203, 216, quadrangularis 174, 441, mensurata
196, similis propitiatorio in mensuris 416, 417, 440,
eius altitudo et magnitudo quid significant 417, 418,
in sancto sanctorum reposita 258, 416, 455, 570,
571, 573, sub propitiatorio et inter Cherubim 258,
416, 440, 441, 549, pro ipsa templum Salomonis
455, transiens lordanem eius cursum retinet 459,
460, tribus mensibus manet in domo Obededom
548, velo tecta 590, propitiatorio tecta 570, in tem-
plum Salomonis exultatione illata 573, 575 et *Ma-*
ria. Mirabilis parallelismus 570.

Arithmeticus Elias ars 279 et *Maria*.

Arnobius. De Sibyllis 312.

Aser. Beatitudo sive beatus 277, 315.

Assuerus. Capitali corona donat Mardochaeum
50. Ex loco valde humili exaltat Esther coniugio
141.

— In eo dignitas et auctoritas regia 145, diligit
Esther super omnes mulieres 23, 49, 132, 133, 135,
183, 191, 217, 346, Esther ducit in sponsam 55, 95,
104, 480, multis muneribus Esther dignam sibi
sponsam facit 118, 126, 127, honorat et exaltat
Esther 183, 243 et *Maria*.

Athanasius (S). De paru Virginis 63. De plenitu-
dine gratiae Virginis 135, 136, 191; 296. De cultu
Virginis 172.

Augustinus (S). De duodenario 51. De revelata
incarnatione ab initio 77, 78. De voto virginitatis
Deiparae 138. De cultu Virginis 172. De plenitu-
dine gratiae Virginis 190. De Christo in primo in-
stanti homine completo 239. De cultu latriae et
duliae 252. De Sibyllis 312. De beatitudine Virg-
inis 563. De Virgine et peccatis 412, 413. De pec-
cato originali 444, 473. De materia prima 211.

Aurum. Est triplex et triplicem caritatem 453, 583,
nobilitatem 325, gratiam 457 designat.

B

Babylon 362.

Basilius (S). De incarnatione 82. De gratia 194.
De Christo 239. De cultu 252.

Basiliensis Synodus. Eius sententia de Mariae
conceptione 420, 421.

Beatitude. Status omnium bonorum cumulatione
perfectus 289, titulus Dei 327, triplex 305, 329,
communicatione eminet 330 et *Maria*.

Beatus minimus (in coelo) infinitis partibus sole
isto lucidior erit 584 et *Maria*.

Beda V. (S). De Virgine 67, 191. De cultu 252.

Benedictio (Dei). Beneficiorum collatio 315, 543.

Bernardus (S). De Apocalypsis visione 7. De tri-
bus miraculis in mundo 14, 286. De Gabriele Ar-
changelo 166. De Christi perfectione a conceptu
238, 339. De Simeonis gladio 64. De Virginis cultu
172, excellentia 53, praerogativis 53, parti 63, gratiae
plenitudine 144, virginitatis voto 138, exemptione
a mulierum maledictione 218. Virginem vocat maris
stellam 184, gratiarum aquaeductum 155, 194, pec-
catorum scalam, aptissimam mediaticem, suam

fiduciam 254. Virginis eximus cultor 253. Sententia
de conceptione Virginis expenditur 476.

Bernardinus (S). Virginis eximus cultor 253.

Beseeel. Arcæ constructor 191, 325, 440, 441.

Bethel. Quid significet 206. Ibi Iosias prænunciatus
88. Visio Iacob 206.

Bethsabee. Significationes 89, 98. Nobilis a sponso
et filio 21, 235, pulcherrima et a David dilecta 98,
113, apud illum multum potuit 320, Salomoni re-
gnum obtinuit 110, 244, 245, 320, 398, ab ipso im-
pense honorata 243-245, 399, 570, 573 et *Maria*.

Bethulah. Significat mulierem violatam 311, 312.

Bonaventura (S). Virginis eximus cultor 233.
Quid de conceptione Mariae 476.

Booz. Nobilissimum matrimonio 118 et *Maria*.

Booz (columna iuxta mare aeneum). Quid significet
et figuret 549.

C

Caleb. Filia eius 320 et *Maria*.

Calvinus. Satanae primogenitus 171, 561, asserit
duplicem tantum cultum religiosum et civilem, Sanctos
non esse honorandos 322, Angelos honoratos
qua nobiles non qua sanctos 323. Coelibatum et
virginitatem evertit 138. Virginis inimicus 591.
Blasphemat in eius virginitatem 138. Eam incredu-
litatis accusat et salutationem angelicam exorcis-
mum dicit 172. Arguit superstitionis Catholicos ob
Virginis cultum et perperam exponit verba mulie-
ris evangelicae 561, 562.

Cantica. De Maria singulariter loquuntur 466.

Canticum (Mariae). Vide indicem primum 605, 606,
607.

Caput. Initium significat 22, 340, 425, 591 et *Maria*.

Caritas. In ea sanctitas 582. Fundamentum salutis
344. Comitata virtutibus theologalibus et morali-
bus 589. In auro figurata 457, in collo sponsae 466
et in latitudine portæ 492. Unit animam Deo 466.
Perfecta quae sit 536. Actus perfectæ caritatis Deo
acceptus 536, 540. Amor Dei et proximi est unius
habitus, unius radicis, unius fontis 353, 551. Caritas
Virginis, vide *Maria* n. 16.

Carmelus. Mons feracissimus, pulcherrimus* 418.

Caro. Carnis prærogativæ in Virgine 53.

Cartusianus. Non potest carnes comedere 138.

- Categoriae.** Decem sunt 337, quorum compendium mirabile Maria 337.
- Catholicus.** Dignoscitur ab haereticis devotione in Virginem 171, 172.
- Causa.** Quo nobilior nobiliores effectus producit 259 et *Maria*.
- Cedrus.** Arbor procera 265.
- Centuriatores.** Rident S. Augustini sententiam de virginitatis voto Mariae 138, 139. Negant Deiparae virginitatem, gratiae plenitudinem et innocentiae puritatem 159.
- Centurio.** Fide laudatus a Christo 343 et *Maria*.
- Cerdoniani.** Haeretici Virginem Christi matrem negantes 234, 251.
- Chananaea** seu Chananitis. Fide laudata a Christo 224, 343 et *Maria*.
- Cherintiani.** Haeretici Virginem corruptam contendentes 234.
- Cherubim** (arcae). Super propitiatorium collocati 440, 441, 451. Angelos figurant 416, 451. Silentium eorum designat Deum ineffabilem 590.
- Christus. Nomina, figurae, excellentia.** Vir nobilis a Luca dictus 25, 366. Nobilis humana et divina nobilitate 365, 366. Nobilis natura, gratia et gloria 367, 368. Nobilitas et dignitas incomprehensibilis 235, 366, 376. Miraculum 12. Verus Moyses, manna coeleste, tabernaculum Dei, mundus ter maximus 95. Verus Isaac, Samson, Salomon 97. Summus sacerdos, sancta sanctorum, aeterna beatitudo, gloria paradisi 99. Fons totius gratiae 81, 102, 486, 508. Fluvius aquarum viventium 154. Decem eius nomina 102, 103. Domus Iacob et Electorum 103. Medicus humanitatis 92. Nazareus vocatus et Rex Iudeorum et pacificus 157. Sanctus, Filius Dei, Admirabilis 222. Infinitus thesaurus 507, 532, 534, omnium bonorum perfectam felicitatem donans 272, 524, in agro carnis absconditus 507. Apator et amitor 312. Compendium bonorum Dei 350. Sanctus, sanctissimus natura 486, 489. Lux 423. Lux mundi 29. Lumen gentium 508, 525, 534, 553. Sol 33. Sol iustitiae 86, 89, 483 et saepissime. Dominum Dei, inaestimabile 507, 524. Princeps pacis 168. Auctor pacis 508, 525 et saepe. Pax mundi 534. Salvator mundi 534. Auctor naturae 508. Salutare Dei et gloria Israel 508, 534 et saepe. Templum Dei 207. Lapis apud Danielem 202. Auctor et fons puritatis 537, 538, 540. Merces persectorum 524, 525, 526, 534, 535. Verus Deus, verus homo 58, 211, 537. Consumentialis Patri 155, 156. Quatuor incomprehensibilia in Christo 151, 152. Eius excellentia praedicatur ab Isaia 119. Eius magnitudo 93, 125, 207, 238. Suprema creatura 96, 211. Humanitas Christi inter tria potiora opera collaudanda 14, 236, 286, 477. In eo omnis perfectio naturae, gratiae et gloriae 113, 238. Causa exemplaris et finalis Sanctorum 80. In eo triplex gratia uniuersis, capitis et personae singularis 188. Caput viri 80. Speciosus p[re]filiis hominum 140. Fundamentum totius naturae, gratiae et gloriae 80. In eo summa dignitas, sapientia, bonitas 145, 376. Ad eius honorem Maria creata 86. Angeli eius servi 8. Homo creatus, ut esset imago Christi 86. In eo adimplatum desiderium hominis, ut aequalis esset Deo 87. Ut homo inferior Patre 96. Eius gloriae tantum medietas cognosci potest 358. Eius meritum gratiae maius demerito Adam 487, 488. Eius anima maioris valoris quam animae omnium praedestinatorum 86. Omnium linguis laudatur 376. Praefiguratus in Isaac, Samson, Iosia et Cyro 88, 89, 95, 102, 106, in Salomone 374, 457, 593, in arca 440, 445, in tabulis legis 466, in propitiatorio 416, 417, 440, 441, in vase manna quoad bonitatem, in virga quoad potentiam 456, 465 in visione Ezechielis 151, 152, 534. Eius laudes antea celebatae a David et Salomone 336.
- Incarnatio.** Etiamsi Adam non peccasset Christus in mundum venisset 78, 80, 84, 86. Ipse prima creatura praedestinata 80, 97. Visus ante incarnationem Abraham, Moysi, Isaiae, Danielli, Ezechielii 95, 152, 153. Incarnatio praedicta a Deo, ab Angelis, ab hominibus 89, 95, 96. Verbum in rubo Moysi revelat se carnem assumptum 95, 152. Modo supernaturali conceptus 103. Similis Mariae formatus 483. Ex Maria tabernaculo et palatio ex lignis pretiosissimis 479, 481. Ros ex aurora Maria 313, 483. A Virgine coronatus in die incarnationis corona humanitatis et corona regni David 244, 374. Eius formatio mirabilior formatione Adam 240. Homo perfectus in primo instanti conceptionis 238, 239, 368. Plenus gratia 105, 139, 142, quae ab initio summa fuit 511, 527, 528, ideo nec augeri potuit 542. Plenus donis Spiritus Sancti 198, 215. Plenus gloria 215. Deum in utero Virginis vidit 100, 151, 215, 368, accepit Divinitatis

plenitudinem, oravit et cognovit Dei voluntatem circa redemptions 150. Dies incarnationis, dies desponsationis eius 244. Incarnatione replet vacuum in creatione humana, quia Christus creator et creatura et vacuum in procreatione humana, quia Christus ex femina sine mare natus 489. Caro Christi corona pietatis aeternae 244. Phantasiarum, Nestorianorum, Arianorum errores de Christo 234. Venit in mundum ad nostram redemptions et glorificationem 81, 85. A Patre mandatum habuit ut mundum redimeret 551. Complet opus infinitae caritatis et humilitatis in Maria visitans Elisabeth 554.

Nativitas, vita et officium. Eius nativitas a Deo et ab Angelis mundo praedicata 122 et pastoribus 157. Nomen ei divinitus impositum 177. Ad eum stella Magos ducit 184, adoratur a Magis 521, 522, 531. Cognatorum eius genus triplex 304. In templum deatus 66, 505-546. Sanctificatur in templo non quasi peccator 537, sed Patri se dicans et hostiam se offrens 538. A Maria Deo oblatus et a Deo hominibus redditus 535. Iuxta aram sacrificiorum oblatus, quae eius passionem figurabat 538. Eius oblationi multiplici capite omnium maxima 507, 508, 532, 535. Communi pretio in presentatione redemptus 518. A quatuor perfectis adoratus 523. In circumcisione dolet 66, a Simeone multis nominibus laudatur 522, 523, 525. Parallelismus oblationis Christi cum oblatione Samuelis 506. In Aegyptum ductus 66, a Ioanne baptizatus, a daemone tentatus 66 et persecutionibus laceratus 519, 520. Praedicit Evangelium et miracula facit 66. Precibus Mariae primum operatur miraculum 246. Non reprehendit Matrem in nuptiis Canae, quia nulla in ea culpa 247. Quid docere voluerit sua responsione 303, 304. Respondens muliebri evangelicae non eam reprehendit, nec prohibet Virginis laudes, sed auget 301, 302. Non negat matrem secundum carnem, sed praefert secundum spiritum 303, 304, 561, 563. Laudat sanctitatem et perfectam fidem Matris 566. In decursu vitae semper cum Maria 236, 237. Unum cor cum ipsa, una anima, impense eam honorat 245. Mariae magno gaudio in vita fuit 73, omnia dona ei confert 62, eam a peccato originali preservat 444, 486, 487. Eam a peccato praeservans vacuum in gratia implevit et perfectus Redemptor fuit 400. Eius humilitas miraculum fuit 180, 182, 279, 287, 288. Misericordissimus 289, 394, 395, po-

tentissimus 389, 390, satanae fortior in Protoevangelio et Evangelio descriptus 376, imperat mari et ventis 52, praeditus perfectissima caritate 64, 65. Concives eum perdere volunt 66, lacrimatur in morte Lazari 65, fugit a Iudea 66, multas calumnias suffert 66. A proceribus morti damnatus 66. captus a Iudeis 67, flagellatus 67, spinis coronatus 67, crucifixus 67. Moriens consolatur Matrem 245, 246, 247. Cognoscit futuram resurrectionem, tamen dolet 65. In sepulcro eius corpus myrra conditum et quare 185. Primo apparet Virgini 237. Ab omnibus benedictione repletus quadam omnia 241, 242, 376. Nihilo dignior nunc in dextera Patris quam olim in utero Matris 294. In coelo doloribus compatitur 252. Summus universi rex et totius Ecclesiae pontifex a Deo creatus 73, 74, rex coronatus 244, 245. Salvator etiam Angelorum 86. Omnes Electi membra eius 57, 371. Ipsius meritis mundus servatur 572, 363. Advocatus populi christiani apud Patrem 400, 401. Per eum miraculo propagatio Ecclesiae 125.

Christus et Maria. Vide *Maria* praesertim n. 3, 5, 6, 10, 12, 13, 15, 18.

Christianus. Nobilis dictus ut coelestia petat 371.

Chrysostomus (S). Virginem vocat miraculum 11. De cultu Virginis 172. Appellat gratiam beatitudinem divinitus infusam 194. In Christo celissime exaltatam humanam naturam dicit 212. De excellentia Virginis 231, 250. De Beatorum gradibus in coelo 584.

Circumcisio. Peccatum originale delebat 512.

Cithara. Hoc nomine etiam cor vocatur 274.

Civitas. Pars magna eius felicitatis pax, sine qua concha auri plena serpentibus 378, eius gloria a viris magnis 464, munita et sancta est figura iusti 466, 467, omnis homo civitas dicitur 467 et *Maria*.

Coelum. Multipliciter accipitur 19. Sidereum, coelorum omnium maximum 97. Eius influxus in ingenium, animam et colorem hominum 258.

— Tantum eius medietas nobis perspicua 358, tabernaculum solis 483 et *Maria*.

Coelum empyreum. Vide *Paradisus*.

Cognati. Genus triplex cognatorum Christi 304.

Cognitio. Ipsa Deus maior efficitur 259, amorem generat 265 et exultationis calorem 208.

Collyridiani. Haeretici Deiparam deam facientes 234, 250, 321.

Conclitum. Quatuor Concilia ut quatuor Evangelia habenda 306, contra quos et ad quid coacta 306.

Concubinae. Animas proficientes designant 227, 276, 427, 572 et *Maria*.

Copronymus Constantinus. Impius imperator 223. Lex impia eius contra virginitatem Deiparae 223. Unde eius nomen 223.

Cor. Quale in Virgine 53, 54, 64. Cor humanum infinitae capacitatis 90, 441, 577. Cithara dicitur 274. Fundamentum naturalis vitae 343.

Corona. Regalitatem significat 50. Coronarum genera apud antiquos 49, 50, in Scriptura 50. Eius usus apud antiquos in die desponsationis 264. Quid significet in capite Virginis vide indicem primum 598.

Creatio. In ipsa nullum vacuum 489.

Creaturae. Deum diversimode possident 317, 318, 319, per gradus infinita prope distantia dispositae 211 et *Maria*.

Cubitus. Sacer et communis 417.

Cyprianus (S). De Virginis partu 63. De incarnatione causa occasionali peccati 82. De Christo a conceptu perfecto 237.

Cyrillus Alex. (S). De Christo in praesentia Dei 80. De redemptione conditionata 81. Gratiam appellat sanctitatem nobis a Christo communicatam 194.

Cyrus. Ab Isaia praenunciatus liberator Israel figura Christi 88, 89, 119. Palatum eius inter miracula numeratum 359.

D

Damascenus Ioannes (S). De partu Virginis 63.

De excellentia Gabrieli Arch. 166. De cultu Virginis 172. De plenitudine gratiae Virginis 231, 250. De primatu Virginis 250. De cultu latriae et duliae 252.

Daniel propheta. Theophaniae eius 10, 153. A Balthassar coronatus 49. De virginitate Mariæ loquitor 311.

David propheta. Rex potentissimus 54. Aufert a rege Amonitarum auream coronam 50. Eligit Salomonem heredem regni 85. Pauper 90. Placatus ab Abigail 131. Auctoritas, sapientia, sanctitas simul in eo 145. Infelix ob Absalom 320. Ter unctus rex 244.

— Ex eius progenie Virgo 18, 19, 20, 112, 124, 125.

Humillimus etiam post sublimationem 248, 285, 287, magnus potentia 54, 291, dolet nimis in morte Absalom et Ionathae 67, mittit ut Abigail sponsam assumeret 104, 109, matrimonium eius nobilissimum 118, captus amore Bethsabee 135, vir iuxta cor Dei 164, postulat pro Salomone perfectum cor 171, Deus cum eo 209, inter reges primus 217, immensam rerum copiam pro templo aedificando colligit 410, 450, magnificentia templi eius ab eius pietate coniencia 410, parat fundatum pro templo ex lapidibus pretiosis 426 et *Maria*. Loquitur de Maria virgine et matre 313, filia, matre, sponsa 320, regina 132, 133, 164, 385, 386, luce 423, aurora 423, plena altissima gratia a principio 472, sine peccato concepta 485 et aliis praerogativis aucta 335, 336.

Debora. Prophetis et sancta 131, 224, 292, in Scripta laudata ibi et 164, divinis beneficiis aucta 221, a virtute nobilis 235, canit Spiritu Sancto afflata et cum pietate 262, in eius cantico tria 276 et *Maria*.

Denarius. Symbolum perfectionis 337, 417. Sphaera omnium numerorum 417.

— In eo omnes numeri 338 et *Maria*.

Deus. *Nomen et essentia.* Nec sanctissimis Patriarchis nomen suum manifestat 176. Manifestat nomen suum Moysi 177. Lux 30, 213, 423. Solis hieroglyphico praesentatus 193. Ignis 30, 213, 550. Incomprehensibilis 30, 235. Eius proprium nomen Dominus exercitum 176. Graecis tetragrammaton, Hebraicis scem hamephoras, Adonai et Potestates 176, 177, 358, 359, philosophis apator et amitor 312 dictus. Altissima universi substantia 96. Summa pulchritudo 105. Summa innocentia 105. Summa perfectio 106, 230. Summa dignitas, maiestas, auctoritas 107, 135, 144. Sphaera intellectualis cuius centrum ubique, circumferentia nusquam 115. Omnibus partibus infinitus 118. Magnitudo eius 124, 126. Essentia sua omnia adimplens 139, 206, 209. Ubique est 149. Ubique totus et indivisus 209. Saepe in humana figura visus 152. Arca figura Dei 144. Mundus ter maximus 155. Primus inter spiritus 217. Ineffabilis 590, 591. Duo praecipue de ipso in Scripta maiestas et sanctitas 267, 268, 323. Decem nominibus Hebraicis vocatus 289. Tribus titulis a Scripta. auctus 294, 316. In visionibus Ezechielis, Danielis et Iohannis figuratus 295. Unus sanctus 350. In omnibus magnus 265, 290, 291, 356. Deus exercitum

et Deus uberum in Script. dictus 387. Quomodo sit in seipso 464, in mundo, in Ecclesia, in paradiſo, in Maria 449. Ineffabilis demonstratus a Seraphim caput et pedes eius velantibus 591.

Potentia. Tempore veris mundum creat 94, 95. Summa potentia 106, 144, 289, 295. Dominus omnium 135, 139, 268. Infinitae virtutis 135. Altissimus 113, 118 et saepe. Summus imperator et mundi monarca 96, 140, 141, 142. Creator et auctor omnium bonorum 155. Paucissimis verbis mundum creat et exornat 166, 213. Causa efficiens gratiae 205. In omnibus posuit praecipuum 217, 582. Tria potiora opera Dei 14, 236, 386, 477. Eius opera perfecta 193, 239. Proprium eius magna facere et ex parvis magna 291. Nihil frustra molitur 595. Ornat Ecclesiam Sanctis, Maria, Christo, sicut coelum sideribus, templum arca, figuris et sculpturis 383. Suis legibus non subiectus 444, 480. Operatur ad manifestandas perfectiones suas 444. Agricola, figulus, fabricator 450. Ubique est, sed non eodem modo operatur 149, 210. Ibi habitare dicitur ubi singulariter operatur 214. Omnia ab ipso pendent 210.

Sapientia. Lux 29, 423. Sphaera intellectualis 115. Summa sapientia 106, 144. Veracissimus 121. Sapiens architectus in omnibus 411, 412. Suis legibus aliquando derogat 411, 412, 480. Nunquam malum permittit nisi ad maius bonum 446. Ab aeterno incarnationem disponit 82.

Sanctitas. Summe bonus, summum bonum, summa bonitas 28, 105, 106, 107, 143, 144, 163, 268, 552. Apparet Patriarchis et Prophetis 10, 54. Ditat donis Apostolos 54. Bonitas in puniendo peccato 68. Ab aeterno disponit sua erogare et libentius post peccati infirmitatem 81. Per Moysem liberat Hebraeos, per Christum omnes electos 82. Semper ab eo beneficia 93, 106, 136. Ira eius in incarnatione placata 120. Fidelissimus in promissionibus 121. Promissa mittendi Messiam compleat 121, 122. Totus sanctus 140, 141. Venit in mundum ad salvandos homines et ad perdendos daemones 153. Fons aquarum viventium et origo omnium bonorum 154, 155, 223, 268, 306, 380. Communicat infinitos thesauros bonitatis suae duplii emanatione ad intra et ad extra 155. Vocatur Deus pacis et quare 168. Venit in mundum ut ignem accenderet 173. Dat Filium suum, dabit omnia 186. Tria dat ho-

mini 187. Ab ipso omne datum et omne donum 193, 416. Ipsi cura est de iustis 252. Compatitur fidelibus angustiatis 253. Descendit ad liberandos Hebreos 253. In Sponso Cantorum figuratus 198, 265. Ut sol pro omnibus et pro singulis operatur 268. Omnes salvare cupit 269. Ab ipso tria bonorum genera 296, 316. Prima beatitudinis causa 319, 328. Eius amoris quadruplex effectus: praedestinatio, vocatio, iustificatio, glorificatio 347. Amari ab eo idem est ac favoribus cumulari 349, 481, 582. Unum iustum plusquam omnes homines diligit 350. Eius amoris sphaerae decem 351. Ubi Deus, ibi pax summa 379. Thronus eius, thronus misericordiae 388, 389. Uberosus, idest, amans 433. Eius amor causa gratiae et sanctitatis 472, 481. Propensio ad misericordiam quam ad iustitiam 488, patet in Adam, Pentapoli, Aegypto, diluvio 552. Multa praeter iustitiae debitum tribuit 510. Eius benedictio idem est ac beneficiorum collatio 315, 412, 543. Misericordia eius proprium, punire alienum 552. Festinat ad implendum Spiritu Sancto Ioannem 569. Absque ullis meritis miseretur 552. Instituit propitiatorium locum remissionis et indulgentiae 552. Ex eius amore erga animam pendet huius gloria 585.

Iustitia. Eius iustitia in punitione peccati 68. Summa iustitia 107. Ira Dei in principio accensa 120. Sol iustitiae 487. Iustitia et misericordia infinitae, aequales ut in sole lux et calor 552. Non punit nisi demerita 552.

Adoratio. Honor tribuitur Deo et eius imaginibus 145, 323, 325. Summa reverentia a Seraphim et a Maria cultus 267, 268. Etiam operibus laudatur 271. Summa dignitas, ergo summus ei honor 323. Admittendum est quod eius gloriam manifestat 444. Gratias ei agendae 150, 516. Magis silentio quam lingua laudatur 8, 590, 591.

Dilectio. Cum eo conversari signum amoris est 269. Cognitione et amore maior redi potest 259. Magnum benefactorem eum agnoscere et diligere summa pietas est, summa sapientia magnum Dominum 264, 553. Perfectae virtutis actus, spretis omnibus, solum Deum super omnia diligere 524.

Obedientia et imitatio. Similitudo cum Deo valde optata 142. Quae imagines Dei 143, 325. Ei placet humilitas etiam in caelo 248, 278, 280. Superbiam horret 280, 518. Creaturae quo illi propinquiores eo beatiores 317, 318, 319. Parcus in suis operibus

Iaudandis 375. Peccati inimicissimus 459, 484. Puritatis amantissimus, summe delectatur virginitate corporis et spiritus 312, 474, 484, 500, 501, 514, 531. Puritatem et innocentiam a nobis requirit 484, et opera sancta 484, 485, 536. Non habitat in corpore subdito peccatis 485. Reponit Spiritum Sanctum in vase animae mundae 168. Meliora ab Hebraeis requirebat, a nobis cor et animam 159, 514. Niveis vestibus appetet ad sanctitatem significandam 559, 560. Obedientiam magis vult quam sacrificia 551. *Deus et Maria.* Vide *Maria* praeceps n. 3, 6, 9, 10, 15, 16, 18.

Diabolus. Fons omnis iniquitatis 461. Minister divinae iustitiae 487. Serpens antiquus et draco 59, 60, 461, 520. In nostra conceptione inter animam et Deum sese interponit, obtenebrans eam peccato originali 487. Per Herodem et Iudeos persequitur Christum 59, 60, 519, 520. Victoria eius in hominem ad maiorem gloriam Christi vertitur 85, 87. Mittit serpentem ad decipiendam Ewam in permiscem humani generis 91, 120, 130, 134, 137. Saepe transfigurat se in angelum lucis 158. Superbus et rebellis movit seditionem in coelo 181. Contra fidem emittit fluvium tartareae doctrinae 234. Eius superbia in coelo Deus supra modum offensus 248. — Tentat Christum et Virginem sed frustra 25, 164, 353, 354, 581. Accerrimo odio Virginem prosecutus 171, praeceps eius divinam maternitatem 233, 234. Currit in eius conceptione 487, 488, emittens fluvium iniquitatis ad foedandum eam peccato originali sed frustra 461, 462, 488.

Diana. Luna apud anticos et dea castitatis et virginitatis 310.

Dilectio. Vide *Amor* et *Caritas*.

Diluvium. Peccatum originale figurat 459.

Dina filia Iacob. Sine dote expedita et summa dote donata 91 et *Maria*.

Dionysius Areopagita (S). De gratia 194. De peccato originali 473. De purgatione coelestium hierarchiarum 511.

Dolor. Oritur ex amore 62. Amore mensuratur 72, 586. In morte pignorum matres maxime dolent 68. Dolor et amor in Virgine 59, 62, 63.

Dominus. Vide *Deus*.

Dos. Antiquitus sine dote ducebantur uxores et vir dotabat 90. Dos in sponsalibus 126.

Draco. Diabolum significat 59, 60, 461, 520. Coeleste signum 487.

Duodenarius. Numerus celeberrimus et sacratissimus 51.

— Universitatem significat 51, 56 et *Maria*.

E

Ebionitae. Haeretici Mariam matrem corruptam facientes 234.

Ecclesia. Augustissimus mundus 163. Domus Dei 314, 469. Figurata in throno Salomonis 457, in Eva 469, in scala Iacob 583, 584, in veste summi sacerdotis 583, in tabernaculo Moysi 571. Tribus animalium generibus constat, vide *Anima*. Sanctis, Maria praecipue et Christo ornatur 383. In ea non est vacuum 489. Columna, magistra veritatis 172, 477. Corpus Christi 175. Ecclesia Romana mater, regina omnium Ecclesiarum 227. Eius auctoritas omnium auctoritati praevalit 477. Haereses semper damnavit 234.

— Toto orbe semper Virginem coluit 253, 561, Dei Matrem credidit 235. Multis titulis honorat 385, 386, ad eam post Christum recurrit 253, 383, docet colendam 172. Sententiae immaculatae conceptionis Virginis favet 410, 411, 420, 421, 477. Cur in eius festo legat Evangelium Matthaei 486, 487 et quid doceat de Virgine 498. Rogatur ab Auctore ut permettat Virginem qua immaculatam coli 477. Instinctu Sp. S. festum assumptionis celebrat 498. Cur Evangelium de Maria et Martha in hoc festo legat 591, 592. Inscite a Calvinio carpitur de Virginis cultu 561, 562.

Eclipsis lunae. Quando eveniat 487.

Elcana (pater Samuelis). Significat: Deus zelotes 506.

— Annam ardenter diligit 506 et *Maria*.

Electi. In Iacob figurati 462. Dei tabernacula dicuntur et quare 464. Devotione in Virginem a reprobis distinguuntur 171. In gloriam Christi creati 79.

Elias. Propheta ardentissimus 390. Cum Christo appetat in transfiguratione 215.

— Sine genealogia introducitur 497, miraculorum et immortalitatis donum accipit 54, 146, currus et auriga Israel 146, magnus ad Israel utilitatem 292 et *Maria*.

Eliezer. Missus ab Abraham ad querendam uxori

rem Isaac 89, 104, 112, 117, 134, omnia bona A-
brahae ei confert 91, 126 et *Maria*.

Elisabeth. Significationes 560. Visitatur a *Maria* 14, 248, 547-555. Per Mariam Sp. S. repleta 547, 551, 552 et triplici spiritu propheticō quo Incarnationis mysteria et omnia praeterita, praesentia, fu-
tura de Virgine novit 238, 240, 553, 554. Divina paraphrasi Angeli encomium in Virginem illustrat 165. Virginem Del Matrem appellat et ob fidem laudat 225, 307, 554, 560 et saepe. Infinitis gradibus Maria inferior 550.

Eliseus. Currus et auriga Israel 146, miraculorum gratiam accipit 54, 146, magnus ad Israel utilitatem 292, cithara usus ad iram suam placandam 552, ab Angelis defensus 216 et *Maria*.

Emmanuel. Quidnam sit 123.

Enoch. Singularis sanctitatis et immortalitatis do-
num accipit 54, 164, titulo iusti honoratur 164, cum Deo ambulat 208 et *Maria*.

Ens. In omni genere praecipuum 217, 582, 583 et *Maria*.

Ephraem (S). De Virginis excellentia 231 et cultu 172. Virginem miraculum vocat 11.

Epiphanius (S). De Apocalypsis visione 7. De silentio Scripturarum circa Virginem 8. De incarnatione 78. De Virginis gratiae plenitudine 196. Confutat Col-
lyridianos 250, 321. Virginem vocat miraculum 11, matrem spiritu viventium 254, mare spirituale 231.

Esdra. De Virgine loquitur 468, 471, 473.

Esther. Pulcherrima 126, 131, 192, 224, Assuero
prae omnibus placet 132, 133, 191, 217 et ideo ab ipso despontata 480, 587, reginaque constituta 55, 105, 217, 346, 588, 589, ab ipso dotem accipit 90, 127, 201, 217, honorata et exaudita 243, matri-
monio nobilissima 21, 118, causa salutis He-
breis 112, qui summopere gaudent 72, 91, 112, 183, exaltata ad salutem populi sui 292, 320, 587, in exaltatione humilis suis consulit 248, 297, pro
ipsis non pro se orat 320, 390, 391, optima ad-
vocata 57, 398, in discrimen pro populo venit 183, Assuerum in populum clementem reddit 199, pri-
vilégio ad Assuerum ingressa 499, 500 et *Maria*.

Eunomiani. Haeretici Virgini detrectantes 235.

Eusebius. De Sibyllis 312.

Euthymius. De Christi perfectione a concepiu 239.

Eutychiani. Haeretici Mariam veram Christi Matrem negantes 234, 306. Contra eos conc. Chalced. 306.

Eva. Matrimonium eius cum Adam figura matri-
monii Christi cum Ecclesia 116.

— Figura Mariæ 416. Manu Dei formata 20, 40,
131, 187, 212, ad imaginem Dei 469, in gratia 54,
352, 416, 420, 424, 469-471, 549, cum duplice fine
469, 470, ex Adamo 483, per omnia ei similis 9, 105, 279, 291, 383, 454, 468, mirabilis quam Adam
459, pulcherrima corpore 193, mater cunctorum vi-
ventium 57, 391, figura Ecclesiae 469, aedificata di-
citur quia futura domus hominis 438, 469, 450, 491,
in paradiso virgo simul et coniux 119, eius amore
Adam captus 135, pariens Cain oraculum Geneseos
adimpletum arbitrata 373, domina totius mundi
292, figurata in templo Salomonis 469, qua tale a
rege Babylonis combustum 471, quatuor de ea in
Scripturis 174, 175, 204, decem praerogativaes 380,
Deo similis esse voluit 90, a satana per serpentem
seducta 91, 134, propter peccatum causa perditionis
91, 134, 549 et triplicis maledictionis mundo 169
et sibiipsi 218 et *Maria*.

Evangelistæ. Nihil de Virginis conceptione dixere,
ne quid vile putaretur, et Christi conceptioni similis
haberetur 453, 454.

Evangelium. De Virgine nulla laus praeter titu-
lum Matris Dei, quia haec maternitas caput et fons
omnis nobilitatis et omnium privilegiorum, etiam
immaculatae conceptionis 478. Sine genealogia eam
introducit 497, 498. Lux dictum 423 et *Maria*.

Exultatio. Est magnum gaudium 268. Sequitur lu-
cem cognitionis ibid.

Ezechiel. Multis animam in gratia describit 200,
201. De Verbo homine futuro 151, 152, 534.
— Deus illi apparet minori gloria quam Virgo
Ioanni 10. Loquitur de Mariæ virginitate 59, 492,
493, de Maria fonte gratiarum 142, 492, de eius
plenitudine gratiae 43, 190, 418, 451.

F

Fecunditas. Figurate quid sit 312, 313.

Felicitas perfecta. Tria vel maxime requirit: vitae
immortalitatem, scientiae plenitudinem, glorie su-
blimitatem 525.

Ferculum Salomonis. Figura Mariæ quoad pleni-
tudinem gratiae 427, 580, 581.

Fides. Fundamentum Ecclesiae 343. Ad salutem necessaria 168. Ad abolendam fidem satanas perver-sae doctrinae flumen emittit 234. In luna sub Mariae pedibus figuratur 45. A Christo in multis laudata 343. Fides et cor humanum unum e tribus miraculis in mundo 14, 286.

— Altus mons 341, 462, lux 423, basis beatitudinis 45, 46, anima vitae supernaturalis 47 et *Maria*.

Fideles. Lux dicti 423 et *Maria*.

Plumen. A sede Dei in Apocalypsi promanans gratiam figurat qua Sp. S. ab initio Mariam irrigavit 461, 462. A satana contra mulierem frustra immis-sum figurat peccatum originale 461, 462, 488 et haereses 234.

Franciscanus. Pecuniam nequit percipere 138.

Fulgentius (S). De Virginis cultu 172 et eius tribus bonis 218.

G

Gabriel Archangelus. Summus princeps paradisi 13, 35. Praepositus paradisi 89. Dux et maximus Angelorum 97, 118, 139, 159, 165, 166, 167. Primus inter summos principes 108, 114, 124, 166. Paranyphus et pronubus Dei 148, 166, 176. A secretis Dei 112, 118, 166. Singulariter Angelus Domini 165. Architectus encomii in Virginem sapientissimum 165. Sapiens, gratiosus 124. Eius praerogativa 130. Mirabilis eius descriptio 166. In Eliezer figuratus 166. Interpretatur: Fortis Deus, vir Deus, homo Deus 91, 112, 118, 159, 166, et designat Incarnationis mysterium et possibile demonstrat 91, 92, 166. Quartus inter praedestinatos 97. Legatio eius omnium maxima 96, principium reparationis humanae 130. Legatus Dei ad Virginem 117, 124, 130, 134, 165. In hominis forma huic appetet 130. Summa reverentia honorat etiam nondum Dei Matrem 13, 35, 223. Ob reverentiam nomen eius silet 177. Amice salutat 170, 190, hebraeo more, sed sensu multo altiore 168. Eius encomium illustrissimum 165, pelagus iaudum immensum 166, 173. Quid significare voluerit verbis: *Gratia plena* 191, 577. Agit de vera gratia 105. Ab Eva maledictione eximit 169, 218. Honorat titulo Matris Dei 233, 560, tribus praesertim laudibus 104. Stupet eius gratiae plenitudinem 127. Docet Matrem Dei futuram, virginitate integra 138. Eam alloquitur pro mundi reparatione 89, 96, 137. Eius consensum ad divinum

matrimonium requirit 56, 114, 167, 262. Matrimoniū init inter Deum et Virginem 139, cuius duas causas ponit 122. Tres personas praecipue laudat 140, 141. Incarnationis mysterium magnum quadriplici capite ostendit 124, 125. Danieli hebdomadaru[m] mysterium aperit 112, 118, 130, 166. Zachariam alloquitur, et arguit 118, 139.

Galilaea. Significationes 115. Quare Christus in ea natus 116.

Gaudium. Est pro portione doloris 72. Oritur ex optati boni praesentia 73, 267. Non est felicitas sine gaudio 169.

Gedeon. Insigni laude ab Angelo salutatus 167, 168, Deus cum eo 209 et *Maria*.

Gloria. Lux dicta 423, respondet humilitati 279, 587, gratiae 100, 127, 230, 571, 575, 583, amori animae erga Deum 586, amori Dei erga animam 582, 585, dolori tolerato 586, 587 et *Maria*. Gloria Sanctorum et Virginis, vide *Sancti et Maria*.

Glorificatio. Effectus divini amoris est 347 et *Maria*.

Graeci. Triplicem musicen et quatuor concentuum genera coluerunt 274.

Gratia. Donum Dei 106, 193, 560. Thesaurus quo coelum emitur 106, 228. Dos animae qua Christus sponsus accipitur 106. Imago Dei, participatio divinae naturae 106, 142. Donum supernaturale quo homo potest salutariter operari, sibi gloriam et aliis beneficia promereri 145, 146, 193, 204, filius et heres Dei, frater et coheres Christi efficitor 106. Effectus divinae caritatis 205, 472. D. Paulus eius insignis praedicator 193. Quomodo vocetur ab eo 193, 194, a D. Petro 194, 204, a DD. Dionysio, Basilio, Chrysostomo, Cyrillo 194. Eius descriptio ab Ezechiele 200. Duo requirit 549. Quid includat et quid excludat 127, 195. Ubi plena et perfecta gratia omnes virtutes, perfecta sanctitas, nullum vitium et peccatum 195, 577. Gratia secundum Novatores 105. Fallax gratia pulcritudo corporalis 105, 172. Vera gratia animae pulcritudo 126, 127, 192. Augeri potest actibus caritatis 228, 542. Quid sit eius principium, medium et finis 535, 536. In regno gratiae non est vacuum 490. Ipsi gloria respondebit 100, 197, 230, 571, 575, 583. Praescientia eius ipsiusque auctoris Christi praesupponitur a praescientia peccati 81. Dicitur lux 423, nix 560, 567, ignis 567, aqua 567.

Gregorius Magnus (S). De quatuor generalibus Concilis 306. De Gabriele Archangelo 166. De perfectione Christi a conceptu 239. Mariam montem supra montes Sanctorum vocat 42, 43, 482.

Gregorius Nazianzenus (S). De Virginis cultu 172, et virginitatis voto 138.

Gregorius Nyssenus (S). De Virginis partu 63.

H

Haeretici. Blasphemiae et satanae spiritu turgidi 172, 234. Os, filii satanae 233, 235. Fratres Antichristi 251. Caeci 172, 251. In Antichristo Apocalypsis figurati 172. Dicunt Christum mulieri evangelicae respondendo, Virginis laudes prohibuisse 301, 302. A satana ab extremo in extremum trahuntur 321. Impiate in Virginem a catholicis dignoscuntur 171. Cultum catholicorum in Virginem idolatriae et superstitionis insimulant 251. B. Virginem intercedere posse negant quia mortua 331. Qui sint qui Virginis cultui, virginitati divinaeque maternitati adversentur 234, 251, 303. Distinctio nem cultus in latriam et hyperduliam rident 331.

Hebrei. In salutatione quid agant 168. Nomen Dei nomen expositum vocant et pronunciare non audent 176. Post babyloniam captivitatem syriaca lingua quam plurimum utuntur 178.

— Mare rubrum ipsis lucundissimum 182, a Deo lumen in deserto habent 182, in arcum spem suam reponunt 185 et *Maria*.

Helvidianus. Haereticus negans Mariam virginem post partum 234.

Herodes. Satanae minister in Christo persequendo 66, 519, 520.

Herodotus. De cubito babylonico 40.

Hesiodus. De Pandora 143, 445.

Hieronymus (S). De selah 358. De incarnatione revelata ab initio 78. De Virginis gratiae plenitudine 190, 297.

Homo. Excellentissimus animalium 230. Continet esse inanimorum, vitam plantarum, sensum animalium 230. Unam tantum animam habet eamque rationalem 258, duplēcēmque substantiam 277. In eius potentias concordia et discordia 273, 277. Quae in ipso praecipua sint 200. Amore et cogni-

tione Deum maiorem reddere potest 259. Nil magis cupit quam divinam similitudinem 142. Quomodo possit ad perfectionem venire 149. Homo Deum beatifica visione in Virginis utero primum vidit 159. Benefactori gratias agere debet 150. EIus amor in mulierem pulcrum naturalissimus 345. In morte severissimum iudicium etiam de minimis subiit 574. Omnis in Adam peccavit, quia in ipso potentialiter 498. Parvus mundus 155, 258, 340, 356. Major mundo virtute 340. Arbor inversa 343. Civitas 467. Quomodo se habeat sub coelo frigido, temperato, calido 258. Deo similis in dignitate et auctoritate creatus 143, cum donis iustitiae originalis, scientiae, immortalitatis, felicitatis fineque duplice 143, 469, 470. (Vide etiam *Adam et Eva*). Cur in creatione non laudatus 345. Homines alii alter Dei imagines 145. Res magna est hominem Deo esse similem 142. Homo igneus et homo e quadriformi figura Ezechielis quid significant 152, 523, 534.

— Multi homines Dei singulares imagines 143, magni in aliqua re 145, 291, 292, homini Deus domum mundum dedit 155, 450, 455, 463, nullus sponsam virginem violatam duceret 482, 501 et *Maria*.

Honor. Est reverentia alicui exhibita in testimonium virtutis et dignitatis 323. Eius est hominis animum extollere 286. Error Calvini in honoris distinctione 322. De honore Deo, Mariae et Sanctis exhibendo vide *Deus, Maria, Sancti*.

Hortus conclusus. Figura Mariae quoad virginitatem 131, 225, silentium 261, plenitudinem gratiae 195, 430, 586, ineffabilitatem 591.

Humilitas. In eo consistit ut homo nihil se existimet, nihil sibi attribuat, omnia a Deo recognoscat 279, 287. E Dei et sui cognitione oritur 281, 282, 478. Variae similitudines ibid. EO maior quo dignior persona se humilians 287. Animus quo humilior eo beneficia vel minima pluris facit 519. Humilitas honorata rara avis 278, 279, 496. Anima humilis Deo carissima 280, 286, 288. Similitudines ibid. Quo maior, eo et maior gloria 279, 587. Similitudo ibid. Vas gratiae Dei 286. Via ad dona Dei properanda 284. Fundamentum virtutum 344. Mirabilis in Sanctis, mirabilior in Christo et in *Maria* 278. Graece tapinophrosini generatim dicitur 283, 557.

Hydria. Eius mensura 395.

Hypanis. Scythiae flumen, quid figuret 495.

I

Iachin (columna iuxta mare aeneum). Quid significet et figuret 549.

Iacob. Nomen ei mutatur et quare 177. Mysterium Incarnationis cognoscit et obstupet 95, 123.

— Deus ei apparet minori gloria quam Virgo Ioanni Evang. et quare 9, 10. Matrimonio nobilissimus 117, Rachelis amore captus 133, 135, eam sine dote accipit 126, dolet in filii putata morte 61, 67, gaudet de eius gloria in Aegypto 70, 73, laetus terram Chanaan relinquit et quare 575 et *Maria*. De eius scala vide suo loco.

Iacob. Fortitudine laudata 131 et *Maria*.

Idolatria. Peccatum maximum 47.

Iedidah. Iosiae Mater, figura Mariae 89.

Iephite. Filia eius virgo corpore non mente 131.

Ieremias. Christum in utero perfectum praedicat 88, 238, 296.

— Deus ei apparet minori gloria quam *Maria* Ioanni 10. Mariam vocat novam mulierem 165, miraculum 11, 225, 296, 442. In utero sanctificatus 54, 65, 167, 420, 425, 446, magnam gratiam accipit ut dignus Dei propheta sit 127 et *Maria*. Vide etiam *Maria* n. 4.

Ierusalem. Interpretatur visio pacis et duplicitis pacis 168, 576. Supra tres montens fundata 344.

— Regina civitatum 339, 340, supra montes fundata 341, 425, 451, 463, 465, 472, supra omnes civitates dilecta et ideo maximis cumulata donis 127, 345-354, 463, 472, 481, tria singulariter de ipsa laudantur 361, multis titulis a David et Isaiā laudata 369, 370, 465-467, Dei flumine laetificata 462, 485, decora 425, 465 et *Maria*. De relatione Mariae cum Ierusalem vide Comment. in *Ps. 86*, 335-380 et primum indicem 608, 609.

Ierusalem coelestis. In eam nihil coinquatum ingreditur 410, ab Angelo mensurata 196, tanquam sponsa ornata 465, lapidibus pretiosis constrata 426, 462, 463, duodecim portas et fundamenta habet 425, 493 et *Maria*.

Ieroboham. Eius uxor mutata veste prophetam Ahiam invisit 519 et *Maria*.

Ignatius (S) martyr. Virginem vocat coeleste prodigium 11.

Ignis. Operatorius est 550. Sursum tendit 556. Fugra gratiae Spiritus S. 567.

Imagines Sanctorum. Populis simplicibus divina mysteria praedican 377.

Imperatrix. Privilegio et gratia principis a legibus exempta 411, 498, iisdem titulis ac sponsus honoratur 478 et *Maria*.

Incarnatio. Ante omnia praedestinata, vide indicem primum 599 serm. 1 in *Missus est*. Ab initio Angelis et Adamo priusquam peccarente revelata 77, 78. Praenunciata a Deo, Angelis et hominibus 89, 95, 96, 130. Revelata Isaiae iuxta pīscinam superiorem et quare 155. Praefigurata in theophaniis V. T. 151, 152, in scala Iacob qui vehementer obstupet 123, 149, in pluribus viris insignibus 88. In nomine Gabriel demonstratur eius possibilitas, in nomine Michael eius impossibilitas, in nomine Raphael eius finis 91, 92. Opus infinitae caritatis 77, 123, 124, 154, 467, incomprehensibile 122, 148, 214. Magnum, summum omnium miraculorum propter coniunctionem infinite distantium 122, 326. Unio hypostatica supremus gradus creaturarum 211. Causa occasionalis peccati 82, rebellionis Angelorum 181. In ipsa factus est circulus perfectus et quomodo 115, bona increata infinitusque bonitatis divinae thesaurus creaturae communicatus 85, 86, 155. Quae causae et finis 84-87, 108, 121, 122. Eius circumstantiae 114-116.

Induere. Est abundare et copiose possidere 33.

Intellectus. Obiectum intellectile eius domus 464. Infinitae capacitatibus 549, 577.

Ioannes Baptista. Nullum signum fecit 10. Gratia et Spiritu S. per Mariam repletus 203, 249, 551-553. In utero Deum cognoscit et diligit 553.

— In utero a peccato mundatur 54, 420, 425, 442, 446, ibique accipit liberi arbitrii usum 55, miraculo natus 13, norme divinitus habet 177, plenus Spiritu S. 105, 191, 194, Spiritu S. et gratia magna repletus, ut dignus Christi praecursor sit 127, 481, a peccato actuali praeservatur 490, magnus in oculis Dei 180, laudatur 164, a Christo baptizatur 513 et *Maria*.

Ioannes Evangelista. Christum summo amore diligit 6. Marius filius adoptivus a Christo de cruce datus 5, 6, 67. A Virgine praे omnibus post Christum

dilectus 6, 7, 257. Virginem accepisse in sua quid sit 6. Sub cruce omnes Christianos figurat 175. Naturam et qualitates Verbi ostendit 155. Post ascensionem et assumptionem Christi et Mariae apparitionibus recreatus 5, 6. Virgo ei apparel in Patmos amicta sole, etc. 7, 178. Quid hac visione Deus illi significare velit 8. Item Virginem videt in arca testamenti figuratam 570. Post Verbi contemplationem nonnisi tenebras in mundo reperit 31, sic Maria. De eius visione vide Comment. in *Signum Magnum* 1-74.

Ioannes Chrysostomus (S). Vide *Chrysostomus*.

Iob. Maxime afflictus in filiorum morte 61, a Deo laudatus 164 et *Maria*.

Ionathas (filius Saul). Morte a patre decreta liberatus propter salutem populo latam 488 et *Maria*.

Iordanis. Fluvius iudicii interpretatur 574, ad arcæ transiit cursum sistit 459, 460 et *Maria*.

Joseph (patriarcha). Figura Christi 115. Salvator mundi 86. Multa pati eligit quam peccare 25. A Deo vendi permittitur ut magis glorificaretur 80. Propter eum domus domini sui benedicitur 221.

— Magnus imperio 291, 292, visiones principem futurum ostendunt 17 et *Maria*.

Joseph (Virginis sponsus). Excedens interpretatur 124. Sanctorum omnium maximus post Mariam 97, 489. Tertius inter praedestinatos 97. Custos purissimus corporalis virginitatis Mariæ 489. Apparel in scena incarnationis 96. Mortuus mundo per votum virginitatis 98. Licet eius sponsus, Virginem tanquam Sponsam et Matrem Dei veneratur 218. Ab Angelo accipit Christum a conceptu perfectum 239.

Iosias. Interpretatur ignis Dei 95. Christi figura 88, 89, 95.

Iosue. Imperat soli 52, plenus spiritu sapientiae 191 et *Maria*.

Isaac. Ab Angelis praenunciatus 88, 95, 119, 157 et a patre in monte oblatus in figuram Christi 99. Incarnationem per revelationem cognoscit 95. — Miraculo natus 13, sponsam habet virginem illibatam 136, 487, per Eliezer quae sitam 105, ab eodem mirifice dotatam 90, 117, Deus cum eo 208 et *Maria*.

Isaias. Mysterium incarnationis cognoscit 155. Vaticinatur eius causas Christi praerogativas explicando 87, 122, 125, 127, 522, 155. Deum videt in humana

figura 152. Nomen Dei assumere se indignum putat 176. Advocatus pro Ezechia 401.

— Deus ei apparel minori gloria quam Maria Ioanni 9, 10. Mariam vocat miraculum 11, 419. Loquitur de populorum in eam mirabili devotione 342, de eius gratiae plenitudine 42, 289, 296, 341, 425, 451, gratiae Christi similem ostendens 198, 418, de virginitate 131, 135, 165, 310, 311 et saepe, de ipsis bonorum copia 418, titulo Matris Dei eam exornat 233, 560. Vide etiam *Maria* n. 4.

Iudicium. Severissimum de peccatis vel minimis omnis homo, Maria excepta, subibit 574. In Iordanis figuratum 574.

Iudith. In eius cantico tria consideranda 276, laudata fortitudine 131, multis aucta beneficiis 221 et *Maria*.

Iustificatio. Effectus amoris Dei 347. Mysterium ineffabile in nive figuratum 560.

Iustitia. Lux dicta 423 et *Maria*.

Iustus. Fundamentum mundi 363, civitas sancta et munita 466, 467 et *Maria*.

L

Lactantius. Ab eo Christus vocatur apator et amitor 312. De Sibyllis 312.

Lazarus. Permittitur eius mors ad gloriam Filii Dei 80. In morte eius Christus lacrimatus 67. A morte ad vitam mortalem revocatus 74. Resurrectio eius corona miraculorum Christi 15.

Lectulus Salomonis. Figura Mariae quoad fortitudinem 581, 582, quoad custodiam Angelorum 216 et quoad copiam virtutum 199.

Leo. In visione Ezechieli fortitudinem designat 593. Christum in resurrectione figurat 534.

Levitae. Puri esse debebant et in atrium ingrediebantur 358, 474, 489, 531.

Lex. Impotentia ex lege 138, lux dicta 423 et *Maria*.

Lia. Interpretatur unita 90. Suscepitis singulis filiis gratias Deo agit 222.

— Figura Mariæ 90, verba eius 60, 220, divinis beneficiis aucta 221, bonum virum a Deo accipit 221 et *Maria*.

Libanus. Mons altissimus, amoenissimus, pulcherrimus 265, 435. Candor interpretatur 434, 566. Figura innocentiae 434.

Libra. Apud Hebraeos triginta unclarum 439.

Lilium. Pulcherrimus florum 415, 456, 579 et *Maria*.

Loth. Ab incendio Sodomae liberatus 157. Fide salvatus 158.

— Elus filiae propter eum ab incendio salvatae 499 et *Maria*.

Luna. Natura mutabilis 43. Ex etymologia hebraica quid significet 44, quid apud Aegyptios 44, quid apud sapientes 46. Significat omne quod sub Deo est 42, Ecclesiam 43, 575, fidem 44, 45, virginitatem 310, 433, animam humanam 487. Quando eclipsatur 487.

— Figura Mariae 18, 142. Post solem plus omnibus splendet 98, lumine maius inter stellas 105, illuminat noctem 142, plus potest luna plena in mundo quam omnes stellae 144, nutrix et mater omnium in natura rerum 297, similis soli 486, a sole ab initio a tenebris praeservata 487, maximam lucem accipit a sole cum est in auge 528, sol sibi simillimam reddit ad nostram utilitatem, et ipsa quidquid accipit liberaliter effundit 144, 297, 332, 389, 452, est humida et frigida 310, humillima 547 et *Maria*.

Lucifer (stella). Nunquam eclipsatur 424, 491 et *Maria*.

Lux. Symbolum nobilitatis 18, bonitatis 28, 163, sanctitatis 423, sapientiae 28. Lux et gratia 195. Primo die producta 293. Lux et humilitas 30, 31, 281, 548.

— Lux dicti: Deus, Christus, Apostoli, Sancti, Angeli, fides, iustitia, gratia, gloria, evangelium 423, sine luce nihil in mundo generatur 28, inter omnia a Deo laudata 163, maxime communicabilis ubique sit 213, ubi specialius habitet 149 et *Maria*.

Luza. Locus ubi Iacob scalam coelestem vidit 449.

M

Magi. Decima tercia die Christum natum invisunt et animas proficientes figurant 522.

Malachias. Christum ingressurum templum prophetat 152, 534.

Manichaei. Haeretici Mariam veram Christi Matrem negantes et quare 64, 234, 303.

Manna vas. Figura Christi et Mariae quoad bonitatem 144, 389, 456, figura Mariae quoad gratiae plenitudinem 189, 549.

Mardochaeus. Capitali corona et nobilitate ab Assuero donatus 20, 50, Iudei in eius exaltatione gaudent 72 et *Maria*.

Maria soror Moysis. Sic vocata ut vel ipso nomine Virginis figura sit 177. Ex semine Abraham et tribu Levi 177, virgo 137, 177, 178, 401, lepra respera 178, 401, prophetis 177, 262, 266, 276, 401, 556, princeps et dux israelitarum mulierum 47, 177, 262, 266, 293, 401, 556, primum canticum V. T. canit 260, tria in eo consideranda 276, cum pietate, exultatione canit 72, 262, 270, divinis aucta beneficiis 221, nobilis virtutis splendore 235, praecipuum Israel beneficium 400, 401, 403, causa praecipua liberationis populi ab aegyptiaca servitute 503 et *Maria*.

Maria Virgo. 1. *Silentium Scripturarum*. 2. *Nomina et figure*. 3. *Praedestinata*. 4. *Praenunciata*. 5. *Genealogia*. 6. *Conceptio immaculata*. 7. *Nativitas*. 8. *Annuntiatio*. 9. *Matrimonium*. 10. *Maternitas*. 11. *Visitatio*. 12. *Purificatio*. 13. *Dolores et gaudia*. 14. *Mors, assumptio, gloria in coelo*. 15. *Gratia et sanctitas*. 16. *Virtutes*. 17. *Praerogativa et privilegia*. 18. *Excellentia*. 19. *Devotio et beneficia*. 20. *Imitatio*.

1. *Silentium Scripturarum*. Sacro quadam silentio S. Script. B. Virginem legit propter excellentiam ne quid vile putaretur 8, 453, 454, ne quasi numen adoraretur 30, ut sicut Deus ineffabilis demonstraretur, 8, 59, 591, ut maiori admirationi esset 590, ut magis glorificaretur in coelo 30, et propter Virginis humilitatem et morem Scripturarum 495, 496, hinc etiam hortus conclusus dicta 591.

2. *Nomina et figure*. Non nominatur ab Angelo pro reverentia 177. Supra omne nomen post Christi nomen ibi. Plenum mysteriis 177-184. Divinitus impositum 177. In nomine sororis Moysi figuratum 177, 178. In monte Moria adumbratum 458. Quomodo vocetur et scribatur ab Hebreis, Luca, Evangelistis, Septuaginta Interpretibus 178. Syriace *domina* interpretatur 178, 502. Hebraice interpretatur: *amaritudo maris, myrrha maris, odor maris, visio maris, doctrina, pluvia temporanea, exaltans, luminare maris, gutta, stilla aquae* 179, 295, 502, 503. Secundum acrostichidas rationes Graecorum est: *min ruah Iehovah melua, vel melo ruah Iehovah melua* 502, 555. Quomodo haec

omnia Mariae respondeant aptissime, ibi. Thesaurus bonorum omnium et gratiarum 8, 27, 28, 58, 254, 368 et saepius. Thesaurus Divinitatis 28. Consors et particeps Divinitatis 213. Thesaurus gratiae 368. Thesaurus vitae 250. Virgo divinissima 356, 364, 368, 401 et saepissime. Sponsa Dei 9, 89, 122, 167, 320, 435 et saepe. Corona Virginum 456, Sanctorum omnium 11, 57, 383. Mater Dei 95, 174, 175, 181 et saepe, Christi 9, 19, 90, 95, 98 et saepe, omnium 15, Christianorum 174, 175, 370, 387, 588. Apostolorum 386, misericordiae 251, 253, 254, 390, 391, misericordissima 391, dolentissima 60, amantissima 391, 396, 496. Doctrix et magistra Apostolorum 56. Domina Angelorum 52, 231, 297, 456, 550 et saepe, creaturarum 52, 250 et saepe. Spiritualis sacerdos 183. Dea omnium 53, 97. Coelum Christi 483. Fucina aeternae lucis 213. Regina 17, 23, 53, 254 et saepe, Angelorum 91, 340, 385, misericordiae 253, 254, animarum 276, 340, 401. Imperatrix mundi 91. Turris David 199, 432. Coelestis mulier 18, 445. Via salutis 456. Pandora 143, 445. Thronus cherubicus 11. Miraculum 11, 49, 276, 290, 419. Columba pura 225, 241, 437. Ornamentum paradisi 40. Nova mulier 165, 225. Principium gratiae et vitae 84, 91, 130. Dei imago pulcherrima 106, 129, 143, 145. Procerrima palma 201, 225. Scala coeli 154, 456. Arca Divinitatis 380, 548, 570, 575 et saepe. Porta coeli 100, 151, 456. Filia Dei 320, 350, 435. Fenestra coeli 183. Firmamentum 195. Paradisus 100, 122, 151, 195, 215, 415. Coelum animatum 250. Thronus Dei 216, 457. Vas Divinitatis 128. Christi socia 89, domus 149, 450, 481, 491 et soror 89, 122, 435. Lux splendidissima, solaris 163, 197, 423. Fornax divina lucis et ignis 213. Aqueductus Christi et gratiarum 155, 194, 195. Pelagus et mare gratiarum et benignitatis 191, 380, 390. Terra benedicta, bona, fructifera 236. Mare incorruptionis 185. Coelestis columna ignis in deserto mundi 172. Thalamus 191, solatium Spiritus S. 297. Currus et equites exercitus Ecclesiae 146, 216. Abyssus bonitatis et gratiae 186, 250. Gratia 250. Fons gratiarum 142, 391. Vita 250, 253. Advocata nostra 397, 403. Causa vitae 254, 549. Princeps Prophetarum 260. Scala peccatorum 254. Collum Ecclesiae 578. Salus iustorum et peccatorum 36, 57. Fiducia nostra 254. Thesauraria bonorum Dei 286, 588. Salus nostra 253. Magna arbor gratiarum

393, 394. Dulcedo nostra 253. Ornamentum Ecclesiae 383. Spes nostra 250. Optima mediatrix nostra 250, 254, 493. Spes Christianorum 243. Patrona Ecclesiae 250. Habitaculum Trinitatis 354. Adiutrix singularis humani generis 251. Pelagus clementiae 186. Dominus Dei 11, 99, 149, 150, 151, 408, 409 et saepissime. Arca 11, 144, 146, 147, 213, 242, 416, 417, 440 et saepissime. Tabernaculum 40, 41, 174, 403, 491 et saepissime. Templum 11, 28, 98, 99, 190, 491 et saepissime. Statua Nabuchodonosor 39, 40, 41. Aurora 164, 313, 415, 423. Stella 142, 483, 450, 491. Luna 22, 128, 142, 194, 309, 310, 473 et saepissime. Sol 22, 142, 163, 165 et saepe. Virga Aaron 146, 310, lesse 11, 419, 459. Lignum vitae 236. Hortus deliciarum 59, 122, 391, 415 et saepe. Hortus conclusus 131, 195, 261, 591 et saepe. Ager plenus 236. Fons signatus 59, 122, 142, 170 et saepe. Mons 42, 99, 202, 203, 311, 467 et saepe. Ierusalem 227, 338, 426, 462, 463 et saepe. Ierusalem coelestis 426, 465. Ianua clausa 59, 131, 311, 492. Aurea urna 191. Sion 364, 369, 462, 467. Martha 434, 551, 592, 594. Maria Magdalena 434, 551, 591, 594. Virgula fumi 195, 428, 577. Vellus Gedeonis 128, 424. Rubus Moysis 11, 129, 209, 448. Mare aeneum 549. Nubes in deserto 460. Nubes Eliae 460, 578. Vas novum Elisei 128, 189, 190, 549. Templum Zorobabel 468. Vas plenum manna 128, 191, 549. Anima Salomonis 128. Mons myrrae 203, 403, 434. Mulier Proverbiorum 21, 165, 260, 336 et saepe. Sponsa Canticorum 198, 225, 261, 274, 466 et saepissime. Soror Moysis 177, 178, 401. Coelum 420, 483. Radix arboris Nabuchodonosor 494, 495. Lux creationis 424. Eva 20, 119, 193, 221, 549 et saepissime. Arca Noe 459. Sara 89, 90, 97, 119. Lux in deserto 460. Rachel 81, 90, 119, 434. Stella Iacob 11, 458. Lia 89, 90, 221, 434. Scala Iacob 11. Rebecca 89, 90, 119. Ruth 21. Esther 21, 34, 57, 217 et saepissime. Templum Ezechielis 190, 418, 419, 451. Mater Samsonis 92, 97. Bethsabee 21, 89, 90, 244, 367. Iedidah 89, 90. Res novae utriusque Testamenti 436. Mulier amicta sole 27, 37, 423, 425, 441, 570 et saepissime. Domus Sapientiae 443, 449. Navis 338. Petra deserti 331. Lilium 415, 456, 579. Sulamitis 429. Thronus 18, 457, 458, lectulus 216, 427, 457, 580, ferculum 227, 580, 581, domus Salomonis 11.

3. Praedestinata. Mater Dei 19, 20, 55, 330, 347,

467. Sponsa Dei 56, 480. Digna Mater Dei 481, 482. Ante omnem creaturam 20, 347. Ad supremum gradum gratiae et gloriae 19, 55, 330, 347, 361, 481. Ad immaculatam conceptionem 480, 481. Nobilissima praedestinatione nobilitate naturali, gratia, gloria 17, 25, 55, 128, 129, 135. Tres stellae in eius praedestinatione 55. Secunda inter praedestinatos in gratia et gloria 97, 98. Similis in praedestinatione Christo 454. Prius in coelo quam in terra vissa 461.

4. *Praenuntiata*. Multis vaticiniis Prophetarum 11, 55. A Moysi in oraculo Genesis 164, 233, 310, 461, 494, 495. A Balaam in virga Israel 11. A David in aurora 313, 423, in regina 320, 335, 336, 385, 386, in Ierusalem 337-380, 461-467. A Salomonem in muliere Proverbiorum 21, 165, 260, 336 et saepe, in Sponsa Canticorum 198, 261, 336, 422-437, 466 et saepissime. Ab Isaia in prophetissa 401, in virgine paritura 11, 123, 165, 225, 289, 307, 310, 365 et saepe, in monte 42, 99, 342, 419, 425, 451, in deserto 418, in radice Iesse 11, 198, 419. A Ieremias in muliere virum circumdatura 165, 296, 311, 360, 442 et saepe. Ab Ezechiele in porta clausa 59, 131, 492, in domo Domini 190, 418, 451. A Daniele in monte 311. Ab Aggeo in templo secundo 468-472. A Michaeo in monte 451.

5. *Genealogia*. Ut Melchisedech et Elias sine genealogia introducitur ut quiddam coeleste 8, 497. In carne ornata summa nobilitate 200, 235, e stirpe David 19, 124, 266, 317, 456, 482, 486, 500, 501, e progenie Abraham 456, 482, de genere Aaron 482. Similis Christo in genealogia 456. Regia dignitas in ascensu lectuli Salomonis figurata 427.

6. *Conceptio Immaculata*. In Evangelio nihil de Mariae conceptione, quia ineffabiliter magna 438, 439, ne quid vile putaretur, et similis Christi conceptioni haberetur 453, 454, 455, 459, 486. Virtualliter continetur in divina maternitate 455, 457, 479. Conceptio Mariae mirabilior quam Christi 459. Immaculata praedestinatur 481. In conceptione habuit tres stellas 55. Conceptio immaculata principium redempctionis humanae 468.

Rationes pro immaculata conceptione. Deus sapiens architectus 408, 409, 455, 456. Deus potuit 411, 412, 442, 455, 480, 482, 499. Deus debuit 480, 498. Deus voluit 412, 442, 455, 499. Deus omnia proprio fini apta fecit 455, 480, 481. Deus puritatis

amantissimus 474, 499, 500. Honor Dei 412, 413, 482, honor Christi 413, 414, 442, 443, 445, 446, 455, 475, 480, honor Virginis 413. Amor Dei erga Virginem 402, 463, 472, 480, 481, amor Dei erga Christum 413, 414, 444, 445, 474, 475. Magnificentia Dei 410. Misericordia Dei 488. Angeli in gratia creati 417, 420, 442, 463, 464, 472, 477, 480, 481, item primi parentes 415, 416, 420, 469, 470, 471, 472, 477, 481, Ieremias et Ioannes in utero mundati a peccato originali 420, 425, 442, 446. Potentia, sapientia et bonitas Dei clarius manifestandae 444, 445. Natura peccati orig. 446, 475, 501. Nullum in Virgine peccatum actuale 444, 475. Nulla utilitas in Virgine ex peccati orig. permissione 478. Nobilitas sanguinis Virginis 500, 501. Matrimonium cum Ioseph 501. Nomen Mariae 502, 503. Merita Christi 487, 488, 499. S. Scriptura non contradicit 414, 447, 498, imo admittit verbis et figuris 415, 444. Ecclesia favet 410, 421, 477. Scholae consentiunt 421. Ne ullus locus vacuus in regno gratiae remaneret 489, 490. Ut Christus perfectus redemptor esset 489, 490. Maria Mater Dei 438, 439, 442, 443, 448, 455, 456, 474, 475, 477, 479, 480, 488, 503. Sponsa Dei 412, 416, 417, 474, 478, 480, 482, 490, 501, mediatrix inter homines et Christum 493, domus Dei 408, 409, 412, 420, 449, 450, 453, 455, 456, 481, 491, arca Divinitatis 416, 417, 418, 440, 441, 447, 459, civitas Dei 461-467, 485, porta Christi 492, 593, coelum Christi 483, thronus Dei 420, 457, 458, habitaculum Dei 447, 495, luna 473, 486, 487, 491, stella 483, 491, nubes 460, coelum animatum 420, regna 478, templum Domini secundum 471, 472. Coniunctio arcta Ipsiis cum Christo 419, 483, 491. Silentium de tempore repletionis gratiae 416, 419. Verba Genesis (3, 15) 494, 495, 500. Verba Canticorum (4, 7) 495, 500; et (6, 8) 500. Virginis nullum privilegium negandum 477. Mysteria gratiae in Virgine sola omnipotentia Dei metienda 330, 477. Rationes humanae 442, 478, 482. Plures figurae 426, 436, 458, 459, 460. Opiniones DD. Bernardi et Thomae 475, 476. Immaculata colenda quamvis non sit praeceptum 477, 478. Maria immaculata ad Christi honorem et nostram utilitatem 450, 451.

Gratia in conceptione. Absque peccato originali 22, 55, 98, 106, 195, 415, 422, 424, 426, 427, 441, 443, 458, 459, 492, 500, 596, ideo aurora et lilium

ibid. A flumine peccati non tacta 461, 462, 488. Primus lapis templi Mariae a solo Deo positus 340, 473, 488. Per merita Christi liberata 480, 489, 498, 499, perfectissimo modo 463, 498, 513. Fundata supra montes sanctitatis hominum et Angelorum 230, 341, 425, 451, 462, 463, 472, 482, 499, 500, supra fidem spem et caritatem 341, 462, supra dona Spiritus S. 341, 443, 450. Maior sanctitate quam Apostoli et Patriarchae in fine vitae 425, 451, 462, quam Abraham in oblatione filii 499, 500. Ab initio Deo inhaerens 348, 424. In primo instanti flumine gratiarum Dei laetificata 462, 485, Deum contemplata 437, 462, Dei amore languens 436, 437, 448, gratia plena 98, 215, 422, 426, 436, habuit duodecim virtutes 425, 500, supra omnes creaturas dilecta 464, 472. Immaculatissima 196, 474, 489, 527. A Christo baptizata sed maioris gratiae infusione 513.

7. *Nativitas*. Nihil in Scriptura de conceptione et ortu Virginis, ut similis nativitati Christi declaretur 8, 453, 454, 455, 486, et similis Deo 591. Prius sancta quam nata 509. Miraculo nata 13, 55.

8. *Annuntiatio*. Vide *Christus, Incarnatio, Gabriel* et indicem primum 599-602, praesertim sermones 2, 6, 7, 14.

9. *Matrimonium*. Eius purissimum matrimonium cum Ioseph figura eius matrimonii cum Deo 501. Ioseph despontatur Mariae sed tanquam Del Sponsam et Matrem eam veneratur 218. De eius matrimonio cum Deo vide indicem primum 599-602, praesertim serm. 6, 7, 8, 9, 10, 11, 12, 13, 15 super Missus est.

10. *Maternitas*. Vera, naturalis, divina maternitas 55, 94, 232, 249, 365, 479, 490, 509, et saepissime. Vera Dei genitrix ex se sola 245. Gestans Christum solem ut in vase 34. Terra benedicta ex qua formatus novus Adam Christus 236. Probatur ex testimonio Scripturarum 232, 307, 365, 560, ex testimonio ipsius Christi 304, ex traditione 307, 308; ex unicitate hypostasis 306, 307, 365, 367, 548. Maternitas divina basis et origo, radix et caput laudum et omnium privilegiorum 232, 235, 306, 456, 479. Eius dignitas suprema omnium 34, 49, 133, 140, 144, 145, 163, 165, 235, 549. Est stella 56. Ex tribus praecipuis operibus Dei 14, 236, 286, 476, 477. Ab ipso Deo in Genesi praenunciata 373. Solus Deus pro dignitate eam laudare

potest 373, 375; ad eam credendam opus est divina auctoritate 372, 377. Est incomprehensibilis omni intellectu 368, 376, 456, 490, 554, 563. Propter hanc dignitatem et sanctitatem Virgo in Script. laudata 560, 561, praecipue in Canticis 374, 375. Maternitas ad fortunam pertinebat 563.

Cum dignitate maternitatis coniuncta summa sanctitas 229, 479, 483, 563. Digna Sponsa et Mater Dei secundum carnem et secundum spiritum 205, 479, 483. Sine sanctitate, licet mater Dei, salutem non fuisset consecuta 563. Beator concipiendo mente quam ventre 303, 563. Ipsa Virgo sanctitatem maternitati praferre visa est 563, 564. In utero Mariae incarnationis die Christus rex davidici regni coronatus et rex novi regni Ecclesiae 244, 245, 375, 384. Deus semper cum Maria praesertim post incarnationem Christi 223. Deus singulariter cum ea per hypostaticam unionem, per totius Divinitatis communicationem 98, 99, 139, 149, 174, 207, 213, 236, 237, 317, 318. Uturus Virginis dominus orationis, sacrificii, sanctitatis, visionis beatificae 149, 151. Magna miracula in corpore Mariae ob incarnationem 214, 215. Verus paradius Dei Maria 151, 368. Tota Trinitas in Maria 213. Christum miraculo peperit sine virginitatis iactura 59. Satanas contradicit divinae maternitati per haereticos sed frustra 233, 284. Haeretici vel maternitatem vel virginitatem Mariae admittunt 234.

11. *Visitatio*. Vide indicem primum 616.

12. *Purificatio*. Postrema festivitas infantiae Salvatoris 505. Celebrantur tria mysteria: purificatur Virgo, offertur Christus Deo, et redonatur a Deo hominibus 505, 535. Sine exemplo in Scripturis 545 Dicenda festivitas puritatis Mariae 527. B. Virgo non indigebat legali purificatione, quia supernaturali modo conceperat et pepererat 509, 541, quia purissima 508, 509, 513, 518, 527, 539, 540. Purificanda venit ex humilitate 509, 518, 519, ex pietate erga Deum 510, ex reverentia erga legem 510, 511, et aliis rationibus 517-520. Purificatur per novam gratiae infusionem 511, 542. Exempla huius purificationis 512, 513, 538-541. Hanc gratiae infusionem meruit humilitate 518, 529, 530, 543, 546, caritate 528, 530, 535, 536, 542, 543, 546, gratitudine 516, 517, 519, 529, 530, 543, obedientia 530, 543, 544-556, renovatione sacrificii triplicis concupiscentias 530, oblatione hostias 541, 544, benedictione

Simeonis 511, 512, 542, 543. Purificatur eo sensu quo Christus dicitur sanctificatus 538, 539. Mariae oblatio Filii super omnes oblationes Deo gratissima 532, 533, 546, multipli capite omnium maxima 507, 508, 514, 515, 517, 532-535, 546. Mystica interpretatio legis purificationis 521. Imitanda 514, 544.

13. Dolores et gaudia.

Dolores. Martyrium eius spiritale 56, 183, 586, 587. Ob dolores in muliere Apocalypsis et in oraculo Geneseos figurata 59, 60, 61, 519, 520. Mater dolentissima 60. Amarum mare 60, 180. Dolet plusquam Iacob et David, plusquam mulier Naim, Noemi et mulieres Ierusalem 61, 65, 67. Infinite dolet ex infinito amore erga Filium 62, 64, 67, 524, 540, 586, 587. Dolet de prophetia Simeonis 60, 66, 586, de suspitione Ioseph 66, de inhumanitate Bethehemitarum 66, de partu in stabulo et in nocte 66, de fuga in Aegyptum 66, de ammissione Filii in templo 66, de persecutione exorta in vita publica Iesu 66, de captura Christi et de reliquis doloribus eius 66, de agonia Christi stans iuxta crucem 67, 586, de consolatione a Christo in cruce habita 67, 68, de Filio mortuo 67. Dolet ex omnibus humanis rationibus 68. Per omnia patienti Filio similis 69. Mariae spiritus iuxta aram crucis sacerdotali munere fungens 183.

Gaudia. Socia passionum Christi et gaudiorum 254, 588. A Filio moriente solamen accipit 67. Gaudet de resurrectione Filii plusquam Iacob de invento Ioseph, plusquam pastor evangelicus, mulier drachmae, pater prodigi, plusquam discipuli, Anna mater Samuelis, Iudeai ab Esther liberati, plusquam soror Moysis cum mulieribus israeliticis, transmisso mare 71, 72. Causae laetitiae eius 73, 74. Causa eius gaudii gratiae plenitudo 190. Triplici gaudio perfusa 272. Semper gaudio perfusa quia semper sancta 379.

14. Mors, assumptio, gloria in coelo.

Mors. Scriptura nihil aperte de eius morte et quare 590, 591. Comparatur translationi arcae a deserto per Iordanem 574. Maria mirabilis in morte sicut in omnibus 14. Eius mors similis morti Christi 454, suavissima quia semper absque peccato et quia ad Filium pergebat 14, 574, 575. Corpus eius a corruptione liberum 215. Resurrexit 331, 575, corpore gloriisior quam omnes Sancti ideo amicta sole 575, 576, hymnisque Angelorum honorata ibid.

Assumptio. Instinctu Sp. S. ab Ecclesia celebratur 498. Est mysterium ineffabile 588. SS. Scripturae nihil de ea aperte et quare 590, 591, cum admiratione sub figura loquuntur in Canticis 588. Comparatur translationi arcae in templum Salomonis 576. Assumpta est 7, 14, 216, 331, 454, anima et corpore 447, 498, 576, 589, mirabilius quam Elias 588, Angelis et Christo comitata 14, 216, 573, 591, summa exultatione in coelum excepta 575, 576, quintodecimo anno post Christi ascensionem 7.

Gloria. Metienda ab eius sanctitate quia ex ea non ex affectu carnis Christus eam glorificavit 576, 577. Eius gloria omnium maxima et ineffabilis 35, 53, 100, 151, 571, 573, 584, 585. Sub Deo nihil glorioius 550, 595. Deo quodammodo gloriisior 10, 15. Super choros Angelorum collocata 127, 216, 570, 576, 585, 588, ad dexteram Filii 331, 573, 585, 588, cum eadem prope gloria 454, cum immenso felicitatis thesauro 28, 34, 35, regina coeli et omnium creaturarum coronata 23, 51, 53, 97, 159, 164, 179, 576, 595. Ipsa paradisi ornamentum 40, 576. Tanta gloria coronata ad Dei gloriam et nostram utilitatem 594, 595.

De eius gloria vide, praeter sermones in *Assumptionem*, sermones 3, 4, 5 in *Signum magnum* 27-58.

15. Gratia et Sanctitas. Praeter dicta sub n. 6 de grata initiali, haec de gratia in genere habentur.

In Virgine nunquam vel minima et levissima macula peccati 22, 97, 98, 106, 131, 195, 205, 215, 225, 312, 313, 401, 424, 425, 427, 441, 442, 449, 473, 481, 492, 551, 556, 581, ideo luna et sol et porta ter clausa dicta ibid. Cum ea nunquam satanas sed semper Dominus in initio, in medio, in fine vitae 215. Nihil de ea indignum cogitandum 459. Mori potius elegisset quam peccato foedari 446, 478. Ut Christus a satana per omnia tentata sed nunquam victa 25, 164, 215, 353, 354, 581. Peccare non potuit 549. Non est redarguta nisi specie a Christo in templo et in nuptiis, quia nulla in ea culpa 303, 304. Absque ulla maledictione 131, 169, 170, 190, 217. Purificata dicitur, sed eo sensu quo Angeli dicuntur purificari, idest, maioris gratiae infusione 511, 542. Gratia plena ut mare aquis et sol luce 197, 276, ideo in vasis plenis S. Script. figurata 128, 549. Semper gratia plena 215. Gratia plena erga Deum, erga seipsam, erga nos 142, 188. Gra-

tia est illi data sine mensura 194. Tota plenitudo gratiae in eam se infudit 205, 297. Triplici gratiae plenitudine plena: sufficientiae, abundantiae, excellentiae 203. Quid sit gratia Mariae, quae causae, qui effectus, qualis et quanta 204. Sancta et perfecta corpore et spiritu 13, 14, 106, 107, 109, 119, 131, 178, 205, 225-227. In eius anima omnia Deo gloriam cantabant 539. Perfectissima virgo et fecunda in corde, ore, opere 312, 813. Omnia opera eius perfectissima et Deo gratissima 205, 434, 435, 579, in pedibus et manibus Sponsae figurata ibid. Semper purissima 164, 170, 403, 434, 509, 540, 566, 577, hinc in Libano, monte myrrae, Sponsa tota pulchra figurata ibid. Lux sanctitatis multis titulis 423, 424. Vas, thesaurus Divinitatis 28, 128, 189, 190. Plena Deo in corde, ore, opere 550, 555. Thesaurus gratiae et sanctitatis 28, 35, 106, 132, 151, 179, 196, 197, 215, 368, 512, 543. Miraculum sanctitatis 13, 141, 142, 205, 225, 442. Pelagus gratiarum 125, 191, 195, 231. Eius gratia similis et maior gratia Evaee 131, 415, 416, 471, 472, 549, similis gratiae Christi 139, 175, 188, 195, 198, 416-418, 440, 454, 487, 491, 492, imo fere aequalis ex qualitate mediatrix inter nos et ipsum 493. A latere Christi formata quoad gratiam 454. Gratia et sanctitate Virgo omnes creatureas excellit 35, 90, 105, 119, 126, 127, 136, 142, 158, 159, 190-192, 205, 227, 228, 350, 252, 354, 417, 418, 435, 491, 519, 548, 549, 572, 578, 580. Ideo in Sponsa inter omnes electa eiusque collo, in muliere Apocalypsis, in sole et in lilio figurata ibid. Angelis purior 140, 184, 231, 508, 549, 566. Ea puritate nituit quam major sub Deo intelligi nequit 231, 441, 442, 566. Sub Deo nihil sanctius 549. Mare virtutis 125. Reginna, sanctissima animarum 35, 55, 227, 276, 398, 491, 508, 557. Habuit omnem gratiam et virtutes creaturarum 445, 456, 580. Vicit sanctitatem Ecclesiae, in luna sub eius pedibus figurata 425. Gratia eius si appendederetur cum omni benedictione Electorum Dei et Angelorum gravior esset 228. Conciencia a magnitudine Dei 410, et Filii 410, et Sponsi 91. Augeri potuit 528, 542, hinc in aurora, luna et sole figurata, et revera per singula momenta in centuplum aucta 229, praesertim in Christi conceptione 202, 528, visitatione 202, purificatione 505-546 et in die Pentecostes 202. Sanctitas eius perfecta, quia in ea perfecta sobrietas,

iustitia, pietas 539, 540. Gratia eius per mon tem designata 42, 43, 202, 203, 291, pene infinita 22, 35, 55, 90, 100, 105, 119, 126, 135, 146, 150, 189, 190, 212-216, 225, latitudine, sublimitate, profunditate 196, 197, 416-418, ob infinitam capacitatem animae eius 90, 197, 441, 549, 577, 586. Gratia eius omni creatureae plane incomprehensibilis et ineffabilis 435, 580. Solus Deus eam comprehendere potest 197, imo et ipse vix potest eam enarrare, utique prae nostrae mentis tenuitate 376, 500. Hac sanctitate B. Virgo effecta est viva, perfecta imago sanctitatis Dei 129, 143, parem solis iustitiae Christi 460, et quodammodo deificata 213.

Haec gratiae plenitudo eruitur praesertim ex verbis: *Signum magnum* 128, 136, 197, 425, 441-442, 500, 508, 549, 573; ex verbis salutationis angelicæ in serm. 4, 6, 10, 11, 18, 15 super *Mis-sus est*, et in serm. 4, 5, 6, 7, 8 super *Salutat. Angelicam*; ex omnibus partibus Sponsae et aliis rebus in Canticis e. g. Libano, ferculo, lectulo, throno Salomonis etc. in serm. 5, 8, super *Salutat. Angelicam*, in serm. 2 in fest. *Immacul. Concept.* in serm. 1 in fest. *Assumptionis* et aliis locis quos videre potes sub figuris n. 2; ex figuris praesertim arca, Ierusalem, templo et aliis loc. cit., et tandem ex omnibus rationibus allatis pro immaculata conceptione n. 6.

16. Virtutes.

In genere. Exemplar perfectissimum omnium virtutum 21, 107, 144, 145, 313, 556. In omnibus virtutibus perfectissima 205, 214, 225, 226, 227, 235, hinc dicta simpliciter perfecta ut Deus ens 429. In ea omnia aromata virtutum quae in apotheca Spiritus Sancti reperiuntur 577, hinc hortus conclusus 578. Ob virtutes laudata 224, 225-228. Virtutes eius non extrinsecæ tantum sed et intrinsecæ 35, 36. Virtutes theologales, cardinales, morales eius in tribus templi partibus, in triplici mensura arcae, in mille clypeis turris David designatae 199, 441, 459, 468. Supra montes virtutum et domorum Spiritus Sancti fundata et statim ab initio, ideo in Ierusalem et domo sapientiae figurata 341, 436, 437, 443, 450, 462. Spiritu Sancto repleta cum omnibus suis virtutibus essentialibus 135, 136, 188, 191, 195, 215, 261, 269, 297, 419, 451, 540, 555.

In specie.

Fides. Fundata supra fidem 45, 46, 47, 341, 462.

Prima omnium in Christum credidit et eum adoravit
 174. Una ipsa in fede perseveravit in triduo mortis
 Domini 64, 457. Fides eius semper viva etiam ad
 impetranda miracula 46, 246. Fidem integerrimam
 sub cruce exercet 68. Fide eius salvatus mundus 84,
 91. Fide plena 22, 35, 107, 132, 343, 504. Fides basis
 eius beatitudinis et anima vitae eius 45, 47. Lau-
 data ab Elisabeth et a Spiritu Sancto ob fidem
 225, 349. Fides eius altissima et perfectissima in
 reclinatorio lectuli Salomonis figurata et in scabelllo
 aureo throni eius 343, 426, 436, 458, 504, 564.

Spes. Maria perfecta in ea 107, 246. Supra ipsam
 fundata ut Ierusalem supra montes 341. Figurata in
 una e triplici mensura arcae 441, et in reclinatorio
 lectuli Salomonis 427.

Caritas. Plena perfectissima caritate 22, 23, 35,
 107, 200, 213, ut maioris amoris vas cordis eius
 capax non fuerit 585. Amat Christum maximo
 amore 62, 98, plusquam Paulus 67, plusquam ani-
 mam suam 524, 540, plusquam Abraham Isaac
 62, imo caritas eius initialis excessit caritatem
 Abraham oferentis Filium super montem Moria
 499, 500. Amor eius super amorem hominum et
 Angelorum 214, 353, 586. Omnes causas amoris in
 Christo reperit 62. Sic amat Deum ut Filium suum
 Unigenitum daret 64, 540, 546. Infinite Deum di-
 lexit quia perfecte eum cognovit 265, 509, 529, 546,
 et iam a primo instanti 348, 436, 439. Super cari-
 tatem fundata ut Ierusalem supra montes 341.
 Magnus eius amor sicut mare 180. Plenissime ob-
 servavit praeceptum caritatis 352. Caritas eius fi-
 gurata in porta decem cubitorum Ezechielis 492,
 in una e triplici mensura arcae 441, in reclinatorio
 lectuli Salomonis 429, in auro throni eius 457, 458,
 in sedili throni eius 454, in collo Sponsae 466, in
 fascia pectorali, in uberibus Sponsae 202, 433, 585,
 et in gemellis capreæ 202, 226.

Virtutes cardinales. Maria perfecta in omnibus
 227, in quatuor anulis arcae figuratis 441, et in
 columnis lectuli Salomonis 427.

Iustitia. In Maria iustitia summa 107, 117.

Prudentia. Maria prudentissima, ideo Sponsa Dei
 facta 109, 132, 141, 159, 173. Prudentia eius in
 naso Sponsae figurata 226, 431, 456, 466.

Fortitudo. Maria a satana tentata sed non victa
 25, 164, 215, 353, 354, 581. Mira fortitudo eius in
 passione praesertim sub cruce Filii 68, 69, 536. Forti-

tudo eius figurata in lectulo Salomonis 427, 580,
 581, in leonibus eius throni 458, in columna Booz
 549, in collo Sponsae 226, 432, 549, in naso eius
 ut turris 466, in femoribus eius 434, in turri Da-
 vid 199, 226, 432.

Temperantia Mariae figurata in ventre Sponsae
 vallato illis 226, 433. Eius mortificatio carnis 530,
 551, in monte myrrhae figurata 434.

Virtutes mornes.

Humilitas 14, 54, 132, 140, 159, 167, 180, 181,
 270, 282, 285, 500, 519, 547, 557. Ex perfecta
 visione Dei ignorat suam magnitudinem 30, 31,
 281, 282, 287, 511. Humilitas eius quantum mira-
 culum in mundo 286, 287. Humilitate vas coelo
 capacius in quo excipere Deum meruit 287. Hu-
 militas eius in rubo figurata et in tabernaculo
 foris pelibus intus auro vestito 287, 484. Tanta
 humilitas ut mulier communis et peccatrix appar-
 eret 429, 484, 511, 519. Verbum *humilitatem* Canti-
 cti eius pro abiectione intelligendum 283, 557.
 Laudata laudes reflectit ad Deum 557. Humilitas
 eius simillima Christo 279, mirabilior post Chri-
 stum 279. Eius humilitas eo profundior quo altior
 eius dignitas 279, 280. Cum Maria Deus egit ut
 arithmeticus qui ut numerum multiplicet, nullatus
 addit 279. Tanta eius humilitas ut Christus debuerit
 humiliari ut illam superaret 279. Humilis verbis et
 factis etiam post exaltationem 280, 281, 587. Hu-
 militas pene infinita 529, 530, 545. Ab eius humili-
 tate tria colligenda 281, 282. Nulla in Evangelio
 de ea laus et quare 495, 496.

Pietas. Maria optima psaltes, musicesque divinae
 doctissima 273, 274. In ea semper concordia in ora-
 tione inter intellectum et affectum 273, 274. Deum
 laudabat ex toto corde, mente, ore et opere, in
 Deum exultabat, Deum affectu maiorem reddebat
 207, 259, 264, 268, 271, 273, 274, 275, 343. Eius
 orationes Deo et Angelis gratissimae, in eloquio
 Sponsae Cantorum figuratae 261, 262, 274, 402,
 467. Primum cantum N. T. cecinit 260. Contem-
 plationi et orationi summopere studuit, spiritu
 semper in coelo 159, 343, 403, 434, 467, 551, 574,
 ideo mons thuris, mons Sion et templum Domini
 dicta 402, 467, in Angelis contemplantibus arcum
 figurata 457 et in Maria Magdalena 434, 551, 579.

Puritas. Maria aemula semper divinae puritatis 26,
 141, 403, 428. Figurata in ventre Sponsae illis val-

fato 433, in ebore throni Salomonis 447, 458. Virgo primiceria, purissima, perpetua 46, 119, 129, 131, 137, 223, 225, 443, 492, 559, 570. Puritatem Maternitati praetulisset 413, 478, 563, 564. Vovit virginitatem 138, 141.

Silentium Maria magnopere coluit 119, 159, 261. Septies tantum locuta in Evangelio, ideo hortus conclusus 249, 261.

Contemptus mundi 25, 43, 44, 47, 119.

Modestia et mansuetudo 141, 167, 246.

Patientia 68, 69, 586. Vide *Fortitudo*.

Gratitudo. Maria Deo gratissima ut terra cunctum reddens 269.

Obedientia. Maria perfectissime legem Dei observat 337, 530, 545, 566, 567. Dei nutibus obedientissima 141, 501, 550.

Beatitudines. In Maria perfectae, in gradibus throni Salomonis figuratae 458.

Circa virtutes vide praesertim Serm. 1, 2, 3, 4, 6, in *Signum magnum*; serm. 6, 7, 8, 9, 11, 13, in *Missus est*; ubique in *Magnificat*, itidem in *Purificationem*, in *Visitationem* et in *Assumptionem*; in *Concept. Immaculatum* serm. 2.

17. *Praerogativa et privilegia*.

Quoad corpus. Maria corpore similis Christo 317, 454. Nobilissima 17-21, 55, 135, 178, 200, 235, 456, 500, 501. Summae venustatis 11, 13, 21, 113, 200, 317, 428, 456. Omni ex parte perfecta 317. Pulchrior Eva, Sara, Rebecca, Rachel, Esther, omnibus mulieribus 126, 131, 135, 192, 193, 200, 224, 434 et saepe. A triplici maledictione Evae exempta 218. Moribus suavissimis 21, 54, 214, 456. Dulcissimo eloquio in vitta et vino in *Canticis* figurata 481, 456. Cordis generosissimi 456. A profluvio sanguinis praeservata 541. Nunquam libidine et concupiscentia tacta, ideo in luna et aurora figurata 97, 98, 170, 218, 309, 310, 412, 457, 458, 496. Fecunda virginitas et virginalis fecunditas 55. Una ipsa benedictione ditata utriusque Testamenti 219. Sine peccato concipit, sine dolore imo cum gaudio parit 59, 72, 131, 170, 412, 420, 509, 520, 541. Mater simul et Virgo 12, 55, 59, 131, 133, 136, 138, 165, 200, 219, 223, probatur Scripturae figuris, ventre Sponsae vallato liliis, virga Aaron, rubo Moysis, porta clausa Ezechieli, tabulis legis, lapide sine manibus e monte praeciso 11, 309, 310, 311; vaticiniis 11, 89, 119, 123, 131, 152, 214, 311 et saepe; te-

stimonio Patrum 312, et Sibyllarum 312. Non sensit purgatori poenam 170. Praeservata a corporis corruptione post mortem 14, 215, 216. In coelum anima et corpore assumpta 14, 576.

Quoad animam. Maria anima simillis Christo 9, 18, 105, 174, 175, 179, 180, 187, 188, 195, 198, 454. Harmonia passionum et affectionum eius animae in dentibus Sponsae figurata 21, 214, 432. Pulcherrimo et candido animo 21, 431, in genis Sponsae figurato. Firmo et altissimo iudicio in naso Sponsae figurato 226, 431, 456. Animi nobilissimi 17, 21, 200, 456. Habet usum liberi arbitrii in primo instanti 55, 462. Nulla imperfectio in virtutibus exercendas 205, 214. Sapientiae thesaurus et omnium scientiarum Dei 28, 29, 56, 85. Perfectissime Deum cognoscit quia exactissime describit Dilectum 265 et quia ipsa imago Dei similissima 267. Altissimae theologiae magistra 262, 267, 268, 555. Intellexus altissimi 317, 456. Sublimitas eius mentis figurata in capite Sponsae 429, 430. Scientia eius figurata in oculis Sponsae 430. Doctrrix et magistra Apostolorum 56. Altissimae contemplationis ideo in Magdalena figurata 31, 343, 430, 434, 437, 457, 462, 467, 551, 579. Habet visionem immediatam Divinæ Essentialiæ saltem aliquoties in vita 31, 55, 437, 462. Prophetis divinissima, princeps Prophetarum 260, 284, 401, 554. Triplici spiritu propheticō plena 554, 555. Prophetat suam exaltationem 165 et Ecclesiam perennem 284. Christus appetit primum Mariæ 237. Nullum iudicium passa 574. Vide etiam *Conceptio immaculata* n. 6, *Maternitas* n. 11, *Excellentia* n. 18, et serm. 5 in *Signum magnum*.

18. *Excellentia*. Maria divina excellentia et nobilitate ornata quoad naturam, gratiam et gloriam 276, 456, 482, 483, 548, 549. Mulier ter maxima 131, 179, 180. Magnus mundus 126, 135. Mare magnum in quo flumina sapientiae, potentiae, sanctitatis 292, 293, 295, 296, omnes fontes bonorum Dei influxerunt 380. Compendium et thesaurus bonorum et perfectionum Dei 8, 27, 28, 58, 91, 170, 351, 352, 368. Compendium mirabile categoriarum in visione Apocalypsis comprehensarum 337, 338. Divinum, ingens miraculum 10, 49, 276, 419, 442. Cumulus miraculorum 10-15, 240, 289, 290, 295-297. Deus omnipotens, non legibus ordinariis cum ea egit 330, 477. Deus magnus in omnibus, maior in Ma-

ria 214, 314, 356, 357, 465. In ea omnimoda perfectio 337, 458, hinc perfecta simpliciter dicta ut Deus ens 429. Magna in omnibus 125, 267, 291, 292. In coelo et in terra nihil ipsa pulchrius. praestantius, etc. 105, 135, 199, 250. Quidquid boni, splendoris, nobilitatis in rerum natura, in Ecclesia, in mundo, in Paradiso Mariae collatum 290, 350, 365, 418, 445, 456, ideo in sole, luna, stellis et muliere Apocalypsis figurata ibid. Coelestis Pandora 143, 455. Excellentissima, suprema 211, 212, 250, 261, 456, 467, ideo lillum et civitas regis magni dicta ibid. Nobilissima creaturarum 17-25, 248, 258, 490. In omni genere entium unum praeципuum, inter homines post Christum Maria 217, 582, 583. Per excellentiam ei competit quidquid dignum laude in Ecclesia reperitur 467. Laudes Dei et Christi in eius honorem redundant 141. Fundata super bases potentiae, sapientiae et bonitatis Dei 36, 385, 457. Omnis sub Deo creatura Mariae pedibus subiecta 42, 56, 97, 178. Per omnia corpore et spiritu, gratia et gloria similis Christo 9, 18, 105, 174, 179, 180, 187, 198, 236, 237, 317, 365-368. Similium Deo potentia, sapientia etc. 41, 144, 183, 205, 212, 263, 341, 342, 388, 389, 460, 508, 509. Imago Dei 129, 133, 145, 267. Quasi aequalis cum Deo 207, 208. Comparatio inter Deum et Mariam 106. Opus mirabilissimum perfectissimumque inter omnia mirabilia opera Dei 594, 595. Haec magnitudo intellectui creato incomprehensibilis 167, 358, 376, 451, 579, 580, ut sancta sanctorum inaccessiblem sacerdotibus ibid. Hinc benedicta ab omnibus et quoad omnia 132, 163-166, 174, 175, 224-230, 242, 348, 369, 370, 427-429, 561, 577-579; iisdem quibus Christus laudibus laudata 376; hinc a Deo, parco in suis operibus etiam perfectis laudandis, usque ad admirationem laudata 375, 376, 379, 435.

Etius excellentia eruitur etiam ab amore Dei erga eam. Deus captus est amore eius 119, 126, 133, 135, 141, 198. A Deo super omnes creaturas dilecta 346, 349-351, 461, 462, in primo instanti suae conceptionis 472, ab aeterno 480. Plus amoris Dei in unam ipsam quam in omnes creaturas 350. Ipsa suprema sphæra amoris Dei 351, 352. Deus in ea reperit omnes amoris titulos 353, 435, 585, 586. Hic amor figuratur in Canticos 435. Vinculus amoris Virgo Deum de coelo in terram traxit 198, insanire eum quodammodo fecit 198, 199, et de ipso

potuit quod ex se facere non poterat 199. Sic eam Deus dilexit ut Filium ei Unigenitum daref 519, 545, 549, 585.

De excellentia, magnitudine, nobilitate agitur praesertim in serm. 1, 2, 3, 4 in *Signum Magnum*; in serm. 9, 10 in *Magnificat*; in serm. 4, 5 in *Beatus Venter*; in serm. 1, 3, 4, in *Ps. 86*; de amore autem Dei erga Virginem agitur praesertim in serm. 2 in *Ps. 86*, et in serm. 8 in *Conceptionem Immaculatam*.

19. Devotio et beneficia. Magna erga Mariam populorum devotio ab Isaia predicta in illo: *Confluent ad eam omnes* etc. 342. Summa religione colenda 250. Colenda qua Mater Dei licet a Scriptura non praecipiatur 308. Devotio eius imperata in figura arcae 41, 101, 334, 325, 326. Devotio in eam summa pietas est 41. Publice colenda 302. Devotione in eam Electi a reprobis et Catholici ab haereticis dignoscuntur 171. Eius honor in Christi honorem redundat 303. Ab Ecclesia toto orbe cultu piissimo venerata 253, 383, iam ab initio et semper 171, 250, 251, praesertim post victas haereses 234. Ioannes Ev. Deiparam summa pietate colit 6. Sancti Patres Deiparae cultum praedicanter et ipsi in eius cultu assidui 172, 253. Angeli eam perpetuo coluerunt et nunc etiam perpetuo colunt 100, 101, 177, 327. Venerata ab Angelo priusquam Dei Mater effecta 43, 223. Ecclesia militans et triumphans, Angeli et universa coelestis curia eam venerantur 43, 101. Christus eam honorat et honorandam praedicat 67, 245, 246, 301-304, 561-563. Honoravit semper Deus Mariam plusquam Assurerus sponsam Esther, plusquam Salomon matrem Bethsabee 243, 244.

Colenda reverentia. Rationes. Dei imago praestantissima 144, 145. Proxima Deo 318, 320. Filia, Sponsa et Mater Dei 308, 320, 496. Arca et Sancti adorati, magis Maria adoranda 41, 101, 324, 325, 326, 334. In ea divina praesentia, dignitas, sanctitas et gloria 325, 326. Propter beneficia accepta et promerenda 327.

Colenda fiducia quia summe potens. A Deo prae omnibus dilecta 342, 349, 350-353. Omnia potest apud Deum utpote benedicta inter mulieres 387, 594, 595. Matrimonium eius causa salutis et vitae aeternae mundo 112, 159, 254. Summa eius auctoritas apud Deum et Christum 110, 146, 183

243, 250, 820, 496. Auctoritas eius incomprehensibilis 293, 386. Arca potentiae Dei in salutem Ecclesiae plorumque Christianorum 147, 186. A Deo opus mirabilissimum et perfectissimum operum suorum et sibi simillima facta ad nostram utilitatem 292, 297, 332, 389, 451, 452, 594, 595. Causa omnis consolationis et salutis sicut Esther Hebreis 183, 184, 587, 588, 594, 595. Omnia a Christo obtinet ob acceptum ab ea in incarnatione davidicum regnum et novum regnum Ecclesiae 264, 374, 375. Regina potentissima 389, 587. Petra deserti ex qua aquae beneficiorum 389, 587. Plus potest in caelo quam omnes Angeli, Sancti et ceterae creaturae, et plus valeret pro nobis si etiam tota Curia coelestis obsisteret 144, 170, 350, 381. Fons et mare gratiarum 125, 126, 170, 186, 380, 390, 391. Potentissima creaturarum 298. Coelestis thesaurus omnium bonorum et gratiarum, thesauraria omnium bonorum Dei 8, 27, 28, 58, 254, 286, 588. Multo utilior Maria quam sol, luna et stellae omni tempore et omni loco 28, 36, 142, 292, 297, 332, 389, 594, 595. Coelestis columna ignis in deserto mundi 172. Nubes Eliae mundum fecundans 460, 578. Salus et scala iustorum et peccatorum 36, 57, 254. Per eam et ab ea omne salutis nostrae beneficium, 91, 109, 253, 242, 254, 493, 503. Mare incorruptionis pro se et fidelibus 184. Fons gratiae perennis, inexsiccabilis, irrigans Ecclesiam militantem et triumphantem et universam terram, 142, 391, 492, 579. Aquaeductus Christi et gratiarum 155. Patrona Ecclesiae 250. Accepit gratiam miraculorum et protectionis 146. Porta per quam intramus ad Christum 498. Magna arbor gratiarum cuius fructus vita, dulcedo, spes nostra 253, 393, 394, 395. Paradisus Dei pro nobis fructificans 391. Eius orationes Deo gratissimae ideo efficacissimae, in eloquio Sponsae figuratae 261, 262, 402. Collum mysticum corporis Ecclesiae 578. Terribilis ut acies ad nos defendendos 111, 147, 185, 186, 242, 561. Vide praesertim sermones omnes in *Salve Regina*, serm. 10 in *Satut. Angel.* et serm. 5 in *Beatus venter*.

Colenda fiducia quia summe bona. Et non deest facultas nec voluntas gratias impertidi 170, 246, 247, 331, 389, 403. Omnia bona nobis vult 250, 320. Advocata nostra sapientissima et omnipotens, mediatrix optima inter Christum et homines 57, 58, 144, 170, 251, 254, 397, 398, 399, 403,

493. Qua advocata praecipuum beneficium Ecclesiae a Deo datum 401, 403. Pietas eius erga nos maior quam Esther erga Iudeeos 247. Pietas eius etiam post sublimationem in terra patet in nuptiis, visitatione et sub cruce 246, 247, 249, 390, 391, 395. Nunc in caelo aucta 248, 250. Semel pro se precata, alias pro nobis 249, 261. In caelo orat pro nobis quia nec pro se, nec pro Filio, nec pro Sanctis et iam orandum 403. Eius summa erga nos caritas in uberibus Sponsae figurata 226, 433. Nobis bona vult quia humilis et benigna et sub Deo clementissima 282, 297, 298, quia plena gratia, id est, caritate 588, 595, quia causa nostri exaltata 320, 595. Pelagus clementiae 186. Nos infinita caritate diligit, quia infinita caritate Deum dilexit 353, 551. Mater nostra amantissima 14, 15, 57, 246, 247, 249, 253, 254, 353, 391, 396, 588, 594, 595. Mater nostra qua Mater Christi capit 175, 371. Mater nostra in cruce electa 175, 387, 588. Mater eorum qui ad vitam ordinati sunt, figurata in Eva 391. Mater viventium quia fructus eius vita, spes 394. Pro nobis corpus ieuniis et vigiliis affligit et contemplationem relinquit 530, 551. Pro nobis spiritualis sacerdos Filium immolat 183.

Non frustra colitur 252. Singularis humani generis adiutoria 251. Primum miraculum Christi obtinet 246, 247, 391. Gratias et Spiritum S. impertit Elisabeth et Ioanni, et domum Zachariae replet bonis ut arca domum Obededom 170, 548, 552, 554, 558. Filium suum Unigenitum dedit, dabit omnia 186. In Patmos Ioannem apparitionibus consolatur 7. Respicit ad corda, vota et laudes fidelium 167. Ipsam salutantes resalutat copiosis muneribus 170, 171. In largiendis beneficis meritum supplicum excedit et vota ut Rebecca et Bethsabee 332. Suis cultoribus erit ut Rebecca Iacob 403. Suis cultoribus est ut terra bona centuplum reddens 308. Beati qui erga eam sunt devoti 387, 396, 452. Causa mortis imponentibus et non devotis, causa vitae ceteris 36, 37, 101, 242, 254. In horrendum Dei iudicium incident quicunque hanc totius Divinitatis imaginem venerari et ut par est adorare contempserint 41. Vide etiam sermones pro potentia allatos.

20. *Imitatio.* In exemplum ut Christus nobis data 47, 281. Virtutum omnium forma 47. Exemplar matrum 64. Exemplum invictae patientiae et fortitudinis sub cruce 68, 69. Exemplum humilitatis

281, 282, 344, puritatis animi et bonorum operum fecunditatis 312, fidei 343, caritatis 344, purificationis animi per poenitentiam et cordis totius oblationis 514. Summopere imitanda 250. A prima aetate Ecclesiae ab omnibus Christifidelibus semper mirifice imitata 250, 251. Salvabitur tantum anima eidem similis 269, 281. Vide etiam n. 16 (*Virtutes*).

Marcionitae. Haeretici Virginem veram Christi Matrem negantes 234, 303.

Mare aeneum (in templo Salomonis). Figura Mariae quoad gratiae plenitudinem 549.

Mare Rubrum. Figura peccati originalis 459.

Maria Magdalena. Contemplatrix 551, Christi amans 591, 592, 593, 594, a Christo dilecta 594, optimam partem eligit 571, triplici capite laudata 224, 343 et *Maria*.

Mariomastiges. Mariæ calumniatores. Sic vocantur omnes haeretici Mariæ detrectantes 172, 234.

Martha. In ea et sorore eius omnis sanctitas ostenditur et quare 592.
— Sollicita erga Christum 551, 591, 592, 595, a Christo dilecta 594 et *Maria*.

Materia prima. Prope nihil est 211, 489.

Melchisedech. Sine genealogia introducitur ut quiddam coeleste 8, 9, 497 et *Maria*.

Meritum. A caritate et Dei gratia dependet 276.

Metaphrastes. De Simeonis gladio 63.

Michael. Interpretatur: Quis ut Deus 92. Nomen eius monstrat incarnationem quodammodo impossibilem 92.

Michaeas. De Virginis gratiae plenitudine 451.

Mina. Apud Hebraeos tringita unciarum erat 439.

Miraculum. Miraculorum genera duo 442. Quatuor praecipua miracula in mundo 286.
— Miraculum est opus supernaturale, vires naturae excedens, insolitum 13, 442 et *Maria*.

Mons altus. Dicuntur Angeli, Sancti, fides, spes, caritas, virtutes, Spiritus S. dona 42, 43, 341, 425, 451, 463, 482, mens, intellectus, animus, coelestium contemplatio 343 et *Maria*.

Moria. Unus montium supra quos Ierusalem fundata, et ubi Abraham Isaac sacrificat 127, 344, 472.

Moyses. Princeps synagogae, frater Mariæ 177. Populum a servitute liberat 82. Deus Verbum ei apparet 95, 96, 152, 209. Deus ei nomen suum manifestat 177. Deo tabernaculum construit 177. Phi-

Iosophus, theologus 207. Divino afflato non humano impulsu scribit 453. Suum spiritum manuum impositione in losue transfundit 191. Nihil dicit de dolore Adam et Evae in morte Abelis ob eius ineffabilitatem 61.

— Mariam praedicit satanae capitalem inimicam et victricem 164, virginem 310, Matrem Dei 233, 373, immaculatam 495, a satana persecutionibus lacessitam 60, 519. Deus ei apparet minori gloria quam Maria Ioanni 9, 10. Nihil scribit de creatione Angelorum et paradisi coelestis et quare 8, 453, 454, immediatam Dei visionem habet 31, splendorem vultus sui ignorat 30, matrimonio nobilissimum 118, amicus Dei intimus 54, 143, a Deo plusquam omnis populus dilectus 350, populi adlocutus apud Deum potentissimus 400, 401, 403, vir sanctissimus 119, 212, fidelissimus, mitissimus, humillimus etiam in gloria 164, 190, 248, inter Prophetas primus 217, Deus cum eo 208, imago Dei particularis 143, in eo simul iunctae dignitas regia, pontificia, scientia, sanctitas 145, 212, gratiam miraculorum accipit et prodigia operatur 146, 212, deus Pharaonis constitutus 53, 147, 212, in visione rubi quodammodo deificatus 212, magnus auctoritate 291, 292 et *Maria*.

Muller. A muliere perditio, a muliere salus 120. In V. T. tum sterilis tum fecunda maledicta 132, 521. Tres maledictiones mulierum per Evam 218. Per Mariam benedictae omnes virgines 219. Benedictio mulierum in V. T. in fecunditate potissimum sita, in N. T. in integritate 219. In mulieribus rara avis silentium 261. Virtus in eis divinum plane ornamentum 353, insana vanitas corporalis pulcritudinis studium 224.

— Mulieri dos datur pro sponsi nobilitate 126, 490, triplici gaudio affici potest 227, eius dignitas, fortuna, nobilitas a propria virtute, a parentibus, a sponso, a filio 235, 293, 367, 490, 564, sponsa est sponso hortus deliciarum et generationis adiutorium 122, eius uterus prima domus hominis 438, 491, eius pulcritudo magnam habet in virum potentiam 198, amor in eam oritur a quinque fontibus 353, magnum eius beneficium bonus sponsus et boni filii 221, 222, multae mulieres magnaee beneficiisque auctae et laudatae in Scripturis 131, 221, 224, 292 et *Maria*. Mulier in purificatione, vide *Purificatio*.

Mulier evangelica. Spiritu S. afflata Virginem laudat encomio quadruplici ratione insigni 167, 301-304, 450.

Contra haereticos, Calvinum praesertim, probatur eam non fuisse a Christo reprehensam, nec eius laudem in Virginem diminutam sed contra auctam 301-304, 561, 562.

Mulier fortis in Proverbii. Figura Virginis 165, 260, 433, 585.

Mundus. Homo magnus 258. In eo non est vacuum 489. In eo quae non videntur sunt pretiosiora illis quae videntur 341. Meritis Sanctorum, Mariae et Christi servatur 363, 362. In Babylone, Aegypto, Tyro, Philisthaeis figuratus 362. Misericordia aedificatus 120.

— Domus Dei 314, domus hominis 450, regale palatum in quo cuique rei locus conveniens 455, eius partes et substantiae quo altiores eo nobiliores et maiores 96, 258, 341, 583, et per gradus infinita prope distantia dispositae 211, ideo figuratus in statua Nabuchodonosor 341, 583, in scala Iacob 211 omnis eius sphaera superior inferiores continet, sic in homine, Ecclesia etc. 230 et *Maria*.

Munus. Licit exiguum magnum efficitur ratione personae offerentis 514, 515.

Musica. Triplex apud Graecos 274.

Myrrha. Corpora a corruptione praeservat 502. Poenitentiam designat 434. Pars Mariae nominis hebr. 179, 185, 502.

N

Nabuchodonosor. A tribus pueris hebraeis irrisus 25, 41. Statuam erigit adorandam 39 sqq. Ex qua materia formata etc. 40, 258. In ea partes quo superiores eo nobiliores 40, 258. Figura mundi 258, 341, 583 et Mariae 39, 40, 41. Arbor ei visa ante destructionem figura felicitatis et gratiae, post destructionem figura miseriae et peccati 494, radix eius viva relicta figura Christi et Mariae 494.

— Ipse magna arbor 394, 395 et *Maria*.

Nainitis mulier. Christus suscitat filium eius 81. — Amaritudine repleta 65, resurrectione filii gaudio affecta 73 et *Maria*.

Nathan. Praenunciat Davidi Salomonem 88, 95.

Natura. In natura vacuum non est 489.

Natura humana. Eius felicitas ante peccatum et in-

felicitas post casum in arbore Nabuchodonosor figurata 494. Vide *Homo*.

Nazarei seu Nazareni. Christiani sic dicti 115, et mystice sunt 116. Joseph patriarcha nazaraeus quia figura Christi 115. Eorum religio 115. Non poterant bibere vinum 138. Christus nazaraeus 157.

Nazareth. Interpretatur separatio, sanctitas, consecratio, corona 115. Quare Christus in Nazareth conceptus 116.

Nestoriani. Haeretici Mariam Christi hominis matrem facientes sed non Dei, anthropocon, Christotocon non autem Theotocon 234, 251.

Nestorius. Negat Mariam Theotocon 306. A concilio Ephesino damnatus 306.

Nix. Designat sanctitatem et puritatem 559, 565, 567, gratiam 567, 560, peccatum et malum 567. Exempla et rationes ex Scriptura 559, 560, 565, 566, 568.

Nobilitas. Idem ac lux 18, 19, 361. Vera nobilitas nunquam servisse peccato 22, 25. Deus nobilitatis cupidus 24. Christus nobilis homo 24, 365, 366. Deus non magni facit mundi nobilitatem 24. Nobilitas servorum Dei in coelo 25. In virtute consistit 483, hac Deus delectatur 483.

— Nobilitas ex praedestinatione, prosapia, gratia, gloria 17-25, ex natura, sanguine, privilegio, virtute, matrimonio 20, 111 et sqq., 367 et *Maria*.

Noe. Vir iustus et perfectus 54, 90, 105, 118, 164, 190, ambulat cum Deo et invenit gratiam 90, 208, ideo a diluvio servatus 459, 483, 499 et *Maria*.

Noemi. Amaritudine repleta 65 et *Maria*.

Novatores. Haeretici gratiam externum Dei favorem erga nos definientes 105 et Virginem blasphemantes 172.

Numerus. Unus ab alio specie differt 584.

Nubes Eliae. Figura Mariae quoad gratiam initialem 460, quoad copiam beneficiorum 578.

Obededon. Domus eius ob mansionem arcae benedictionibus repleta 314, 548 et *Maria*.

Objectum. Intellectile est domus intellectus 464, delectabile est domus voluntatis 464.

Obumbrare. Idem ac protegere 29, idem ac maritum agere 30.

— Maria a Spiritu S. obumbrata 29, 30, 31.

Olda. Prophetis a sanctitate et prophetia laudata 131 et *Maria*.

Opus. Opera nostra bona mille imperfectionibus plena, ut ex vite vinum et vinacia 521. De bono opere gratiae agendae, de malo poenitentia facienda 521. Opus bonum augmentum gratiae in hoc mundo et mercedis in alio 528. Opus laudat opificem 303.

Oratio. Intellectu et voluntate facienda 271. Varia orationum genera 275. Deum et animos quodammodo ligat 431.

— Orationes Sanctorum Deo gratae 402 et *Maria*.

Origenes. De gladio Simeonis 63.

Oza. Morte mulctatus quia arcum tetigit 36, 37, 101, 569 et *Maria*.



Pandora. Prima mulier mythol. a singulis diis proprio dono donata 141, 446, et *Maria*.

Papa. In eo et ex eo omnis potestas in Ecclesia 230, 359 et *Maria*.

Paradisus coelestis. Locus lucidior sole isto 584. Magnificentiae mirabilis 359, 360. In eo dat Deus Beatis gloriam et sui visionem et fruitionem 210. Eius gloria ex tribus potioribus operibus Dei 236. — Locus ubi videtur Deus 100, 151, 215, domus Dei 314, eius gloriae vix medietas cognosci potest 358, nihil de eo a Moyse dictum et quare 454, domus Angelorum 450, 455, 463 et *Maria*.

Paradisus terrestris. In eo ante peccatum gratiae actae non leguntur 83.

— Prima mulier in paradyso formata 20, multis titulis a Moyse laudatus 370 et *Maria*.

Parelium. Solis imago 460 et *Maria*.

Paraphrastes chaldaeus. De selah 358, 463.

Pastores. Primi Christum adorant 521, 522. Animas incipientes designant 522.

Patientia. Magnitudini eius respondet magnitudo gloriae in caelo 586, 587 et *Maria*.

Patriarchae. Montes dicti ob sanctitatem 425, 451, 463, 482, eorum sanctitas in fine vitae 462 et *Maria*.

Paulus Apost. Ecclesiam Dei persequitur 253. Prostratus et conversus 253. Quid per induere et expoliare intelligat 32, 33. Quid de fide 44, 45, 46. Electus in doctorem gentium 54. Electos etiam Angelos in gloriam Christi docet praef-

destinatos 79 et Christum causam exemplarem et finalis sanctorum 80. De magnitudine mysterii Incarnationis 123. Insignis praedicator gratiae 193. De mensura gratiae 194. Atheniensibus praedicit immensitatem Dei 207. De perfectione Christi a conceptu 239. Suum dicit commune redemptionis beneficium 263.

— Refert Melchisedech ex insperato introductum 8, 9, visionem immediatam Divinae Essentiae habet 31, amat ardenter Christum 67, gratiam miraculorum habet 146 et *Maria*.

Pax. Ubi iustitia 379.

— Magna pars felicitatis cuiusque civitatis 378 et *Maria*.

Peccatum. Tenebrae 424. Nix 567. Lepra 567. Adulterium cum diabolo 501. Violatio virginitatis spiritus 501, 503. Fornicatio secundum Script. 443. Dictum, factum vel concupitum contra legem Dei 566. Divinae legis transgressio et coelestium mandatorum inobedientia 566. Triplex peccati tenebra: originalis, mortalis, venialis 424. Putentissimum stercus et sentina vitiorum 503.

Peccatum originale. Origo actualium iuxta August. 444. Infinitum quoddam malum 446. Hominem reddit Dei inimicum 443, 472 eique dissimilem 473, mancipium, scortum diaboli 443, 501 et ei similem 473. Virgo maluisset maternitati renuntiare quam eo foedari 478. Odium et ira Dei 464. Ratione voluntarietas est minus veniali 478. Figuratum in diluvio 459, in lordanie 460, 471 in mari Rubro 450, 471, in tenebris Aegyptiorum 460, in flumine Apocalypsis 461, 462, 488, in fonticulo amaro scythico 495. Causa omnium malorum 471. Habitus dissimilitudinis ad Deum homini inditus 473. Privatio originalis iustitiae debitae 82, 473. Concupiscentia mali 473. Habitualis voluntatis aversio a Deo ibid.

Peccatum veniale. Ratione voluntarietas maius originali 478.

Pelagiani. Haeretici peccatum originale negantes 443. Contra eos S. Augustinus ibi.

Perfectio. In malo vitando et bono faciendo consistit 536.

Petrus Apost. Electus in caput Ecclesiae 54. A Christo novo nomine vocatus 177. Mariam Matris Dei titulo exornat 233. Gratiam dicit multiformem 194 et participationem divinae naturae 106.

— Gratiam miraculorum habet 146, maiori gloria miraculorum coruscat quam Christus 10, laudatus fide 164, 343, personaliter beatus dictus 329, inter Apostolos primus 217, singularis Dei imago 143 et *Maria*.

Pharao. Ommem terram Aegypti praeter sacerdotalem tributo subiicit 448 et *Maria*.

Philisthaei. Propter timorem arcae ingemunt 111. In eorum regno arca miracula operatur 146, 186. Pulverulentii interpretantur 362. Mundum figurant ibi.

Philosophia. Tria de re quacumque iubet dicere 262.

— Ex uno principio conclusiones omnes elicit 479 et *Maria*.

Pietas. Summa Deum magnum benefactorem agnoscere 264.

Platonici. Quid per lunam et quid per solem intelligent 29, 46.

Plautus. Sponsos coronis decoratos describit 264.

Plinius. Colossum Rhodi describit 40. Supra centenas spicas ex uno grano tritici ortas refert 310.

Poema heroicum. Tria requirit: subiectum, actionem et finem 257.

Pontifex summus Hebraeorum. Sponsam virginem ducere debebat 412, 447, solus in sancta sanctorum ingrediebatur 358, 447, 531 et *Maria*.

Primogenitum. Primogenita offerebantur in templo in memoriam liberationis de Aegypto 519, 527.

Praedestinatio. Gradus in praedestinatione 97. Quo quis altior in praedestinatione gloriae eo locupletior in gratia 98. Effectus amoris Dei 347. Ichnographia, archetypum totius Ecclesiae 347. Est praeparatio gratiae, gloriae 481. Praedestinatio Christi, vide *Christus (Incarnatio)*. Praedestinatio Mariae vide *Maria n. 4 (Praedestinata)*.

Procreatio. In ea non est vacuum 489.

Prophetae. Praecipuum munus eorum advocationem agere apud Deum 400, montes dicti 445, 463, 482 et *Maria*.

Prophetia. Triplicis generis iuxta res cognitas praeteritas, praesentes, futuras 553.

Propitiatorium. Figura Christi 416-418.

Providentia. Decem eius rationes in theologia Hebraeorum 337.

Pueri tres hebrei. Ex semine regio 25. Leones contra Nabuchodonosor 25, 41.

— Ab igne fornaci illaesi 496 et *Maria*.

Pulcritudo. Corporalis consistit in optima proportione partium ad invicem 105, spiritualis in caritate et luce 106. Pulcritudo animae puritas conscientiae 106. Pulcritudo vera in oculis Dei virtus, et sanctitas 126. Cibus, obiectum amoris 128, 346.

Purificatio. In ea mulier purgabatur 517, 520, 527, primogenita offerebantur ibi, et quinque siclis redimebantur 518.

— Duplex est: a sordibus 508 et per maioris gratiae infusionem 511 et *Maria*.

Puritas. Consistit in gratia et plenitudine Spiritus Sancti 543, et in unione spiritus nostri cum Deo 540 et *Maria*.

Pythagorici. Per quaternarium iurabant 417.

Q

Quadragenarius numerus. Symbolum purificatoria poenitentiae 513, 514.

Quaternarius numerus. Symbolum Divinitatis 417. Per ipsum Pythagorici iurabant ibid.

Quinarius numerus. Finitam creaturarum perfectiōnem designat 418.

R

Rachel. Interpretatur ovis 90, pulcherrima 131, 192, 224, 292, 352, laudata 164, divinis beneficiis aucta 221, Iacob eius amore captus 133, 135, a sponso copiose dotata 126, bonum virum a Deo accipit 221 et *Maria*.

Raphael. Interpretatur medicus Deus, et finem incarnationis ostendit 92.

Rebecca. Interpretatur saginata 90, pulcherrima et incognita viro 89, 135, 224, 292, 352, 416, quia futura mater totius Israel 487, omnibus bonis Abrahamae dotata 90, 91, 126, 135, 136, 490, ut digna esset Isaac 490, bonum virum habet 221, multis beneplacitis cumulata 221, laudata 164, matrimonio nobilissima 117, 235, Iacob benedictionem obtinet 245, Eliezero plus quam petit imperit 332 et *Maria*.

Redemptio. Nobilis redemptionis modus est per praeservationem seu praeliberationem a peccato 490 et *Maria*.

Regina. Honoris causa iisdem titulis ac rex honoratur 478 et *Maria*.

Reginae in Canticis. Animas perfectas designant 227, 276, 427, 572 et *Maria*.

Respublica veneta. Diligit Venetas super omnes civitates 348 et *Maria*.

Rhodus. Eius colossus mundi miraculum 40.

Rosa. Vide *Lilium*.

Rubus. Ex eo Verbum revelat se Moysi hominem futurum 95, 152, 209.

— Figura Mariae quoad virginitatem et fecunditatem 11, quoad humilitatem 286, quoad immaculatam conceptionem 448, 496.

Rupertus. De apocalypsis visione 7.

Ruth. A Booz benedicta 222, 223, laudata fortitudine et virtute 224, nobilissima matrimonio 21, 118 et *Maria*.

S

Saba regina. Magna Salomoni offert, sed maiora ab eo recipit 532, 543 et *Maria*.

Sacerdotes V. T. Purissimi esse debebant et soli sanctum ingrediebantur 177, 358, 474, 489, 531.
— Sanctum sanctorum ingredi non poterant 358, 489 et *Maria*.

Salomon. Figura Christi 157, 244, 374, 457, 593. A Nathan praenuntiatus 88, 119, 157. Natus in bonum Hebraeorum, Christus in nostrum 158. Arcae templum aedificat, Deus mundum Christo 86, Christi simul et Mariae laudes celebrat in Canticis, Mariae in Proverbiis 336.

— Magnus sapientia et gloria 54, 56, 291, 357, 358, sapientia repletur ut dignus rex Israel sit 481, in eo plura dona simul 145, Deus cum eo 209, cor perfectum ei pater precatur 171, nobilissimus matrimonio 118, templum magnificum arcae aedificat 455, 458, 495, sibi, sponsae, Deo dignas domos aedificat 450, 481, 482, sanctum sanctorum splendide exornat 495, matrem Bethsabee impense honorat 243 244, 570 et *Maria*.

Salutatio. Est bonorum omnium impetratio signumque amoris 171, 557. Apud Hebreos, Latinos et Graecos 168.

Salutatio angelica. Magnum pelagus laudum Virginis 166. Compendium totius Evangelii, Redemptionis mysterium continens et fidem promissorum

Dei 170, 173. Quid significet, fusius vide indicem primum, 603-604.

Samson. Interpretatur sol eorum 95. Ab Angelo praenuntiatus populi liberator, ita Christus 12, 88, 95, 119, 157, 158. Nazareus vocatus in Christi figuram 115. Fortitudo eius in septem capillis, Christi in septem Sp. S. donis 167.

— Miraculo natus 13, magnus fortitudine 291 et *Maria*.

Samuel. Interpretatur postulatus a Deo 506, 517. Sine peccato 506. Solus legitur in templo praesentatus 506. Duplici causa Bethlehem venit, sic Christus in mundum 81. Parallelismus inter eum et Christum 506.

Sanctitas. Perfecta consistit in perfecta legis Dei observantia 540, in caritate Dei et proximi 582, 592. Duo requirit: copiam virtutum et vitiorum absentiam in lectulo Salomonis figuratas 680. Tribus constat: sobrietate, iustitia, pietate 539. Triplex: sufficientiae, perfectionis, singularis excellentiae 539. Item triplex: minima absque mortali, maior absque veniali, maxima vel sanctitas sanctitatis absque originali 451.

Sancti. Equites Christi 589. Eorum imagines fidei mysteria populis praedicant 377. Eorum dignitas media inter divinam et naturalem dignitatem 325. Imagines Christi 592, 593, sanctitatis Dei 145, 325. Eorum preces etiam pro aliis a Deo exaudiuntur 146. Eorum cultus a Calvinio proscribitur 322.

— Omnes Sanctae Mariae imagines 592, 593. Omnibus Sanctis Mariae plenitudo gratiae incomprehensibilis 580. Honorandi 321-325, opus Dei 303, lux 423, montes 42, 43, 341, 425, 451, 472, 482, gratia miraculorum etiam post mortem donati 146, eorum orationes Deo gratae 402, nullus, praeter Christum et Mariam, gratia plenus 105, 191, 192, gratia plena ut rivuli, ut stellae 195, 196, 483, mirabilis eorum humilitas 278, multa Deo praestant praeter iustitiae debitum 510 et *Maria*.

Sanctuarium Moysi. Vide *Tabernaculum*.

Sanir mons. Lucerna interpretatur 582, et cum Amanea et Libano Virginis theologales virtutes designat 435, 582.

Sapientia summa Deum magnum agnoscere et toto corde diligere 264, 553.

Saron Mons. Feracissimus et miram Mariae bonorum copiam designat 418.

Sara. Interpretatur domina 89, 97, 178, laudata pulcritudine 131, 192, 224, 352, sterilis 89, nobilissima matrimonio 117, divinis beneficis aucta 221, bonum virum a Deo accipit 221, magna pulcritudine corporis et spiritus 292 et *Maria*.

Satanas. Vide *Diabolus*.

Scala Iacob. Figura mundi 211, Ecclesiae 583, 584, Christi 149.

Scriptura (S). Virginem immaculatam ostendit expressis verbis 415. Parca in Virgine laudanda et quare, vide *Maria* n. 1. (*Silentium Scripturarum*). Dum generaliter loquitur non semper omnes et singulos includit 414, res uti apparent solet referre 495 et *Maria*.

Sedulius. De virginitate et maternitate Virginis 219, 307.

Selah. Interpretationes variae 358, 376.

Senarius numerus. Perfectus et perfectorum primus 417, 575.

Sephiroth. Rationes divinae Providentiae apud Hebrewos 337.

Seraphim. Quid significant caput et pedes Dei ve-lantes 591. Eorum duodecim alae Angelos designant 575.

— Summa reverentia Deum adorant 267, 278, mon tes dicti 451 et *Maria*.

Sibyllae. De Christo et *Maria* locutae 312.

Signum. Miraculum significat 10, 442. Quid significet signum magnum Apocalypsis, vide indicem primum 597.

Silentium. Plura magis silentio quam verbis honorantur 8, 9, 590. Rara avis in mulieribus 261.

Simeon. Interpretatur obediens 522. In templo Moysis figuratus 639. Legatus Sp. S. Christum accipiens in templo 507, 508, 533, 546. Imago perfectorum multipli capite 522. Perfectus quoad Deum, proximum et seipsum 522. In ipso principium, medium et finis virtutis 535. Sanctissimus 539. Qua perfectus Christum in ulnas accipit 522. Christum multis nominibus honorat 522, 523, 525. Elias canticum compendium totius theologiae et utriusque Testamenti, et plura mysteria quam verba continent 523. Suae virtutis mercedem Christum accipit omnium bonorum thesaurum 524, 525. Deo gratissimus gratias agit 525. Christo accepto laetus moritur 535. Virginis dolores praedicit 60, 66.

Sion. Arx David munitissima 199, 200, 353, 354, 466,

ibi omnis regni israelitici collecta nobilitas 364, 365, 451 et *Maria*. Vide *Ierusalem*.

Sol. Per Briareum centimanum designatus et quare 210. Sponsus naturae 105. Rex coeli 389. Opus Excelsi 15. Siderum omnium maximus mole et virtute 34, 35, 197, 487. Agit circumlationem in caelo, ita Christus in incarnatione 115. Quid apud Platonicos 29 et Aegyptios 44. Figura Dei 33, 42, 210, Christi 33, 42, 105, 151, 383, gloriae et felicitatis 33. — Luce plenissimus ad nostrum commodum 32, 36, 142, 144, 389, 452, 494, 495, quocumque pergit totum luce replet 129, 223, in eo non minor liberalitas quam illuminandi potestas 144, in eo lux singulariter habitat 149, magnus longitudine, latitudine, profunditate, sublimitate 197, lunam simillimam sibi reddit ad nostram utilitatem 297, 332, lucidissimum astrorum 547, e purissimis coeli partibus formatus 483, coelum eius tabernaculum 483, lunam a principio a tenebris praeservavit 486 et *Maria*. Quid significet amictus solis in *Maria* vide indicem primum 598, serm. 3 in *Signum Magnum*.

Spes. Mons altus 341, 462 et *Maria*.

Spiritus. Idem ac animus 257. Anima quatenus substantia incorporea 271. Ipsius nobilitas in virtute 483.

Spiritus S. Consumentialis, coaequalis Patri et Filio, verus Deus, 158, 196, 507. A Patre et Filio procedit ut calor a luce solari 155. Quare in igne et aqua datus 567. Designatus per ignem 550, per oculos 530, per aquam 189, 431. Inhabitat ubi est gratia, nam gratia ab eo sicut radius a sole 188. Multi eo pleni 105. Christum in templo praesentatum accipit per Simeonem 507, 508. In vase mundo tantum a Deo ponitur 158. — Sponsus Virginis 29, 64. Quid sit illud: *Superveniet in te* 56, 114, 140. Mariam per Elisabeth laudat 165, 262. Eam aedificat 325, 440, 441. Ad eius animam ante satanam venit 487. Flumine suae gratiae ab initio irrigat 461. Humanis verbis nec ipse potest eius gratiae plenitudinem explicare 579, 580. Vide *Maria* n. 16. (*Virtutes*).

Sponsi. Apud antiquos in die desponsationis coronis redimiebantur 264. Duplice causa Deus homini dat sponsam 122.

Sponsus Canticorum. Figura Dei 198, 199, 201, 202, 265, 436, 437, Christi 241, 244, 374, 375.

— A Sponsa per omnia cognitus et laudatus 241,

265, impense dilectus 198, 199, 201, 202, 436, 437
et *Maria*

Sponsa Canticorum. In ea specialissime et principali figura Maria 466. Qualitates eius animae et corporis quid significant in Virgine vide serm. 8 in *Ave Maria* et 2 in *Concept. Immac.* Virgo in ea figurata quoad cognitionem 241, 284, et amorem Dei 198, 199, 201, 202, 436, 437, quoad gratiae plenitudinem 195, 225, 227, 435, 566, 572, 577, 578, quoad immaculatam conceptionem 496, 538, 539, quoad patrocinium et copiam gratiarum 391, 393, quoad laudes ei tributas supra omnes creaturas 227, 348, 427, in omnibus partibus 200, 201, 225, 226, 227, 374, 429-434, ab omnibus 282-290, 384, 426, 427 praelestum a Dilecto 225-227, 428-429. Vide etiam *Maria n. 2 (Nomina et figure)* et n. 16 (*Virtutes*).

Stella. Gloriam speciale designat 54. Per stellas Angeli et Sancti designantur 52, 195, 483, 575.

— Singulariter stella est Maria 142, 182-184. Stellae luce repletea ad nostram utilitatem 389, 452, in eis non minor liberalitas quam illuminandi potestas 144, stella soli proxima semper lucida nec eclipsim patitur 212, 483, 491 et *Maria*.

Quid significant stellae in capite Virginis, vide indicem primum 598, serm. 5 in *Signum Magnum*.

Stephanus diaconus (S). Plenus fide et Sp. S. 105, 191 et *Maria*.

Stoici. De virtutis essentia 64. De fortunae bonis 317.

Substantiae. In quatuor genera dividuntur 52. Vide *Mundus*.

Synagoga. Eius praecipuum a Deo beneficium patronos Moysem, Aaron et Mariam habuisse 400, 401 et *Maria*.

T

Tabernaculum Moysi. Exemplar eius prius Moysi a Deo datum 88. Typus Ecclesiae militantis 571. — Maiestate Domini repletum 108, 109, 128, 190, quadrangulare 174, mensuratum 196, Deus singulari modo in eo 207, 314, foris pellibus vilibus, intus auro vestitum 496 et *Maria*.

Tabulae legis in arca. Figurae Christi quoad sapientiam 440, 456 et Mariæ quoad perfectissimam legis observantiam 570.

Talentum. Apud Hebreos centum unclarum seu librarum erat 439.

Talmudistæ. De selah 358.

Tapinophrosini. Virtutem humilitatis graece generatim significat 283, 557.

Tapinosis. Conditionem vitem graece generatim significat 283, 557.

Templum Salomonis. Simile tabernaculo Moysi 88, 571. Figura Evae 469. Tribus partibus constans: atrio, sanctuario et sancto sanctorum 427, 522, 538, 571 et quomodo hebraice nuncupentur 531. Fingurant tres status Ecclesiae sub lege naturae, Moysis, Evangelii 539, tres status animarum in Ecclesia: incipientium, proficientium, perfectorum 28, 276, 427, 522, 571, 572, tres gradus virtutis: magnae, maioris, maxima 531, 539. Typus Ecclesiae triumphantis 571. Sanctuarium tantum sacerdotibus puris accessibile 177, 358, 489, 531.

— Super montem Moria aedificatum in loco sacrificii Abraham 99, 450, 451, 499, 500, ex lapidibus pretiosis, lignis nobilibus et auro undique collectis 25, 365 etiam pro fundamentis 22, singulari modo Deus in eo, singularis eius domus 98, 99, 207, 314, in eo loco gloriae Dei 98, 100, 108, 109, 128, 190, quadrangulare 174, mensuratum 196, in eo offerebantur sacrificia pro peccatis 150, Sanctum sanctorum etiam sacerdotibus inaccessibile 358, accessibile uni summo sacerdoti 358, 489, pro arca et propitiatorio gemmis et auro ornatum 447, 455, 456, 495, 499 et *Maria*.

Tetractin. Vide *Quaternarius*.

Tetragrammaton. Vide *Deus (Nomen et essentia)*.

Terra. Fons omnium tenebrarum 487. Vide *Anima*.

Tertullianus. De incarnatione ante peccatum revelata 78, et causa occasionali peccati 82.

Thales Milesius. Diis omnia plena dicit 209.

Thecuitis mulier. Auctrix ut ab exilio Absalom recocaretur 131, 216.

— Sapiens 57, 216, prudens 131, 224, eloquens 216 et *Maria*.

Theologia. Eius axioma 479 et *Maria*.

Thomas Aquinas. De eo singulare Auctoris elogium 475, 477. De fide explicita incarnationis in Adam 78. De valore animae Christi 79. De auctoritate Ecclesiae 477. De Angelorum specie 585.

— De excellentia divinae maternitatis 476, 477. De

Virgine et peccatis venialibus 475. Expenditur eius sententia de immaculata conceptione 477.

Thus. Orationem designat 434.

Thronus Salomonis. Figura Mariae quoad copiam omnium virtutum 18, 457, 458.

Timanthes. Pictor excellentissimus 61, 590, 591.

Topus albus. Vide *Arminius*.

Tribulatio. Quid in tribulatione faciendum 5, 69.

Triticum. Fecundissimum est, supra centenas spicas aliquando produxit 310. Panis triticel sapor temperatissimus 433.

Trismegistus Mercurius. Mirabilis Dei definitio ei tributa 115. Mundum dicit vas Deo plenum 207.

Tyrii. Angustiati interpretantur 362. Figura mundi calamitosi ibi.

U

Unio hypostatica. Unio personalis naturae divinae cum humana 115.

V

Valentiniani. Haeretici Virginem veram Christi matrem negantes 234, 303.

Venetiae. Civitas mundi miraculum 342 et *Maria*.

Verbum Dei. Procedit a Patre ut radius a sole 155.

In maximo flumine paradisi figuratum 156. Vide *Christus et Incarnatio*.

Virgilius. Iovis omnia plena dicit 207. De Hypani flumine 495.

Virginitas. Figurate quid sit 312, 313.

Virtus. Perficit naturam non destruit 64. Ex ea vera animi hilaritas 169. A virtute non a fallaci vanitate petenda laus 225. Triplicis generis: purgatoria, animi purgati, heroica 531, 583. In mulieribus divinum ornamentum 353. Cor hominis dignam Dei habitationem facit 526. In utroque sexu perfecta reperiri potest 523. Hominem similem Deo reddit 352.

— Altus mons 341 et *Maria*.

Vitta coccinea. Silentium designat 261.

Vitulus (Ezechielis). Iustitiam designat 523 et Chrustum in passione 534.

Vocatio. Effectus amoris Dei 347. Tractus cordis humani 348.

Voluntas. Domus eius obiectum delectabile 464. Intinitae capacitatibus 549, 577.

Z

Zacharias propheta. De Mariae virginitate loquitur 311.

Zacharias pater Io. Bapt. Divina memoria interpretatur 556. Gabriel Ang. ei apparuit 112, 118, 165. Ab Angelo coargutus et punitus 139.

— Spiritu S. plenus 105, 548, Spiritu S. afflatus canit 261 et *Maria*.

Zorobabel. Eius templum figura Mariae 468 sqq.

ERRATA CORRIGE

Pag.	8	Linea	34	Ps. 61, 1	Ps. 64, 1
»	32	»	28	Sententiam	Sententia
»	41	»	27	proprius	propius
»	42	»	24	manum	manuum
»	62	»	14	omnem	omne
»	64	»	In tit.	Sermone	Visionem
»	148	»	18	Gratiam	Gratia
»	199	»	28	Arcam	arcem
»	207	»	15	possut	possunt
»	215	»	34	Canus	Canum
»	223	»	14	copronomi	copronymi
»	251	»	28	iperduliae	hyperduliae
»	338	»	3 (margin.)	doni	dona
»	417	»	35	Ἐπιτά	Ἐπιτά
»	425	»	19 (margin.)	verti	vertice
»	433	»	32	dodin	dodim
»	445	»	36	Ἑμέραι	Ἑμέρα:
»	485	»	18	adiuvabit	adiuvavit

34979

208.8

L 373

S. LAURENTII A BRUNDUSIO

AUTHOR

Opera Omnia

TITLE

Vol. 1

Mariale

DATE
LOANED

BORROWER'S NAME

STORAGE - CBPL

26829

